


國醫周志林編

本艸用法研究

中華書局印行




本草用法研究

民國三十年九月發行
民國三十七年八月再版

本草用法研究 (全一冊)

◎ 定價國幣十八元

(郵運匯費另加)



編者 周志林

發行人 李虞杰
中華書局股份有限公司代表

印刷者 中華書局永寧印刷廠
上海澳門路八九號

發行處 各埠中華書局

(一七七二)天

夏序

某藥性寒。某藥性熱。某藥補虛。某藥攻實。某藥逐水。某藥瀉火。試執藥肆中人而問之。莫不應對無誤。然而不能爲人治病者。何也。曰。彼僅熟知藥性。而不知用法也。仲景一百一十三方。三百九十七法。而藥不滿百味。蓋得其法。則應用無窮。雖不同之藥。可以除同一之病。不得其法。縱用同一之藥。不能起同一之病。善夫。周子之編本草。曰用法研究。乃不欲學者之死。執寒熱補瀉之藥性。而欲學者之致力於配合得當。化裁得法也。書凡二十二編。自發表起。麻醉止。採

藥八百餘味。都三十餘萬言。注重實驗。兼收新說。獨詳於配。合研究。以一人之力。集各家之學說。是本草之完備本也。喜其出版有日。爰爲之序。

民國三十年六月松江夏仲方

自序

大將赴敵。無訓練之軍隊。焉能制勝。醫家治病。無合法之藥劑。焉能去疾。所以大將立功。全賴軍隊之力。而醫家成名。亦賴藥物之靈也。雖然。軍隊勁矣。爲將者不諳韜略。每遭覆沒之慘。藥物佳矣。爲醫者不明功效。輒蹈殺人之禍。此非軍隊與藥物之咎。乃在用者之不知法也。夫用法豈難知哉。亦惟不加研究耳。若研究之而不知。斯真難知矣。是說也。雖合乎理。其實研究困難之處甚多。卽如習醫者之於藥物。其性味也。歸經也。功效也。處方也。苟無良師指導。終不得入門。無異野狐參禪。各家本草。或博而蕪雜。或簡而掛漏。不將切實用法指出。如此欲求其知。不亦難乎。余少好醫學。醉心此中者幾二十年。嘗編著國醫診斷病理藥物三段結晶一書。問世。謬承海內推許。茲又不揣寡陋。費數年心力。輯纂此編。將藥物用法。盡量貢獻。俾學者讀之。有所小補也。

中華民國二十六年季春月川沙周志林序於上海之度心閣

本草用法研究板成校閱一過漫題四首

廿載岐黃閱歷深。備嘗甘苦與升沉。不將虛實關頭認。枉費回生一片心。
手把新編校幾回。魚蟲草木盡良材。此中識得化裁訣。方許醫林席上來。
不薄前賢與後賢。取長裁短貴精專。舊新學說分明選。種得醫門美滿緣。
自愧生平百不成。獨於本草苦求精。一窗燈火三寒暑。筆底收來八百名。

三十年六月川沙周志林時寓上海之度心閣

編輯例言

一 本書搜集草木金石水土鳥獸蟲魚凡可入藥者均依效用分別編入計八百餘種其冷僻不用及用之而無效者概不採入

一 本書注重實用凡先哲實驗近人發明並皆採錄如虛玄之談無關實用者屏絕不收

一 本書分二十二編第一編發表之品第二編攻裏之品第三編涌吐之品第四編祛風之品第五編熄風之品第六編逐寒之品第七編清暑之品第八編搜濕之品第九編利水之品第十編潤燥之品第十一編瀉火之品第十二編調氣之品第十三編理血之品第十四編化痰之品第十五編消導之品第十六編益陰之品第十七編扶陽之品第十八編補養之品第十九編安神之品第二十編收瀉之品第二十一編殺蟲之品第二十二編麻醉之品並於每編之首冠以說明

一 本書凡載一藥先述品狀繼詳性味後言歸經次明功效次專研究次申禁忌次標用量次論炮製終求配合如經化學分析而有成分者及實驗而有一定之作用者均盡量採

入以資研究。

一 本書主張統一藥名。故每種所定名稱。均擇普通流行之名。其餘別名。一概不錄。以免眩異。而致誤事。

一 本書所載。在品狀之中。兼述產地與收採時間。在性味之中。兼述佐使與反忌之品。

一 本書正藥條下。附錄副藥。如紫蘇條下。附蘇梗蘇子。厚朴條下。附厚朴花。橘皮條下。附橘白。橘絡。橘核。橘葉。蒼耳子條下。附蒼耳蟲。西瓜條下。附西瓜霜等。有同類並錄者。如竹茹與淡竹葉。冬瓜子與甜瓜子。蚯蚓泥與井底泥等。有名同而效用不同者。亦錄在一條。如柴胡與銀柴胡。紅花與藏紅花。漢防己與木防己。甜甘草與苦甘草等。有名不同而效用相同者。亦錄在一條中。如螻蛄與蟋蟀。劉寄奴與落得打。蒲公英與地丁草。石蟹與石燕等。總之。本書注重效用。務使讀者觸類旁通。下筆開方時。有左右逢源之妙。

一 本書於醫家常用之品。如棗兒。檳榔。天將殼。苦丁茶。明黨。參等。諸家本草。忽略者。本編均詳言之。

一 本書所載。每種藥品用量。依照普通標準。若險病重症。應加重。或減輕者。醫家常自權衡。

切勿印定眼目。

一 本書採取配合方法，均由名家醫籍中得來，故頗靈驗，不出分量者，一因書中藥品條下已標用量，二因體有強弱，病有輕重，未可執一不化也。

一 本書採取各家學說，有全錄，有節錄，要皆搔着癢處，方始入選，編者間或貢獻管見，根據實驗，不敢臆造。

一 本書編者行醫十餘年，在藥肆中參考數年，於各種藥物，得實地辨識，本編所錄，得諸實驗者不少，誠勿敢紙上談兵，大言欺世也。

本草用法研究 目錄

第一編 發表之劑……………一

麻黃……………二

防風……………五

紫蘇(附)蘇子 蘇梗 雞蘇……………七

獨活……………一〇

羌活……………三

秦艽……………三

細辛……………二五

浮萍……………一八

白芷……………一九

葛根 葛花……………三

前胡……………二五

柴胡(附)銀柴胡……………二六

荊芥……………二九

薄荷……………三三

牛蒡子(附)根葉……………三四

桔梗……………三六

桂枝……………三九

赤檉柳(即)西河柳……………四〇

芫荽(附)芫荽子……………四一

淡豆豉……………四三

葱白頭 青葱管 葱汁……………四四

第二編 攻裏之劑……………四九

大黃……………五〇

商陸……………五一

大戟(附)草大戟……………五二

甘遂……………五三

芫花……………五四

急性子(即鳳仙子)……………五五

玉簪根……………五六

牽牛子……………五七

續隨子(即千金子)……………五八

葶藶子……………五九

巴豆……………六〇

檳榔(附)蓬兒檳榔……………六一

朴硝芒硝 玄明粉……………六二

斑貓……………六三

第三編 涌吐之劑……………六四

升麻……………六五

常山蜀漆……………六六

藜蘆……………六七

土牛膝根(鶴虱)……………六八

甜瓜蒂……………六九

皂角(皂刺 皂角子)……………七〇

礪砂……………七一

膽礬……………七二

綠青(附)空青……………七三

白礬……………七四

銅青……………九九

第四編 祛風之劑……………二〇一

威靈仙……………二〇一

藁本……………二〇四

蒼耳子(附)莖葉 蒼耳蠹蟲……………二〇五

木賊草……………二〇七

絡石藤……………二〇八

清風藤……………二〇九

天仙藤……………二一一

骨碎補……………二一二

草烏……………二一三

白附子……………二一五

蓖麻子……………二一六

穀精草……………二一九

青箱子……………二二〇

決明子……………二二一

刺蒺藜……………二二三

蕤仁……………二二四

蔓荊子……………二二六

辛夷花……………二二七

鬼箭羽……………二二九

石楠葉……………二三〇

龍腦香(即冰片)……………二三三

蘇合香(附)龍涎香……………二三五

麝香……………二三六

虎骨虎睛 虎肚……………二三九

白花蛇(附)烏梢蛇……………一四二

蛇蛻……………一四三

蠍……………一四六

蜈蚣……………一四七

露蜂房……………一四九

白殭蠶(附)晚蠶砂 蠶繭
蠶蛹 雄蠶蛾……………一五一

桑蠶蟲……………一五三

蟬蛻……………一五五

第五編 熄風之劑……………一五七

甘菊花 野菊花……………一五七

鉤藤鉤……………一六〇

天麻……………一六一

密蒙花……………一六三

黑大豆(附)穉豆皮……………一六五

羚羊角……………一六六

石決明(附)紫貝齒 珍珠母……………一六八

金(附)銀 金精石 銀精石……………一七〇

鐵落(附)鐵粉……………一七二

第六編 逐寒之劑……………一七五

附子烏頭 天雄……………一七五

艾葉……………一七九

高良薑(附)紅豆蔻……………一八一

萹撥……………一八三

甘松香……………一八五

山奈……………一八六

草果……………一八七

白豆蔻(附)殼花……………一八八

草豆蔻……………一九〇

縮砂仁(附)殼花 陽春砂仁……………一九一

益智仁……………一九三

肉豆蔻……………一九五

丁香……………一九七

茴香……………一九九

吳茱萸……………二〇一

川椒椒目 秦椒……………二〇四

胡椒……………二〇六

畢澄茄……………二〇八

荔枝核荔枝殼……………二〇九

肉桂桂心 官桂……………二一〇

生薑生薑汁 生薑皮……………二二四

乾薑(附)炮薑……………二二六

大蒜……………二二〇

硫黃……………二二三

紫石英(附)白石英……………二三五

火硝……………二三七

第七編 清暑之劑……………二三一

香薷……………二三一

藿香(附)梗……………二三四

佩蘭(附)梗 省頭草……………二三六

青蒿(附)梗 子 青蒿蠶蟲……………二三七

金銀花(附)藤 子……………二四〇

野薺薇花(又名白殘花)
(附)薺實 根……………二四二

六月霜俗名六月雪……………二四三

夏枯草……………二四四

知母……………二四六

麥門冬(附)心……………二四八

地骨皮……………二五二

蘆根蘆莖 蘆筍 乾蘆根 箬葉……………二五三

淡竹葉竹茹……………二五五

茶葉(附)苦丁茶……………二五七

西瓜(附)西瓜翠衣 西瓜霜……………二六〇

絲瓜絡(附)藤 葉 子……………二六二

綠豆(附)綠豆衣……………二六三

菹豆(附)菹豆花……………二六五

蓮藕 蓮子 石蓮子 蓮房 蓮花
鬚 葉 蒂 節 梗……………二六七

石膏(附)寒水石……………二七〇

第八編 搜濕之劑……………二七五

蒼朮茅朮 (附)製蒼朮……………二七五

豨薟草……………二七八

白蘚皮……………二八〇

狗脊……………二八一

牛膝……………二八三

續斷……………二八六

薑黃……………二八八

蛇床子……………二九〇

豆卷……………二九二

海桐皮……………二九三

五加根皮……………二九四

杜仲……………二九六

桑寄生……………二九九

松節 松香 松葉 松花 松子……………三〇〇

杉木……………三〇三

木瓜……………三〇四

樟腦……………三〇六

蟾皮 蟾酥……………三〇八

爐甘石……………三一

輕粉(附)銀硃……………三二三

第九編 利水之劑……………三二七

通草(附)絳通車……………三二七

草薺 粉草薺 川草薺……………三二九

木通……………三三二

防己 漢防己 木防己……………三三四

澤瀉……………三三八

車前子……………三三一

地膚子……………三三四

海金砂……………三三六

瞿麥……………三三七

篇蓄……………三三九

燈芯草……………三四〇

茵陳蒿(附)梗……………三四一

石韋……………三四四

薏苡仁(附)根……………三四五

赤小豆……………三四八

冬瓜(附)子 皮 甜瓜 葫蘆殼……………三四九

茯苓茯神……………三五二

土茯苓……………三五五

豬苓……………三五七

大腹皮……………三五九

鯉魚(附)鯽魚 烏魚……………三六〇

螻蛄(附)蟋蟀……………三六一

滑石……………三六四

第十編 潤燥之劑……………三六七

肉蓯蓉(附)鎖陽……………三六七

瓜蒌天花粉……………三六九

冬葵子……………三七三

火麻仁……………三七四

胡麻子(附)壁虱胡麻 脂麻花 莖……………三七六

薤白……………三七九

榆白皮……………三八〇

郁李仁……………三八二

枳椇子……………三八三

梨……………三八四

柿柿霜 柿蒂……………三八六

甘蔗冰糖 紫沙糖……………三八八

阿膠……………三九〇

牛乳 牛肉 牛骨髓 牛角膠 牛膽 霞天膠 酥油 人乳……………三九三

蜂蜜(附)蠟……………三九六

第十一編 瀉火之劑……………四〇二

黃連……………四〇一

胡黃連……………四〇七

黃芩	四〇九
龍膽草	四一三
大青(附)小青	四一六
青黛(附)板藍根	四一七
連翹(附)青連翹	四一九
山豆根	四二一
射干	四二三
蒲公英(紫花地丁)	四二四
山慈菇	四二六
芭蕉根(附)香蕉	四二七
芎麻根	四二九
白茅根(茅花)	四三〇
貫衆	四三二

白頭翁	四三四
白薇	四三五
白朮	四三八
白芍藥(附)赤芍藥	四三九
丹皮	四四四
薺芎	四四七
白藥子(附)黃藥子	四四八
蚤休	四五〇
漏蘆	四五一
蘆薈	四五三
馬勃	四五五
黃柏	四五六
山梔子	四六〇

苦楝子 根皮……………四六三

桑根白皮 桑枝 桑子 桑葉……………四六六

木芙蓉 (附)花……………四六九

秦皮……………四七〇

槐花 (附)槐角……………四七一

犀角……………四七四

牛黃 (附)黃明膠 牛血
牛鬍 牛尿 牛糞……………四七七

熊膽 (附)諸膽汁功用……………四八〇

象牙 (附)象皮 象膽……………四八三

牡鼠糞……………四八四

田螺 (附)蝸牛……………四八六

蚯蚓 (附)蚯蚓泥 井底泥……………四八八

石蟹 (附)石燕……………四九〇

食鹽 (附)青鹽……………四九二

人中黃 (附)金汁……………四九四

人中白 (附)人溺 秋石
秋霜 秋露 雪……………四九六

第十二編 調氣之劑……………五〇一

木香 川木香……………五〇二

芎藭 (附)撫芎……………五〇四

香附……………五〇七

鬱金……………五〇九

紫苑……………五一二

款冬花……………五一五

白前……………五一七

馬兜鈴 (附)土青木香 天將殼……………五一八

旋覆花 (附)梗葉……………五二二

玫瑰花(附)紅月季花	五三
刀豆子	五五
枇杷葉(附)枇杷	五六
烏藥	五七
沉香(附)伽楠香	五〇
白檀香	五三
厚朴(附)花	五四
橘皮(附)橘白核葉絡瓠	五三
化州橘紅青鹽陳皮參貝陳皮	五三
青皮	五四
枳殼(附)枳實	五四
佛手(附)花	五四
香圓皮(附)橙	五四
金橘皮(附)枸橘代代花代代橘	五五

胡桃	五三
蛤蚧	五四
九香蟲	五六
鉛(附)鉛丹鉛粉	五五
代赭石	五九
石鐘乳	六一
第十三編 理血之劑	
當歸(附)油當歸	五六
丹參(附)紫參	五七
紫草(附)紫草茸	五四
茜草根(附)剪草	五七
紅花(附)紅花子西藏紅花胭脂	五八
大薊(附)小薊	六一

澤蘭(附)馬蘭	五八三	延胡索	六〇五
地榆	五八五	紫荊皮	六〇七
益母草(附)莧蔚子	五八七	山茶花	六〇九
蒲黃	五八九	側柏葉(附)卷柏	六一〇
白芨	五九一	乾漆	六一二
敗醬	五九三	桃仁(附)桃花 桃葉 蟠桃乾	六一五
馬鞭草(附)馬蘭花 子 馬齒莧	五九四	乳香(附)楓香脂	六一九
劉寄奴(附)落得打	五九六	沒藥	六二二
王不留行	五九七	血竭	六二三
紫葳化	五九九	降真香(附)紫檀	六二四
參三七 三七	六〇〇	蘇方木	六二六
荆三稜	六〇一	紅麴	六二八
莪朮	六〇三	酒	六二九

山羊血……………六三一

刺猬皮……………六三三

五靈脂……………六三四

夜明砂……………六三六

穿山甲……………六三八

蟹……………六四〇

麩蟲(附)洋蟲 叩頭蟲……………六四一

蟲蟲……………六四四

水蛭……………六四五

自然銅(附)古文錢……………六四七

花蕊石(附)石灰……………六五〇

伏龍肝(附)東壁土 黃土 地漿……………六五一

墨……………六五四

百草霜(附)釜鬍墨 梁上塵 燻膠……………六五五

人髮(附)人牙……………六五七

第十四編 化痰之劑……………六六一

半夏……………六六二

天南星……………六六六

貝母(附)象貝母……………六七〇

菖蒲……………六七四

昆布(附)海藻 海帶 海粉 海鏡……………六七七

白芥子(附)鹹芥瀝……………六七九

荸薺(附)粉 苗 梗……………六八一

杏仁(附)甜杏仁……………六八三

銀杏……………六八六

橄欖(附)核 西藏青果 金果欖 呂宋果……………六八八

天竺黃(附)蛙竹屑……………六九〇

竹瀝(附)荆瀝……………六九二

安息香……………六九四

瓦楞子……………六九六

蛤蜊殼(附)文蛤殼 海蛤殼 蚌殼……………六九七

馬寶(附)白馬鬣……………六九九

海浮石……………七〇〇

礞石……………七〇二

密陀僧……………七〇四

第十五編 消導之劑……………七〇七

麥芽(附)穀芽 大麥 陳倉米 枳頭糠 蕎麥 戊腹糧……………七〇七

六神麴(附)范製麴 半夏麴 沉香麴 建神麴 霞天麴 寒食麴……………七二〇

萊菔子(附)根 苗 葉 地骷髏……………七二二

山查(附)核……………七二四

糞蛆(附)人蛆 虻蟲……………七二七

蛻螂……………七三〇

針砂……………七三三

礪砂……………七三三

綠礬……………七三五

第十六編 益陰之劑……………七二九

北沙參 南沙參(附)珠兒參 沙參 西洋參 粉……………七二九

玉竹……………七三三

天門冬……………七三四

鮮地黃即鮮生地……………七三九

乾地黃即大生地 (附)小生地……………七四一

熟地黃……………七四三

玄參……………七四七

旱蓮草……………七四九

石斛(附)鮮鐵皮 石斛 川石斛 木石斛 霍山石斛……………七五一

百合……………七五四

冬蟲夏草……………七五五

女貞子(附)冬青子 功勞子葉……………七五七

小麥(附)浮麥 小粉 麩皮……………七五九

北秫米(附)菘米……………七六一

燕窩(附)燕窩角 燕窩脚……………七六二

鴨(附)野鴨 鴨血 鵝血……………七六三

龜板(附)玳瑁……………七六六

鼈甲……………七七〇

磁石(附)玄精石……………七七二

第十七編 扶陽之劑……………七七七

淫羊藿……………七七七

巴戟天……………七七九

仙茅……………七八一

菟絲子……………七八二

沙苑蒺藜……………七八五

補骨脂……………七八六

葫蘆巴……………七八九

韭菜(附)汁 韭子 根鬚……………七九〇

鹿茸(附)鹿角 筋 鹿肉 鹿胎 鹿角膠 鹿角霜 鹿角膠……………七九三

海狗腎(附)海馬 海龍……………七九八

黃狗腎(附)狗寶 狗蠟……………八〇〇

雀卵(附)白丁香……………八〇二

鱒魚(附)鱒鱸.....八〇三

陽起石.....八〇五

第十八編 補養之劑.....八〇七

人參(附)參條 參鬚 參蘆 參葉
參子 黨參 明黨參 東洋參

太子參.....八〇七
孩兒參.....八〇七

黃芪(附)黃精.....八二六

甘草(附)頭 梢 節 苦甘草.....八二〇

白朮(附)冬朮 於朮.....八二四

山藥(附)零餘子 甘藷.....八二九

何首烏(附)夜交藤.....八三一

飴糖(附)糯米 粳米 米泔.....八三五

枸杞子(附)天精草.....八三七

大棗(附)紅棗 猴棗.....八三九

龍眼肉(附)殼 核.....八四二

鴿(附)鴿卵 鴿矢.....八四四

烏骨雞(附)雞內金 雞肝 雞皮
殼中白皮 雞矢白 雞冠血

雞子.....八四六

豬脊髓(附)心血 心 肺 胃 腎
膽 蹄 膚 腸 肝 腦

肉.....八四九

羊(附)羊血 肝 膽 內腎
外腎 乳 脛骨 鬚 胎.....八五二

淡菜(附)海參 鮑魚 魚鱔膠.....八五五

人胞(附)臍帶 貓胞.....八五六

雲母石.....八五八

第十九編 安神之劑.....八六三

酸棗仁.....八六三

柏子仁.....八六五

遠志……………八六七

合歡皮(附)花 子……………八七〇

琥珀……………八七一

龍骨(附)龍齒……………八七四

眞珠(附)眞珠母 珊瑚……………八七六

硃砂(附)靈砂即九轉靈砂丹……………八七八

第二十編 收瀉之劑……………八八三

五味子(附)天竺子 南燭子……………八八四

覆盆子……………八八七

金櫻子……………八八九

訶子……………八九〇

石榴皮(附)花 根……………八九三

烏梅(附)白霜梅 綠萼梅花
紅梅花 楊梅……………八九五

山茶萸……………八九八

椿根皮(附)樛根皮……………九〇〇

棕櫚皮……………九〇一

五倍子(附)百藥煎 沒石子……………九〇三

兒茶(附)鐵口兒茶……………九〇五

雞冠花……………九〇七

芡實……………九〇八

桑螵蛸……………九一〇

牡蠣……………九一二

烏賊骨……………九一四

赤石脂……………九一六

禹餘糧……………九一九

醋……………九二〇

第二十一編 殺蟲之劑 九二三

百部 九三三

苦參(附)苦參子 九四四

狼毒草(附)狼牙根 九六六

使君子 九八九

樅子 九三〇

大風子 九三三

雷丸 九三三

燕蕩 九三五

藤黃 九三七

阿魏 九三六

胡桐淚 九三九

木槿皮(附)花子 九四一

雄黃 九四二

砒石(附)礬石 九四三

水銀 九四五

獺肝(附)山獺莖 九四七

天靈蓋 九四九

第二十二編 麻醉之劑 九五二

萹荇 九五二

風茄花 九五三

鬧羊花 九五五

木鼈子(附)番木鱉 九五六

鴉片(附)罌粟殼 罌粟子 九五八

煙草 九六〇

本草用法研究

第一編 發表之劑

發者升之散之汗之也。表者對裏而言也。三陽爲表。三陰爲裏。而太陽爲表之表。陽明爲表之裏。少陽爲半表半裏也。邪之傷人也。先中於表。以漸而入於裏。始自太陽。以及陽明少陽。乃入陰經。由太陰少陰。以及厥陰經。六經乃盡也。治病者當及其在表而汗之散之。使不至於傳經入裏。則病易已矣。若表邪未盡而遽下之。則表邪乘虛入裏。或誤補之。則病邪壅閉不出。變成壞證者多矣。經曰。善治者治皮毛。其次治肌膚。其次治筋脈。其次治六腑。其次治五臟。治五臟者。半死半生也。考發表藥作用。乃令汗管發力。及令血流行。大抵服是藥者。有作悶身軟力緩反應。而此時汗管自易引水而出。一因外感而血積內腑。服此則能令血散而行於外皮。一內腑生炎。服表藥亦能引病外出。一內腎或不發溺。服表藥則能令汗多發。而溺自因之而少。一熱症初起。服之能令熱遽散。一熱症將退。服之能令熱悉除。所出之汗。有由血中發出。鹽類者。有由血中發出雜質者。至如無病之人。飲醇酒。服熱茶。或多擁衣衾。亦能令其體煖。及血速行。

而輒易發汗。至若有病者。則皮乾而汗少。是非用藥表之不可。是發表之品所由設也。

麻黃

【品狀】 陽草類。春生苗。夏長一尺餘。莖似木賊而細。其色淡綠。內部空虛。亦有稍充實者。莖有節。節上生葉。小如鱗狀。由葉而分枝。梢上開小黃花。結實如百合瓣而小。又似皂莢子。味甜。微有麻黃氣。外皮紅。裏仁子黑。立秋後採莖陰乾。根作紫赤色。產中國、印度、西伯利亞、南非洲等處。

【成分】 含有一種植物鹽基。名曰愛泛特林。Ephederin ($C_{10}H_{15}NO$)。更自此成分中得一新藥。名曰米特利安欽。Mideliatine。化學構造為 $C_6H_5CH_2(ON)CH(NH_2)CH_3$ 。有放大瞳孔之效。用以檢查眼底為最宜。絕無痛苦羞明之流弊。

【性味】 味苦而甘辛。性溫無毒。稟天地清陽剛烈之氣。以生氣味俱薄。輕清而浮。升也。陽也。厚朴、白薇為使。惡辛、薤、石葦。忌鐵。

【歸經】 入肺、膀胱二經。兼入心、大腸二經。為發汗、祛寒、化痰、利水之品。肺家專藥。

【功效】 走太陽寒水之經。功先入肺。為發汗輕疏之劑。性則偏溫。寒飲稽留。藉味辛而宣散。

痰哮久痼仗苦力以搜除。

【研究】麻黃其苗中空，味苦辛，氣味俱薄，升也，陽也。專入肺家，衛分，疏散風寒，達表由汗而出。麻黃本肺家衛分藥，仲景治寒傷營，用麻黃湯者，以內有桂枝，領之入營也。宣肺發表，麻黃之能足以盡之。故一切欬嗽宿哮等疾，凡屬肺中有風寒痰飲者，皆可用之。不必拘拘乎麻黃之但能出汗也。足太陽主一身之表，故入之大抵寒邪輕而從口鼻入者，則傷肺，寒邪重而從表入者，則傷經。故雖所傷不同，而其治則一也。麻黃之功，首先入肺，若肺中有寒痰宿飲之疾，麻黃到肺，止能搜剔肺中痰飲，不能再發汗出表。猶用兵者，有一戰之功，無再戰之力也。東垣曰：輕可去實，麻黃葛根之屬是也。六經有餘之邪，客於陽分皮毛之間，腠理閉拒，營衛氣血不行，故謂之實。麻黃中空，陰中之陽，入膀胱經，其經循背下行，本寒而又受外寒，故宜發汗去皮毛，氣分寒邪，以洩表實。海藏曰：麻黃治衛實，桂枝治衛虛，雖皆太陽經藥，其實營衛藥也。心主營爲血，肺主氣爲衛，故麻黃爲手太陰肺藥，桂枝爲手少陰心藥。徐靈胎曰：麻黃輕揚上達，乃氣味之最清者，故能透出皮膚毛孔之外，又能深入積痰凝血之中，凡藥力所不到之處，此能無微不至。較之氣雄力厚者，其力更大。蓋出入於空虛之地，則有形之氣血不得而禦。

之也。

【實驗】此藥在胃腸中能收縮胃腸之血管，以阻止其蠕動，入血中能致血壓增高，心跳加速，內臟之血管均被激而收縮，惟以腎臟之血管收縮為最甚，而外部皮下之微血管，因強心增其鼓出力，使血液自然轉運於外，故外部皮下之微血管，反被激而放大，而汗腺之分泌，遂此增多，氣枝管之抽搐，亦被激而鬆弛，故能平喘治咳，乃化痰平氣而有發散性，為平氣促之主要藥，有特效於急性氣枝管炎，而有寒熱無汗者，若為肺結核之氣促，不能治之，又慢性腎臟炎用之，有利尿之效。

【禁忌】其性輕揚善散，發表最速，若表虛自汗，陰虛盜汗，肺虛有熱，多痰咳嗽，以致鼻塞，痘瘡倒靨，不因寒邪所鬱，而因熱甚，虛人傷風，氣虛發喘，陰虛火炎，以致眩暈頭痛，南方中風癱瘓，及平日陽虛，腠理不密之人，皆禁用，春深夏月，以至初秋，凡發熱而不惡寒者，法所同禁，又腦充血，腦膜炎均忌。

【用量】自五分至一錢五分。

【炮製】本藥凡用發汗，取莖去根節，煮十餘沸，竹片掠去浮沫，或用醋湯略泡，曬乾後用，亦

有蜜炒用。若止汗用根節。根味淡平微瀼。止汗有神效。

【配合】 同桂枝、杏仁、甘草。治寒傷營。發熱頭痛。惡寒惡風。骨節痛。項背強。同桂枝、甘草、杏仁、石膏、生薑、大棗。治太陽中風。身疼痛。發熱惡寒。不汗出而煩躁。同桂枝、芍藥、細辛、甘草、乾薑、半夏、五味子。行水發汗。祛痰飲。同細辛、附子。治傷寒少陰症。始得之。反發熱脈沉者。同射干、生薑、細辛、紫菀、款冬、半夏、五味、大棗。治咳而上氣。喉中水雞聲。同杏仁、石膏、甘草。治肺熱喘咳。同半夏、杏仁、前胡、桔梗、葛根、茯苓、陳皮、紫蘇、桑白皮、甘草。治急性氣枝管炎。

防風

【品狀】 山草類。三年生草。產山東河南。莖高二三尺。似青蒿而短小。莖葉俱青綠色。莖深而葉淡。春初時嫩紫紅色。五月開細白花。六月結實。似胡荽子而大。根土黃色。以實而脂潤。頭節堅如蚯蚓者爲上。二月十月中採根曝乾。

【成分】 含有多量之澱粉。

【性味】 味苦微甘辛。性微溫。無毒。稟天地之陽氣以生。升也。陽也。畏草薺。惡藜蘆。白蘇。乾薑。芫花。

【歸經】 入肝、大腸、三焦、三經。兼入肺、膀胱二經。爲發表疏散之品。搜肝瀉肺。發表祛風勝濕。【功效】 走太陽兼達肺通肝。表解風疏。苦甘辛溫之力。得黃芪則寓宣於補。痺舒邪化。隨所引俱宜。且爲脾胃引經。風能勝濕。都道卑微卒伍。潤可柔枯。

【研究】 防風能通行一身。防禦外風。故名。爲散藥中潤劑。太陽主一身之表。風氣通於肝肺。主皮毛。故皆入之。補脾胃藥用之爲引者。以疏風則木不鬱。濕去則土自健耳。非防風能補也。防風本足太陽發汗疏風之藥。而云能去經絡留濕者。濕從汗出也。黃芪固表。防風瀉表。黃芪畏防風。然得防風。其功愈大。石頑曰。防風爲治風去濕之仙藥。以風能勝濕也。其性上行。故治上盛風邪。瀉肺實喘滿。及周身痺痛。四肢攣急。凡背痛項強。不可回顧。腰似折。項似拔者。正常用之。凡瘡在胸膈以上者。雖無手足太陽症。亦當用防風。爲能散結。去上部風熱也。按防風性善升浮走表。卑賤之品。隨所引而至。爲風藥之使。若多用主散。治在表陽分風邪。清頭目滯氣。療脊痛項強。解肌表風熱。以其辛溫發散之力也。若少用主利竅。治週身骨節疼痛。四肢攣急。經絡鬱熱。及中風半身不遂。血脈壅滯。以其透利關節之功也。又取其風能勝濕。如頭重目眩。骨痛腰痠。腿膝發腫。及脾濕泄瀉。濕熱生瘡。一切風濕症。皆能治之。

【實驗】此藥有發散性，而能發汗，能增加腸之吸收性，有止瀉之效，有敗毒性，大癩瘋與腦出血，均可用之，為副藥，用之治急性羅麻質斯，極有效。

【禁忌】頭痛因於血虛，不因於風寒，溏泄不因於寒濕，小兒瀉後脾虛發搐，慢驚風，慢脾風，氣升作嘔，火升發嗽，陰虛盜汗，陽虛自汗等病，法所同禁，又肺虛有汗喘乏，婦人產後發瘧，均忌，又熱高而不惡寒者，虛弱者，忌服。

【用量】自一錢五分至三錢。

【炮製】本藥用根，以清水洗淨泥土，切薄片用。

【配合】同黃芪芍藥，則實表止汗。同荊芥、白芷、生地、地榆、黃芪，治破傷風有神。同甘草、桔梗、紫蘇、桑白皮、橘皮，解利傷風，去紫蘇換薄荷，加石膏，兼除風熱。得葱白，能行週身。得當歸、芍藥、陽起石、禹餘糧，治婦人子臟風。同白芍、白芷、銀花、甘草、當歸，治癰毒。

紫蘇（附）蘇子 蘇梗 雞蘇

【品狀】香草類，一年生草本，國內各地均產，二三月下種，或宿子在地自生，其莖方高二尺，其葉圓而有尖，四圍有鉅齒，肥地者，面背皆紫，瘠地者，面青背紫，五六月連根採收，以火煨其

根陰乾，則經久葉不落。八月開細紫花成穗，作房如荊芥穗。九月半枯時收子，子細如芥子而色黃赤，亦可取油。雞蘇一名水蘇，俗名龍腦薄荷，卽蘇之野生者。葉色青灰，梗紫灰，質粗。

【性味】 味辛性溫，無毒。得天陽和之氣，兼地之金味以生，可升可降陽也。忌鯉魚。

【歸經】 入心、肺、胃三經，爲發表散寒之品。

【功效】 辛香快膈，宣脾肺以溫中。紫赤和營，行經絡而解表。子可消痰定喘，梗能順氣安胎。

【研究】 紫蘇葉辛溫入脾肺，溫中快膈，發表散寒。色赤氣香入血分，宣滯氣，與陳皮合用，最爲和宜。梗則專主順氣，氣順則一身通泰。猶梗之一身皆達也。子則專主潤降，故能治嗽化痰。

因風寒在表而咳者最宜。白蘇子平肺氣止逆，治咳嗽，通腸腑。黑者兼有納氣之效。石頑

曰：蘇葉味辛入氣分，色紫入血分，升中有降，然不宜久服。泄人真氣，其梗能行氣安胎，但力淺薄，難於奏效。亡血家大虛，及妊婦產婦終散，用苞最佳。本乎天者親上，取其包含子氣，且氣味皆薄，而無過汗傷中之患也。雞蘇辛而微溫，清肺下氣，理血辟惡，消殺芳香正氣，所主皆胃病。治血病者，取以解散血中之氣也。氣散則血亦散矣。雞蘇香鹹微溫，能下氣消食，辟口臭，除

邪惡，醒酒止吐衄崩中。按紫蘇葉屬陽，爲發生之物，辛溫能散，氣薄能通，味薄發泄，專解肌

發表療傷風傷寒及喉疾初起外感霍亂濕熱腳氣凡屬表症放邪氣出路之要藥也。蘇子主降味辛氣香主散降而且散故專利鬱痰咳逆則氣升喘急則肺喘以此下氣定喘膈熱則痰壅痰結則悶痛以此豁痰散結經云膈中爲上氣海如氣鬱不舒及風寒客犯肺經久遏不散則邪氣與真氣相持致飲食不進痰嗽發熱似弱非弱以此清氣開鬱大有神效。

【實驗】此藥有發散性與略有興奮性枝葉有化痰平氣之效因有感冒而咳嗽氣促者用之梗與子能開胃除氣悶促進腸胃之消化作用而能助消化按蘇梗體質中通通可去滯能使鬱氣上下宣行病之虛者寬胸利膈疏氣而不迅下凡順氣諸品惟此純良。

【禁忌】其味辛溫純陽凡病由陰虛寒熱火炎頭痛火升作嘔慎勿投之又汗多者有內熱者有腸熱性便秘者均忌。

【用量】紫蘇葉自一錢五分至三錢子梗同。

【炮製】本藥用葉枝或用老梗以清水洗淨切斷應用子須炒則入藥有力又須搗研入煎。

【配合】入參蘇飲治表虛人傷風不愈。同橘皮砂仁能行氣安胎。同藿香烏藥則溫中止痛。同香附麻黃則發汗解肌。同川芎當歸則和血養血。同木瓜厚朴則散濕解暑并

治霍亂脚氣。同桔梗、枳殼、利膈寬胸。同杏仁、萊菔子、消痰定喘。單用療食蟹中毒。

獨活

【品狀】 山草類。二年生草本。產蜀中。春生苗葉如青麻。夏月莖高七尺。秋月開花作叢。或黃或紫。二月八月採根曝乾。

【性味】 味辛苦。性溫。無毒。稟天地正陽之氣以生。升也。陽也。

【歸經】 入腎經。爲搜風去濕之品。少陰引經氣分藥。氣緩而善搜。

【功效】 芳香氣散。辛苦性溫。搜少陰之伏風。表邪可解。宣腎經之寒濕。痺病能除。可愈奔豚。並療諸疝。因其有風不動。無風反搖。故能散以搜風。風以濕勝。

【研究】 獨活一莖直上。不爲風搖。故名羌活。獨活本一類二種。皆辛苦性溫。解散肌表風寒。濕邪之藥。但獨活入足少陰。羌活入足太陽。然太陽與少陰爲表裏。經絡相通。不過獨活之性細而優。羌活之性粗而劣。故一治伏邪。一治遊邪爲異耳。獨活氣香質細。屬陰中之陽。沈而能升。緩而善搜。故入足少陰血分。從內至外。可治奔豚疝瘕。寒濕痺痛等證也。石頑曰。升中有降。能通達周身。而散風勝濕。與細辛同用。治厥陰頭痛目眩。又足少陰經伏風頭痛。兩足濕痺。

不能動止者非此不治。按獨活氣香而潤味苦而沉能宣通氣道自頂至膝以散腎經伏風。凡頸項難舒、臂腿疼痛、兩足痿痺、不能動移、非此莫能效也。取其香氣透心、用爲心經引藥、療赤眼痛、因其枝葉遇風不搖、能治風、風能勝濕、專疏濕氣、若腰背痠重、四肢攣痿、肌黃作塊、稱爲良劑、又佐血藥、活血舒筋、殊爲神妙。

【實驗】 此藥有發散性與殺菌之作用、爲治關節炎、羅麻質斯之主要藥、又此藥入胃後、僅能刺激胃壁神經、使胃分泌稍增、至腸始行分解而被吸收、血液因此而循環迅速、且能麻木大腦神經、使苦痛之知覺消失。

【禁忌】 凡血虛發癍、血虛頭痛、及遍身疼痛骨痛、因而帶寒熱者、如屬虛症、均忌、誤用必反劇、陰虛下體痿弱者、禁用、南方無剛猛之風、一切虛風類中、咸非所宜、腦膜炎、體溫增高、腦充血、均忌。

【用量】 白一錢至三錢。

【炮製】 本藥用根、去皮或焙用。

【配合】 同白朮、蒼朮、秦艽、生地、薏苡仁、木瓜、石斛、黃蘗、治下部一切風濕濕熱、同生地、赤

芍、丹皮、石膏、甘草等水煎。治風熱上攻、牙腫痛。皇漢醫方同秦艽、防風、川芎、當歸。治關節維麻質斯。同白薇、細辛、桂皮、人參、半夏、甘草。治眩暈。

羌活

【品狀】 山草類。以羌中得來之種。故名。根色紫節密。氣猛烈。

【性味】 同獨活。

【歸經】 入膀胱經。兼入肝腎二經。又入小腸經。爲發表搜風勝濕之品。膀胱小腸行經風藥。肝腎氣分藥。專治足太陽風濕諸病。氣雄善散。

【功效】 辛溫雄壯。散肌表八風之邪。獨走太陽。利周身百節之痛。濕留於表。由汗能宣。病在於顛。惟風可到。

【研究】 羌活之形較獨活爲雄。其氣較獨活爲猛。其主治雖與防風相似。而尤過之。以防風之散風甘而潤。羌活之散風辛而燥爲異耳。入足太陽氣分。雄而善散。以治遊風。與獨活之氣香入足少陰血分。以治伏風者。辛苦溫燥則同。而主治不同也。張璐曰。治足太陽風濕相搏。一身盡痛。頭痛肢節痛。目赤膚癢。乃却亂反正之主帥。督脈爲病。脊強而厥者。非此不能除。甄

權以羌活治賊風失音不語多癢手足不遂口面喎斜瘡痺血癩皆風中血脈之病也。蘇恭曰：療風宜用獨活，兼水宜用羌活。風能勝濕，故羌活能治水濕。與川芎同用，治太陽厥陰頭痛。發汗散表，透關利節，非時感冒之仙藥也。按羌活氣雄味辛，發汗解表，屬足太陽膀胱經藥。自頭至踵，大無不通，小無不入，透利關節最捷。若多用主散邪，凡風寒濕氣惡寒發熱，頭疼體痛，以此發泄腠理，爲撥亂反正之主。若少用能利竅，凡周身骨節痠痛風熱及中風癱瘓，手足不遂，以此疏通氣道，爲活血舒筋之佐。痘家用之，善能運毒走表追膿。又消諸毒熱癰，解百節疼痛，獨活氣香而濁，善行血分之邪。羌活氣雄而清，善行氣分之邪。

【禁忌】 同獨活。內傷元氣者尤忌。如勞力感寒，昔人加入補中益氣湯內用之，補中寓瀉之意也。

【用量】 同獨活。

【炮製】 同獨活。

【配合】 同麻黃、甘草。主治冬月卽病傷寒。同前胡、黃芩、麥冬、甘草。治春時瘟疫。

秦艽

發表之劑 羌活 秦艽

【品狀】 山草類。產秦中。根作羅紋相交。長而黃白。左紋者長。枝幹高五六寸。葉婆娑。連莖梗俱青色。如萵苣葉。六月中開花紫色。似葛花。當月結子。每於春秋採根陰乾。

【性味】 味苦辛。性平無毒。感秋金之氣而生。降多於升。陰中微陽也。萵苣爲使。畏牛乳。

【歸經】 入胃大腸二經。兼入肝膽二經。爲洩散疏利之品。胃大腸去風濕藥。

【功效】 養血祛風。和營利水。疏肌解表。苦平略帶微辛。散熱潤腸。入肝又能達胃。濕勝風淫之證。賴以搜除。筋痹骨痿諸邪。仗其宣利。

【研究】 味苦而辛。性平質潤。雖有養血之能。畢竟散邪之品。然風邪在表。宜用解表者。又非其所長。止可於營血中。搜除風寒濕三氣痹閉之邪耳。又按秦艽苦勝於辛。全無甘味。苦能泄。辛能散。故本經稱其能散風逐濕。然散風濕之藥多燥。此獨偏潤。故又爲風藥中潤劑。觀其質潤。羅紋相交。卽知其祛風逐濕中。而能和營血。行經絡矣。石頑曰。秦艽陰中微陽。可升可降。入手足陽明。以其去濕也。兼入肝膽。以其治風也。故手足不遂。黃瘴酒毒。及婦人帶疾。需之。陽明有濕。則身體痠痛。肢節煩疼。及擊急不遂。有熱則口哺潮熱。用以祛風勝濕。則愈。凡痛有寒熱。或浮腫者。多挾客邪。用此祛風利濕。方爲合劑。按秦艽味苦能降。帶辛能潤。又氣香而性

平故能治燥。蓋燥因血熱，漸至血虧。大腸本屬陽明燥金，若血液衰耗，則大便乾結，煎熬肺金，不生腎水，至肺腎腸胃俱燥，諸證叢起，咽乾口渴，煩悶痞滿，皮膚燥癢，通身掣急，肢節痠痛，及牙疼眼澀，浮腫黃疸，疳積酒毒，腸肛痔漏，皆宜用此。清利臟腑而不推瀉，真良品也。且助天麻治風熱頭暈，同柴胡療骨蒸潮熱，合紫菀潤腸利便，佐牛膝利血滋陰，俱有神效。

【實驗】 此藥對於關節炎，有殺菌消炎之作用。治急慢性羅麻質斯之主要藥。除有特效於羅麻質斯外，且有利尿之作用。

【禁忌】 若久痛虛弱，血氣不能營養肢體而痛，疼痠枯瘦，下部虛寒人，及小便清利不禁者，勿服。腹瀉者，體溫低者，不宜服。

【用量】 自一錢五分至三錢。

【炮製】 本藥用根，以布拭去黃白毛，乃用還元湯浸一宿，曬乾用。

【配合】 同葛根、茵陳、五味、黃連、菹豆、木通、治酒疸。同薏苡、木瓜、五茄皮、黃蘗、蒼朮、牛膝、治下部濕熱作疼，或生濕瘡。

細辛

【品狀】 山草類。宿根草本。產華陰者佳。葉似小葵。柔莖細根。直而色紫。味極辛。二月八月採根陰乾。

【性味】 味辛性溫。無毒。稟天地陽升之氣以生。升也。棗根爲使。惡黃芪、山萸、狼毒、忌生菜。畏硝石、滑石、反藜蘆。

【歸經】 入心小腸二經。兼入肺腎二經。爲散風泄熱之品。心家引經。腎家本藥。肝腎血分藥。

【功效】 性味辛溫。能發少陰之汗。輕揚香烈。可宣肺部之邪。散心下之水。停濁除嘔咳。解腎經之熱鬱。從治咽疳。性屬純陽。用宜審慎。

【研究】 細辛其根極細。其味極辛。故名。香竄溫熱之性。氣味俱厚。專入肺腎二經。解散風寒。宣利上焦。諸竅浮熱。濁除心下停飲。傷寒入足少陰經。並用此發之。細辛之與麻黃。猶獨活之與羌活耳。細辛產華山之北。其色紫。其中空。與麻黃相似。但麻黃用苗。細辛用根。細辛香而麻黃不香。故麻黃入足太陽氣分。細辛入足少陰血分。表裏各異也。元素曰。以獨活爲使。治少陰頭痛如神。亦止諸陽頭痛。諸風通用之。成無己曰。膽氣不足。細辛補之。張子和曰。治頭痛。太陽則羌活。少陰則細辛。陽明則白芷。厥陰則川芎。吳萸。少陽則柴胡。用之不可差。細辛香

味俱細而緩，故入少陰，與獨活相類。徐靈胎曰：細辛氣盛而味烈，其竦散之力更大。且風必挾寒以來，而又本熱而標寒，細辛性溫，又能驅逐寒氣，其竦散上下之風邪，能無微不至。不到也。按細辛味辛性溫，若寒邪入裏，而在陰經者，以此從內托出，佐九味羌活湯，發散寒邪快捷，因其氣味辛香，故能上升，入芎辛湯，療目痛後羞明畏日，癰澀難開，合通竅藥，散肺氣而通鼻竅，合清胃藥，清胃熱而止牙痛，此熱藥入寒劑，蓋反以佐取之之義也。但少用助火，多用則氣閉不通，每劑三四分爲宜耳。

【實驗】 此藥有發散性，能治感冒性頭痛，慢性羅麻質斯，有化痰平氣之效，能治慢性氣管炎，能弛緩神經，有解抽之效。

【禁忌】 凡病內熱及火升炎上，上盛下虛，氣虛有汗，血虛頭痛，陰虛咳嗽，法皆禁用，煩躁口渴者，熱高者，舌紅者，大便燥結者，忌用。

【用量】 自三分至一錢。

【炮製】 本藥全用，凡用切去頭，須揀去雙葉者不用。

【配合】 同石膏，治陽明火熱上攻齒痛。得當歸、芍藥、川芎、丹皮、藁本、甘草、白薇，通治婦人

子宮冷不受孕。得鯉魚膽、青羊肝、菊花、決明子、療目痛。得甘草、療傷寒少陰咽痛。得菴本、川芎、白芷、荊芥、防風、治風頭痛。得紫蘇、防風、甘草、桔梗、杏仁、薄荷、桑白皮、能解利傷風寒鼻塞。同黃連研末、口舌生瘡者、搽之愈。

浮萍

【品狀】 水草類。產池澤止水中。季春始生。或云楊花所化。一葉經宿卽生數葉。葉下有微鬚。卽其根也。一種背面皆綠者。一種面青背紫。赤若血者。謂之紫萍。入藥爲良。七月採之。

【性味】 味辛性寒無毒。

【歸經】 入肺、膀胱二經。爲發汗利水之品。

【功效】 發汗以開鬼門。味辛有效。行水而潔淨府。性冷多功。輕浮入肺可祛風。行踪無定。解散行經能勝濕。到處爲家。

【研究】 浮萍生水中。浮水面。其葉小而背紫。葉下有根如鬚。飄流水中。不着泥土。輕浮辛寒。入肺經。發汗之功。並于麻黃。但麻黃性溫。浮萍性寒。爲異。且浮萍利水之功。麻黃所不能耳。徐靈胎曰。水萍生於水中。而能出水上。且其葉入水不濡。是其性能敬水者也。故凡水濕之病。

皆能治之。其根不著土而上浮水面，故又能益皮毛之疾。石頑固，浮萍發汗，勝於麻黃。下水捷於通草，其性輕浮，入肺經，達皮膚，故能發揚邪汗。本經主暴熱身癢者，專疎肌表風熱也。下水氣者，兼通陽明肉理也。勝酒者，陽明通達，而能去酒毒也。長鬚髮者，毛竅利而血脈榮也。止消渴者，經氣和而津液復也。

【實驗】 此藥有排除血中毒質之出汗性，消炎，解血毒，而能鎮靜，因刺激性之皮膚發癢。

【禁忌】 表氣虛而自汗者，勿用。惡寒甚者，勿服。

【用量】 自一錢至三錢。

【炮製】 紫背浮萍，七月採之，揀淨，以竹篩攤晒，下置水一盆映之，即易乾，入藥應炒焙。

【配合】 同犀角、鈎藤爲末，蜜水調下，治夾驚傷寒。同黃芩、生地、當歸、白芍、川芎，治身上發癢。同牛蒡、薄荷，治風熱癩疹。青萍研爛，加片腦少許，點眼上，治翳肉攀睛。單晒乾爲末，煉蜜爲丸，彈子大，每服一丸，豆淋酒化下，治癱瘓三十六種風。

白芷

【品狀】 香草類，產江南，根長盈尺，粗細不等，白色，枝幹去地五尺以上，春生葉，相對婆娑，紫

色。關三指許。花白微黃。入伏後結子。立秋後苗枯。二月八月採曝。以黃澤者爲佳。

【成分】 與西洋之安傑利加根同。爲揮發油、樹脂、安傑利加酸、安傑利加精、蠟分、苦味質、鞣酸、澱粉、糖分等。

【性味】 味辛性溫。無毒。得地之金氣。兼感天之陽氣以生。升多於降。陽也。當歸爲使。惡旋覆花。制雄黃硫黃。

【歸經】 入肺胃大腸三經。爲散風表汗除濕通竅之品。正陽明引經本藥。

【功效】 爲胃經之表藥。祛寒燥濕。味辛溫。宣肺部之風邪。散腫排膿。功達遍。升浮之氣。頭目能清。香燥之功。崩淋可用。至若腸風。疝。痔。緣陽明濕濁爲殃。卽其澤而塗容。亦肌肉瘀邪之滯。

【研究】 白芷辛溫。香。質。色。白。入手足陽明。手太陰三經。祛風勝濕。是其所長。故爲三經之表藥。以其上至肺而下至腸。故能上清頭目。下治崩中腸風。至若排膿散腫。乳癰等證。皆肌肉病。陽明主肌肉。故白芷又爲陽明主藥也。徐靈胎曰。凡驅風之藥。未有不枯耗津液者。白芷極香。能驅風燥濕。其質又極滑潤。能和利血脈而不枯耗。用之則有利無害者也。石頑曰。白芷辛香升發。行手陽明。性溫氣厚。行足陽明。芳香上達。入手太陰。爲解利陽明風熱頭痛。及寒熱

頭風。侵目。淚出之要藥。其所主之病。不離三經。如寒熱頭風。眉稜骨痛。頭目齒痛。三經之風熱也。漏下赤白癰疽。頭面皮膚風癢燥癢。三經之濕熱也。風熱者。辛以除之。濕熱者。溫以除之。辛香入脾。故又能溫散血閉陰腫。排膿長肉。所以外科用之。今人用治腸癰。有敗膿淋露不已。腥穢殊甚。遂致臍腹冷痛。須此排膿。膿盡。乃以他藥補之。又能興奮中樞神經。使全身血行增速。腸窠扶斯。癰疽用之。按白芷。色白。氣香。味辛。性溫。俱屬於陽。屬足陽明胃經藥。升頭面。通九竅。走肌肉。爲疏風要品。用治春分後熱病。助清理之藥。解散。奏功甚捷。療風寒頭痛。頭風。侵目。頭風。脅滿。頭眩。目癢。肺熱。鼻塞。胃熱。齒痛。皮膚燥癢。皆利竅散邪之力也。因能走肌達表。佐活命飲。治諸癰腫。宣通毒氣。若痘瘡無膿作癢。以此排膿。虛寒不起。以此生發。但香燥耗血。辛散損氣。不宜久用。

【實驗】此藥有發散作用。治感冒性寒熱頭痛。有退熱止痛之效。治子宮粘膜炎而下赤白帶者。極效。並有開胃而興奮消化腺之作用。

【禁忌】嘔吐因於火者。禁用。漏下赤白。由陰虛火熾。血熱所致者。勿用。癰疽已潰。宜漸減去。發熱汗多者。有高熱者。口渴心煩者。均忌用。

【用量】 白一錢五分至三錢。

【炮製】 本藥用根，今人採根洗刮寸截，以石灰拌勻晒收，爲其易蛀，并欲色白也。入藥微焙。

【配合】 同芍藥、黃芪、當歸、地黃、續斷、杜仲、益母草、香附、鹿角膠、主漏下赤白、加牛膝、主血閉。

陰腫寒熱。同菊花、細辛、藁本、決明子、刺蒺藜、荊芥、辛夷、治頭風侵目淚出。同黃芪、甘草、皂

角刺、金銀花、夏枯草、地黃、赤芍、排膿止痛、消癰腫。同升麻、柴胡、葛根、羌活、治濕泄。同羌活、

獨活、防風、荊芥、刺蒺藜、胡麻仁、菊花、首烏、治風。同辛夷、細辛、治鼻塞濁涕。同貝母、漏蘆、連

翹、金銀花、夏枯草、蒲公英、紫花地丁、橘皮、消乳癰結核。同白芍、治痘瘡作癢、及皮膚搔癢。

同雄黃燒、辟蛇。同生薑、大棗、桂枝、芍藥、甘草、治腸窠扶斯。同黃芪、升麻、桔梗、白茯苓、連翹、

紅花、治癰疽。

葛根 葛花

【品狀】 蔓草類。多年生蔓草。產江浙。有野生，有家種。其蔓延長，其根外紫內白，長者四五尺。五月採取爲佳。其葉有三尖，如楓葉而長，面青背淡，與莖俱有褐色茸毛。秋月開花，其花成穗。葉紫，稍綴紅紫色。其莢如小黃豆莢，亦有毛。其子綠色，形扁，如鹽梅子核，生嚼醒氣。八九月採。

之。

【成分】 含澱粉。

【性味】 味辛甘性平。無毒。稟天地輕清之氣而生。升也。陽也。

【歸經】 入胃膀胱二經。兼入脾經。爲解肌升陽散火之品。

【功效】 解陽明肌表之邪。甘涼無毒。鼓胃氣升騰而上。津液資生。若云火鬱發之。用其升散。或治痘疹不起。賴以宣疏。治瀉則煨熟用之。又主兩陽合邪之下痢。解酒劑。葛花爲最。因有解表利便之功能。孕婦固當忌投。有故亦能無殞。

【研究】 葛根甘涼入胃。其根寓升發之意。故能解散陽明肌表之邪。凡一切風溫熱病。邪鬱於表。熱勢內蒸。以致無汗口渴者。最爲相宜。然畢竟氣涼之品。如風寒在表。以及內不熱而惡寒者。似又不宜也。煨熟則散性全無。卽由胃入腸。不行陽明之表。但入陽明之裏。升清爲用。亦如升麻之煨熟。卽升而不散。可以厚腸止瀉耳。張璐曰。葛根輕浮。生用則升陽生津。熟用則鼓舞胃氣。葛花解酒毒。葛實治下痢。按葛根主上升。又主散表。若多用二三錢。能理肌內之邪。開發腠理。而出汗。屬足陽明胃經藥。治傷寒發熱。鼻乾口燥。目痛不眠。瘧疾熱重。蓋麻黃紫

蘇專能攻表。而葛根獨能解肌耳。因其性味甘涼。能鼓舞胃氣。若少用五六分。治胃虛熱。酒毒嘔吐。胃中鬱火。牙疼口臭。或佐健脾藥。有醒脾之力。且脾主肌肉。又主四肢。如陽氣鬱遏於脾胃之中。狀非表症。飲食如常。但肌表及四肢發熱如火。以此同升麻柴胡防風羌活。升陽散火。清肌退熱。薛立齋常用神劑也。若金瘡。若中風。若瘧病。以致口噤者。搗生葛根汁。同竹瀝。灌下。卽醒。乾者爲末。酒調服亦可。痘疹難出。以此發之甚捷。

【實驗】 此藥有發散性。能退熱。而有鎮靜作用。發熱而不惡寒者。可用之以退熱。可作治療維麻質斯之副藥。有滋養作用。虛弱性之腹瀉。服之有止瀉之效。能中和毒素。如內服各種毒藥以後。有中和毒素之作用。

【禁忌】 多用反傷胃氣。升散太過也。發熱而惡寒者。胃炎而嘔吐者。大便閉結而嘔吐者。均忌用。

【用量】 自一錢五分至三錢。

【炮製】 本藥用根。清水洗淨外泥。切薄片應用。葛花晒乾用。

【配合】 葛根。麻湯。治癩癧初發點粒未形。同升麻入升陽散火湯。升陽除濕。同一切

補腎益精藥作丸餌，則起陰令人有子。

前胡

【品狀】 山草類。爲多年生草。浙江、陝西、湖北均產。今所用者，大抵浙產。李時珍曰：前胡有數種，惟以春生苗高一尺，青白色似斜蒿，葉如野菊而細瘦，初出時有白芽三四寸，味甚香美。秋月開豔白花，類蛇床子花，其根皮黑肉白，有香氣爲真。七八月中採取。

【性味】 味苦兼辛，性微寒，無毒。得土金之氣，而感秋冬之令以生，降也。陽中陰也。半夏爲使。惡皂莢，畏藜蘆。

【歸經】 入肺、三焦二經，兼入脾、胃、大腸、肝、膀胱五經。爲解散之品，降痰下氣要藥。

【功效】 辛能散風邪，苦以泄肺氣，寒堪清上，降可除痰。

【研究】 前胡苦辛而寒，專入肺經，能解散外感風熱，外邪解則肺氣自降，痰火自除，故又能降氣下痰耳。前胡之解表邪，惟肺胃結氣有熱者可用之。石頑曰：前胡長於降氣，故能治痰熱喘嗽痞脹諸疾，爲痰氣之要味。治傷寒寒熱及時氣內外俱熱，又曰：二胡俱爲風藥，但柴胡主升，前胡主降，有不同耳。詎菴曰：辛以暢肺解風寒，甘以悅脾理胸腹，苦洩厥陰肝家之熱。

寒散大腸膀胱之邪。又肝膽經風邪。非前胡不治。按前胡味苦而辛。苦能下氣。辛能散熱。專主清風熱。理肺氣。瀉熱痰。除喘嗽痞滿。及頭風痛。入補藥中用之。散虛痰。入涼藥中用之。治暴赤眼。皆爲下氣散熱之功也。

【實驗】 此藥有發散性。能治感冒性寒熱。有下氣化痰作用。氣管炎。咳嗽氣促痰多。用之有效。

【禁忌】 病新瘥勿服。以表氣虛也。咳嗽由肺虛寒客。而無熱證者勿服。陰虛人發熱勿服。恐出汗愈竭其津液也。及血虛頭痛。小兒身熱。由於傷食疳積者禁用。石頑曰。前胡治氣實風痰。凡陰虛火動之風痰。及不因外盛而有痰者。禁用。

【用量】 自一錢五分至三錢。

【炮製】 本藥用根。清水洗淨泥土。切薄片應用。

【配合】 同白前、杏仁、桑白皮、甘草、桔梗。能豁風熱痰壅喘嗽。入礞石滾痰丸中代黃芩。治一切實痰有特殊功。其用黃芩者。不若此也。同羌活、葛根、柴胡、黃芩、花粉。治時疫寒熱。

柴胡（附）銀柴胡

【品狀】 山草類。宿根草。北產者。色微黑而細。產銀州者。色白黃而大。並良。南產者。強硬不堪。用。二月生苗甚香。莖高二三尺。微有細線葉。似竹葉而稍緊小。七月開黃花。根淡赤色。二八月均可採取。春取者。入藥有力。

【性味】 味苦性平。微寒。無毒。稟仲冬之氣。兼得地之辛味以生。升也。陰中陽也。半夏爲使。惡皂莢。畏藜蘆。

【歸經】 入肝、膽、心、胞、三焦、四經。爲表散之品。 四經引經藥。 少陽經表藥。 其功發表和裏退熱升陽。

【功效】 稟春氣以生。升。轉旋樞機。主少陽表邪之寒熱。味苦寒而輕舉。通調上下。治厥陰熱蓄之譫狂。木鬱達之。疏木暢肝散結氣。銀柴性似。涼療滌熱埋疔勞。

【研究】 柴胡得春初生發之氣以生。氣味雖微苦微寒。而力甚薄。故無降泄之性。而有生升之能。專入肝膽二經。能條達木鬱。疏暢氣血。解散表邪。如同補藥。用以升舉清氣。從左而上。宜蜜炙用之。 銀柴胡別有一種。從來注本草者。皆言其能治小兒疳熱。大人瘵熱。大抵有入胃腎肝膽涼血之功。性味與柴胡相似。故上古所不分耳。柴胡之用在升散。若陰虛火炎。氣升咳

嗽嘔吐等證不可用之。惟宜於春月時邪風溫等證。內應肝膽者。最爲相宜。銀柴胡出銀州。其質堅。其色白。無解表之性。各有所宜。不可不分。徐靈胎曰。柴胡腸胃之藥也。其氣味輕清。能於頑土中疎理滯氣。天下惟木能疎土。前人皆指爲少陽之藥。是知末而未知其本也。考銀柴胡專入腎兼入胃。味甘微寒無毒。功用等於石斛。皆能入胃而除虛熱。但石斛則兼入腎。滯氣固筋骨。此則入腎涼血之爲異耳。故和劑局方用此治上下諸血。及於虛勞方中參入同治。如肝勞之必用此爲主。且不類於北胡。蓋北胡能升少陽清氣上行。升清發表。必有外邪者方用。此則氣味下達。入腎涼血。與彼迥不相符。若用北胡以治虛勞。則咳嗽發熱。愈無寧日。陰火愈升。愈起。可不辨而混用乎。孫琳曰。凡瘡癩熱從髓出。若加剛劑。氣血愈虧。熱在皮膚。在臟腑。在骨髓。在骨髓者。得真銀柴胡。一服可愈。按胡柴性輕清。主升散。味微苦。主疏肝。若多用二三錢。能祛散肌表。屬足少陽膽經藥。治寒熱往來。瘰癧疾。除潮熱。若少用三四分。能升提下陷。佐補中益氣湯。提元氣而左旋。升達參芪。以補中氣。凡三焦膽熱。或偏頭風。或耳內生瘡。或潮熱癰癤。或兩脅刺痛。用柴胡清肝散。以疏肝膽之氣。諸症悉除。凡肝脾血虛。骨蒸發熱。用逍遙散。以此同白芍抑肝散火。恐柴胡性涼。製以酒拌。領入血分。以清抑鬱之氣。而血虛之熱自

退。若真臟虧損，易於外感，復受邪熱，或陰虛勞怯，致身發熱者，以此佐滋陰降火湯，除熱甚效。所謂內熱用黃芩，外熱用柴胡，爲和解要劑。

【實驗】 此藥有殺滅瘧原蟲之作用。主治先覺寒後覺熱之寒熱病。有疏氣作用。能除胸膈脹滿。對於腺質病有鎮靜之作用。癰串於未潰時可用之。淋巴腺炎者可用之。概因能促進淋巴腺之作用。而能發汗。滲去受染之毒質。推陳致新。消炎退腫。

【禁忌】 性升發散。病屬虛而氣升者忌之。嘔吐及陰虛火熾炎上者。法所同忌。瘧非少陽經者勿用。感冒熱症。舌紅者。內熱甚者。汗多者。忌用。

【用量】 北柴胡自八分至一錢五分。銀柴胡自一錢至三錢。

【炮製】 北柴胡根梗葉全用。外感生用。有汗欬者蜜水炒。內傷升氣酒炒。下降用梢。陰虛人用醋炒。或熬血炒。銀柴胡用根梗。

【配合】 同白芍、生地、川芎、澤蘭、益母草、青蒿。能治熱入血室。同升麻、葛根。能升陽散火。同生地、黃蘗、黃連、甘草、甘菊、元參、連翹、羌活、荆芥穗。治暴赤眼。

荆芥

【品狀】 芳草類。產蘇省。以孟河出品爲佳。二月播子。生苗辛香。方莖細葉。高二尺。似獨帚葉而狹小。淡黃綠色。八月開小花。作穗成房。房如紫蘇。房內有細子如葶藶子。狀黃赤色。連穗收採用之。

【成分】 主要素爲 $\text{Salviol C}_{10}\text{H}_{16}\text{O}$ 餘爲單寧、樹膠、揮發油。

【性味】 味辛性溫。無毒。得春氣而生。升也。陽也。反驢肉。無鱗魚。與鯽魚同食殺人。

【歸經】 入肝經。兼入膽胃肺三經。爲發表祛風理血之品。肝經氣分藥。

【功效】 邪風襲於血分者。可散可疏。浮熱客於上部者。能清能利。芳香之氣。用穗則更可上升。經產所需。炒黑又宜於營分。力可達肝而及肺。味則辛苦以微溫。

【研究】 荊芥辛溫而香。入肝肺二經。疏風邪。清頭目。風寒初客于表者。可用以解散之。炒黑能入血分。故又能宣血中之風。凡產後。癆潰。血虛感風之證最宜。但辛香解散之品。陰虛無表邪者忌之。李時珍曰。入厥陰。氣分長於祛風邪。散瘀血。破結氣。消瘡毒。蓋厥陰乃風木也。主血。而相火寄之。故風病。血病。瘡家。產後。荊芥爲要藥。沈金鰲曰。風在皮裏膜外者。荊芥主之。非若防風能入骨肉也。按荊芥味辛能疏風。兼苦能理血。若生用解散風邪。清利頭目。發散

壅滯。療頭眩暈。目痛齒痛。咽痛口瘡。頤腫。瘡瘍痛癢。痘瘡不起。皆取疏散之意也。若炒黑用。須炒極黑存性。治腸紅下血。女經崩漏。產後血暈。取其理血及血遇黑則止之義也。因肝喜疏散。以此入血分。善搜肝中結滯之氣。丹溪用治產後。良有深意。

【實驗】 此藥有發散性而能發表。感冒性惡寒發熱者用之。有發汗退熱之效。未出膿之瘡毒。而惡寒發熱者。有消散之作用。對於淋巴腺炎。具有發散作用。亦能興奮淋巴腺。使其恢復原有之健康。而能治鼠瘻瘰癧。患黃疸病。而有惡寒發熱者。可用之。有出汗之作用。能去除入血之膽液。而有治療黃疸之效。

【禁忌】 病屬表虛有汗者忌之。血虛寒熱。而不因於風寒濕者勿用。陰虛火炎面赤。因而頭痛。慎勿誤投。食苦鱸魚後服之。令人吐血。惟地漿可解。與蟹同食動風。

【用量】 白一錢五分至三錢。

【炮製】 本藥莖穗並用。或獨穗。以穗在巔。善升發也。治血炒黑用。同童便炒黑止血甚妙。

【配合】 得白頸蚯蚓同搗取汁。解陽明經熱病。汗出立已。同槐花炒焦爲末。茶下三錢。治大便下血。獨用炒爲末。童便調服二錢。治產後血暈立蘇。皇漢醫方。同連翹、薄荷、竹葉、牛

莠、桔梗、金鷄勒、金銀花、甘草。治流行性感冒。

薄荷

【品狀】 香草類。多年生草本。國內各地多有栽培。二月宿根生苗。清明前後分之。方莖赤色。高二尺。其葉對生。初蒔形長而頭圓。及長則尖。蘇州所蒔者。莖小綠葉而氣香。江西者稍粗。川蜀者更粗。入藥以蘇產爲勝。物類相感志云。凡收薄荷。須隔夜以糞水澆之。雨後乃悉刈收。則性涼。不爾不涼也。

【成分】 含揮發油及單寧少許。

【性味】 味辛苦性溫。無毒。感春杪初夏之氣。而得乎火金之味。以生。升也。陽也。

【歸經】 入心肺肝三經。爲解散風熱之品。肝心胞氣分藥。搜肝風。抑肺盛。

【功效】 輕清入肺。味辛溫而氣稟芳香。解散上焦清頭目而善宣風熱。

【研究】 薄荷辛溫香竇。體溫而用涼。入肺經。輕浮上升。故能解散上焦風熱。爲解表之藥。利咽喉。辟口氣。雖因其用涼而能治熱證。然畢竟辛散之品。陰虛有火者。仍宜遠之。薄荷之性味功用。與冰片相似。體溫而用涼。其所謂清者。乃輕清之清。非清冷之清也。石頑曰。薄荷辛涼。

上升。辛能發散。專於消風散熱。涼能清利。故治咳嗽失音。頭痛頭風。眼目口齒諸病。利咽喉。去舌胎。小兒驚熱。及癩癰疥。爲要藥。其性浮而上升。爲藥中春升之令。能開鬱散氣。按薄荷。味辛能散。性涼而清。通利六陽之會首。祛除諸熱之風邪。取其性銳而輕清。善行頭面。用治失音。療口齒。清咽喉。同川芎。達顛頂。以導壅滯之熱。取其氣香而利竅。善走肌表。用消浮腫。散肌熱。除背痛。引表入榮衛。以疏結滯之氣。入藥每劑止用四五分。勿太過。令人汗出不止。表虛者慎用。

【實驗】 此藥治初期腸室扶斯在腸胃中。稍能刺激胃腸之粘膜。使略感麻木。入血中能令血行增速。心動加快。既則呼吸徐緩。血壓降低。由中樞神經之受激。而傳達於末梢神經。使毛細管散大。以促進汗液之分泌。又爲麻醉劑。由腸壁吸入血中。能減少白血球之數。同時由交感神經而傳達大腦。使之麻醉。

【禁忌】 病新瘥勿服。以表氣虛也。咳嗽由肺虛寒客而無熱證者勿服。陰虛人發熱者勿服。恐出汗則愈竭其津液也。及血虛頭痛。小兒身熱。由於傷食疳積者禁用。石頑曰。辛香伐氣。多服久服。令人虛冷。瘦弱人多服。動消渴病。陰虛裏熱。咳嗽自汗者勿服。又貧血症禁用。

【用量】 自八分至一錢五分。

【炮製】 本藥用莖葉，以清水洗淨，切斷應用。入煎者須後放下，一二沸即可。多煎則氣味走泄也。清泄肝火肝熱者，須炒炭用。

【配合】 佐首烏、胡麻仁、荆芥、生地、刺藜、石菖蒲、蒼朮、漆葉，治大麻風。去蒼朮，加薤白，治紫雲風。同貝母、荆芥、元參、斑貓，佐以肥皂，能治癩癧。獨取自然汁，和白蜜煎汁少許，擦傷寒病、舌胎語蹇。同麻黃、杏仁、川芎、羌活、防風、升麻、甘草，治初期腸窒扶斯。同菊花、杏仁、連翹、桔梗、桑葉、蘆根，治咳嗽。皂漢醫方，同桑葉、菊花、杏仁、連翹、桔梗、甘草、蘆根，治肺支管炎。同羌活、麻黃、殭蠶、天竺黃、黃柏、甘草，治偏頭痛。

牛蒡子（附）根葉

【品狀】 隰草類。越年生草。產魯山平澤等處。三月生苗起莖，高者三四尺。葉大如芋葉而長。四月間開花，成叢淡紫色，結實如楓球而小，莖上細刺百千攢簇之一球有子數十顆，其根大者如臂，長者近尺，其色灰黢。七月採子，十月採根。

【成分】 根含植物粘液質、糖分、單寧酸、苦味質，及伊努林等。

【性味】 味苦辛，性平，無毒。得天地清涼之氣以生，升多於降，陽也。

【歸經】 入肺、胃、肝三經。爲散風除熱、解毒之品。通行十二經。

【功效】 苦辛入肺，散結清咽，潤降鬆肌，消痰化熱，解風濕於上部，利膈疏邪，宣疹痘於週身，通肝達外。

【研究】 牛蒡子，一名大力子。三月生苗，初夏開花，至秋結子。故其子得秋金之氣，辛勝于苦，性平，專治肺病，兼通於肝，宣散潤降，均擅其長。一切咽喉痘疹諸病，凡屬於肺者，皆可用之。

牛蒡根，甘平無毒，腳氣衝心，根浸酒服，齒齲痛，絞汁和鹽少許塗，手指四肢關節及頭痛，葉絞汁和鹽少許貼。按牛蒡子，味苦能清火，帶辛能疏風，主治上部風痰，面目浮腫，咽喉不利，諸毒熱壅，馬刀瘰癧，頸項痰核，血熱痘瘡，時行疹子，皮膚癩疹，凡肝經鬱火，肺經風熱，悉宜用此。

【禁忌】 其性冷而滑利，痘家惟宜，血熱便閉之證，若氣虛色白，大便自利，或泄瀉者，慎勿服之。痧疹不忘泄瀉，用之無妨，癰疽已潰，非便閉亦不宜用。

【用量】 自一錢五分至三錢。

【炮製】 本藥川子，雷公曰：凡用揀淨，以酒拌蒸，待有白霜重出，以布拭去，焙乾搗粉用。今人

但炒焙搗碎入煎。

【配合】 同赤柶木爲疹家要藥。同浮萍等分治風熱癩疹。同紫草、犀角、生地治痘瘡血熱。乾枯不得出有神。同桔梗、甘草節治咽喉痘瘡。同荆芥穗、甘草名必勝散治痘疹出不快時壯熱煩躁咽膈壅塞大便秘澀咽腫不利。研末刺雄鷄冠血和酒釀調胡荽湯下治痘不起發。

桔梗

【品狀】 山草類。產河南、關中等處。根如指大，黃白色。春生苗葉，高尺餘。葉似杏葉而長橢圓，葉相對而生。夏開小花，紫碧色，頗似牽牛花。秋後結子。八月採根，其根有心，若無心者爲薺芘。

【成分】 含有沙波寧，爲有效成分。

【性味】 味苦辛，性微溫。有小毒。感輕清之氣而生，升也。陽中陰也。畏白朮、龍膽草，忌豬肉、伏砒。

【歸經】 入肺、心二經，兼入胃經。爲開發和解之品。肺經氣分藥。

【功效】 爲諸藥之舟楫。開提肺氣散風寒，掃上部之邪氣，清利咽喉平欬逆，升而復降，宣胸

快膈有功。苦且辛平。泄鬱消痰多效。

【研究】 桔梗味苦而辛。性平入肺。一切肺部風寒風熱。皆可用此解散之。從辛也。其降氣下痰。從苦也。肺喜清肅。以下行爲順。外邪固束。則肺氣不降。肺不降則生痰。桔梗能治之。惟陰虛氣升者不宜耳。桔梗色白。爲肺之專藥。凡一切肺癰肺痿。寒熱欬嗽。皆可治耳。朱震亨曰。乾咳。嗽。乃痰火之邪。鬱在肺中。宜桔梗開之。痢疾腹痛。乃肺金之氣。鬱在大腸。亦宜桔梗開之。後用痢藥。此藥能開提氣血。故氣藥宜用。張璐曰。此藥升降諸氣。能入肺使諸氣下降。俗泥爲上升而不能下行。失其用矣。痘疹下部不能起發。爲之切忌。以其性升能阻藥力於上。不得下達也。惟陰虛久嗽不宜用。以其通陽泄氣也。

【實驗】 此藥有消散性。對於氣管有化痰消炎之作用。尋常之感冒咳嗽。而有寒熱者。可用之。對於腸胃略有興奮之作用。而能去腸中之積氣。故能治腹滿腸鳴。

【禁忌】 凡病氣逆上升。不得下降。及邪氣在下焦者。勿用。凡攻補下焦藥中。勿入。倘下虛及怒氣。併血病。火病。炎上者。斷不可用。有消散性。白喉症。忌用。而尋常之喉痛。現紅腫狀者。有時可用之。汗多者。虛弱性咳嗽。均忌用。服桔梗時。食豬油者。每現喉啞之狀。

【用量】 自五分至一錢五分。

【炮製】 本藥用根。凡用須去頭上尖硬二三分，并去浮皮，泔浸微炒。

【配合】 同枳殼治胸中痞滿不痛，取其通肺利膈下氣也。同貝母、巴豆治傷寒寒實結胸，取其溫中散邪消穀破積也。同甘草治肺癰吐膿咳嗽，胸滿振寒脈數，咽乾不渴，時出濁唾腥臭，久久吐膿如米粥者，取其苦辛清肺，甘溫瀉火，排膿血，補內漏也。入涼膈散，偕硝黃諸品，以導胸中，使不峻下。入四物湯，同歸芍等藥，以治咽噎，居於上焦，取其提載之功也。

桂枝

【品狀】 香木類，桂樹頂之細枝也。生于煖地之常綠喬木，葉互生，革質而厚，多毛，成長橢圓形。二月八月十月採取陰乾。

【成分】 爲揮發油、樹脂、膠質、鞣寧等。

【性味】 味辛甘，性溫，無毒。

【歸經】 入肺、膀胱二經，爲上行發表之品，能行肺氣，散血分寒，橫行肩臂。

【功效】 體用可通肢，由衛入營宣腠理，辛甘能入血，溫經達絡散風寒。

【研究】 桂枝卽桂樹之枝。故性味與肉桂相同。而主治略異。藥之爲枝者。達四肢。故能走四肢。通經絡。解散營分風寒。由汗而出表。較肉桂輕。清氣味爲薄耳。賈九如曰。桂枝味辛甘。辛能解肌。甘能實表。經曰。辛甘發散爲陽。用治風傷衛氣。自汗發熱。此仲景桂枝湯意也。其氣味俱薄。專行上部肩臂。能領藥至痛處。以除肢節間痰凝血滯。確有神效。按桂枝其體輕上升。其味辛入肺。其色赤入心。有升無降。入肺而利氣。入膀胱化氣而利水。且能橫行於臂。調和營衛。治痛風脇風。止煩出汗。驅風散邪。爲解肌第一要藥。故書皆言無汗能發。有汗能收。然其汗之能發止。是因寒傷營。營血內滯。不能外通於衛。衛氣閉固。津液不行。故無汗發熱憎寒。用桂枝以調其營。營調則衛氣自和。而寒邪莫容。遂自汗而解。非若麻黃能開腠理以發其汗也。其汗之能收止。因衛受風傷。衛氣外泄。不能內護於營。營氣虛弱。津液不固。故有汗發熱而惡風。其用桂枝湯爲治。取其內有芍藥入營以收陰。外有桂枝入衛以除邪。則汗自止。非云桂枝能閉汗也。

【禁忌】 桂枝偏陽。最能動血。陰虛之人。一切血證。不可誤投。有內熱者。脈芤數者。大便乾燥者。均忌用。

【用量】 自五分至一錢五分。

【炮製】 本藥用細枝，以清水洗淨，切片用，粗者爲桂木。

【配合】 得白芍、炙甘草、飴糖、黃耆，則建中兼止營弱自汗。得石膏、知母、人參、竹葉、麥冬，治陽明瘧，渴欲引飲，汗多，寒熱俱甚。得白芷、當歸、川芎、黃芪、生地、赤芍、殭蠶，治金瘡爲風寒所擊，俗名破傷風。

赤裡柳 卽西河柳

【品狀】 落葉喬木類，汁京甚多，他處亦多產之。時珍曰：裡柳小幹弱枝，插之易生，赤皮細葉，如絲，婀娜可愛，一年三次作花，花穗長三四寸，水紅色，如蓼花色，爾雅翼云：天之將雨，裡先知之，起氣以應，又負霜雪不凋，乃木之聖者也。

【成分】 含有水楊酸。

【性味】 味甘鹹，性溫，無毒，稟陽春之氣以生，升也，陽也。

【歸經】 入心、肺、胃三經，爲開發升散之品，入血解血分之毒。

【功效】 性溫味屬甘鹹，透發痧疹，具宣表鬆肌之力，化毒功歸脾胃，浴除風癢，有解酒利便。

之功。

【研究】西河柳此柳遇天之將雨望之必有鬱蒸之氣以應之味甘鹹微溫入脾胃行肌肉通肢節故能透發痧疹。蠲除風癢皆在用之者取意耳。繆仲醇曰熱毒熾於肺胃則發癩疹於肌肉間以肺主皮毛胃主肌肉也。經云少陰所至爲瘍疹。卽諸痛痒疔瘍皆屬心火之旨。此藥正入心肺胃三經。毒解則邪透肌膚而內熱自消。此皆開發升散之功。近世治痧疹熱毒不能出用爲發散之神藥。

【禁忌】除痧疹外他用甚稀。

【用量】白一錢五分至三錢。

【炮製】本藥用枝葉以清水洗淨切碎應用。

【配合】同石膏、知母、薄荷、荊芥、元參、牛蒡子、麥冬、竹葉、連翹、黃芩、甘草之屬。治痧疹發不出或雖發不透如熱甚毒熾。舌生芒刺。大渴譫語。癩色紫黑者加入三黃石膏湯內大效。

芫荽(附)芫荽子

【品狀】葶草類。一年生草。國內各處均產。八月下種。晦日尤良。初生柔莖圓葉。葉有花歧。根

軟而白，冬春採之，香美可食，亦可作葷。道家五葷之一。立夏後開細花成簇如片菜花，淡紫色。五月收子，如大麻子，亦辛香，可入藥。

【成分】 百分中有揮發油一分，脂肪油十三分，餘爲蛋白質、單寧酸等。

【性味】 味辛性微溫，微毒，稟金氣多，火氣少而生升也。陽也。伏鍾乳石。

【歸經】 入肺、胃二經，兼入心經，爲透發之品，辟一切不正之氣。

【功效】 辛溫善散，可宣肺胃之寒凝，香竇難聞，能起痘疹之滯遏。

【研究】 芫荽一名胡荽，辛溫入肺胃，散寒快氣，食之爽口腹，辟穢惡，畢竟芫荽辛臭之品，故道家列爲五葷之一。人之血氣，聞香則順，聞臭則逆，若痘疹不起，欲用此宣發，吾恐欲順反逆，不如求之他藥爲穩耳。芫荽子辛酸平無毒，功用與根葉相似。

【禁忌】 辛香發散，氣虛人不宜食，痘疹出不快，非風寒外侵，穢惡觸犯，不宜食，服一切補藥，及藥中有白朮丹皮均忌，又久食損人精神，令人多忘，病人食之脚軟。

【用量】 芫荽入煎劑，自二錢至五錢，煎湯薰洗，一兩至三兩不等，芫荽子，入煎劑，自一錢五分至三錢。

【炮製】 本藥全用以清水洗淨應用。子晒乾用。

【配合】 疹痘遏滯不出。用陳酒二斤。芫荽一把。入銅壺內煎沸。以壺嘴所出之氣。類向病兒口鼻薰之。疹痘即能發出。甚效。或用布蘸酒。揩洗週身亦效。小便不通。芫荽二兩。葵根一握。水二升。煎一升。入滑石末一兩。分三四服。

淡豆豉

【品狀】 造釀類。造豉法。用黑豆。六月間。水浸一宿。淘淨蒸熟。攤蘆席上。微溫蒿覆五六日後。黃衣遍滿爲度。不可太過。取晒簸淨。水拌乾濕得所。以汁出指間爲準。築實甕中。桑葉厚蓋三寸。泥封晒七日。取出。曝一時。又水拌入甕。如是七次。再蒸過。攤去火氣。甕收貯。

【性味】 味苦性寒。無毒。能升能降。陰中陰也。

【歸經】 入肺經胃經。爲解表除煩之品。解肌發汗。下氣調中。

【功效】 性味則甘苦微寒。兩行肺胃。主治凡風寒時疫。專賴宣疏。能發汗以解肌。可吐邪而化腐。

【研究】 豆豉用黑豆蒸罨而成。雖諸家本草。言性寒者多。然既經蒸罨。則味甘者變苦。其性

豈有寒冷之理。入肺胃行上焦。有宣散升發之力。故凡一切時溫溫瘧等證。內有伏邪。表裏不解者。均可用之。所謂在表者。汗而發之。在上者。因而越之。須知豉能化胸中陳腐之氣。則解表宣裏之力。自可知矣。

【禁忌】 傷寒傳入陰經。與直中三陰者。皆不宜用。熱結胸中。煩悶不安。此欲成結胸。法當下。不宜再汗。均忌。

【用量】 自三錢至五錢。

【炮製】 本藥以清水淘淨。晒乾應用。或炒香用。入發散藥陳者爲勝。入涌吐藥新者爲良。

【配合】 豉得葱則發汗。得鹽則能吐。得酒則治風。得薤則治痢。得蒜則止血。淡豆豉一兩。蒸搗如泥。入砒霜末一錢。枯白礬三錢。丸綠豆大。治胸膈痰積。凡天雨便發。坐臥不得。飲食不進。乃肺竅久積冷痰。遇陰氣觸動則發也。用此一服即愈。服至七八次。即出惡痰數升。藥性亦隨而出。即斷根矣。每用冷茶冷水送下七丸。甚者九丸。小兒五丸。即高枕仰臥。忌食熱物等爲要。

葱白頭 青蔥管 葱汁

【品狀】 葷草類。多年生草本。高二尺許。地下有球狀鱗莖。葉中空。有平行脈。葉之下部色白。夏開白黃小花。叢集如球。綱目云。葱凡四種。冬葱即凍葱。夏衰冬盛。莖葉俱軟。漢葱莖實硬而味薄。冬即葉枯。胡葱莖葉粗硬。根若金燈。蒼葱生於山谷。不入藥用。

【成分】 主要素爲 Sinistrin ($C_6H_{10}O_6$)。餘爲水、膠、糖。

【性味】 味辛性平。葉溫。根鬚平。並無毒。稟天之陽氣。地之金味而生。升也。陽也。

【歸經】 入肺、肝、胃三經。爲解散之品。達表和裏。通陽治血。

【功效】 行肺、胃以通陽。可溫宣而發汗。味辛性熱。散氣昏神。

【研究】 葱白即葱之近根處白莖也。味辛性溫。升浮上達。入肺、胃二經。其中空。故能外散風寒。內通陽氣。又能行血散瘀。止腹痛。消腫毒。皆係行氣之功所爲。三焦相通。一氣而已。但耗散昏目。損志傷神。虛人當審用也。李時珍曰。生用辛散。熟用甘溫。外實中空。肺之藥也。肺病宜食之。肺主氣。外應皮毛。其合陽明。故所治之證。多屬太陰陽明。皆取其通氣發散之功。通氣故能解毒理諸病。氣者。血之帥也。氣通則血治矣。故金瘡等用之。皆有殊效。青蔥管治水病足腫。取莖葉煮湯漬之。日三五次。妙。小便不通。取葱白連葉搗爛入蜜。合外腎上即通。蔥汁辛溫。

滑無毒。濁血飲之。解藜蘆及桂毒。金瘡出血不止。取葱炙執。按汁塗之。按葱頭去青。止用白頭。辛溫通竅。專主發散。凡一切表邪之症。大能發汗。逐邪。疏通關節。蓋風寒濕之氣。感於皮膚。經絡之間。而未深入臟腑之內。宜速去之。開發毛竅。放邪氣出路。則榮衛通暢。但發表之意。用法不同。須知溫熱寒涼。皆能通表解散。若外感風寒。邪止在表。加入麻黃羌活紫蘇白芷辛溫之劑。專主發散。若內蓄鬱熱。邪遏在表。加入寒涼與辛溫並用之劑。一則清腸胃而祛積熱。一則開玄腑而逐鬱邪。故有雙解通解之義。若邪在半表半裏。加入柴胡葛根之劑。以和解之。

【實驗】此藥醫治淋病。入胃後。能刺激胃粘膜。使胃液分泌增加。至腸能激腸粘膜。令其吸收作用強大。同時又能減少腸液之分泌。使大便燥結。并可殺死小部分之赤痢菌。入血中。驟使血行增速。血壓加高。腎臟之血管充血。而利尿作用十分增進。令全身積蓄之過量水分。迅速向腎臟迫出。同時氣枝管粘膜之分泌。亦被激而增多。故可助痰之咳出。

【禁忌】葱同蜜食殺人。同棗食令人病。服地黃常山人忌食。表虛易汗者勿食。病已得汗勿再進。多食令人神昏髮落。氣虛上沖。眼結膜炎。偏頭痛。腦充血。均忌。

【用量】自一錢五分至三錢。

【炮製】 本藥用近根處白莖，清水洗淨用。

【配合】 得豆豉治感冒風寒，得生薑治傷寒頭痛，連葉同蜜搗爛，塗治外科腫毒，皇漢醫方，同木香、朮通、檳榔、茴香、澤瀉、青皮、甘草、冬葵、車前子治淋病，合生薑、麻黃、桂枝、杏仁、甘草治初期腸窒扶斯。

本草用法研究

第二編 攻裏之劑

邪在表宜汗。邪在裏宜下。人之一身。元氣週流。不能容纖芥之邪。稍有滯礙。則壅塞經絡。隔遏陰陽。而爲病矣。或寒或熱。或氣或血。或痰或食。爲證不一。輕則消而導之。重必攻而下之。使垢瘀盡去。而後正氣可復。譬之盜寇不勦。境內終不得安平也。然攻下之劑。須適事爲宜。如邪勝而劑輕。則邪不服。邪輕而劑重。則傷元氣。不可不審也。考瀉藥作用。能在腸內刺激腸粘膜之蠕動。逐去腸內之物。可藉瀉以洩其病。若無病人。將食物化爲渣滓。悉從大便而出。原不必瀉。然因發熱。或因傷風。或因食滯而病。則胃與大小腸之功用已鈍。而各處發出津液。或多或少。則不得不服瀉藥。至取瀉之故有五。一則大小腸間。或積糞。或生蟲。因而食物不消。腹中脹滿。卽令推之而出。二則令血減少。蓋瀉出血中水液。及驅血熱由下而出。如眼熱。腦炎。瀉之可使勿攻眼腦也。三則令肝化液逾常。及大小腸滋生津液。自腸胃中直落肛門。瀉出。意令瀝去血中熱質也。四則使全體吸管。吸去體內污垢。五則能令婦人月經通行。凡服瀉藥者。固有所宜。

亦有所忌。如老弱血虧者，患痔瘡及糞後流血者，患瘰癧及四肢核症者，均當審慎從事。而且飯後勿服瀉藥。婦人當經行時亦忌服。孕婦服此只宜微利，不宜猛瀉。大抵服瀉藥而不知節，恆致胃難消化，因而身弱，及大小腸將作炎症也。至於服藥不瀉，又宜用外導之法，以助藥力。

大黃

【品考】 毒草類。多年生宿根草。正月內生青葉似蓖麻。大者如扇。四月開黃花，亦有青紅似蕎麥花者。莖青紫色，形如竹。根如芋。大者如盤。色黃。二月八月採根去黑皮，切作橫片火乾。產蜀川，有錦紋者佳。

【成分】 含克里蘇番 *Crysophan* CH_5O_4 ， $\text{CH}_3(\text{OH})_2\text{O}_2$ ，愛瑪易山 *Enoinin* $\text{C}_{14}\text{H}_{18}\text{O}_2$ ， $\text{CH}_2(\text{CH})\text{CO}_2$ ，及二種樹脂質。阿波列丁 *Aporatin*，愛里斯洛列丁 *Erythroretin*。此外含有苦味質、單寧、沒食子酸、揮發油、澱粉、羧酸、石灰等。

【性味】 味大苦，性大寒。有毒。稟地之陰氣，獨厚。得天之寒氣，獨深。而生氣味俱厚。降也。陰也。黃芩爲使。無所畏。惡冷水。忌乾漆。

【歸經】 入肝、脾、胃三經。兼入心、胞、大腸二經。爲大瀉血分實熱。盡下有形積滯之物品。五經

血分藥

【功效】 沉降下行。苦寒有毒。通腸滌胃。瀉實熱之稽留。破積行瘀。瀉諸邪之閉結。製炒偏通於小便。分消善導乎州都。

【研究】 大黃苦寒沉降。氣味俱厚。入脾胃大腸血分。能瀉滌瘀留結熱之實邪。長驅直下。破堅積。除癥瘕。若寒滯積結。有溫下之法。虛人挾積。有補瀉並行之法。故溫藥補藥皆可相輔而行。和機而用。若經酒製蒸炒。則專行小腸膀胱。治濕熱癰閉等症。故生熟異用耳。東垣曰。大黃下走。用之於下。必用生。若邪在上。必酒浸引上至高之分。驅熱而下。若止用生。則遺至高之邪熱。是以愈後。或目赤。或喉痺。或頭痛。或膈上熱痰生也。徐靈胎曰。大黃色正黃而氣香。得土之正氣正色。故專主脾胃之疾。凡香者無不燥而上升。大黃極滋潤達下。故能入腸胃之中。攻滌其凝結之邪。而使之下降。乃驅逐停滯之良藥也。石頑曰。若食在上脘。雖經發熱。只須枳實黃連以消痞熱。宿食自通。若誤用大黃。推蕩不下。反致結滯不消。爲害不淺。按大黃苦重能沉。帶辛散結。氣味重濁。眞降下行。走而不守。有斬關奪門之力。故號爲將軍。專攻心腹脹滿。腸胃蓄熱。積聚痰實。便結瘀血。女人經閉。蓋熱淫內結。用此開導陽邪。宣通澀滯。奏效獨勝。

如積熱結久，大便堅實閉固，難以取下，又藉芒硝味鹹軟堅，兩者相須而用，凡內傷外感，鬱久皆變成燥，燥甚為熱，熱極為火，三者屬陽邪，銷鑠腸胃，最烈而速，遂使濁陰不降，清陽不升，諸症益起。若用硝黃，如開門放賊，急須驅逐，宜以生用，則能速通腸胃，製熟以酒，性味俱減，僅能緩以潤腸，勿畏而不用，亦勿輕而誤施，全在對症用藥，貴乎多少合宜，斯為神乎。

【實驗】此藥在胃中，略能助胃液之不足，以促進其消化作用，至腸能激腸之蠕動，使積糞瀉下，然一次瀉下後，因 Rho-Tannic acid 有斂腸之功，故復行便秘，專用為緩下劑，又為健胃藥及止瀉藥，按大黃有解毒消炎與通大便之作用，因腸胃炎而消化不良者，或大便閉結而有腸胃炎，腹滿痛煩躁口渴者，均可用之。

【禁忌】因腸胃虛弱而消化不良者，脈細弱而體溫低者，舌發白色者，均忌。凡氣分病及胃寒血虛，妊娠產後均忌。如老人血枯便秘，氣虛便秘，脾虛腹脹少食，婦人血枯經閉，陰虛寒熱，脾氣痞積，腎虛動氣及陰疽色白不起等證，不可妄用。

【用量】自三錢至五錢。

【炮製】本藥用根，凡使有蒸熟用，有生用，各依方法，如酒浸入脾經，酒洗入胃經，餘經俱不

用酒。又破瘀血。韭汁製。虛勞吐血。內有瘀積。韭汁拌炒黑用之。大腸風祕燥結。皂角綠礬酒製。又尿桶中浸過。能散瘀血。兼行滲道。炒炭有止血之效。

【配合】 同連翹、芒硝、甘草、梔子、黃芩、薄荷爲末服。治中焦實熱、煩躁、口渴、目赤、大小便秘。得生地黃汁。治吐血刺痛。得黃連黃芩。治心下痞滿。得牛蒡子。治風熱痰食積壅。大棗去核。將生大黃塊嵌入。飯鍋上蒸熟。治小兒脾癰疳積。鷄子一枚。破頂入生大黃末攪勻。飯鍋上蒸熟。名將軍蛋。空心食之。治赤白濁。同芒硝、枳實、厚朴。治便秘。同龍膽草、甘草、柏子仁、白芍。治消化不良症。

商陸

【品狀】 毒草類。多年生宿根草。生咸陽川谷中。人家園圃中亦有生者。有赤白二種。白者可入藥。春生苗。高三四尺。青葉如牛舌而長。莖青赤至柔脆。夏秋開花作朶。赤花者根赤。白花者根白。根如蘿蔔而長。八九月採之。

【成分】 根中有毒成分。曰費脫拉克托克辛。Phytolactoxin $C_{24}H_{36}O_8$ 。爲無結晶之華爾斯。

【性味】 味苦、性辛寒有毒。陽中之陰。其用療水。其效如神。忘犬肉。得大蒜良。

【歸經】 入脾胃、大腸三經。瀉水通腸消腫之品。

【功效】 苦辛有毒。入脾胃逐水通腸。沈降偏寒。疏臟腑散堅消腫。

【研究】 商陸味苦、性辛寒。沈陰有毒。入脾胃大腸。瀉水消腫。有排山倒海之勢。其毒烈之性。與大戟甘遂相同。但可治陽水實邪。若脾腎虛寒。而屬陰水者。不宜用之。有赤白二種。白走氣。赤走血。瀉水雖同。惟赤者可外敷癰腫耳。

【實驗】 此藥之主要作用。爲利水。凡患水腫症。不但能使水份由大便而排泄之。亦能由尿道而排泄之。

【禁忌】 腫脹因脾虛者多。若誤用之。一時雖效。未幾再作。決不能救。大小便通利者。虛弱者。禁用。

【用量】 自三錢至五錢。

【炮製】 取花白者根。銅刀刮去皮。薄切。以東流水浸兩宿。取出。以黑豆葉一重。商陸一重。架甑蒸之。從午至亥。取出。去豆葉。曝乾。切片用。無豆葉。以豆代之。赤者。但可貼腫。服之。傷人。痢血。

不止而死。

【配合】商陸、大蒜頭、納入猪肚中、煮熟食之、治水腫氣滿、腫滿小便不利、以赤根商陸搗爛、入麝香三分、貼於臍上、以帛束之、得小便利則腫消。

大戟（附）草大戟

【品狀】毒草類、多年生草、大戟生平澤甚多、春生紅芽、漸長直莖、高一尺、中空、折之有白漿、葉長狹如柳葉而不圓、其梢葉密攢而上、三四月開黃紫花、形圓似杏花、根似細苦參、秋冬採根陰乾、杭州紫大戟爲上、江南土大戟次之、北地綿大戟色白、其根柔韌如綿、甚峻利、能傷人、弱者服之、或至吐血、不可不知。

【成分】含有刺激腸胃而發下痢之華爾斯樣物質。

【性味】味苦甘、性辛寒、陰中微陽、稟天地陰毒之氣而生、得大棗良、赤小豆爲使、惡山藥、畏菖蒲、反甘草。

【歸經】入肝、脾、腎三經、血分藥、功專瀉水逐痰、散結通絡之品。

【功效】通腸滌臟、味辛苦而沉寒、導水行瘀、入肝脾而達腎、亦能發汗、且可消癰、澤漆乃是

其苗陰毒之功類載。

【研究】大戟稟天地陰毒之氣。其根色紫黑帶黃。味辛苦而寒。服之戟人咽喉。入肝脾腎三經血分。功專瀉水散結。通達臟腑。且能行瘀消腫。發汗治風。有毒而能攻毒。故又能治蠱毒疫毒等證。澤漆卽大戟苗。性味功用與大戟相同。似乎苗葉之功長於治上。故金匱有治咳而脈沉者。澤漆湯主之一法也。草大戟色紫紅。梗細。中有白心。性寒。味激刺舌。破瘀下痰結。有毒。不可輕用。

【禁忌】陰寒善走瀉肺。大損真氣。非元氣壯實。水濕伏留。飲食停滯中焦者。不可浪施。虛弱性腫脹。大小便較多者。禁用。草大戟同。

【用量】自五分至一錢五分。

【炮製】本藥用根。凡採得以漿水煮軟。去骨曬乾。切片用。入藥惟用正根。誤服傍株。令人冷瀉。同棗煮。不損脾。

【配合】入玉樞丹。紫金錠。解蠱毒。熱毒。癰疽。疔腫。及蛇蟲諸毒。內服外敷。取利爲度。獨用一兩。同棗三枚。水一盞。煮。晒乾。去大戟。以棗肉焙丸服。從三分至五分。名百祥丸。治痘瘡變黑乾。

陷不發寒而大便閉結者。同甘遂、白芥子、微炒、等分爲末。薑汁打麩糊丸。梧子大。每服七丸。或二十丸。名控涎丹。治痰涎留在胸膈上下。變爲諸病。或頸項、胸背、腰脇、手足、胯脾、隱痛。不可忍。筋骨牽引釣痛。走易及皮膚麻痺。似乎難癒。又治痰厥頭痛。或睡中流涎。或咳睡喘息。或痰迷心竅。並宜此藥數服。痰去疾除。

甘遂

【品狀】 毒草類。陝西江東多產之。苗似澤漆。莖短小而葉有汁。根皮赤肉白。作連珠。大如指頭。二月採根陰乾。

【成分】 爲刺激腸管以發下痢之華爾斯樣物質。殆一種之無水酸歟。

【性味】 味苦甘性寒。有毒。稟天地陰寒之氣以生。降也陰也。瓜蒂爲使。惡遠志。反甘草。

【歸經】 入肺、脾、腎三經。爲行水之品。逐隧道水濕。直達水氣結處。以攻決爲用。能瀉腎。

【功效】 潔淨府而有功。入腎通腸。直達水邪所結處。宜經隧而無滯。性寒味苦。生成陰毒勿輕投。

【研究】 甘遂此藥專於行水攻決爲用。味苦能泄。寒勝熱。直達水氣所結之處。乃瀉水之聖

藥。腎主水。故入腎經。能去痰者。以痰之本水也。但不可輕用耳。石頑曰。腎主水。凝則爲痰。飲溢則爲腫脹。甘遂能泄腎經濕氣。治痰之本也。不可過服。中病卽止。按甘遂乃泄水聖藥。與商陸大戟芫花異性同功。方家俱不甚用。商陸專除水腫。大戟泄臟腑水濕。甘遂行經隧水濕。芫花消伏飲痰癖。此其爲用。又同中各異處。

【禁忌】 去水極神。損真極速。大實大水可暫用之。否則宜禁。虛弱性大小便利者。大小便較多者均忌用。

【用量】 自一錢至二錢。

【炮製】 本藥用根。以麩裹煨熟。或用甘草薺莖汁浸三日。其水如墨。以清爲度。再麩裹煨熟切片用。

【配合】 入大陷胸湯。治傷寒水結胸有神。獨用末一錢。豬苓湯調下。治小便轉胞立通。

同黑牽牛子。治水腫腹滿。身面浮腫。甘遂二錢。生研爲末。以雄豬腎一枚。分切七片。入末在內。濕紙包煨令熟食之日一服。至四五服。當覺腹鳴小便利。是其效也。上方加木香四錢。治腎水流注。腿膝攣急。四肢腫痛。每用二錢。溫酒嚙下。當利黃水爲驗。同豬心濕紙裏煨熟。研末。

入硃砂爲丸。用豬心湯下。治癩癩心風血邪。大便利下惡物卽效。

芫花

【品狀】 毒草類。植物學家歸入落葉灌木類。今饒州等處。在處有之。宿根舊枝。莖紫。長二三尺。根入土深三五寸。白色似榆根。春生苗。葉小而尖。似楊柳枝葉。二月開紫花。頗似紫荊。而作穗。又似藤花而細。今絳州出者。花黃。謂之黃芫花。採取陰乾。

【性味】 味苦性溫。有大毒。決明爲使。反甘草。

【歸經】 入肺、脾、腎三經。爲行水之品。專去水飲痰癖。

【功效】 入肺脾而兼腎。窠囊水飲立蠲除。導上下以通腸。留伏濕痰頓解化。散瘀消腫。味苦而辛。治癖殺蟲。性溫有毒。

【研究】 芫花味苦辛。色黃赤。性溫有毒。入脾肺腎三經血分。專瀉上下水邪。以其爲花也。故能瀉而廉散。非比商陸之沉降不能破血。且性之寒溫亦異耳。然有毒之品。不可輕投。李時珍曰。飲有五。皆由內啜水漿。外受濕氣。鬱畜而爲留飲。芫花大戟甘遂。逐水洩濕。能直達水飲窠囊隱僻之處。但可徐徐用之。取效甚捷。不可過劑。洩人元氣。

【實驗】 此藥有發散性。其主要之作用爲利水。若氣管因水腫而致逆上氣。喉鳴喘。咽腫短氣。可用之。能化痰平氣。

【禁忌】 毒性至緊。取效最捷。稍涉虛者。服之多致夭折。大小便過於通利者。慢性氣管支炎。忌用。

【用量】 自五分至一錢五分。

【炮製】 取陳久者。醋煮十數沸。去醋。水浸一宿。晒乾。則毒減。醋炒者次之。

【配合】 同大戟、甘遂、爲末。棗肉和丸。治水氣喘急浮腫。能達水飲窠囊隱僻之處。徐徐用之。取效甚捷。不可過劑。洩人真元。

急性子 卽鳳仙子

【品狀】 毒草類。人家多種之。極易生。二月下子。五月可再種。苗高二三尺。莖有紅白二色。其粗如指。中空而脆。葉長而尖。似桃柳葉。而有鋸齒。極間開花。或黃或白。或紅或碧。或紫或雜色。亦自變易。狀如飛禽。自夏初至秋盡。開謝相續。結實纍然。大如櫻桃。其形微長。色如毛桃。生青熟黃。犯之卽自裂。皮捲如拳。苞中有子似蘿蔔子而小。採取晒乾用之。

【性味】 味苦性溫，有小毒。

【歸經】 入腎經，爲滑竅軟堅，行瘀降氣之品。

【功效】 透骨軟堅，當知味苦性溫，毒能渣積，催生滑竅，須識行瘀化哽，降可寬喉。

【研究】 急性子，卽鳳仙子，色黑苦溫，入腎，凡子皆降，此子降性尤急，故名。力能透骨軟堅，催生滑竅，庖人烹魚肉硬者，投數粒，卽易軟爛。考其性能入血分行瘀降氣，故能治大人噎膈，小兒痞積等證，又能辟蟲，以此草蟲不蛀，蜂蝶不過，其爲有毒可知，似不宜於服食耳。

【禁忌】 非實證積聚證不用，虛弱人禁用。

【用量】 白一錢至一錢五分。

【炮製】 本藥用子，淘洗淨，曬乾應用。

【配合】 同砒少許研末，點痛牙之根，其牙自落。小兒痞積，以急性子、水紅花子、大黃、各五錢生研末，外用皮硝一兩拌勻，將白鴿或白鴨去毛屎，剖腹勿犯水，以布拭淨，將藥末納入腹中，用線紮定，盛沙鍋內，入水三碗，重重紙封，文火煮乾，將鴿鴨翻調焙黃色，冷定，早晨食之，日西時疾軟，三日大便下血，病去矣。忌冷物百日。同獨蒜搗汁，以塗痞塊，卽消。加麝香、阿魏，尤

捷。

玉簪根

【品狀】 毒草類。多年生草本。玉簪處處人家栽爲花草。二月生苗成叢。高尺許。柔莖如白松。其葉大如掌。團而有尖。葉上紋如車前。葉青白色。頗嬌瑩。六七月抽莖。莖上有細葉。中出花朵。十數枚。長二三寸。本小末大。未開時正如白玉。搔頭簪形狀。開時微綻。四出。中吐黃蕊。頗香。不結子。其根連生有鬚毛。採取晒乾用。

【性味】 味甘辛性寒。有毒。

【歸經】 入腎經。爲軟堅消腫之品。

【功效】 消腫軟堅。功至速。取牙有毒。味辛寒。

【研究】 玉簪花根。辛寒有毒。入腎軟堅消腫。下骨哽。取蟲牙。故方士取牙方中多用之。但最易損齒。用之宜慎耳。葉治蛇虺螫傷。搗汁和酒服。以渣敷之。中心留孔洩氣。

【禁忌】 體質虛弱之人禁用。多服麻醉不醒。

【用量】 自一錢至一錢五分。

【炮製】 本藥用根。清水洗淨。切片用。

【配合】 刮骨取牙方。玉簪根乾者一錢。白礪七分。蓬砂二分。威靈仙三分。草烏頭一分半。爲末。以少許點牙痛處。牙卽自落也。

牽牛子

【品狀】 蔓草類。牽牛有黑白二種。二月種子。三月生苗。黑者處處野生尤多。其蔓有白毛。斷之有白汁。葉有三尖如楓葉。七月生花。花不作瓣。如旋花而大。形如喇叭。八月結實。其實有蒂。裹之。生青枯白。其核與棠球子核一樣。但色淺黑耳。白者人多種之。其蔓微紅無毛。有柔刺。斷之有濃汁。葉團有斜尖。並如山藥莖葉。其花小於黑牽牛花。淺碧帶紅色。其實蒂似茄。長寸許。生青枯白。其核白色稍粗。九月採之。曬乾候用。

【成分】 含昆護胡林。Convulvulin ($C_{31}H_{51}O_{13}$) 更含有沒食子酸。

【性味】 味苦辛性溫。有小毒。得木香。乾薑。良。

【歸經】 入肺大腸二經。爲逐痰瀉飲之品。黑者兼入腎。

【功效】 色形黑白宜分。瀉肺行痰。消脹逐邪於氣分。性味辛溫有毒。搜風導滯。通腸利水達

胞宮。

【研究】牽牛子。味辛性熱。瀉肺氣。利大腸。逐痰蠲飲。又能從治氣分濕熱堅結。但攻伐之品。肺與大腸。無水濕邪滯堅結者。不可輕投。張璐曰。牽牛專一行水。峻下之劑。白者屬金利肺。治上焦痰飲。除壅滯氣逆。通大腸風秘。除氣分濕熱。黑者屬水瀉腎。而兼瀉脾胃之濕。消腫滿。脚氣。利大小便秘。但病在血分。或病人稍弱而痞滿者。不可用。凡用少則動大便。多則泄下如水。乃瀉氣之藥。其味辛辣。久嚼猛烈雄壯。昔人有謂苦寒者誤矣。牽牛止能泄氣中之濕熱。不能除血中之濕熱。每見酒食過傷病者。多服牽牛散。取快一時。藥過仍痞。以致久服脫人元氣。猶不知悔也。東垣治下焦虛腫。用牽牛以鹽水炒黑。佐沉香杜仲補骨脂肉桂諸藥。深得補瀉兼施之妙。

【禁忌】濕熱在血分。及氣虛人脾胃虛弱而痞滿者不可服。

【用量】自一錢至二錢。

【炮製】本藥用子淘去浮者。舂去皮。酒蒸。研碎用。

【配合】得廣木香、檳榔、使君子能追蟲取積。同茴香炒爲末。名禹功散。每服一二錢。生薑

自然汁調下。治諸水飲病。同厚朴爲末。每服二錢。薑湯下。治濕氣中滿。同皂莢膏治體肥久嗜膏粱。及痰飲壅滯。腸結便閉。同金鈴子。茴香。穿山甲。治濕熱之邪。阻於精道。壅脹隧路。二便不通。牽牛子二錢五分研末。納入豬腎中。竹葉包裹煨熟。溫酒送下。治漏瘡水溢。黑白丑各一錢。各半生半炒。大黃。檳榔各一錢。研末治小兒馬脾風病。急驚肺脹喘滿。胸高氣急。脇縮鼻張。悶亂咳嗽。煩渴痰潮聲嘎。死在旦夕。每用五分。蜜湯調下。痰盛加輕粉一錢。名牛黃奪命散。

續隨子 卽千金子

【品狀】 毒草類。今南中多有。北土產者少。苗如大戟。初生一莖。莖端出葉。葉復出葉。其花亦類大戟。自葉中抽幹而生。實青有殼。人家園亭中。多種以爲飾。秋種冬長。春秀秋實。

【成分】 爲愛司克列丁。Aesculetine $C_9H_6O_4$ 。約有 0.9% 。云爲針狀結晶。

【性味】 味辛性溫。有毒。

【歸經】 入肝肺二經。爲下水破血之品。

【功效】 性稟辛溫。氣滯血瘀能蕩滌。質原毒厲。水停積結盡消除。所入者肝肺二腸。所利者

疫邪濁惡

【研究】 續隨子一名千金子。辛溫有毒。入肝肺二經。下水破血。利大腸。治蠱毒。服之即瀉。能下一切滯濁惡物。然用不當。損人最速。黑痣疣贅。用此搗爛。時塗之。自落。或以煮線繫瘤。時時繫之。漸脫去。

【禁忌】 病人元氣虛。脾胃弱。大便不固者。禁用。服後瀉多。以醋同粥食即止。

【用量】 自五分至一錢。

【炮製】 本藥用子。去殼。取色白者。研細紙包。壓去油用。

【配合】 同大黃。治腸水腫脹。同青黛。治涎積癥塊。同山慈菇、文蛤、大戟、腰黃、辰砂、麝香、冰片。名玉樞丹。治瘟疫邪疫癘。山嵐瘴氣。

葶藶子

【品狀】 隰草類。二年生草。今汴東陝西河北州郡皆有之。曹州者尤佳。初春生苗葉。高六七寸。似薺。根白色。枝莖俱青。三月開花。微黃。結角。熟則裂開。子扁小。如黍粒。微長黃色。有甜苦二種。苦者性急。甜者力稍緩。

殭羌蠹

【性味】味辛苦。性大寒。無毒。稟陰金之氣。以生。降也。陽中陰也。榆皮爲使。得酒良。宜大棗。惡

【歸經】入肺、大腸、膀胱三經。爲下氣行水之品。肺家正藥。善逐水病。

【功效】功專苦降。氣屬辛寒。瀉肺氣以行痰。水滿上焦喘可愈。利二腸而治咳。熱從下導。服能消。

【研究】葶藶子苦辛寒。入肺家氣分。大瀉肺臟水邪。凡仁皆降。故能降氣行痰。肺臟熱結者。宜之。若寒飲陰水等證。及虛弱者。不可用也。有甜苦二種。苦者性急下泄。甜者性緩。乃大瀉肺氣之藥。氣降則諸邪皆散耳。石頑曰。辛能散。苦能泄。大寒沉降。能下行逐水。亦能泄大便。爲其體輕。性沉降。引領肺氣下走大腸。又主肺癰喘逆。痰氣結聚。通身水氣。脾胃虛者。宜遠之。大戟去水。葶藶愈脹。用之不節。反乃成病。然肺之水氣。曠滿急者。非此不能除。但水去則止。不宜過劑耳。徐靈胎曰。葶藶滑潤而香。專瀉肺氣。肺爲水源。故能瀉肺。卽能瀉水。凡積聚寒熱。從水氣來者。此藥主之。大黃之瀉。從中焦始。葶藶之瀉。從上焦始。故傷寒論中。承氣湯用大黃。而陷胸湯用葶藶也。

【實驗】 此藥有利水作用。身體中之水份能由大便而排泄，亦能由尿道而排泄。其利水之效，特別行於身體之上部。故氣管水腫而氣促咳嗽者，是有特效。因能利水之故。

【禁忌】 腫滿由脾虛不能制水，小便不通，由膀胱虛無氣以化者均忌。蓋不利於脾胃虛弱，真陰不足之人也。大小便通利者，尋常之氣喘，慢性氣管炎，忌用。

【用量】 自八分至二錢。

【炮製】 本藥用子，糯米微炒去米，或酒拌炒。

【配合】 獨用炒爲末，棗肉和丸，梧子大，每服十五丸。桑白皮湯下，日三服。治通身腫滿。同大棗煎服。名葶藶大棗瀉肺湯。治肺癰喘急不得臥，亦主支飲不得息。用紙襯炒令黑。同知母貝母等分，棗肉炒糖和丸，彈子大，名含奇丸。治痰飲咳嗽，每以新綿裹一丸含之，嚙津甚者，不過三丸。

巴豆

【品狀】 喬木類。植物學家歸入常綠灌木類。產蜀省巴郡。今嘉州眉州戎州皆有之。木高一二丈，葉如櫻桃而厚大，初生青色，後漸黃赤。至十二月葉漸凋，二月復漸生，四月舊葉落盡，新

葉齊生。卽發花。穗微黃色。五六月結實。作房生青。至八月熟而黃。漸漸自落。乃收之。房似大風子殼而脆薄。子及仁皆似海松子。卵圓形。長四分。闊二分半。稍帶扁平。李時珍曰。形式緊小者是雌。有稜及兩頭尖者是雄。雄者峻利。雌者稍緩也。

【成分】 含脂肪油三〇至四〇%。揮發油、樹脂等。

【性味】 味辛性溫。有毒。生於盛夏六陽之令。而成於秋金之月。降也。陰也。芫花爲使。畏大黃、黃連、藜蘆、冷水。反牽牛子。

【歸經】 入胃大腸二經。爲斬關奪門之品。能開竅宣滯。

【功效】 蕩滌陰凝之物。銳利難當。攻消堅積之邪。直前無阻。沈寒痼冷。賴辛熱以宣通。化腐傷肌。仗膏丹而施用。脾胃大腸皆可入。剛雄有毒。勿輕嘗。

【研究】 巴豆辛熱有毒。蕩滌臟腑。沈寒痼冷。留伏堅積。有勇猛直前。斬關奪門之勢。破血爛胎。無所不至。生用則力速。炒黑則力緩。或少用緩攻之法。不傷正氣。在人運用得宜。如與大黃並用。則瀉反緩。以巴豆畏大黃也。總之用之得宜。則效如反掌。用不得宜。卽參朮亦能爲害。況巴豆乎。故曰。誤用有推牆倒壁之虞。善用有戡亂調中之妙。夫醫理玄妙。變化靡盡。在人引伸。

觸類毋爲書執。則用藥不岐。仲景三白散方中用之。病在膈上者必吐。在膈下者必利。又有用巴豆油蘸紙燃火。吹息以煙薰鼻。能吐喉風痰閉。皆在用者之活變耳。張璐曰。其性峻利。有破血排膿。攻痰逐水之力。宜隨證輕重而施。生用則峻攻。熟用則溫利。去油用霜。則推陳致新。隨證之緩急。而施反正之治。峻用則有戡亂劫病之功。少用亦有撫綏調中之妙。可以通腸。可以止瀉。此發千古之祕也。巴豆大黃。同爲攻下之劑。但大黃性寒。腑病多熱者宜之。巴豆性熱。臟病多寒者宜之。其殼燒灰存性。能止下痢。亦劫病之效也。世以巴豆治酒病膈氣。以其辛熱。能開通腸胃鬱熱耳。第鬱結雖通。血液隨亡。其陰虧損。傷寒結胸。小兒疳積用之。不死亦危。奈何庸人畏大黃。而不畏巴豆耶。

【實驗】此藥入胃中。卽刺激胃壁神經。而覺熱感。至腸能直接刺激腸之粘膜。使之發炎。致分泌液增多。而蠕動亦增速。使大便急劇瀉下。由腸壁而吸入血中。卽能減低血壓。令胸部苦悶。四肢疼痛。全身倦懈。甚由大腦神經紊亂而死。故絕對不宜服用大量。用以通利大便。而治寒積。非如大黃之通利大便。而治熱積也。熱積者。腸胃有充血發炎狀之便閉症。寒積者。腸胃無充血發炎狀之便閉症也。

【禁忌】 凡一概湯散丸劑，切勿輕投，即不得已急證，亦須炒熟，壓令油極淨，八分許即止，不得多用，中其毒者，用冷水、黃連汁、大豆汁解之效。胃粘膜炎、腸粘膜炎、急性消化不良、慢性消化不良，均忌熱積之便閉症、心煩、口渴、脈速、舌黃者，忌用。

【用量】 本藥用仁，壓去油取霜，自三分至八分。

【炮製】 本藥有用仁者，用殼者，用油者，有生用者，麩炒者，醋煮者，燒存性者，研爛以紙包壓去油者，謂之巴豆霜。若急治，去皮心膜油生用，若緩治，炒去烟令紫黑，用不去膜，則傷胃，不去心，則作嘔，以沉香水浸，則能升降，與大黃同用，瀉火反緩，爲其性相畏也。

【配合】 同白礬枯過，去巴豆，單用礬研細，治急喉痹，吹入喉中，流出熱毒涎，喉即寬，神效。兼吹飛絲入咽，咽喉生瘡即愈。同皂角搗爛作丸服，治食積積瘕。同石灰、白砒、糯米研細，點除疣痣黑子。用綿裹塞耳，治風蟲牙痛。同犀黃、麝香、冰片、辰砂、金箔、黃蠟、蜜丸，治傷寒結胸、噎膈毒痢、風痰吐逆、小兒驚風啼哭。皇漢醫方同杏仁、代赭石、赤石脂，治頑固性便秘。同大黃、鷓鴣菜，治蠱蟲。

檳榔 (附) 棗兒檳榔

【品狀】 果類。東印度原產。今嶺外州郡皆有之。初生若筍竿。積硬引莖直上。莖幹頗似桃榔。椰子而有節。旁無枝。柯條從心生。端頂有葉如苞蕉。條派開破。風至則如羽扇掃天之狀。三月葉中腫起一房。因自坼裂。出穗凡數百顆。大如桃李。又生刺重疊於下。以護其實。五月成熟。剝去其皮。煮其肉而乾之。皮皆筋絲。與大腹皮同也。棗兒檳榔。色紫質堅。如棗形。

【成分】 爲阿萊可林。Arcorin $C_8H_{13}NO_2$ 及阿萊加因。Arcain $C_7H_{11}NO_2 + HO_2N$ 植物鹽基。餘爲單寧及揮發油。

【性味】 味苦辛而澆。性溫無毒。得天之陽氣。地之金味。以生。味厚氣輕。沉而降。陰中陽也。忌見火。

【歸經】 入胃大腸二經。爲沉重下墜之品。能下腸胃有形之物。

【功效】 破至高之氣。消積消痰。攻下極之邪。入腸入胃。殺蟲截瘧。味則辛苦而溫。降氣寬胸。性則堅剛而峻。腳氣沉寒。可引導。瘴邪蓄飲。藉消除。

【研究】 檳榔有兩種。一種形尖長。謂之尖檳榔。又名鷄心檳榔。一種形圓扁。謂之大腹檳榔。卽大腹子也。性味主治雖同。而尖長破之作錦紋者爲勝。其味苦澆。其性辛溫。其質堅剛而峻。

降一切氣。破一切滯。氣降則痰行水消。滯破則積除食化。由是推之。則疝氣脚氣均可愈。胸膈可寬。蟲患瘴毒盡除耳。此物專主降氣。凡一身臟腑之氣凝滯不宣者。皆可用之。不必拘拘乎入腸與胃也。張璐曰。檳榔泄胸中至高之氣。使之下行。性如鐵石之沉重。能墜諸藥。至於下極。故治衝脈爲病。逆氣裏急。及諸氣壅。腹脹後重如神。胸腹蟲食積滯作痛。同木香爲必用之藥。其功專於下氣消脹。逐水除痰。殺蟲治痢。攻食破積。止瘡療疝。脚氣瘴癘。若氣虛下陷。及膈上有稠痰結氣者得之。其痞滿昏寒愈甚。又凡瀉後瘡後虛痢。切不可用也。棗兒檳榔味苦辛而澁。性溫。入肝脾胃三經。消食通氣開鬱。治腹脹而痛甚效。

【實驗】 此藥醫治纏蟲。在胃中能激胃粘膜。使分泌增加。至腸與纏蟲相遇。能殺死之。或混於大便內排出。同時又能刺激迷走神經。使腸之蠕動迅速。入血中有縮小腫孔之能。

【禁忌】 墜諸氣至於下極。氣虛下陷者。所當遠避。凡病屬陰陽兩虛。中氣不足。而非腸胃壅滯。宿食脹滿者。悉在所忌。胃加答兒症。亦忌用。

【用量】 自一錢五分至三錢。

【炮製】 本藥用子。剝去皮。水浸切片。晒乾應用。

【配合】 同木香調氣。同黃芩枳殼寬胸。同童便薑汁溫酒。治脚氣冲心。同木香、黃連、黃柏、廣皮、青皮、香附、枳殼、山稜、蓬茂、黑丑、大黃、芒硝爲丸。名木香檳榔丸。專治痢疾。裏急後重。二便不通。食滯實積等症。同草果、枳實、橘皮。治食滯。加京三稜、蓬茂、紅麴、禁紅、山查、麥芽。消一切堅硬肉食。及諸米麪生冷食積成塊作痛。同黃連、藟豆、蓮肉、橘紅、白芍、紅麴、烏梅、葛根、枳殼。治滯下後重。同雷丸。使君子、蕪荑、蘆薈、肉豆蔻、胡黃連。治小兒疳疔。同棟根、鶴虱、錫灰、薏苡根、貫衆、烏梅。治一切寸白蟲。同蒼朮、草果、青皮、甘草。治山嵐瘴氣發瘧。皇漢醫方合桑葉、大黃、當歸、白芍。治縲蟲。

朴硝芒硝 玄明粉

【品狀】 鹵石類。此物見水卽消。不溶於酒精。又能消化諸物。故謂之消。生於鹽鹵之地。爲透明無色稜柱狀結晶體。凡牛馬之皮。須此治熟。煎鍊入盆。凝結在下。粗朴者爲朴硝。在上有芒者爲芒硝。有牙者爲馬牙硝。再經提鍊潔淨。謂之玄明粉。懸風處化成粉者。謂之風化硝。

【成分】 爲硫酸鈉。 $\text{Na}_2\text{SO}_4 \cdot 10\text{H}_2\text{O}$

【性味】 味鹹辛苦。性寒。稟天地至陰極寒之氣而生。降也。陰也。大黃爲使。畏三稜、莪朮、女菀。

苦菜、反苦參。

【歸經】 入胃、大腸、三焦、三經，爲下泄除熱、潤燥軟堅之品。

【功效】 鹹以軟堅，辛苦並兼，下至速，寒而潤燥，熱痰互結，瀉無餘，玄明粉雖屬輕清，瀉燥實均歸腸胃。

【研究】 朴硝生斥鹵鹽地，取以煎煉而成，在下者爲朴硝，在上者爲芒硝，以芒硝再經煎煉，在上者謂之玄明粉，懸風處化成粉者謂之風化硝，其主治雖有輕清重濁之分，而鹹寒潤下之性，非腸胃實熱堅結者不可浪投，消皮作用，此以消牛羊之皮，與硝石之硝不同。按芒硝味鹹軟堅，故能通燥結，性寒降下，故能去火燬，主治時行熱狂，六腑邪熱，或上焦膈熱，或下部便堅，經曰：熱淫於內，治以鹹寒，用此爲君劑，蓋芒硝本水化，稟陰精凝聚而成，用此以水尅火也，佐以苦辛，與大黃苦辛之品相須而治，因鹹走血，亦能通經閉，破蓄血，除痰癖，有推陳致新之功，惟疹子忌用，恐鹹內聚，不能發出。

【實驗】 此藥在胃中，略能刺激胃壁神經，使膽汁稍增，由胃而進於腸，則刺激腸粘膜，令腸腺之分泌增多，并促進其蠕動，腸內固有之液分，而又不使吸收，且半數在腸中自動分解，而

成硫化水素。此物又能刺激腸粘膜。至釀風氣「屁」而與大便同時排出。用以通利大便。對於腸胃有退炎作用。

【禁忌】 凡病不由邪熱閉結。而由血枯津涸。以致大腸燥結。陰虛精乏。以致大熱骨蒸。火炎於上。以致頭痛目昏。口渴耳聾。咽痛。吐血衄血。咳嗽痰壅。虛極類實等症。均忌。

【用量】 自二錢至四錢。

【炮製】 提煉玄明粉法。用芒硝投沸湯內化盡。夜置冰霜之下。露一宿去水。存硝。用白菜煎甘草切片煎汁。投硝。再露一宿。去水存硝。盛納大砂罐內。不蓋口。文火煨之。待沸定。以瓦一片蓋口。再以文火煨之。放冷。一伏時取出。隔紙安地上。盆覆三日。出火毒。研末用。

【配合】 芒硝入仲景大承氣湯。治傷寒七八日後。邪結下焦。少腹按之堅痛。下之愈。入桃仁承氣湯。治傷寒邪熱失汗。蓄血少腹。或先因內傷。留血下焦者。下之愈。朴硝入紫雪紅雪碧雪丹中。治天行時熱。發狂昏愢。馬牙硝同冰片研細末。點諸眼障翳。朴硝納入西瓜中。懸掛通風處。日久皮外生出白霜。名西瓜霜。用竹刀刮下。吹風熱咽喉紅腫神效。朴硝入平胃散中。下死胎神效。玄明粉同童便調下。治熱厥氣痛。玄明粉同硃砂冷水調服。治傷寒

發狂。皇漢醫方同大黃、枳實、厚朴，治慢性便秘。佐食鹽，治慢性消化不良。

斑貓

【品狀】 卵生蟲類，所在有之。七八月大豆葉上甲蟲也。人若觸葉，立即佯死墮地，長五六分。黃黑斑文，烏腹尖喙，就葉上採取陰乾用。

【成分】 爲羯魯利陳，此外含有芳香性揮發油及脂肪質。

【性味】 味辛，鹹性寒，有毒。畏巴豆、丹參、惡豆花、甘草。

【歸經】 入肝、小腸、膀胱三經。爲破血、利水、攻毒之品。

【功效】 直走精宮，腐肉墮胎，毒至猛。專行血室，通淋逐積，味辛寒，治瘋犬之毒邪。達下竅而攻瀉。

【研究】 斑貓生豆葉上，七八月間取之，捕獲時，尾後有惡氣射出，臭不可當，味辛鹹性寒。有大毒，走達下竅，至精溺之處，能蝕下敗物，如血塊爛肉粉片之屬，從小便而出，故本經稱其能破石淋，極能墮胎腐胎。至於拔癰癰根，治瘋犬毒，服後能使病根從小便出，雖有方法，然終未免假借大毒之物，止可外用蝕死肌，潰癰腫，搽瘋塗癬，却有奇功，不堪內服耳。石頑曰：能攻

實結不能治虛秘。不過引藥下行。以毒攻毒而已。但毒行小便必瀉痛。當以木通滑石導之。其性猛毒。力能墮胎。虛者禁用。

【禁忌】 虛弱人禁用。

【用量】 內服用。自三分至五分。

【炮製】 本藥去頭足。同糯米炒熟用。生用則吐瀉。人亦有用米。取氣不取質者。一法同麪炒過。醋煮用之。

【配合】 同米炒黃。去米研末。用水調服。治瘋犬咬傷毒。同土荆皮醋浸。搽癬疥。同蒜搗爛。塗癰腫處。能拔膿。又斑貓五分。去頭足。糯米炒。防風五錢。大黃黑丑各一錢。雄黃一錢。麝香一分。水煎服。治瘋犬咬神效。瘋犬傷。先於患人頭上拔去血髮二三莖。以斑蝥七枚。去翅足。炙黃。同蟾蜍搗汁服之。瘡口於無風處。搨去惡血。小便洗淨。髮灰敷之。服後小便當有瘀毒泄出。三四日後。當有肉狗形。三四十枚爲盡。如數少。再服七枚。若早服。雖無肉狗形。永不發也。

本草用法研究

第三編 涌吐之劑

邪在表宜汗。在上焦宜吐。在中下宜下。此汗吐下三法也。若邪在上焦而反下之。則逆其性矣。經曰。其高者因而越之。又曰。在上者涌之是也。先賢用此法者最多。今人惟知汗下而吐法絕置不用。遇當吐者而不行涌越。使邪氣壅結而不散。輕病致重。重病致死者多矣。

升麻

【品狀】 山草類。多年生草本。今川蜀陝西淮南州郡皆有之。以川蜀者爲勝。春生苗高三尺許。葉似麻葉。並青色。四月五月着花似粟穗白色。六月以後結實黑色。根如蒿。紫黑色。多鬚。

【性味】 味甘苦辛。性溫平。無毒。稟天地清陽之氣而生。升也。陽也。

【歸經】 入脾胃二經。爲升陽散毒之品。脾胃引經藥。瘡家聖藥。能發浮汗。

【功效】 升至陰於下極。達胃疏風。鼓脾土以上行。入腸治痢。辟邪解毒。辛甘發散爲陽。治痘消斑。宣透鬆肌有效。帶下脫肛等證。陷者舉之。陰虛火動諸方。又當禁忌。若服之探吐。發越上

焦之邪，尤有神效。

【研究】升麻辛苦甘溫，氣味俱薄，升也。陽也。觀本經辟邪殺鬼之治，其功可想。入脾胃二經，能升脾胃中清氣，使之不陷，解散脾胃表邪，解表生用，升氣蜜炙用，出蜀中，根色紫黑，削去外皮，則現青綠色，故又謂之綠升麻。此藥入陽明升散之力太過，當慎用之。石頑曰：本經治疫瘴蠱毒，取性升上行也。治中惡腹痛，取開發胃氣也。治喉痛口瘡者，取升散少陽陽明火熱也。同葛根則發散陽明風邪，同柴胡則升提胃中清氣，引甘溫之藥上升，故元氣下陷者，用此於陰中升陽，以緩帶脈之縮急。凡胃虛傷冷，鬱遏陽氣於脾土，宜升麻葛根以升散其火鬱。凡補脾胃藥，非此爲引用，不能收效。脾痺非此不能除，升發火鬱，能升陽氣於至陰之下，又能去至高之上，及皮膚風邪。考升麻屬陽性升，力能扶助陽氣，捍禦陰邪，故於淋帶瀉痢脫肛諸方用之，取其升舉清陽於上也。欲作涌吐之劑者，煎湯服以鵝翎探喉，頃刻卽吐，發越上焦之邪甚效。按升麻性氣輕浮，主上升，善提清氣，少用佐參芪，升補中氣，柴胡引肝氣從左而上，升麻引胃氣從右而上，入補中益氣湯，有鼓舞脾元之妙，使清陽之氣上升，而濁陰之氣下降，其味甘辛，多用亦有發表解肌之助，又其質空通，善引參芪，益氣聰明，合柴胡治火鬱，五心煩熱。

若勞碌傷神及肺有伏火者恐升動陽氣助火生痰忌之。

【實驗】此藥有升提之作用與發散性之解毒流行病之有頭痛發熱者患天花癩疹者均可用之。

【禁忌】凡上盛下虛吐衄咳多痰陰虛火動腎經不足及氣逆嘔吐驚悸怔忡癲狂等病均忌誤用多致危殆。石頑曰升麻葛根能發痘惟初發熱時可用見點後忌服爲其氣升發助熱毒於上爲害莫測而癩疹尤爲切禁誤投喘滿立至凡因心臟虛弱之氣喘與氣管病之氣喘均不能用然因感冒性之氣喘有時可用之肺咳血胃吐血及身體下部之病均不能用。

【用量】自三分至一錢五分。

【炮製】本藥用根梗去鬚蘆切片解表生用升氣蜜炙用。

【配合】得葱白白芷緩帶脈之縱急。同生地石膏麥冬知母丹皮黃檗連翹玄參治陽明

經齒痛。醋炒升麻君蓮肉人參治噤口痢有神。同石膏知母麥冬竹葉治陽明證熱極發

癩頭疼口渴。同荆芥防風黃芩甘草白芷能去皮膚風邪。同葛根荆芥菊花甘草解肌肉

間風熱兼發浮汗。同葛根連翹玄參甘草生地麥冬治牙根浮爛惡臭。佐黃連紅朮滑石

芍藥、蓮肉、甘草爲治一切滯下要藥。同鬱金服治蠱毒。不吐則下。同射干水煎服治射工溪毒。并以滓塗之。同生地、麥冬、牛膝、蒲黃水煎治小兒尿血。古方治噤口痢用醋炒升麻引人參蓮肉扶胃進食大有神功。

常山 蜀漆

【品狀】 毒草類。植物學家歸入常綠灌木類。益州宜都梁州等處均產生山谷間。莖圓有節。高者不過三四尺。葉似茗而狹長。兩兩相當。二月生白花青萼。五月結實青圓。三子爲房。八月採梗陰乾。苗葉名蜀漆。又名甜茶。採取晒乾用。

【成分】 爲祕魯培林與黃芩同。

【性味】 味辛苦性寒。有毒。稟天地陰寒之氣以生。畏玉竹。惡貫衆。忌葱、桔萸、桔梗爲使。伏砒石。

【歸經】 入肺、心、肝三經。爲吐痰截瘧。行水之品。功專治諸瘧。

【功效】 服之吐利。劫肝胃蘊蓄之痰。味則苦辛。截瘧瘧稽留之病。苗名蜀漆。俗名甜茶。宣發多功。氣屬腥寒。虛羸當禁。

【研究】常山味辛苦性寒。有腥氣。入肝胃。劫痰蠲飲。能吐能利。痰在上。膈生用。多用。或與甘草同用。則吐痰飲在下。須同大黃並用。否則大便點滴而下。如痢者然。總之常山。眩暈之藥。不可妄用。惟截瘧用之者。以瘧必有老痰宿飲。留聚其間。故用此劫劑耳。蜀漆卽常山苗。性味主治相同。但宣發之功較勝。亦梗與苗略異耳。楊士瀛曰。常山治瘧。人皆薄之。瘧家多蓄痰涎黃水。或停滯心下。或結滯脇間。乃生寒熱。法當吐涎逐水。常山豈容不用。以瘧病多由傷寒寒熱。或時氣瘟疫。而致痰水積聚心下也。夫水在上焦。則常山能吐之。水在脇下。則常山能破其滯而下其水。但須行血藥佐之。如桃仁。蓬朮。穿山甲之類。時珍曰。常山吐瘧痰。瓜蒂吐熱痰。烏附尖吐濕痰。萊菔子吐氣痰。藜蘆吐風痰。用其專長。效尤神驗。按常山氣味俱薄。薄主上行。故獨能宣而主吐。宣可去壅。善開結痰。凡痰滯於經絡。悉能從下湧上。取其味苦色黃。專入脾經。而祛痰瘧。蓋脾虛則生痰。肝虛則發熱。若三日一發者。爲三陰瘧。以此同人參入小柴胡湯。去痰平肝。少用一錢。必不致於吐。卽吐爲解散。使風散食消。一二劑自愈。若不速治。因循延久。則風暑與食。合爲痰涎。流滯經絡。名爲老瘧。則風暑入陰在臟。宜用血藥引出陽分。而復以此截瘧。第因常山氣味薄而性升上。上必湧吐。恐爲暴悍。特用酒製。助其味厚。又佐以檳榔。

爲使沉降，逐痰下行，加知母益陰，貝母清痰，共此四味，爲截瘧神方。世嫌其性暴，不能善用，任瘧至經年累月，則大愚矣，但勿多用，及久用耳。

【實驗】此藥在胃中，微有激胃神經，使胃粘膜之分泌增加，至腸中略能激腸之蠕動，使積糞緩緩排出，入血中，即刺激中樞神經，使體溫下降，又能減少毒素之排泄，以阻止體溫之升高，且可使固有溫度次第消失之，又能化痰水，散結氣，爲治寒熱往來瘧疾之要藥，用蜀漆則更良。

【禁忌】常山蜀漆，有劫痰截瘧之功，須在發散表邪，及提出陽分之後，用之得宜，神效立見，用失其法，真氣必傷，故凡真氣虛者，忌用。石頑曰：夏傷於暑，秋必痲瘧，及瘧在三陰，元氣虛寒人，常山穿山甲輩，禁用，腸加答兒症，亦忌用。

【用量】自一錢五分至三錢。

【炮製】常山用梗，如鷄骨者良，生用多用，則上行必吐，用以涌吐黏痰，燒酒浸一宿，炒透，切片，蜀漆用甘草浸水拌濕蒸過，用醋炒則不吐人，專治瘧。

【配合】得甘草則吐，水在上焦者宜之，得烏梅山甲則入肝，水在脇下者宜之，得大黃則利。

水邪熱交結而成內實者宜之。得小麥竹葉則入心。得秫米麻黃則入肺。得龍骨附子則入腎。得草果檳榔則入脾。同草果、檳榔、知母、貝母、烏梅、薑棗、名常山飲。久瘡不已。用此截之。同草果、檳榔、青皮、厚朴、陳皮、甘草、酒水煎。名截瘧七寶飲。治實瘧久發不止。皇漢醫方合砂仁、檳榔、草果、三稜、蓬朮、青皮治瘧疾。

藜蘆

【品狀】 毒草類。多年生草。所在山谷皆有。產遼州均州解州者尤佳。三月生苗葉似初出櫻心。又似車前。莖似葱白。青紫色。高五六寸。上有黑皮。裏莖似櫻皮。有花。肉紅色。根似馬腸根。長四五寸許。黃白色。二月三月採根陰乾。南人呼藜蘆曰鹿葱。北人曰葱葱。

【成分】 含有攝魯文、塞凡仁、梵拉篤、洛伊仁、梵拉篤、拉魯濱、及澱粉等。

【性味】 味辛苦性寒。有毒。黃連爲使。反細辛、芍藥、人參、沙參、紫參、丹參、苦參、惡大黃、畏葱白。服藜蘆吐不止。飲葱湯卽止。

【歸經】 入肺、胃二經。專吐風痰之品。

【功效】 辛苦大寒。沈陰有毒。專司湧吐。能宣胸胃之風痰。善殺蠱蟲。且愈肺脾之癰疥。

【研究】 藜蘆其蘆有黑皮包之。其根如葱。辛苦大寒有毒。入肺胃。入口卽吐。風痰在膈。及蠱毒等證。與夫癩癩不愈。久瘡久哮者。皆可用之。取吐。又能吹鼻。取嚏。外敷疥癬。亦眩之藥耳。

【禁忌】 服之令人煩悶吐逆。大損津液。虛者慎之。與酒同用殺人。此藥除外科用作殺蟲劑外。近今醫家罕有用之以內服者。

【用量】 自一錢至一錢五分。

【炮製】 本藥用根。去頭。用糯米泔汁浸一宿。取出。晒乾切片。

【配合】 得防風濃湯洗焙乾。切片炒。爲末。每服五分。小兒減半。溫水調灌。治中風不省。牙關緊急者。吐出風涎效。同鬱金爲末。溫漿水調和服。探吐諸風痰飲。同製南星研末。醋麪作小丸。治中風不語。同雄黃爲末。蜜和。點鼻中息肉。同黃連研末。嗜鼻。治諸風頭痛。

土牛膝根 鶴虱

【品狀】 隰草類。江南處處有之。嫩苗綠色。似皺葉菘芥。微有狐氣。長則莖開小黃花。如小野菊花。結實如萵蒿子。亦相似。最粘人衣。狐氣尤甚。炒熟則香。其根白色。如短牛膝。卽土牛膝。

根。子名鶴虱。

【性味】 味苦辛。性寒。有小毒。

【歸經】 入胃。功專破血下降。生搗汁服。能大吐風痰。

【功效】 生汁灌沖。可吐風痰喉閉。煎湯飲服。能除結熱瘀留。入胃腑。味則辛苦而寒。有小毒。功可瀉熱散腫。子名鶴虱。同前性味。治主驅蟲獨見長。

【研究】 土牛膝根。苦辛而寒。有小毒。入胃功專破血下降。煎服與懷牛膝同功而無補性。生搗汁服。能大吐風痰。其渣和醋調敷腫處。治喉風等證大效。鶴虱卽其子也。性味相同。殺蟲之功最優。或炒香爲末。肉汁和服。又名臭花娘草。土牛膝卽其根也。生升熟降。皆以散瀉爲用。亦瞑眩之藥。其子如虱。有毛刺。善粘人衣。聞之有狐氣。比根葉爲尤甚。殺蟲之外。無他長耳。石頑曰。土牛膝卽天名精。功專散血。有破宿生新之功。故本經言下血止血。又能涌吐風痰。殺蟲解毒。搗汁服之。能止痰瘧。漱之止牙痛。搗之敷蛇傷。煎服除淫穢邪毒。從小便泄出。凡乳蛾喉腫腫痛及小兒急慢驚風。牙關緊急。不省人事者。搗絞和酒灌之。咽喉腫塞。痰涎壅滯。搗汁鵝翎掃入。去痰立效。亦治豬痘。按土牛膝莖草。治喉腫腫痛。煎湯服。有特效。

【禁忌】 虛人禁用。血崩者。便血者。有孕者。土牛膝根禁用。

【用量】 土牛膝根二錢至三錢。鶴虱同。

【炮製】 本藥用根用子。均洗淨晒乾。

【配合】 土牛膝根搗汁和醋。探吐風痰甚效。同麝香煎服治血淋。敗精瘵寒隧道。杜牛

膝草同茅花煎湯服。治吐血。同酒糟搗爛。敷疔瘡腫毒。鶴虱同使君子煎湯服。殺蝨蟲。

甜瓜蒂

【品狀】 蓴類。甜瓜處處有之。園圃所蒔。有青白二種。子色皆黃。入藥當用早青瓜蒂爲良。採取曝乾。

【成分】 含甜瓜毒素 Melictoxin。

【性味】 味苦性寒。有小毒。感時令之火熱。稟地中之伏陰而生。升也。陰中陽也。

【歸經】 入肺胃兼入肝膽四經。爲專去風痰之品。

【功效】 苦寒通於胃腑。吐膈上蓄聚之熱痰。研散納之鼻中。治頭內蘊蓄之水濕。

【研究】 瓜蒂卽甜瓜蒂。以色青味甜。可供果饌者爲佳。待瓜熟後。取蒂連柄半寸許。曝乾用。

之味苦性寒入肺胃功專消水化熱治黃癰殺蟲毒其極苦之性能降能湧所謂在上者因而越之在下者引而竭之之義各因其病而利導但其性甚緊善引吐爲瞑眩之藥非上焦有風痰實熱水蓄等證不可用之東垣曰難經云上部有脈下部無脈其人當吐不吐者死此飲食內傷填塞胸中食傷太陰生發之氣伏於下宜瓜蒂散吐之經所謂木鬱則達之也吐去上焦有形之物則木得舒暢天地交而萬物通矣若尺脈絕者不宜用此恐損真元令人胃氣不復也。

【禁忌】瓜蒂極苦而性上壅能損胃傷血耗氣散神凡胸中無寒胃家無食皮中無水頭面無濕及胃虛氣弱諸亡血諸產後似中風倒仆心虛有熱癩癩女勞穀瘡元氣虧羸脾虛浮腫切勿誤用以致傷生。

【用量】自一錢五分至三錢。

【炮製】雷公曰取青綠色瓜氣足時其蒂自然落在蔓上採得繫屋東有風處吹乾。

【配合】同赤小豆爲末香豉煎湯服治傷寒胸中痞鞭氣上衝喉不得息胸有寒當吐之。

同赤小豆丁香研末治黃癰陰黃吹入鼻中豆許少時黃水流出隔日一用瘥乃止同麝香

研末錦裹牙痛者咬之流涎卽痛止。同輕粉研末水調服治風涎暴作氣寒倒仆涎吐出卽醒。

皂角 皂刺 皂角子

【品狀】 喬木類植物學家稱之曰落葉喬木。皂樹高大。所在有之。葉如槐葉。瘦長而尖。夏由葉間抽莖開小花。成穗狀。色黃綠。其莢扁長八寸。闊寸許。內有小扁子。中有仁。枝間多刺。難上採莢時。以篾箍其樹一夜自落。亦一異也。有不結實者。樹鑿一孔。孔入生鐵三五片。泥封之。卽結莢矣。

【成分】 莢實含沙波寧質。種子含愛莫琴質。

【性味】 味辛。鹹性溫。有小毒。稟木氣而兼火金之性。以生升也。陽也。柏實爲使。惡麥冬。畏空青、人參、苦參、伏丹砂。

【歸經】 入肺、大腸二經。爲通竅搜風之品。能通上下關竅。

【功效】 開關利竅。導滯宣風。滌垢行痰。殺蟲化食。或搐鼻而取嚏。或探吐以稀涎。或瘡毒用以外敷。或疫癘取其焚氣。性味竄通腑與臟。辛鹹潤下毒而溫。角刺純辛。力尤鋒銳。其搜風殺

蟲之治用若相同。而潰癰散毒之長。功能獨擅。角子燒灰。能通閉結。腸風致病。可仗鹹溫。

【研究】 皂角辛鹹溫。有小毒。攻散峻厲之品。入肺與大腸。無邪不散。無堅不破。故能開關導滯。以其辛也。故能宣風利竅。以其鹹也。故能潤下豁痰。又邪在上者。用以取吐。如喉痺喉風之屬。邪在下者。用以攻下。如食積痰結之類。其外治之效。則殺蟲。治癬。敷腫毒。止牙痛。信手拈來。頭頭是道。角刺則辛而不鹹。其鋒銳之力。能直達病所。凡治外證。潰散之力頗多。角子鹹溫性降。善導大腸風閉燥結。疏通一切滯氣。可內服以治瘰癧。並硬性下疳等症。皂有三種。形如豬牙者爲牙皂。形長三四寸。肉厚多脂者爲肥皂。形長七八寸。無肉而瘦者爲皂莢。皆可用之。按皂莢味大辛。主升散。氣雄竄。主利竅。爲搜痰快藥。凡痰在腸胃間。可下而愈。若蓄於胸膈上。則橫入脂膜。膠固稠濁。消之不能行。瀉之不能下。以致氣壅喘急。甚則悶脹痛齊。作或神呆昏慣。或時常吐濁。但能坐而不得眠。以此同海石爲丸。每日少用數丸。橫散流痰。使漸消化。搜出凝結。大有神功。又用爲稀涎散。治中風不省。急喉痺寒。卽刻宣去頑痰。爲急救聖藥。

【實驗】 在近今之醫家。皂莢主要作用有三。(一)用皂莢煎水洗瘡。頗佳。(二)皂莢研末內服。有化痰之作用。可治痰喘氣促。(三)研末合蘆薈煎汁。灌腸通便。

【禁忌】 似中風證。由陰虛火炎煎熬成痰。熱極生風。至卒然仆蹶。不可遽用稀涎散。耗其津液。致經絡無以榮養。爲拘攣偏廢之病。孕婦亦忌。石頑曰。鎖喉風症。尤爲切禁。常見有激動其痰。鎖住不能吐出。頃刻立斃者。

【用量】 皂角自一錢五分至三錢。刺子同。

【炮製】 凡用皂角。有蜜炙、酥炙、絞汁、燒灰之異。各依方用。皂刺洗淨切片用。角子揀選不蛀者洗淨用。

【配合】 皂角同白礬研末。名稀涎散。溫水調服。探吐。治中風暴仆。痰涎壅盛。氣閉不通。吐出痰涎愈。同珍珠、象牙末、牛黃、冰片、白殭蠶、滴乳石、土茯苓。治疔疔神效。同蟬蛻、殭蠶、杏仁、芭蕉根、土茯苓、獨核肥皂仁、白蘇皮、連翹、薏苡仁、葶藶、漢防己。治下疳廣瘡神效。同連翹、白芷、甘菊、紫花地丁、白芨、金銀花、甘草、牛蒡子、茜草、地榆。治下部癰疽腫毒。單用燒研。粥飲下。三錢。治二便關格立通。肥皂角去核。入斑貓在內。紮緊。蒸去斑貓。加入貝母、天花粉、玄參、甘草、牛蒡子。連翹。爲丸。白湯下。治癰癤。以腹痛爲效。皂刺用米醋作煎。塗癰瘡有奇效。獨用燒灰。蒸一時久。曬乾爲末。食後濃煎。大黃湯調飲之。治大風惡疾。雙目昏盲。眉毛自落。鼻梁崩。

倒勢不可救服之一旬眉髮再生肌潤目明。燒灰同胡桃仁破故紙炒槐花爲末治腸風下血。燒灰同蚌粉和研末溫酒下治婦人乳癰。燒灰同荳荊子灰和研溫酒下治婦人產後乳汁不泄結毒。角子去皮水浸軟煮糖漬食之治大腸燥結。同姜半夏爲丸治小兒脾熱有痰流涎。同豬胰子金銀花皂角刺芭蕉根雪裏紅五茄皮土茯苓白殭蠶蟬退白蘇皮木瓜治黴瘡。獨核肥皂去核每個填入赤沙糖并巴豆二粒紮緊鹽泥固煨爲末加檳榔輕粉各五分香油調搽先以湯洗淨拭乾乃搽一宿見效。

硼砂

【品狀】 鹵石類出西番者白如明礬出南番者黃如桃膠皆是鍊結而成爲白色斜方柱形之結晶難溶於冷水而易溶於熱水燃之則失水鬆脹如海綿加熱則成透明之小顆粒。

【成分】 爲硼酸鈉 $\text{Na}_2\text{B}_4\text{O}_7 \cdot 10\text{H}_2\text{O}$ 。

【性味】 味鹹辛苦性寒無毒。

【歸經】 入肺胃二經爲生津去痰洩熱之品喉科要藥。

【功效】 柔五金化痰垢骨哽翳遮皆可隨方應手清胸膈利咽喉鹹寒辛苦盡能取效由人。

用之探吐上膈風痰積滯，尤稱神妙。

【研究】 礪砂一名月石，此物亦鹵石之類。一云由煎鍊而成，故能鎔化。凡五金之屬，必須用此鎔之，極能蕩滌。上焦一切鬱熱垢膩，消痰破結。今人用礪砂水探吐上膈風熱痰滯，極有神效。又長於外治，吹喉點睛諸方，悉皆用之。時珍曰：色白質輕，故能去胸膈上焦之熱。其治噎膈積聚，骨哽結核，惡肉陰瘡者，取其柔物也。其治痰熱眼目障翳者，取其去垢也。

【實驗】 此藥在胃中，能激胃液之增加。至腸略有安撫作用。少量由大便排出，大半由胃中游離而達腎臟，能增進利尿之功。且可制止尿道及膀胱之炎症。外用有直接滅菌及寄生蟲之效，惟力頗緩弱。

【禁忌】 礪砂剋削為用，消散為能，宜攻有餘，難施不足。此暫用之藥，非久服之劑。

【用量】 內服一錢五分至三錢，外用不等。

【炮製】 本藥外科炒煨用。

【配合】 同冰片、人中白、青黛為末，敷口舌瘡效。同薄荷、川貝、桔梗、柿霜、兒茶、甘草、烏梅研末，冰糖為丸噙化，治真陰虧少、火旺灼金、咳嗽氣逆、口乾咽燥等症。阜漢醫方，合食鹽、甘草。

治喉頭炎。佐茯苓、草薢、烏藥、車前、甘草。治膀胱炎。同黃連、桑葉、荆芥。治眼結膜炎。

膽礬

【品狀】 石類。膽礬一名石膽。出蒲州山穴中。形似空青。鴨嘴色者爲上。出羌里者色少黑。次之。信州又次之。此物生於石。產銅坑中。乃銅之精液。磨鐵作銅色者真。其經煎煉而成。但以火燒之。變汁者僞也。市人多以醋抹青礬僞之。

【成分】 爲硫酸銅。 $CuSO_4 \cdot 5H_2O$

【性味】 味酸辛。性寒。有小毒。性斂而能上行。畏桂、辛夷、芫花、白薇。

【歸經】 入肝膽經。爲吐風痰、斂咳逆之品。涌吐風熱痰涎。發散風木相火。

【功效】 質本酸寒。涌吐風痰。燥濕濁。功歸肝膽。點搽牙眼。殺蟲疳。

【研究】 膽礬生銅壙中。石類也。磨於鐵上。卽成銅色。得火煅則色紅而無汁出者真也。味酸苦。性寒。有小毒。專入肝膽。湧吐膈上之風痰。頗爲猛疾。其餘諸治。不過旁及而已。故醫者意也。若能格物之性。以意參之。自有藥到病除之效。

【禁忌】 虛人禁用。

【用量】 內服自一錢至二錢。外用不等。

【炮製】 外科火煨用。

【配合】 治喉痺乳蛾。用米醋調膽礬末。探吐膠痰即瘥。治胃脘蠱痛。以茶清調膽礬末吐之即愈。同牡蠣生研醋調。摩紫白癜風。紅棗去核。入膽礬末煨赤。研末。敷馬牙疳。追出痰涎即效。百蟲入耳。用膽礬和醋灌即出。

綠青（附）空青

【品狀】 石類。爲淡綠色粉末。或固塊。產銅礦。一名石綠。畫家用之染色。

【成分】 由種類而異。其主要者。爲鹼基性酸銅。稍含亞砷酸之毒物。

【性味】 味微酸。性平。小毒。

【歸經】 入肝膽經。爲吐風痰良品。

【功效】 內服吐風痰眩悶。外治敷濕毒諸瘡。

【研究】 痰在上宜吐之。在下宜利之。綠青吐風痰眩悶。外治敷濕毒諸瘡。空青亦產銅礦。世

少真者。甘酸而寒。益肝明目。通竅利水。

【實驗】 能使微血管收縮，減少粘膜之分泌，遇癬疥等菌，皆能殺死之。

【禁忌】 綠青體虛者禁用。

【用量】 綠青一錢至二錢。

【炮製】 綠青研細水飛用。

【配合】 綠青同薄荷、龍腦、溫酒下，吐風痰。同辰砂吐腐上涎。同膽礬、輕粉、煅石膏研末，敷梅毒瘡，濕疥乾搽。乾瘡同豬膽汁調點。皇漢醫方，合石膽、黃連，治黃癬。

白礬

【品狀】 鹵石類，礬石初生皆石也，採得燒碎煎煉，乃成礬也。出晉地者上，青州、吳中者次之。潔白者爲雪礬，光明者爲明礬，亦名雲母礬。文如束針狀，如粉撲者，爲波斯白礬，並入藥爲良。

【成分】 爲硫酸鉛鉀， $Al_2(SO_4)_2 \cdot K_2SO_4 \cdot 24H_2O$ 。

【性味】 味酸性寒，無毒。甘草爲使，惡牡蠣，畏麻黃。

【歸經】 入脾經，爲燥濕除痰之品。

【功效】 酸澀而收，鹹寒且斂，化痰滌熱，劫粘滑以稀涎，燥濕殺蟲，蝕惡肉而解毒，除風卻水。

治痢敷瘡

【研究】白礬初生亦石也。經煎煉而成。有五色精粗之分。其酸斂之性。同吐藥則吐。同斂藥則斂。如稀涎散蠟礬丸之類。性善卻水。水化書紙上。乾則水不能濡。損齒傷肺。雖金匱治女勞瘵硝石礬石散一方。能劫除腎邪。然畢竟削伐之品。外治爲優耳。李時珍曰。礬石之用有四。吐利風熱痰涎。取其酸苦涌泄也。治諸血痛。脫肛陰挺瘡瘍。取其酸澀而收也。治痰飲洩痢崩帶風眼。取其收而燥濕也。治喉痺中蠱蛇蟲傷螫。取其解毒也。

【禁忌】多服損心肺傷骨。虛人不宜服。如陰虛咽痛。誤認喉風。陰冷腹痛。誤認臭毒。用之必殆。

【用量】內服自一錢至二錢。外用不等。

【炮製】本藥取潔白光瑩者。煨用生肌。又法以火煨地。洒水於上。取礬研末。播地以盤覆之。四面灰擁。一日夜。礬飛盤上。掃收之爲礬精。未盡者更如前法。再入醋中鎔化之名礬華。七日可用。百日彌佳。

【配合】稀涎散見皂角欄。同黃蠟和丸。名蠟礬丸。治一切腫毒有神。凡治癰疽。當服之以

護膜。膜苟不破。雖劇必瘥。用以製半夏。能散濕痰。及食積痰。兼除五飲。得硫黃、雄黃、白附子、海金沙、密陀僧、爲末。擦汗斑殊效。一年者去皮一次。十年者去皮十次。擦後坐臥勿當風。勿行房搖扇。同芒硝。可燒水銀成粉。治一切瘡中有蟲。得鬱金爲丸。名白金丸。治頑痰膠膈。惡血停留。以致癡狂失心。迷惑昏亂。

銅青

【品狀】 金類。一名銅綠。生熟銅皆有青。近時人以醋制銅生綠。收取晒乾用之。

【成分】 由種類而異。其主要者爲鹽基性酸銅。稍含亞砒酸之毒物。

【性味】 味苦酸澇。性寒。微毒。銅稟土中以生。青則其英華。秀出於外所結成者。

【歸經】 入肝膽二經。爲專去風痰之品。

【功效】 吹喉可吐風痰。入肝臟酸平有毒。點眼堪醫弦爛。治濕瘡蟲蝕無憂。

【研究】 銅青卽銅之精華。結於銅器上者。今人以醋制銅上生綠。收取晒乾用之。故主治皆酸苦涌泄。入肝搜風之用。味苦酸澇。氣寒。酸入肝而斂。所以能合金瘡止血。苦寒能除風熱。所以能去腐赤及鼻瘻肉。苦能洩結。所以醋蘸喉中則吐風痰。而使血氣心痛皆止。製散能療喉

瘰癧牙疳。醋調搗腋下治狐臭。薑汁調點爛沿風眼。去疳殺蟲。所治皆厥陰之病。

【禁忌】 凡目痛膚翳。不由風熱外侵。而由肝虛血少者。忌用。內服損血。若用之吐痰。須觀人之虛實強弱。而察其脈。乃可投之。

【用量】 內服自一錢五分至二錢。外用不等。

【炮製】 外科煨用。

【配合】 同麝香研末。糯米粉爲丸。治風痰卒中。吐出青碧涎。瀉下惡物效。同川連、杏仁、甘草、膽礬、黑棗、水煎。乘熱搽眼。治爛沿風眼。同滑石、杏仁爲末。搽走馬牙疳。同人中白爲末。敷口鼻疳瘡。同明礬爲末。頭上生虱。搽之。同黃蠟熬膏。攤油紙上。貼瘰癧頑癬。出水愈。

本草用法研究

第四編 祛風之劑

六淫風寒暑濕燥火也。六者之中風淫爲首。故經曰風者百病之長也。至其變化乃爲他病。無常方。然致自風氣也。又曰風者善行而數變。腠理開則灑然寒。閉則熱而悶。其寒也則衰飲食。其熱也則消肌肉。蓋天地間惟風無所不入。人受之者輕爲感冒。重則爲傷。又重則爲中。然此人必真氣先虛。營衛空疎。然後外邪乘虛而入。經所謂邪之所湊其氣必虛是也。其病有挾寒挾濕與痰火之不同。入經入絡與臟腑之分別。治法有清熱化痰通絡養血順氣之各異。而不專用祛風之藥也。本編爲祛風之劑。故僅載祛風之品。其他分列各編。有發汗之性者歸入發表劑。

威靈仙

【品狀】蔓草類。山地之多年生草。今陝西河北等處皆產之。初生作蔓。莖如釵股。色綠。葉圓。七月內生花。六出淺紫。或碧白色。作穗有似菊花頭者。實青色。其根每年傍引。年深轉茂。一根

叢鬚數百條，長者二尺許，初時黃黑色，乾則深黑色，俗稱鐵腳威靈仙。以此九月採根陰乾，別有數種，根鬚一樣，但色或黃或白，皆不可用。

【成分】 主要素爲 Leptandrin 餘爲單寧酸 $C_{14}H_{10}O_6$ 、 H_2O 。樹膠、樹脂、揮發油。

【性味】 味辛，微苦，微鹹，性溫，無毒，稟春夏之氣而生，升也，陽也。忌茶、茗、麪、麩。

【歸經】 入膀胱經，爲行氣祛風之品，痛風要藥，宣疏五臟，通行十二經絡。

【功效】 性急且溫，味辛而散，微鹹微苦，疏風邪，走絡通經，可導可宣，治痺疾，行痰去濕。

【研究】 威靈仙，味苦辛鹹，氣溫，善走風藥也，能宣通臟腑經絡，治痺啓閉，故一切胸腹冷滯，痰水癥瘕，瘀血濕邪等症，皆可用此行散，然疏利之性，若無風邪痰濕，恐損真氣，用者慎之。

詡菴曰：威靈仙能治中風、頭風、痛風、頑痺、黃疸、浮腫、二便秘、風濕痰氣，一切冷痛，但性極快利，積疴方效，否則泄真氣，卽痛風亦當分新久，新痛屬寒，宜辛溫藥，久痛屬熱，宜清涼藥，大法宜順氣清痰，搜風去濕，養血散瘀爲要。張璐曰：威靈仙性善下走，痘疹毒壅於上，不能下達，腰下脛膝起，灌遲者，用爲下引立效。按威靈仙體細條繁，性猛急，善走而不守，宣通十二經脈。

主治風濕痰壅，滯經絡中，致成痛風，走注骨節疼痛，或腫，或麻木，風勝者患在上，濕勝者患在

下二者鬱遏之久。化爲血熱。血熱爲本。而痰則爲標矣。以此疏通經絡。則血滯痰阻。無不立豁。若中風手足不遂。以此佐他藥。宣行氣道。酒拌治兩臂痛。因其力猛。亦能軟骨。以此同芍歸龜甲血餘。治臨產交骨不開。驗如影響。以此合沙糖酒煎。治骨鯁咽喉。若有神助。取味苦降下。頓除下部脚腫。

【實驗】 此藥入胃後。微有刺激胃壁神經。使胃蠕動加速。且同時一部分單寧酸分出入腸後。微有激腸之功。而使腸壁次第吸收之。由微血管達間膜靜膜。同時末梢神經感覺麻痺。而傳入腦部。大腦亦同受麻醉之影響。全身血壓。初因受激而增。後復由麻醉而降。

【禁忌】 風藥性升而燥。走而不守。凡病非風濕。及陽盛火升。血虛有熱。表虛有汗。痰塞口渴。身熱者。均忌。體溫增高盜汗者。忌用。

【用量】 自一錢五分至三錢。

【炮製】 本藥用根。清水洗淨。切斷用。

【配合】 同川烏頭、五靈脂研末。醋糊丸。梧子大。每服七丸。治手足麻痺。同薑製半夏研末。皂角水熬膏作丸。如菘豆大。每服七丸。治停痰宿食。喘咳嘔逆。同鷄冠花醋炒研末。再加鷄

蛋白作餅炙乾再研末。每服二錢。陳米飲下。治腸風瀉血。皇漢醫方同當歸、防風、牛膝、沙參、甘草、香附子、藿香、麻黃、芍藥、杏仁。治肋間神經痛。

藁本

【品狀】 香草類。產江南。莖高三四尺。葉似白芷而細。五月有白花。七八月結子。梗根紫色。正二月中采取曝乾。

【性味】 味辛苦性溫。無毒。感天之陽氣。兼得地之辛味而生。升也。陽也。惡蔥茹。畏青箱子。

【歸經】 入膀胱經。爲專去風寒濕邪之品。足太陽經風藥。專主寒鬱本經頭痛。

【功效】 辛能達表。溫可行經。風寒顛頂之疼。賴其解散。陰濕疝瘕之疾。藉此宣除。氣香獨走夫太陽。色紫堪行乎血分。

【研究】 藁本。色紫。形虛。辛溫。雄壯。氣味香烈。入足太陽經。兼通督脈。爲發散風寒。祛除寒濕之藥。功用同於羌活。而香性獨專。升性過之。至於治婦人寒濕疝瘕等症。亦督脈爲病耳。張璐曰。藁本性升屬陽。爲足太陽寒鬱經中。頭項顛頂痛。及大寒犯腦連齒頰痛之專藥。

【實驗】 此藥治痙攣性之腹痛。貧血性頭痛。不宜用之。

【禁忌】 溫病頭痛發熱口渴或骨痛及傷寒發於春夏陽證頭痛產後血虛火炎頭痛皆不宜服汗多者貧血性頭痛者禁用。

【用量】 自一錢五分至三錢。

【炮製】 本藥用梗清水洗淨切斷應用。

【配合】 同羌活細辛川芎葱白治寒邪鬱於足太陽經頭痛顛頂痛非此不能除。同木香用治霧露清邪中於上焦。同白芷作面脂。

蒼耳子(附)莖葉 蒼耳蠹蟲

【品狀】 隕草類。原野一年生草本。今處處有之。莖葉青白。形如茄。高約三四尺。夏日梢頭着綠花。秋間結實。長五分。硬刺亦多。常着人之衣服。

【性味】 味苦辛甘。性溫。有小毒。得土之冲氣。兼稟天之春氣以生。可升可降。陽也。忌猪肉、馬肉、米泔。

【歸經】 入肺脾二經。爲散汗散風勝濕之品。上通腦頂。下行足膝。外達皮膚。

【功效】 上通腦頂。外達皮膚。因能發汗以祛風。故可宣痺而散濕。鼻淵頭痛。均因苦降功能。

疥疾癢瘡。又賴辛疏溫潤。

【研究】蒼耳子。此物能升能降。善發汗。辛苦溫潤。專入肺脾。治風濕痺痛。死肌疥瘡等疾。洗服皆良。鼻淵初起。屬上焦濕熱者。用此辛散苦泄。故可治之。石頑曰。蒼耳子。治頭風腦痛。風濕周痺。四肢拘攣。惡肉死肌。皮膚瘙癢。腳膝寒痛。久服亦能益氣。其葉久服。去風濕有效。服蒼耳人。最忌豬肉。及風邪觸犯。則遍身發出赤丹也。婦人血風攻腦。頭旋悶絕。忽倒。不知人事者。用蒼耳草嫩心。陰乾爲末。酒服甚效。此味善通頂門連腦。能走督脈也。按蒼耳草熬膏。治大麻瘋有特效。蒼耳蠹蟲。蒼耳梗中小蟲也。取之浸菜油中。塗治疔腫惡毒甚效。或與白梅肉三四分搗爛塗更妙。

【實驗】此藥用以治傷風與受寒之頭痛。貧血性頭痛禁用。梗葉熬膏。爲治大麻瘋之特藥。

【禁忌】耗氣散血。虛人勿服。

【用量】自一錢五分至三錢。

【炮製】本藥用子。去刺酒拌蒸用。

【配合】同辛夷花、杭菊花。治鼻淵。同薄荷葉、杭菊花。治風熱頭痛。同葶藶子研末。治大

腹水腫小便不利。

木賊草

【品狀】 隰草類。爲多年生常綠草。產秦隴華成諸郡近水地。苗長尺許叢生。綠色。每根一幹中空。外有縱凸線。距二寸有節。不生枝。葉小鱗形。節節有之。夏秋間莖端生短穗。色綠褐。形若筆頭。幹色青。凌冬不凋。四月採之。

【成分】 硅酸。木賊酸。

【性味】 味苦甘。性溫。無毒。感春升之氣而生。升也。陽中陰也。

【歸經】 入肺肝膽三經。爲退翳發汗之品。升散火鬱風濕。

【功效】 平肝疏肺。解肌發汗。散風邪。味苦性溫。退翳除星。行血滯。

【研究】 木賊草。此草中空有節。善能摩木。故能入肝。摩積宣邪。以其中空色白。故又能入肺。解肌發汗。炒黑又能治諸血病。或血爲風擾。或肝血瘀滯。如血崩痔痢等證。因於風邪者。古方曾載及之。木賊本肝之專藥。肝藏血。故入血分。總之肝臟有風邪瘀滯者爲宜。血虛者當禁。張璐曰。木賊與麻黃同形同性。故能發汗解肌。升散火鬱風濕。專主眼目風熱暴翳。止淚。取發

散肝肺風邪也。多用令人目腫。若久翳及血虛者亦非所宜。

【禁忌】 目疾由於怒氣及暑熱傷血暴赤腫痛者均忌。

【用量】 自一錢五分至三錢。

【炮製】 本藥用莖清水洗淨切斷用發汗須去節。

【配合】 得牛角鯁、麝香治休息痢。得禹餘糧、當歸、川芎療崩中赤白。得穀精草、決明子、

刺蒺藜、蟬蛻、生地、菊花、密蒙花治目疾久不愈消翳障有奇功。得槐角、桑耳炭、地榆、茜草根

治腸痔下血多效。

絡石藤

【品狀】 蔓草類。所在有之。貼石而生。其蔓折之有白汁。其葉小於指頭。厚實木強。面青背淡。漚而不光。有尖葉圓葉二種。功用相同。新本草綱目云。絡石爲山野自生之常綠蔓草。莖作木質狀。葉對生。作長橢圓形。質堅韌。有光澤。入冬變紅紫色。花爲乳白色。合瓣花。冠上緣五裂。各片作回旋狀。以聚繖花序排列。實爲細長莢果。

【性味】 味苦性平無毒。稟少陽之令。兼得地之陰氣以生。丹皮爲使。惡鐵落。畏貝母、菖蒲。

【歸經】 入心、肝、腎、膽、胃、五經。爲涼血退熱之品。

【功效】 味苦性平。宣風通絡。堅筋骨。利關節。

【研究】 絡石藤能宣風通絡。以風在絡中。則絡道閉塞。蓋苦平之性。能宣發者也。治筋脈拘攣。不易伸屈者。甚效。

【禁忌】 陰臟人。畏寒易泄者。勿服。

【用量】 自一錢五分至三錢。

【炮製】 本藥用莖葉。生石者用。生木者不用。以粗布拭去毛子。熟甘草水浸一日夜。切曬用。

【配合】 同木瓜、牛膝、續斷、防風。治風濕入絡。筋骨痠痛。同人參、茯苓、煅龍骨。爲末服。治心腎不濟。小便白濁。同皂角刺、甘草節、全瓜蒌、炙乳香、炙末藥。水酒煎服。治癰疽焮痛。

清風藤

【品狀】 蔓草類。生台州天台山中。其苗蔓延木上。四時常青。土人採莖用。新本草綱目云。纏繞灌木。嫩莖綠葉。革質滑澤。葉卵形。有尖端。於秋季脫落。葉柄仍留爲針狀。三月間。花生於葉腋。花瓣五片黃色。雄蕊與花瓣同數。果球形。熟呈深碧色。

【性味】 味辛苦性溫無毒。

【歸經】 入肝脾二經爲搜風勝濕之品。

【功效】 溫達肝脾用使搜風兼勝濕味歸辛苦功能蠲痺並舒筋。

【研究】 清風藤能通經入絡此物味苦性溫善治風疾故凡一切歷節麻痺皆可治之用酒浸之尤妙以風氣通於肝故入肝風勝濕濕氣又通於脾也石頑曰清風藤入肝經氣分治風濕流注歷節鶴膝麻痺瘙癢同防己浸酒治風濕痺痛一切風病熬膏酒服一匙將患人身上拍一掌其後遍身發癢不可當急以梳梳之欲癢止飲冷水一口卽解風病皆愈避風數日自安。

【禁忌】 血虛者當與補血藥同用。

【用量】 自一錢五分至三錢。

【炮製】 本藥用莖水洗淨切斷用。

【配合】 同防己水酒煎服治風濕痺痛同桂枝當歸殭蠶白芍絲瓜絡治血虛風痰入絡。

肩臂痠痛。

天仙藤

【品狀】 蔓草類。爲多年生蔓草。生江淮及浙東山中。春生苗蔓作藤。葉似葛葉。圓而小。有白毛。四時不凋。根有鬚。夏月採取根苗。

【性味】 味苦性溫。無毒。

【歸經】 入肝脾二經。爲祛風活血理濕之品。

【功效】 疏風活血。治風勞腹痛。妊娠水腫。

【研究】 凡藤蔓之屬。皆能通經入絡。天仙藤苦能祛風化濕。溫能通經活血。待風去濕化。經通血調。筋痛骨楚。風濕諸患。自愈矣。

【禁忌】 虛人須與養血藥同用。

【用量】 白一錢五分至三錢。

【炮製】 本藥用莖。水洗淨切斷用。一云卽青木香藤。

【配合】 同陳酒煮服。治疝氣作痛。同白朮、羌活、白芷、姜黃、半夏、生薑、水煎服。治痰注臂痛。同香附、陳皮、甘草、烏藥、生薑、木瓜、紫蘇、水煎服。治妊娠水腫。同生薑汁、童子小便、和陳酒。

調服。治產後腹痛。

骨碎補

【品狀】 石草類。多年生隱花植物。淮浙陝西等處皆有之。寄生樹上或石上。多在背陰處。其根扁長。略似薑形。上有褐色毛。及短葉附之。其葉有極缺。頗似貫衆葉。春生葉。至冬乾黃。無花實。採根入藥。

【性味】 味苦性溫。無毒。得金氣。兼得石氣以生。

【歸經】 入腎經爲補益之品。入腎主骨。入血行傷。婦人血氣藥。

【功效】 苦能堅腎。溫可補虛。行瘀血以理勞傷。長鬚髮並除風氣。

【研究】 骨碎補一名毛薑。入腎補虛。腎主骨。故名。其苦溫之性。又能破瘀血。續絕傷。所以治風氣者。亦因腎虛痺着於骨也。浸水刷頭。能長髮。張璐曰。主骨中毒氣風氣。耳鳴牙疼骨痛。破血止血。折傷接骨。

【禁忌】 不宜與風燥藥同用。

【用量】 自一錢五分至三錢。

【炮製】 本藥用根。銅刀刮去黃赤毛。細切。蜜拌蒸曬。

【配合】 同獨活寄生湯。虎骨四斤丸。酒和服。治痢後下虛。不善調養。或遠行。或房勞。或外感。致兩足痿軟。或痛或痺。遂成痢風。外用杜牛膝、杉木節、草薢、白芷、南星煎湯。頻頻薰洗。此亦從腎虛骨痿而治也。研末。入豬腎煨食。治腎虛久泄。同野薔薇根煎汁。刷病後髮落。得青鹽、槐角。炒研細末。擦牙能固齒。同乳香等分爲末。糊丸。名金鍼丸。治風蟲牙痛。塞蛀牙孔中。

草烏

【品狀】 毒草類。宿根草。莖高二三尺。葉掌狀分裂。十月開青紫色或白花。此卽烏頭之野生於他處者。處處有之。俗謂之草烏頭。亦曰竹節烏頭。出江北者曰淮烏頭。根苗花實。並與川烏相同。但此係野生。又無釀造之法。其根外黑內白。皺而枯燥爲異耳。然毒則甚焉。

【成分】 主要素爲 Japaconine $C_{66}H_{88}N_2O_{21}$ 。

【性味】 味辛性熱。有毒。遠志爲使。反半夏、瓜蒌、貝母、白蘞、白芨、惡藜蘆。忌豉汁、畏飴糖、黑豆。冷水能解草烏毒。

【歸經】 入脾經。爲搜風勝濕。去痰攻毒之品。

【功效】 除寒濕，祛風痰，破積聚，通經絡，利關節。

【研究】 本經謂草烏頭，主中風惡風，洗淨汗出，但此物祇能去惡風，而不能回陽散寒，祇能搜風勝濕，開頑痰，治頑瘡，以毒攻毒而已。自非急疾，不可輕投也。沈金鰲曰：草烏頭開頑痰，逐頑風，治頑瘡，以毒攻毒。大勝川烏，然至毒無制，苟非當病，切勿輕投。

【實驗】 此藥醫治疝痛、偏癱、嚙性癱瘓性、小兒麻痺、自腸壁吸入而至血中，即能大減血液循環之速率，使血壓降低，由末梢神經傳達入腦，腦神經被激而麻痺，視覺聽覺亦均減其敏銳，心臟之跳動先速而後緩，同時全身肌肉弛緩，思想紊亂，汗出尿增，若服過量，竟可由失覺而死。

【禁忌】 虛人禁用，孕婦貧血，慢性消化不良症，均忌。

【用量】 自一錢至二錢。

【炮製】 本藥用根，去皮臍，以薑汁炒透，或同黑豆煮去毒。

【配合】 研末，以葱頭藥，納入穀道中，名提盆散，治陰毒傷寒。同蠶砂研末，取生地龍，搗和入醋少許，作丸，梧子大，每服四五丸，白湯下，治諸風不遂甚妙。同兩頭尖、五靈脂、乳香、沒

藥、常歸研末，醋糊丸。梧子大，臨臥溫酒下十九，治風濕走痛，忌油膩濕麪，孕婦勿服。同細辛防風等分爲末，搽鞋底內，如草鞋，以水微濕搽之，用之雖行千里，足底不腫。炒黑，同細辛研末，擦牙，治風蟲牙痛，吐出涎即愈。同木鱉子，用米醋磨細，入搗爛葱頭，蚯蚓糞少許調勻，敷塗癰癤初作未破者效。阜漢醫方，同人參、白芍、甘草、砂仁，治腦性瘧，瘵性小兒麻痺，同白朮、木瓜、肉桂、牛膝、青皮，治疝痛，同蒼朮、白芷、乳香、沒藥、當歸、牛膝，治偏癱。

白附子

【品狀】 毒草類，產涼州，以西砂磧下濕地，苗與附子相似，根如草烏頭之小者，長寸許，乾者皺文有節，形與附子相似，以故得此名，實非附子類也。新本草綱目曰：白附子本出高麗新羅，生砂磧下濕地，獨莖似鼠尾草，細葉周匝，生於穗間，根正如草烏頭之小者，長寸許。

【性味】 味辛甘苦，性溫，有小毒，感陽氣而生，升也，陽也。

【歸經】 入胃經，爲祛風燥濕豁痰之品，能引藥勢上行。

【功效】 入陽明，治頭面之邪風，辛甘而苦，性燥毒，治胃家之寒濕，溫散而升。

【研究】 白附子辛甘而溫，有小毒，不若川附之剛猛，雖性味相同，而主治各異，其形似天雄。

而長晒乾則有節入陽明經治風痰燥寒濕其功長於上焦故能治頭面之遊風非若川附之能達下焦亦不及南星之散堅消腫善行疾走可入肝脾耳與白芷同類但白芷則兼肌濕同理而不專及陽明風邪此則專散陽明風冷而於濕邪則未及也石頑曰白附子純陽引藥勢上行乃陽明經藥治肝氣風癱陰癢其性燥血耗氣是以類中風證雖有痰壅禁用小兒慢驚勿服。

【禁忌】 陰虛類中風並小兒脾虛慢驚皆不宜用。

【用量】 自一錢至三錢。

【炮製】 本藥用根入水炮淡用。

【配合】 同白蠟蠶全蝎等分爲末溫酒調服治中風口喎半身不遂同煅石膏硃砂龍腦研末和飯作小丸清茶送服治風痰眩暈胸膈不利同半夏南星研末爲丸食後生薑湯送服治痰厥頭痛同硫黃等分爲末薑汁調稀用芥蒂蘸擦赤白汗斑日數次愈。

蓖麻子

【品狀】 毒草類多年生草本其莖有赤有白中空其葉大如瓠葉每葉凡五尖夏秋間椹裏

抽出花穗。葉黃。每枝結實數十顆。上有刺。攢簇如蠟毛而軟。凡三四子合成一顆。枯時劈開。狀如巴豆殼。內有子。大如豆。殼有斑點。狀如牛蟬。一牛虱也。再去斑殼。內有仁。嬌白如蠟。隨子。仁有油。可作印色及油紙。無刺者良。有刺者毒。

【成分】子含蓖麻油。尚有作瀉下之物質。如偈利克歇特之里企嫩。Ricinon 亞利加維伊特之里企寧。Ricin 或毒性蛋白質。Ricin。

【性味】味辛苦微甘。性溫。有小毒。其油能伏丹砂輕粉。

【歸經】入肝胃大腸三經。爲宣風利竅。通絡瀉積之品。

【功效】辛溫有吸引之功。宣風利竅。苦毒爲外敷之藥。拔腐提膿。

【研究】蓖麻子。辛苦微甘。性溫。有毒。雖有宣風利水之能。內服不可輕率。外用長於吸引提拔。故凡口眼喎斜。以及婦人子宮下墜等證。皆可用此研塗。至於外科提膿化腐。尤爲得力。如婦人子宮脫下。用此研膏。以塗頂心或丹田穴。卽收入胞衣不出。用此研膏。以塗脚心。卽下中風口眼喎斜。偏左貼右手心。偏右貼左手心。卽止。針刺入肉。搗敷傷處。卽吸引刺出。石頑曰。蓖麻屬陰。其性善收。能追膿取毒。拔邪外出。爲外科要藥。能出有形之滯物。故取胎產胞衣刺。

骨膠血者用之時珍云。蓖麻甘辛有熱毒。氣味頗近巴豆。亦能利人。故下水氣。其性善走。能開通諸竅經絡。治偏風失音口噤口目喎斜頭風七竅諸病。不止於出有形之物。蓋鵝鵝油能引藥氣入內。蓖麻油能拔病氣出外。故諸膏用之。

【實驗】此藥醫治老年便秘。在胃不起作用。至小腸首段。被腠液化合。而成蓖麻油酸。能激腸之粘膜。使腸液分泌增加。能將胃內未消化之食物。及腸中之積糞瀉下。既少刺激性。而性又平和。誠極安全之緩下劑也。若服不純潔者。或服量過多。則亦能惹起胃粘膜炎。

【禁忌】脾胃薄弱。大腸不固之人勿服。凡服此者。不得食豆。犯即氣脹。以汁點畜舌根下。即不能食。點畜肛門內。即下血死。

【用量】內服五分至一錢。外用不等。

【炮製】本藥用子。鹽水煮。忌鐵。取蓖麻油法。用蓖麻仁五升搗爛。以水一斗煮之。有沫擲起。待沫盡乃止。去水。以沫煎至點燈不炸。滴水不散爲度。此油提鍊純淨。用作瀉藥。

【配合】同羊脂、麝香、鱧鯉甲。煎作摩膏。手臂腫痛。在痛處日摩數次愈。同乳香、食鹽等分搗餅。隨左右貼太陽穴。治風氣頭痛不可忍。解髮出氣甚驗。同蘇合香搗爛。貼足心。治脚氣。

作痛。同密陀僧、羊髓、搗和搽敷。治面上雀斑。同百藥煎搗爛作丸。治鷄魚骨哽。皇漢醫方。合橘紅、杏仁、當歸、黑脂麻製軍。治老年便秘。

穀精草

【品狀】 隰草類。此草收穀後荒田中生之。大江南北多有一科叢生。葉似嫩穀秧。抽細莖。高四五寸。莖頭有小白花。點點如亂星。九月採花陰乾。

【性味】 味辛甘。性微溫。無毒。得金氣以生。升也。陽也。

【歸經】 入肝經。兼入胃經。爲清熱明目之品。補肝氣。要藥。輕浮上行。

【功效】 得秋金穀氣以生成。溫可疏肝。摩目翳。養中土。胃陰而甘淡。輕能治上。愈頭風。

【研究】 穀精草田中收穀後得穀之餘氣而生。叢生細莖。莖頭開小白花。其子亦白。如椒實形。輕浮之質。性秉中和。故能兩入厥陰陽明。疏肝和胃。凡一切頭風目疾。喉痺齒痛等證。皆治之。此草治目疾翳障。疎中有補。以其有穀氣也。仲醇曰。手少陰君火。與足少陽相火。相煽上壅。便成喉痺之證。此能散二經之火。則氣通而無結滯。故治之。陽明胃家風火熱甚。上衝熱則生風。風火相搏。故發齒風痛。此能上行陽明而散之。故愈。石頑曰。穀精草性體輕浮。能入陽

明分野。治目中諸痛甚良。而去星尤爲專藥。明目退翳之功。在菊花之上。痘後生翳亦用之。此草兔性喜食。故目疾家專用。與望月砂功用不殊。

【禁忌】 退翳明目。功力駕於白菊。而去星明目。尤爲專劑。兼治喉痺齒痛頭風。此外無他用。

【用量】 自一錢五分至三錢。

【炮製】 取嫩秧。花如白星者良。洗淨用。

【配合】 得決明子、木賊草、甘菊花、密蒙花、生地。專除目病翳障。研末。以白麩糊調攤紙上。

治偏正頭風。貼痛處乾換。研末。用熟麩湯服下。治鼻衄不止。

青葙子

【品狀】 隕草類。一年生草本。生田野間。嫩苗似莧。長則高三四尺。苗葉花實。與鷄冠花一樣。無別。但鷄冠花穗大而扁。此則花穗尖長四五寸。狀如兔尾。水紅色。亦有黃白色者。子在穗中。與鷄冠子及莧子一樣。頗難辨別。一名草決明。形式粒細黑光而扁。

【性味】 味苦性微寒。無毒。

【歸經】 入肝經。爲瀉肝明目之品。善祛風熱。

【功效】 青黑入肝，療目疾，苦寒退熱，治風淫。

【研究】 青箱子成於秋，能清肝火，治目疾，然止可治目疾之因熱邪者，屬虛者不宜用。不若決明子之兼有補性也。石頑曰：青箱子治風熱目疾，與決明子同功。本經雖不言治目疾，而主唇口青，爲足厥陰經藥，其明目之功可推。其治風瘙身癢，皮膚中熱，以能散厥陰經中血脈之風熱也。

【禁忌】 從新稱其能動陽火，瞳子散大者勿服。

【用量】 白一錢五分至三錢。

【炮製】 本藥用子，洗淨用。

【配合】 同菊花、桑葉、薄荷，治風熱眼痛。同黑梔、連翹、石決、菊花，治肝熱眼赤。

決明子

【品狀】 隰草類，人家園圃所蒔。夏初生苗，高三四尺，根帶紫色，葉大於苜蓿，而本小末多，甚開夜合，兩兩相帖。秋開淡黃花，五出，結角如初生細豇豆，長五六寸，角中子數十粒，參差相連，狀如馬蹄青綠色，十月採之。

【成分】 含有依摩丁 $C_{14}H_{14}CH_3O_2(OH)_3$ 。

【性味】 味甘苦鹹。性微寒。無毒。得水土陰精之氣。兼稟乎清陽以生。惡火麻仁。搗碎煎。

【歸經】 入肝膽二經。爲瀉肝明目之品。肝家正藥。

【功效】 微寒無毒。治水虛木實之邪。甘苦兼鹹。療赤腫羞明之疾。

【研究】 明子入肝腎二經。略有補性。大抵不外益腎水清肝火。水生火退。則目自明。故有決明之名。按此苦能泄熱。鹹能軟堅。甘能補血。力薄氣浮。又能升散風邪。故爲治目收淚止痛要藥。並可作枕以治頭風。以水調末塗腫毒。貼心止鼻衄。貼太陽穴治頭痛。但此服之太過。搜風至甚。反招風害。配合滋陰之藥爲補助。則功更勝。相感志言園中稱決明。蛇不敢入。丹溪言決明解蛇毒。本此。

【實驗】 此藥爲眼科之主要藥。對於眼目有退炎消腫之作用。並能去除角膜之癢痕。

【禁忌】 除療目疾外。無他用。肝虛血弱者。過用必至虛風內擾。有虛弱性腹瀉者忌用。

【用量】 自一錢五分至三錢。

【炮製】 本藥用子洗淨用。或炒。

【配合】 得沙蒺藜、菊花、枸杞子、生地、女貞子、槐實、穀精草、補肝明目益精、除肝臟熱、得生地、菊花、荆芥、黃連、甘草、元參、連翹、木通、治暴赤風眼淚痛。

刺蒺藜

【品狀】 隰草類。一年生草。長安最多。他處亦生。生平澤或道旁。布地蔓生細葉。如初生皂莢。葉整齊可愛。七月開小黃花。九月結子。狀如菱而小。長三四分。三角四刺。頗似菠菜子。中有仁。冬月採之陰乾。

【性味】 味辛苦性溫。無毒。烏頭爲使。

【歸經】 入肝經。爲平散肝風之品。肝以散爲補。兼瀉肺氣。

【功效】 行瘀破滯。搜肝風有走散之功。味苦兼辛。瀉肺部而溫宣可貴。催生下乳。退尾除翳。

【研究】 刺蒺藜狀如菱形。三角有刺。色白甚小。布地而生。善行善破。專入肺肝。宣肺之滯。疏肝之瘀。故能治風癩。目疾。乳癰。積聚等證。溫苦辛散之品。以祛逐爲用。無補益之功也。石頑曰。白蒺藜性升而散。入肝腎經。爲治風明目要藥。風入少陰厥陰經者。爲嚮導。目病爲風木之邪。風盛則目病。風去則目明矣。本經專破惡血積聚。治喉癰乳癰。以苦能泄。溫能宣。辛能潤也。

此言刺蒺藜之功用耳。久服長肌肉，明目輕身，以其入腎益精氣也。此則專主沙蒺藜而言。其治痰消癰腫，搜腎臟風氣，又須刺者為破敵之先鋒。

【實驗】 此藥有疏散作用，能驅除腸胃內積聚之氣質，退眼目紅腫，其作用類似西藥中之阿魏與甘松。

【禁忌】 虛人宜少用。泄瀉者、外感症而熱高者、神經過分虛弱者均忌用。

【用量】 白二錢至三錢。

【炮製】 本藥用子，去刺，酒拌蒸。

【配合】 同何首烏、豨薟葉、鼈虱、胡麻、地黃、木瓜、荆芥、天門冬、黃蘗。治遍身風癢。同杭菊、蟬衣、石決、荆芥。治目赤翳障。同川芎、香附、鬱金。治肝鬱氣悶、脘痛。以一味為末，治白癩風。湯服二錢，日二服，服至半月，白處見紅點，至一月效。

蕤仁

【品狀】 灌木類，產雍州并州等處。木高五七尺，莖間有刺，生細葉似枸杞而狹長，花白，子附莖生，紫赤色，大如五味子，圓扁有紋，五月六月熟，採實曬乾。

【性味】味甘微寒。無毒。得土氣以生。氣薄味厚。陽中陰也。

【歸經】入肺肝二經。爲宣風熱。散結痰之品。

【功效】宣風熱於肝家。眼目有災。氣升宜降。散結痰於心腹。甘寒無毒。性滑偏陰。

【研究】蕤仁本經稱其甘溫。然觀其主治心腹邪熱結氣。又治目赤腫痛等證。非溫性之藥所宜。故別錄言其性寒。卻爲有據。其潤降之性。由肺達肝之意可想也。

【禁忌】凡目病非關風熱。因於肝腎兩虛者。不宜用。蓋目疾在表。當疏風清熱。在裏屬腎虛血少神勞。宜補腎養血安神。

【用量】白一錢五分至三錢。

【炮製】本藥用仁。以湯浸去皮尖。劈作兩片。芒硝、木通、通草同煎一伏時。取出。研膏入藥。

【配合】蕤仁去油淨五分。青鹽一分。豬胰子五錢。共搗二千下如泥。名撥雲膏。點眼去翳。又去油蕤仁一兩。白蓬砂一錢。麝香二分。共研細末。去目翳。妙不可言。蕤仁一兩。細辛半兩。苦竹葉三把。水二升。煎一升。濾汁。頻洗。治血飛眼。蕤仁杏仁各一兩。去皮研勻。入輕粉少許。爲丸。每用熱湯化洗。治赤爛眼。去皮同黃連等分研膏。以乾棗去核填入。煎水。點眼風癢。或生

翳或赤眥甚驗。

蔓荊子

【品狀】 灌木類。產南皮、汴京、越州等處。苗莖高四五尺。對節生枝葉。類小棘。至盛茂有花。作穗淡紅色。蕊黃白色。花下有青萼。至秋結子。黑斑大如梧子。蔓荊之枝小弱如蔓。蔓延地上如葛藤。故名。

【性味】 味苦辛性平。無毒。稟陽氣以生。兼得金化而成。升也。陽也。惡烏頭、石膏。

【歸經】 入肺、肝、膀胱三經。兼入胃經。爲搜風涼血之品。能散上部風熱。

【功效】 宣肺家風熱於上焦。頭目均沾清利益。散肝臟濕淫於肌表。功能皆賴苦辛平。

【研究】 蔓荊子。辛苦性平。雖屬子。而體質輕浮。入肺經上行宣散。故能清利頭目。解表疏風。能搜肝風者。不特風氣通於肝。卽風藥亦能入肝也。又能治濕者。風能勝濕也。按足太陽膀胱之脈。夾脊循項而絡於腦。目爲足肝開竅之位。齒雖屬腎。而狀屬陽明胃。蔓荊子氣清味辛。

體輕而浮。能散三經風寒濕邪。則頭痛腦鳴。目痛齒痛諸症。悉除矣。又按蔓荊子。味苦兼辛。能疏風涼血利竅。凡太陽經頭痛。及頭風腦鳴。目淚目昏。皆血熱風淫所致。以此涼之散之。取

其氣薄主升。佐養肝藥。疏去障翳。使目復光。爲肝經勝藥。

【實驗】 其藥多行於身體之上部。而治血壓高之頭痛甚效。

【禁忌】 頭目痛。不因風邪。而由於血虛有火者忌之。元素云。胃虛人不可服。恐生痰疾。障神散大者尤忌。貧血者。精神部衰弱者。均忌用。

【用量】 自一錢五分至三錢。

【炮製】 本藥用子。去膜打碎用。或酒蒸炒用。

【配合】 同菊花、荊芥、酒炒黃芩、烏梅、芽茶、刺蒺藜、川芎、羌活、黑豆、土茯苓。治偏正頭風。目將損者。同熊脂等分。用醋調塗髮。令髮長黑。

辛夷花

【品狀】 香木類。植物學家稱之曰落葉喬木。高三丈。處處有之。人家園亭亦多種植。先花後葉。卽木筆花也。其花未開時。苞上有毛。尖長如筆。故取象而名。花有桃紅色、紫色、白色三種。白色者。人呼玉蘭花。入藥當用紫色者。須未開時收之。已開者不佳。

【性味】 味辛性溫。無毒。稟春陽之氣以生。氣味俱薄。浮而散。升也。陽也。川芎爲使。惡五石脂。

畏菖蒲、蒲黃、黃連、石膏。

【歸經】 入肺、胃二經。爲辛香走竄之品。二經氣分藥。能助胃中清陽。上行通於頭腦顛頂。

【功效】 稟春陽之氣。味薄而辛。具香竄之能。氣溫且散。開竅搜邪於肺部。鼻塞堪通。升清助

胃於上焦。頭風亦愈。

【研究】 辛夷一名木筆花。此物初生如筆。重重有毛。當去淨用。否則毛射肺中。令人咳嗽。稟春初生發之氣。輕浮上升。辛溫香散。入肺胃二經。肺氣通於鼻。胃脈行於面。故主頭風鼻塞。開竅解肌。純乎解散。上部風寒之物。虛而無邪者。不可用之。徐靈胎曰。辛夷與衆木同植。必高於衆木而後已。其性專於向上。故能升達清氣。又得春氣之最先。故能疎達肝氣。又芳香清烈。能驅逐邪風。頭目之病。藥不能盡達。此爲之引也。石頑曰。鼻氣通於天。肺開竅於鼻。辛夷之辛溫走氣。而入肺利竅。其體輕浮。能開胃中清陽。上行通於天。故本經治陽氣鬱遏。身體寒熱。頭風頭腦痛。面黯。辛溫能解肌表。芳香上竄頭目。逐陽分之風邪。則諸證自愈。凡鼻鼽鼻淵鼻塞。及痘後鼻瘡。並研末入麝香少許。以葱白蘸入甚良。腦鼻中有濕氣。久塞不通者宜之。

【實驗】 此藥在經驗上。治腦漏。急性慢性鼻黏膜炎。因感冒而鼻塞頭痛者。均有特效。眼紅腫

而頭痛者。不但有止痛之效。亦有消炎退腫之作用。

【禁忌】 凡氣虛人忌。偶感風寒鼻塞亦忌。頭腦痛屬血虛火熾者忌。齒痛屬胃火者忌。患肺炎症者。患肺結核者。有內熱者均忌。

【用量】 自一錢至二錢。

【炮製】 去外毛皮。微焙用。

【配合】 鼻淵、鼻鼾、鼻塞、鼻瘡、及痘後鼻瘡。並用辛夷研末。入麝香少許。葱白蘸入數次。甚良。同菊花、蒼耳子、薄荷、細辛、甘草、羌活、藁本、防風、川芎。治風寒入腦頭痛。或鼻塞流涕。或鼻淵涕下不止。

鬼箭羽

【品狀】 灌木類。生山石間。小株成叢。春長嫩條。條上四面有羽如箭羽。視之若三羽耳。青葉狀似野茶對生。味苦酸澇。三四月開碎花。萎綠色。結實大如冬青子。

【性味】 味苦酸澇。性寒。無毒。

【歸經】 入肺、肝兩經。爲祛風破血之品。

【功效】 味苦氣寒能破血殺蟲辟鬼并宣風。

【研究】 鬼箭羽以其形似箭羽故有鬼箭羽之名其功能辟鬼魅治中惡殺蟲治蠱然考其苦寒之性枝葉之用所入者肝肺兩經所主者祛風破血耳石頑曰鬼箭羽專散惡血故本經有崩中下血之治別錄治中惡腹痛去白蟲消皮膚風毒腫卽腹滿汗出除邪殺鬼毒蠱疰之治今人治賊風歷節諸痺婦人產後血暈血結聚於胸中或偏於脇肋少腹者四物倍歸加鬼箭羽紅花玄胡索煎服。

【禁忌】 虛人不宜用以其性專破血力能墮胎故妊娠禁服。

【用量】 自一錢五分至三錢。

【炮製】 今人祇用葉水洗淨用。

【配合】 同防風獨活常歸寄生治筋骨痠痛 同當歸川芎生地白芍紅花延胡索治產後敗血兒枕塊硬疼痛發歇。

石楠葉

【品狀】 灌木類植物學家稱之曰常綠灌木產關中者佳他處亦有生石間向陽之處株頗

高。其葉類枇杷葉。而背無毛。光而不皺。惟葉邊有小刺。葉末微淡赤色。夏開淡紅色花。成簇。秋結細紅實。一云鳩鳥止於樹上。一云下有蝮蛇。故有毒。土人稱之爲風藥。

【性味】 味苦辛性平。有毒。得火金之氣以生。可升可降。陰中陽也。五茄皮爲使。惡小蘊。

【歸經】 入肝腎二經。爲祛風通利之品。

【功效】 入腎善宣風氣。苦辛平有毒須知。風藥可祛濕邪。筋骨肉無微不至。

【研究】 石楠葉。本經稱其養腎氣。別錄言女子久服思男。不過皆因其微有補腎之功。然辛苦有毒之品。止可用之以治風寒痺著之邪。邪去則筋骨利。肝腎安。不可謂其補而喜服也。

按石楠葉味辛而苦。辛則有發散之能。苦則有堅腎之力。若使辛苦而熱。則云婦人久服思男。其理或可信矣。然此止屬辛苦。而性不熱。則治止可以言祛風。而補陰之說。亦止因苦堅腎。而腎不泄。因辛散風。而陰不受其蹂躪也。若竟以爲補陰滋水。則理已屬有礙。而尙可云補火以思男者乎。汪昂曰。石楠葉。補陰祛風。則有之。然味辛不熱。不助相火。亦未聞邪淫方中用石楠葉者。

【禁忌】 脚弱由於肝腎虛。不由於風寒濕客下部者。不宜用。

【用量】 自一錢五分至三錢。

【炮製】 本藥用葉洗淨炙用。

【配合】 同巴戟天、肉蓯蓉、瑣陽、鹿茸、枸杞子、山茱萸、治腎經虛寒、精滑精冷。同刺蒺藜、桑葉、何首烏、淫羊藿、巴戟天、五加皮、菟絲子、威仙、虎骨、治肝腎爲風寒濕所乘、以致痺弱不能行動。同藜蘆、瓜蒂爲末、用少許吹鼻內、治小兒通睛。小兒誤跌、或打着頭腦受驚、肝系受風、致腫人不正、觀東則見西、觀西則見東。

龍腦香卽冰片

【品狀】 香木類。龍腦者因其狀如貴重之稱也。以白瑩如冰。及作梅花片者爲良。故俗稱冰片腦。或云梅花腦。係龍腦樹中脂汁提鍊而成。龍腦樹產於東印度之渤泥、蘇門答臘之南海岸。樹爲高大喬木。葉硬作卵圓形。末端尖。呈暗綠色。揉軟嗅之。有龍腦氣。開白色五瓣花。後結內分三房之覆果。有香氣。其樹幹縱裂之溝中。有作堅實巨塊析出之揮發油 $C_{10}H_{16}O$ 。卽此龍腦片投於水中。則浮水面旋轉。點火則燃燒不留殘渣。稍溶於水。易溶於酒精。伊打等。【性味】 味苦辛。體溫而用涼。無毒。稟金火之氣而生。升也。陽中陽也。

【歸經】 入肺經兼入心脾二經。爲散火通竅之品。又能透骨髓。

【功效】 其體溫而用涼。其味辛而帶苦。香能達竅。內能透骨搜風。散可疏邪。外可通經宣毒。

【研究】 冰片辛溫香烈。宣竅散氣。凡一切風痰諸中內閉等證。暫用以開閉搜邪。然辛香走竅之極。服之令人暴亡。惟外證點眼吹喉等藥用之。或藉其辛散。或賴其香開耳。按冰片辛香氣竄無往不達。能治一切風濕不留內。在引火熱之氣自外而出。然必風在骨髓者宜之。若風在血脈肌肉間用之。反能引風直入骨髓。如油入麪。故凡外入風邪。變而爲熱。仍自外解得宜。若使火自内生。而用此爲攻逐。其失遠矣。世人悞以冰片爲寒。不知辛散性甚似涼耳。諸香氣皆屬陽。豈有香之極。而尙可云寒者乎。時珍曰。古方皆言龍腦辛涼入心。故目疾驚風及痘瘡心熱。血瘀倒靨者。用猪心血爲引。使毒散於外。則瘡發。此似是而非也。目痛驚風及痘皆火病。火鬱則發之。從治之法。辛溫發散故也。使壅塞通利。經絡條達。而驚熱自平。瘡毒能出矣。汪昂曰。冰片體熱而用涼。蓋味辛者多熱。然風熱必藉辛以散之。風熱散則涼矣。此卽本草所云冰片性寒之意。尙未有發明之者。石頑曰。治目痛喉痺下疳。取其辛溫而散火鬱也。

【實驗】 此藥入胃後。僅能刺激胃部。令人腹部覺熱而爽。與胃液腸液等不起變化。至腸能

刺激腸壁神經，使腸蠕動增速，且能殺霍亂菌，又能停止其卵子之發育，本品於未入血之前，僅有極小部與胃腸中之葡萄糖化合，及小腸始被腸壁吸入血中，即能大增白血球之數，使血液迅速循環，大腦神經亦被激而興奮，心臟跳動亦較顯明，精神十分充足，慾念亦勃然興起，若服量過多，則腦神經因受激過度，反由興奮而轉入麻醉狀態。

【禁忌】 凡中風非由外來風邪，而由氣血虛，小兒吐瀉後成慢脾驚，亦屬虛寒，非若急驚實熱，均忌。目昏暗，由肝腎虛，不宜點藥，精液漏，胃出血，鼻衄，腎臟炎，習慣性便秘，均忌用。

【用量】 內服自一分至三分，外用不等。

【炮製】 本藥密藏小磁罐內，勿令洩氣，用時研細入藥，如入外科藥內，須先自研細，然後配入，若和入他藥同研，則必膠結而不能研細矣。

【配合】 同乳香、沒藥、雄黃、紅藥子、烏鷄骨、白芨、白蘞、月石、牛黃，敷一切疔腫癰疽神效。同月石研末，搽兩鼻，治頭目風熱。同燈芯灰、黃柏灰、煨白礬、研末，吹喉，治風熱喉痹。同製甘石、荸薺粉、硃砂、研細末，點目，治目赤生翳。鼈頭煨灰，加冰片少許，研末，敷外痔甚效。阜漢醫方，同桂枝、杏仁、生薑、款冬、紫菀，治百日咳。同樟腦、香附、芍藥、黨參、甘草，治心臟衰弱症。

蘇合香（附）龍涎香

【品狀】 香木類。落葉喬木。係樹脂汁熬煎而成。故又名蘇合油。形如藕膠。以筋挑起。懸絲不斷者真。產於小亞細亞。高四丈。葉掌狀分裂。柄長互生。花小開於葉腋。相集如頭狀。雌雄同株。樹脂爲蘇合香。果實爲球果。中有扁平種子。

【成分】 爲司吉諾兒。Styral C_8H_8 。爲無色揮性液體。比重 $0.80 \sim 0.924$ 。司吉拉辛。Stryacin $C_9H_8O_2$ 。通常爲羽狀結晶。時或爲油狀。及桂皮酸、樹脂等。依打哥羅仿、硫化炭素等均能溶之。

【性味】 味甘微辛苦。性溫無毒。

【歸經】 入心、脾二經。爲開竅搜邪之品。

【功效】 合諸香膏汁煎成。宣竅辟邪氣滯解。能主治心脾各病。中風痰閉病危安。味苦而甘。性溫無毒。

【研究】 蘇合香出諸番。味甘而略帶辛苦。其香烈。較諸香爲甚。性溫無毒。入心脾二經。開竅搜邪。凡一切中風中痰中氣屬邪陷內閉者。皆可用此開之。若類中屬虛而脫者。不可用也。

石頑曰。凡痰積氣厥。必先以此開導。治痰以理氣爲本也。凡山嵐瘴氣。襲於經絡。拘急弛緩。不均者。非此不能除。龍涎香。色金黃晶瑩。如樹脂結晶。淡溫香平。能化痰。定喘逆。治心痛。開竅通神明。忌同蘇合香。

【實驗】 此藥在胃中。僅自行分解。然不起何等作用。至腸次第被吸入血中。能血行增速。并能激氣管神經。使分泌液透出。治哮喘有效。

【禁忌】 虛證不宜用。性燥氣竄。陰虛多火者禁用。

【用量】 煎劑內。今人少有用者。惟膏丸內。配合分量用之。

【炮製】 忌經火。

【配合】 同冰片、乳香、木香、附子、青木香、檀香、沉香、丁香、麝香、華撥、訶黎勒、硃砂、犀角、安息香、爲末。無灰酒熬成膏。入蘇合香油內。加煉蜜和末成劑。爲丸。梧子大。蠟紙包藏。溫水化服。治傳尸骨蒸。疰忤鬼氣。卒心痛。時氣鬼魅瘴疔。小兒驚癇。客忤。大人中風中氣。狐狸等病。皇漢醫方。同鷄舌香、華撥、辰砂、白朮、訶子。治哮喘。

麝香

【品狀】 獸類。形似鹿而小。雌雄皆無角。耳殼大。雄之上顎頗發達。有細長之犬齒。露出口外。長約三寸。其腹部陰囊近旁。有香腺。以分泌香氣。雌者無長牙。亦無香氣。雄者至交尾時。香氣更發達。全身灰褐色。自頸至脚。有白斑二條。前肢比後肢短。適於登山。善跳。六丈闊之湖。亦一躍而過。晝伏夜出。覓食香草。產我國四川省。綱目云。麝常食柏葉。又噉蛇。夏月食蛇蟲多。至寒則香滿。入春臍內急痛。以自爪剔出。著尿溺中覆之。常在一處不移。此香絕勝。殺取者。尤難得。其香聚處。草木皆黃。麝性絕愛其臍。爲人逐急。卽投巖。舉爪剔裂其香。就繫而死。猶拱四足保其臍。一云。麝夏月臥草地。張臍曝晒。蛇蟲等就臍中吸取脂汁。麝覺痛。一躍而起。蛇蟲等之不及出者。卽閉於臍中。得此者。其香愈烈。色紫黑微黃。其中細粒爲當門子。尤佳。市人之貪利者。或攪入荔枝核以僞之。欲辨真假。須於火炭上。有油滾出而成焦黑者。此卽肉類屬真。若假。則化白灰而爲木類也。一法。葱汁浸線穿針。引過香囊。葱臭盡失者真。否則僞。麝香脫氣者。置廁中承塵上數日。香如故。

【成分】 含揮發油有效成分。及脂肪、膠質、蛋白質、無機鹽類、亞母尼亞水等。

【性味】 味辛性溫。無毒。降也。陽中陰也。忌大蒜。

【歸經】入脾經。通行十二經。爲開關利竅之品。走竄飛揚。內透骨髓。外徹皮毛。

【功效】辛溫香苦。能開竅以搜邪。驚癩風痰。治卒中之內閉。瓜果盡消酒毒解。腫瘍潰散。蠱邪除。

【研究】麝香。辛溫香竄之性。通關開竅。辟惡除邪。無所不到。凡一切諸中。無論臟腑經絡。屬邪閉者。皆可用之。外證消腫毒用之者。亦取其能開毛竅。有辛香走散之功耳。李東垣曰。麝香入脾治肉。牛黃入肝治筋。冰片入腎治骨。又麝香風病在骨髓者宜之。若在肌肉用之。反引風入骨。如油入麪。最不得出。丹溪云。五臟之風。忌用麝香。以瀉衛氣。口鼻出血。乃陰盛陽虛。有升無降。當補陽抑陰。不可用腦麝輕揚飛竄之物。婦人以血爲主。凡血海虛而寒熱盜汗者。宜補養之。不可用麝香之散。琥珀之燥。故證屬虛者。概勿施用。嚴川和曰。中風不省者。以麝香清油灌之。先開其關竅。庶免後語。塞難瘳之證。而他藥亦有效。李時珍曰。嚴氏謂風病必先用麝。丹溪謂風病血病必不可用。皆非通論。蓋麝香走竄。能通諸竅之不利。開經絡之壅遏。若諸風諸氣諸血諸痛。驚癩癥瘕諸病。經絡閉塞。孔竅不利者。安得不川爲引導。以開之通之耶。但不可過耳。石頑曰。治瓜果成積作脹。及飲酒成消渴者。皆用之。蓋果得麝則壞。酒得麝則

敗此得用麝之理也。

【實驗】 此藥至腸被吸收而入血中，使血液流動增速，至腦而激大腦神經，令精神異常興奮，然時間甚短，萬不及番木鱉之能延長數日之久也。又有解毒之作用，如因中毒性之昏迷，能使其清醒，俗名之曰開竅藥，對於大腦精神部，有鎮靜之作用，故能去除因精神錯亂之病狀，並有安神之效，又可治陰痿。

【禁忌】 不可近鼻，防蟲入鼻，勞怯人、孕婦不宜佩帶，凡病之屬於虛者，法當補益，概勿施用。汗多者、熱高者、神經過度虛弱者，勿用，孕婦、精液漏，均忌用。

【用量】 內服自五厘至一分，外用不等。

【炮製】 取膜袋中香磁瓶收貯密封，研細用。

【配合】 同竹瀝生薑汁，治中風有痰不省。同冰片、硃砂、雄黃、牛黃，治霍亂、瘧疾、瘴氣。同硫黃、辰砂研末，捲入紙捻內，火點薰灸，壅腫結塊神效。同火硝、礞砂、硃砂、全蝎研末，外證初起，敷貼之，退消頗效。皇漢醫方，佐樟腦、乳香、沒藥，治陰痿。

虎骨 虎睛 虎肚

【品狀】獸類。食肉類。多山林處有之。形略似貓而大如牛。眼大有光。耳殼不大。能動。齒尖銳。舌而粗糙。有無數逆鈎。四肢粗大有力。俱有鈎爪。步行無聲。其皮色之斑如草影。不易辨認。所謂保護色也。亦善游水。五官敏銳。能探知遠方之食餌。

【性味】味辛性微熱。無毒。西方之獸屬金。風從虎者。風爲木。虎屬金。木受金制也。其性升陽也。

【歸經】入腎經。兼入肝經。爲搜風健骨之品。

【功效】得西方金氣以平肝。治痛搜風能健骨。其性味辛溫而無毒。辟邪殺鬼並安魂。用以煎膠。功兼滋補。

【研究】虎爲諸獸之長。諸獸見之皆震恐。故能辟邪魅。安魂魄。定驚悸。虎之強悍皆在於脛。雖死猶立不仆。故能強筋骨。益氣力。虎爲金。風爲木。木受金制。故能追風毒。治骨節痺著等證。其骨煎煉成膠。又能於搜風健骨中。寓以滋補血液耳。考虎骨通可用。治病必從其類。不得概執脛骨爲良。凡辟邪疰。治驚癩。溫瘧。瘡疽。頭風。當用頭骨。治手足諸風。當用脛骨。治腰背諸風。當用脊骨。又如虎睛治癩疾。狂邪。虎肚治反胃吐食。均有特殊功效。石頑曰。虎骨追風定痛。

強筋壯骨。風病變急。骨節風毒。爲之要藥。虎之一身。節節氣力。皆出前足。故膝脛爲勝。而前左脛尤良。以臥必用左脛爲枕也。按虎骨合養精補血之藥。主治精血衰少。腰腿足膝軟弱無力。不能行動。或筋骨疼痛。難以屈伸。若傷於濕者。筋骨弛長而軟。或腫痛。若過於酒色。勞碌。腎肝血熱者。腰疼腿痛。相似虎骨症候。不宜誤用。

【禁忌】 凡血不足以養筋。以筋骨疼痛者。宜少用。

【用量】 自二錢至五錢。

【炮製】 常用雄虎骨。色黃潤者爲佳。若中箭藥射殺者。其骨必微黑有毒。不可入藥。凡用虎之諸骨。並搥碎去髓。塗酥。或酒或醋。各隨方法。炭火炙黃入藥。虎睛以生羊血浸一宿。漉出。微火焙乾。搗粉用。虎肚取生者。勿洗。存滓穢。入丸劑。新瓦固煨。存性用。入煎劑。曬乾用。

【配合】 同牛膝、木瓜、地黃、山藥、山茱萸、黃蘗、枸杞子、麥冬、五味子。治腰腳無力。筋骨疼痛。或痿弱不能步履。同草薢、獨活、防己、蒼朮、牛膝、何首烏、薏苡仁、木瓜、刺蒺藜。治風寒濕邪。着於經絡。以致偏痺不仁。同當歸、白芍、炙甘草、續斷、牛膝、鹿角膠、麥冬、地黃。治遍身骨節痛。同木瓜、附子、天麻、懷牛膝、菴蓉、研末蜜丸。治房勞過度。肝腎兩虧。腰痛無力。同附子、木瓜、秦艽。

牛膝、當歸、菴蓉、天麻、蜜丸。治酒色寒濕兩傷肝腎、腰痛步履艱難、熱痛如火、冷甚如冰、似難似瘕、常怕風寒。同石斛、石楠葉、防風、當歸、杜仲、牛膝、續斷、川芎、金狗脊、巴戟天、各切細、絹袋盛。好酒浸十日。治中風偏枯、諸癱瘓。虎睛丸。虎睛一對、犀角、大黃、遠志各一兩、梔子仁五錢。爲末。蜜丸綠豆大。每溫酒服二十九。治癰疾發作、涎潮搐搦、時作譫語、一切癲狂。虎肚丸。虎肚一具、杜酥五錢、樸片十五兩、大戟四兩、火酒糊打丸。赤金爲衣。每服四錢。開水送下。治命門火衰、濕淫於內、脾胃不能剋制、反胃噎膈、痰飲痞結、水氣膨脹等證。

白花蛇（附）烏梢蛇

【品狀】 蛇類。爬蟲類。產贛州。頭爲犁鑿狀。鼻反鉤。頭如龍頭。口如虎口。黑質白花。脇有二十四個方勝紋。腹有念珠斑。口有四長牙。尾上有一佛指甲。長一二分。腸形如連珠。口內有絲。放出一二丈。人觸之。則緣絲而咬。行五步或百步而死。多在石南藤上食其花葉。人以此尋獲之。凡蛇死目皆閉。惟產於贛州之白花蛇。雖死枯而目開不陷。

【性味】 味甘鹹性溫。有毒。生土穴陰霾之處。裏幽暗毒厲之氣而生。降也。陰中陰也。得酒良。【歸經】 入肺、肝二經。爲祛風除濕之品。內走臟腑。外徹皮膚。透骨搜風。截驚定搐。

【功效】透骨搜風。皆爲鹹溫善走竄。治痺通絡。都因陰毒性輕靈。風濕癱瘓。大風疥癩。賴之以安。

【研究】蕘蛇味甘鹹性溫。有大毒。蛇性善竄。善蝮。亦如風之善行數變。故透經絡。搜風邪。內走臟腑。外達皮膚。爲治諸風諸痺。一切癩癬等疾之藥。然治病良藥頗多。亦何必用此陰毒之物。以冀微倖哉。仲醇曰。癩風疥癬頑皮等證。誠爲要藥。若中風口面喎斜。半身不遂。定緣陰虛血少。內熱而發。與得之風濕者殊科。非所宜也。當辨別之。石頑曰。蛇性竄。能引藥至於風痰處。故能治一切風病。其風善行數變。蛇亦善行數蛇。所以能透骨搜風。爲大風白癩風。風痺驚搐。癩癬惡瘡要藥。取其內走臟腑。外徹皮膚。無處不到也。烏梢蛇。生蘆叢中。尾細能穿百錢者爲佳。肉甘平有小毒。宣風祛濕。功同白花蛇而力較淺。按蛇性主風。烏梢蛇色黑屬水。故治諸風頑痺。皮膚不仁。風瘙癢疹。疥癬熱毒。眉鬚脫落。痛癢等瘡。但白花蛇主肺臟之風。爲白癩風之專藥。烏梢蛇主腎臟之風。爲紫雲風之專藥。

【禁忌】白花蛇食石南藤。其藤辛苦治風。故此蛇治風濕癱瘓。大風疥癩。若陰虛血少。內熱生風者。非其所宜。凡用蛇同糯米並糲造酒。服酒時。切忌見風。并於開罈時。須避其氣。免致面

目浮腫以其峻厲之氣。先有犯其清道也。凡癘風服過大楓子仁者。服白花蛇無效。

【用量】煎劑內。自一錢五分至三錢。丸散內不等。

【炮製】蕘蛇頭尾有毒。各去三寸。亦有單用頭尾者。酒浸三日。去盡皮骨。大蛇一條。只得淨肉四兩。烏梢蛇去頭與皮骨。酒煮或酥炙用。

【配合】白花蛇酒。蕘蛇肉四兩、羌活二兩、歸身二兩、天麻二兩、秦艽二兩、五茄皮二兩、防風一兩、各對勻。絹袋盛之。用好酒浸七日。治中風傷濕。半身不遂。口目喎斜。膚肉麻痺。骨節疼痛等症。白花蛇膏。白花蛇肉一兩、天麻、狗脊各二兩。研細末。同無灰酒一升攪和。盛銀鍋內。文火煮稠如膏。入生薑汁三匙。同熬勻。每服半匙。日二次。白湯化服。治營衛不和。陽少陰多。手足舉動不快。神效。白花蛇散。酒炙白花蛇肉、烏梢蛇肉各二錢、雄黃二錢、大黃五錢。爲末。每服二錢。白湯下。三日一服。治大風厲毒。三蛇愈風丹。白花蛇、烏梢蛇、十蜥蛇各一條。並酒浸取肉晒乾。苦參頭末四兩爲末。以皂角一斤切。酒浸去酒。以水一碗。掇取濃汁。石器熬膏。和丸梧子大。每服七十丸。煎通聖散湯送下。以粥飯壓之。日三服。三日一浴。取汗避風。治厲風。手足麻木。眉毛脫落。皮膚癢。一切風瘡。

蛇蛻

【品狀】 蛇類爬蟲類。蛇每歲須蛻皮四五次。蛻皮之際。多纏繞樹木。概自唇部漸次脫出。青黃蒼色者勿用。白色如銀者爲佳。

【性味】 味鹹甘。性平。有小毒。畏磁石及酒。

【歸經】 入肝經。爲走竄之品。能引諸藥入肝散邪。

【功效】 蛇蛻有退管之功。並可驅風除翳。其治有殺蟲之用。還能吹耳敷瘡。婦人難產。小兒驚癇。皆治。

【研究】 蛇蛻入藥有四義。一能辟惡。取其變化性靈也。故治邪辟鬼魅。蠱瘡諸疾。二能驅風。取其屬巽性竄也。故治驚癇癩駁喉舌諸疾。三能殺蟲。故治惡瘡痔漏疥癬諸疾。用其毒也。四有蛻義。故治翳膜胎產皮膚諸疾。會意從類也。

【實驗】 此藥主要作用。能消散神經炎。鎮靜運動神經。故可治腦膜炎。患中風者。可用之。

【禁忌】 小兒驚癇癩疾。非外邪客忤。而由肝心虛者。不宜用。

【用量】 內服自一錢五分至三錢。外科用不等。

【炮製】 蛇蛻用皂莢水洗淨。或酒或醋。或蜜浸炙黃用。或燒存性。或鹽泥固煨。各隨方法。

【配合】 同天花粉研末。納入羊肝內縛定。米泔水煮食。治痘後目翳。蛇蛻泡水浴產門。治婦人難產。或炒焦爲末。東向酒服一錢。同象牙屑、刺猬皮、當歸、黃柏研末作丸。治痔漏生管。

蠍

【品狀】 蟲類。節腹類。多棲息於石下。或牆壁地板之下。長三寸許。青黑色。頸上有觸鬚一對。如蟹螯。以挾持他物。而以上鰓嚙之。頭胸部短。腹部有環節十二。後端大環節狹小如尾。遇敵則向上彎曲。注射毒液。人被刺。有腫痛至死者。子皆胎生。無變態。產華北。以青州形緊小者良。人被螫者。塗蝸牛卽解。

【性味】 味甘辛鹹。性溫。有毒。稟火金之氣。以生。可升可降。陽也。

【歸經】 入肝經。爲驅風逐邪之品。能引諸風藥。直達病所。

【功效】 入肝臟以搜風。定搐療驚。全力足。達經絡而蠲痺。愈癰治疔。尾功長。味合辛鹹。性含陰毒。

【研究】 蠍味辛鹹有毒。其力在尾。有單用尾者。亦有全用者。入肝搜風。走臟腑。行經絡。治大

人中風小兒驚癇屬實邪者皆可用之。至於治疝治瘡以及女人帶下陰脫等證無不由於肝經風氣使然。以蠍產東方色青屬木故也。東垣曰凡疝氣帶下皆屬於風。蠍乃治風要藥。俱宜加而用之。

【禁忌】 似中風及小兒慢脾病。屬於虛者均忌。

【用量】 內服自五分至一錢。外用不等。

【炮製】 全用謂之全蠍。去足焙。尾名蠍梢。其力尤緊。

【配合】 蠍尾研末。加麝香少許。金銀煎湯調下。治小兒臍風發搐。用溫酒調服。治大人小腸疝氣。同硃砂、牛黃、薄荷研末。治小兒天鈞驚風。大人中風。同羌活、柴胡、當歸、生地、丁香。治婦人月事不調。寒熱帶下。同藤黃、月石、麝香、冰片研末。外瘍腫痛初起。敷之即消散。同白附子、殭蠶爲末。酒服。治口眼喎斜。

蜈蚣

【品狀】 卵生蟲類。節肢動物。多足類。產我國南部各省。頭有單眼一對。口善嚙。第一對步足變爲鰓。脚爲鈎狀。鈎端有毒腺口。全身有二十環節。每節生脚一對。吸呼口開於環節兩旁。此

蟲卵生。初孵化時，纔六環節。後每蛻化一次，其環節與脚，皆增加一次。性善噉蛇，惟畏蜘蛛。以溺射之，卽斷爛。又畏蜒蚰，不敢過其所行之路。觸其身則死。又畏蝦蟆，雞則喜食之，故被蜈蚣螫者，搗塗蝸牛、雞矢、桑汁、白鹽，皆效。

【性味】 味辛，性溫，有毒。稟火金之氣以生，可升可降陽也。畏蜘蛛、雞矢、桑皮、白鹽。被蜈蚣螫者，捕蜘蛛置蔽處，自吸其毒，吸畢，將蜘蛛放水，中吐出毒氣活之。

【歸經】 入肝經，爲去風散結之品。

【功效】 其性走而有毒，散腫行瘀。其味辛而且溫，搜風定搐，殺蛇辟蠱，先行胃，治癩療驚，又入肝。

【研究】 蜈蚣辛溫有毒，其性善走善竄，能制蛇，故入肝經。截風定搐，與夫蛇蠱蛇傷等證，皆可炙研服之。至於行瘀血，散腫毒，敷治一切外證，皆取其以毒攻毒，搜風殺蟲之功而已。按蜈蚣有毒，必風氣暴烈，藥病相當，乃可設或過劑，以蚯蚓桑皮解之。

【實驗】 近今醫家常用之，以鎮靜運動神經，亦能鎮靜大腦神經部，對於神經有解毒作用。外用治解毒。

【禁忌】一切虛證禁用。貧血者、體虛者、口燥渴者均禁用。

【用量】內服自五分至一錢。外用不等。

【炮製】取赤足黑頭者。火炙去頭足尾甲。將薄荷葉裹火煨用之。或酒炙用。

【配合】同銀花、殭蠶、赤芍、生甘草、穿山甲、刺蒺藜、連翹、大黃、皂角刺、土茯苓、治楊梅毒、筋骨疼痛、膿水潰爛。蜈蚣一條去頭足酥炙。入麝香爲末。治小兒天弔。目久不下。口噤反張。以少許吹鼻。至眼合乃止。若眼未下再吹之。又去頭足炙黃。入硃砂輕粉乳汁爲丸。治小兒急驚。服少許卽安。同蠟尾加入涼膈散內。治溫瘧。洒洒時驚。浸菜油內。搽小兒禿瘡。同南星研末。用醋調和敷瘡甲。趾甲內惡肉突出。俗名鷄眼睛。用此敷之。

露蜂房

【品狀】卵生蟲類。黃蜂。尾中有毒刺。刺內貯毒液。刺呈鈎狀。螫物則遺棄其刺。其毒液有酸性。用亞摩尼亞水塗之。腫乃漸消。巢以樹皮中之纖維造成。巢壁薄如紙。全巢如蓮房。中有多數六角形小房。多懸於樹枝或簷前。狀若捲雲。無賊蜂。雌者至晚秋產卵於各房。雄者多死。其房懸樹受風露者良。取之入藥。

【性味】 味鹹苦微甘。性平。有毒。惡乾薑、丹參、黃芩、芍藥、牡蠣。

【歸經】 入胃經。爲祛風殺蟲之品。

【功效】 入陽明而質毒。疔瘡癰癤宜求。味鹹苦而性平。癩癩頑風可治。風蟲牙痛。水漱爲良。附骨癰疽。製方可采。雖本經可治。驚癩諸邪。而服食總宜審詳慎用。

【研究】 露蜂房。生山林樹木間。大小不一。得雨露之氣。故名露蜂房。味鹹苦微甘微辛。性平。有毒。入陽明經。其用無論內服外敷。皆是以毒攻毒。去風痺死肌。殺蟲治瘡。然亦止可外治。雖其功能治一切附骨疔疽乳岩等證。毒根連及臟腑者。可用此拔之。但總屬有毒之品。內服當審慎耳。

【實驗】 此藥多用於外科藥中。有解毒退腫消炎之作用。內服有鎮靜神經之作用。然近今罕用之。實甚可惜。患牙齒痛者。內服有效。蓋因有止神經痛之作用也。

【禁忌】 凡病屬氣血虛無外邪者。與癰疽潰後元氣乏絕者。均忌。

【用量】 內服自一錢五分至三錢。外用不等。

【炮製】 炙用。

【配合】 研末溫酒下。治乳不足。燒灰溫酒下。治寸白虻蟲。燒灰酒調。敷小兒重舌。研末醋調。塗癰腫。燒灰菜油調。塗下部痔漏。

白殭蠶（附）晚蠶砂 蠶繭 蠶蛹 雄蠶蛾

【品狀】 卵生蟲類。當蠶未成蛾時。胃中侵入細菌之芽胞。發生絲狀體。蔓延蠶之、養器官。至於穿破。是時蠶之食慾缺減。而菌之繁殖愈盛。即絲膜脂肪肌肉等。俱侵襲。貫通蠶體。抽出絲狀體。至是蠶之內外。均為白色粉末（即芽胞）所包圍。堅硬而殭死。李時珍曰。蠶病風死。其色白白。故曰白殭。死而不朽曰殭。再養者曰原蠶。即晚蠶。蠶之糞曰蠶砂。

【性味】 味鹹辛。性微溫。無毒。蠶屬陽。而殭者又兼金木之化。升也。陽也。惡桑螵蛸、桔梗、茯苓、茯神、葶藶。

【歸經】 入肺、肝、三焦三經。兼入胃經。為去風化痰之品。

【功效】 辛散風邪。鹹可豁痰。入肺部。溫行肝絡。經能治上利咽喉。備宣疏攻托之能。療驚通乳。有結化癰開之效。消腫除疔。蠶砂燥濕並祛風。性味辛溫兼治渴。

【研究】 殭蠶係蠶之病風者。雖死後殭而不腐。故為治風之藥。味辛鹹。性溫屬火。故能散結。

氣開頑痰。以其得清化之氣。可從治上焦頭目風熱。入肺部治喉風喉痺等疾。又行肝胃兩經。雖病癘之物。究屬蠕動之品。凡一切乳癰痰癥之證。皆可用以攻托宣行。李時珍曰。殭蠶。蠶之病風者也。治風化痰。散經行絡。所謂因氣相感。而以意用之者也。爲厥陰肝經之藥。故又治血病瘡證疔病。小兒驚疳。疔如鱗甲。由氣血不足。亦名胎垢。用殭蠶煎湯浴之。石頑曰。功專祛風化痰。得乎桑之力也。本經治驚癩。取其散風痰之力也。凡咽喉腫痛。及喉痺用此。下咽立愈。其治風痰結核頭風。皮膚風疹。丹毒作癢。疔蝕金瘡。疔腫風疾。皆取散結化痰之義。蠶砂卽蠶矢。晚者。良。味辛甘。性溫燥。入肝脾胃三經。祛風勝濕。兩者兼優。熨風痺。洗癩疹。香油調塗。爛弦風眼。皆有效驗。至本經所云治消渴一證。或取蠶之但食不飲耳。蠶繭甘溫。治癰腫無頭。燒灰酒服。次日卽破。煮湯治消渴。蠶蛹。炒食。治風及勞瘦。爲末飲服。治小兒疳瘦。長肌肉。退熱除虻蟲。研敷癩瘡惡瘡。中其毒者。飲馬乳解之。雄蠶蛾。氣熱性淫。主固精強陽。

【實驗】此藥有鎮靜神經作用。能治小兒驚癩夜啼。又尋常用作解抽藥。不但可以鎮靜神經。亦能鎮靜氣管之痙攣。發熱之咳嗽。可用之。能化痰止咳。

【禁忌】凡病由血虛而無風寒外邪客入者。殭蠶慎用。又風寒舌苔白色。而惡寒甚者。不可

用。風熱舌苔黃色而熱多寒少者可用。蠶砂。胃腸虛弱性腹瀉。及惡寒之狀較多者忌用。

【用量】 殭蠶蠶砂。內服自一錢五分至三錢。外用不等。

【炮製】 取頭番殭蠶。色白條直者良。糯米泔浸一日。待桑涎浮出。取起焙乾。拭去絲及黑口。擣用。雄蠶蛾。取未交者。去翅足。微火炙黃。研末用。

【配合】 殭蠶研末。薑湯調灌。治一切風痰。研末蜜調服。治酒後咳嗽。乳汁不通。白殭蠶二錢。研末酒服。少頃。以脂麻茶一盞投之。梳頭數十遍。奶汁如泉也。研末。同烏梅爲丸。治腸風下血。蠶砂炒黃。無灰酒煮沸。去渣飲酒。治月經久閉。蠶砂。同炒綠豆。炒枯白礬。研末。跌撲傷損者。以醋調敷塗。絹包縛定。換三四次愈。雄蠶蛾研末蜜丸。治陽痿。

桑蠶蟲

【品狀】 蟲類。係桑樹中之蠶蟲。色白帶黃。而腹中無穢。按之無水者爲真。若頭硬而腹中不淨者。卽雜樹中內蠶也。

【性味】 味甘性溫。有毒。

【歸經】 入肝脾二經。爲祛風宣托之品。

【功效】祛風治障翳癩腫小兒驚風口瘡風疖婦人崩中漏下赤白墮胎下血產後下痢今人多用以發痘。

【研究】桑蟲治障翳驚風崩漏等疾不過藉其宣散攻托之力耳今人用以發痘亦惟賴其宣托之力別無他長也。張璐曰桑蠶蟲食木柔能勝堅故治痘瘡毒盛白陷不能起發者用以絞汁和白酒釀服之即起但皮薄脚散及泄瀉畏食者服之每致駁裂而成不救不可不慎也。吳儀洛曰桑蟲能祛風而走竄經絡其性大約與川山甲相近故均能發痘然起發不由根本元氣爲毒所傷今人治痘無不用之其爲害不知若干人矣可見治痘須從根着想不能執定一法以誤事深願幼科家注意之。桑蟲矢功用略同。

【禁忌】虛證慎用。

【用量】自五分至一錢。

【炮製】燒存性研末酒調。

【配合】桑蟲燒灰酒服治崩中漏下墮胎下血。桑蟲矢水煎治產後下痢醋煎治咽喉骨哽燒灰酒服治腸風下血。小兒胎癩用桑木蛀屑燒灰入輕粉等分麻油調敷。

蟬蛻

【品狀】 蟲類。口作吻狀。便於吸收液汁。雄者胸腹間有皺襞之小膜。依呼吸作用。發聲長鳴。使雌者知其所在。雌者產卵樹上。孵化爲幼蟲。下樹入土中。幼蟲之期間。有長至數年者。狀似螻蛄。吸取樹根之液。將爲成蟲出地上。至樹二尺高。首尾俱備。自背部縱裂而脫皮。又經數日。便上樹三五尺。脫皮如前。生翅而飛去。此第二次所脫之殼。較初脫者輒且清。入藥良。

【性味】 味鹹甘性寒。無毒。稟土木之餘氣成形。其飛鳴。又得風露之清氣。可升可降。陰中陽也。

【歸經】 入肺、肝二經。爲驅風散熱之品。

【功效】 可解皮膚風熱。與驚痰乳壅。氣稟輕虛。善療翳膜癢疹。及胞阻難產。功能脫退。晝鳴夜息。治小兒之驚嘔。味鹹性寒。化上焦之邪滯。

【研究】 蟬飲風吸露。得清虛之氣。其蛻入肺。專解皮膚風熱。治上部咽喉頭目口齒諸病。其能治肝經風熱者。因體氣輕虛。而味甘寒也。能治婦人生子不下。及退翳膜侵睛。齧肉滿背者。其性善蛻也。能治皮膚瘡疥癩疹者。其殼有祛風宣發之力也。能治中風不語者。蟬聲清響。並

有祛風化痰之功也。治小兒夜啼者，取其鳴夜息之意也。徐靈胎曰：蟬感涼風清露之氣，以生，身輕而聲嘹亮，得金氣之發揚者也。又脫落皮殼，亦屬人身肺經之位，故其性能清火驅風，而散肺經之鬱氣，若其質輕虛，尤與小兒柔弱之體爲宜也。

【實驗】 此藥有消炎解毒作用，治外感性喉啞，小兒驚癇，燒炭治久痢均效。若用之以治五六月間肺充血性之咳嗽，慢性氣管炎，虛弱性咳嗽，均不相安。

【禁忌】 虛證慎用。禿髮、虛弱性肺炎、氣管支炎均忌用。

【用量】 自八分至一錢五分。

【炮製】 蟬類甚多，惟大而黑色者良。洗淨泥土，去翅足用。攻毒用全。

【配合】 去前截用，後截研末，鈎藤湯下。治小兒夜啼，入硃砂少許。治小兒驚啼，用蟬腹。治小兒驚癇，夜啼，癇病寒熱。同全蠍研末，入輕粉少許，乳汁調灌。治小兒初生口噤不乳。研末酒服。治破傷風病。同薄荷研末酒服。治皮膚風癢。同甘草水煎服。治瘡瘡作癢。同羊肝煎湯服。治痘後目翳。

本草用法研究

第五編 熄風之劑

風之外來。在皮毛者當宣之。在經絡者當散之。內生者當平熄之。內風者。虛風也。若作外風而散之。不啻投井而下石焉。人之情志不適。抑鬱化熱。熱則風生。津液傷則臟腑燥。燥則風生。以及血熱風起。肝熱風動。是皆內風也。虛風也。當清潤之。平熄之。疾斯去矣。經云。諸風掉眩。皆屬於肝。風氣通肝。肝易動風。爲禍最烈。本編僅述一熄肝風之劑。潤燥與理血。各立一編。載後幅。

甘菊花 野菊花

【品狀】 隰草類。多年宿根草。春生細苗。夏茂。莖高一二尺。葉卵形。有缺刻及鋸齒。葉柄長。互生。秋末開頭狀花。周圍爲舌狀花冠。中央爲筒狀花冠。品類繁多。專供玩賞者。不入藥。單瓣味甘者入藥良。杭州之黃菊。滁州之白菊尤勝。野生菊花。花小而黃。亦可入藥。

【性味】 味苦甘。性寒。歷四時之氣。得天地之清氣。獨稟金精以生。可升可降。陰中微陽也。白朮、地骨皮、桑皮爲使。

【歸經】 入心、肝、脾、肺、膽、胃、大腸、小腸八經。爲祛風明目之品。專制風木。兼主肝氣不足。

【功效】 味甘性寒。平肝疏肺。清上焦之邪熱。治目祛風。稟金水之精英。益陰滋腎。

【研究】 甘菊其花稟秋金之氣而生。故能入肺。凡花皆散。故主疎風。風氣通於肝。故又能入肝。治一切目疾。但甘菊之用。可一言以蔽之。曰疎風而已。然雖係疎風之品。而性味甘寒。與羌麻等辛燥者不同。故補肝腎藥中。可相需而用也。考菊花之性。入肝之用爲長。以其甘寒能清金壯水。水壯則木有所生。金清則木有所制。故肝風可熄。肝火能平。一切肝病皆治。各隨佐使之藥。以爲用耳。時珍曰。能益肺腎二臟。補水所以制火。益金所以平木。火降則熱除。木平則風息。仲醇曰。獨稟金精。專制風木。故爲祛風要藥。苦入心小腸。甘入脾胃。平辛走肝膽。兼入大腸。又苦可泄熱。甘能益血。又可解毒。平辛黃色者。入金水陰分。白色者。入金水陽分。張璐曰。黃者苦甘平。白者苦辛平。按菊味帶酸。酸能斂肝。故能熄肝風。甘而氣清。有補陰養目之功。主頭目諸病。爲去風熱之要藥。野菊花一名苦蕒。其味苦辛。大能散火散氣。治癰毒疔腫。癩癧。癩眼目熱痛等證。頗效。以辛能散氣。苦能散火。故也。癰毒疔腫。目熱。用花并莖葉。打汁飲。癩癧未破。用根煎酒熱服。渣外敷。自消。按菊得秋氣之深。應候而開。受金正氣。秋金本白。故取白。

色者其體輕味微苦性氣和平。至清之品。經曰。治溫以清。凡病熱退其氣尚溫。以此同桑皮理頭痛除餘邪。佐黃芪治眼昏去翳障。助沙參療腸紅。止下血。領石斛菟豆明目聰耳。調達四肢。是以肺氣虛須用白甘菊。如黃色者其味苦重氣香散。主清肺火。凡頭風眩暈鼻塞熱壅肌膚濕痺四肢遊風肩背疼痛皆由肺氣熱。以此清順肺金。且清金則肝木有制。又治暴赤眼腫目痛淚出。是以清肺熱須用黃甘菊也。

【實驗】 此藥有消炎鎮靜之作用。故治目赤頭痛。有退炎殺菌止痛之作用。患慢性羅麻質斯者亦可用之。

【禁忌】 陽虛者慎用。脈搏不速。舌苔淡白者。消化不良而腹瀉者。患關節炎而惡寒者。均忌用。

【用量】 自一錢五分至三錢。

【炮製】 九月採花陰乾用之。有炒炭用者。

【配合】 同地黃、黃檗、枸杞子、沙蒺藜、五味子、山茱萸、當歸、羚羊角、羊肝。治肝腎俱虛目痛。加決明子、木賊草、穀精草、柴胡。可以去外翳。同黃連、玄參、甘草、生地、荊芥穗、決明子、連翹、桔梗、

柴胡、川芎、羌活、童便。治風熱目痛。同川芎、當歸、生地、熟地、天冬、麥冬、白芍、甘草、藁本、細辛、童便。治血虛頭痛。亦主頭眩暈。因痰結而作者。無痰藥不效。同枸杞等分蜜丸。久服則終身無目疾。兼不中風。及生疔瘡。連根生用爲君。加紫花地丁、益母草、金銀花、半枝蓮、貝母、連翹、生地、花粉、白芷、蒼耳子、夏枯草。可治療瘡。甚者以蟾酥丸發汗。大便閉者。汗後以玉樞丹下之。

鉤藤鉤

【品狀】 蔓草類。大江南北各處均產之。爲自生之蔓性草本。葉腋對生兩鉤刺。向下彎曲。初時色綠。至秋則變紅褐色。質堅強。似魚鉤。以攀緣於他物。高丈許。葉卵形尖端。對生。夏開淡黃褐小花。相綴如球。其嫩莖略方。老則變圓而成木質。

【性味】 味苦微甘。性微寒。無毒。

【歸經】 入肝、心、胞二經。爲息風靜火之品。除心熱。平肝風。定驚止搐。

【功效】 入肝經以涼血祛風。退熱療驚。久煎無力。苦甘寒而除邪定搐。治昏止眩。暫服爲宜。

【研究】 鉤藤苦甘寒色紫。獨入肝家。清肝熱。熱平則風熄。風熄則驚癇癰癩。頭旋目眩等證皆愈耳。

李時珍曰。足厥陰主風。手厥陰主火。驚癇眩暈。皆肝風相火之病。鉤藤鉤通心胞於

肝木風靜火息，則諸證自除。

【禁忌】 性寒，無火者勿服。

【用量】 自一錢五分至三錢。

【炮製】 久煎則無力，去梗，純用嫩雙鉤良。

【配合】 得遠志、茯神、琥珀、棗仁、丹砂、牛黃、天竺黃、犀角、生地、龍齒、麥冬、金箔，治小兒驚癇瘈瘲。有痰加竹瀝、膽南星、橘紅。同茯苓、大黃、防風、硃砂、蟬蛻、獨活、青皮、甘草，治天癆症。

天麻

【品狀】 山草類，產我國中部各省，鄆州者佳。初夏出一莖，淡紅色，圓柱形，莖有節，每節有小薄皮黑色，包莖如筍，莖長二尺時，梢頭開黃赤花，遠望似箭有羽，根爲長塊而橫行，大似天門冬，去根六寸，有十餘子，週環衛之似芋。秋季採取，莖名赤箭，有一種洋天麻，形相似，價雖廉，而入藥無力。

【性味】 味辛，性平，無毒，得土之辛味，兼感天之陽氣以生，升也，陽也。

【歸經】 入肝經，爲祛風之品，肝經氣分藥。

【功效】定虛風。理眩暈。因有風不動之稱。達肝臟。味辛平。當知質燥偏陽之品。

【研究】天麻其莖獨枝如箭。有風不動。無風反搖。故一名定風草。獨入肝經。能治一切虛風眩暈之證。凡水虧肝虛。陽虛土敗者。易生內風。天麻能定內風。而不能散外風。又非羌防等可同日語也。此物同補藥則治虛風。同散藥則治外風。總之一切諸風。皆可賴以鎮定。既不能發散。又不能滋補。但天麻之性。辛甘而平。升也。陽也。獨肝經氣分。爲定風之主藥。不特陰虛之風可用。卽陽虛之風亦可用。內風可定。外風亦可定。各隨佐使而立功耳。寇宗奭曰。天麻須別藥相佐使。然後見其功。仍須加而用之。圖經曰。天麻用根。有由內達外之理。赤箭用苗。有自表入裏之功。張璐曰。天麻味辛濃厚。肝虛不足。風從內生者。天麻川芎以補之。諸風掉眩。眼黑頭旋。虛風內作。非天麻不治。小兒驚痰風熱。服天麻卽消。久服則遍身發出紅瘰。是驅風之驗也。按肝屬木。膽屬風。若肝虛不足。致肝急堅勁。不能養膽。則膽腑風動。如天風之鼓蕩。爲風木之氣。故曰諸風掉眩。皆屬肝木。此肝膽生風。非外感天氣之風也。天麻爲補肝養膽定風神藥。若肝勁急甚。同黃連清其氣。又取體重降下。味薄通利。能利腰膝。條達血脈。諸風熱滯於關節者。此能舒暢。血虛病中良藥也。

【實驗】 此藥鎮靜痙攣，又急性維麻質斯服之效，有強壯性質。此如副甲狀腺之內分泌缺乏者，易現痙攣之狀。若天麻能興奮副甲狀腺，使其內分泌增加，豈非爲一種強壯劑。又如體中缺少鈣質者，服天麻後，即可增加體中之鈣質，而使痙攣消滅。古人以之爲補益上藥，有至理存焉。

【禁忌】 風藥多燥，風能勝濕，故也。凡病人覺津液少，口乾舌燥，咽乾痛，大便澀及火炎頭暈，血虛頭痛，均忌。南方似中風證，宜與養陰藥同用。

【用量】 自一錢至三錢。

【炮製】 本藥用根，凡用以明亮堅實者佳。濕紙包裹，置於糠火中煨熟，取出切片，酒浸一宿，焙乾用。

【配合】 同白朮、半夏、黃芩、前胡、橘皮、茯苓，治痰厥頭痛。同白朮、橘皮、茯苓、車前子，治飲在心下，作支滿。同南星、前胡、橘皮、白前，消一切風痰。

密蒙花

【品狀】 灌木類，產蜀中，高丈餘，葉似冬青而厚，凌冬不凋，背白有毛，花冬生春開，細碎，數十

房成一朵，色微紫，繁密，葇荳如簇，錦故名。二三月採花曝乾用。

【性味】味甘性平，微寒，無毒。稟土氣，兼感冬春之氣而生。

【歸經】入肝經，爲平潤之品，並入本經氣分，血分，潤肝燥。

【功效】功歸肝膽，性屬甘寒，滌熱疏風，治目都因火氣逼，養營潤燥，肝平風息，障翳除。

【研究】密蒙花，其色紫，故入肝，甘寒無毒，故能潤肝燥，養肝血，息肝家之風熱，風熱得去，肝血得養，故一切目疾皆可除也。雖屬治目之品，凡肝虛而有風熱之病，皆可用之，不必印定眼目也。張璐曰：搜風散結，目疾之專藥。治青盲昏翳，赤腫多眵淚，消目中赤脈，及小兒痘瘡餘毒，疳氣攻眼，宜之。

【禁忌】陽虛者慎用。

【用量】白二錢至四錢。

【炮製】取蜀中產者良，酒浸一宿，候乾，蜜拌蒸，晒三次，絹包煎。

【配合】同木賊、生地、蟬蛻、沙蒺藜、穀精草、決明子、羚羊角，治青盲翳障。同菊花、枸杞子、生地、沙蒺藜、穀精草，治肝腎虛，目不能遠視。同黃連、赤芍、防風、荆芥、黃燧、甘菊花、甘草、龍膽草。

治風熱濕熱眼赤痛。同胡黃連、白蕪荑、使君子、蟬蛻、木賊、蘆薈。治小兒疳積。眼目不明。

黑大豆（附）稽豆皮

【品狀】 穀類。一年生草本。初夏下種。秋季結實。葉爲三小葉所成之複葉。莖葉均密生毛茸。葉腋生蝶形花果。亦爲有毛之莢。種子黑色。

【成分】 水分一六·〇。九。蛋白質四〇·二五。脂肪一八·二六。無素窒物二一·九七。纖維三·八六。灰分四·五四。

【性味】 味甘性平。無毒。惡五參、龍膽草。得前胡、烏頭、杏仁、牡蠣、豬膽汁良。忌厚朴。

【歸經】 入腎經。兼入肝經。爲益陰利水、養血除風之品。

【功效】 養血除風。色黑形腰。歸腎部。益陰利水。除煩解毒。性甘平。稽豆皮。甘平無毒。宣風氣。苦澆微溫。行血瘀。

【研究】 黑豆味甘性平。腎之穀也。陳藏器曰。黑豆生用性平。炒食則熱。煮食則寒。作豉則冷。牛食之溫。馬食之冷。亦物性之異也。考其性能入腎。則益陰利水。是其本功。陰血足。則行而不滯。故風可除也。至於解毒之功。亦古今方書中所尙耳。稽豆。卽今之野黑豆。緊小而黑。性

味與黑大豆同，但略帶苦澀。其主治能入腎活血祛風，入肝養血息風，而尤以皮爲力足。故今人方中喜用其皮也。

【禁忌】 陽虛脾弱腸滑者，食之易泄瀉。

【用量】 自二錢至四錢，稽豆皮同。

【炮製】 黑大豆煮食利大便，鹽水煮食尤能補腎。

【配合】 同當歸、川芎、白芍、丹參，熟地治婦人陰虛血衰，頭暈神頹，經水不調。同天花粉治

腎虛消渴，炒黑淋酒治頭風脚氣，稽豆皮同天麻、杭菊、杞子、白芍治肝虛風動頭暈。同

浮小麥、黃芪治虛汗。同青鹽、旱蓮草、首烏蒸熟，但食稽豆則鬚髮不白。

羚羊角

【品狀】 獸類，產中國蒙古深山中，體長四尺，高半之，似山羊，毛呈黃褐色，角細長，角尖向後，夜宿防患，以角掛樹而棲，足底上凸，故行時能留足痕於地，角有節，最堅勁，能碎金剛石與鐵骨，明亮而尖，不黑者良。

【性味】 味苦鹹性寒，無毒降也，陽中陰也。

【歸經】 入心、肝、肺三經。爲散邪清熱之品。

【功效】 清肝膽之熱。性稟輕靈。鹹寒解毒。治厥陰之風癩。功專明目。辟惡除邪。

【研究】 羚羊角。諸羊屬火。而羚羊屬木。故獨入肝膽。羚之性靈。其角又爲清靈之物。故能解毒辟邪。鹹寒之品。專清肝膽之火。凡一切目病驚癩。肝風肝火諸病。因肝膽之火而成者。皆可用之。其透發痘疹等病者。因寒而不透。有輕清透發之力也。汪詡菴曰。目爲肝竅。此能清肝。故明目去障。肝主風。其合爲筋。此能祛風舒筋。故治驚癩。搐搦。骨痛筋攣。肝藏魂。心主神明。此能瀉心肝邪熱。故治狂越。僻謬。夢魘驚駭。肝主血。此能散血。故治瘀滯惡血。血痢腫毒。相火寄於肝膽。在志爲怒。此能下氣降火。故治傷寒伏熱。煩懣氣逆。食噎不通。羚之性靈。而精在角。故又辟邪而解諸毒。張璐曰。諸角皆能入肝散血解毒。而犀角爲之首推。以其專食百草之毒。兼走陽明。力能祛之外出也。故痘瘡之血熱毒盛者。爲之必需。若痘瘡之毒。并在氣分。而正面稠密。不能起發者。又須羚羊角。以分解其勢。使惡血流於他處。此非犀角之所能也。人但知羚羊角能消目翳。定驚癩。而散痘瘡惡血之功。人所共味。

【實驗】 此藥有平血壓之作用。而能止血。故治腦充血。能消炎清熱。故治眼部之發炎病症。

均有特效。

【禁忌】 心肝二經虛而有熱者宜。若虛而無熱，忌用。

【用量】 自五分至二錢。

【炮製】 磨粉沖服。磅片煎服，均可。角尖力尤勝。

【配合】 同犀角、丹砂、牛黃、琥珀、天竺黃、金箔、茯神、遠志、鈎藤、竹瀝、治驚邪、癡寐及癩癩狂亂等疾。同枸杞子、甘菊花、決明子、穀精草、生地、五味子、黃柏、密蒙花、木賊草、女貞子、治肝腎虛而有熱，以致目昏生翳。燒灰研末，鷄子清調和，敷遍身，赤丹神效。

石決明（附）紫貝齒 珍珠母

【品狀】 蛤蚌類，殼扁而橢圓，略似耳。殼口闊，單片無厝。殼之一方，有小形之螺旋部。他方爲短管狀之吸水孔五個，列爲一行，尚有疣狀突起不成小孔者數個，與水孔並列。表面粗糙，蒼紫或褐色。內面有淡紅色珍珠層。大者殼長七寸，棲於深海之岩礁中，晝伏深處，夜出匍行覓食藻類。肉可食，味美。殼製衣鈕等，及入藥用。李時珍曰：石決明生於石崖之上，海人泅水乘其不意，卽易得之。否則緊粘難脫也。珍珠母，卽所生珍珠之蚌殼也。

【成分】 主要素爲碳酸鈣 CaCO_3 、磷酸鈣 $\text{Ca}_3(\text{PO}_4)_2$ 。

【性味】 味鹹性寒，無毒，得水中之陰氣而生，可升可降，陰也。畏旋覆花，反雲母。

【歸經】 入肝腎二經，爲專除風熱之品。

【功效】 平肝除熱，明目潛陽，味鹹性寒，通淋益腎。

【研究】 石決明，味鹹性寒，能入肝，鹹能軟堅，寒能清熱，又介類之屬，皆可潛陽入腎，故能建功於肝。肝開竅於目，內服外點，皆決能明目也。通淋者，清肝家之濕火，以肝主疏泄，邪熱去而淋自愈也。成無己曰：石決明鹹寒入血除熱，又能入腎補陰。沈金鰲曰：石決明大補肝陰，肝經不足者，斷不可少。紫貝齒，出東南海中，性味功用，與石決明相似，而鎮肝息風之力尤強。凡肝熱動風者，視爲要藥。珍珠母，味鹹性平涼微腥，治風熱入肝，煩擾不寐，遊魂無定，與龍齒同用，取散肝經之積熱。

【實驗】 此藥在胃中能中和胃內過量之酸素，至腸略能阻止腸粘膜之分泌，故有止瀉之功。入血中，能增進白血球之數，使血中凝固加大，并能刺激細胞，使新陳代謝之力增進。

【禁忌】 陽虛者慎用，須與養血藥同用，不宜久服，多服令人寒中，非其性寒，乃消伐過當耳。

胃液缺乏之消化不良當忌。

【用量】 內服自四錢至一兩，外用不等。

【炮製】 擇七孔九孔者良，生用，或鹽水煮，麪裹煨熟用。

【配合】 同菊花、杞子、當歸、白芍，治肝熱生風，頭目眩暈。同羚羊角、硃砂，治肝熱生風，手足抽搐。同菊花、甘草，治羞明怕日。石決明火煨，同穀精草研末，豬肝蘸食，治痘後日翳。皇漢醫方合食鹽、石灰，治肺結核。

金(附)銀 金精石 銀精石

【品狀】 爲金黃色，光艷極強之金屬，比重一九·三，置空氣中毫不變化，水及酸類俱不能溶解，惟王水（硝酸一鹽酸三之混合）能溶之，尋常之火不能熔，惟酸水素焰以熔之，熔點爲千二百五十度，富延性，一瓦之金，延爲二千米以上之細線，一分之金，可延七里，富展性，一分之金，可展蒙一馬，展延兩性，金屬中此爲第一。

【性味】 味辛性平，生者有毒，熟者無毒，稟西方剛利之氣而生，降也，陰中陽也，畏錫，惡水銀。

【歸經】 入心肝二經，爲鎮驚安神之品，通治肝膽經病，金制木，重鎮怯。

【功效】安魂魄。鎮心肝。辛平無毒。定風痰。辟鬼魅。下墜有功。

【研究】金爲土之精華所結。故出自土中。稟西方之氣。其質重。其性剛。故能降肺金。平肝木。凡金石之出於土中者。有美惡之不同。其美者。得天地之正氣。正能辟邪。故除鬼魅。既得天地之正氣。即可無毒。其服之能殺人者。皆服其質。因重墜之過。故煎湯治病。僅用其氣。爲無慮耳。徐用誠曰。肝經風熱。則爲驚癩失志。魂魄飛揚。肝屬木而畏金。與心爲子母。故其病同源一治。銀爲有光輝白色之金屬。置空氣中不變。置於硫化水素之氣中。逐漸變黑。引伸展延兩性俱富。入硝酸卽溶解。成分爲 Ag 。性味辛寒無毒。入心肝二經。爲鎮驚定怯之品。金精石。色金黃光潔。作層片。性味淡平。能平肝鎮驚。安魂魄。銀精石。色青烏。光潔層片。性味功用相同。

【禁忌】凡病止因心氣虛。以致神魂不定。並無驚邪外入者。當以補心安神爲急。而非金箔所能定矣。蓋惟有外邪侵犯者。乃可藉爲鎮心安神之劑也。

【用量】內服用金箔一二張。煎湯用量不等。

【炮製】揀煉純淨者用之。

【配合】金箔一張，用龍眼肉包裹吞服。治心悸不寐。入至寶丹。治中風不語、氣絕、中惡、蠱毒、尸疰、難產、血量等證。入牛黃清心丸、紫雪丹、鎮心丸等。治一切恍惚癲狂、瘴疫毒癘。小兒驚癇百病。

鐵落(附)鐵粉

【品狀】金類。是煨家燒鐵赤沸，砧上煨之。如皮甲落下者，器物上生衣者名鐵鋪。鹽醋浸出者名鐵華。刮取細搗爲粉。

【性味】味微辛，性平，無毒。畏磁石、皂莢。

【歸經】入肝經。爲重鎮平肝之品。

【功效】平肝鎮卻。治驚風癲癇之痰。治怒癡狂。爲無毒辛平之品。

【研究】本出於鐵。不離金象。體重而降。故素問有生鐵落。飲以療病。狂怒者，狂怒屬肝氣暴升。故取金氣以制之。日華治驚邪癲癇。小兒客忤。並煎服之。悉此意耳。鐵粉辛平無毒。堅骨髓。鎮心化痰。治驚癇發熱。外敷癰腫毒。

【實驗】近今醫家尋常作爲鎮靜神經之藥品。爲治狂之特效藥。

【禁忌】 李時珍曰諸草木藥忌鐵器而補腎藥尤忌之。

【用量】 自三錢至五錢。

【炮製】 水洗淨用。

【配合】 同石決、硃砂、茯神、琥珀、膽星。治痰迷心胞、驚悸癲狂。研末，豬脂調和，敷小兒丹毒。

本草用法研究

第六編 逐寒之劑

寒傷於表宜汗。寒中於裏宜溫。蓋人之一身以陽氣爲主。經曰：陽氣者，若天與日，失其所則折壽而不彰。寒者陰慘肅殺之氣也。陰盛則陽衰，迨至陽竭陰絕，則死矣。仲景著書先從傷寒以立論，誠欲以寒病爲綱，而明其例也。其在三陽者，則用桂、麻、柴、葛之辛溫以散之。其在三陰者，非假薑、附、桂、萸之辛熱，參、朮、甘草之甘溫，則無以逐其陰冷之邪。疹而復，其若天與日之元陽也。本編僅載逐裏寒之劑，散表寒之劑詳首編。

附子烏頭 天雄

【品狀】 毒草類。多年生草本。春出萌，莖三尺。地下有多肉根，似萊菔而小，有劇毒。葉互生，形廣闊，掌狀分裂，深綠，有光澤。梢頭秋開花甚多，二三朵相綴，似俗人烏冠。花有夢不整齊，如兜狀。初種爲烏頭，象烏之頭。附生者爲附子。如子附母，烏頭如芋魁，附子如芋子。蓋一物也。產四川省，以皮黑體圓，底平八角，頂大臍正者良。八月採取。

【成分】 耶普阿苛尼丁 $\text{Jidaconitino } \text{C}_{28}\text{H}_{48}\text{N}_2\text{O}_2$

【性味】 味辛甘，性大熱，有大毒。氣味俱厚，全稟地中火土燥烈之氣，兼得天之熱氣以生，降多升少，浮中沉無所不至。陽中陰也。地膽爲使，惡蜈蚣，畏防風、黑豆、甘草、黃芪、人參、童便、犀角。忌豉汁，得川椒食鹽，引下行直達命門。中其毒者，黃連、犀角、甘草節煎湯解。黃土水亦解。

【歸經】 入命門、三焦二經，兼入脾、腎、膀胱三經。爲回陽退陰之品，專補命門相火，通行十二經，無所不到，走而不守，浮而不沉，善逐風寒濕氣。

【功效】 味辛性熱，能回脾胃元陽，質燥氣剛，可逐下中寒濕，斬關奪命之將，痼冷何愁，善行疾走之功，沈寒立解，或溫經發汗，痺病賴此以宣通，或益氣調營，補藥仗之而有力。烏頭卽附子之母，性猛祛風，天雄乃烏附之長，形單無附，均皆有毒，各自分明。

【研究】 附子入脾腎，助元陽，逐寒濕，其性剛猛，爲慄慄之將，同表藥則發散，同補藥則溫補。烏頭之性味相同附子，但附子長於治寒，烏頭長於治風，附子可用於補藥中，烏頭則不能。故烏頭燥散之性，較附子爲過之。天雄乃烏頭之形長而四圍無附子者，故爲之雄，性味主治與烏頭相似，而力尤大也。虞搏曰：附子稟雄壯之質，能引補氣藥行十二經，以追復散失。

之元陽引補血藥入血分以培養不足之真陰引發散藥開腠理以驅逐在表之風寒引溫煖藥達下焦以祛除在裏之冷濕。張璐曰附子爲陰症要藥凡傷寒陰證厥逆直中三陰及中寒夾陰雖身熱而脈沉細或虛浮無力者非此不治或厥冷腹痛脈沉細甚則唇青囊縮者急須生附以峻溫散之附子以白朮爲佐乃除寒濕之聖藥然須並用生者方得開通經絡若氣虛熱甚宜少用熟附以行參芪之力肥人多濕亦宜少加烏附行經生附配乾薑補中有發熟附配麻黃發中有補宜生宜熟不出此中妙用也若陰寒在下虛陽在上須熱藥冷服可無格拒之虞此熱因寒用之法也。按附子味大辛氣雄壯性悍烈善走而不守流通十二經無不週到主治身不熱頭不痛只一怕寒四肢厥逆或心腹冷痛或吐瀉或口流冷涎脈來沉遲或脈微欲脫此大寒直中陰經宜生用以回陽有起死還魂之功如腎虛脾損腰膝軟弱滑瀉無度及真元不足頭暈氣喘而短自汗勿止炮用以行經絡入補藥中少爲引導有扶元再造之力如腰重脚腫小便不利或肚腹腫脹或喘急痰盛已成蠱症以此入濟生腎氣丸其功驗妙不能述此乃氣虛陽分之藥若陰虛內熱者服之禍不旋踵孕婦禁用。

【實驗】此藥補命門真火逐風寒濕邪其效能有四一爲強心回蘇藥用於一切疾病之虛

脫。若脈搏沉細慢或將停頓。大汗不止。體溫低降。手足踈伏。以及大失血。大吐瀉後。呈虛脫狀態者。可急用之。二本品爲興奮神經。鼓舞細胞。增進體溫。喚起全身一切機能之力。爲興奮刺激藥。治痛風。神經痺痛。血行障礙。及一切機能衰弱之病。無不奏效。三用於慢性消化不良。胃腸攣痛。泄瀉不止。或完穀不化。與他藥同用。奏鎮痛止痢之效。四有利尿發汗作用。用於心臟腎臟病水腫有效。總之此藥主要作用是振起器官機能之衰弱。特效於生殖腺而有興奮之作用。故以之爲補命門要藥。又可用以治慢性維麻質斯。慢性支氣管炎。而有化痰平氣之效。

【禁忌】 一切陽證。火證。熱證。陰虛內熱。血液衰少證。均忌。有孕者。脈洪數者。舌紅心煩口渴者。體溫高者。便閉者。不宜用。

【用量】 自一錢至三錢。

【炮製】 吳儀洛曰。煎極濃甘草湯。將附子泡浸。剝去皮臍。切作四塊。再濃煎甘草湯。泡浸令透。然後切片。慢火炒黃。乾放泥地上。出火毒。有水浸麪裏。煨令發坼。則雖熟而毒仍未去。非法之善者。有用黑豆煮者。有用甘草鹽水。薑汁。童便煮者。恐煮之氣味煎出。其力尤薄。且製之不過欲去其毒性耳。若用童便。是反抑其陽剛之性矣。尤非法之善者。惟用甘草湯泡浸。則毒

解而力不減。允爲盡善矣。市醫漂淡用之。是徒用附子之名耳。

【配合】 附子無乾薑不熱。得甘草則性緩。得桂則補命門。得乾薑桂枝。主傷寒直中陰經。溫中散寒。而能出汗。佐人參、兼肉桂、五味。則補命門相火不足。回陽有神。得人參、肉桂。治元虛暴寒之氣入腹。腹痛作泄。完穀不化。小水不禁。佐白朮爲除寒濕之聖藥。得黃芪、人參、炙甘草、白芍、橘皮、五味子。主癰疽潰後。去膿血過多。以致飲食不進。惡心欲嘔。飲食不化。不生肌肉。亦主久漏冷瘡。得人參、白芍、炙甘草、砂仁、橘皮。主小兒慢驚。加蓮肉、白蘊豆。則治吐瀉不止。得朮、桂、牛膝、木瓜、橘皮。主寒疝痛極立止。得朮、木瓜、石斛、草薢、薏苡仁、橘皮、茯苓。治風濕麻痺腫痛。脚氣之無熱證者。輒驗。得人參、橘皮。主久病嘔噦。反胃。虛而無熱者良。同肉桂之辛。入八味丸。以潤腎燥。陽虛無熱證者宜之。

艾葉

【品狀】 隰草類。多年宿根草。二月由宿根生苗成叢。莖直色白。高五尺。葉長卵形互生。爲羽狀分裂。背面密生灰白柔毛。夏秋間。葉間出穗。開細花淡褐色。有筒狀花冠。結實纍纍。中有細子。霜後始枯。產蕪州者勝。五月五日採之佳。

【成分】 含辛味軟性、樹脂、揮發油、單寧、糖質等。

【性味】 味苦辛。性生溫熱。無毒。稟天地陽氣以生。可升可降。其氣芳烈。純陽之草也。苦酒香附爲之使。

【歸經】 入肝、脾、腎三經。爲解寒理血之品。

【功效】 補命門以煖子宮。香達肝脾寒濕。化理血氣而療崩帶。溫通奇脈。苦辛兼。可灸瘡疽。能薰蟲蝕。

【研究】 艾葉入肝、脾、腎三經。芳香可以入血。辛熱可以解寒。故生者能理血氣。解散風寒濕邪。或炒黑。或揉熟。能溫煖下元。治婦人崩帶。癰疽胎產等證。屬於寒濕者。皆可用之。純陽之性。故可殺蟲辟惡。其灸瘡疽者。藉芳香辛熱。以宣通氣血耳。艾葉入下焦血分。能溫陰中之陽。逐下焦血分寒濕濁氣。生溫熱。熟者能散。熟者能守。亦若乾薑炮薑之用。但艾葉之功。辛苦而香。所用。在葉。非乾薑之但辛熱而用根也。時珍云。服之走三陰。逐寒濕。燒則熱氣內注。通筋入骨。能灸百病。治白帶之要藥。調經之妙品。

【禁忌】 純陽香燥。凡血燥生熱者。禁用。灸火亦大傷陰血。虛者宜慎。

【用量】 內服自一錢至三錢。外用不等。

【炮製】 取蕪州艾葉。陳久者良。揉搗如綿。謂之熟艾。灸火用。其火下達有力。他處產者灸火。其火上升無力。婦人丸散。醋煮搗餅。再爲末用。煎服生用。或炒黑用。

【配合】 同阿膠治虛痢。及胎前產後下血。同香附製丸。調經血。溫子宮。除心腹諸痛效。

熟艾裝布袋作兜。治老人臍腹畏冷。及寒濕腳氣夾入襪內甚妙。用絹裹擦風癢癰疹。同醋炒香附、阿膠、枳殼。入四物湯。治婦人月事不調。血少無熱證者神效。同阿膠、白芍、人參、橘皮、甘草。治妊娠產後血虛。人作痢下血。胎前加黃芩。產後加當歸。發背初起。急灸瘡頭。以濕紙貼上。先乾處是頭。着艾灸之。不論壯數。痛者灸至不痛。不痛者灸至痛。乃止。其毒即散。不散亦免內攻。奪命神方也。燒燵入管中。薰狐惑蟲匿良。苦酒作煎。治癬。雷火針。同丁香麝香。熨寒痺攣痛。

高良薑(附)紅豆蔻

【品狀】 香草類。多年生草。產我國南部各省。出高州者良。高三四尺。葉爲披針形。有短柄。稍似肉質。春開花。呈綠白色。不整齊。爲圓錐花序。實作濃橙色。卵圓形。其子名紅豆蔻。三月採根。

【成分】 爲揮發油、辛味性樹脂、越幾斯、澱粉、膠質等。

【性味】 味辛、性大溫、無毒、稟地二之氣以生、升也、陽也、反石灰、蛤殼、蜆殼。

【歸經】 入脾胃二經、爲溫中散寒之品、噫逆胃寒家要藥。

【功效】 除寒止心腹之疼、辛溫有效、散逆治清涎之嘔、脾胃偏宜、紅豆蔻、辛溫無毒、主治略同。

【研究】 良薑、辛溫入脾胃、逐寒邪、止腹疼、雖燥而無香烈之性、其所以平嘔吐、治清涎、溫脾胃、煖胃四字足以盡之、考良薑雖與乾薑性同、但乾薑經炮製、驅逐內寒、此則辛散、又能辟外寒之氣也、楊士瀛曰、凡噫逆胃寒者、此爲要藥、人參茯苓佐之、爲能溫胃、解散胃中風邪也、紅豆蔻辛溫、入脾肺二經、溫肺散寒、醒脾燥濕、消食解酒、主水瀉霍亂、心腹絞痛、止嘔進食、大補命門相火。

【實驗】 此藥能刺激胃壁神經、使消化機能亢進、亦能刺激腸壁血管、使之收縮、傷寒霍亂等菌遇之、卽感強烈之刺激而死。

【禁忌】 如胃火作嘔、傷著霍亂、火熱注瀉、心虛作痛、咸忌之、紅豆蔻最能動火傷目致衄、脾

肺素有伏火者，切不宜用。腎臟炎，亦禁用。

【用量】 高良薑自八分至二錢。紅豆蔻同。

【炮製】 良薑用根。紅豆蔻用子。並宜東壁土炒用。良薑切片。紅豆蔻搗碎入煎。

【配合】 同茴香。治寒疝及小腹痛。良薑同香附等分爲末。加生薑汁一匙。鹽一捻。米飲調服三錢。治男女心口一點痛。紅豆蔻爲末。加麝香少許。搐鼻中。并摻牙取涎。治風寒牙痛。皇漢醫方。良薑同半夏、白茯苓、甘草。治胃液缺乏。同當歸、草豆蔻仁。治胃痛。佐白芍、蘇木。治急性腸加答兒。

葶撥

【品狀】 芳草類。嶺南產。多生於竹林內。正月發苗作叢。高四尺。莖如筋。葉青圓如蕺菜。闊二寸如桑。面光而厚。三月開花。白色在表。七月結子如小指大。長約二寸。青黑色。類桑椹子。而長。九月收採。晒曝乾。

【成分】 葶配林 $\text{Prperin C}_{19}\text{H}_{12}\text{NO}_3$

【性味】 味辛性熱。無毒。陽也。浮也。

【歸經】 入胃大腸二經。爲溫中散寒破氣之品。

【功效】 宣胃腑之沉寒。冷滯能消。嘔吐散。治陽明之浮熱。頭風自愈。齒疼安。呃逆腸鳴。辛熱且能下氣。吞酸痰阻。芳香自可宣中。

【研究】 華撥大辛大熱。味類胡椒。入胃與大腸。陽明藥也。溫中散寒。破滯氣。開鬱結。下氣除痰。又能散上焦之浮熱。凡一切牙痛頭風吞酸等證。屬於陽明濕火者。皆可用此從治之。石頭曰。性能溫中下氣。治霍亂水瀉。心腹滿者宜之。

【禁忌】 李時珍曰。華撥辛熱耗散。能動脾肺之火。多用令人喘咳目昏。腸虛下重。走泄真氣。食料尤不宜之。

【用量】 自五分至一錢。

【炮製】 去挺用頭。醋浸一宿。焙乾。刮去皮。粟子淨。免傷人肺。令人上氣。

【配合】 同薑汁炒厚朴研末。用熟鱒魚肉和丸。治胃冷口酸。同大黃研末。入麝香少許。蜜

丸。治瘴氣成塊。在腹不散。鹽炒華撥。同炒蒲黃研末。蜜丸。溫酒下。治婦人血氣作痛。及下血

無時。月水不調。

甘松香

【品狀】 香草類。產於四川貴州遼寧諸省。地下莖稍曲。生多數鬚根。適如蝦。由莖二葉對生。葉細如茅。高六寸。以殘痕爲關節。八月采之。

【成分】 爲揮發油。

【性味】 味甘性溫。無毒。得白芷白附子良。

【歸經】 入脾胃二經。爲治寒疼、散鬱結之品。

【功效】 醫胃腑之寒疼。甘溫辟惡。散脾家之鬱結。香燥除邪。

【研究】 甘松甘溫而香。入脾胃開鬱結。雖無補養之力。却有醒運之功。加入補脾藥中甚爲得力。至於辟惡氣。療腹痛。殺蟲治瘵。皆甘溫芳香之用耳。陰虛不宜燥散者忌之。

【實驗】 此藥能助胃液之不足。增消化之機能。

【禁忌】 辛香伐氣。挾虛者忌之。

【用量】 自一錢至二錢。

【炮製】 莖洗淨泥土。切斷用。

【配合】 甘松玄參爲末，每日焚之，薰勞瘵。甘松硫黃爲末，泡湯漱口，治腎虛齒痛。脚氣膝腫，煎湯淋洗效。同薏仁、半夏、陳皮、茯苓，治寒痰濕滯阻脾，氣脹腹痛。皇漢醫方，同白朮、厚朴、白薏仁、陳皮、甘草，治胃擴張。

山奈

【品狀】 香草類，生廣中人家栽之，根葉皆如生薑，作樟木香氣，土人食其根，如食薑，切斷曝乾，則皮赤黃色，肉白色。

【性味】 味辛，性溫，無毒。

【歸經】 入脾胃二經，爲溫中除濕辟惡之品。

【功效】 性味相同甘松，略過於辛，治療頗亦似之，同歸乎散滌邪解穢，濯髮香肌。

【研究】 山奈一名山辣，味辛而溫，氣香而散，煖脾胃，治腹痛，辟瘴癘惡氣，合諸香藥皆用之。服食治病爲少耳。

【禁忌】 陰虛者慎用。

【用量】 白一錢至二錢。

【炮製】 根洗淨泥土切片用。

【配合】 同麩糞、密陀僧、蓖麻子等分研勻，以乳汁調之，夜塗面，且洗去，治面上雀斑。同甘松、零陵香、樟腦、滑石研末，夜擦頭髮，且篋去，醒頭去屑。同丁香、當歸、甘草研末，醋糊丸，溫酒下，治心腹冷痛。

草果

【品狀】 香草類，產滇廣，長大如訶子，其皮黑厚而稜密，其子粗而辛臭。

【性味】 味辛性熱，無毒。

【歸經】 入脾胃二經，爲祛寒除濕，消痰截瘧之品。

【功效】 治太陰獨勝之寒，辛溫入胃，破瘴癘瘧邪之積，剛猛宣中，質燥氣雄，味多濁惡，利痰解鬱，性却眩暈。

【研究】 草果氣臭辛熱，其所入所用，皆藉剛猛惡濁之氣，故能破瘴癘之氣，發脾胃之寒，截瘧除痰，用爲劫藥，然虛人服之，每易作吐耳。石頑曰：辛熱浮散，能入太陰陽明，除寒燥濕，開鬱化食，利膈上痰，解麪濕魚肉諸毒，與知母同用，治瘴瘧寒熱，取其一陰一陽，無偏勝之害，蓋

草果治太陰獨勝之寒。知母治陽明獨勝之火也。

【禁忌】 若瘧不由於嵐瘴。氣不實邪不盛者。並忌。凡濕熱癱滯。傷暑暴注。溲赤口乾者。禁用。

【用量】 自一錢至二錢。

【炮製】 麩裏煨熟。去殼取仁用。忌鐵。

【配合】 宗奭曰。草果調散冷氣甚速。虛弱不能飲食者。宜與木瓜、烏梅、砂仁、益智、神麩、麥芽、甘草、生薑並用。時珍曰。與知母同用。治瘴瘧寒熱。取其一陰一陽。無偏勝之害。蓋草果治太陰獨勝之寒。知母治陽明獨勝之火。同常山。截久瘧。同陳皮、半夏。除膈上痰。同熟附片。薑棗水煎。治瘴瘧。熱少寒多。或單寒不熱。同人參、白朮、茯苓、甘草、半夏、陳皮、烏梅、薑、棗。水煎服。治虛瘧勞瘧。

白豆蔻(附)殼 花

【品狀】 香草類。產外洋及我國嶺南諸地。形如芭蕉。葉似杜若。長八九尺而光滑。冬夏不凋。花淺黃色。子作朵如葡萄。初出微青。熟則變白。其殼白厚。其仁如縮砂仁。七月採之。

【性味】 味辛性大溫。無毒。感秋燥之令。而得乎地之火。金以生。升也。陽也。

【歸經】 入肺經兼入脾胃二經。爲行氣之品。乃肺經本藥。流行三焦。溫煖脾胃。

【功效】 性溫氣香。入肺部宜邪破滯。味辛質燥。行胃中止嘔除寒。

【研究】 白豆蔻。辛溫氣香。色白入肺。理上焦一切寒凝氣滯。又兼入胃腑。散逆氣。凡嘔吐呃

逆等證。因於寒滯者。皆可用之。然辛溫香燥之物。陰虛多火者。不可浪投。白蔻殼得蔻仁餘

氣。性較緩。肺胃略有寒滯者。用之寬胸理氣和胃。甚妙。白蔻花。香辛平。開胃理氣。止嘔。寬悶

脹。忌同蔻仁。楊士瀛曰。蔻仁能治脾虛瘧疾。嘔吐寒熱。能消能磨。流行三焦。榮衛一轉。諸證

自平。按白蔻仁。治胸中冷逆。胃冷嘔吐。脾虛瘧疾。肺寒眼白生翳。感寒腹痛。行氣之功甚捷。

【禁忌】 凡嘔吐不因於寒。及不由陽虛者。皆不得用。如火升作嘔。因熱腹痛。法咸忌之。

【用量】 自四分至一錢五分。殼同。

【炮製】 李時珍曰。入藥去殼炒用。亦有仁殼同用。單用仁。單用殼者。用仁搗碎入煎。

【配合】 得人參、生薑、橘皮、藿香。治胃虛反胃。及因寒嘔吐殊驗。得半夏、橘紅、生薑、白朮、茯

苓。治寒痰停胃。作嘔吐。得橘皮、白朮、刺蒺藜、決明子、甘菊花、密蒙花、木賊草、穀精草。理脾虛。

白精生翳障。得藿香、橘皮、木香。理上焦滯氣。加烏藥、香附、紫蘇。治婦人一切氣逆不和。佐

人參、白朮、生薑、橘皮、治秋深瘧發。寒多熱少。嘔吐胃弱。飲食不進。同藟豆、五味子、橘紅、木瓜。能解酒毒。及中酒嘔吐惡心。

草豆蔻

【品狀】 香草類。產建寧。大如龍眼。而形微長。其皮黃白。薄而稜峭。其仁大如縮砂仁。而辛香氣和。

【性味】 味辛性熱。無毒。得地二之火氣。而有金。兼感夏末秋初之令而生。升也。陽也。制丹砂。

【歸經】 入脾胃二經。爲祛寒除濕。消痰截瘧之品。調中補胃。健脾消食。開鬱破氣。

【功效】 性味較白蔻爲猛。芳香則中土偏宜。療心腹之寒痛。宣胸利膈。治嘔吐之乖違。又能燥濕強脾。可變胃脾除陳腐。兼解鬱痰肉毒。故和羹服食馨香。

【研究】 草豆蔻。其氣馨香而和。略帶甘味。其性熱。專入脾胃。故功與白蔻相仿。而治上治中不同。然總屬辛香燥烈之品。陰不足者遠之。東垣曰。風寒客邪。在胃口之上。當心疼痛者宜之。丹溪曰。草豆蔻。性溫。能散滯氣。若明知口食寒物。胃脘作疼。或濕鬱成病者。用之神效。若鬱熱者不可用。恐積溫成熱也。時珍曰。草豆蔻治病。取其辛熱浮散。能入太陰陽明。除寒燥。

濕開鬱化食之力而已。南地卑下，山嵐烟瘴，飲啖酸鹹，脾胃常多寒濕鬱滯之病，故食療必用，與之相宜。然過多亦能助脾熱，傷肺損目。

【禁忌】 凡瘧不由於瘴，心胃痛由火而不由於寒，瀉痢脹滿，或小水不利，由暑氣濕熱者，均忌。陰虛血燥者勿用。

【用量】 自八分至一錢五分。

【炮製】 去殼取仁，打碎入煎。

【配合】 同高良薑、羊肉煮汁，入生薑汁，治胃弱嘔逆不食。同黃連、黑豆、生薑，治霍亂煩渴。入人參養胃湯，能消一切宿食，開拓中焦滯氣。

縮砂仁（附）殼 花 陽春砂仁

【品狀】 香草類。生波斯。今嶺南山澤間有之。縮砂實在根下，仁藏殼內，取密藏之意，故曰縮砂密。苗莖似高良薑，高四尺，葉長九寸，闊半寸，三四月葉下開花，六月結實，一團八膈，可四十餘粒，如黍米大，外黑內白，香似白豆蔻。八月中採取。

【成分】 含有揮發油。

【性味】 味辛性溫。無毒。稟天地陽和之氣以生。降多於升。陽也。得訶子、草薢、白蘘蕪、鼈甲良。

【歸經】 入肝、腎、脾、胃四經。兼入肺、大腸、心、胞三經。爲行氣調中之品。通行結滯。

【功效】 啓脾胃以寬中。辛溫有效。逐寒凝而快氣。香燥多功。治嘔吐、腹疼、結滯、冷痰可解化。能導歸腎部。附根縮密有收藏。

【研究】 砂仁形似龍眼而小。色黃。專入脾胃。以其附根而生。故又入腎。辛溫香竄。和中散逆。醒胃強脾。止嘔吐。辟口氣。凡中焦一切寒凝氣滯之證。皆可用之。雖無草薢、白薤之猛烈。而辛香燥散之性。陰不足者。仍不宜用。砂仁密藏於根。能引諸氣歸束於下。故有縮砂密之名。今人用以製熟地。不特使之不膩。且有歸束密藏之意。合於腎耳。殼氣香味性淡溫。用以利氣力薄。花氣香味性鹹溫。寬胸理氣。化痰治喘。欸。忌同砂仁。繆仲醇曰。芳香入脾。辛能燥腎。故爲開脾胃之要藥。和中氣之正品。若兼腎虛氣不歸元。非此向導不濟。殆勝桂附熱毒之害多矣。石頑曰。治脾虛泄瀉。宿食不消。瀉痢白沫。腹中虛痛。寒飲脹痞。噎膈嘔吐。和中行氣。止痛安胎。用之悉效。新產婦忌之。恐氣驟行動血也。妊婦氣滯者宜服。若氣虛者多服。反耗其氣。多致難產。今人治血痢亦多用之。若積欲盡時。良非所宜。按陽春砂仁。色紫紅。多子結成。味辛。

辣性溫。氣香。開鬱除寒。化濕滯。止痛。溫中進飲食。止瀉瀉。縮砂仁。色灰白。多子結成。味辛。性溫。潤。氣香。理氣寬胸。止嘔噎。進食。治便澀遺泄。

【禁忌】 凡腹痛屬火。泄瀉得之皆熱。胎動由於血熱。滯下由於濕熱。上氣咳逆。由於火衝迫肺。而不由於寒氣所傷。皆須詳察簡別。誤則有損無益。慎之。胎婦多服耗氣。必致難產。

【用量】 自四分至一錢五分。

【炮製】 本藥去殼用仁。亦有單用殼。或仁殼同用者。殼得仁之餘氣。略有香氣。治病之輕者。仁搗碎入煎。

【配合】 得白檀香、豆蔻。爲使入肺。得人參、益智則入脾。得黃檗、茯苓則入腎。得赤白石脂則入大小腸。得人參、橘皮、藿香、茯苓、白芍、炙甘草。治泄瀉嘔吐。及不思食。得藿香、橘皮、木瓜。治霍亂轉筋。腹痛吐瀉。獨用兩許炒爲末。入食鹽三錢。滾湯泡浸。冷服。治乾霍亂屢效。同熟地、茯苓、納氣歸腎。同陳皮、白朮。和氣益脾。

益智仁

【品狀】 香草類。產嶺南。葉似蕺荷。長丈餘。根上有小枝。高八九寸。莖如竹筍。春日開花。夏結

實。其子如筆頭而尖。長七分。其仁細小。形同砂仁。

【成分】 含右旋性揮發油。自3%至5%。脂肪油1%。澱粉3%。

【性味】 味辛性溫。無毒。得火土金三氣以生。降也。陰中陽也。

【歸經】 入脾經。兼入心腎二經。爲行陽退陰之品。補心氣。命門三焦不足。其氣芳香燥而收斂。

【功效】 補心脾。益火消陰。縮泉止唾。味辛苦。氣香性溫。固腎培元。煖胃祛寒。嘔可平。而痛可止。溫中進食。滯能宣。導鬱能開。

【研究】 益智仁。味苦辛。性溫。氣香。入心脾腎。補火生土。能攝納上下諸氣。縮泉止唾。惟芳香之氣。獨喜歸脾。故能啓脾胃。進飲食。開鬱結。散寒邪。而陰虛有火者。爲不宜耳。河間曰。能開發鬱結。使氣宣通。皆以其香可入脾。開鬱。辛散結。而潤下。於開通結滯之中。復有收斂之義。當於補藥中兼用。不宜多服。士瀛曰。心者脾之母。進食不止於和脾。火能生土。當使心藥入脾。胃藥中。庶幾相得。故古人進食藥中。多用益智。土中益火也。石頑曰。益智行陽退陰。三焦命門氣弱者宜之。脾主智。此物能益脾胃。理元氣。補腎虛精滑。胃虛多唾。女人崩漏。治心氣不足。

夢泄夜多小便及冷氣腹痛於土中益火也。

【禁忌】 凡證屬燥熱病人有火者不宜用。故嘔吐由熱而不由寒，氣逆由怒而不由虛，小便餘瀝，由水潤精虧內熱，不由腎氣虛寒，洩瀉由濕火暴注，而不由氣虛腸滑。忌。

【用量】 自六分至一錢五分。

【炮製】 去殼取仁，搗碎入煎。

【配合】 同烏藥、山藥研末，作丸。鹽水下，治脘氣不足，小便頻多。佐人參、茯苓、半夏、橘皮、車前子，則攝涎積立效。同藿香、蘇子、橘皮、枇杷葉、木瓜，止逆氣上壅。同五味子、山茱萸、炒鹽人參，治小便頻數淋瀝。同人參、乾薑、橘皮、藿香，治因寒犯胃，作嘔吐。

肉豆蔻

【品狀】 常綠喬木類，高達三丈，產於南洋羣島。葉長橢圓形，互生。葉腋夏出花梗，開黃色鐘狀花。雌雄異株，果實爲肉果，初綠白色，後轉黃色，表面滑澤，熟則自上方向裂開，落下種子，被有赤色多肉性種衣，晒乾則硬化，成橙黃色，有香氣，最易生蛀，惟烘乾密封，則稍可留。

【成分】 有揮發油、脂肪油、澱粉等。

【性味】 味苦辛性溫。無毒。稟火土金之氣以生。升也。陽也。

【歸經】 入脾胃腎三經。兼入大腸經。爲消食止洩之品。理脾、煖胃、固腸、下氣。

【功效】 味屬苦辛溫中散逆。質原香燥。入胃除邪。逐冷滯以下氣行痰。脾家所喜。治虛寒而厚腸止瀉。腎臟偏宜。

【研究】 肉豆蔻一名肉果。形如草果而肉厚。皮皺。內有斑紋如檳榔式。味苦辛性溫。無毒。能入脾胃與腎。宣導一切寒滯。煨熟又能實大腸。止瀉痢。但有火邪者禁之。至於平嘔吐降痰氣。亦分所宜耳。丹溪曰。肉蔻屬金與土。溫中理脾。其下氣者。以脾得補而善運化。氣自下也。汪機曰。痢症用此澀腸。爲小兒傷乳吐逆泄瀉之要藥。

【實驗】 此藥用小量能促進胃液之分泌。使消化力增加。用大量能增加心臟跳動。漸呈麻醉狀。或由麻痺狀態而成血尿而死。

【禁忌】 大腸素有火熱。及中著熱洩暴注。腸風下血。胃火齒痛。及濕熱積滯方盛。滯下初起。均忌。胃出血。胃液溢。亦忌。

【用量】 自一錢至三錢。

【炮製】 糯米粉裹，或麪裹，糠火中煨熟，去粉用，油須淨，勿令犯鐵。

【配合】 同人參、補骨脂、吳茱萸、五味子、砂仁，爲治腎泄及冷泄之聖藥。同砂仁、橘皮、人參、紅耬、山查、藿香、麥芽，爲開胃、進飲食、消宿食、止瀉之上劑。獨用，以糯米粉裹煨爲末，棗肉和丸，砂仁湯下，名公子登筵散，服之即可赴席。其開胃消導之功甚捷。皇漢醫方同人參、補骨脂、吳茱萸、砂仁，治神經性食慾缺乏。同陳皮、藿香、甘草，治直腸炎。

丁香

【品狀】 香木類，產於熱帶地方，常綠喬木，高二丈，葉對生，長橢圓形而尖，全邊，數花聚生，作傘形，淡紅色，實爲長圓形，肉果作革質，雄者顆小，爲公丁香，雌者顆大，爲母丁香，卽鷄舌香，性味相同，公丁香力較勝，丁香樹皮，色深紫，堅厚，形似肉桂。

【成分】 含揮發油、膠質、樹脂、單寧、鞣酸、水楊酸等。

【性味】 味辛，性熱，無毒，稟純陽之氣，以生，升也，陽也，忌見火，畏鬱金。

【歸經】 入肺、脾、胃三經，兼入腎經，爲暖補之品，洩肺溫胃補腎。

【功效】 宣中煖胃，故味辛，以且熱，達腎壯陽，因氣香而帶苦，並能療嘔吐呃逆，兼可醫痲癬。

奔豚。

【研究】 丁香有二種。今人所常用者。皆公丁香。辛熱芳香。色紫而潤。上溫脾胃。宣中辟惡。治嘔吐呃逆等證。下及腎肝。導氣祛寒。凡下焦一切奔豚。痲癩。癩疔。諸疾。如腎陽不足。而有寒氣者。均可用也。考丁香辛熱純陽。細嚼力直下達。故書載能泄肺溫胃。煖腎。非若白豆蔻功專溫肺和中。廣木香功專溫脾行滯。沉香功專入腎補火。而於他臟。則僅兼及之也。是以亡陽諸症。一切嘔噦。呃逆。翻胃。並霍亂吐瀉。心腹冷疼。及痘瘡灰白。服此逐步開關。直入丹田。而使寒去陽復。胃開氣納。不致上逆而爲病矣。 丁樹皮。專治一切心腹冷氣。腹脹惡心。泄瀉虛滑。水穀不消。及齒痛諸證。方家用代丁香。較之肉桂。味稍枯。氣稍滯。

【實驗】 此藥能使胃黏膜充血。令人覺餓。并能促進胃液之增加。使胃之蠕動迅速。又能刺激腸壁神經。使腸之蠕動增加。及被吸收而入血管內。能收血中之氣。更能增白血球之數。使大腦及主要神經皆受激動而興奮。心臟之跳動亦同時亢進。與霍亂菌相遇。能停止其運動。而使之呈麻醉狀態。或竟因麻醉而死。

【禁忌】 凡病非屬虛寒。一切有火熱證者。忌。扁桃腺炎。胃出血。腦充血。均忌。

【用量】 自六分至一錢五分。

【炮製】 搗碎入煎。或水磨沖服。若與水同蒸溜時。可得約30%揮發油。謂之丁子油。 All of Cloves.

【配合】 與五味、廣茂同用。治奔豚之氣。亦能泄肺。亦能補胃。大能療腎。同柿蒂、生薑。治胃寒呃逆。同白芷、薤香、陳皮、厚朴、砂仁。治霍亂。因於寒。加生薑、半夏。治嘔吐。因於寒。冷傷胃。或寒月飽食。受寒腹痛甚。同砂仁、厚朴、乾薑、橘皮、草果、蒼朮、木香、麥芽。治小兒傷風。冷腹痛。單用爲末。薑湯服五分。治食蟹致傷。 皇漢醫方。同白芷、薤香、陳皮、厚朴、砂仁。治初期霍亂。同當歸、附子、茴香、川棟子。治疝痛。同半夏、陳皮、白朮、紅豆蔻。治胃空痛。

茴香

【品狀】 葷草類。多年生草。高六七尺。深冬由宿根叢生。葉大。細裂如絲。類木賊。夏由葉腋開小黃色花。爲複繖形花序。如胡蘿蔔。結子大如麥粒。輕而有細稜。李時珍曰。茴香宿根深。冬生苗作叢。肥莖細葉。五六月開花。如蛇狀花。而色黃。結子大如麥粒。輕而有細稜。俗呼爲大茴香。今惟以寧夏出者第一。其他處小者。謂之小茴香。自番舶來者。質大如栢質。裂成八瓣。一瓣一

核大如豆，黃褐色，有仁，味更甜，俗呼舶茴香。又曰八角茴香。按今市所用大茴，皆屬八角，僅作食料用，而寧夏之茴未見入藥者。概用小茴香。

【成分】含脂肪、糖質、及三至七%之揮發油。油中之主成分爲阿涅篤魯 *Arethal*, C_9H_{10} , $C_{10}H_{12}CH_2$ 。尙有少許鐵魯邊 *Terpen* $C_{10}H_{16}$ 。

【性味】味辛甘，性溫，無毒。得土金之沖氣，兼稟天之陽氣以生，升也。陽中陽也。

【歸經】入心、脾、膀胱三經，爲溫腎治寒之品。

【功效】治腹痛、平嘔吐、理胃宣中、辛甘並合、療疝瘕、祛寒濕、疏肝煖腎、香燥偏優。

【研究】小茴香，辛甘溫，能入肝與脾胃，統治寒濕疝瘕，小腸膀胱一切冷氣。至於宣中辟惡，開胃止嘔，亦皆辛香溫暖之力也。按細嚼八角茴香，其香雖有，其味頗甘，其性溫而不烈，用之食料則宜，用之除沉寒痼冷，似於力不足也。石頑曰：茴香性熱味厚，入肝經，散一切寒結。故黑錫丹用之。若陰虛肝火從左上衝頭面者，用之最捷。蓋茴香與肉桂、吳茱萸，皆厥陰之藥。茱萸則走腸胃，桂則走肝臟，茴香則走經絡也。按小茴香，辛香發散，甘平和胃，治膀胱間冷氣，及疝氣之要藥。同川楝子、荔枝核、橘核、肉桂、蒼朮、木瓜、牛膝，治寒濕成疝。同炒砂仁、食鹽，治中

腹痛霍亂吐逆。

【實驗】此藥能刺激胃腸之血管，使精神奮興，全身血液流動迅速，又能治神經衰弱之消化不良症。

【禁忌】能昏目發瘡，若胃腎多火，陽道數舉，得熱則嘔者均忌，便秘者忌。

【用量】自八分至一錢五分。

【炮製】炒黃用，得酒良。

【配合】得鹽則入腎，發腎邪，治陰疝。同杏仁爲末，入葱白少許，溫酒服下，治疝氣逆痛。研末，以猪腰子批開，摻末入內，濕紙裏煨熟，空心食之，鹽酒送下，治腎虛腰痛。皇漢醫方同。荔枝核、山藥、白芍、甘草、白茯苓、焦米，治神經衰弱之消化不良症。

吳茱萸

【品狀】味果類，產江淮蜀漢各處，高丈餘之落葉樹，一回羽狀複葉，對生，小葉甚厚，花小黃綠色，短圓錐花蕊，簇生莖頂，果爲小蒴果，帶紅紫，熟變黑色，花柄及嫩枝，俱密生軟毛。

【成分】主要者，爲揮發油及鞣配林、樹脂。

【性味】味辛苦性熱。有小毒。氣味俱厚。稟火氣以生。浮而降。陽中陰也。蓼實爲使。惡丹參、硝石、畏紫石英。

【歸經】入肝腎二經。兼入脾胃二經。爲下氣開鬱。除風寒濕之品。肝腎氣分藥。脾胃血分藥。其氣燥。故專入肝而旁及脾胃。

【功效】散厥陰之寒。辛苦疏肝降冷濁。燥脾家之濕。芳香治嘔愈寒疼。故疝瘕脚氣相宜。而鬱結飲邪亦效。吞酸胸滿。能導以下行。疝瘕奔豚。可用其溫散。

【研究】吳茱萸。辛苦而熱。芳香而燥。本爲肝之主藥。而兼入脾胃者。以脾喜香燥。胃喜降下也。其性下氣最速。極能宣散鬱結。故治肝氣鬱滯。寒濁下踞。以致腹痛疝瘕等疾。或病邪下行極而上。乃爲嘔吐吞酸胸滿諸病。均可治之。卽其辛苦香燥之性。概可想見其功。然則治肝治胃。以及中下寒濕滯濁。無不相宜耳。李東垣曰。濁陰不降。厥氣上逆。咽膈不通。食則令人口開目瞪。陰寒膈塞。氣不得上下。此病不已。令人寒中腹滿。膨脹下痢。宜以吳茱萸之苦熱。洩其逆氣。用之如神。他藥不可代也。李時珍曰。吳萸。辛熱能散能溫。苦熱能燥能堅。故其所治之症。皆取其散寒溫中。燥濕解鬱之功而已。又吐酸之證。宜降火清痰。用吳茱萸作嚮導。徐靈

胎曰吳茱萸味極辛辛屬金金平木故爲驅逐肝風之要藥但風有二一爲挾寒之風一爲挾火之風吳茱萸性溫於挾寒之風爲宜此又不可不審也張璐曰其治暴注下重嘔逆吐酸肝脾火逆之證必兼苦寒以降之如配合黃連爲佐金丸治肝火痰運嘈雜最效按吳萸入脾胃肝腎經燥腸胃而止久滑之瀉散陰寒而除心腹之疼祛冷氣疏肝氣理關格中滿脚氣疝瘕故尋常用爲止吐劑止痛劑極效

【禁忌】損氣動火昏目發瘡一切陰虛之證及五臟六腑有熱無寒之人病非寒滯有濕者勿用卽有寒濕者亦宜酌量少用椒性善下茱萸善上故服茱萸者有衝膈衝眼脫髮咽痛動火發瘡之害有內熱口渴者便閉者忌用

【用量】自三分至一錢

【炮製】開口陳久者良閉口者令人躁悶須揀去之滾湯泡去苦烈汁用

【配合】黃連水炒止嘔鹽水炒治疝醋炒活血同人參生薑大棗仲景名吳茱萸湯治少陰病吐利手足厥冷煩躁欲死者又治厥陰病乾嘔吐涎沫頭痛者同當歸芍藥甘草通草桂枝細辛生薑名當歸四逆湯治厥陰病手足厥冷脈細欲絕者君黃連名佐金湯治肝火

衝逆、脇痛、嘔吐吞酸。爲末醋調，貼兩足心，引熱下行，治咽喉口舌生瘡。同茯苓等分爲末，蜜丸，治痰飲吞酸。此卽時珍治吐酸降火清痰，用作嚮導之意。

川椒 椒目 秦椒

【品狀】 味果類。綱目云：蜀川人家多作園圃種之，木高四五尺，似茱萸而小，有針刺，葉堅而滑，可煮飲食。四月結子，無花，但生於枝葉間，顆如小豆而圓，皮紫赤色。八月採實，焙乾。新本草綱目云：秦椒產秦地，高丈餘，葉爲一回羽狀複葉，自許多小葉成，互生，葉柄之旁有二刺，夏開花，蠅絲果，株實爲乾果，熟則赤色，能裂開，現出黑色種子。

【成分】 爲揮發油、脂肪等。

【性味】 味辛性熱，有毒。得南方之陽，受西方之陰，稟火金之氣而生，氣味俱厚，可升可降。陽也，杏仁爲使得鹽味佳，畏款冬花、防風、附子、雄黃，可收水銀。中其毒者，涼水麻仁漿解之。

【歸經】 入脾肺二經，兼入心胞絡經，爲散寒逐濕補火之品。

【功效】 氣香有毒，走脾腎燥濕祛寒，色赤入營，達胃肝破癥解鬱，壯元陽而除痼冷，下焦之水腫堪除，仗辛熱以殺諸蟲，表裏之疫邪可辟，椒目乃善導水邪下降，苦辛則能使喘滿消除。

【研究】 川椒辛熱香燥之品。與吳茱萸相似。亦能下氣散結。但川椒之色可入血分。能下達腎經。腎主水。故能治下焦水濕等病。其餘治中下寒濕疝瘕諸病。與吳茱萸相似。但入胃散逆。則吳萸爲優。辟惡殺蟲。又川椒爲勝耳。椒目色黑苦辛。功專入腎治水。一切腫滿。小便不利。而致氣道喘上者。皆可用之。石頑曰。川椒稟五行之氣而生。葉青皮紅。花黃膜白子黑。其氣馨香。能使火氣下達命門。故本經謂之下氣。其主邪氣咳逆等證。皆是脾肺二經受病。肺虛則不能固密腠理。外邪客之爲欬逆。脾虛則不能溫煖肌肉。而爲痛痺等證。其治嘔吐服藥不納者。必有虵在腸間。但於嘔吐藥中。加蜀椒數十粒。蓋虵聞藥則動。遇椒則頭伏也。秦椒形式略大。性味功用相同。

【禁忌】 脾胃素熱。大腸積熱。一切陰虛陽盛火熱上沖者。均忌。多食乏氣喘促。久食失明傷血脈。五月食損氣傷心。令人多忘。丹溪曰。椒屬火。有下達之能。久服則火自水中生。故服椒久。必被其毒。

【用量】 自五分至一錢。

【炮製】 肉厚皮皺開口者良。閉口者毒能殺人。微炒使出汗。乘熱入竹筒中。搗去裏面黃殼。

取紅用未盡再搗用。

【配合】 同女貞子、牛膝、地黃、首烏、旱蓮草、枸杞子、沒食子、桑椹、黃蘗、人參、南燭子、能烏鬚髮、悅顏色。 同川棟子、川烏、香附、熟地、小茴香、食鹽研末爲丸。治寒濕疝氣、腎氣虛乏、下元冷憊。 入仲景烏梅丸。治虻厥。 空心單服。能收水銀輕粉毒。 椒目、同巴豆、菖蒲、研細。以松脂黃蠟溶和爲挺。納耳中抽之。治腎虛。耳中如風水鳴。或如鐘磬之聲。卒暴聾者。微炒研末。用半錢以上。豬上唇煎湯一合。臨睡調服。治盜汗神效。 獨用炒研細。每酒服方寸匕。治水氣腫滿。

胡椒

【品狀】 味果類。產於東印度之蔓草也。長丈餘。葉爲心臟形。夏開小白花。成長穗。實生青熟紅。乾則皮皺色黑。謂黑胡椒。除去黑皮者曰白胡椒。

【成分】 含有胡椒素 $\text{Piperin C}_{17}\text{H}_{19}\text{NO}_3$ 之植物鹽基。乃無色無臭之稜柱狀結晶體也。軟樹脂、揮發油、脂肪、護謨、澱粉、有機酸鹽類等。

【性味】 味辛性熱。無毒。稟天地純陽之氣以生。升多於降。陽中陽也。

【歸經】 入肺、胃、大腸三經。爲除寒快膈之品。

【功效】 味辛性熱。入肺胃以散寒邪。下氣寬中。消風痰而宣冷滯。發瘡昏目。助火傷陰。

【研究】 胡椒味辛性熱。入肺胃二經。能宣能散。開豁胸中寒痰冷氣。雖辛熱燥散之品。而又極能下氣。故食之即覺胸膈開爽。又能治上焦浮熱。口齒諸病。至於發瘡助火之說。亦在用之當與不當耳。殺一切魚鱉蕪毒。故食料多用之。張璐曰。心腹冷痛。反胃吐利。霍亂氣逆宜之。嚴冬泡水磨罌。則硯不冰。勝於皂水。火酒。傷筆易禿也。

【實驗】 此藥入胃後。能激刺胃壁神經。使胃蠕動增速。分泌加多。消化力強盛。至腸被腸壁吸收而入血。能增大血壓。制止白血球數量。既可興奮精神。又能退除瘡熱。功用略與金雞那霜類似。又能治瘡疾與消化不良症。

【禁忌】 多食損肺。令人吐血。凡血分有熱。陰虛發熱。咳嗽吐血。咽乾口渴。熱氣暴沖。目昏口臭。齒浮鼻衄。臟風臟毒。痔漏洩瀉等證。如誤服。即令諸病加劇。切忌。習慣性便秘。腸出血。胃出血。均忌。

【用量】 自五分至一錢。

【炮製】 入煎劑搗碎用。外科敷塗。研粉用。

【配合】同蠟尾、木香、研末爲丸。橘皮湯下。治虛寒積癖。在背膜之外。流於兩脇。氣逆喘急。久則營衛凝滯。潰爲癰疽。多致不救。同葱白、麝香、搗爛。以黃蠟溶和。做成條子。治房勞陰毒。插入陰內。少頃汗出即愈。皇漢醫方。同砂仁、檳榔、常山、蓬朮、青皮、半夏、三稜。治瘧疾。同蒼朮。治消化不良。

畢澄茄

【品狀】味果類。李時珍曰。海南諸國皆有之。蔓生。春開白花。夏結黑實。與胡椒一類二種。正如大腹之與檳榔相近耳。

【成分】主要素爲 Cubebene $C_{16}H_{16}O_2$ Cubenic acid 餘爲揮發油、樹脂、樹膠、澱粉灰等。

【性味】味辛苦性溫無毒。

【歸經】入脾、胃、腎、膀胱四經。爲散寒解結之品。

【功效】治療與胡椒相似。溫膀胱。治腎臟寒凝。性味却辛苦不同。降逆氣。散胃中冷滯。

【研究】畢澄茄形如胡椒。味苦辛。性溫。不如胡椒之熱。但入脾胃。溫中散逆。下氣豁痰。又能治腎與膀胱冷氣。亦凡子皆降之意耳。

【實驗】 此藥在胃內能刺激胃粘膜，令胃分泌增多，而助長消化之功能。入腸能激腸壁神經，使腸之吸收增加。入血後，有直接刺激腎臟神經，使腎臟粘膜充血，利尿之力增進。而 Ca bic acid 在尿中化成化合物，能激尿道而兼殺菌，用之以治白濁。

【禁忌】 陰虛血分有火者，不宜用。胃出血、胃痛、腎臟炎均忌。

【用量】 自五分至一錢。

【炮製】 去柄及皺皮，酒浸再蒸，曬乾用。

【配合】 研末米糊丸，薑湯下，治反胃吐食。同良薑爲末，水煎服，治傷寒欬逆，日夜不定。

同薄荷、荊芥爲末，蜜丸，時時含噓，治鼻塞不通。同杜仲、黃芩、茯苓、車前子、枳殼、陳皮，治白濁。

荔枝核 荔枝殼

【品狀】 山果類，產閩粵，幹高三四丈，葉爲羽狀複葉，有透明之點，實之外皮有龜甲紋，肉色

白，核細如豌豆，殼赤如丹砂。

【性味】 味甘，性溫，無毒。

【歸經】 入肝腎二經，爲散寒祛濕之品。

【功效】 散滯祛寒。治肝經之疝疾。味甘性溫。醫胃腑之瘕瘕。

【研究】 荔枝核味甘澆。性溫。色紫。肝經血分藥也。功專散滯祛寒。行血中之氣。且其形類翠丸。故治一切疝疾之因於寒者。其所以治心痛胃痛等證。亦寒凝血滯之意也。荔子殼治血崩。燒存性研末。酒調服。小兒痘瘡無漿。此物功能理血透發分標。凡一切疹瘡不透。或出模糊一片。非此不能解表成漿。將殼浸水飲。解荔枝熱。

【禁忌】 無寒濕滯氣者。勿服。

【用量】 自二錢至四錢。

【炮製】 炒用。或煨存性用。

【配合】 荔枝核同牛膝、補骨脂、延胡索、合歡子、茴香、木瓜、杜仲、橘核、草薢。治疝氣。虛熱者加黃柏。虛寒者加肉桂。煨存性同香附研末。米湯送下。治婦人血氣刺痛。荔枝殼同石榴皮、甘草。水煎服。治赤白痢。

肉桂 桂心 官桂

【品狀】 香木類。生於暖地之常綠喬木也。葉互生。革質而厚。多毛。成長橢圓形。有三大脈。前

端尖邊緣有鋸齒。夏抽長梗於枝梢葉腋。綴淡綠色之小花。作聚繖花蕊排列。此樹樹皮紫厚者名肉桂。去外粗皮。並內薄皮。名桂心。另有一種。色帶黃皮薄者。名官桂。

【成分】 爲揮發油、樹脂、膠質、單寧等。

【性味】 味辛甘。性大熱。有小毒。氣味俱厚。稟天地之陽氣。兼得土金之氣以生。升也。陽中陽也。得人參、甘草、麥冬、良、忘生、葱、石脂。

【歸經】 入腎、肝、命門三經。兼入心經。爲下行溫補之品。肝腎血分藥。補命門相火不足。

【功效】 辛甘大熱。補命門助火消陰。紫赤多香。益肝腎通經行血。腹痛疝瘕等疾。可導可溫。風寒痺濕諸邪。能宣能散。

【研究】 肉桂產南方粵西安南等處。種類甚多。大抵以色紫肉厚。味甜有油者佳。然甜中帶辛。自有一股香竄溫煖之氣。入心肝脾腎四經血分。溫散血分寒邪。破血結。除癥瘕。同補腎藥。能補命門元陽不足。如格陽戴陽等證。又能引火歸原。如欲補心陽。益脾陽。均可各隨佐使。桂水炒白芍。大能平肝。肉桂皮也。觀其性味。察其主治。無論內寒外寒。在於營分者。皆可治之。徐靈胎曰。寒氣之鬱結不舒者。惟辛溫可以散之。桂性溫補陽。而香氣最烈。則不專於補。而又

能驅逐陰邪。凡陰氣所結，能與藥相拒，非此不能入也。人身有氣中之陽，有血中之陽，氣中之陽，走而不守，血中之陽，守而不走。凡藥之氣勝者，往往補氣中之陽，質勝者，往往補血中之陽。如附子煖血肉，桂煖氣，一定之理也。然氣之陽勝則能動血，血之陽勝則能益氣，又相因之理也。桂氣分藥也，而其驗則見於血，其義不曉然乎。張璐曰：肉桂辛熱下行，入足太陰少陰，通陰蹻督脈，氣味俱厚，益火消陰，大補陽氣，下焦火不足者宜之。其性下行，導火之源，所謂腎苦燥，急食辛以潤之，利肝腎，止腰腹寒痛，冷痰霍亂轉筋，堅筋骨，通血脈。元素言：補下焦不足，沉寒痼冷之病，下部腹痛，非此不能止。時珍治寒痺風濕，陰盛失血，瀉痢驚癇，皆取辛溫散結之力也。古方治小兒驚癇，及泄瀉病，宜五苓散以瀉內火，滲土濕內，有桂抑肝風而扶脾土，引利水藥入膀胱也。赤眼腫痛，脾虛不能飲食，肝脈盛，脾脈虛，用涼藥治肝，則脾愈虛，用煖藥助脾，則肝愈盛，但於溫脾藥中，倍加肉桂，殺肝益脾，一治而兩得之。桂心入心脾血分，爲補陽活血之品，能引血化汗化膿，內託癰疽瘡，治噎膈腹滿。官桂味辛性溫，入脾經，兼入肝經，爲通利之品，開結氣，利關節，溫經通脈，及心腹痛，風濕痛，皆可治之。按肉桂氣味俱厚，厚能沉下，專主下焦，因味大辛，辛能散結，善通經逐瘀，其性大熱，熱可去寒，療沉寒陰冷，若寒濕氣

滯、腰腿痠疼、入五積散、溫經散、寒若腎中無陽、脈脫欲絕、佐地黃丸、溫助腎經、若陰濕腹痛、水瀉不止、合五苓散、通利水道。

【實驗】此藥有平胃平氣之效。凡胃寒吐酸水、受寒腹痛、肺氣管水腫之氣促、均有特效。又治消化不良症、初期痢疾、入胃能使胃液及唾液之分泌增加、振起其消化機能、胃中之膽汁一遇桂汁、即與肉桂內之單寧酸和胃內未消之蛋白起化合作用、成爲蛋白單寧酸、此物有收斂制酵之功、餘一部分之單寧酸由腸壁吸入血中、有凝固白血球之力、而肉桂精在胃中與膠液化合、至小腸始被吸收而至血中、有促進血液、興振精神之功、且同時能使腸內膜之微血管收縮、阻止其過量之分泌。

【禁忌】陰虛有火、脈弦細數者、禁用、偏頭痛、腎出血、均忌。

【用量】自三分至一錢、桂心、官桂同。

【炮製】其毒在皮、去粗皮、用、切碎入藥、勿見火。

【配合】肉桂得朴硝、當歸、下死胎、得蒲黃、黑豆、澤蘭、益母草、紅花、牛膝、生地、當歸、治產後少腹兒枕痛、甚則加乳香、沒藥、得吳萸、乾薑、附子、治元氣虛人、中寒腹痛、不可忍、虛極加人

參、佐人參、黃芪、五味、當歸、麥冬、療瘡瘍潰後、熱毒已盡、內塞長肉良。同滑石、石膏、寒水石、甘草、白朮、茯苓、澤瀉、豬苓、名桂苓甘露飲。治中暑霍亂吐瀉。同豬苓、茯苓、澤瀉、白朮、名五苓散。利濕瀉熱。得薑黃、鬱金。治怒氣傷肝、脇痛。得當歸、牛膝。治冬月難產、產門交骨不開。得常歸、牛膝、生地、乳香、沒藥、桃仁。治跌撲損傷、瘀血凝滯、腹中作痛。桂心、同丁香。治痘瘡灰塌。皇漢醫方。同人參、炮薑、附子。治初期痢疾。佐陳皮、山查、甘草、柏子仁。治消化不良症。

生薑 生薑汁 生薑皮

【品狀】 葷菜類。爲多年生草。蘇浙等省均產。莖高二三尺。包以葉梢。葉互生。披針形。而有平行脈。花淡黃色。小而爲三裂之瓣。晚春移植母薑。夏末發生新根。橫列如掌而扁平。莖之近根處紅色。宿根淡黃色。嫩者味辛帶甘。經霜而老則味苦。九月採之。

【成分】 其辛之成分爲蒽開洛爾。其芳之成分爲揮發油。爲一%至二%軟性樹脂。越幾斯質、澱粉、巴蜀林等。

【性味】 味辛性溫。無毒。氣味俱厚。稟天地之陽氣以生。升也。陽也。秦椒爲使。惡黃芩、黃連、天鼠糞、殺半夏、芫菁毒。

【歸經】 入肺、心、脾、胃四經。爲發散之品。嘔吐反胃聖藥。散寒發表。止嘔開痰。

【功效】 達肺經。發表除寒。橫行有效。入胃腑。溫中止嘔。辛熱多功。去穢通神。化痰散逆。煨熟則緩而性降。治中焦腹痛之虛寒。蜜炙則潤以兼疏。散肺部風痰之欬嗽。薑汁豁痰通絡。體用頗殊。薑皮散水和脾。溫涼稍異。

【研究】 生薑味辛性溫。入肺胃散寒發表。善宣胸膈逆氣。故生薑爲治嘔聖藥。能解半夏南星諸菌等毒。祛邪辟惡。故聖人有不撤薑食之說。然辛散過甚。多食耗氣血。助火邪。不可不慎。用濕紙包裹煨熟。則無發散之性。但能溫中降逆。治寒滯腹痛。如治肺受風寒欬嗽。又欲其散。又懼其辛熱傷肺。取生薑蜜炙用。薑汁開痰宣絡。薑皮辛涼。散水行皮。溫涼各異。主治不同。可謂一物泛用也。張璐曰。薑爲嘔家聖藥。嘔乃氣逆不散。以其能行陽散氣也。按薑汁味辛。辛可行滯。大能橫行。散氣開痰。故竹瀝、荊瀝、梨汁。雖皆滑利之品。然非薑汁佐之。不能行痰。以此監制諸味。豁痰利竅。相須而用。其味濃性竄。只宜他汁十分之一。量加用之。按生薑辛竄。單用善豁痰利竅。止寒嘔。去穢氣。通神明。助葱白大散表邪。一切風寒濕之症。合黑棗味甘。所謂辛甘發散爲陽。治寒熱往來。及表虛發熱。佐燈芯通竅。利肺氣。寧咳嗽。入補脾藥。開胃和

脾止泄瀉。取薑皮辛涼。勿大發散。有退虛熱之功。

【實驗】 此藥醫治急性胃加答兒。初期痢疾。入胃能刺激胃神經。使胃之分泌增多。蠕動加速。又能刺激小腸。使腸之糜乳管吸收力強。并能減少其分泌。

【禁忌】 秋不食薑。令人瀉氣。而新薑尤當忌之。日疾痔瘡。勿食。患癰疽人食之。則生惡肉。妊婦嗜食。令子餘指。有熱邪者。忌用。腸結核。赤痢。胃出血。失眠症。均忌。

【用量】 自一錢至三錢。

【炮製】 諸法已於上文說明。入煎時切片用。薑汁曬乾。其細質爲薑粉。配合丸散內用之。

【配合】 生薑同大棗。能行脾胃津液。調和營衛之氣。與芍同用。溫經散寒。同吳萸、木瓜。治霍亂轉筋。並治寒濕腳氣。薑汁同童便。治中風中著。及犯山嵐霧毒。毒惡卒病。同白蜜、麥門冬。治肺熱痰飲欬嗽。同竹瀝。化痰止咳。通經絡。皇漢醫方。合白薤仁、厚朴、陳皮、白朮、甘草。治急性胃加答兒。佐黃連、訶子、當歸、白茯苓。治痢疾初期。

乾薑（附）炮薑

【品狀】 薑菜類。卽以生薑之宿根老母薑。置流水中。浸三日。刮淨皮。曬乾爲之。又名軍薑。產

江西白淨結實者良。

【性味】 味苦辛。性大熱。無毒。稟天地之陽氣以生。可升可降。陽中陰也。

【歸經】 入心、肺、脾、胃、腎、大腸六經。爲除寒散結回陽通脈之品。

【功效】 入脾胃燥濕溫中。肺飲蓄痰嗽可愈。味辛熱。逐寒散冷。腎邪痺着重能輕。炮黑則味苦性和。血藥用爲引導。服食可入營守內。補方賴以前驅。

【研究】 乾薑辛熱性燥。不如生者之散表。而熱燥過之。入脾胃逐寒燥濕。是其所長。與肺腎藥同用。亦能入肺腎。觀仲景小青龍之治飲邪咳嗽。腎着湯之治寒濕腰痛。可知炮黑則辛少苦多。燥散之性已減。溫守之力獨優。能入血分。協助補藥之力。故營血虛寒。而欲溫補者。非此不爲功。卽純虛而無寒者。亦可用之。不溫則虛不復也。元素曰。乾薑之用有四。通心助陽一也。去臟腑沉寒痼冷二也。發諸經之寒氣三也。治感寒腹痛四也。腎中無陽。脈氣欲絕。黑附爲引。水煎服之。名薑附湯。亦治中焦寒邪。淫所勝。以辛散之也。又能補下焦。故四逆湯用之。回陽。乾薑本辛。炮之稍苦。故止而不移。所以能治裏寒。非若附子行而不止也。理中用之者。以其溫脾也。東垣曰。乾薑生辛。炮苦。陽也。生則逐寒邪而發表。炮則除胃冷而守中。多川則耗散。

元氣辛以散之。是壯火食氣故也。須以生甘草緩之。辛熱以散裏寒。同五味子用以溫肺。同人參用以溫胃。同甘草溫經也。好古曰。乾薑心脾二經氣分藥也。故補心氣不足。或言乾薑辛熱。而言補脾。今理中湯用之。言泄不言補何也。蓋辛熱燥濕。泄脾中寒濕邪氣。非泄正氣也。又云。服乾薑治中者必僭上。不可不知也。丹溪曰。乾薑入肺中利肺氣。入腎中燥下濕。入肝經引血藥生血。同補陰藥亦能引血藥入氣分生血。故血虛發熱。產後大熱者用之。止唾血血痢。須炒黑用之。有血脫。色白而天不澤。脈濡者。此大寒也。宜乾薑之辛溫以益血。大熱以溫經。時珍曰。乾薑引血藥入血分。氣藥入氣分。又能去惡養新。有陽生陰長之意。故血虛者用之。凡人吐血衄血下血。有陰無陽者亦宜用之。乃熱因熱用。從治之法也。石頑曰。生乾薑胸滿欬逆。上氣出汗。風濕痺宜之。炮薑溫中止血。腸澼下痢宜之。少用則收攝虛陽。溫以順之。是少火生氣也。如過用涼藥。脈反緊疾者。乃陽虧陰無所附。加用炮薑炙甘草可也。黃宮繡曰。炒黑其性更純。味變苦鹹。力主下走。黑又止血。行而不滯。溫而不寒。較之別藥。徒以黑能爲止血者。功勝十倍矣。血寒者可用。血熱者不過三四分爲嚮導而已。徐靈胎曰。凡味厚之藥主守。氣厚之藥主散。乾薑氣味俱厚。故散而能守。夫散不全散。守不全守。則旋轉於經絡藏府之間。

驅寒除濕和血通氣所必然矣。按乾薑乾久體質收束氣則走泄味則含蓄比生薑辛熱過之所以止而不行專散裏寒如腹痛身涼作瀉完穀不化配以甘草取辛甘合化爲陽之義入五積散助散標寒治小腹冷痛入理中湯定寒霍亂止大便溏瀉助附子以通經寒大有回陽之力君參朮以溫中氣更有反本之功生薑主散乾薑主守所用各別炮薑煨黑味本辛熱變爲苦溫發散之性已去所以守而不移用入肝經血分蓋肝本溫虛則涼以此溫養肝經退虛熱加二三片助逍遙散療血虛發熱有汗神妙又能溫脾經治泄瀉日久陰虛血陷於下以此佐補陰藥領血上行使血自止因肝藏血產後敗血過多致肝虛發熱驟盛用二三分以溫肝臟表熱自解多用則耗元氣蓋辛以散之壯火食氣也須生甘草緩之

【實驗】此藥有興奮胃腑之作用故可作健胃劑又咳嗽氣喘而吐泡沫狀之痰者可用若有濃痰者不能用

【禁忌】久服傷陰損目誤服亦然凡陰虛內熱陰虛咳嗽吐血表虛有熱汗出自汗盜汗臟毒下血因熱嘔噦火熱脹痛均忌孕婦尤不宜服外感高熱而口渴者忌用

【用量】自八分至一錢五分

【炮製】 切片用。如懼其散炒黃用。或炒微焦。或泡淡用之。

【配合】 同白朮。能燥濕而補脾。同當歸、白芍。能入氣而生血。同滑石、生草。治白痢。同高良薑。治脾寒痞疾。同甘草煎服。治胃冷生痰。頭暈吐逆。同橘皮、烏藥、白豆蔻。除胸滿欬逆上氣。同紫蘇、桂枝。能溫中出汗。加朮則能逐風濕痹。同白朮、茯苓、人參、甘草。治下痢。寒冷腹痛。炒黑。同生地、白芍、當歸、牛膝。治產後惡露不盡。血虛發熱。同地黃、地榆、芍藥、麥冬、人參、黃芪、甘草、升麻。治腸辟下血。同藿香、砂仁、橘皮、紫蘇、木香。治中惡。去木香。加木瓜。則治霍亂脹滿。加桂枝。并治風邪諸毒。皮膚間結氣。同橘皮、人參。止胃虛嘔逆。同橘皮、白朮、貝母、茯苓。治痰瘕久不愈。同人參、白朮、桂枝、橘皮。治寒痞。同人參、白朮、甘草。治虛寒泄瀉。中寒作瀉。去人參。加茯苓。即腎着湯。治濕傷腰腎疼痛。同白朮、人參、甘草。名理中湯。溫中。同附子、甘草。名四逆湯。治陰證厥逆。

大蒜

【品狀】 葷菜類。栽培於園圃。多年生草本。高三尺。地下有鱗莖。葉細長而扁平。夏由葉間抽出花軸。繖形花蕊。花被白色帶紫。各花間雜以珠芽。春時其鱗莖與葉供食用。臭氣甚強。亦供

藥用

【成分】含有揮發性之含硫油及大蒜油。 $(C_2H_5)_2S$

【性味】味辛性熱有小毒。

【歸經】入脾胃二經。爲破積散寒之品。

【功效】辛熱氣臭。脾胃功多。能破積以散寒。可辟邪而殺鬼。陰疽瘰癧。火灸有功。搗貼外敷。隨宜施用。雖有解苦治蠱之功。不無耗陰損目之害。

【研究】大蒜辛熱臭烈之性。盛於葱韭。故爲五葷之首。有小毒。雖極臭。而又能辟臭。故凡一切腥臭之物。用此同煮。均可解之。入脾胃。辟惡氣。散寒邪。化肉積。除癥瘕。但剛猛之性。耗散爲多。道家稱其服之能損神伐性。不如外治之功爲善也。少食却能開胃進食。張璐曰。夏月食之解暑。多食傷氣損目。鼻衄不止者。搗爛貼足心。衄止卽拭去之。

【實驗】此藥醫治肺結核。消化不良。入胃後。被胃酸化合。而所含各質。均漸次分解。刺激胃粘液。使胃液分泌增加。以促進其消化功能。至腸復激腸粘膜。使腸壁之吸收驟增。故能治一切不消化之瀉痢。由腸壁吸入而達血中。卽能促進血液之流動。同時由中樞神經而傳於氣。

管支神經令氣支管四周之粘膜分泌增加以迫痰之外出。

【禁忌】 虛弱有熱之人勿用。胃虛少食。脚氣風病及時行病後忌食。服雲母人切禁。偏頭痛。腦膜炎。腦充血。眼結膜加答兒均忌。

【用量】 自二錢至三錢。

【炮製】 獨頭者良。外灸切片用。忌蜜。

【配合】 搗爛同黃丹和丸。止截瘧疾。同鹽搗爛敷臍中。灸七壯。治霍亂轉筋入腹。同吳萸搗爛敷惡核腫結有效。皇漢醫方同杏仁、甘草治肺結核。同砂仁、木香、白朮、陳皮、白朮、

桂心治消化不良。

硫黃

【品狀】 鹵石類。產嶺南及南海諸國。屬斜方晶系自然之結晶體。爲斜方錐。色黃有脂光。質脆。摩擦之則發電氣。燃之則發青色之焰。而放出硫黃臭。入水與酒精不溶。置鹼液中加熱則溶。

【成分】 含雄黃或鐵。呈橙黃色。含有硒 Selenium。

【性味】 味酸。性大熱。有毒。稟火氣以生。升也。陽也。畏細辛。朴硝。中硫黃毒。黑鉛煎湯解之。

【歸經】 入命門、心胞二經。爲補陽之品。專補命門真火不足。

【功效】 酸辛鹹熱。補腎火以助元陽。救逆扶危。潤大腸可疏風閉。冷癖陰凝之證。內服則用以宣通。蟲疥癩諸方。外治則取其毒烈。

【研究】 硫黃有二種。一種石硫黃。出外番山谷間。秉陽火之氣。由石液結成。凡產石硫黃之處。必有溫泉作硫黃氣。一種土硫黃。出廣南煤壙中。以法熬煉而成。其色帶青。其氣帶臭。碾之有聲。止可作瘡藥火藥之用。若服食之方。用以扶危濟急。拯逆返元。皆宜以石者爲上。辛酸鹹熱。有毒之品。用不得宜。或過用偏勝之害。禍如反掌。硫黃火之精也。煖而能通。入腎與命門大腸。回陽破陰之功。自非淺鮮。求真曰。命門火衰。服桂附不能補者。須服硫黃補之。硫黃純陽。與大黃一寒一熱。並號將軍。凡陽氣暴絕。陰毒傷寒。爪甲純青。久患寒瀉。脾胃虛寒。命欲垂絕者。須用此主之。凡一切虛勞中寒。冷痢冷痛。四肢厥逆。并面赤戴陽。六脈無力。虛火上浮。陽被陰格者。服無不效。寇氏曰。硫黃爲救急妙藥。但中病便當已。不可盡劑。徐靈胎曰。硫黃乃石中得火之精者也。石屬陰而火屬陽。寓至陽於至陰。故能治陰分中寒濕之疾。其氣旺而性

暴故又能殺蟲而化諸金也。張璐曰：久服傷陰，大腸受傷，多致便血，寒鬱火邪，胃脘結痛，下部寒濕，脚冷痿弱者宜之。其性雖熱，而能疎利大腸，與燥澀之性不同。陰水腹脹，水道不通，又爲要藥。苟非真病虛寒，切勿妄服。親見久服數年，人漸縮小，臨斃如七八歲童子狀。按外用有殺菌作用，內服爲神經骨骼之強壯劑。西醫用之作爲輕瀉之劑與發表之劑。

【實驗】此藥在胃中，全不能與胃酸起變化，入腸始與亞兒加里性液起化合作用，而成硫化氫 SH_2 ，和硫化亞兒加里 ZnHS ，遂刺激腸之粘膜，誘起強劇之蠕動，使雷鳴而下瀉。大部不化合之硫，遂與大便混和而排出。已化合之硫化物，半亦混大便而排出，半被腸壁吸入血中，能將赤血球之 *Oxyhaemoglobin* 分解，而使赤血球損壞，中樞神經亦受影響而麻痺，故宜忌服大量。

【禁忌】熱邪亢盛及陰虛有火者，勿用。濕熱痿痺，忌用。外瘡紅腫者，有內熱便閉者，禁作湯劑。內服者，罕有用之。如通大便，平氣促，概於丸劑內用之。

【用量】煎服白一錢至二錢，外用不等。

【炮製】取色黃如石者，以萊服剗空，入硫合定，糠火煨熟，去其臭氣，以紫浮萍煮過，消其火。

毒以皂莢湯淘其黑漿。一半絹袋盛酒。煮三日夜。一法入猪大腸爛煮三小時。

【配合】 入鷄蛋內。同艾葉煮食。治婦人白帶。因於虛寒者。同半夏研末。薑汁和丸。治老人虛祕冷祕。不得大便。同銀硝、生石膏、半夏、蒸餅糊丸。治腎虛、濁陰上逆、清陽擾亂、頭痛如破。同銀硝、元精石、五靈脂、陳皮、青皮研末。米醋爲丸。治上盛下虛、裏寒外熱、霍亂泄瀉、中脘痞結、腹痛、疝氣。同當歸、熟地、桃仁、甘草。治便祕。同芥子蒂爲末。用生薑汁擦。治白癜風。同蛇床子、花椒、生大黃研末。猪油調和。搽治疥瘡。皇漢醫方。同當歸、熟地、桃仁、甘草。治便祕。合川椒、滑石、豬脂。治疥瘡。

紫石英（附）白石英

【品狀】 玉類。卽石英之含有錳質。而顯紫色者。屬於六角系稜柱狀結晶。質透明。有玻璃光澤。硬度七。諸酸類俱不能溶解之。

【成分】 爲無水珪酸 SiO_2 。

【性味】 味甘辛。性溫。無毒。稟土中之陽氣。以生。降也。陽中陰也。畏附子。惡黃連。

【歸經】 入心、肝、心胞三經。爲鎮怯潤枯溫經之品。心肝血分藥。

【功效】 能走心肝，溫營血而潤養，可通奇脈，鎮衝氣之上升。雖有五色之分，性味甘辛則一。

【研究】 石英有五色之分，而用者惟紫白二種，皆具溫養潤澤之功，不可火煉。若一經火煨，則失其溫潤之性，而有毒烈之禍矣。石藥之性悍信哉！能入心肝血分，煖子宮，鎮衝氣，且潤澤而有補性，故女子血海虛寒不孕者，宜之。時珍曰：紫石英，上能鎮心，重以去怯也；下能益肝，濕以去枯也。心生血，肝藏血，其性煖而補，故心神不安，肝血不足，及女子血海虛寒不孕者，宜之。別錄言補心氣，甄權言養肺，殊味氣陽血陰營衛之別。仲醇曰：衝爲血海，任主胞胎，女子係胞於腎，及心胞虛則風寒乘之，故不孕。紫石英辛溫走二經，散風寒，鎮下焦，爲煖子宮要藥。

白石英，白如水晶者良，味甘辛，性微溫，利小便，實大腸，治肺痿吐膿，欬逆上氣。

【實驗】 此藥能興奮卵巢之內分泌，對於性慾弱而不孕者，頗有效。有行經之作用，衰弱性經閉而腹不滿痛者亦效。有強壯心力之作用，故心臟虛弱之氣促症可用之。

【禁忌】 凡血紫黑，絕孕由陰虛火旺，不能攝受精氣，脈大而速者，禁用之。惟宜於脈沉細者。又有高熱者，經閉而腹滿痛者，急性肺炎，皆禁用。

【用量】 煎服自三錢至五錢。

【炮製】雷公曰：凡使取色淡紫瑩澈，五稜者，火煨醋淬七次，水飛晒乾用。按上文言不宜煨，此處言煨法者，姑錄舊說以備一格也。

【配合】同禹餘糧、赤石脂、代赭石、乳香、沒藥、五靈脂、辰砂爲末，糊丸，溫酒送下。治男子真元虛憊、頭目暈眩、婦人氣血不充、崩漏帶下、子宮久冷、絕陰不產等症。

火硝

【品狀】鹵石類。李時珍曰：火硝煎煉結出細芒者，亦名芒硝。結出馬牙者，亦名牙硝。又名生硝。其凝結成塊者，通爲硝石。其氣味皆辛苦而大溫。

【成分】 KNO_3

【性味】味辛苦鹹，性大溫，有小毒。得陳皮性疎爽，惡苦參、苦菜，畏女苑、杏仁、竹葉。

【歸經】入胃、大腸、肝、脾四經。爲蕩滌宿垢、消瘀破積、散擊之品。

【功效】鹹以苦辛，溫而升發，散擊凝之冷積，攻疔痛之沉寒。

【研究】火硝一名地霜，出北地。冬月地上有霜，掃取，以水淋汁，煎煉而成。能化五金八石，可作火藥。雖鹹潤之品，極能蕩滌宿垢瘀積，而性升屬火，其升發之力較下奪之力爲更猛也。

李時珍曰。朴硝屬水。味鹹而氣寒。其性下走。不能上升。陰中之陰也。故惟蕩滌腸胃積滯。折治三焦邪火。火宿味辛。帶苦微鹹。而氣大溫。其性上升。水中之火也。故能破積散堅。治諸熱病。升散三焦火鬱。調和臟腑虛寒。與硫磺同用。則配類二氣。均調陰陽。有升降水火之功。治冷熱緩急之病。煨製蒙石。則除積滯痰飲。蓋硫黃之性煖而利。其性下行。火硝之性煖而散。其性上行。蒙石之性寒而下。火硝之性煖而上。一升一降。一陰一陽。此製方之妙也。今兵家造烽火銃機等物。用火硝者。直入雲漢。其性可知矣。雷公炮炙論序云。腦痛欲死。鼻投硝末。是亦取其上升辛散。乃從治之義。本經言其寒。別錄言其大寒。是與龍腦性寒之誤相似。凡辛苦物。未有大寒者。況此物得火則焰生。與樟腦火酒之性同。安有性寒大寒之理哉。

【實驗】此藥在胃中。能激動胃腺。使分泌增加。入至腸。又能刺激腸粘膜。使腸之分泌亦增多。催促大糞之排出。由腸壁而吸入血中。能增血液中之鹼性。遲緩悸進之心臟。以減退原有之體溫。由血中游離而至腎臟。能將腎臟充血。使全身之過量水分。迅速迫向腎臟排出。若服量過多。則易釀成腸胃炎。

【禁忌】陰虛有火者。切忌。卽壯實者。亦不宜輕服。孕婦忌服。

【用量】煎服自五分至一錢。外用不等。

【炮製】李時珍曰：鎔化，投甘草入內，即伏火。

【配合】同石硫黃、白礬、滑石研末，白麩糊丸，治伏暑瀉痢、腸風下血。同雄黃研末，點少許入背內，治諸般心腹痛。同硫磺、藤黃、月石、阿魏研末，塗敷癰疽外毒。同蒼朮、白朮、茯苓、厚朴、香附、陳皮，治水腫。同地膚子、木通、車前子、合歡皮、滑石，治石淋。

本草用法研究

第七編 清暑之劑

暑爲陽邪。心屬離火。故暑先入心。從其類也。巳月六陽盡出於地上。此氣之浮也。經曰。夏氣在經絡。長夏氣在肌肉。表實者裏必虛。又熱則氣泄。故經曰。脈虛身熱。得之傷暑。外證頭痛。口乾。面垢。自汗。嘔逆。泄瀉。少氣。倦怠。其大較也。有餘證者。皆後傳變也。傷暑有兼傷風者。有兼傷寒者。有兼傷濕者。有兼傷食者。有冒暑飲酒。引暑入內者。有納涼巨室。暑不得泄。反中入內者。有手足搐搦。名暑風者。有手足逆冷。名暑厥者。有昏不知人。爲中暑者。潔古曰。中熱爲陽證。傷暑爲陰證。爲不足。蓋肺主氣。夏月火盛灼金。則肺受傷而氣虛。故多不足。凡中暑者。不可作中風治。

香薰

【品狀】 香草類。生於山野路旁等處。草本。人家園圃亦有蒔種。葉卵圓披針形。有鋸齒。對生於方莖上。秋日梢頭之一側出花。穗頭反張。略呈雞刀狀。花冠白而帶紅紫。香氣甚烈。三月下

種。九月採取。產我國中部各省。

【性味】 味辛性微溫。無毒。感金水之氣。及夏秋之氣以生。可升可降。陽也。

【歸經】 入心、脾、胃三經。兼入肺、膀胱二經。爲清著利濕之品。

【功效】 解夏月之表邪。入肺疏寒能達外。味辛溫而無毒。和脾利水可行經。

【研究】 香薷辛溫氣香。輕浮入肺。發表利水。辟口氣。和中焦。爲夏月解表之藥。以長夏濕氣蒸騰。用此芳香。宣上徹下。開鬼門。潔淨府。兩得其宜。若陰虛而感受暑熱者。不宜服之。其形似茵陳。功用亦相似。但性味各異。香薷長於解表。利水次之。茵陳反是。香薷溫而茵陳寒耳。丹溪曰。香薷屬金與水。有徹上徹下之功。解著利小便。又治水甚捷。以大葉者濃煎。或丸服。肺得之。清化行而熱自降也。元素曰。香薷乃夏月發汗之品。其性溫熱。只宜中暑之人。若中熱者誤服之。反成大害。時珍曰。世醫治著病。以香薷飲爲首藥。然著有乘涼飲冷。致陽氣爲陰邪所遏。遂病頭痛發熱。惡寒煩躁。口渴。或吐。或瀉。或霍亂者。宜用此藥。以發越陽氣。散水和脾。若飲食不節。勞役斲喪之人。傷著大熱大渴。汗洩如雨。煩躁喘促。或瀉。或吐者。乃勞倦內傷之症。必用東垣清暑益氣湯。人參白虎湯之類。以瀉火益元可也。若用香薷之藥。是重虛其表。而又

濟之以熱矣。蓋香薷乃夏月解表之藥。如冬月之用麻黃。氣虛者尤不可多服。而今人不知。暑傷元氣。不拘有病無病。概用代茶。謂能辟暑。真癡人說夢也。仲醇曰。辛散溫通。故能解寒鬱之暑氣。衍義曰。治霍亂不可缺。用之無不效。詎菴曰。暑必兼濕。治暑必兼利濕。若無濕。但爲乾熱。非暑也。按香薷味辛氣香。辛香主散。體質輕揚。輕可去實。善下氣。解暑散熱。夫暑者陽氣也。陽邪內侵。謂之伏暑。若暑傷心肺。則引飲、口渴、煩悶、咽乾、惡心。暑傷脾胃。則腹痛、霍亂、吐利。以此消解。使心肺得之。清化之氣行。使脾胃得之。鬱熱之火降。香薷飲須煎冷服。經曰。治溫以清。冷而行之。火令炎蒸。流金鑠石。入井水沉冷服之。取冷而行之之義也。但脾虛人或有慾事者。及女經適來。又當禁用。取其味氣輕清。此爲清藥。解散熱邪。調中清胃。能除口臭。撥濁回清。此亦通氣藥。膀胱氣化。則小便利。治水腫甚捷。

【禁忌】 香薷乃夏月解表之品。無表邪者戒之。宜冷服。熱服令人瀉。張璐曰。香薷辛溫。先升後降。故熱服能發散。暑邪冷飲則解熱利小便。治水甚捷。

【用量】 自五分至二錢。

【炮製】 陳者良。雷公曰。凡使去根用葉。勿令犯火。晒乾用。

【配合】 同厚朴、陳皮、茯苓、黃連、甘草。治暑熱霍亂吐利腹痛。治水腫證以之爲君。同人參、白朮、木瓜、茯苓、橘皮、白芍、車前尤良。

藿香（附）梗

【品狀】 香草類。生山野水濕之地更多。多年生草。香氣盛。方莖高三尺。葉長心臟形而尖。邊有鋸齒。對生。有葉柄。夏日莖頂開唇形花成穗。青紫色。雄蕊四枚。二長二短。雌蕊一枚。廣產者色紫。蘇產者色青。六七月中採收晒乾。在著季。醫方中有用鮮者。指南云。茴香氣者佳。薄荷氣者乃異種薄荷。非藿香也。

【性味】 味辛性微溫。無毒。稟清芬之氣以生。升多於降。陽也。

【歸經】 入肺脾二經。兼入胃經。爲清上治中之品。脾胃吐逆要藥。

【功效】 辛能解表疏邪。入脾達肺。香可宣中快膈。醒胃清神。性屬微溫。能辟疫而止嘔。功頗善散。防助火以傷陰。

【研究】 藿香辛溫入肺。芳香入脾。快膈宣中。止嘔吐。平霍亂。以芳香脾胃所喜。故能開胃助脾。然畢竟辛香宣散之品。陰虛有火。雖有表證者。不宜用之。至若治口瘡辟口氣。皆從治法耳。

藿香紫蘇二味。性味功用。大抵相似。但紫蘇色紫。能行血分。藿香之香。過於蘇。理氣之功。勝之行血之力。不及。至於宜中解鬱。其理一也。沈金鰲曰。藿香惟入肺經。故古方治鼻淵。以之爲君。以其能引清陽之氣。上通顛頂也。按廣產者。快氣寬中。開胃止嘔。去惡進飲食。治霍亂。江浙產者。散風溼。著解肌化濕熱。止嘔吐。葉主散邪。爲發生之物。其銳而香散。不宜多服。梗主理氣寬中。化濕濁。治胸悶。

【禁忌】 凡陰虛火旺。胃弱欲嘔。胃熱作嘔。中焦火盛熱極。溫病熱病。胃家邪實作嘔作脹。均忌。與豆醬同食。墮胎。

【用量】 自一錢五分至三錢。

【炮製】 本藥梗葉並用。亦有純用葉。純用梗者。清水洗淨。切斷應用。

【配合】 同紫蘇、桔梗、白朮、白芷、茯苓、厚朴、陳皮、半夏、甘草。生晒爲末。用大腹皮、薑棗湯法丸。治外受四時不正之氣。內停飲食。頭痛寒熱。霍亂吐瀉。或作瘧痢等症。得砂仁、食鹽。治霍亂。得人參、橘皮、木瓜、茯苓、砂仁。治吐瀉轉筋霍亂。得木香、沉香、砂仁。能辟惡氣。治中惡。心腹疝痛。入烏藥順氣散則補肺。入黃芪四君子湯則補脾。入桂苓甘露飲治中暑吐。

瀉。得木香、丁香、紫蘇、人參、生薑、治暴中寒邪、吐逆不止。同香附爲末、白湯點服。能升降諸氣。研末、用豬膽汁法丸。治鼻淵腦漏、鼻流臭黃水。

佩蘭(附)梗 省頭草

【品狀】 香草類。爲多年生草本。二月宿根生苗成叢。高三四尺。全部有香氣。葉對生。平滑有光澤。邊緣有鋸齒。下部之葉三裂。略呈三出葉之觀。上部之葉廣披針形。有尖端。莖帶紫紅色。葉綠色。莖頭枝梢開小花。爲頭聚花蕊。淡紫色。李時珍曰。莖圓節長。而葉光有歧者。爲佩蘭。莖微方。節短。而葉有毛者。爲澤蘭。產江南。五六月採取陰乾。在夏季。醫家方中有用鮮者。

【性味】 味辛性平。無毒。稟天地清芬之氣以生。可升可降。陰中陽也。防己爲使。

【歸經】 入肺、胃、肝三經。爲消痰除惡、散鬱解結之品。功專清肺開胃。

【功效】 佩蘭開鬱功多。能省頭中垢膩。且可宣除陳腐。辛香氣味。堪醫脾病消瘴。

【研究】 佩蘭一名省頭草。辛平氣香。入肺脾肝三經。功用相似澤蘭。而辛香之氣過之。故能解鬱散結。殺蠱毒。除陳腐。滌垢膩。辟邪氣。至於行水消痰之效。亦與澤蘭相仿。但澤蘭治水之性爲優。佩蘭理氣之功爲勝。又爲異也。元素曰。肺主氣。肺氣鬱結。則上竅閉而下竅不通。胃

主納水滯。胃氣鬱滯。則水穀不以時化。而爲痰癖。佩蘭辛平。能散滯。芬芳能去穢。故能治之。李時珍曰。素問云。五味入口。藏於脾胃。以行其精氣。津液在脾。令人口甘。此肥美所發也。其氣上溢。轉爲消渴。治之以蘭。除陳氣也。王冰注云。辛能發散。故也。李東垣治消渴。生津飲用蘭葉。蓋本於此。沈金鰲曰。消渴治之以蘭。除陳氣也。蓋消渴由邪熱鬱結於胃。蘭能除陳氣。可知蘭草固以盪滌爲功。清肅腸胃者也。今人不知。而用山蘭。謬甚。本經治蠱毒不祥之氣。亦胃中受病也。梗能通氣利濕。化濁和脾胃。省頭草梗黃。葉黃黑。清香。化濕悅脾開胃。治濕溫頭重。

【禁忌】 氣陰不足者。宜少用。辛香之味。最能耗氣燦陰也。

【用量】 自一錢五分至三錢。

【炮製】 本藥梗葉同用。或純用葉。或純用梗。清水洗淨。切斷用。

【配合】 同藿香、枇杷葉、石斛、竹茹、橘皮。開胃氣之神品。加入沉香、鬱金、白豆蔻、白蘇子、蘆根汁。下氣開鬱。治噎膈之將成者。同括婁根、麥冬、黃連、竹葉、蘆根汁。治消渴。

青蒿(附)梗 子 青蒿蠹蟲

【品狀】 蒿草類。多生於河岸。初就地叢生。形似胡蘿蔔。春日抽莖四尺。梢上葉細裂如絲。葉

腋出枝。枝梢着小頭狀花。列作穗狀。呈綠黃色。結實大如麻子。中有細子。產江南各地。八九月採取晒乾用之。

【性味】 味苦性寒。無毒。稟天地芬烈之氣。得春木少陽之令以生。可升可降。陰中陽也。伏硫黃。

【歸經】 入肝膽二經。爲除熱補勞之品。二經血分藥。專治骨蒸勞熱。虛熱。

【功效】 得春初少陽之氣。味苦而香。行肝膽血分之經。氣升且散。辛能解表。營中鬱熱。葉相宜。寒可除蒸。尸疰疔瘡。子可使。

【研究】 青蒿稟春生之氣。其氣香。其味苦。其性寒。故能疏發肝膽血分熱邪。由表而出。其子

功用性味皆相似。但無解表之能。而有潤降之用。至於治骨蒸尸疰蟲疔等證。大抵亦皆由血分鬱熱所致耳。青蒿苦多辛少。雖寒不傷脾胃。以有芳香之氣。故入肝膽血分。神風逐熱。邪去則血不鬱。故又能治血中瘀鬱也。按梗能宣泄暑熱。清血和脾胃。子能清暑。化濕熱。治胸痞。止瀉。時珍曰。青蒿二月生苗。得春木少陽之氣最早。故所主之證。皆少陽厥陰血分之病。吳世鑑曰。諸苦寒藥。多與胃氣不相宜。惟此芬芳可人。香先入脾。故獨宜於血虛有熱之人。凡葶

勞虛熱熱伏骨蒸者。非此不除。張璐曰。青蒿有二種。一種發於早春。葉青如綿茵陳。專瀉丙丁之火。能利水道。與綿茵陳之性不甚相遠。一種盛於夏秋。微黃如地膚子。專司甲乙之令。爲少陽厥陰血分之藥。故紫莖者爲良。葉主濕熱。子治骨蒸。有殺蟲之功。而不傷伐骨節。中陽和之氣。青蒿蠹蟲。青蒿節間小蟲也。搗爛和硃砂末粉各五分。作小丸如粟大。治急慢驚風。一歲一丸。保嬰集盛稱之。

【實驗】 此藥治結核病之發熱。外按不甚熱。而自熱者。亦覺其伏留熱在骨節間。中醫名之曰骨蒸。與銀柴胡同用。功效更爲顯著。

【禁忌】 產後氣虛內寒作瀉。及飲食停滯。洩瀉者均忌。凡產後脾胃薄弱。忌與歸地同用。汗過多者。氣急者。胃腸虛弱而腹瀉者。均禁用。

【用量】 白一錢五分至三錢。

【炮製】 雷公曰。凡使子勿使葉。使根勿使莖。四件若同使。翻然成痼疾。清水洗淨。切斷用。或童便浸用。熬膏良。

【配合】 同鼈甲、地黃、牛膝、枸杞子、麥冬、五味子。除一切產後虛熱寒熱淹延不解。及治一切

虛勞寒熱。陰虛五心煩熱。腎水真陰不足。以致骨蒸勞熱者。神效。同枇杷葉。銀花。治暑濕阻滯。肺胃煩熱。胸悶咳嗽。

金銀花（附）藤子

【品狀】 蔓草類。生於山野中。多年生纏繞植物。下部木質。葉卵形。或橢圓形。對生。凌冬不枯。故有忍冬之名。初夏開花。集於葉腋。有佳香。每花梗生二花。苞大如葉狀。萼有裂片。合瓣花冠。唇形分裂。紫白色。後變黃。黃白相映。故呼金銀花。香氣強烈。結黑色如豆之果。我國各處有之。產魯省者尤佳。

【性味】 味甘性寒。無毒。感土之沖氣。稟天之春氣以生。

【歸經】 入肺胃。兼入心脾四經。爲散熱解毒之品。外科要藥。

【功效】 其氣芳香入脾。其味甘寒解毒。通經入絡。取用其藤。治癰消癰。還當使蕊。或傳尸腹脹。各隨成法以推求。或治痢祛風。宜合古方而運用。

【研究】 金銀花。其氣芳香。其色亦白。而凡花皆散。有宣通氣血解散之功。且寒能解毒。甘不傷胃。故一切癰疽外證。推爲聖藥。昔人用此治風除脹。治痢疾。逐尸疰。爲要藥。後世亦不知其

用。足見此物之功，非特治瘡已也。黃宮繡曰：金銀花，諸書皆言補虛養血，又言入肺散熱，能治惡瘡、腸澼、癰疽、痔漏，爲外科治毒通行要劑。按此似屬兩岐，殊不知書言能補虛者，因其芳香味甘，性雖入內，透熱而氣不甚迅利，傷損之意也。書言能養血者，因其毒結血凝，服此毒氣頓解，而血自爾克養之謂也。究之止屬清熱解毒之品耳。是以一切癰疽等病，無不藉此內入，取其氣寒解熱，力主通利。至云能治五種屍疰，事亦不虛。如謂久服輕身延年益壽，不無過謬。吳世鑑曰：甘能益血和中，爲瘡腫散毒之要藥。石頑曰：金銀花，芳香而甘，入脾通肺，主下痢膿血，爲內外癰腫之要藥。解毒祛膿，瀉中有補，癰疽潰後之聖藥。今世但知其消腫之功，昧其能利風虛也。銀花子，色黑形圓，味苦澆，性涼，清血化濕熱，治腸風赤痢。

【禁忌】 虛寒作瀉者忌用。外瘍氣虛膿清者禁用。

【用量】 花白一錢五分至三錢。藤子同。

【炮製】 花晒乾，藤洗淨切片用。釀酒代茶熬膏並妙。

【配合】 同甘菊花、紫花地丁、夏枯草、白芨、白蘞、貝母、連翹、牛蒡子，治一切腫毒疔瘡。同地榆、芍藥、黃連、甘草、升麻，治一切血痢。同當歸、牛膝、黃芩、大黃、木瓜、皂角刺、蟬蛻、土茯苓、葱白。

水煎服。治楊梅毒。

野薔薇花 又名白殘花（附）營實 根

【品狀】 爲落葉灌木。高三四尺。幹細成蔓狀。枝條頗多。刺密生於枝。葉爲羽狀複葉。花五瓣。呈白色。秋結紅實而橢圓。有光澤。綱目拾遺云。野薔薇。葉細而花小。其本多刺。蔓生籬落間。或江岸上。四月中開花。花有粉紅純白二種。皆單瓣。不甚可觀。但香氣似玫瑰。產江南。花時採取曬乾。用以黃心白色粉紅者入藥。

【性味】 味苦。澁性寒。無毒。

【歸經】 入肺、胃、大腸三經。爲清熱解暑化濁之品。

【功效】 苦寒能瀉肺胃之熱。芳香可化暑濁之邪。

【研究】 野薔薇花。氣香甚烈。故能化解阻滯之濕濁。性味苦寒。又可清瀉瀾漫之暑熱。用之治瘡甚效。蓋瘡多著濕之邪所釀成也。子名營實。又名石珊瑚。酸微寒。無毒。治癰疽。下停水。利關節。小便失禁。或遺尿。產後軟癰。根苦澁冷。無毒。治肺癰吐濃痰。酒煎服。口瘡煎湯漱口。又能除濕熱。殺蟲。治泄痢牙痛。

【禁忌】 陽虛脾弱者勿用。

【用量】 白一錢五分至三錢。

【炮製】 曬乾用。蒸露良。

【配合】 同黃芩、蘆根。治暑熱煩渴溲赤。同茶葉拌和。治瘧疾。蒸露代茶。解暑氣。

六月霜 俗名六月雪

【品狀】 隰草類。蘇頌曰：生均州。四月生苗。莖方色青。有節。葉似劉寄奴而青軟。七八月着花似薄荷。結子無用。五六月採莖葉陰乾。趙恕軒云：余館奉化。邑人暑月俱以此代茶。云消食運脾。性寒解暑如神。以百錢買得一束。如乾薄荷狀。而長大倍之。莖上綴白珠成穗。邑人云：子能下氣消食。更甚於枝葉。偶得痞悶不快。因得一枝沖湯代茶飲。次日即健啖異常。所言信不妄也。據趙說。子亦有用。況經親自試驗。較爲確實也。

【性味】 味苦性寒。無毒。

【歸經】 入脾胃二經。爲清火消食之品。

【功效】 解暑消積滯。厚腸胃。止痢。開膈。

【研究】六月霜又名曲節草。俗呼六月雪。性寒。故能清暑熱之邪。味苦氣降。故能消積滯。止痢閉膈。蓋暑必挾熱挾濕。濕熱阻滯。飲食不化。脾胃呆鈍。甚致痢疾。又有清熱消滯之功。故能治之。

【禁忌】陽虛者勿用。

【用量】自一錢五分至三錢。

【炮製】洗淨切斷用。

【配合】同佩蘭、六神、亦茶、枳殼、滑石。治傷暑、氣悶肢楚、納少神倦。

夏枯草

【品狀】隰草類。產江南等處原野間。多年生草。莖微方。高尺餘。葉長卵形。對生。尖端有鋸齒。背白多紋。莖葉均有毛。夏初莖端開唇形花。列爲穗狀花蕊。色淡紫或白。結子。此草夏至後即枯。故名。鮮時可製露。葉有白毛者。名白毛夏枯草。

【性味】味苦辛。性寒。無毒。得土金之氣而生。降也。陽中陰也。土瓜爲使。伏汞砂。

【歸經】入肝膽二經。爲散結解熱之品。補肝血。緩肝火。解內熱。散結氣。

【功效】 雖稟純陽之氣，味仍辛苦而寒，獨走厥陰，能解肝家鬱火，功專散結，堪醫癰癧疔瘍。
【研究】 此草冬至後生葉，至春而花，一到夏至即枯，故名。然各家皆言其苦寒散結氣，治癰癧，惟朱丹溪言其能有補養厥陰血脈之功，想此草得春氣最多，或可爲助耳。觀此草得陽氣而生，得陰氣而死，似乎稟純陽之性，故雖屬陰寒，而陰中仍含陽氣，且皆取用其花，有春木發陳條達之意，雖苦寒而不遏耳。黃宮繡曰：其氣雖寒，而味則帶辛，凡結得辛則散，氣稟純陽，雖寒猶溫，故云能以補血也。張璐曰：辛能散結，苦能除熱，而癰結瘕氣散矣。夏季煎湯代茶，用以解暑甚妙。白毛者，性寒味苦，專清肝火。

【實驗】 此藥有鎮靜神經，與消炎作用，以之治頸淋巴腺結核病，宜於脈速，舌紅或黃，同時易怒者。

【禁忌】 久用亦傷胃家，陽虛者勿用，腹瀉者，胃腸虛弱消化不良者，體溫較低者，禁用。

【用量】 自一錢五分至三錢。

【炮製】 採花晒乾用，莖葉雖可入藥，但不及花之功效，故近代皆不用之。

【配合】 得連翹、忍冬藤、貝母、元參、薄荷、括蕪根、蓖麻子仁、甘草，治一切癰癧甚效。 同生甘

菊、紫花地丁、忍冬藤、連翹、白芨、白蘞、甘草、生地、白芷、半枝蓮、消一切癰疽腫毒。止痛有神。同香附子等分爲末，茶調下一錢。治肝虛目睛疼、冷淚不止、血脈痛、羞明怕日。同荷葉六一散，清暑化濕。

知母

【品狀】 山草類。多年生草。葉莖俱類麥門冬。根部叢生細長葉。質稍厚。基部作鞘狀。夏從葉間抽莖。高三尺。莖上附有小鱗片。頂開淡紫色六瓣小花。作穗狀。實爲長橢圓形。有六稜之蒴果。中藏小黑子。宿根之旁。初生子根。形如蚺蟲。故名蚺母。訛爲知母。產我國中部各省。八月采。根曝乾。

【性味】 味苦。微辛。甘。性寒。稟天地至陰之氣而生。降也。陰也。得黃柏及酒良。伏鹽蓬砂。忌鐵器。

【歸經】 入肺、胃、腎三經。爲瀉火滋水之品。肺腎氣分藥。專瀉腎家。有餘之火。

【功效】 退腎臟有餘之陽。能壯水清金。甘苦微辛。質厚滑。清陽明獨勝之熱。治風消燥。效。沈陰且降氣純寒。

【研究】 知母味苦微帶辛甘。氣寒質潤。氣味俱厚。沈也。陰也。故能入足少陰腎經。清有餘之相火。以其色白味甘。故又能清肺火。除胃熱。然陰寒潤滑之品。過用則有妨脾胃耳。按知母須肺胃腎三經火盛陰虧之證。或熱中消渴者。乃可用之。不可但知滋陰之功。而忘其損陽之害也。東垣曰。其用有四。瀉無根之腎火。療有汗之骨蒸。止虛勞之熱。滋化源之陰。乃清肺滋水之藥也。張景岳曰。此性最沉寒。本無生氣。用以清火則可。用以補陰則無補之有。第其陰柔巽順。似乎有德。猶之小人在朝。國家元氣受其剝削。而有陰移莫之覺者。李時珍曰。腎苦燥。宜食辛以潤之。肺苦氣上逆。宜食苦以泄之。知母之辛苦寒涼。下則潤腎燥而滋陰。上則清肺金而瀉火。乃二經氣分也。黃柏則是腎經血分藥也。故二藥必相輔而行。張璐曰。脾胃虛熱。人誤服。令人作瀉減食。故虛損大忌。近世誤爲滋陰上劑。勞瘵神丹。因而天枉者多矣。按知母味微苦略辛。蓋苦能堅腎。辛能潤腎。滋養腎水。獨擅其長。主治腎虛火動。陰火攻沖。虛勞痰嗽。有汗骨蒸。往來勞熱。咽癢心煩。蓋腎水生則虛火降。諸症自愈。取其體潤滋肺。性涼清肺。以瀉療久。瘵煩熱。熱病瘵後。產後蓐勞。久嗽無痰。有生津除熱之功。因其色白帶黃。入陽明經。以瀉胃熱。用在白虎湯。治邪熱入胃。胃火燔燼。消渴熱中。又治煩躁不睡。蓋煩屬肺氣。躁屬腎血。以

此清胃，卽清肺腎之源，則煩躁自止，與黃柏並用，非爲降火，實能助水，與貝母同行，非惟清痰，專爲滋陰，但脾虛便瀉忌之。

【實驗】 此藥有殺菌消炎作用，治內部有熱，口渴消瘦，有利尿作用，可治腎炎性水腫。

【禁忌】 陽痿及陽舉易痿，洩瀉，脾弱飲食不化，胃虛不思食，腎虛泄瀉均忌，知母能滑腸，體溫低者，脈慢者，舌白者，因風寒症發熱而口渴者，均禁用。

【用量】 自一錢五分至三錢。

【炮製】 洗淨，去毛切片用，凡使欲引經上行，酒浸焙，欲下行，鹽水潤焙。

【配合】 入白虎湯，解傷寒陽明證，口渴，頭疼，煩熱，鼻乾，不得眠，同麥冬、石膏、貝母、橘紅、龍甲、青蒿、牛膝，治久瘧煩熱而渴，同貝母、天冬、麥冬、沙參、甘草、桑白皮、枇杷葉、五味子、百部，治陰虛咳嗽，同黃柏、車前子、木通、天冬、甘草，治強陽不痿。

麥門冬(附)心

【品狀】 隕草類，常綠多年生草，多產陰濕地，地下根如連珠狀，似麥而有鬚，葉長二尺，似韭而堅韌，有縱文，凌冬不凋，夏日開稀疏穗狀花，長尺許，色淡紫，實黑，產我國中部各省，夏至前

一日採根洗晒收之。

【性味】味甘微苦性寒。稟天春生之氣。感地稼穡之甘。以生降也。陽中微陰也。地黃車前爲使。惡款冬。畏苦參。青葙。朮耳。忌鱧魚。伏石鐘乳。

【歸經】入心肺二經。兼入胃經。爲清潤之品。陽明正藥。專行肺經氣分藥。

【功效】養胃陰。具柔滑功能。療金燥受戕之欬。潤肺臟。兼苦甘性味。治上焦不戢之焚。若或拌入辰砂。驚煩可定。假使砂同元米。寒苦堪除。乳藥能通。便溏須禁。

【研究】麥冬甘苦而寒。去心用。專入心肺。兼入胃經。以其柔潤多汁。故最能養陰退熱。然寒潤之品。止可用治肺胃陰液不足。而有熱邪者。若陽虛多寒。便溏多濕之人。尤宜禁之。亦有連心用者。以其心如人之脈絡。一棵十餘枚。个个貫通。取其能貫通經絡之意。故生脈散用之者。以能復脈中之津液也。元素曰。治肺中伏火。補心氣不足。主虛熱妄行。及經水枯。氣不下。東垣曰。涼而能補。補而不泥。無過於麥冬者。傷寒勞復。與夫溫熱病。及雜病。陰不濟陽。而煩熱燥渴者。用以生津液。濡枯而熱退。大有奇功。時珍曰。麥門冬以地黃爲使。服之令人頭不白。添精補髓。通腎氣。定喘促。令人肌體滑澤。徐靈胎曰。麥冬甘平滋潤。爲純補胃陰之藥。後人

以爲肺藥者。蓋土能生金。肺氣全恃胃陰以生。胃氣潤。肺自資其益也。石頑曰。定心熱驚煩。療肺痿吐膿。蓋專泄而不專收。肺中伏火。脈氣欲絕者。加五味子人參。爲生脈散。專補脈中元氣不足。凡風熱暴嗽。癩疹效嗽。咸非所宜。以其性寒助陰。固歛陽邪。不能發越也。麥冬心。色黃細梗。味甘淡。性平。養胃生津。清心解渴。按麥冬色白體濡。主潤肺。味甘性涼。主清肺。蓋肺苦氣上逆。潤之清之。肺氣得保。若咳嗽連聲。若客熱虛勞。若煩渴。若足痿。皆屬肺熱。無不悉愈。同生地。令心肺清。則氣順。結氣自釋。治虛人元氣不運。胸腹虛氣痞滿。及女人經水枯。乳不下。皆宜用之。同黃芩。扶金制木。治鼓脹浮腫。同山梔。清金利水。治支滿黃瘴。又取其四時葉青。凌冬不凋。長生之物。同小荷錢。清養膽腑。以佐少陽生氣。入固本丸。以滋陰血。使心火下降。腎水上升。成坎離既濟。心腎相交之義。

【實驗】 此藥有鎮靜神經之作用。對於心臟有強壯性之作用。

【禁忌】 麥冬性寒。雖主脾胃。而虛寒泄瀉。及痘瘡虛寒作泄。產後虛寒作泄。均忌。舌苔厚膩者。胃寒而胃口不開者。卽現吐酸與胃痛等狀。胸口氣悶者。均忌用。

【用量】 自一錢五分至三錢。

【炮製】 麥冬去心用。不爾令人煩。肥白而大者佳。以滾水潤濕。少頃抽去心。或以瓦焙軟。乘熱去心。若入丸散。須瓦焙熟。即於風中吹冷。如此三四次。即易燥。且不損藥力。或以湯浸搗膏。和藥亦可。滋補藥。則以酒浸搗之。熬膏良。

【配合】 同人參、五味子。爲生脈散。能復脈通心。夏暑傷氣。服之良。酒後飲之。解酒毒。肺熱者。去人參。加枸杞子。作飲。治一切虛勞客熱。同五味、枸杞、地黃、牛膝、鼈甲、棗仁、天冬。治五勞七傷。胃強者可加當歸。火盛者可入黃蘗、砂仁、甘草。同石菖、知母、竹葉。治陽明瘧。大渴引飲。煩燥。或嘔吐。虛者加人參。痰多者加貝母、橘紅。同天冬、薏苡、黃蘗、芍藥、茯苓、石斛、桑白皮、五味、牛膝。治肺痿吐膿。同覆盆子、沙蒺藜、黃蘗、五味子。止泄精。同茯苓、黃連、石斛、猪苓、澤瀉、車前子。療心腹結氣。身重目黃。同黃連。治消渴。同沙參、五味。治心肺虛熱。虛勞客熱。同石菖、知母、竹葉、粳米。療時氣頭痛。大渴煩躁。及發狂。因作勞內傷。而發虛羸者。皆可量加人參。名人參白虎湯。同青蒿、鼈甲、牛膝、地黃、芍藥、天冬、枸杞子、五味子、胡黃連、山藥、山茱萸、茯苓、蜜丸。治骨蒸勞熱。

地骨皮

【品狀】 落葉小灌木類。高三尺餘。葉爲長橢圓形。互生。夏日葉腋開小花。淡紫色。子卵形而尖。色紅。其根皮謂之地骨皮。我國各地均產之。

【性味】 味甘淡。性寒。無毒。升而降。陰也。制硫黃丹砂。

【歸經】 入腎。三焦二經。爲清血熱。助正氣之品。上除頭風痛。中平胸脇痛。

【功效】 退伏熱。以除蒸。深入黃泉。下歸腎部。降肺火而定喘。甘寒白色。清肅金家。

【研究】 地骨皮入土最深。故名之。去外粗黑皮。取白皮用。味甘性寒。降入肺腎。退伏熱。肺熱降。則喘效除。腎熱除。則骨蒸盜汗等病皆愈矣。元素曰。解骨蒸肌熱。風濕痺。墜筋骨。涼血。

東垣曰。治在表無定之風邪。傳尸有汗之骨蒸。好古曰。瀉腎火。降肺中伏火。去胞中火。退熱。

補正氣。吳瑞曰。治上膈吐血。煎湯漱口。止齒血。治骨槽風。時珍曰。去下焦肝腎虛熱。張

璐曰。地骨皮三焦氣分之藥。下焦肝腎虛熱。骨蒸自汗者宜之。熱淫於內。瀉以甘寒也。人但知芩連治上焦之火。知柏治下焦之火。謂之補陰降火。不知地骨之甘寒平補。有益精氣。退邪火之妙。時珍嘗以青蒿佐地骨退熱。屢有殊功。又主骨槽風證。亦取入足少陰。味薄卽通也。黃宮繡曰。地骨皮味甘氣寒。雖與丹皮同治骨蒸之劑。但丹皮味辛。能治無汗骨蒸。此屬味甘。能

治有汗骨蒸。且丹皮原屬入血散瘀之品。汗者血也。無汗而見血瘀。則於辛於寒最宜。若有汗骨蒸。更用丹皮以辛散。不致使發汗無血乎。按地骨皮。皮能散表。外祛無定虛邪。寒能內除。清熱有汗骨蒸。取其體輕。能浮沉上下。上理頭風痛。中去胸脇氣。下利大小腸。通能奏效。入瀉白散。清金調氣。療肺熱有餘咳嗽。同養血藥。強陰解肌。調痘瘡不足皮焦。以其性大寒。酒煎二兩。治濕熱黃疸最效。牡丹皮治血中之熱。地骨皮去氣中之熱。各有專長。但虛寒者忌之。

【實驗】地骨皮結核病之潮熱用之。有清熱之效。結核病之潮熱。是因結核桿菌之毒素在血中過多之故。以地骨皮有涼血除虛熱之功效。概因能消溶結核桿菌之毒素故也。

【禁忌】脾胃虛寒者。禁服。大便溏瀉者。不能用。

【用量】白一錢至三錢。

【炮製】取皮以甘草水浸一宿。撈起晒乾用。蒸露良。

【配合】同柴胡水煎服。治口舌糜爛。因膀胱移熱於小腸而發者。同銀柴胡、白芍、鼈甲、退骨蒸甚效。同紅棗煨灰。麻油調塗。治小兒耳後腎疔。

蘆根 蘆葦 蘆筍 乾蘆根 箬葉

清暑之劑 蘆根 蘆葦 蘆筍 乾蘆根 箬葉

【品狀】 隰草類。湖濱水濕之地。多年生草本。莖高六尺至丈餘。葉細長。有尖端。秋日莖頂抽大穗。圓錐花蕊。筍供食用。毛萇詩疏曰。葦初生日葭。未秀曰蘆。長成曰葦。

【成分】 根含糖質、膠質、蛋白質、及中性鹽類等。

【性味】 味甘性寒。無毒。稟土之沖氣。兼感水之陰氣以生。降也。陰也。

【歸經】 入肺、脾、腎三經。爲清熱止嘔之品。

【功效】 性入陽明。甘寒清熱。功除煩嘔。潤降和陰。莖則清肅上焦。肺癰可愈。筍乃解消魚毒。膈熱能清。

【研究】 蘆根甘寒入胃清熱。熱則胃氣逆而不順。嘔吐反胃等證作矣。至於解毒。亦甘寒入胃之功。但蘆根主降。莖與筍有上升之意。故肺癰肺痿皆用之。蘆根寒能清熱。甘可養陰。故胃陰不足。而有火邪上逆爲患者最宜。胃寒便澹嘔吐者禁用。甯原曰。蘆筍卽蘆尖。亦名蘆芽。主膈間客熱。止渴。利小便。解河豚及諸魚蟹毒。張璐曰。葦莖中空。專於利竅。善治肺癰。吐膿血臭痰。千金葦莖湯。以之爲君。服之熱毒從小便泄去。最捷。乾蘆根卽鮮蘆根晒乾者。清胃熱。生津止渴。亦治肺癰。葦葉甘寒。入肺胃二腸。功與蘆根相似。若血因熱逼而妄行者。用

此燒灰服之。亦寒能勝熱。黑可勝紅之意耳。箬葉雖寒降而有輕揚解散之意。故與蘆根有根與葉之不同也。

【禁忌】 因寒霍亂作脹。因寒嘔吐。均忌。

【用量】 白五錢至一兩。

【炮製】 取逆水土內甘美肥厚者良。若露出水面者損人。去鬚節用。晒乾入藥。用以清胃頗妙。

【配合】 得竹茹、枇杷葉、麥冬、烏梅、木瓜。能止因熱嘔吐。得竹茹、麥冬、大青、青黛。能除傷寒熱病。煩悶嘔吐。得麥冬、地骨皮、生薑、橘皮、茯苓。水煎服。治竹蒸肺痿。不能食。同茅根。治反胃上氣。

淡竹葉 竹茹

【品狀】 苞木類。生於山地之草木。莖高二三尺。葉廣披針形。端尖。其根一窠數十鬚。鬚上結子。與麥門冬一樣。但堅硬爾。竹茹用普通鮮竹。殼薄者爲勝。先刮去外面青皮。用其中層內皮。棄去不用。

【性味】味甘淡微苦性寒無毒稟陰氣以生降也陰中微陽也。

【歸經】入心胃二經爲滌熱之品竹葉竹茹專治上焦煩熱。

【功效】淡竹葉甘淡微寒心肺火邪都下降輕浮上達太陽濕熱盡分消淡竹茹入胃清煩止嘔逆用治多靈行皮達絡掃邪氣甘寒有力。

【研究】淡竹葉甘淡性寒輕浮上達之品解散上焦風熱清心肺炎蒸導小腸膀胱濕熱下降清上導下可升可降陰中之陽也竹茹乃竹之二青種類頗多均以色青殼薄生長一年者爲佳過老者不用味甘淡性寒入肺胃散逆氣清煩熱一切嘔噦癱痿噎膈等證屬上焦有熱者皆可用之至行皮達絡之意亦以類相從耳汪機曰竹茹入肺胃經能開胃土之鬱清肺金之燥汪昂曰大概竹葉俱能涼心緩脾消痰解渴欬嗽喘促嘔噦吐血中風不語小兒驚癇又以葉生竹上故專除上焦風邪煩熱竹皮入肺肺主上焦故亦除上焦煩熱按竹葉清香透心微苦涼熱氣味俱清經曰治溫以清專清心氣葉銳能散味淡利竅使心經熱邪分解主治著熱消渴胸中熱痰傷寒虛煩欬逆喘促皆用爲良劑也又取色青入膽氣清入肺是以清氣分之熱非竹葉不能涼血分之熱非柏葉不效竹茹專清熱痰爲寧神開鬱之品主治

胃熱噎膈。胃虛乾嘔。熱呃欬逆。痰熱惡心。酒傷嘔吐。痰涎酸水。驚悸怔忡。心煩燥亂。睡臥不寧。此皆膽胃熱痰之證。皆能奏效。

【實驗】 竹茹尋常作爲止嘔藥。胃因充血或炎之嘔吐可用之。若爲胃寒之嘔吐。不能用之。胃寒者。卽指胃潰瘍之嘔吐。或胃有貧血狀之嘔吐。

【禁忌】 竹茹。凡胃寒嘔吐。感寒挾食作吐。忌用。腹瀉及消化不良。禁用。

【用量】 竹茹白一錢五分至三錢。竹葉同。

【炮製】 生用炒用均可。或薑汁炒。玫瑰花汁炒。在用者隨證而施。

【配合】 竹葉、同麥冬、棗仁、遠志、丹參、茯神、丹砂、犀角。治心經蘊熱。虛煩不眠。煎湯調炒棗仁末五錢。臨臥服。治心虛不眠。入白虎湯。治傷寒煩熱。大湯引飲。竹茹、同木瓜、橘皮、麥冬、枇杷葉、人參、石斛、蘆根。治胃虛有熱。嘔嘔不止。

茶葉(附)苦丁茶

【品狀】 常綠灌木。高七八尺。種時一坎須子百粒。方生一株。(因其子多空殼)移植則不生。性畏水與日。宜植於坡地蔭處。葉長橢圓形。有鋸齒。秋開白花。結實扁平三角形。至翌秋成。

熟則裂開散出種三粒。春季採嫩葉烘乾用。產我國皖浙等省。

【成分】含有咖啡碱。Caffeinum $C_8H_{10}NO_2 + H_2O$ (0.11至3.%) 揮發油、單寧等。

【性味】味苦甘。性微寒。氣香。無毒。稟土中清氣。得春初生發之意。氣薄味厚。可升可降。陰中陽也。忘葷解。土茯苓。威靈仙。反鐵質。

【歸經】入心肺脾胃四經。爲除熱生津。滌垢消食之品。

【功效】能清心而入胃。滌垢除煩。可消食以行痰。解醒止渴。芳香清肅。甘苦陰寒。

【研究】茶葉處處有之。產山谷間。種類不一。大抵以嫩而色香味美者爲佳。味苦而甘。性寒。入心肺脾胃四經。能蠲除上焦鬱熱垢膩。除痰化食。清頭目。利二便。令人少睡。若虛寒之人服之。戕敗脾胃。易成痰飲等證耳。李時珍曰。茶最能降火。火爲百病。火降則上清矣。然火有五。火有虛實。若少壯胃健之人。心肺脾胃之火多盛。故與茶相宜。溫飲則火因寒氣而下降。熱飲則茶借火氣而升發。又兼解酒食之毒。使人神思清爽。不昏不睡。此茶之功也。若虛寒及血弱之人。飲之既久。則脾胃惡寒。元氣暗損。土不制水。精血潛虛。成痰飲。成痞脹。成瘠痺。成黃疸。成

嘔逆成洞瀉成腹痛成疝瘕種種內傷此茶之害也。苦丁茶色黃黑即老茶葉味苦性平入少陽治風熱頭痛耳聾腫痛流膿。

【實驗】此藥醫治疲勞性精神衰弱症入胃後除所含之一部分單寧制止消化酵素之作用及凝固已消化之蛋白質外餘皆不起何等變化惟精油（香精）有稍能激胃分泌增多之功由幽門而達十二指腸小腸等處始次第將茶精吸入血中由微血管而傳達中樞神經使血液循環加速腦部血量增多精神遂被激而興奮惟效力微甚而時間亦短促。

【禁忌】大渴及酒後飲茶水入腎經令人腰脚膀胱冷痛兼患水腫變痺諸疾大抵飲茶宜熱宜少空腹最忌之而侵晨啜茗每傷腎氣酒後嗜茶多成茶癖若嗜久不輟傷營傷精血不華色黃瘁痿弱之病成矣又精氣寒滑觸之易泄者勿服慢性消化不良胃擴張均忌。

【用量】入藥自五分至一錢。

【炮製】採蒸揀焙修造皆有法詳載茶譜如與玫瑰花代代花木犀花等貯藏一器即可過染香氣不散。

【配合】合醋治傷暑泄痢同薑治滯下赤白兼香豉葱白生薑治時疫氣發熱頭痛經冬過

臘者曰臘茶。佐劉寄奴治血最效。產徽者曰松蘿。專於化食。產浙紹者曰日鑄。專於清火。產閩者曰建茶。專於辟瘴。產六合者曰苦丁。專於止痛。產滇南者曰普洱茶。則兼消食辟瘴止痛之功。同黃連、棗仁、木通、蓮實治多睡好眠。同當歸、川芎、烏梅、黑豆、生地、土茯苓、菊花治頭痛。因於血虛有火者。皇漢醫方同陳皮、砂仁治疲勞性精神衰弱症。

西瓜(附)西瓜翠衣 西瓜霜

【品狀】 蓴類。蔓生有卷鬚。葉三裂至七裂。稍類羽狀。複葉花單性。雌雄同株。實爲大漿果。瓢有黃白紅之異。種子作扁平狀。末端尖。一瓜中有無數種子。產我國蘇浙等省。六月中成熟。

【成分】 汁中成淡紅透明之液體。呈酸性。有甘味。比重一·〇四。水分八九·四五。越幾斯分八·三四。窒素總量一·二五。脂肪〇·一二。林檎酸〇·一八。糖分四·二七。灰分〇·五二。據日醫木村氏謂含有少量鹽類。於腎臟炎有特效。

【性味】 味甘性寒。無毒。得天地清寒之氣以生。降也。陰中陽也。

【歸經】 入心、肺、脾、胃四經。爲清暑解渴之品。

【功效】 甘寒解暑熱。涼利退煩蒸。大腑之燥渴堪除。小便之清長可必。

【研究】 西瓜性甘寒。生於夏月。夏月所生之物。皆能解暑。解暑之法。首在清心利小便。此物食之。立能解煩渴。頓使小便清長。其功用概可想見。此物得酒氣近糯米則易爛。貓踏之則易砂。經日晒則更冷。此亦物理之異也。李時珍曰。西瓜甜瓜皆屬生冷。世屬以爲醍醐灌頂。甘露酒心。取其一時之快。不知其傷脾助濕之害也。真西山衛生歌云。瓜桃生冷宜少食。免致秋來成瘧痢。張璐曰。西瓜瓢汁能引心胞之熱。從小腸膀胱下泄。以其得西方金氣於三伏中。故能解太陽陽明中暍。及熱病大渴。故有天生白虎湯之稱。而春夏伏氣發。瘟熱病。覓得隔年藏者。噉之。如湯沃雪。緣是世醫常以治冬時傷寒壞病煩渴。從未見其得愈者。良由不達天時。不明鬱發之故耳。沈金鰲曰。西瓜浮面青皮。名西瓜翠衣。能解皮膚間熱。按西瓜翠衣。清暑解熱甚妙。葉香巖臨證指南。暑熱方案中常用之。

【實驗】 理腳氣水腫。治黃疸。奏效極著。有時且在他藥之上。蓋食西瓜後。不惟小便通利。尿量加。可減少膽汁色素之含量。且大便調勻。自可除去膽汁之鬱滯。

【禁忌】 多食傷脾助濕。有寒濕者忌之。

【用量】 西瓜瓢汁不入藥。今入藥者。惟用西瓜翠衣。自三錢至一兩。

【炮製】 取西瓜浮面青皮晒乾用。

【配合】 西瓜青皮陰乾爲末。鹽酒調服三錢。治閃挫腰痛。西瓜翠衣。同麥冬。赤苓。益元散。治暑熱煩渴。西瓜上面開一小孔。納入元明粉。孔仍蓋好。將西瓜懸掛通風處。日後西瓜外面發出白霜。名西瓜霜。吹治咽喉腫痛。

絲瓜絡(附)藤 葉 子

【品狀】 蕨菜類。栽培於園圃。一年生蔓草。莖長細。由卷鬚絡於他物。葉心臟形而尖。掌狀分裂。夏開黃花單性。雌雄同株。果爲匏果細長。供食用。熟則果內生強韌纖維如網。謂之絲瓜絡。可代海綿入藥。取老絲瓜燒焦。謂之絲瓜霜。取近地二尺之莖截斷。納瓶。一日夜可得五合。謂之絲瓜水。又名西來甘露飲。爲婦孺化粧之用。產蘇浙等省。

【性味】 味甘性寒。無毒。

【歸經】 入肺、胃、肝三經。爲清熱化痰通絡之品。

【功效】 通經絡。涼血祛風。性甘寒。化痰解毒。

【研究】 絲瓜絡味甘性寒。入經絡。解熱邪。熱除則風去。絡中津液不致結而爲痰。變成腫毒。

諸證。故云解毒耳。張璐曰。絲瓜嫩者寒滑。多食瀉人。蔬菜中最不足取。其老者。經絡貫串。房隔聯屬。故能通人經脈支絡。而解熱消腫。祛毒殺蟲。及治諸血病。故痘瘡不快。用老絲瓜近蒂三寸。連皮燒灰存性爲末。砂糖水服甚效。以其甘寒解毒。而無滑瀉之處也。其立冬後小絲瓜。煨入硃砂。服之能稀痘。其絲瓜藤。取近根三五寸。燒灰存性爲末。治鼻淵時流臭濁水。酒調日服。方寸匙效。其葉搗汁生服。解一切蛇傷之毒。卽以滓盪傷處。乾卽易之。子清熱化痰解毒。

【禁忌】

脾胃虛寒者勿用。

【用量】

入藥惟用絡與子。自三錢至一兩。

【炮製】

去皮與子純用絡。或與子同用。或炒用。或煨灰用。

【配合】

絲瓜絡同升麻、白芍、桔梗、甘草。治毒遏痘不出。燒存性研末。每服三錢。熱酒調下。

治小腸氣痛。繞臍衝心。燒存性。同多年石灰雄黃爲末。以豬膽汁。鷄子清及香油和調。治痔漏脫肛。貼之收上乃止。絲瓜蓮子。燒存性爲末。每服二錢。治食積黃疸。

綠豆(附)綠豆衣

【品狀】 菽豆類。一年生草本。莖高尺餘。絕類赤小豆。葉有毛。秋開小花。莢褐黑色。長三寸以

其子綠故名。

【成分】 水分一二·二八。蛋白質四二·八五。脂肪一三·五八。無窒素物二三·六八。纖維二·九一。灰分四·七〇。

【性味】 味甘性寒。無毒。稟土中之陰氣而生。反樞子。誤犯傷人。

【歸經】 入胃經。兼入心肝二經。爲清熱解毒之品。

【功效】 甘寒。行十二經。清熱毒而解渴。去浮風而潤膚。利小便以治脹。厚腸胃以和脾。其色可以入肝。其治功在於胃。

【研究】 味甘性寒。據書所稱。能厚腸胃。潤皮膚。和脾胃者。皆因毒邪內熾。凡臟腑經絡皮膚脾胃。無一不受毒擾。服此性善解毒。故凡一切癰腫等症。無不用此奏效。煮汁則止消渴。磨粉合以乳香丹砂。則外瘍能護心。毒不入。作枕夜臥。則能明目疎風。杖瘡疼痛。則用鷄子白調敷。卽愈。皮更涼。解熱毒。退翳明目有效。粉撲痘潰尤妙。花露酒毒。莢治赤痢。經久不愈。綠豆衣。卽綠豆殼。味淡平。清化濕熱。治皮膚癩瘡。利尿解渴。

【禁忌】 胃寒者不宜食。

【用量】 本品惟綠豆皮入煎藥，自二錢至四錢。

【炮製】 綠豆皮，乃由綠豆芽脫出之殼，曬乾應用。

【配合】 同赤小豆、黑豆、甘草節、水煎服。治天行痘瘡。同胡椒各半煎服。治霍亂。同黃土、黑豆、鷄子清煎服。治中砒霜毒。同苡米煎湯。夏季服之。清暑利濕甚妙。

蘘豆（附）蘘豆花

【品狀】 菽豆類。一年生草本。莖呈蔓狀，絡於他物。葉互生，爲三小葉之複葉，略似葛葉。小而無毛。夏由葉間抽出長花梗，短總狀花蕊，蝶形白紫花。果爲莢，扁平如鑷狀，長二寸，闊六分。種子及嫩果實供食用。有黑白二種。黑者名鵲豆，以黑間有白道如鵲羽也。白者入藥。

【性味】 味甘性平，無毒。稟土中沖和之氣而生，可升可降，陽也。

【歸經】 入脾經，兼入胃經，爲專治中宮，除濕消暑之品。

【功效】 味屬甘平，消暑益脾，兼解毒，功歸胃腑，升清降濁，並和中。花堪治痢，以疏邪。皮可達肌而行水。

【研究】 蘘豆味甘性平，無毒，能養胃健脾，脾胃得治，則清濁可分，吐利可愈。凡夏月所生之

物皆能解暑。故又可以之解暑也。花性相同。赤者入血分而宣瘀。白者入氣分而行氣。凡花皆散。故可清暑散邪。以治夏月泄痢等證。皮以行皮。類相從耳。李時珍曰。此入太陰氣分。通利三焦。能化清降濁。故專治中州之病。清暑除濕而解毒也。張璐曰。藟豆一種紫黑者。入脾經血分。治失血血痢。俱炒黑用之。藟豆花治下痢膿血。赤白帶下。調理濕溫病後。和脾健胃止泄。進飲食。按藟豆味甘平而不甜。氣清香而不竄。性溫和而色微黃。與脾性最合。主治霍亂嘔吐腸鳴泄瀉。炎天暑氣。酒毒傷胃。爲和中益氣佳品。又取其色白。氣味清和。獨受清中之清。用清肺氣。故云。清以養肺。肺清則氣順下行。通利大腸。能化清降濁。善療腸紅久瀉。清氣下陷者。此腑虛補臟之法也。

【禁忌】 多食壅氣。傷寒寒熱。外邪方熾者忌。

【用量】 自三錢至五錢。子與皮同。花一錢五分。至三錢。

【炮製】 生用。或炒用。用皮者。水浸剝皮棄子。

【配合】 同木瓜。治傷暑霍亂。同藿香、砂仁、杏仁、木瓜、厚朴、人參、白朮、茯苓、半夏、甘草。治夏月飲食不調。內傷生冷。外傷暑氣。寒熱交作。霍亂吐瀉。及伏暑煩悶等證。

蓮 藕蓮子 石蓮子 蓮房 花 鬚 葉 蒂 節 梗

【品狀】 水果類。春從宿根生新葉。初小謂之荷錢。稍大浮水謂之水葉。地下莖即藕也。葉初爲卷葉。後舒長作圓形。橢狀。初夏開大花。有紅有白。子實包於蓮房中。謂之蓮子。老則乾硬。紅花者結實。稱之曰紅蓮子。白花者結實。稱之曰白蓮子。我國各地均產。而以湘閩者爲勝。

【性味】 藕味甘性涼。無毒。得天地清芬之氣。稟上中沖和之味而生。蓮子味甘澁性平。無毒。得茯苓、山藥、白朮、枸杞良。蓮鬚味甘澁。性微溫。無毒。忌地黃、蒜、葱。

【歸經】 藕入心、肝、脾、胃四經。爲祛瘀生新之品。生用寒。熟用溫。蓮子入心、腎、脾三經。爲資養後天元氣之品。蓮鬚入腎經。兼入心經。爲固真澁精之品。

【功效】 生藕消瘀滌熱。熟湯和血養陰。蓮子平補心脾。下交腎水。安寧神智。上澤容顏。因其甘可調中。且厚腸而止瀉。皆謂澁能固脫。治遺濁以藏精。蓮房苦澁性偏溫。血室崩淋用宜。若論花鬚。甘澁固精可斂脫。欲知荷葉。苦平散水並升清。鮮者可解暑邪。用邊有效。乾者能宣脾胃。當炙爲良。蒂則上升。舉清陽之下陷。節能止澁。固失血之妄行。

【研究】 生藕甘涼入胃。清煩熱。止嘔渴。大能開胃。其性善消瘀血。凡產後一切生冷皆忌。惟

藕不忌。以其能消瘀也。蒸熟則白變爲紫。涼變爲溫。其消瘀滌熱之功。一變而爲補陰養臟。亦如地黃之生熟異用也。搗浸澄粉服食。治虛損失血。蓮子甘澇性平。得水土之精英。補中養神。益氣清心。入心脾腎三臟。補而兼固。故能補中治瀉。安神固遺。使水火相交。中土受益。治療服食兩者均宜。去心用心苦寒。清心去熱甚效。紅蓮子煮之易爛。白蓮子性堅硬。煮爛較難。石蓮子本蓮實。老於蓮房。墮入淤泥。經久堅黑如石。故以得名。味苦性寒。爲熱毒噤口痢之專藥。取水土之餘氣。補助脾陰。而滌除熱毒。然必兼人參之大力。開提胃氣。方始克應。若痢久胃氣虛寒。口噤不食。則爲戈戟也。至於腎虛精滑之人。誤認髓臟有熱。而峻用苦寒。斲伐虛陽。精愈不能收攝矣。此藥必以真者爲佳。若出自粵東。產於樹上。大苦大寒。大傷胃氣。誤投傷殘之軀。必致斃命。蓮房苦澇溫。入心肝血分。專主澇血。凡一切下血溺血血崩等證。皆宜炙黑用之。大抵瘀者可消。而新者可固也。蓮花貼天泡濕瘡甚效。白蓮花蒸露。爲解暑清熱之妙品。蓮鬚味甘澇性平。入心腎。功專固攝。凡屬心腎不固之證。皆可用之。然惟欲勤精薄者爲宜。亢陽不制者勿用。恐其兜澇爲患也。荷葉苦平氣香。色青形仰。以其象震也。故能入肝。肝爲藏血之地。故有散血升清之功。又能治水氣浮腫等證。亦血化爲水之水。荷葉不特功專散血。

且生於水而性不沾水，故亦能治水也。凡夏月之物，皆能解暑。況葉之輕浮在上，邊有舒散之意哉。乾荷葉又能生發元氣，助脾胃，故補脾胃藥，往往用之。荷蒂性同於葉，惟舉托之功，此爲尤勝。凡清氣下陷，胎元不足者，亦均用之。藕節味苦澇性平，消瘀血，澀新血，消瘀是其本性。然味過於澇，故止血之力尤爲長耳。荷梗苦平，有清暑利濕，調氣通乳之效。按蓮肉生於水澤，長於夏令，凝純陽而結，得天陽地陰，澆洽之氣，稟性和平，成清芳之質。用之去衣，主醒脾和胃，益肺厚腸，養精神，補元氣，利耳目，長肌肉，止脾瀉，瀉痢後宜倍用之。若連衣，色類於血，味澀能斂，諸失血後，佐參苓以補脾陰，使統血歸經，妙甚。石蓮肉，味苦清火，帶澀斂熱下行，善解憂愁抑鬱，心火上炎而尅肺金，主治口苦咽乾，五心煩熱及心虛生熱，痢疾口噤，便濁遺精，上能清養心肺，下能收攝腎水，心腎不交，用爲良劑。若書則發熱，夜則安靜，是熱在氣分，以此同參芪爲清心蓮子飲，退熱甚效。荷葉中央空虛，象震卦之體，其色青，其形輕，類於風木，其味苦，其性涼，其品清，與膽腑清淨之性合，用此以佐膽氣，如嗽久者，肺金火熾，尅伐肝膽，用小荷錢入煎劑治之，真良法也。雖取其香，香益脾氣，開胃和中，易老製枳朮，用荷葉煮飯爲丸，滋養脾胃，然其義深遠，不專補脾，蓋飲食入胃，藉少陽膽氣升發，脾能運化，若脾胃虛，因膽氣弱，

不得升上。雖用此治脾實。資少陽生發之氣。東垣至晚年始悟此理。以爲神奇。

【實驗】蓮子有滋養性收斂性。而無奮興性。補中養神。能滋養交感神經。若交感神經強。則心力亦強。同時抵抗疾病之力增進。而可免除一切疾病。藕富於單寧酸。尤以節部爲多。單寧酸有收縮血管之性。故爲咯血之止血藥。又爲下痢之止瀉藥。

【禁忌】蓮子消化不良。與大便燥結者忌。蓮鬚小便不利者忌。荷葉升消散耗。虛者禁之。

【用量】蓮子、石蓮、蓮房、蓮鬚三錢。荷花一錢五分。荷葉一角。荷蒂三只。藕節三個。荷梗一尺。

【炮製】蓮子去心。石蓮打碎去殼與心。蓮房藕節炒黑用。鬚葉蒂生用炒用。隨證而施。荷梗刮去刺用。

【配合】生藕汁同髮灰。治血淋脹痛。蓮子納入豬肚內。煮熟打爛爲丸。能補虛益損。石蓮子同人參、黃芪、茯苓、柴胡、黃芩、地骨皮、麥冬、車前子、甘草。治心火淋濁。蓮房同荊芥穗。燒灰研末沖服。治血崩不止。蓮鬚同潼蒺藜、牡蠣、龍骨、蓮子、芡實。研粉蜜丸。治心腎不交。遺精夢洩。荷葉同升麻。蒼朮煎服。治雷頭風。藕節煎湯和入童便。治產後血悶。

石膏（附）寒水石

【品狀】 石類。我國湖北應城、山西平陸產之。百分中含二十分之結晶水。不含水者曰硬石膏。屬一科晶系。多白色。或帶灰褐。透明或不透明。有真珠光。或絲光。水略溶而無味。晶形明顯。雙晶者不多。常爲潛晶質。成纖維狀者曰纖維石膏。爲粒狀者曰雪花石膏。無色透明者曰透明石膏。

【成分】 爲硫酸鈣 $\text{CaSO}_4 \cdot 2\text{H}_2\text{O}$ 。此外夾雜矽酸、礬土、氧化鐵等。

【性味】 味甘辛性寒。無毒。體重。氣味俱薄。稟金水之正。得天地至清至寒之氣以生。可升可降。陰中陽也。雞子爲使。惡巴豆、畏鐵。

【歸經】 入胃經、兼入肺三焦二經。爲瀉熱解肌之品。三經氣分藥。

【功效】 退肺胃之火邪。清暑除煩。能止渴。解陽明之鬱熱。祛溫逐疫。可消癰。性屬甘寒。質頗重鎮。

【研究】 石膏大寒質重味甘之物。直清肺胃。相傳解肌之說。皆因表有風寒。裏有鬱熱。故正氣被鬱。不得透達於表。鬱熱解。則表裏通矣。大青龍之制。亦猶是耳。蓋質重性寒味甘之品。清裏熱爲有餘。解肌表爲不足耳。潔古曰。此乃陽明經大寒之藥。善治本經頭疼、牙痛、中暑、潮

熱消渴。然能寒胃。令人不熱。非腹有極熱者不宜輕用。又有血虛發熱。象白虎證。及脾胃虛勞。形體羸瘦。初得之時。與此證同。醫者不識。而誤用之。不可救也。東垣曰。此足陽明藥。仲景治傷寒陽明證。身熱。目痛。鼻乾。不得眠。身以前。胃之經也。胸前。肺之室也。邪在陽明。肺受火制。故用辛寒以清肺氣。所以有白虎之名。肺主西方故也。又治三焦皮膚大熱。入手少陽也。凡病脈數不退者宜用。胃弱者不宜用。黃宮繡曰。石膏甘辛而淡。體重而降。其性大寒。功專入胃。清熱解肌。發汗消鬱。緣傷寒邪入陽明胃腑。內鬱不解。則必日晡熱蒸。口乾舌焦。唇燥。腹堅痛。不解。神昏譫語。氣逆驚喘。溺閉渴飲。暨中著自汗。胃熱發癍。牙痛等症。皆當用此調治。以辛能發汗。解熱。甘能緩脾益氣。生津止渴。寒能清熱降火故也。石膏有白虎之稱。於行爲金。於方爲酉。於音爲商。商者傷也。有肅殺而無生長。如不得已而用之。須中病即止。切勿過服。以戕生氣。寒水石。辛鹹重寒無毒。清肺胃。並入大腸。溫邪暑熱有功。解渴煩。且涼血分。今之寒水石。即古之方解石。敲之塊塊方解。其光潔如白石。英燒之不輒。大抵性寒質重。色白之品。與石膏主治相同。惟用者甚罕耳。古之寒水石。產於鹽地。入水即化。其鹹寒入腎。走血除熱之功。較方解石。膏等石爲勝耳。按石膏。色白屬金。故名白虎。體重性涼。而主降。能清內蓄之熱。味淡帶辛。而

主散。能祛肌表之熱。因內外兼施。故專入陽明經。爲退熱祛邪之神劑。一切譫語發狂發癎疹毒齒痛脾熱胃火皆能奏效。如時氣壯熱頭痛或身熱有汗不解及汗後脈洪而渴或暑月中熱體痛頭疼汗多大渴或瘧久熱極渴甚咽痛口乾舌焦是皆腸胃熱邪內盛蒸鬱於肌表藉此通解而行清肅之氣若無汗而渴小便不利併腹痛嘔瀉胞悶皆宜忌之。

【實驗】 體重瀉胃火氣輕解肌表生津液除煩熱止渴治狂爲清涼解熱藥能沉靜循環鎮靜神經之亢奮故心悸亢進狂譫煩躁大渴全身重痛神經痙攣等之因於高熱者用之有效。胃熱肺熱發癎尤爲必要。

【禁忌】 傷寒中風太陽證未傳陽明者及七八日邪裏結有燥屎往來寒熱宜下者或暑氣兼濕作洩脾胃弱甚者瘧邪不在陽明而不渴者產後寒熱由於血虛或惡露未盡骨蒸勞熱由於陰精不足而非由外感者均忌。金瘡下乳更非其職勿誤用也。此品治少壯火熱者功效甚速老弱虛寒者禍不旋踵又體溫低者脈緩者胃腸虛弱而腹瀉者熱不壯不渴者皆禁用。

【用量】 自三錢至一兩。

【炮製】 有軟硬二種。瑩白者良。研細甘草水飛。近人治中噤熱生用。清胃熱燉用。童便浸久。

清水漂淡，火煨研末，入外科藥中拔毒生肌，甚妙。

【配合】 同麻黃、桂枝、甘草、杏仁、生薑、大棗，治太陽中風，脈浮緊，身疼痛，發熱惡寒，不汗出而煩躁。 同麻黃、杏仁、甘草，治肺有熱邪而喘。 同知母、甘草、粳米，治肺胃實熱。 同竹葉、人參、甘草、麥冬、半夏、粳米，治肺胃虛熱。 同滑石、甘草，名玉泉散，治暑濕阻滯，煩熱溲赤。

本草用法研究

第八編 搜濕之劑

濕爲陰邪。經曰：地之濕氣，感則害皮肉筋脈。又曰：諸濕腫滿，皆屬於脾。濕者，土之氣，土者，火之子。故濕每能生熱，而熱亦能生濕。如夏熱則萬物潤溽也。濕有自外感得者，坐臥卑濕，身受水雨也。有自內傷得者，生冷酒麪，縱慾無度，又脾虛腎虛，不能防制也。有傷風濕者，有傷熱濕者，有傷寒濕者，有傷著濕者，有中濕而喎邪不遂，舌強語澀，昏不知人，狀類中風者。濕在表在上，宜發汗，在裏在下，宜滲利。裏虛者宜實脾，挾風而外感者宜解肌，挾寒而在半表半裏者宜溫散，在筋脈者宜搜剔。凡中濕者不可作中風治。本編所載，泰半搜剔之品，利濕者另立一編。

蒼朮 茅朮 (附)製蒼朮

【品狀】 山草類。多年生野草。莖高二三尺。下部木質。葉爲橢圓形，亦有複葉者。秋日開花，色白或淡紅。周圍總苞如葉狀。類覆瓦。嫩苗可食。根如薑，蒼黑色。肉白，有油脂。產江蘇茅山者，謂之茅朮。味甘，堅小形瘦多毛，有硃砂點最良。吳郡諸山者次之。楚中大塊，辛烈氣燥者爲下。

【性味】 味苦辛而甘。性溫。無毒。可升可降。陰中陽也。防風、地榆爲使。忌桃、李、菘菜、雀肉、青魚。

【歸經】 入脾、胃、肺、大小腸五經。爲祛風除濕、升陽散鬱之品。

【功效】 辛苦氣溫。燥濕強脾。能發汗。芳香質壯。宜中解鬱。並驅邪。破水結之癖囊。濁痰盡化。不胃中之敦阜。瘡癘全消。

【研究】 蒼朮味辛苦。氣香烈。燥散之性則有餘。補助之功則不足也。東垣曰：陰濕發汗。健胃安脾。治痿要藥。元素曰：蒼朮比白朮氣重而體沉。若除上濕。發汗功最大。若補中焦。除脾胃濕力。不如白朮。腹中窄狹者。須用之。震亨曰：蒼朮爲足陽明經藥。氣味辛烈。強胃強脾。發穀之氣。能徑入諸經。疎洩陽明之濕。通行歛滯。總解痰、火、濕、食、氣、血諸鬱。楊士瀛曰：脾精不禁。小便漏濁淋不止。腰背痠疼。宜用蒼朮以斂脾精。精生於穀故也。時珍曰：治濕痰留飲。或挾瘀血成窠囊。及脾濕下流。濁瀝帶下。滑瀉腸風。製蒼朮色黑。因蜜製微甘。燥性仍在。力稍緩。兼補脾。茅朮色黃微白。切片形如梅花瓣。味辛苦。性燥。氣香。入脾胃。化寒濕。瘵積。散水飲。止瀉。按蒼朮味辛。主散。性溫而燥。燥可去濕。專入脾胃。主治風寒濕痺。山嵐瘴氣。皮膚水腫。皆辛烈逐邪之功也。統治三部之濕。若濕在上焦。易生濕痰。以此燥濕行痰。濕在中焦。滯氣作瀉。

以此寬中健脾。濕在下部。足膝痿軟。以此同黃柏治痿。能令足膝有力。取其辛散氣雄。用之散邪發汗。極其暢快。合薄荷、黃芩、通解、春溫、夏熱病。佐胡柴、葛根、表散瘧疾初起。若熱病汗下後。虛熱不解。以此加入白虎湯內再解之。汗止身涼。繆仲醇用此一味爲末。治脾虛蠱脹妙絕。

【實驗】 此藥在汗腺之功用缺乏時用之。因有興奮汗腺之功用。故能出汗。然有時患濕溫病。熱度低而汗液多。且其舌苔厚膩者。成爲濕重熱輕之現狀。可用蒼朮。有止汗之效。此中醫所謂蒼朮能燥濕是也。其實所謂燥濕。卽止汗之變換字。其所以能止汗者。或由汗腺有麻痺傾向而致之出汗。服蒼朮能止汗。仍由於蒼朮之興奮汗腺之性質。而恢復其正常狀態之故。

【禁忌】 素稟肥盛多濕者爲宜。若形瘦多火。大便燥結多汗者。忌用。又熱度過高者。胃液缺乏而現舌燥者。汗液過多者。禁用。

【用量】 自一錢五分至三錢。

【炮製】 本藥製法。用糯米泔浸。刮去皮切片。同芝麻炒。或麻油炒通黃。去焦末。或去皮切片。蜜水拌飯上蒸用。又白露後。以泔水洗淨。置屋上晒露一月。謂之神朮。

【配合】 同香附能散鬱而氣平。同黃柏能治下部濕熱。同大棗能治脇下飲癖。同陳皮、甘

草、半夏、茯苓、白朮、升麻、柴胡。能治脾濕下流、腸風帶濁。同厚朴、橘皮、甘草。名平胃散。治脾胃不和、心腹脇肋脹滿刺痛、嘔惡吞酸、噎氣、體重節痛、自利霍亂。同藿香、厚朴、半夏、橘皮。治山嵐瘴氣及停痰作痞。同香附、山查、神麴、撫芎、梔子。治六鬱、胸膈痞滿、或吞酸嘔吐。同黃蘗、牛膝、木瓜、石斛。能健步潛行。同黃芪、生地、黃蘗。治一切癰瘡、濕毒、攻注、足脛成瘡、久不愈。作丸餌良。同麥冬、石斛、黃芪、白芍、木瓜、薏苡、五味子。爲治痿要藥。同四物湯、加麥冬、荆芥、防風、地榆。能治腸風下血。同雄羊肝。治雀盲。同補骨脂、川椒、茴香、青鹽、川楝子、黃蘗。治疝。同熟地、桑椹、修事、採日精、月華、乾則蜜丸。日三服。可變白。同芝麻漿拌乾爲末。空心米湯。或酒調服三錢。能滋脾腎。

豨薟草

【品狀】 豨草類。春生苗。至夏莖高三尺。方形有茸毛。葉卵形。前端尖。邊緣有粗鋸齒。自底部出三大葉脈。色淺綠。亦有茸毛如莖。皆對生。入夏梢頭開小黃花。排列爲頭狀花蕊。在花蕊之周圍者爲舌狀花冠。在中央者爲筒狀花冠。花下有苞五片。狹長如匙。亦生茸毛。花後結瘦果。有黏液線。具有一種臭氣。善附着他物。以傳播其種子。我國各地均產。江南尤多。五月五日。六

月六日。九月九日。採之晒乾佳。

【性味】 味苦辛。性生寒。熟溫。有小毒。感少陽生發之氣以生。可升可降。陰也。

【歸經】 入肝經。兼入腎經。爲祛風除濕之品。肝經血分藥。走而不洩。香可開脾。

【功效】 苦寒能除濕祛風。腎肝並入。製煉用酒蒸蜜拌。痺痿皆宜。

【研究】 豨薟草能入肝腎。祛風除濕。是其本功。至於補益之說。必須取其枝葉洗淨。用蜜酒拌透。蒸晒九次。則苦寒濁惡之性皆去。清香甘美之味俱來。凡痿痺癱瘓等疾。由肝腎虛而風濕內襲者。悉可用也。此草有臊氣。故專入肝。肝藏血。故入血分云。入腎者。乙癸同源也。生者苦寒。能散血中風邪。濕熱一經製煉。則轉爲甘溫。於祛風逐濕之中。有補益肝腎之功矣。時珍曰。治肝腎風氣。四肢痲痺。骨痛膝弱。風濕諸瘡。張璐曰。生者搗服。能吐風痰。其能傷胃可知。吳儀洛曰。長於理風濕。畢竟是燥血之品。恃之爲補。非是。

【禁忌】 繆仲醇曰。痺痛由脾腎兩虛。陰血不足。不由風濕而得者。忌服。以此爲風藥。凡風藥皆能燥血也。按此指豨薟一味而言。若佐以養血滋陰之品。不妨用之。

【用量】 自二錢至四錢。

【炮製】 本藥去粗莖，留枝葉花實，酒拌蒸晒九次。若非九次，陰濁之氣未盡，則不能透骨搜風而却病也。搗汁熬膏，以甘草、地黃煎膏，煉蜜收三味膏，酒服尤效。

【配合】 同臭梧桐等分，酒製晒乾爲末，蜜丸，每日服四錢。治男婦感受風濕，脈絡壅閉不舒，致成兩足痿軟，步履艱難，狀似風癱諸症。

白蘚皮

【品狀】 山草類。產我國中部各省，苗高尺餘，莖青，葉稍白如槐，亦似茱萸。四月開花淡紫色，似小蜀葵花。根似小蔓青，皮黃白而心實。宜二月採根，若四月五月採，便虛惡矣。

【性味】 味苦微鹹，性寒，無毒。惡桑螵蛸、桔梗、茯苓、葶藶。

【歸經】 入肺、脾、胃、大小腸五經，爲燥濕除熱之品。

【功效】 氣寒善行，味苦能降，清脾胃之濕熱，導水宜邪。治癰癩與瘋疥，行皮達肺。

【研究】 白蘚皮苦寒，直清肺脾濕熱下行，故本經能治女子淋瀝，陰中腫痛等證，亦謂其下行而祛濕熱也。肺主皮毛，脾主肌肉，肺脾之濕熱清，則皮肉之疥癩可愈耳。功用不過如此。又此藥味兼微鹹，能行血分，然沈陰之性，若下部虛寒者，不可用之。且其根有羶濁之氣，又易敗

胃。李時珍曰。白蘚皮氣寒善行。味苦性燥。足太陰陽明經。去濕熱藥也。兼入手太陰陽明。爲諸黃風痺要藥。世醫止施之瘡科。淺矣。

【實驗】 此藥可用之治雜麻質斯。然最常用者。卽爲治療皮膚病。以及瘡毒之特效藥。此卽中醫所謂治濕瘡之特效藥也。尋常之皮膚病。內服外用均可。

【禁忌】 下部虛寒之人。雖有濕證。勿服。又因外感惡寒而頭痛者。舌發紅。人體瘦削者。腹瀉者。均忌用。

【用量】 自一錢五分至三錢。

【炮製】 本藥取根去心。用皮洗淨切細用。

【配合】 同牛膝、石斛、薏苡仁、黃蘗、蒼朮。療足弱頑痺。去下部濕熱。加金銀花、漢防己。治下部一切濕瘡。

狗脊

【品狀】 山草類。李時珍曰。狗脊有二種。一種根黑色如狗脊骨。一種有金黃毛如狗形。皆可入藥。其莖細而葉花兩兩對生。葉有齒。背面皆光。其根大如拇指。有硬黑鬚簇之。春秋採根曝

乾。產太行山、淄溫、眉州等處。

【性味】 味苦甘。性微溫。無毒。稟地中清陽之氣。兼感天之陽氣而生。可升可降。陰中陽也。草解爲使。惡香附、敗醬。

【歸經】 入腎經。兼入肝經。爲補而能走之品。平補肝腎。苦堅腎。溫養氣。甘益血。

【功效】 苦甘有強筋骨之功。腎肝並補。溫燥能利機關之疾。痺痿皆瘳。

【研究】 狗脊苦溫性燥。長於治風寒濕痺。利機關強腰膝。是其本功。至益肝腎。壯筋骨。補性似不足耳。此藥苦中兼甘。性溫而燥。其色紫如肝。腎虛而有風寒濕邪。痺着關節者。最爲相宜。若純虛無邪。亦非其治也。時珍曰。強肝腎。健骨。治風虛。汪昂曰。凡病後足腫。但節食以養胃氣。外用狗脊煎湯浸洗。徐靈胎曰。此以形爲治。狗脊徧體生毛。而多節。頗似狗之脊。諸獸之中。惟狗狡捷。而此藥似之。故能入筋骨機關之際。去其凝滯寒濕之氣。而使之強健利捷也。形同而性亦近。物理蓋可推矣。黃宮繡曰。狗脊苦能燥濕。甘能益血。溫能補腎。養氣。濕除而氣自周。氣周而溺不失。血補而筋自強。筋強而風不作。是補而能走之藥也。

【實驗】 此藥能治維麻質斯。特效於腰部關節之疼痛。

【禁忌】 腎虛有熱，小水不利，或短濇黃赤，口苦舌乾，均忌。急性腎炎腰痛及脊骨病疼痛之
多內熱者，忌用。

【用量】 自二錢至四錢。

【炮製】 火燎去毛，切片，酒拌蒸，曬乾用。

【配合】 得鹿茸、白芷、艾葉、茯苓、蛇床子、浴室女、衝任帶脈虛寒、下白帶、得牛膝、菟絲子、地黃、山茶萸、鹿角膠、杜仲、固精強骨、壯腰腎、得沉香、牛膝、石斛、木瓜、五茄皮、白蘚皮、菊花、刺蒺藜、能通利關節、除五緩六急。

牛膝

【品狀】 陽草，生於原野雜草，春生苗，高四尺，莖方形，有膨大之節，狀若牛之膝，葉長卵形，成
橢圓形，全邊而尖，對生，夏開小花，綠色，穗狀花蕊，後結小刺實，易着於人衣，根長大至三尺而
柔潤者為佳，九月末取根，水中浸兩宿，撥去皮，裹紮曝乾，產我國四川等省，川產者粗而黑，懷
產者白而長，無傍鬚。

【性味】 味苦酸，性平，無毒，氣薄味厚，稟地中陽氣，兼乎木火之化，以生，降也，陰中陽也，惡鼈

甲畏白前。忌牛肉乳。

【歸經】 入肝腎二經。爲走而能補之品。能引諸藥下行。

【功效】 滋肝助腎。生者破血行瘀。鹽炒酒蒸。熟則強筋健骨。具苦酸平和之性。治拘攣痺着之邪。懷產者。象若枝條。下行力足。川產者。形同續斷。補益功多。

【研究】 牛膝。今江淮閩粵等處。皆有之。惟以懷慶及川中所產者良。亦地土之各有異宜。故功用亦有差等耳。性善下行。製炒則補益肝腎。生用則專去惡血二者而已。懷牛膝根細而長。川牛膝根粗而大。欲行瘀達下則懷勝。補益肝腎則川勝耳。張子和曰。大法治淋。宜通氣清心。平火利濕。不可用補。恐濕熱得補增劇也。牛膝爲淋證要藥。血淋尤宜之。杜牛膝亦可。又有中氣不足。致小便不利者。宜補中益氣。不可用淋藥通之。徐靈胎曰。凡物之根皆橫生。而牛膝獨直下。其長細而韌。酷似人筋。所以能舒筋通脈。下血降氣。爲諸下達藥之先導也。筋屬肝。肝藏血。凡能舒筋之藥。俱能治血。故又爲通利血脈之品。張璐曰。牛膝氣薄味厚。性沉降泄。乃足厥陰少陰之藥。本經專主寒濕痿痺。四肢拘攣等病。不及補養下元之功。豈聖法有所未盡歟。丹溪言牛膝能引諸藥下行筋骨。痛風在下者宜加用之。其性雖下行走筋骨。然滑利之

品。精氣不固者。終非所宜。惟川產者。氣味形質。與續斷彷彿。庶無滑精之虞。蓋腎司閉藏。肝司疎泄。此味專司疎泄。而無固熱之功。世俗妄謂益腎。而培養下元藥中。往往用之。與延盜入室何異。若蒸製不妨用之。按牛膝。酸能斂。苦能下。用之入腎。腎主閉藏。澀精斂血。引諸藥下行。生用則宜。主治癱閉管澀。白濁莖痛。瘀血阻滯。癥瘕凝結。女人經閉。產後惡阻。取其活血行下之功。酒製熟則補。主治四肢拘攣。腰膝腿疼。骨節流痛。瘡疾燥渴。濕熱痿痺。老年失溺。取其補血滋陰之力也。若瀉痢脾虛。而腿膝痠疼。及孕婦皆不宜用。得酒蒸。則能補肝腎。養筋骨。生用則去惡血。其治腰膝骨痛。足痿。陰痿失溺。久瘡傷中。少氣諸病。非取其補肝腎之功歟。其癥瘕。心腹諸痛。癰腫惡瘡。金瘡折傷。喉齒淋痛。尿血。經候胎產諸病。非取其去惡血之功歟。

【實驗】 牛膝治下肢之急性關節炎。凡在腰以上之疼痛。不可用之。蓋其藥力向下達也。又其性爲苦平酸。能毀壞卵巢之分泌。或減低子宮之養育力。故能墮胎。

【禁忌】 氣虛下陷。大便易泄。夢泄遺精。妊娠崩漏。及脾虛下陷。因而腿膝腫痛。均忌。上焦藥中勿入。故腹瀉者不能用。腰以上之疼痛不能用。

【用量】 自二錢至四錢。

【炮製】 時珍曰：今惟以酒浸入藥，欲下行則生用，滋補則焙用，或酒拌蒸濕用，或鹽水炒用。

【配合】 同白朮、仙茅、木瓜、石斛、茯苓、石楠葉、五加皮、萆薢、生地、黃芪、芍藥、虎骨、沉香、桂、治諸痺。同甘菊花、石斛、木瓜、何首烏、地黃、虎骨、沉香、人參、白朮、黃芪、天冬、麥冬、杜仲、續斷、芍藥、橘皮、黃檗、桑寄生、白蘚皮，治一切痿痺、四肢拘攣、筋骨疼痛。同當歸、地黃，能下死胎，加朴硝立下胞衣。同木瓜、石斛、萆薢、生地、黃檗、五加皮、骨碎補、續斷、金銀花、白朮、芍藥、甘草、甘菊根、紫花地丁、茜草、連翹，治鶴膝風。根苗同用，二兩濃煎，調鼈甲末三錢，空心服，治瘡在陰分，久不瘥者，三劑必已。胃虛者，加人參、橘紅。同青蒿、生地、麥冬、枸杞熬膏，治婦人血虛發熱，內熱口乾，舌苦，鮮牛膝三四兩，白酒濃煎服，治小便不利，莖中痛欲死，兼治婦人血結，腹堅痛，立愈。

續斷

【品狀】 隰草類，極似芥葉，多刺，類大薊，梢端夏出一苞，黑刺如球，大如千日紅花，苞開白花，宛如蔥花，莖勁，經冬不折，葉似傍翁菜，而小厚，兩邊有刺刺人，根粗，類薊，乾者皮黃，有皺裂，破折則發塵粉，七月八月採根陰乾，川產者良，狀如鷄腳，皮黃皺，節節斷者真。

【性味】 味苦辛，性微溫，得土金之氣，兼稟天之陽氣以生，可升可降，陽也，地黃爲使，惡雷丸。

【歸經】 入肝腎二經。爲專益筋骨之品。理腰腎要藥。治胎產續絕傷。

【功效】 益肝腎。筋骨能強。利機關。勞傷可續。治帶脈之鬱結。煖子宮之虛寒。抑且補而能宣。味苦性溫。瘵可散。況復行而不洩。婦人外證。病咸宜。

【研究】 續斷以其能接續斷絕筋骨故名。而筋骨主於肝腎。故專入肝腎。考其苦溫之性。以及本經主治。畢竟行散之力有餘。補益之功不足。婦人血脈因寒瘀阻。外科已潰未潰等證。皆可治之。續斷之性味主治。與牛膝相近。但下行之力。牛膝爲良。宣補之功。續斷較勝耳。肝腎不足。風寒痺於下焦血分者。更宜。徐靈胎曰。此以形爲治。續斷有肉有筋。如人筋在肉中之象。而色帶紫黑。爲肝腎之色。故能補續筋骨。又其性直下。故亦能降氣以達下焦也。張璐曰。續斷入肝。主續筋骨。爲婦人胎產崩漏之首藥。又主帶脈爲病。久服益氣力。利關節。治腰痛。煖子宮。療金瘡折傷。散癰腫瘀血。療婦人乳難。本經治傷中補不足等病。總取和血通經之義。又能止小便多。治遺泄。古方血痢用平胃散一兩。續斷三錢爲末。每服三錢。水煎服即愈。黃宮繡曰。續斷因何以續爲名。蓋緣其味苦。其性溫。能入腎經以補骨。又緣其味辛。能入肝經以補筋。味兼甘。又入中州以補虛。凡跌撲折傷癰腫。暨筋骨曲節血氣阻滯之處。服此即能消散。止痛。

生肌且審其味澆故能止血治漏並縮小便固精安胎久服能氣力倍增筋斷復續故曰續斷實疏通氣血筋骨第一藥也。第因氣薄而見精脫胎動溺血失血等症則又深忌以其性下流故耳。按續斷善理血脈治傷損外消乳癰瘰癧內清痔漏腸紅用以調經安胎最爲穩當。走肝腎之經故治小便頻數腰背痠疼足膝無力若同紫苑用之調血潤燥治血枯便閉大能宣通血氣而不走泄。

【實驗】此藥有益氣力作用可重用於虛弱性疾患因其性微溫而能促進血液之循環故可連續因折跌而斷之筋骨。

【禁忌】禁與苦寒藥同用以治血病及與大辛熱藥用於胎前又有高熱者有內熱者忌用。

【用量】自一錢五分至三錢。

【炮製】雷公曰取根橫切又去向裏硬筋酒浸一伏時焙用。

【配合】與當歸、牛膝、肉桂、延胡索同用行血理傷。與鹿角膠、阿膠、地黃、麥冬、杜仲、人參、山萸、杞子、黃芪、五味同用止血療崩中補不足。

【品狀】 香草類。葉長橢圓形，背有輓毛。夏初發芽，並抽花莖，高七寸，有二小葉包之，莖上遍生鱗狀苞。每苞開二花，爲漏斗形，色黃不結實。根盤屈，類生薑，圓而有節，黃色。有二種，蜀川生者，色黃質嫩，有鬚，折之中空，有眼，切之分爲兩片者，爲片子薑黃；江廣生者，質粗形扁如乾薑，僅可染色，不入湯藥。若誤用，有耗氣之患，而無治療之功也。

【成分】 爲揮發油、脂肪、黃色素（卽克兒克明）。

【性味】 味辛苦性熱，得火氣多，金氣少，以生降也。陽中陰也。

【歸經】 入脾經，兼入肝經，爲破血行氣燥濕之品，血中氣藥。

【功效】 入肝脾破氣行瘀，味苦辛，蠲痺散腫，片子橫行肢臂，氣溫解逐風寒。

【研究】 薑黃形如鬱金，但色黃爲異，苦辛溫之性，入脾達肝，其苦能破氣行血，消癰腫，治癥瘕，其辛能橫行肢臂，故又能逐風痺寒濕等疾。薑黃色黃氣香，血病藥也，能宣通血中之氣，使氣行而血無壅滯，而後知其治風痺等證，皆出於行血理氣之功耳。如風痺等證，由於虛者，忌之。藏器曰：薑黃辛溫，色黃，鬱金苦寒，色赤。薑黃入脾，兼治血中之氣，鬱金入心，單治血。元禮曰：片子薑黃能入手臂，治風寒濕痺臂痛，其兼理血中之氣可知。仲醇曰：能入手臂治痛。

何莫非下氣破血。辛走苦洩之功。歟。察其氣味治療。乃介乎三稜鬱金之間。黃宮繡曰。鬱金入心。專瀉心胞之血。莪朮入肝。治氣中之血。三稜入肝。治血中之氣。延胡索則於心肝血分行氣。氣分行血。此則入脾。既治氣中之血。復兼血中之氣耳。

【實驗】 此藥辛能祛風。苦能燥濕。熱能行血。有此三種作用。故爲治風濕痺痛之主要藥。

【禁忌】 凡血虛臂痛。血虛腹痛。而非瘀血凝滯。氣逆上壅。作脹者。均忌。若誤用。則愈傷血分。令病轉劇。

【用量】 自一錢五分至三錢。

【炮製】 本藥選用產者切片用。

【配合】 得當歸、地黃、牛膝、延胡索、肉桂。治一切積血。在腹作痛。同肉桂、枳殼。治右脇痛。臂病。同桂心等分爲末。酒服。治產後血痛有塊。血下盡即愈。

蛇床子

【品狀】 香草類。多年生草。莖初臥地似蛇狀。後昂起。高尺餘。葉爲羽狀複葉。互生。夏月開小花。色白五瓣。有大花梗。爲複繖形花蕊。花瓣尖端微曲。花後結裂果。外面黃褐色。帶茸毛。六七

月開花。花間結實。花時點綴原野。甚美觀也。其子兩片合成。似蒔蘿子而細。亦有細稜。產揚州襄州者爲良。

【成分】 含揮發油。於油中有左旋性皮嫩。左旋性加謨芬。及異性鱈草酸。薄兒尼愛斯推兒。

【性味】 味苦辛。性溫。有小毒。感天地之燥氣而生。可升可降陽也。惡丹皮。貝母。巴豆。伏硫黃。

【歸經】 入命門三焦二經。爲疏風去濕之品。二經氣分藥。補腎散寒。強陽益陰。

【功效】 助陽煖下。有祛除寒濕之功。入腎行脾。乃辛苦性溫之力。陰蝕蟲瘡等證。煎洗頗宜。風淫疥癩諸瘡。外敷有效。

【研究】 蛇床子苦辛溫。微毒。入腎臟。補下元。祛寒濕。煖子宮。殺蟲疥。治陰痿囊濕等證。古人每用以內服。極云有效。今皆外治方多用之。或煎湯薰洗。或研末調敷。亦世俗之不同耳。張璐曰。蛇床子辛香性溫。專入右腎命門。少陽三焦氣分。本經列之上品。不獨助男子壯火。且能散婦人鬱抑也。

【實驗】 此藥有收燥止癢。與消炎殺菌之作用。能治慢性羅麻質斯。

【禁忌】 凡右腎命門有虛寒證者宜用。若腎家有火。下部有熱。及陽易舉者。雖有濕。宜斟酌。

用之。

【用量】 白一錢五分至三錢。

【炮製】 雷公曰：凡使百部濃汁浸一宿，曬乾，生地汁拌蒸半日，曬乾用。大明曰：按去殼，取仁，微炒殺毒，卽不辣，浴湯生用。

【配合】 同巴戟天、牛膝、續斷、地黃、黃蘗、鹿角膠，治婦人陰中腫痛。同黃蘗、山茱萸、五味子、茯苓、車前子、香附、續斷、補骨脂，治一切帶下，赤者加阿膠，鹿角膠。

豆卷

【品狀】 菽豆類。李時珍曰：壬癸日，以井華水浸黑豆，候生芽，取皮陰乾用。但近今均連芽用之。

【性味】 味甘性平，無毒。得前胡、杏仁、牡蠣、天雄、烏喙、鼠屎，共蜜和良。惡海藻、龍膽草。

【歸經】 入胃經，爲化濕散熱除陳去積之品。

【功效】 甘平解毒宣風濕，筋脈舒攣逐水邪。

【研究】 豆卷，卽黑豆浸水中生芽者也。其性味功用與黑豆大同，然其浸水生芽，則有生發

之氣。故亦能解表。黑豆本入腎。腎者主水。再以水浸生芽。宜乎治上下表裏水濕之邪。無餘蘊矣。至於宣風解毒。乃豆之本性。能舒筋者。亦因水濕所困耳。宣明方曰。此藥主五臟留滯。胃中結聚。故能治邪在血脈之中。水痺不痛。上下周身。名曰周痺。只用一味炒研。每湯下半錢。日三服。時珍曰。除胃中積熱。消水病脹滿。張璐曰。本經治濕痺。筋攣膝痛。除胃氣結積。益氣解毒。金匱薯蕷丸用之。取其入脾胃。散濕熱也。接近今醫家。常用以治四五日間熱病。而作發汗劑也。

【禁忌】 無濕熱與表邪者。勿用。汗多者勿用。

【用量】 自三錢至五錢。

【炮製】 先哲馬元儀。以麻黃水浸黑豆出芽。用治表邪甚效。

【配合】 同醋炒大黃等分爲末。治水腫喘急。大小便澀。葱梢皮湯服二錢。平明以利爲度。

海桐皮

【品狀】 喬木類。生南海山谷中。樹似桐。其皮黃白色。故一名刺桐。入藥專用其皮。

【性味】 味苦辛。性平。無毒。稟木中之陰氣以生。降也。陰中陽也。

【歸經】 入脾胃二經。爲祛風逐濕之品。專行血分。去風殺蟲。能行經絡。直達病所。

【功效】 味苦性平。治痺疾諸邪。羈留下部。循經達絡。入腎肝血分。宣導沈疴。

【研究】 海桐皮苦平無毒。沈降下行。能入肝腎血分。循經達絡。蠲除下焦風寒濕痺。爲宣散之品耳。時珍曰。去風殺蟲。煎湯洗赤目。

【禁忌】 腰痛非由風濕者忌。

【用量】 自二錢至四錢。

【炮製】 將皮洗淨去刺。切斷用。古方多用浸酒。治風蹶腰膝痛不可忍。

【配合】 同薏苡仁、牛膝、川芎、羌活、地骨皮、五茄皮、甘草。生地浸酒服。治風濕熱流注下焦。腰膝痛不可忍。同川槿皮、輕粉、蛇床子、山大黃爲末。傅癰疽。

五加根皮

【品狀】 落葉灌木。莖赤有刺。葉掌狀複葉。有長葉柄。每一葉下生一刺。自五小葉成。小葉無柄而有鋸齒。繖形花蕊。花小帶白色。花瓣五。雄蕊五。春採新葉淪茗而飲之。又植園圃周圍。藉爲籬籬。此藥以五葉交加者良。故名。根皮黃黑。肉白。氣香。骨堅硬。產我國中部各省。

【性味】 味辛苦性溫無毒。在天得少陽之氣，爲五車星之精，在地得火金之味而生，氣味俱厚，降也陰也。遠志爲使，惡元參、蛇皮。

【歸經】 入肝腎二經，爲祛風濕壯筋骨之品。

【功效】 治下焦痺濕風寒，苦辛兼備，強腰膝虛羸痿躄，肝腎咸溫。

【研究】 五加皮辛苦溫無毒，入肝腎祛散下焦風寒濕痺，腰膝疼痛，腳氣痿弱等證。邪去則肝腎強，筋骨利，故能益精補虛。此物雖無純補之功，亦無損正之害，是以有久服輕身之說也。如肝腎虛，下部無有風寒濕邪而火者勿服。《初菴》曰：辛順氣而化痰，苦堅骨而益精，溫祛風而勝濕，逐皮膚之瘀血，療筋骨之拘攣。

【實驗】 此藥有消散性，並能促進排泄性，能治慢性羅麻質斯。對於下肢有興奮性，能益氣療躄。

【禁忌】 下部無寒濕邪而有火，及肝腎虛而有火，均忌。又舌紅燥者，及溫度高之疼痛症，忌用。

【用量】 自二錢至四錢。

【炮製】 取根皮洗淨用。浸酒良。

【配合】 同牛膝、木瓜、黃蘗、麥冬、生地、薏苡仁、石斛、虎脛骨、山藥。治濕熱痿痺。腰以下不能行動。同續斷、杜仲、牛膝、山茱萸、巴戟天、補骨脂。治腎虛寒濕客之作腰痛。同白朮、蒼朮、萆薢、石菖蒲、薏苡仁、刺蒺藜、菊花、防風、羌活、獨活、白蘚皮、石斛。治風寒濕成痺。同菖蒲、連翹、蒼朮、黃蘗、黃芪、薏苡仁、金銀花、鼈虱胡麻、木瓜、土茯苓。治下部濕疔久不愈。兼治膿窠瘡如神。同黃蘗、菖蒲、蛇床子。俱爲細末。傅囊濕神效。如作湯沐。加荊芥、苦參、防風。

杜仲

【品狀】 喬木類。高數丈。葉作倒蘆之卵形。端尖。花實俱苦澁。樹皮細膩。有黃白斑紋。折之有白絲相連。六月七月九月採皮。產漢中建平宜都等處。皮薄肉厚。色紫。折之多絲者佳。

【性味】 味辛甘。性溫。無毒。微稟陽氣。厚得金氣而生。氣薄味厚。降也。陽中陰也。惡元參、蛇脫。

【歸經】 入腎肝二經。爲助益腰膝之品。色紫歸肝經。氣分。肝充則筋健。腎充則骨強。

【功效】 氣溫而厚。味甘且辛。益腎培肝。腰膝虛痛。用取治。除寒勝濕。筋皮連續。類相求。

【研究】 杜仲折之有絲不斷。色紫。獨入肝經。味辛甘而溫。善祛逐下焦寒濕。邪去則肝得溫。

養以遂其生發之性。乙癸同源。子實則母不虛。故又能補腎也。須知杜仲祛邪之力有餘。補養之功不足耳。李時珍曰。杜仲古方只知滋腎。惟王好古言是肝經氣分藥。潤肝燥。補肝虛。發前人所未發也。蓋肝主筋。腎主骨。腎充則骨強。肝充則筋健。屈伸利用。皆屬於筋。杜仲色紫而潤。味甘微辛。其氣溫平。甘溫能補。微辛能潤。故能入肝而補腎。子能令母實也。李言聞曰。腰痛不已。屬腎虛。痛有定處。屬死血。往來走痛。屬痰。腰冷身重。遇寒便發。屬寒濕。或痛或止。屬濕熱。而其原多本於腎虛。以腰者腎之府也。胎瀝者。懷孕瀝血。胎易墮者。胎元不固也。而杜仲均能治之。徐靈胎曰。杜仲木之皮。木皮之韌且厚者。此爲最。故能補人之皮。又其中有絲連屬不斷。有筋之象焉。故又能續筋骨。因形以求理。則其效可知矣。黃宮繡曰。杜仲能補腰脊。爲筋骨氣血之藥。痿痺難軟。必需脚氣疼痛。必用。胎滑夢遺。必投。然遺精而痛。用此益見精脫不已。以其氣味辛溫。能助肝腎旺氣也。胎因氣虛。而血不固。用此益見血脫不止。以其氣不上升。反引下降也。醫者每與牛膝地黃續斷相佐而用。但杜仲性補肝腎。能直達下部。筋骨氣血。不似牛膝達下。走於經絡血分之中。熟地滋補肝腎。竟入筋骨精髓之內。續斷調補筋骨。在於調節氣血之間。爲異耳。若安胎不審氣有虛實。輒以杜仲牛膝續斷等藥引血下行。在腎經虛寒。

者固可用此溫補以固胎元。在氣陷不升。血隨氣脫。而胎不固者。用此則氣益陷不升。其血必致愈脫無已矣。按杜仲味辛甘兼苦。沉下入腎。蓋腎欲堅。以苦堅之。用此堅腎氣。強壯筋骨。主治腰脊痠疼。腳膝作痛。陰下濕癢。小便餘瀝。東垣云。功效如神。應良不爽也。又因其體質折之內如絲綿。連續不斷。能補肝虛。使筋骨相着。治產後交骨不合。及胎產調理。跌撲損傷。所謂合骨之離。莫如杜仲是也。蓋牛膝主下部血分。杜仲主下部氣分。相須而用。

【實驗】 此藥有消散性。而能治慢性維麻質斯。有安撫性。而能止腰膝痛。益精氣。補中。能使睪丸內分泌增加。而強交感神經。

【禁忌】 腎虛火熾者忌。以其辛溫。引領虛陽下走也。即用。當與知柏同入。有高熱者。有感冒者。消化不良。舌苔厚膩者。均忌用。

【用量】 白二錢至五錢。

【炮製】 去粗皮。切斷。酥炙。蜜炙。鹽酒炒。薑汁炒。隨症而施。

【配合】 同牛膝、枸杞子、續斷、鹿角膠、地黃、五味子、菟絲子、黃蘗、山藥。治腎虛腰痛及下部軟弱無力。同川斷、山藥。打糊爲丸。治妊婦腰脊痠痛。善於小產。服此可免墮胎之患。同丹參。

川芎浸酒治卒然腰痛

桑寄生

【品狀】 寓木類。暖地不飼蠶之老桑樹。寄生一種宿木。其枯死之枝葉。俱現黃色。因採以入藥。凡寄生他物。而生在樹爲寄生。在地爲巢藪。因鳥食物。子落其枝節間。感氣而生。麥當生麥。穀當生穀。不僅此一物也。此物莖高二三尺。其根在枝節之內。其葉圓而微尖。厚而柔。而青光澤。背淡紫有茸。四月開白花。其子如小豆。生於桑上者佳。第難得真者。石頑曰。惟西蜀南粵。不經飼蠶之地始有。故真者絕少。今世皆以榕樹枝。贗充。慎勿誤用。

【性味】 味苦甘性平。無毒。感桑之精氣而生。

【歸經】 入肝腎二經。爲祛風化濕益血之品。

【功效】 壯骨強筋。補肝腎虛羸。苦平甘潤。和營通絡。治痺風痛着。關節舒和。且其養血疏風。得附大桑之餘氣。又可安胎治產。都因寓木以生成。

【研究】 桑寄生。甘苦性平。入肝又及於腎者。乙癸同源也。以其得桑之餘氣。故能治風兼治濕者。風能勝濕也。統治筋骨間風寒濕痺。此物祛邪之力有餘。補養之功不足。所云補虛羸。益

血脈者亦邪除則正受益耳。徐靈胎曰：寄生乃桑之精氣所結，復生小樹於枝間，有子之象焉。故能安胎。其性與桑相近，故亦能驅風養血。其生不著土，資天氣而不資地氣，故能滋養血脈於空虛之地，而取效更神也。黃宮繡曰：桑寄生爲補腎補血要劑。緣腎主骨，髮主血，苦入腎，腎得補，則筋骨有力，不致痿痺而酸痛矣。甘補血，血得補，則髮受其灌蔭而不枯落矣。故凡內而腰痛筋骨篤疾，外而金瘡肌膚風濕，何一不藉此以爲主治也。

【禁忌】 此藥畢竟爲祛風化濕之品，無風濕者勿用。又目翳者忌用。

【用量】 自二錢至四錢。

【炮製】 枝葉並用，以刀切之，勿見火。

【配合】 同枸杞子、地黃、胡麻、續斷、何首烏、當歸、牛膝、治血虛、手臂骨節疼痛。同秦艽、防風、細辛、川芎、白芍、桂心、茯苓、杜仲、牛膝、人參、甘草、治風寒濕痺。同阿膠、艾葉、治胎動腹痛。

松節 松香 松葉 松花 松子

【品狀】 常綠喬木，高丈，葉細長如針，幹多節，其皮粗厚有鱗形，二三月開花，結實爲松子。我國各處均產，惟遼海及雲南者，子大如巴豆可食，謂之海松子。

【性味】 松節味苦性溫。松香味苦而甘性溫。松葉味苦性溫。松花味甘性溫。松子味甘性溫。
【歸經】 松節、松香、松葉入肝、脾、腎三經。爲祛風燥濕之品。松花、松子入肺、大腸二經。爲滋潤之品。

【功效】 松節治肢節有功。燥濕宣風。痺可去。味苦溫無毒。骨強筋利。病能除。松香具止痛之能。甘溫略異。除消腫與和營之外。功用相同。

【研究】 松乃木之長。故字從公。其質堅。其性燥。味苦而溫。節乃松之骨也。故能治骨節間風濕。凡一切痺痛脚氣等證。皆可治之。浸酒良。因其能利筋骨。故入肝腎可知。松香卽松之脂也。苦而帶甘。其性本燥。其質變潤。故能活血止痛。治風殺蟲。古人煉服之法頗多。皆謂有輕身延年辟穀之功。而今人但知外治耳。生肌藥中用之者。取其濇以斂之也。松葉苦溫。可生毛髮。宜敷凍瘡。及風濕諸瘡。松花甘溫。潤心肺。益氣止血。除風。亦可釀酒。善摻諸瘡。傷損并濕爛。不痂。松子味甘。性微溫。氣香。入肺、大腸二經。爲滋潤之品。治肺燥咳嗽。大便虛秘。寇氏曰。海松子潤而不洩。同柏子仁、火麻仁。治虛秘甚良。仲仁曰。海松子氣溫屬陽。味甘補血。血氣充足。則五臟自潤。髮白不饑矣。徐靈胎曰。松之精氣在皮。故其脂皆生於皮。其質黏膩似濕而性

極燥。故凡濕熱之在皮膚者，皆能治之。凡癰疽瘡疥之疾，皆皮膚濕火所鬱，必腐肉傷皮流膿結痂而後愈。松之皮日易新，脂從皮出，全無傷損，感其氣者，即成膿脫痂而愈。義取其象之肖也。張璐曰：海松子甘潤益肺，清心止嗽潤腸，兼柏仁麻仁之功。溫中益陰之效，心肺燥痰乾欬之良藥也。

【禁忌】 松節松香松葉，血虛人忌用。松花多食發上焦熱病。海松子便溏精滑者勿與。有濕痰者亦禁。

【用量】 松節松葉，三錢至五錢。松香入湯劑二錢至四錢。末服一錢至二錢。松花一錢五分至三錢。海松子三錢至五錢。

【炮製】 松節洗淨用。松葉洗淨切細用。松香水煎百沸。白滑方可用。松花乾燥用。松子去殼用。

【配合】 松節用酒煎服。治顛撲傷損。松香研末，用熟豬油調和，搽治小兒禿瘡。松葉同鹽酒煎，漱口。治風牙腫痛。松花浸酒暖服。治頭旋腦脹。海松子同百部、麻黃、杏仁、白砂糖煎湯。治小兒寒嗽壅喘。

杉木

【品狀】常綠喬木類。杉幹端直如松。葉硬微扁如刺。冬不凋。有赤白二種。赤杉實而多油。白杉虛而乾燥。有斑紋如雉者。謂之野鷄斑。作棺尤貴。其木不生白蟻。燒灰最發火藥。入藥須用油杉。產我國之閩皖蜀黔諸省。

【性味】味辛。性微溫。無毒。得陽氣而兼金化以生。氣味芬芳。可升可降。陽也。

【歸經】入足陽明胃經。爲宣風利濕消腫之品。

【功效】辛溫開發。除心腹脹滿。腳氣腫痛。散風毒。去惡風。洗毒瘡。漆瘡。

【研究】杉氣芬芳。其性直上。其節堅勁。內服治心腹脹痛。霍亂腳氣。假其下氣散邪開發之功。外治膿瘡。漆瘡。均藉芬香解毒之力。張璐云。取薄片煮湯。薰洗膿瘡。無不獲效。按腳氣煎湯薰洗亦效。

【禁忌】稍挾虛者。忌用。

【用量】自三錢至一兩。

【炮製】洗淨用。

【配合】 杉木節、橘葉、花檳榔、童使煎服。治腳氣痞絕。脇下有塊如石。同橘皮、木瓜、香薷、砂仁、白蘊豆、石斛。治暑月霍亂轉筋。

木瓜

【品狀】 落葉灌木。高七尺。單葉。長橢圓形。有鋸齒。春先葉開花。有紅白雜色。皆甚美麗。似海棠而有五瓣。兩朵或六朵攢簇而生。果實爲漿果。面平滑。長三寸。形橢圓。味甚酸。可種。可接。可枝壓而生。產宣城者佳。

【性味】 味酸澆。性溫氣香。無毒。稟春初之氣。得曲直之化。以生。降多於升。陽中陰也。

【歸經】 入脾、胃、肺、肝四經。爲利筋骨調榮衛之品。手足太陰血分藥。

【功效】 香入肝脾。溫通經絡。氣因芳馥。筋急者得之卽舒。味則酸收。筋緩者遇之卽利。霍亂轉筋之證。用以疏和。風寒痺濕之邪。服能宣達。

【研究】 木瓜味酸澆。性溫氣香。入肝脾二經。治筋脈爲病。急者可舒。以其香也。緩者卽治。以其固也。凡霍亂轉筋。痺病脚氣等證。皆屬肝脾不和。筋脈爲病。木瓜能疏肝和脾。舒利筋脈。故均可治也。李珣曰。木瓜歛肺和胃。理脾伐肝。化食止渴。好古曰。治腹脹善噫。心下煩痞。

孟詵曰。多食木瓜。損齒及骨。皆伐肝之明驗。而木瓜爲脾肺藥。非肝藥明矣。時珍曰。木瓜所主霍亂吐利脚氣。皆脾胃病。非肝病也。肝雖主筋。而轉筋則由濕熱寒濕之邪。襲傷脾胃所致。故筋轉必起於足腓。腓及宗筋。皆屬陽明。木瓜治轉筋。非益筋也。理脾而伐肝也。土病則金衰。而木盛。故用酸溫以收脾肺之耗散。而帶其走筋以平肝邪。乃土中瀉木以旺金也。木平則土得令。而金受蔭矣。黃宮繡曰。暑濕傷人。揮霍撩亂。吐瀉交作。未有不累脾胃而傷元氣。損營衛而敗筋骨。木瓜性味酸澆。旣於濕熱可疎。復於耗損可斂。故能於脾有補。於筋可舒。於肺可斂。豈真脾肺虛弱。可爲常用之味哉。按木瓜味酸。得肝木之本氣。入肝爲血分之潤藥。蓋筋之不舒。氣之不固。皆因於濕熱。酸澀能斂熱收濕。舒筋固氣良品。肝藏血。若濕熱傷肝。血爲熱所迫。則筋轉而痛。多見於霍亂。及脚氣紅腫。一切濕痺之證。以此酸斂其血熱。而筋自舒。因能舒筋。故能益血脈也。肺主氣。若濕熱傷肺。氣爲濕所滯。則筋緩而軟。多見於暑熱。四肢困倦。神昏。腰背脚膝無力。以此酸收其脫散之氣。而氣自固。因能固氣。故能生津液也。但肝喜疏散。此味酸重。用多瀉肝。體質乾實而不濡潤。非若山菜萸可養肝耳。方書云。醒筋骨之濕。莫如木瓜。合筋骨之離。莫如杜仲。古人以此二味。酒煎治久痢。爲滑則氣脫。澀能收之。所謂氣脫能收。氣

滯能和也。

【禁忌】多食損齒。及骨病癱閉。酸收太甚故也。凡下部腰膝無力。由精血虛。真陰不足。及傷食脾胃未虛。積滯多者。不利酸收。均忌。不可與鰻鱺同食。

【用量】自一錢至三錢。

【炮製】陳者良。銅刀切片晒乾用。忌鐵。

【配合】同虎骨、附子、天麻、牛膝、菴蓉。研末爲丸。治腰脊疼痛、脚膝拘攣。同檳榔、吳萸。治脚氣入腹。困悶欲死。腹脹喘急。研末。以鱒魚身上涎調和。貼翻花痔瘡。

樟腦

【品狀】常綠喬木。產黔蜀閩廣等處。高六丈。大者十圍。葉卵形。有葉脈三條。質硬有光。背有黃赤茸。光夏開淡黃花。實大如豌豆。其木幹直。肌理生細。有香氣。可供雕刻。又可榨油。樟樹爲物。異於他樹。雖破葉亦有樟腦之香氣。全樹幾無有不合樟腦之處。葉芽與葉柄帶紅色者。謂之赤樟。樟腦最多。葉芽與葉柄現綠色者。次之。大抵樹之下部所含較多。愈上愈少也。以其幹與根。細剉爲木片蒸之。俟水氣蒸騰。卽有一種凝固之揮發油。一併昇華。此揮發油卽樟腦也。

【性味】 味辛性熱，氣芳香，難溶化於水，易消散於酒精及伊打中。

【歸經】 入脾、胃、心、肺四經，爲芳香祛濁、燥濕殺蟲、興奮之品。

【功效】 芳香燥濕，資外治之需，辛熱殺蟲，爲搽瘡之藥。

【研究】 樟腦出韶州，用樟木煎成，辛熱氣香，能於水中發火，通關竅，散寒濕，殺蟲辟惡，却有專長，究非內服之品，止可外治疥癬、腳氣，或洗或薰或搽，用其殺蟲收濕耳。按樟腦提煉純淨，以之開竅提神，化濕祛濁，內用之處甚多，惟多用則散氣耗神，當審慎耳。

【實驗】 此藥醫治陰痿、霍亂初期、疥癬，入口內，能刺激唾液神經，使唾液及口腔黏液之分泌增加，入胃中，即誘起胃部之溫度增加，令人噁氣，然不與胃液變化，至腸始次第吸入而至血中，一部分仍不變化，而由肺臟排出，一部分變爲A- und B-Camphogly K-uronsaure及Vramido-camphogly K-uronsaure二種，使血液循環迅速，大腦神經被激而興奮，全身體溫增高，精神活潑，尿汗之排泄同時增多，若服過量，則腦部被劇激而麻醉，甚由昏睡而死。

【禁忌】 氣虛內熱有火者，勿用，失眠症、精液漏、腎臟炎均忌用。

【用量】 內服自一分至三分，外用不等。

【炮製】用樟木新者切片，以井水浸三日三夜，入鍋煎之，柳木頻攪，待汁減半，柳上有白霜，即濾去滓，傾汁納入瓦盆，經宿自然結成塊也。又煉樟腦法，用銅盆以陳壁土爲粉，摻之，即摻樟腦一重，又摻壁土，如此四五重，以薄荷安土上，再用一盆覆之，黃泥封固，於火上款款炙之，須以意度之，不可太過，勿令走氣，候冷取出，則腦皆升於上盆，如此升二三次，方可充片腦也。又法用黃連、薄荷六錢，白芷、細辛四錢，荊芥、密蒙花二錢，當歸、槐花一錢，以新土盤鋪杉木片於底，安藥在上，入水半盞，洒腦於上，再以一盤合住糊口，安火煨之，待水乾取開，其腦自升於上，以翎掃下，形似松脂，可入風熱眼藥，入藥亦多以亂片腦，不可不辨。

【配合】皇漢醫方，同辰砂、硼砂、滑石，治疥癬，同厚朴、桔梗、白朮、紫蘇、白芷、甘草，治初期霍亂，同黃柏、沙參、歸身、辛夷、甘草，治陰痿。

蟾皮 蟾酥

【品狀】兩棲類，蟾一名癩蝦蟆，皮上燥而不潤，多疣狀突起，有毒腺，舌根在下唇前，捕食時亦如蛙之舐取，舌尖取向喉間，迅速異常，故古來有蟾吸蟲之說，耐飢渴，不易死，各處有之。

【成分】皮腺分泌物中之一種毒液，曰加瑪因。

【性味】 蟾皮味辛甘性涼。有小毒。蟾酥味辛性溫。有毒。蟾醯稟土金之精氣。上應月魄而生。降也。陰也。

【歸經】 蟾皮入脾肺二經。爲行濕氣。除熱邪。解蘊結之品。蟾酥入胃經。爲殺蟲拔毒之品。疔積癰疽諸瘡要藥。

【功效】 蟾皮可療疔積。能發瘡疹。性味却屬甘涼。善行脾肺。蟾酥性毒質黏。能辟邪而開竅。味辛氣熱。可拔毒以消癰。外用傷肌。鼻聞取嚏。

【研究】 蟾皮辛甘涼。有小毒。行皮達肺。治小兒疔積。蟾屬土。故又入脾。凡小兒疔積。脾肺濕熱蘊結。此物能行濕氣。除熱邪。殺蟲積。服之能使蘊蓄之邪發之於外。自脾及肺。乃愈耳。蟾酥卽癩蝦蟆。眉間白汁。以法取之。陰乾用。味辛性溫。有毒。善開竅辟惡。搜邪。惟諸閉證。救急諸藥方中用之。以開其閉。然服食總宜謹慎。試以少許置肌膚。頓時起泡。蝕爛。其性可知。研末時。鼻聞之卽嚏不止。故取嚏藥中用之。此藥止可外用。散癰疽。消疔毒。殺蟲瘡。却有功效耳。張璐曰。蟾酥土之精也。土性厚重。其行極遲。土生萬物。亦能化萬物之毒。故取以殺疔積。治鼠瘻。陰蝕疽。癩。燒灰傅惡瘡。並效。弘景治溫病發斑。困篤。用以去腸。生搗一二枚。啜其汁。無不瘥者。治

獼犬傷。先於頂心拔去血髮三四莖。卽以蟾蜍一二枚搗汁生食。小便內見沫。其毒卽解。又破傷風。用二枚生切如泥。入椒一兩。同酒炒熱。入酒二盞。乘熱飲之。少頃通身汗出而愈。發背疔腫初起。以活蟾一只。繫定放腫上半日。蟾必昏憤。卽放水中。以救其命。再換一只如前。蟾必跟踏。再易一枚。其蟾如舊。則毒散矣。其餘蟾丸。治腫脹腹滿。并治小兒疳勞。腹大脰細。方用大蟾一只。以砂仁入腹令滿。鹽泥同濟。煨存性。黑糖調服一二錢。下盡青黃積糞卽愈。未盡過二三日再服。以腹減熱除爲度。若糞不能濺注。而滴淋不前者。此元氣告匱。不可救也。黃宮繡曰。蟾酥味辛氣溫有毒。能拔風火熱毒之邪。使之外出。邪氣着人肌肉。鬱而不解。則爲疔腫發背。陰瘡陰蝕。疽癩惡瘡。故必用此辛溫以治。蓋辛主散。溫主行。使邪盡從汗出。不留內入。而熱自可以除矣。但其性甚烈。用於丸劑。不過一分。多則能使毒人。其用作丸。亦宜雜他藥內。如牛黃、明礬、乳香、沒藥之類。毋單服也。涼病輕重酌與。不可盡服。治發背無名等毒。取醪三五分。同廣膠水化。再加米醋入銚火上燉熱。乘熱手刷不已。以散爲度。刻玉塗之。等於刻蠟。此皆外科奪命之功也。

【禁忌】 虛人不耐攻伐。忌內服。外用不忘。

【用量】 蟾皮自一錢五分至三錢。蟾酥三厘至一分。蟾酥外用不等。

【炮製】 取蟾酥法。以蒜及胡椒等辣物。納其口中。則蟾身白汁自出。以竹篾刮取。麩和成塊。陰乾用。或以手握眉稜。取白汁。置於油紙上。或桑葉上。插於背陰處。一宿即乾。或以蟾醯置中央。四面架鏡。使起受困之感。因分泌多數毒液。以保體。吾人即取液與麩混合製酥。凡使用蟾酥。用人乳化開。切不可入目。若誤入。亦腫欲盲。急以紫草汁洗點即消。若欲研末。須瓦上炙焙使脆。否則不能研也。蟾皮。即將蟾去腸骨洗淨晒乾用。其頭效力尤勝。

【配合】 乾蟾皮同青黛、大黃、雄黃、黑丑、白丑、滑石、胡黃連、川黃連、陳腥星、神糶、石膏、泛丸。治小兒五疳食積、腹膨泄瀉、大便五色、小便如泔。同麝香、腰黃、沒藥、膽礬、枯礬、銅綠、辰砂、寒水石爲丸。治諸般惡毒疔瘡。內服外敷極效。

爐甘石

【品狀】 石類。產於硫化鋅礦。及銅脈礦。爲白色長方形。或六面形礦石。但多作玻璃狀。或真珠狀。有光之骰子形。鐘乳形。塊形物。又有褐色青色。而稍透明者。我國之湘晉等省。均產之。

【成分】 爲碳酸鋅。中含有鐵鈣鎂。及矽少許。

【性味】味甘性溫無毒。受金銀之氣結成。

【歸經】入胃經爲燥濕熱明目之品。眼科要藥。金勝木。燥勝濕。

【功效】得金銀壙氣以結成。能入陽明專燥濕。用三黃煎水而煅煉。善療目疾。可平肝。止血。生肌。甘溫無毒。

【研究】爐甘石出金銀壙中。金銀之苗也。舐之亦黏舌。以其得金銀之氣。故能平肝治一切目疾。用黃連、黃芩、黃柏煎水煅用。長於外治。無內服方法耳。綱目云。主止血。消腫痛。生肌。明目。去翳。退赤。收濕除爛。同冰片。點治目中一切諸病。仲醇曰。榮氣不從。逆於肉裏。乃生癰腫。甘石甘溫。能通暢血脈。則腫毒自消矣。沈金鰲曰。爐甘石主目疾者。目得血而能視。血衰則隱澀羞明。又或風熱上壅。致赤爛膚翳也。此藥味甘。則入脾而能益血。性溫。則能散風熱。而不使爲害。黃宮繡曰。爐甘石狀如羊腦。鬆似石脂。能點赤銅爲黃。甘辛而澀。氣溫無毒。其性專入陽明胃。蓋五味惟甘爲補。惟溫爲暢。是能通和血脈。故脾毒得此。卽消。而血自能克止。肌亦自能克生也。辛溫能散風熱。性澀能黏翳膜。故凡目翳得此。卽能撥雲也。有用此治下疳陰濕。並齒疎陷物者。亦此義耳。

【實驗】 此藥治膿漏眼，能驅局部之葡萄球菌，并能限制其繁殖。

【禁忌】 多用於眼科藥，與外治藥，內服藥不用。

【用量】 外治用量不等，須臨時酌定。

【炮製】 用火煨紅，黃連、黃柏、黃芩煎湯，淬之，或用童便、淬醋，淬均可，須隨症而施，再加研細，清水飛過，方可用之。

【配合】 同海螵蛸、硼砂、硃砂，研細末，點治諸目疾。同牛黃、月石、麝香、珍珠、蕤仁霜、琥珀、熊膽、海螵蛸、冰片、辰砂、地栗粉，研細末，黃連汁調和陰乾，用時以人乳化開，點治七十二種眼疾。同寒水石等分爲末，每用少許擦牙，齒疎者，久久能自密。同孩兒茶研末，用麻油調敷，治下疳。臬漢醫方，合硃砂、海螵蛸、硼砂，治膿漏眼。

輕粉(附)銀硃

【品狀】 石類，係水銀加鹽礬昇煉而成，方用水銀一兩，白礬二兩，食鹽一兩，入鐵器內，益覆封固，升煉。又法水銀一兩，皂礬七錢，白鹽五錢，同上昇法。一兩汞可升粉八錢，按水銀乃金之魂魄，綠礬鐵之精華，二氣同根，是以煉製成粉，無鹽則色不白也，有光輝，爲結晶性之白粉，質

輕故有輕粉之名。

【成分】含有質地疎鬆之甘汞 Hg_2Cl_2 。

【性味】味辛性寒而燥烈有毒。升也浮也。黃連、土茯苓、陳檮、黑鉛、鐵漿可制其毒。畏磁石、石黃、忘一切血。

【歸經】入脾、胃、肝、腎四經。爲祛風燥濕劫痰升提之品。

【功效】卽水銀之升煉。辛寒劫內伏之痰涎。能燥濕而提膿。毒烈殺外瘡之蟲積。

【研究】輕粉燥烈升散之性。善劫痰涎。每見下疳等瘡。服此則牙根腐蝕。或有冷涎從牙縫中出。下疳雖愈。毒留筋骨。致成敗症者多矣。然生肌燥濕。外治之功不可掩也。李時珍曰。水銀乃至陰毒物。因火煅丹砂而出。加以鹽礬煉而爲輕粉。加以硫黃升而爲銀硃。輕飛靈性。化純陰爲燥烈。其性走而不守。善劫痰涎。消積滯。故水腫風痰。濕熱毒瘡。被劫涎從齒齦而出。邪鬱爲之暫開。而疾因之亦愈。若服之過劑。或不得法。則毒氣被蒸。竄入經絡筋骨。莫之能出。痰涎既去。血液耗亡。筋失所養。營衛不從。變爲筋攣骨痛。發爲癱腫疔漏。或手足皸裂。蟲癬頑癩。經年累月。遂成廢癩。其害無窮。黃宮繡曰。雖化純陰而爲辛燥。然陰毒之性猶存。故能殺

蟲治瘡。通大腸。劫痰消積。毒烈之性。走而不守。今人用治楊梅瘡毒。雖能劫風邪濕熱。從牙齦而出。暫得寬解。然毒氣竄入筋骨。血液耗散。久久發爲結毒。遂成廢人。銀硃色紅。水銀硫黃升煉而成。味辛。性溫燥。有毒。劫痰破積。燥濕提膿。殺蟲治疥。與輕粉之性。寒溫略異。而主治相同。其燥烈升發較猛。長於外治。不宜內服耳。

【實驗】 輕粉外用有直接撲滅細菌及寄生蟲之功。且於局部無刺激性。內服能激腸之蠕動。增速及分泌加多。故有通便之功。且在腹內與縲蟲、薑片蟲相遇。略有撲滅而驅出之功。若佐以殺蟲劑。則功效尤顯。

【禁忌】 輕粉凡閉結由血虛不能潤澤。小兒疳病。脾胃兩虛。小兒慢驚。痰涎壅上。楊梅結毒。發於氣虛久病之人。咸不宜服。

【用量】 輕粉內服自三分至五分。外用不等。

【炮製】 研細用。

【配合】 輕粉研末。和砂糖爲丸。如麻子大。治小兒喜食泥土。空心米飲下一丸。良久泥土瀉下愈。同黃蠟研粉。摻油紙上。貼治臙瘡。同綠豆、白附子、硫黃、牡蠣爲末。以唾沫調和。塗治

頑癬。銀硃同蟹殼燒之。則臭蟲絕跡。和棗肉蒸之。則瘡痂頓枯。皇漢醫方。合麻油治疥瘡。同使君子、檳榔、甘草。治蛔蟲便秘。

本草用法研究

第九編 利水之劑

利水卽爲利尿。利尿之劑能增多尿之分泌量。凡水腫尿道炎膀胱炎等俱利用之。利尿之功。用不惟能放血內之水。并欲放出血內之質。無論由食物過多而成。由身內之廢料而成。俱能在尿中放出。凡尿閉而令其通。尿過少而欲增之。或因有病之故而應增加。則利尿劑爲不可少也。特是尿少非一端。或因膀胱無力。或因輸尿管變窄。能阻尿液入膀胱。此雖服利尿藥亦屬罔濟。抑或臟腑血積而不運動。內腎有壞而血不流行。或患熱症與瀉痢。及發汗過多。均能令尿稀少。常用別藥治其病源。不必服利尿藥。以病愈則小便自通利也。且汗溺二物。彼此能相代。如夏日汗多則尿減。冬日溺多而汗少也。

通草（附）絳通草

【品狀】 蔓草類。通草一名通脫木。綱目云蔓生山中。莖大者圍數寸。葉似蓖麻。莖空心。中有白瓢。輕白可愛。女人取以飾物。按藥肆中所售。形方片薄之方通草。染色可作種種像生之花。

卉人物。另有一種形圓梗小長四五尺名梗通草均可入藥。方通草產台灣等處。梗通草產我國南部各省。

【性味】味甘淡。性平。無毒。稟土之清氣。兼得天之陽氣以生。降也。陽中陰也。

【歸經】入肺胃二經。爲利水退熱之品。入肺引熱下行。入胃通氣上達。

【功效】色白性寒。體輕味淡。清金肅降。通肺胃而導心主之熱邪。利濕分消。達膀胱可無癱閉之阻滯。

【研究】通草係草類。中心所結白瓢。以其爲心也。故可入心。其色白。故入肺。味淡性寒。能清心肺上焦之熱。淡滲下行。通利水道。其通利之性。又能旁及陽明而下乳汁耳。東垣曰。通草瀉肺利小便。甘平以緩陰血也。與燈草同功。宜生用之。時珍曰。通草色白而氣寒。味淡而體輕。故入太陰肺經。引熱下降。而利小便。入陽明胃經。通氣上達。而下乳汁。其氣寒降也。其味淡升也。梗通草色白質軟。中有圈心。味淡微苦性平。清化濕熱。利水通淋。方通草色白如宣紙。味淡性平。能滲化濕熱。利尿。絳通草味淡性平。能化濕瘀。調經。

【禁忌】虛脫人禁用。不勝滲利也。孕婦勿服。以其通竅也。

【用量】 自五分至一錢五分。

【炮製】 切片用，宜生用。

【配合】 同番降香、紅麴、鯪鯉甲、山查、沒藥，治上部內傷。

葶藶粉 葶藶 川葶藶

【品狀】 葶藶類，多年生野草，莖引莖上升，葉大如心臟形，邊緣有缺刻，柄長，夏開淡黃單性花，成穗狀，子三稜，根白色，多節，長而硬，粗三四分，狀如山藥，張璐曰：產川中，大塊色白而鬆脆者爲葶藶，若色黃赤者，卽菝葜也。一種小塊質堅韌者爲土葶藶，不堪入藥。

【性味】 味苦甘，性平，無毒，得火土之氣，兼稟天之陽氣以生，降也，陽中陰也，苡仁爲使，畏葵根、大黃、柴胡、前胡、忌茗、醋。

【歸經】 入肝、胃、腎三經，爲祛風濕、埋下焦之品。

【功效】 祛風祛濕，微苦微溫，入肝、胃，兼入小腸，分清去濁，由膀胱內通腎臟，行水宣療，風寒痺濕，可推求，腰膝痠疼，當審用。

【研究】 葶藶，本經謂其苦平無毒，主治腰痛骨強，風寒濕痺，觀其大意，知其能入肝、腎，治陽

虛濕濁之藥。雖云能治下焦風寒濕痺。大抵草薢之功。治濕爲長。治風次之。治寒則又其次也。痿病多屬陽明濕熱。草薢之苦。能宣能泄。故又能入胃耳。時珍曰。治白濁莖中痛。痔瘻壞瘡。又曰。草薢足陽明厥陰經藥也。厥陰主筋。屬風。陽明主肉。屬濕。草薢能去風濕。故治緩弱癱痺。遺濁惡瘡。諸病之屬風濕者。張璐曰。草薢入肝祛風。入胃祛濕。昔人稱其攝精之功。或稱逐水之效。何兩說相懸耶。不知胃氣健旺。則濕濁去。而腎無邪濕之擾。腎臟自能收攝也。楊氏草薢分清飲。專主濁病。正得此意。又主陰痿失溺。老人五緩者。總取行陽之力。以利關節。助健運也。史國信曰。若欲興陽。先滋筋力。若欲便清。先分肝火。草薢能泄陽明之濕。入厥陰清肝火。今藥肆中所售草薢有二種。一名粉草薢。形如雲片糕。味苦澁微甘。性平。去下焦風濕。通關節。腰膝痠痛。治莖痛遺濁。一名川草薢。色白輕虛。形如柚皮白。味苦澁。性平。利下焦濕熱。解足膝痺痛。按草薢性味淡薄。長於滲濕。帶苦亦能降下。主治風寒濕痺。男子白濁。莖中作痛。女人白帶。病由胃中濁氣下流所致。以此入胃驅濕。其症自愈。又治瘡癢惡腐。濕鬱肌腠。營衛不得宣行。致經脈拘攣。手足不便。以此滲去脾濕。能令血脈調和也。

【實驗】此藥有解酸性之利尿作用。故可治羅麻質斯。與淋病之尿時疼痛。患羅麻質斯者。

其血之酸性常較強。故西醫治羅麻質斯亦常兼用解酸劑與利尿劑。患淋病而尿時作痛者。乃因尿性過酸。若用解除尿中酸性之藥品。其尿時疼痛自減。草薺長於去風濕。按風濕即西醫之羅麻質斯。其病原是因特種之細菌。草薺既長於治羅麻質斯。即指其有殺菌作用。故患淋病而尿時疼痛者。服之有效。蓋對於尿道之酸性刺激。有鎮靜之作用也。

【禁忌】 仲醇曰。下部無濕。腎虛腰痛。及陰虛火熾。均忌。張璐曰。陰虛精滑。及元氣下陷。不能攝精。小便頻數。大便引急者。誤用病必轉劇。以其溫散。不利於陰也。又尿多者。陽痿者。均忌用。

【用量】 自三錢至五錢。

【炮製】 洗淨切片用。

【配合】 得牛膝、木瓜、薏苡仁、黃蘗、骨碎補、續斷、杜仲、石斛、生地、狗脊。治腰脊痛強骨節。加朮、萹蓄、茯苓。治周痺。同黃芪、生地、金銀花、皂角刺、皂莢子、牛膝、木瓜、石斛、薏苡仁、海風藤、殭蠶。胡麻。治惡瘡久不瘳。同蓮子、茯苓、車前子、木通、澤瀉、牛膝、黃蘗、甘草。可分清除濕。同石菖蒲、益智仁、烏藥等分。甘草梢減半。入鹽少許。即楊氏分清飲。每服四錢。水煎。食前服。治真元不足。下焦虛寒。白濁頻數。漩面如油。澄下如膏。

木通

【品狀】 爲落葉蔓性灌木。自生山野。絡他物而繁茂。往往五葉一處攢集互生。花開於葉腋。大四五分。有淡紫碧與白色二種。後結實似瓜。徑一寸。實皮厚肉白。核黑有光。此蔓莖卽通草。取一段。自此端吹透彼端。切之成片。有車輪紋。色淡黃細香者佳。產我國中部各省。

【性味】 味苦性寒。無毒。降也。陰也。

【歸經】 入心、腎、膀胱、小腸、四經。爲通利之品。除煩退熱。行水下乳。止痛排膿。

【功效】 入心且及小腸。通淋利竅。導濕下行水道。味苦性寒。滌熱行瘀。源流無阻。催生下乳。關節皆通。

【研究】 木通苦寒之品。能入心與小腸。清濕熱。利九竅。能宣通上下氣血。其所以治淋治乳者。無非清心宣竅之功。以肺無熱逼。則氣化之源清。而淋濁愈。胃爲氣血之海。氣血宣通。則乳病愈耳。然性極苦寒。不可浪投。木通藤屬。繞樹而生。吹之上下皆通。性雖苦。却能宣通關節。或痛或腫等證。皆可治之。不獨降利之功而已也。東垣曰。木通能助肺氣下降。利小便。專瀉氣滯也。肺受熱邪。津液氣化之源絕。則寒水斷流。膀胱受濕熱。癰閉約束。小便不通。宜此治之。又

曰木通下行泄小腸火利小便與琥珀同功無他藥可比。丹溪曰君火宜木通相火宜澤瀉利水雖同所用各別。又曰凡利小便者多不利大便以小水愈通大便愈燥也不通能入大腸兼通大便。又曰淋瀝不通者下焦火也心與小腸相表裏心移熱於小腸故淋瀝木通能通心火故淋瀝。楊仁齋曰人遍身胸腹隱熱疼痛拘急足冷皆是伏熱傷血血屬於心宜木通以通心竅則經絡流行也。李時珍曰木通上能通心清肺治頭痛利九竅下能泄濕熱利小便通大腸治遍身拘痛蓋其能泄丙丁之火則肺不受邪能通水道水源既清津液自化而諸經之濕與熱皆由小便泄去故古方導赤散用之亦瀉南補北扶西抑東之意。張璐曰木通瀉氣分濕熱防己瀉血分濕熱脾胃不和則水道不利乃致鬱爲寒熱爲腫脹爲淋祕爲癰癩俱宜木通通利分理陰陽則水行火降脾胃和而心腎平矣。按木通體質鬆通通可去滯味苦能降帶辛能散取其色黃用入脾經導脾胃積熱下行主治火瀉熱瀉蓋爲利小腸火鬱行膀胱水閉使水火分則脾氣自實也又能去黃疸之濕解諸毒熱癰開耳聾出聲音通鼻塞行經下乳催產利胎分消痞滿導除氣惱皆藉其通經利竅之力也且心移熱於小腸而臟病由腑結腑通則臟安凡爲驚病由心氣鬱及嗜臥心煩者以此直徹下行古人立方心火爲邪用

木通導赤。肺火爲邪。用桑皮瀉白。良有深義也。

【禁忌】 凡精滑不夢自遺。及陽虛氣弱。內無濕熱者。均忌。妊娠均忌。又胃虛腎冷。及傷寒大便結燥。表虛多汗者。禁服。恐重傷津液。耗散胃汁也。

【用量】 自八分至一錢五分。

【炮製】 洗淨切薄片用。

【配合】 同茯苓、澤瀉、燈芯、車前子、豬苓、治膀胱濕熱癃閉。同生地、甘草梢、淡竹葉、治小腸有火、溲赤淋痛。同牛膝、生地、延胡索、治婦人經閉。及月事不調。同牛膝、生地、天冬、麥冬、五味子、黃蘗、甘草、治尿血。

防己 漢防己 木防己

【品狀】 蔓草類。原野多生之。乃稍木質之蔓性草本也。常依他物以上昇。葉卵形。稍成三角形。下面白色。有楯形全緣。具長柄而互生。夏出花梗於葉腋。成繖形花叢。花淡綠色。而小形。花後結核果。根粗大。處處有肉塊。外白而內黃。藏器曰。出漢中。根大而虛。通心有花紋。色黃者。名漢防己。生他處。青白而軟。有黑點。有腥氣。皮皺上有丁足子者。名木防己。治水用漢防己。治風

用木防己。二月八月採根陰乾。

【性味】 味辛苦。性寒。無毒。得土中陽氣。兼感秋之燥氣。以生。降也。陽中陰也。惡細辛。畏葶藶、女苑、鹵鹹、伏硝石。

【歸經】 入膀胱經。爲祛風行水之品。太陽經主藥。療風水要藥。通行十二經。瀉下焦血行分藥。

【功效】 辛可散。苦可行。氣寒之品。熱可蠲。濕可導。性下之功。漢入下焦。行膀胱之血分。木宣經絡。疏風水於皮中。

【研究】 防己辛苦而寒。漢防己入下焦。瀉膀胱血分濕熱。木防己偏於治上。治風。故凡風水支飲等證皆用之。大抵防己爲眩暈之藥。聞其氣則頗惡。下咽則使人心煩亂。飲食減少。若善用之。能撥亂反正。可防己而禦敵。故取此名也。虛人禁之。元素曰。治下焦濕腫并痛。及泄膀胱火邪。必用漢防己。龍膽草爲君。知母、黃柏、甘草佐之。防己乃太陽本經藥也。東垣曰。防己大苦寒。能瀉血中濕熱。通其滯澹寒。亦能瀉大便。補陰瀉陽。助秋冬瀉春夏之藥也。比之於人。險而健者也。至於十二經。有濕熱壅塞不通。及下注腳氣。除膀胱積熱。而庇其本基。非此藥

不可真行經之仙藥。他藥無可代之者。仲醇曰。凡使防己於下部濕熱藥中。亦必以二朮、茯苓、黃柏、甘草、萆薢、木瓜、石斛、苡仁等補益之藥爲佐。而以防己爲使。乃無眩暈之患。詎菴曰。凡脚氣腫痛。當以防己爲主藥。又有足跟痛者。屬腎虛。不與脚氣同論。黃宮繡曰。治脚氣腫痛。如濕則加蒼朮、薏苡、木瓜。熱加黃芩、黃蘗。風加羌活、萆薢。痰加竹瀝。南星。痛加香附、木香。血虛加四物。大便秘加桃仁、紅花。小便秘加牛膝、澤瀉。痛連臂加桂枝、威靈仙。痛連脇加龍膽草。隨症活法。善爲善矣。此雖有類黃蘗、地膚子。但黃蘗味苦不辛。瀉膀胱濕熱。則并瀉腎火。此則辛苦兼見。性險而健。故於風水脚氣等症兼理。地膚子味苦而甘。瀉膀胱濕熱。力稍遜於黃蘗。此則有辛無甘。險健異常。能爲亂階之首也。其瀉熱與濕則一。而氣味治功各別如此。考今藥肆中所售防己有二種。一名漢防己。色白微黃。內層有圈。中多淡紅線紋。味苦性寒。化下焦血分濕熱。治脚腫痺痛。一種木防己。色淡黃。紋線彎曲。味苦性寒。清血中濕熱。通經絡滯痺。利小便。按防己味苦主沉。能瀉濕熱。帶辛主散。能消滯氣。善祛熱下行。去腰以下至足血分中濕熱壅滯。主治陽實水腫。小便利。腿足腫痛。腰膝重墜。脚氣等症。

【實驗】此藥醫治淋病。在胃中大激胃粘膜。使胃液分泌驟增。入腸能激腸壁神經。使吸收

力強大。同時又能阻止腸液之分泌，入血中，令全身粘膜充血，而以腎臟爲尤顯。全身之過量水分，卽被驅向腎臟，而腎臟之工作，亦就此而迅速。

【禁忌】東垣曰：飲食勞倦，陰虛生內熱，元氣穀食已虧，以防己洩大便，則重亡其血。此不可用一也。如大渴引飲，是熱在上，焦氣分宜滲洩，而防己乃下焦血分藥，此不可用二也。外傷風寒，邪傳肺經，氣分濕熱而小便黃赤，乃至不通，此上焦氣病，禁用血藥，此不可用三也。大抵上焦濕熱，皆不可用。下焦濕熱，流入十二經，致二陰不通者，然後審用之。仲醇曰：凡胃虛陰虛，自汗盜汗，口苦舌乾，腎虛小水不利，及產前後血虛，雖有下焦濕熱，均忌。慢性胃加答兒，腸出血，盜汗均忌。腹瀉者，體溫低者，脈慢者，因虛弱而消化不良者，忌用。

【用量】自一錢五分至三錢。

【炮製】木防己較有刺戟性，漢防己性較緩。時珍曰：凡使去皮剉，酒洗，曬乾用。

【配合】同龍膽草、黃堊、知母、甘草。治下焦濕腫及痛，并泄膀胱火邪。同黃芪、桂枝、茯苓、甘草。治皮水附腫，按之沒指，不惡風，水氣在皮膚中，四肢聾動。同木通、檳榔、生地、川芎、白朮、蒼朮、黃柏、甘草梢、犀角。治腳氣足脛腫痛，憎寒壯熱。皇漢醫方同黃芪、白朮、白茯苓、防風、葵

子、甘草治淋病。

澤瀉

【品狀】 水草類。爲生於水澤池沼之宿根草。莖叢生。有葉柄。夏末抽花莖。高三四尺。開白花。三瓣。地下有球莖。秋末採之。曝乾入藥。產漢中。新鮮不蠹。色白者良。

【性味】 味甘鹹。性微寒。稟地之燥氣。天之冬氣。以生。降也。陰也。畏海蛤、文蛤、忌鐵。

【歸經】 入腎膀胱二經。爲滲濕利尿之品。除濕聖藥。利水瀉火。

【功效】 鹹寒入腎。治相火之陽邪。甘淡通淋。滲膀胱之濕熱。

【研究】 澤瀉甘淡鹹寒。入腎與膀胱。導下焦水濕垢濁。自然濕熱除。相火降。邪去則正受益。故補腎藥中。每每相兼用之。非澤瀉真有補性也。不過一於利水而已。元素曰。入腎經。去舊水。發新水。利小便。消腫脹。東垣曰。去脬中留垢。心下水痞。蕤氏曰。多服昏人眼。以行去其水也。凡服澤瀉。未有不尿多者。尿既多。腎氣焉得實。海藏曰。瀉伏水。去留垢。故明目。小便利。腎氣虛。故昏目。時珍曰。滲濕熱。行痰飲。治腳氣。止嘔吐瀉痢。又曰。澤瀉氣平。味甘而淡。淡能滲洩。氣味俱薄。所以利水而洩下。脾胃有濕氣。則頭重而目昏耳鳴。澤瀉滲去其濕。則熱亦隨。

去而土氣得令。清氣上行。天氣明爽。故本經謂澤瀉有養五臟。益氣力。治頭旋。聰明耳目之功。若久服。則降令太過。清氣不升。真陰潛耗。安得不目昏耶。六味地黃丸。用茯苓。澤瀉者。乃取其瀉膀胱之邪氣。非引接也。古人用補藥。必兼瀉邪。邪去則補藥得力。一闕一闕。此乃玄妙。後世不知此理。專一於補。所以久服。必致偏勝之害也。徐靈胎曰。澤瀉乃通利脾胃之藥。以其淡滲。能利土中之水。水去則土燥而氣充。脾惡濕故也。但濕氣必自膀胱而出。澤瀉能下達膀胱。故又爲膀胱之藥。張璐曰。邪干空竅。則爲乳難。爲水閉。澤瀉性專利竅。竅利則邪熱自通。內無熱鬱。則臟氣安和。而形體肥健矣。所以素多濕熱之人。久服耳目聰明。然亦不可過用。若水道過利。則腎氣虛。故扁鵲云。多服病人眼。今人治泄精。多不敢用。蓋爲腎與膀胱虛寒。而失閉藏之令。得澤瀉降之。而精愈滑矣。當知腎虛精滑。虛陽上乘。而目時赤者。誠爲禁劑。若濕熱上盛。而目腫。相火妄動。而遺泄。得澤瀉清之。則目腫退。而精自藏矣。何禁之有。黃宮繡曰。濕熱不除。則病症莫測。故有消渴嘔吐。痰飲腫脹。腳氣陰汗。尿血洩精等症。用此甘淡微鹹。以爲滲泄。則濁氣既降。而清氣上行。所謂一除而百病與之俱除也。按澤瀉。色白入肺。味鹹以利膀胱。凡屬瀉病。小水必短數。以此清潤肺氣。通調水道。下輸膀胱。主治濕瀉水瀉。使大便得實。則

脾氣自健也。因能利水道，令邪水去，則真水得養，故消渴能止。又能除濕熱，通淋瀝，分消痞滿，逐三焦蓄熱停水。此爲利水第一良品。金爲腎水之母，故云水出高源。此能引肺氣從上順下，如雨露之膏澤，故名澤瀉。所以六味丸中，同茯苓、山藥、補肺、金導引於上源，降下而生腎水，用療精泄、退陰汗、去虛煩。又有熟地、山茱、丹皮、補肝木以生心火，上下相生，陰陽交互，取易理天地泰水火濟之義，非達造化之微者，孰能制此良方。味者誤爲泄腎減之，若小便不通而口渴者，熱在上焦氣分，宜用澤瀉、茯苓以清肺氣，滋水之上源也。如口不渴者，熱在下焦血分，則用知母、黃柏以瀉膀胱，滋水之下源也。須分別而用之。

【實驗】澤瀉爲最常用之利尿劑。五臟與人體有積水之病者，服之有去水之作用，故能安五臟，益氣力，肥健。此外腹瀉者，亦有止瀉之作用。

【禁忌】凡病人無濕無飲而陰虛，及腎氣乏絕，陽衰精自流出，腎氣不固，精滑目痛，虛寒作泄等候，均忌。

【用量】自二錢至四錢。

【炮製】洗淨切片，利小便生用。入補劑鹽酒炒，白者良，油者伐胃傷脾，不可用。忌鐵。

【配合】 同豬苓、茯苓、人參、白朮、赤小豆、桑白皮、橘皮。治水腫晝劇夜平者。陽水也。多服必愈。同車前子、赤茯苓、生地、白芍、赤小豆、桑白皮、木瓜、石斛、薏苡仁。治水腫夜劇晝平者。陰水也。多服必愈。同豬苓、茯苓、白朮、桂。治諸濕腹滿。水飲水腫。同豬苓、茯苓、滑石、阿膠。治濕熱黃疸。口渴溺赤。同地黃、丹皮、山藥、茯苓、山萸。除陰虛病。有濕熱者。同人參、白朮、半夏、茯苓、橘皮、紫蘇、豬苓。爲治飲之要藥。一切停飲停水。無不效。

車前子

【品狀】 隰草類。春初生苗。葉橢圓形。通常有五個之肋。花小。排列成長穗狀。花蕊結實細小。赤黑色。五月採苗。七月採實。我國各地多有之。產開州者爲勝。

【成分】 種子及葉均含糖分。

【性味】 味甘鹹。性寒。無毒。稟土中之沖氣。兼天之冬氣以生。降也。陰也。常山爲使。

【歸經】 入腎經。兼入肝、小腸二經。爲行水洩熱之品。專走水道。兼能養肝。

【功效】 清邪火以下行。直達州都。祛濕熱。味甘寒而降利。專通水道。愈癰淋。治肝家有夢之遺精。精因火擾。導腎部諸般之留垢。垢盡虛回。滑可催生。黑能走血。

【研究】車前子甘寒滑利性專降洩故有去濕熱利小便之功且色黑能走血分治一切血淋胎產等證皆取其滑利之功此物味甘略兼鹹味與苦劣之味不同且性又粘滑故古人有降而不泄行而有補之說然亦須腎虛有邪熱者爲宜若陽虛有寒元氣下陷之人還當禁服

好古曰此能利小便而不走氣與茯苓同功李梈曰車前所以能愈暴下者以能利水道而不動氣水道利則清濁分而殺藏自止故也時珍曰導小腸熱止暑濕瀉痢詡菴曰清肺肝風熱滲膀胱濕熱徐靈胎曰車前子古方用入補腎藥中然其質滑而氣薄不能全補則爲腎府膀胱之藥膀胱乃腎氣輸洩之道路也張璐曰本經治氣癰止痛通腎氣也小便利則濕去濕去則痺除別錄治女子淋瀝等病專取清熱利竅之功也男女陰中有二竅一竅通精一竅通水二竅不兼開水竅得氣化乃出精竅得火動乃泄車前專通氣化行水道疏利膀胱濕熱不致擾動真火而精氣寧謐矣治目疾水輪不清取其降火而不傷腎也黃宮繡曰膀胱之清由於肝肺之肅凡人瀉利暴作小水不通並濕痺五淋著熱瀉利難產目赤雖有膀胱水澇不能化陽然亦有爲肝肺感受風熱以致水不克生故須用此以清肝肺兼鹹下降以清水道蓋肝肺既清風熱悉去則肺不受熱而化源有自肝不被風而疎泄如常矣按車

前子。子主下降。味淡入脾。滲熱下行。又因汁濁。濁陰走下竅。汁濁而滑。滑能養竅。故入膀胱能行水而不動真氣。主治痰瀉熱瀉。胸膈煩熱。周身濕痺。蓋水道利則清濁分。脾斯健矣。取其味淡。濁滑。滑可去着。淡能滲熱。用入肝經。又治暴赤眼痛。淚出腦痛。翳膜障目。及尿管澀痛。遺精溺血。癰閉淋瀝。下疳便毒。男子陽挺腫脹。或出膿水。女人陰癢作痛。或發腫癢。凡此俱屬肝熱。導熱下行。則肝自清矣。

【實驗】 此藥能通利小便。尿時疼痛。多因尿性過酸。此藥能解尿酸。故能止痛。

【禁忌】 內傷勞倦。陽氣下陷者。忌。腎氣虛脫者。忌。與淡滲藥同用。尿過多者。虛弱性小便不利者。忌用。

【用量】 自二錢至四錢。

【炮製】 凡用。須以水淘洗去泥沙。曬乾。入湯液炒過。用。入丸散。則以酒浸一夜。蒸熟。研爛。作餅。曬乾。焙研。

【配合】 同木通、沉香、橘皮、升麻、治氣癱。同白朮、蒼朮、木瓜、石斛、萆薢、茯苓、五加皮、治濕痺。獨用爲末。米飲下二錢。治暴瀉神效。君白芍、茯苓、藟豆、炙甘草。治水泄。同生地、牛膝、天

冬、麥冬、黃檗、五味子、枸杞子、人參、鹿角膠、治尿血及婦人血淋。同枸杞子、菟絲子、五味子、覆盆子爲丸，爲生精種子要藥。同熟地、山萸、山藥、茯苓、丹皮、澤瀉、牛膝、附子、肉桂，則治陽虛水冷、四肢腫脹。同五味子、覆盆子、蓮子、蓮鬚、山茱萸、沒食子、沙蒺藜、人參、麥冬、牛膝、鹿角膠、魚膠，能強陰固精種子。同生地、甘菊花、決明子、元參、密蒙花、連翹、黃連、柴胡、甘草，治暴赤目痛。

地膚子

【品狀】 隲草類。一年生草，或栽植，莖高四五尺，分岐多，葉互生，作深綠披針形，有毛茸，夏於葉腋開小黃白花，後結青白之實，如蠶砂。十月採實陰乾，此卽落帚草子莖。枝乾可作草帚。我國各地均產，江南最多。

【性味】 味苦甘性寒，無毒。得地中陰氣以生，降也。陰也。惡蠪蝮。

【歸經】 入脾、胃、腎、膀胱四經。爲利水滋陰之品，專除虛熱，兼能益精強陰。

【功效】 治太陽濕熱癰淋，性味苦寒陽自降，化脾部陰淫晦疾，功能分利水潛消。

【研究】 地膚子苦甘而寒性降，入脾胃下行膀胱，祛下焦濕熱濁垢，利竅行水，是其本功。至於治皮膚疥癬，亦因濕熱所化，本經稱其補中益精氣，久服耳目聰明，輕身耐老等語，亦邪去

正安之意。非地膚有補性也。藏器曰：衆病皆起於虛。虛而多熱者，加地膚子。甘草。王節齋曰：小便不禁或頻數，古方多以爲寒，而用溫澀，不知屬熱者多。蓋膀胱火邪妄動，水不得寧，故不禁或頻數也。老人多頻數，是膀胱血少，陽火偏旺也。法當補膀胱陰血，瀉火邪爲主，而佐以收澀。如牡蠣、山萸、五味之類，不可獨用。病本屬熱，故宜瀉火，便多則水益虛，故宜補血。補血瀉火，治其本也。收澀治其標也。故宜用此以除膀胱虛熱，以利小便而通淋。黃宮繡曰：地膚子治淋利水清熱，功頗類於黃檗，但黃檗之味苦烈，此則味苦而甘。黃檗大瀉膀胱濕熱，此則其力稍遜。凡小便因熱而見頻數，或不禁，用此苦以入陰，寒以勝熱，而使濕熱盡從小便而出也。但虛火偏旺，熱得恣固，當用以清利。若不佐以補味，同入，則小水既利，而血益虛，血虛則熱益熾，熱熾而淋益甚矣。故宜佐以牡蠣、山藥、五味收澀之劑，俾清者清，補者補，通者通，澀者澀，滋潤條達，而無偏勝爲害之弊矣。且能治因熱癩疔，並煎湯以治疥疥。

【禁忌】 陰虛無濕者，有孕者，尿過多者，忌用。腹瀉者，體溫過低或過高者，不宜用。

【用量】 自二錢至四錢。

【炮製】 此藥生用，無炮製法。

【配合】 同生薑搗爛熱酒沖服取汗治雷頭風症不省人事。 同生地搗汁空心時用酒沖服。 治風熱目赤。 同紅花木通蠶砂水煎服。 治淋疾。 同白薇爲丸治男子白濁。

海金砂

【品狀】 隰草類。 自生於原野。 莖具蔓性。 纏繞他物。 質硬而有光澤。 葉分裂成羽狀。 胞子囊羣着於上方之葉背。 秋取梢葉。 晒紙上。 子囊落其上。 砂黃赤色。 產我國之湘黔等省。

【性味】 味甘淡。 性寒。 無毒。

【歸經】 入小腸膀胱二經。 爲通利之品。 除二經血分濕熱。

【功效】 利水通淋。 行太陽之血分。 性寒味淡。 除瘀熱於胞宮。

【研究】 海金砂。 甘淡而寒。 其性下降。 可以入血分。 故能治小腸膀胱濕熱瘀留血分。 而成淋痛等症。 此草不開花。 其氣皆鍾於葉。 結爲此砂。 凡治血淋石淋沙淋極有效驗。 惟寒降之性。 如肝腎虛寒。 下元不固。 以致遺滑淋濁。 莖中不痛者。 不可用也。 李時珍曰。 海金砂。 小腸膀胱血分藥也。 熱在二經血分者宜之。 黃宮繡曰。 傷寒熱閉。 而見腹滿狂躁。 當於此加梔子朴硝蓬砂投治。 俾熱從小便而出。 釜底抽薪之義也。

【禁忌】 性淡滲而無補益，小便不利，及諸淋由於腎虛，真陰不足者，均忌。

【用量】 自二錢至四錢。

【炮製】 收曝日中小乾，以紙襯之，以杖擊之，有細砂落紙上，且曝且擊，以盡爲度，市鋪每以砂土雜入，須淘淨取浮者曝乾，燃之不沾指者真，忌火。

【配合】 同生甘草、滑石治熱淋急痛。同白朮、甘草、黑丑末治脾濕腫滿，腹脹如鼓，喘不得臥。

瞿麥

【品狀】 瞿草類，多年生草，莖高一二尺，有節，葉爲線狀披針形，對生，擁抱於膨起之節上，夏秋於枝梢抽花梗，花冠五瓣，色淡紅或白，上部深裂如絲，立秋採陰乾，我國各處均產，以出河中府者佳。

【性味】 味苦辛，性寒，無毒，稟陰寒之氣而生，降也，陰也，丹皮爲使，惡蠔蛸，伏丹砂。

【歸經】 入小腸、心、肝、膀胱四經，爲利水破血之品，逐膀胱熱邪，治淋必須藥，降心火，利小腸。

【功效】 苦寒達膀胱以分消，功專利水，下降通小腸之閉結，力可行瘀，導濁須求，治淋有力。

【研究】 瞿麥色黑，能入心肝小腸膀胱血分，苦寒之性，破血利竅，足以盡之。在用者領會耳。瞿麥之性，下降逐血，頗猛。若小腸膀胱無血熱閉結，以及胎產虛人，皆當禁之。張璐曰：瞿麥利小便，爲君主之用。古方通心經利小便爲最要藥。若心經雖有熱，而小腸虛者服之，則心熱未退，而小腸別作病矣。以其降泄太過也。破胎墮子，下閉血，皆利竅所致。故妊娠產後，小水不利，及脾虛水腫，禁用。以性專泄氣也。

【實驗】 此藥有殺菌與消炎之作用，可外用以治刺傷、癰腫，以及患結合膜炎者，可作洗眼劑。有利尿作用，可治癱結小便不通。

【禁忌】 瞿麥性猛利，善下逐，凡腎氣虛，小腸無大熱，胎前產後一切虛人，患小水不利，及水腫、蠱脹、脾虛者，均忌。

【用量】 自一錢五分至三錢。

【炮製】 雷公曰：凡使只用蕊殼，不用莖葉。若同使，卽空心令人氣噎，小便不禁也。用時以箆竹瀝浸一伏時，曬乾用。

【配合】 同車前子、木通、菖蒲、滑石、甘草梢、大黃、燈草，治小腸實熱閉結，小便不通，或淋痛尿

血。

蕭蓄

【品狀】 陽草類。一年生草。原野路旁多有。春生苗高七寸。葉小長橢圓形。質厚深綠色。互生。夏自各葉腋開一小花。紅白色。莢五裂。雄蕊八枚。雌蕊一枚。花後結黑色三角形小實。根強潤。深入土中。吸收肥料。五月採苗陰乾用。

【性味】 味苦性平。無毒。

【歸經】 入胃、膀胱、脾、肺四經。爲洩熱下行之品。

【功效】 入膀胱專主分消。降利功偏化濕濁。行脾肺並療疥疾。苦平性燥殺蟲瘡。

【研究】 蕭蓄多生道旁。一名扁竹。如竹形佈地。節間有粉如花。苦平之性。善祛濕熱。殺諸蟲。觀本經主治淫疥瘡疽痔。殺三蟲等語。即可想矣。雲岐曰。熱淋瀝痛。不得通利者。濕熱鬱

於下焦也。蕭蓄煎湯。頓飲效。黃宮繡曰。蕭蓄味苦氣平。功專利水清熱。除濕殺蟲。是以小兒。疝病。女子陰蝕。浸淫瘙癢。痔諸病。無不藉此以爲主治耳。以其味甘則熱泄。味苦則蟲伏也。

【實驗】 此藥之主要作用。爲利水殺菌。內服治急性淋病甚效。疥瘙疽痔等。皆屬外用。

【禁忌】 小便利者，腹瀉者，均忌用。

【用量】 自一錢五分至三錢。

【炮製】 洗淨切細用。

【配合】 同車前子、生甘草、琥珀末，水煎服。治痛淋、尿血。用醋煎服。治蚊咬心痛，而青口中吐出。

燈芯草

【品狀】 隰草類，係宿根草。雖自生於池澤，然多栽於水田。莖細長，高四五尺，橫斷成圓形，無尋常葉。夏日莖頂生分歧花梗，開數個淡黃綠之花。此莖可作席，髓心可作燈芯。產江南等處。

【性味】 味甘性寒，無毒。稟清芬之氣而生，浮也，陽也。

【歸經】 入心、肺、小腸三經。爲清熱行水之品。降心火，清肺熱，利小腸。

【功效】 清心、肺、煩、蒸，味淡性寒，輕且白，導小腸濕熱，通淋利水降而行。

【研究】 燈芯色白體輕，功專入肺。以其寒能清熱，淡可分消，故能祛除濕熱，通利水道。以其爲心也，又能入心。凡屬上焦濕熱，致成癰淋等證，皆可用之。仲醇曰：其質輕通，其性寒，味甘。

淡。故能通利小腸。熱氣下行。從小腸出。小腸爲心之腑。故亦除心經熱。黃宮繡曰。燈草能降心火。以其心治心也。心火清則肺金肅。心與小腸相表裏。則熱盡從小便而出矣。且熱去而血亦寧。故能止血通淋。清上焦伏熱。五淋之聖藥也。治急喉痺。燒灰吹之。又燒灰塗乳上。飼小兒。止夜啼。按燈芯氣味俱輕。輕者上浮。專入心肺。其味最淡。淡能利竅。使上部鬱熱下行。從小便而出。主治咳嗽咽痛。眼赤目昏。淋閉水腫。小便不利。著熱便濁。小兒夜啼。皆清熱之功也。世疑輕淡之物。以爲力薄而忽之。不知輕可去實。淡主於滲。惟此能導心肺之熱。自上順下。通調水道。下輸膀胱。其力獨勝。

【禁忌】 性專通利。虛脫人不宜用。中寒小便不禁者。勿服。

【用量】 自五分至一錢五分。

【炮製】 入湯液。須切斷紮縛。或用硃砂拌染。製灰法。用燈芯緊塞竹管內。燒紅透。悶隱卽成。黑灰時。珍曰。燈芯難研。以粳米粉漿染過。晒乾研末。入水澄之。浮者是燈芯也。晒乾用。

【配合】 燒灰同硼砂研細。治喉風痺塞。燒灰同輕粉、麝香研細。治陰疔。

茵陳蒿（附）梗

利水之劑 燈芯草 茵陳蒿（附）梗

【品狀】 隕草類。生於山野。或河岸砂礫之多年生草。春季叢生。初密生細毛。葉似胡蘿蔔葉。繼抽莖二三尺。互生銀鼠色細葉。愈上愈細。作絲狀。以其經冬不死。更由舊苗而生。故名。立秋採苗。葉陰乾。我國各地均產之。石頑曰。茵陳有二種。一種葉細如青蒿者。名綿茵陳。專於利水。爲濕熱黃疸要藥。一種生子如鈴者。名山茵陳。又名角蒿。其味辛苦小毒。專於殺蟲。治口齒瘡絕勝。

【成分】 含苦味素。

【性味】 味苦性平。微寒。無毒。感天地苦寒之味。兼得春之生氣以生。降也。陰中微陽也。伏礫砂。

【歸經】 入膀胱經。爲除濕去疸之品。能除脾胃濕熱鬱結。

【功效】 下通水道。治濕熱之黃疸。上入陽明。味苦寒而無毒。兼能達表。專主分消。

【研究】 茵陳性味苦寒。能升能降。功專發汗利水。爲治濕病黃疸之要藥。然苦寒中亦兼有微辛微香。其形質性味。與青蒿相似。但青蒿不能治濕。此則治濕爲長。一切表裏濕熱。皆可治之。惟虛寒黃疸。小便自利者。當禁之。海藏曰。仲景茵陳梔子大黃湯。治濕熱。梔子柏皮湯。治

燥熱譬如禾苗，潦則濕黃，旱則燥黃，濕則瀉，燥則潤可也。此二藥皆治陽黃。李思詒治陰黃，用茵陳附子湯，大抵以茵陳爲君，而佐以大黃附子，各隨其寒熱也。

【實驗】此藥爲治黃疸之特效藥。黃疸一症，是因膽管炎而閉塞，以致膽液不能進入小腸，而倒入血液中之病。凡是治黃膽病之藥品，即能使膽液通利，對於腫脹閉塞之膽管，有退炎消腫消毒之作用。故茵陳蒿所以能治黃疸者，即因其有驅膽液之作用也。此藥爲驅膽液，治黃疸之特效藥，並不是用以治虛弱之面黃症也。茵陳梗色灰黑，味淡性平，清熱利濕，治黃疸較葉稍遜。

【禁忌】畜血發黃者忌用。茵陳本氣分藥，於血則不能治也。無黃疸者，汗多惡寒者，大便泄瀉者，均忌用。

【用量】二錢至四錢。

【炮製】雷公曰：凡使取葉有八角者，去根陰乾，細剉，勿犯火。

【配合】得黃連、葛根、黃檗、五味子，治酒疸如神。得白朮、蒼朮、茯苓、澤瀉、車前、木通、橘皮、神麴、紅麴、麥冬，治穀疸。同生地、牛膝、黃檗、木瓜，治女勞疸。同黃芩、枳實、大黃蜜丸，治黃疸，遍

身面目悉黃。小便如梔子汁。同附子、炮姜、草豆蔻、白朮、枳實、半夏、澤瀉、茯苓、橘紅、生薑、水煎冷服。治陰黃脈沉細。

石韋

【品狀】 石草類。隱花植物。多生巖罅處。其地下莖。有茶褐色之鱗片。葉深綠。長近尺。闊寸許。柔軟如皮。故名韋。背面密佈濃褐色粉末。並生子囊羣。葉柄長。產建平者。葉長大而厚。二月採。葉陰乾。

【性味】 味苦甘。性微寒。無毒。杏仁、滑石、射干爲使。得菖蒲良。

【歸經】 入肺、小腸、膀胱三經。爲利濕、瀉熱、通淋之品。

【功效】 導濕熱以通淋。甘苦微寒。下行火腑。清肺金而利水。分消降濁。直達州都。

【研究】 石韋甘苦微寒。上清肺熱。下達膀胱。利濕熱。通淋濁。主治不過如此。黃宮繡曰。石韋功專清肺行水。凡水道不行。化源不清。以致水道益閉。石韋蔓延石上。生葉如皮。味苦氣寒。苦則氣行而金肅。寒則熱除而水利。是以勞力傷津。伏有熱邪。而見小便不通。及患發背等症。治當用此調治。俾肺肅而水通。淋除而毒去矣。生古瓦上者。名瓦韋。治淋亦佳。

【實驗】 此藥有利尿之作用，而能減少尿道刺激性之疼痛，用以治淋濁病，患淋病者服之，不但有利尿之作用，尿時作痛亦可減，其病亦可愈，蓋因有殺淋菌之作用也。

【禁忌】 陰虛無濕者忌用，尿多者亦忌，體溫低者不宜用。

【用量】 自一錢五分至三錢。

【炮製】 凡用去黃毛，不爾射人肺，令欬不已，去梗微炙用。

【配合】 同滑石治淋痛，同車前子食前煎服，治轉胞，同檳榔等分爲末，生薑湯下，止氣熱欬嗽，同白芍、白朮、葵子、瞿麥、木通、當歸、甘草、王不留行，治小便如豆汁，或出砂石，勞倦即發。

薏苡仁（附）根

【品狀】 禾本科，爲一年生草，園圃常栽植之，稈高四五尺，葉狹長，有平行脈，舊曆七月中旬，於梢上葉腋開白色數花，作穗狀，結實橢圓形，實中有孔，以指頭壓之，則實皮自破，中有白色之仁，我國江浙等省均產之。

【成分】 含有多量之蛋白質、麥麩質、脂肪油、澱粉等。

【性味】味甘淡，性微寒，無毒。

【歸經】入肺、胃、脾三經，爲清熱利濕之品。

【功效】清寒降肺，甘淡益脾，肅上部之邪氣，癱痿胸痺，欬喘愈，導中州之水濕，拘攣腳氣，濁淋，痲，或生或炒之，攸分，因病因方而施治，故經言治痿有獨取夫陽明，而醫用舒筋，每相宜於服食。

【研究】薏苡仁，甘淡性寒，入肺胃及脾，其功亦能健脾益胃，而不如山藥之補，清熱利濕，是苡仁所長，故上則肺癰肺痿，中則腫滿黃疸，皆可治也。至若拘攣腳氣，痿躄等證，無不皆從肺熱胃濕兩端，以致筋脈受病耳。時珍曰：薏苡仁屬土陽明藥也，故能健脾益胃，虛則補其母，故肺痿肺癰用之，筋骨之病，以治陽明爲本，故拘攣筋急濕痺者用之，土能勝水除濕，故泄利水腫用之。石頑曰：薏苡甘寒，升少降多，能清脾濕，祛肺熱，及虛勞欬嗽，肺痿肺癰，虛火上乘，皆宜用爲下引，又能利筋去濕，故本經治久風濕痺，拘急不可屈伸之病，蓋治筋必取陽明，治濕必扶土氣，其功專於利水，濕去則脾胃健而筋骨利，痺愈則拘攣退而腳膝安矣。然痺濕須分寒熱，蓋寒則筋急，熱則筋緩，大筋受熱弛縱，則小筋縮短而攣急不伸，故宜用此。若因寒筋

急而痛者不可用也。又肺癰以根汁沖無灰酒服。初起可消。已潰可斂。屢效。汪昂曰：甘淡微寒而屬土。陽明藥也。甘益胃土而勝水。淡滲濕而瀉水。所以益土健脾。治水腫。濕痺。脚氣。疝氣。泄痢。熱淋。益土所以生金。故補肺清熱。治肺痿肺癰。咳吐膿血。扶土所以抑木。故治風熱筋急拘攣。按薏苡仁味甘氣和。清中濁品。能健脾陰。大益腸胃。主治脾虛泄瀉。致成水腫風濕筋緩。或手足無力。不能屈伸。蓋因濕勝則土敗。土勝則氣復。腫自消而力自生也。取其色白入肺。滋養化元。用治上焦消渴。肺癰腸癰。又取其味厚沉下。培植下部。用治脚氣腫痛。腸紅崩漏。若咳血久而食少者。假其氣和力緩。倍用無不神效。但孕婦忌之。恐滲利太過。傷胎氣也。

【實驗】 濕溫（有汗之熱症）後可代茶用。概因能增加腎之排洩作用。故有汗之熱症後。可用之。此所謂利濕。實卽利尿也。又霍亂吐瀉之後。可代茶用。概因能強壯心力。亦能鎮靜痙攣之故。

【禁忌】 若津枯便秘。陰寒轉急。及妊娠禁用。以其性專下泄也。

【用量】 自四錢至一兩。

【炮製】 入脾肺藥。薑汁拌炒。入利水濕藥。生用。

【配合】 同麻黃、杏仁、甘草。治風濕身痛、日晡劇者。同郁李仁。治水腫急喘。

赤小豆

【品狀】 菽豆類。一年生草本。農家種之爲雜糧。莖高二尺餘。葉爲複葉。由三小葉所成。小葉卵圓。末端帶尖。有時有極淺之三裂。花生於葉腋。色黃形如蝶。果實爲細長三寸之莢。果中存紅色之種子。以緊小而赤黯色者入藥。其稍大而鮮紅淡紅色者。並不治病。今肆中半粒黑者是相思子。有毒不堪用。

【成分】 含窒素物一八·五五。無窒素物五七·七二。脂肪〇·八九。木纖維八·八〇。水分一三·一〇。灰分二·九四。

【性味】 味甘微酸。性平。無毒。

【歸經】 入心經。兼入小腸經。爲行水散血之品。水氣脚氣。最爲急用。

【功效】 能通心與小腸。行瘀利水。可排膿而散腫。治臍消疽。味甘微酸。性平無毒。

【研究】 赤豆之性。甘酸而平。入心與小腸。功專消水行血。故內而水臍血臍。以及一切脚氣。外而癰疽腫毒。或服或敷。皆有神效。然總不過消水行血之功。古人言其多食令人消瘦者。概

可想見矣。海藏曰：治水者，惟知治水，而不知補胃，則失之壅滯。赤小豆消水通氣，而健脾胃，乃其藥也。時珍曰：赤小豆小而色赤，心之穀也。其性下行，通乎小腸，能入陰分，治有形之病，故行津液，利小便，消脹除腫，止吐，而治下痢腸澼，解酒病，除寒熱癰腫，排膿散血，而通乳汁。下胞衣難產，皆病之有形者。久服則降令太過，津血滲洩，所以令人肌瘦身重也。石頑曰：赤豆之小，而色黯者，俗名豬肝赤。其性下行，通利小腸，故能利水降火。久食令人枯燥。瓜蒂散用之，以泄胸中寒熱，正以其利水清熱也。生研末，敷癰腫，爲傷寒發頤要藥。發芽同當歸，治便紅腸癰，取其能散蓄積之毒也。

【禁忌】 最滲津液，久服令人枯瘦身重。又有外感惡寒者，尿多者，均忌用。

【用量】 自三錢至五錢。

【炮製】 清水淘淨用。

【配合】 同桑根、白皮煎服。去濕氣癰腫。同薏苡、防己、甘草煎服。治胃癰膿成。

冬瓜（附）子皮 甜瓜 葫蘆殼

【品狀】 蔬菜類。暮春生苗引蔓，葉如掌狀分裂，莖葉皆有毛刺。夏開黃花，實大徑尺餘，長二

三尺瓜皮堅厚嫩時色綠有毛老則蒼色上浮白霜其成熟較他瓜遲以得於霜後者佳故名產蘇浙等省。

【性味】味甘性微寒無毒稟陰土之氣而生可升可降陰中陽也。

【歸經】入脾胃大小腸四經爲除熱益脾之品。

【功效】冬瓜寒瀉熱甘益脾利二便消水腫止消渴散熱毒癰腫子主除煩滿不樂去皮腐風治肺腸癰開胃醒脾進食皮主消水並折損傷骨。

【研究】冬瓜爲瀉熱利水之品用之清暑甚妙子甘淡微涼能清肺化痰止咳排膿治肺癰之要藥皮味微苦而淡性平能清濕熱利水消腫故患水腫者用爲引導之藥丹溪曰冬瓜性走而急寇氏謂其分散熱毒氣亦取其走而性急也甜瓜子卽夏月所食之金瓜子今人概以菜瓜子代之故無用有開痰利氣之功甘寒潤肺具降濁排膿之效滑利通腸蓋其味甘性寒功專清肺滑腸故能治上焦之熱痰腹內之壅結西瓜子仁與之相同葫蘆殼皮色黃內微白虛軟味淡性平功能利水消皮膚腫脹陳者佳陰寒水腫者無效。

【禁忌】冬瓜性冷利臟腑有熱者宜之若虛寒腎冷久病滑洩者忌。

【用量】 入藥惟用子皮，自三錢至一兩。

【炮製】 子皮生用，或炒用。

【配合】 冬瓜子、象貝母、枇杷葉、枳殼粉、前胡，治肺受風熱，咳吐黃痰。冬瓜皮、茯苓皮、防己、生薑衣，治水腫，四肢漫浮。同牛皮膠炒存生性，研末，治跌撲傷損，酒服五錢，取微汗愈。

茯苓 茯神

【品狀】 寓木類，生松林中，成塊大如拳，皮黑而皺，肉白微赤，或云假松氣而生，白茯苓生於黑松所生之地，而於赤松所生之地，爲赤茯苓，抱根而質鬆者，名茯神。二月八月採取，陰乾，我國各省均產，出雲南省者佳。

【成分】 主要成分爲匹克聖，餘爲水及灰質。

【性味】 味甘淡性平，無毒，感土木之氣而成，氣味俱薄，浮而升，陽也。惡白朮，畏地榆、牡蠣、雄黃、秦艽、鼈甲、忌米醋及酸物。

【歸經】 茯苓入心、肺、腎、脾、胃五經，爲補利兼優之品。茯神入心經，兼入肝經，爲寧神定志之品。

【功效】色本屬金。功先入肺。導膀胱而利水。無非氣化之神。清治節以行痰。專主分消之職。假松根之餘氣。甘淡平和。得坤土之精英。堅貞博厚。憂恚驚悸。皆緣痰結爲殃。嘔吐怔忡。盡是飲邪作咎。均可審證而施治。自能對病以求方。抱根者爲茯神。守臟寧心。安神獨掌。色紅者爲赤苓。入營導赤。利水偏長。皮以行皮。性仍同性。

【研究】茯苓味甘淡。性平和。上入肺脾。下達小腸膀胱腎經。益元氣。通神明。能清肺脾虛熱。下行。其淡滲燥利之性。故能化胸中痰飲。導下部濕邪。至於茯神赤苓等。其主治氣味皆同。不過安神利水之功。略有小異耳。皮主水腫膚脹。利小便。開腠理。茯神木主偏風。口面喎斜。毒風筋攣。不語。心神驚掣。虛而健忘。腳氣痺痛。諸筋牽縮。徐靈胎曰。凡人邪氣鬱結。津液不行。則爲痰爲飲。痰濃稠爲火之所結。飲清稀爲水之所停。故治痰則鹹以降之。治飲則淡以利之。若投以重劑。反拒而不相入。惟茯苓輕淡屬土。土勝水能疎條之。令從膀胱以出。病漸去而不覺也。觀仲景豬苓湯、五苓散等方。義自見矣。石頑曰。茯苓得松之餘氣而成。甘淡性平。能守五藏真氣。其性先升後降。入手足太陰少陰。足太陽陽明。開胃化痰。利水定悸。止嘔逆泄瀉。除濕氣。散虛熱。本經治胸脇逆氣。以其降泄也。憂恚驚悸。心下結痛。以其上通心氣也。寒熱煩滿。欬

逆口焦舌乾利小便以其導熱滋乾流通津液也本草言其利小便伐腎邪東垣云小便多者能止瀉者能通又大便瀉者可止大便約者可通丹溪言陰虛者不宜用義似相反者何哉蓋茯苓淡滲上行生津液開腠理滋水之源而降利小便潔古謂其屬陽浮而升言其性也東垣言其陽中之陰降而下言其功也經言飲入於胃遊溢精氣上輸於脾脾氣散精上歸於肺通調水道下輸膀胱則知淡滲之性必先上升而後下降膀胱氣化而小便利矣若肺氣盛則上盛下虛上盛則煩滿喘乏下虛則痿痺軟弱而小便頻茯苓先升後降引熱下滲故小便多者能止也大便瀉者胃氣不和不能分利水穀偏滲大腸而泄注也茯苓分利陰陽而瀉自止矣大便約者以膀胱之水不行膀胱硬滿上撐大腸故大便不能下通也宜茯苓先利小便則大便隨出也至若肺虛則遺溺心虛則少氣遺溺下焦虛則遺溺胞遺熱於膀胱則遺溺膀胱不約爲遺溺厥陰病則遺溺皆虛熱也必上熱下寒當用升陽之藥非茯苓輩淡滲所宜故陰虛不宜用也此物有行水之功久服損入八味丸用之不過接引他藥歸就腎經去胞中久陳積垢爲搬運之功耳是以陰虛精滑而不覺及小便不禁者皆不可服以其走津也其赤者入丙丁但主導赤而已其皮治水腫膚腫通水道開腠理勝於大腹皮之耗氣也茯神功與茯苓

無異。但神抱心以生。苓則不從心抱。故苓則能入脾與腎。而神則多入心耳。別錄謂服此開心益智。安魂定魄。無非入心導其痰濕。故能使心與腎交通之謂耳。後人治心病必用茯神。潔古云。風眩心虛。非茯神不能除。然茯苓未嘗不治心病也。陶弘景始言茯苓赤瀉白補。此發前人之祕。時珍謂茯苓茯神。只當云赤入血分。白入氣分。如牡丹芍藥之義。茯神中所抱之木。治風濕筋骨攣縮。與松節同功。沈金鰲曰。肝風內煽。發厥不省人事者。余每用茯神木治之。無不神效。蓋此證雖屬肝。而內煽則必上薄於心。心君爲之不寧。故致發厥。茯神本治心。而中抱之木又屬肝。以木制木。木平則風定。風定則心寧。而厥自止也。按茯苓假松之真液而生。受松之靈氣而結。稟坤陰最厚。味獨甘淡。甘則能補。淡則能滲。甘淡屬土。用補脾陰。土旺生金。兼益肺氣。益肺於上源。補脾於中部。令脾肺之氣從上順下。通調水道。以輸膀胱。故小便多而能止。澀而能利。茯神抱根附結。不離於本。有依守之義。取此鎮伏心神。能中守而不移。以其體沉重。重可去怯。其性溫補。補可去弱。戴人曰。心本熱。虛則寒。如心氣虛怯。神不守舍。驚悸怔忡。魂魄恍惚。勞怯健忘。俱宜溫養心神。非此不能也。

【實驗】 此藥醫治小便不利。心臟衰弱。與胃極無變化。由腸壁吸入血中。能增高血壓。使腎

臟之分泌機能亢進。

【禁忌】 病人腎虛、小水自利、或不禁、或虛寒、精清滑、均忌。精液漏、忌用。熱症、口焦舌乾者、不宜用。

【用量】 自三錢至五錢。

【炮製】 入補藥、乳蒸曬、焙用。入利水藥、生用。

【配合】 茯苓得人參、白朮、橘皮、山藥、蘊豆、芍藥、甘草、爲補脾胃之上藥。得白朮、蒼朮、澤瀉、車前、白芍、橘皮、豬苓、木瓜、爲消水腫之要劑。同地黃、山藥、丹皮、澤瀉、山萸、能伐腎邪。茯苓神、同人參、丹參、玄參、天冬、麥冬、柏子仁、當歸、生地、棗仁、遠志、桔梗、蜜丸、辰砂爲衣、能安魂養神。茯苓木、同乳香爲末、木瓜酒下、治風濕痺、搏於筋骨、足筋攣痛、行步艱難。皇漢醫方、同白朮、蒼朮、澤瀉、車前、白芍、陳皮、木瓜、豬苓、治小便不利、合人參、白朮、陳皮、山藥、扁豆、白芍、甘草、治心臟衰弱。

土茯苓

【品狀】 蔓草類、蔓生、莖有細點、葉尖端如竹葉、互生、長五寸、質厚而滑、如瑞香、根圓如莖、莖

連綴而生。有赤白二種。入藥用白者良。產我國之楚蜀等省。

【性味】 味甘淡。性平。無毒。忌茶茗。

【歸經】 入胃、肝、腎三經。爲利濕解毒之品。

【功效】 利濕分消。皆謂邪留下部。舒筋定痛。多因毒伏經中。以能制輕粉之留邪。入胃通肝及腎。故爲治下疳之良劑。性平味淡而甘。可助土以強脾。藉遺糧而當穀。

【研究】 土茯苓一名仙遺糧。味甘淡而平。益脾胃。化濕邪。服之可當穀不飢。故有遺糧之名。今人概以治楊梅惡瘡。毒竄筋骨。肌肉潰爛等證。亦不過因土茯苓之味甘淡。甘能解毒。淡可分消。又能益脾胃。使土旺濕除。肌肉自愈之意。非 茯苓可以治瘡也。時珍云。楊梅瘡起於嶺南。風土炎熱。風瘴薰蒸。挾淫穢濕熱之邪。發爲此瘡。今則遍行海宇。類有數種。治之則一。屬厥陰陽明。如兼少陰太陽陽明。發於咽喉。兼太陽少陽發於頭角。蓋相火寄在厥陰。肌肉屬於陽明。若用輕粉劫劑。毒氣竄入經絡筋骨。莫之能出。變爲筋骨疼痛。發爲結毒。遂成痼疾。惟搜風解毒湯可治之。

【實驗】 爲改血利尿藥。體內因病有惡質者能治之。

【禁忌】 淡滲傷陰，肝腎陰虧者，勿服。

【用量】 自三錢至一兩。

【炮製】 洗淨切片用。

【配合】 搜風解毒湯：土茯苓一兩、薏苡仁、銀花、防風、木瓜、木通、白蘚皮各五分、皂莢子四分。氣虛加人參七分、血虛加當歸七分、水煎服。治楊梅瘡未犯輕粉、病深者月餘愈、病淺者半月愈。服輕粉藥致筋骨攣痛、癱瘓不能動履者，多服亦效。忌醋、茶、牛、羊、鷄、鵝、魚肉、燒酒、麩麵、房勞。蓋秘方也。

豬苓

【品狀】 寓木類，生於楓樹根部之一種菌類，但他樹根部亦生之。是木之餘氣所結，如茯苓由松樹之餘氣結成也。爲不正圓塊，狀類豬屎，質輕，外皮黑色或深褐色，內部白而微赤。產我國之衡山山谷及濟陰等處。二月八月採取陰乾。

【性味】 味甘淡微苦，性平，無毒。稟戊土之陽氣，得風木之陰氣而生，氣味俱薄，升而微降，陽中陰也。

【歸經】入腎、膀胱、小腸三經。爲行水之品。苦泄滯。甘助陽。淡利竅。故能除濕利小便。

【功效】淡滲分消。治各種癰淋。皆可自腸中下導。甘平赤黑。去諸般濕熱。却能從釜底抽薪。

【研究】豬苓甘淡性平。入小腸膀胱血分。分利濕熱。濕熱下降。則上焦之熱渴止。表部之溫

疫解。亦裏和表解之意也。然畢竟淡滲燥利之品。耗亡津液。陰血不足者遠之。黃宮繡曰。豬

苓性雖有類澤瀉。同入膀胱腎經。解熱除濕。通竅利水。然水消則脾必燥。水盡則氣必泄。澤瀉

雖同利水性亦類燥。然鹹性居多。尙有潤存。澤雖治火。性亦損氣。而潤能滋陰。尙有補在。故豬

苓必合澤瀉以同用。則潤燥適均。而無偏弊之患矣。至於茯苓雖屬滲劑。有濕自可以去。但茯

苓入氣而上行。此則入血而下降。與澤瀉同用。能利水消腫。治瘰疬疔病。病屬暑邪濕熱內閉者。

無不藉此以爲宣導之需。古人云。清利小便。無若此駛。以故滋陰藥中。止有澤瀉。不用豬苓。蓋

澤瀉者。瀉中有潤澤之意。顧名思義。可以知矣。按豬苓味淡。淡主於滲。入脾以利水道。用治

水瀉濕瀉。通淋除濕。消水腫。療黃疸。獨此爲最捷。故云與琥珀同功。但不能爲主劑。助補藥以

入脾。領泄藥以理脾。佐溫藥以煖脾。同涼藥以清脾。凡脾虛甚者。恐泄元氣。慎用之。

【實驗】此藥特別能增加尿之排泄力。

【禁忌】 元素曰：淡滲大燥，能亡津液。寇氏曰：豬苓利水之功多，久服必損腎氣，昏人目，以腎水不足，則目昏也，故無濕者勿服。

【用量】 自三錢至五錢。

【炮製】 去皮切片用。

【配合】 同白芍、茯苓、人參、橘皮、朮、澤瀉、治水腫之屬陽分者。同白芍、生地、桑寄生、桑白皮、茯苓、澤瀉、琥珀、石斛、薏苡仁、肉桂、治水腫之屬陰分者。

大腹皮

【品狀】 果類，卽大腹檳榔之皮，色黃，狀如絲絨，故又稱大腹絨。

【性味】 味辛苦，性微溫。

【歸經】 入脾、胃、肺三經，爲下氣行水之品，辛瀉肺，溫和脾。

【功效】 宣胸腹之邪氣，行脾達胃，散肺腸之氣滯，逐水寬中，辛苦而溫，輕疏有毒。

【研究】 大腹皮主治，與檳榔相似，但無檳榔之降氣，而有行皮宣發之功，故凡治皮水、膚腫，以及溫瘧、伏邪等證，皆可用之。仲醇曰：凡人脾胃虛，則寒熱不調，逆氣攻走，則痰滯中焦，結

成膈證。或濕熱鬱積。酸味醋心。辛溫煖胃豁痰。通行下氣。則諸證除矣。大腸壅毒。以其辛散破氣而走陽明。故亦主之也。張璐曰。檳榔性沉重。泄有形之積滯。腹皮性輕浮。散無形之滯氣。故痞滿膨脹。水氣浮腫。腳氣壅逆者宜之。惟虛腫禁用。以其能泄真氣也。按腹皮辛走表。故能寬脹。溫和中。故能消腫。體質輕枯。輕可去實。用此疏通脾肺之鬱。氣味淡薄。淡主滲泄。用此暢利腸胃之滯。若皮膚浮腫。若腳氣脹痛。若胎氣腫滿。若臟脹之陰陽不能升降。獨此爲良劑。

【禁忌】 病涉虛弱者忌用。

【用量】 自二錢至四錢。

【炮製】 鳩鳥多集其樹上。宜酒洗後。再以菘豆湯洗過。用。其內粗者耗氣。宜摘去之。

【配合】 同白朮、茯苓、車前子、木瓜、桑白皮、五加皮、豬苓、澤瀉、薏苡仁、蠶魚。治水腫有效。虛者加人參。

鯉魚(附) 鯽魚 烏魚

【品狀】 鱗類。時珍曰。鯉鱗有十字文理。故名。雖困死鱗不反白。鯽魚族行以相卽也。故謂之鯽。我國各處池沼中均產之。

【性味】 鯉魚味甘性平。無毒。鯽魚味甘性溫。無毒。

【歸經】 鯉魚入肺、脾、膀胱三經。爲利水消腫之品。鯽魚入脾、胃、膀胱三經。爲補土利水之品。

【功效】 鯉魚甘平。下水氣。利小便。治欬逆上氣。脚氣黃疸。妊娠水腫。鯽魚甘溫。諸魚屬火。獨鯽屬土。土能制水。故有和胃實腸行水之功。

【研究】 鯉性跳躍急流。故取以治水腫之病。河間云。鯉之治水。鯨之利水。因其氣相感也。黃疸脚氣濕熱。孕婦身腫宜之。鯽魚性喜假泥。故屬土。和脾養胃。是以凡病後虛弱之人。惟鯽魚可食。昔人有反厚朴之戒。以厚朴泄胃氣。鯽魚益胃氣故也。大明言溫中下氣。保昇言止痢。厚腸。皆言其補益之功也。諸魚在水。無一息之停。皆能動風動火。故水族之類。皆能利水。同氣相感也。魚腥之類。均可發風。亦事之常理也。至於外敷消腫毒者。一則取其動能消散。一則取其土能解毒耳。烏魚卽鱧魚。甘平。祛風下水。療五痔。治濕痺。利大小腸。治妊娠有水氣。烏魚膽。凡膽皆苦。獨烏魚膽帶甘。喉痺將死者。點入卽瘥。病深者調灌之。

【禁忌】 鯉魚天行病後。下痢。及宿癥。俱不可食。服天門冬。硃砂人。不可食。不可合犬肉及葵菜食。鯽魚和蒜食少熱。同沙糖食生疔蟲。同芥菜食成腫疾。同豬肝。雞肉。雉肉。鹿肉。猴肉食。生

癰疽。同麥門冬、荊芥穗食。害人。

【用量】此均爲食品。普通用以供饌。若入藥。選肥大者。一尾或二尾。臨時酌定可也。鯽魚烏背者屬雄。力勝。

【炮製】凡煮食。當去鱗及腹中腸雜。煨灰。止血證。俱不可去鱗。以鱗有止血之功也。

【配合】鯽魚同白蠟煮食。治使血。腦髓。治耳卒聾。齒治石淋。膽治口赤腫痛。取汁點之。鯽魚生搗。塗痰核。乳癰。墜腫。以豬脂煎灰服。治腸癰。合赤小豆煮汁食。消水腫。炙油調塗。婦人陰瘡。同白礬燒研。治腸痔。血痢。入綠礬泥固煨。治反胃吐食。與胡蒜煨。治腦氣痞滿。大田螺一個搗爛。和入麝香一分。敷臍上。用布紮縛。治結熱小便不通。屢驗。大田螺一個。以冰片少許。摻磨上。有水流。出。將水點。治痔瘡。頗效。

螻蛄（附）蟋蟀

【品狀】蟲類。身黑褐色。長寸許。似蝗。首圓長。其翅雄長。雌短。雄者喜撲燈。雌者否。雄者夏秋善鳴。世人誤爲蚯蚓之鳴聲也。冬入土中。掘土而行。頗捷。此蟲於七月上旬。產卵土中。多至三百顆。同月中旬。孵化。至翌年五月。已全長成。蟋蟀似蝗而小。正黑有光。澤如漆。有翅及角。善跳。

好鬪。立秋後則夜鳴。至冬而死。

【性味】 螻蛄味鹹性寒。有毒。蟋蟀味辛鹹性溫。有毒。

【歸經】 螻蛄蟋蟀俱入膀胱大小腸三經。爲通竅利水之品。

【功效】 螻蛄味鹹寒。性陰有毒。達下竅。逐水通淋。蟋蟀辛鹹而溫。治男婦小水不通。痛脹不止。催生。治水蠱。

【研究】 螻蛄性善穴土。故能治水腫。自腰以前甚滿。能止大小便。自腰以後甚利。能通大小便。取以治水最效。但其性急。虛人戒之。本經治難產者。取其下半煮湯服之。則下也。出肉刺潰癰腫惡瘡者。生搗塗之。肉刺卽出。瘡腫卽潰也。下哽噎者。炙末吹之。哽噎卽下。非噎膈之謂也。千金治齧鐵入內。以螻蛄杵汁。滴上三五度。自出。延年方。治胎衣不下。以螻蛄一枚。水煮數沸。灌下入喉卽出。蟋蟀號稱將軍。通竅利水。較之螻蛄。有過無不及。通尿催生。捷如桴鼓。生前百戰百勝者。死後陰乾用之。尤有奇效。

【禁忌】 螻蛄蟋蟀。治水雖效。但性甚急。體虛氣薄。不任開泄者。戒之。

【用量】 螻蛄蟋蟀。每種自四分至一錢。

【炮製】均取雄者。去翅足用。用火燒地赤。置螻蛄於上。任其跳死。覆者雄。仰者雌也。

【配合】螻蛄同推車蟲煎服。治大小便閉。同甘草炙研末。敷小兒臍風出汗。同輕粉研末。嗜鼻消水。而浮甚者。黃水出盡自愈。蟋蟀同木通。生草。治熱淋莖痛。小便不暢。

滑石

【品狀】石類。無色或白色。有脂肪狀真珠狀光澤。質軟柔。爪之則傷。硬度一。○。爲礦石中硬度之最低者。其面光滑如油。故名。產我國之廣西省桂林者佳。

【成分】爲含水硅酸鎂。H₂Mg₃Si₄O₁₀。此外尙含有少許雜物。

【性味】味甘淡。性寒。無毒。稟石中之沖氣而生。氣味俱薄。降也。陰也。石韋爲使。制雄黃。宜甘草。汪昂云。凡走泄之劑。宜用甘草以佐之。

【歸經】入膀胱經。兼入心、胃、大小腸四經。爲通利下竅之品。

【功效】甘淡性寒。清熱有功於肺胃。分消質滑。導邪直降於州都。除濕熱之稽留。宣表裏而無滯。

【研究】滑石其性寒。其體滑。其質重。沉降下行。祛濕熱。從小腸膀胱而出。有謂其燥者。亦濕。

去則燥之故。非滑石之性燥也。或謂其能解肌者。亦裏通而表解之意歟。羅天益曰。滑石治渴。非真止渴。資其利竅。滲去濕熱。則脾胃中和。而渴自止耳。若無濕。小便利而渴者。內有燥熱。宜滋潤。誤服之。津液愈亡。而渴轉甚矣。故好古以爲至燥之劑。時珍曰。滑石利竅。不獨小便也。上能利毛腠之竅。下能利精溺之竅。蓋甘淡之味。先入於胃。滲走經絡。游溢精氣。上輸於肺。下通膀胱。肺主皮毛。爲水之上源。膀胱司津液。氣化則能出。故滑石上能發表。下利水道。爲渴熱燥濕之劑。發表是蕩上中之熱。利水道是蕩中下之熱。發表是燥上中之濕。利水道是燥中下之濕。熱散則三焦寧。而表裏和。濕去則關門通。而陰陽利。劉河間用益元散。通治上下表裏諸病。蓋是此意。但未發明耳。汪訥庵曰。滑石淡滲濕。滑利竅。寒瀉熱。色白入肺。清其化源。而下走膀胱。以利水。通六腑。九竅。津液爲足。太陽經本藥。治中暑積熱。嘔吐煩渴。黃疸水腫。腳氣淋閉。水瀉熱痢。吐血衄血。諸瘡腫毒。爲蕩熱除濕之要藥。消暑降火。散結通乳。滑胎。吳儀洛曰。昔人俱謂其能發表。氣輕解肌。不過以其能利毛竅耳。不知表邪得此滲泄重降之品。必愈陷入裏。而成敗症矣。按滑石體滑主利竅。味淡主滲熱。能蕩滌六腑。而無尅伐之弊。主治暑氣煩渴。胃中積滯。便濁澀痛。女人乳汁不通。小兒疹毒發渴。皆利竅滲熱之力也。如天令濕淫。

太過。小便癱閉。入益元散。佐以硃砂。利小腸最捷。要以口作渴。小便不利。兩證並見。爲熱在上。焦肺胃氣分。以此利水下行。煩渴自止。若渴而小便自利者。自內津液少也。小便不利而口不渴者。是熱在下焦血分也。均非所宜。且體滑胎前亦忌之。

【禁忌】 凡陰精不足。內熱。以致小水短少赤澀。或不利。及煩渴身熱。由於陰虛火熾水涸者。均忌。脾胃俱虛者。雖不作洩。亦忌。虛弱性腹瀉。及惡寒發熱無汗者。尿過多者。有孕者。忌用。入丸散須研至極細。否則傷胃。

【用量】 自四錢至一兩。

【炮製】 白而潤者良。雷公曰。凡用先以刀刮盡研粉。以牡丹皮同煮一伏時。去丹皮。取滑石。以東流水淘過。晒乾用。

【配合】 同甘草爲六一散。治中暑身熱泄瀉。加辰砂名益元散。治心經伏暑。煩躁神昏。加乾薑名溫六散。治腸澀下痢赤白。加石膏名玉泉散。治暑熱面紅口渴。

本草用法研究

第十編 潤燥之劑

經曰：諸瀆枯澗、乾勁、皴揭，皆屬於燥。乃肺與大腸陽明燥金之氣也。金爲生水之源，寒水生化之源，絕不能溉灌周身，榮養百骸，故枯槁而無潤也。或因汗下亡津，或因房勞虛竭，或因服用金石，或因濃酒厚味，皆能助狂火而損真陰也。燥在外則皮膚皴揭，在內則津少煩渴。在上則咽焦鼻乾，在下則腸乾便秘。在手足則痿弱無力，在脈則細澀而微，皆陰血爲火熱所傷也。治宜甘寒滋潤之劑，甘能生血，寒能勝熱，潤能去燥，使金旺而水生，則火平而燥退矣。

肉蓯蓉（附）銷陽

【品狀】 山草類。多寄生於高山榛木之根。莖高自六七寸至尺餘，作肉質柱狀。葉細如鱗，如松球。莖根皆黑褐色。長則內部空處。花亦黃色。夏日叢生於莖之上部，爲唇形花冠。六七月間，選掘長七八寸者，曬乾，或漬鹽藏於壺中應用。產於我國之代郡雁門多馬之處。或云威馬精落地而生，鎮陽出肅州。或云野馬與蛟龍遺精入地，久之發起如筍，上豐下儉，鱗甲櫛比，筋

脈連絡絕類男陽亦肉蓯蓉之類也。土人掘取洗滌去皮薄切晒乾應用。

【性味】 蓯蓉味甘酸鹹性微溫無毒得天之陽氣地之陰氣以生降也。陽中陰也。鎖陽味甘性溫無毒可升可降陽也。

【歸經】 入肝腎包絡命門四經。為滋腎益精滑腸之品。腎經血分藥。鎖陽入腎經。為大助元陽之品。專興陽事強筋故能興陽。

【功效】 壯陽滋腎。甘鹹少帶微酸。補命通幽。溫潤且猶兼黑鎖陽之性。主治相同。

【研究】 甘鹹溫潤色黑。專入肝腎。能益精壯陽。但無峻補之力。卻有滑腸之能。故雖肝腎不足。而脾虛便溏者。不宜服之。鎖陽亦一類二種耳。鎖陽出處形質性味功用。皆與蓯蓉同。為腎經血分藥。能補下焦陽中之陰。與巴戟之補陰中之陽者略異。故凡老人陽中之陰不足。而致結燥者宜之。海藏曰。命門相火不足者。以此補之。乃腎經血分藥也。凡服蓯蓉以治腎。必妨心。丹溪曰。峻補精血。驟用反動大便滑也。時珍曰。鎖陽之功。不外潤燥養筋。治痿弱而已。大約與肉蓯蓉相類。徐靈胎曰。此以形質為治也。蓯蓉象人之陰。而滋潤黏膩。故能治前陰諸疾。而補精氣。如地黃色質象血。則補血也。按肉蓯蓉味鹹入腎。厚濁補腎。主治精寒無

子陽道不舉。女人絕陰。久不懷孕。緣少陰經火衰。用此峻補腎元子宮。最爲神妙。凡老年血枯便祕。以此滋養其血。大便秘通。

【實驗】 此藥能壯陽。蓋因有興奮丸之作用。故能強陰。益精氣。多子。

【禁忌】 凡洩瀉。腎中有熱。強陽易興。而精不固者。均忌。舌苔膩而黃色者。不宜用。鎖陽同。

【用量】 自三錢至五錢。鎖陽同。

【炮製】 雷公曰。凡使先用清酒浸一宿。刷去沙土浮甲。劈破中心。去白膜一重。如竹絲草樣。有此能隔人心前氣不散。令人上氣也。蒸半日。酥炙。忌鐵。

【配合】 菴容得鹿角膠、杜仲、地黃、當歸、麥冬、主婦人不孕。同人參、鹿茸、牡狗陰莖、鹿角膠、杜仲、補骨脂、主男子陽痿、老人陽衰。一切腎虛腰痛。兼令人有子。同地黃、枸杞、牛膝、鼈甲、冬、麥冬、當歸、鹿角膠、杜仲、青蒿、五味子、黃蘗、山茱萸。治五勞七傷。莖中寒熱。婦人癥瘕。同葶、菟絲子、杜仲、豬腰子。爲丸。治腎衰。精虛。風濕痿躄。腰膝滯重。足不任地。陽明脈虛。筋骨弛軟。

瓜萸 天花粉

【品狀】 多年生蔓草類。葉掌狀。似王瓜葉而光澤。夏開白花。後結綠色橢圓形果。比王瓜大。

而稍短。秋熟。黃赤色。中有黃瓢。瓢有子。名瓜萋仁。根潔白。名天花粉。

【成分】子仁含多量脂肪。根含多量澱粉。

【性味】天花粉味甘。微苦。微酸。性微寒。無毒。瓜萋殼與仁。味甘。性微寒。無毒。瓜萋稟天地清寒之氣而生。降也。陰也。惡乾薑。畏牛膝。乾漆。反烏頭。枸杞爲使。

【歸經】入肺、胃、大腸三經。爲潤肺降氣。滌痰清腸之品。

【功效】天花粉。清胸胃之煩熱。痰垢均除。解心肺之炎蒸。苦甘並濟。生津止渴。金燥宜求。行水消痰。黃疸可治。消腫排膿。結可散。澤枯潤槁。性偏寒。瓜萋殼。氣味相同。花粉。治療各有偏宜。潤肺清腸。降痰火。下行爲順。消痰滌垢。治結胸上實。頗靈。用仁則潤滑腸中。用殼則清於肺部。

【研究】天花粉入肺胃血分。專清上焦邪熱。下降一切黃疸腫毒。皆從鬱熱水血互結而來。其能利水道。消瘀血。故主治如上。玉露霜卽鮮天花粉。以水澄出之粉。晒乾用。性味主治皆同。略分清濁耳。瓜萋性味與花粉相同。惟潤降之功過之。故凡上焦鬱熱。垢膩痰火。欬嗽等證。皆可用之。一切肺癰腸癰乳癰之屬火者。尤爲相宜。但冷滑大腸。脾虛無火。大便不實者。不可用也。東垣曰。花粉純陰。解煩渴。行津液。心中枯澗者。非此不能除。與辛酸同用。導腫氣。丹溪

曰瓜蒌根消渴聖藥。汪昂曰天花粉酸能生津甘不傷胃微苦微寒降火潤燥滑痰解渴生肌排膿消腫行水通經止小便利治熱狂時疾胃熱疔黃口燥唇乾腫毒發背乳癰瘡疔澄粉食大宜燉熱人。醫鑑曰瓜蒌仁甘補肺潤降氣清胸中痰火爲治嗽要藥。時珍曰張仲景治胸痺痛引心背欬睡喘息及結胸滿痛皆用瓜蒌實乃取其甘寒不犯胃氣能降上焦之火使痰氣下降也成無己不知此意乃云苦寒以瀉熱蓋不嘗其味原不苦而隨文附會耳。黃宮繡曰瓜蒌仁功專降火下氣除痰緣肺受火迫則水停而痰生痰生則肺失養而氣壅故有喘急胸滿咳嗽咽閉口渴之病矣以其性寒味甘能除上焦胸膈鬱結痰氣使之入腸胃而降故仲景小陷胸湯用此治邪結在胸小柴胡湯用此易半夏治少陽證見口渴取其有清降之力能使之下行也一種實緊小皮厚子而高低不平者藥肆中稱之曰栝蒌力尤勝。按花粉甘苦性涼純陰之品專清膈上熱痰熱痰由肺受火逼失其降下之令此善導上焦之火下行使肺氣清則聲音頓發胃熱減則消渴即除唇乾口燥潤其津液自止熱癰諸毒和其血脈必消療煩滿祛黃瘡內外同歸清熱下乳汁調月水上下總是行津但脾氣虛寒者忌之若汗下亡陽作渴亦不宜用瓜蒌仁體潤能去燥性滑能利竅凡薄痰在膈易消易清不必用此若

鬱痰濁老痰膠頑痰韌食痰粘皆滯於內不得升降致成氣逆胸悶咳嗽煩渴少津或有痰聲不得出藉其滑潤之力以滌膈間垢膩則痰消氣降胸寬嗽寧渴止津生無不奏效其油大能潤肺滑腸若火邪燥結大便以此助苦寒之藥則大便自潤利矣。

【實驗】花粉醫治毛細氣管炎在胃不起變化至腸始被吸入至血中能使血液流動增速促進肺臟之呼吸迅速令痰容易驅出各種口渴症均可用之特有效於肺炎之口渴糖尿病人之口渴者亦可用之然口渴而喜飲熱物者不能用因肺炎而有火熱者可用之不但能止口渴亦有化痰之作用然惡寒無汗之發熱不宜用故無汗者不可用舌紅者可用之。

【禁忌】天花粉其性寒降凡胃虛吐逆陰虛勞嗽誤用反傷胃氣久必泄瀉喘欬病根愈固矣凡痰飲色白清稀者皆當忌用瓜蒌殼與仁凡脾胃虛及嘔吐自利者不可用慢性消化不良症忌用又腸胃虛弱而腹瀉者舌白者惡寒無汗而發熱者口不渴者口雖渴而喜飲熱物者均禁用。

【用量】天花粉瓜蒌殼瓜蒌仁均自三錢至五錢。

【炮製】天花粉洗淨切片用瓜蒌殼炒用瓜蒌仁打碎入煎或去薄殼去油炒用名蒌仁霜。

專消痰。

【配合】 天花粉同貝母、竹瀝、竹茹、荆瀝、天冬、消熱痰。同金銀花、連翹、貝母、白芨、甘草、消一切腫毒。瓜蒌仁同黃連、半夏爲小陷胸湯。治傷寒虛結胸。同雄白、半夏、白酒。治胸中痹痛。皇漢醫方。天花粉同人參、麥冬、白朮、藿香、半夏、甘草。治毛細枝氣管炎。

冬葵子

【品狀】 隰草類。時珍曰。葵菜古人種爲常食。今之種者頗鮮。有紫莖白莖二種。以白莖爲勝。大葉小花。花紫黃色。其最小者名鴨脚葵。其實大如指頂。皮薄而扁。實內子輕虛如榆莢。仁。四五月種者可留子。六七月種者爲秋葵。八九月種者爲冬葵。經年收採。正月復種者爲春葵。然宿根至春亦生。入藥用冬葵子。我國各地均產之。

【性味】 味甘性寒。無毒。感冬氣而生。降也。陽也。黃芩爲使。

【歸經】 入胃大小腸三經。爲潤燥利竅之品。

【功效】 滑利通淋。下乳催生。悉主治。甘寒入胃。二腸水腑並分消。

【研究】 冬葵子。甘寒滑利之品。入胃與大腸。故消乳癰。潤大便。滑胎利竅。是其所長。至通淋。

滲濕等治。不過旁及小腸膀胱之地耳。凡乳癰初起。用冬葵子二兩。酒水各半煎服。卽消。此物止可用於氣血燥濟之人。而不可施於虛羸中寒之體。以其甘寒滑利也。中虛氣陷者。尤當禁之。時珍曰。葵氣味俱薄。淡滑爲陽。故能利竅通乳。消腫滑胎也。

【禁忌】 脾虛腸滑者。忌用。又有孕者。尿過多者。腹瀉者。均忌用。

【用量】 自一錢五分至三錢。

【炮製】 本藥取子生用。

【配合】 同砂仁等分爲末。熱酒服三錢。治婦人乳房脹痛。炒香研末。芎歸湯下三錢。治孕婦難產不下。

火麻仁

【品狀】 穀類。一年生草本。莖直立。而有縱溝。高七八尺。葉作掌狀深裂。小葉之數五或七。邊緣有鋸齒。夏開淡綠花成穗。雌雄異株。雄花純綠而甚小。花後結閉果。卽麻子也。九月採之。入土者損人。我國各地均產之。

【成分】 含脂肪極多。

【性味】味甘性平無毒得土氣以生畏牡蠣白薇茯苓。

【歸經】入脾胃大腸三經爲滑利之品。

【功效】治脾約與津傷甘平養肝血能澤枯而潤燥宣利導腸風。

【研究】麻仁一名火麻仁其皮可組織爲布苧麻卽此也麻仁之性與胡麻之性皆屬甘平皆爲木穀故其治風潤燥之力大抵相同而用者凡遇津虧脾約風燥便結等證皆用麻仁遇麻風癰癩等證皆用胡麻亦世俗相沿習慣耳劉完素曰麻木穀也而治風同氣相求也。

好古曰麻仁手陽明足太陰藥也陽明病汗多胃熱便難三者皆燥也故用之以通潤也甄

權曰汗多胃熱便難三者皆燥而亡津液汗出愈多則津枯而大便愈燥仲景脾約丸中用麻

仁治津少大便秘蓋以潤足太陰之燥乃通腸也成無己曰脾欲緩急食甘以緩之麻仁之

甘以緩脾潤燥日華曰止消渴通乳汁主催生難產及老人血虛產後便秘宜之時珍曰

利女人經脈調大腸下痢塗諸瘡癩殺蟲取汁煮粥食止嘔逆按麻仁味甘能潤腸體潤能

去燥專利大腸氣結便閉老年血液枯燥產婦氣血不順病後元氣未復或稟弱不能運行皆

致大便閉結不通不宜推盪亦不容久閉以此同紫菀杏仁潤其肺氣滋其大腸則便自利矣

【實驗】 此藥醫治產後便秘。在胃中不起何等變化。入腸即激腸之粘膜。使分泌增多。蠕動加速。同時又能限止腸內固有水分不使吸收。

【禁忌】 多食損血脈。滑精氣。痿陽事。婦人多食。即發帶疾。以其滑利下行。走而不守也。精滑者尤忌。

【用量】 自三錢至五錢。

【炮製】 入煎微炒研用。入丸去殼用。法取帛包裹。浸沸湯中。至冷出之。垂井中一夜。勿着水。次日日中曬乾。就新瓦上。揆去殼。簸揚取仁。搗用。

【配合】 同芍藥、厚朴、大黃、枳實、杏仁、煉蜜爲丸。治脾約。大便秘而小便數。 皇漢醫方同大黃、芍藥、厚朴、蘇子、黨參、歸尾、生地、枳殼、檳榔、甘草。治產後大便秘結。

胡麻子 (附) 壁虱胡麻 脂麻花 莖

【品狀】 穀類。漢張騫使西域。得其種。還故名。方莖。高三四尺。葉長橢圓形。而尖。邊緣爲波狀。夏由葉腋開小唇形花冠。呈筒狀白色。具紫黃色之花。結實爲蒴果。長橢圓形。有小刺毛。熟則縱裂。內含多數黑色之種子。可搾油。有黑白二種。俗名脂麻。我國各地均產之。一種壁虱胡麻。

又名亞麻。其色似粟。氣惡不堪食。止可入藥。

【成分】 蛋白質一九·六五。脂肪四四·一五。無窒素有機物九·四三。灰分二〇·一二。水分六·六五。

【性味】 味甘性平。無毒。稟天地之中氣。得稼穡之甘味而生。

【歸經】 入脾經。兼入肝、腎、肺三經。爲補益滋潤之品。

【功效】 木穀善祛風。養肝益血。甘平能潤燥。滋腎填陰。

【研究】 胡麻一名巨勝子。甘平入肝腎潤燥滑腸。入藥以黑者爲勝。古人以麻爲木穀。故能入肝治風。然止可治肝腎陰虧血燥之風。或肢體風淫癩癩等疾。用以滲入筋骨潤燥則可。若外來真中風邪。欲用此解散。則不可也。河間曰。麻爲木穀而治風。蓋治風先治血。血活則風散。胡麻入肝益血。故風藥不可闕。廷飛曰。炒食不生風病。風人久食。則步履端正。語言不蹇。士良曰。初食利大小腸。久食則否。去陳留新。石頑曰。胡麻甘溫。質潤性燥。專入足少陰血分。專補腎藏陽虛。兼行肝心脾肺四經。益脾滋肺。降心胞之火。滋肝木之陰。平補五藏。但不若附桂之雄健耳。其白者名白油麻。亦能潤肺除燥。下通脾約便難。赤者專發腎經之毒。錢氏治

小兒痘疹變黑歸腎。用赤脂麻煎湯。送百祥丸。（見大戟條）麻油味甘性微寒。生用消瘡腫。熟用利腸胃。內服下三焦熱毒氣。通大小腸。治蛇心痛。外治敷一切惡瘡疥癬。爲外科要藥。外科熬膏多用之。以其涼血解毒。止痛生肌也。壁虱胡麻。味甘性微溫。治大瘋瘡癬。佐苦參。蒺藜。屢有愈者。脂麻花爲末。麻油塗。生禿髮。長眉毛。高粱酒浸。擦治凍瘡。黑脂麻莖燒灰。治小兒鹽哮喘。以淡豆腐。蘸麻莖灰食之。又點痣去惡肉。

【實驗】 脂麻中所含之脂肪甚多。脂肪之在人體中。不但能使人肥胖。亦爲強健腦與骨之主要物質。故能長肌肉填髓腦。

【禁忌】 凡下元不固。而見便溏陽痿。精滑白帶。皆所忌用。

【用量】 自三錢至五錢。

【炮製】 皮肉俱黑者良。九蒸九晒可服食。時珍曰。胡麻取油以白者爲勝。服食以黑者爲良。胡地者尤妙。取其黑色入通於腎。而能潤燥也。赤者狀如老茄子。殼厚油少。但可食耳。不堪入藥。

【配合】 同桑葉爲末。水法丸。淡鹽湯送服。治肝腎陰虧。虛風暗動。頭目昏暈。麻痺不仁。同

桑葉、首烏、黨參、女貞、蒺藜、杞子、熟地、當歸、牛膝、茯苓、麥冬、五味、蒙花、望月砂、蟬衣、石決、草決爲末。蜜丸。淡鹽湯送服。治男婦肝陰不足。眼目昏花。並治久嗽不愈。肌膚甲錯。麻痺不仁。

薤白

【品狀】 薺菜類。時珍曰。薤八月栽根。正月分蒔。宜肥壤。數枝一本。則茂而根大。葉壯似韭。韭葉中實而扁。有劍脊。薤葉中空似細葱葉。而有稜。氣亦如葱。二月開細花。紫白色。根如小蒜。色白如鈕。一本數顆。相依而生。五月葉青則掘之。否則肉不滿也。我國各地均產之。

【性味】 味辛苦。性溫。無毒。忌牛肉。

【歸經】 入胃大腸二經。爲利竅通陽之品。心病宜食。大利產婦。

【功效】 辛滑通陽。開胸痺之痰血。苦溫散氣。治洩痢之邪氛。

【研究】 薤白味辛而苦。性溫而滑。入胃與大腸。以其辛苦溫滑之性。故能通胸中陽氣。散胸中痰血。至其能治赤白痢者。亦由陽氣不宣。而痰血交滯耳。李杲曰。治洩痢下重。下焦大腸氣滯。寇氏云。其葉光滑。露亦難貯。故云薤露。古方用治肺氣喘急。亦取滑洩之義。王禎曰。薤生則氣辛。熟則甘美。薤散結。蒜消癥。綱目云。治少陰病厥逆洩痢。及胸痺刺痛。下氣散血。

安胎。黃宮繡曰：薤白散血，疏滯定喘，安胎利產，及治湯火傷損緣薤味辛則散，散則能使在上寒滯立消，味苦則降，降則能使在下寒滯立去，氣溫則散，散則能使在中寒滯立除，體滑則通，通則能使久病寒滯立解，是以下痢可除，瘀血可散，喘急可止，水腫可敷，胸痺刺痛可愈，胎產可治，蜜搗敷湯火傷，用汁灌鼻救中惡卒死，皆疏氣利竅通陽之功也。考其功用，有類於韭，但韭則止入血行氣，及補腎陽，此則專通寒滯，及滑竅之爲異耳。

【禁忌】 滑利之品，無滯勿用，生食引涕唾，不可與牛肉同食，令人作癢痕，又汗多者，頭暈者，禁用。

【用量】 自一錢五分至三錢。

【炮製】 本藥取根白，洗淨晒乾用。

【配合】 同半夏、枳實、生薑、栝蒌實、白酒煮服，治胸痺痛徹心背，喘息欬唾短氣。同黃蘗煮服，治赤痢不止。同當歸煮服，治妊娠胎動，腹內冷痛。

榆白皮

【品狀】 落葉喬木，高十丈，周圍丈五，幹皮深褐色，有扁平裂，剝脫如魚鱗，葉倒卵形，邊有鋸

齒厚而粗糙。春開花曰榆。秋開花曰榔榆。結莢形狀似錢而小。色白成串。俗呼榆錢。又有赤白二種。赤爲榆。白爲粉。取根皮用。我國各處均產之。

【性味】味甘。性平而滑。稟春陽之氣而生。可升可降。陽也。

【歸經】入肺、脾、胃、大小腸、膀胱六經。爲滑泄之品。能下有形留着之物。

【功效】榆皮味甘平。性黏滑。導滯通腸。和脾消水。莢仁微辛性平。作糜羹食。令人多睡。

【研究】榆白皮性極黏滑。故香作用之。勝於膠漆。其性甘平無毒。入肺、脾、胃、利二腸。消水滑胎。導滯無非皆取其滑利下降之功。莢仁作糜羹食。令人多睡。亦如柏子仁之安神定魂之意也。考榆白皮雖非攻伐之品。然其滑降之性。多服恐耗津液耳。時珍曰。榆皮性滑利下降。手足太陽。手陽明經藥也。故人小便不通。五淋腫滿。喘嗽不眠。經脈胎產諸症宜之。蓋亦取其利竅滲濕熱。消留着有形之物耳。氣盛而壅者宜之。若胃寒而虛者。久服滲利。恐洩真氣。蘇頌所謂榆粉多食不損人者。恐非確論也。

【禁忌】脾胃虛寒者忌用。

【用量】自二錢至四錢。

【炮製】 去粗皮取白用。

【配合】 同木通、生地、治五淋澀痛。同牛膝、桃仁、冬葵子、下死胎。

郁李仁

【品狀】 灌木類，生山野，樹高五六尺，花粉紅，實如小李，取核中仁用。

【性味】 味辛苦，微甘微酸，性平，得木氣而兼金化，潤而燥，陰中之陽降也。

【歸經】 入脾及膀胱、大小腸四經，爲破血泄氣、潤燥通腸之品，脾經氣分藥。

【功效】 順氣搜風，燥結立開，津易耗，通腸導水，腫浮頓退，脹全消，辛苦甘酸，平和潤降。

【研究】 郁李仁，辛苦微甘微酸，性平，專主潤降，通大腸，潤燥結，導一切水閉，風閉，氣閉等證。

但降利之性太過，恐結去而津耗耳。甄權云：治腸中結氣，關格不通。東垣云：治大腸氣滯。

燥澀不通。石頑曰：郁李仁性潤而降，爲大便風閉專藥。本經治大腹水氣，面目四肢浮腫，取

其潤下之意，利小便水道者，水氣從之下趨也。黃宮繡曰：郁李仁世人多合胡麻同用，以爲

潤燥通便之需，然胡麻功止潤燥，煖中活血，非若郁李仁性潤，其味辛甘與苦，而能入脾下氣。

行水破血之劑也。故凡水腫癰急，便閉，關格不通，得此體潤則滑，味辛則散，味苦則降，與胡麻

實異而又可以相需爲用者也。

【發明】 此藥醫治水腫。在胃腸中均不顯何等作用。入血後專激腎臟。使促進其利尿機能。

【禁忌】 此爲治標救急之藥。津液不足者。慎勿輕投。下後令人津液虧損。燥結愈甚。老人津液不足而燥結者。戒之。腹瀉者。禁用。

【用量】 自一錢五分至三錢。

【炮製】 雷公曰。先以湯浸去皮尖。用生蜜浸一宿。漉出陰乾。研如膏用之。

【配合】 同當歸、地黃、麻仁、麥冬、桃仁、生蜜、肉蓯蓉。治大便燥結不通。甚者加大黃。同牽牛、芒硝、木香、甘遂。治水腫。同酒。能入膽。治悸。目張不瞑。皇漢醫方。合牽牛、芒硝、甘遂、木香。治水腫。

枳椇子

【品狀】 落葉喬木。高數十尺。葉卵形。有三大脈。互生。夏開白色花。枝頭結實如鷄爪形。長寸許。拳曲開作二三岐。儼若鷄之足。趾嫩時青色。經霜乃黃。嚼之味甘如蜜。每開岐盡處。結一小子。狀如蔓荊子。內有扁核。赤色如酸棗仁形。此樹俗稱金鈎樹。子入藥。俗稱金鈎子。亦稱鷄

距子產我國中部各省。

【性味】味甘性平無毒。

【歸經】入肺、脾、胃三經。爲生津液、止渴、除煩、解酒毒之品。

【功效】服食甘平解酒毒。渴煩燥散助津生。肺胃雙收。醇醪盡敗。

【研究】枳椇子味甘性平。入脾胃生津液。解渴煩。專解酒毒。倘屋外植此木。屋內釀酒。均致敗壞。物性相制如此。石頑曰。去膈上熱。潤五臟。利大小便。

【禁忌】大甘助濕熱。多服發虻蟲。

【用量】自二錢至四錢。

【炮製】取子洗淨用。

【配合】同葛花、菘豆。解酒醉、酒毒。

梨

【品狀】果類。梨樹高二三丈。尖葉光膩有細齒。二月開白花。如雪六出。上已無風。則結實必佳。梨品甚多。必須棠梨。桑樹接過者。則結子早而佳。梨有青黃紅紫四色。乳梨卽雪梨。鵝梨卽

錦梨、消梨卽香水梨，俱爲上品，可以入藥，其餘供食品而已。產我國之燕魯皖等省。

【成分】 含有多量水分及糖分。

【性味】 味甘微酸，性寒，無毒，得西方金氣以生，降也，陰也。

【歸經】 入心、肺二經，兼入肝、胃、腸三經，爲消痰降火、清熱解毒之品。

【功效】 性偏寒潤，味屬甘酸，解渴止醒，清心肺上焦之煩熱，消痰快膈，治腸胃內擾之風消。

【研究】 梨味甘微酸，性寒滑，入肺、胃、清煩熱，能利大腸，治熱欬燥欬，除胸中熱痰，解丹石毒。

酒毒，夫熱極則生風，故能治風消等證，但生用能清熱，熟用可養陰，亦如地黃之生熟異用耳。

時珍曰：梨能治風熱、涼心潤肺、降火消痰，皆其功也。今人痰病火病，十居六七，梨之有益，蓋

不爲少，但不宜過食耳。石頑曰：消痰降火，除客熱，止心煩，梨之有益，蓋亦不少。近有一人患

消中善饑，諸治罔效，因煩渴不已，恣噉梨不輟，不藥而瘳。一婦鬱抑成勞，欬嗽吐血，右側不得

貼席者半年，或令以梨汁燉熱服盡許，卽時吐稠痰結塊半盂，是夜便能向右而臥，明日復飲

半盞，吐痰如前，以後飲食漸增矣。

【禁忌】 肺寒欬嗽、脾家泄瀉、腹痛冷積、寒痰痰飲、產後痘後、胃冷嘔吐及西北真中風均忌。

元氣虛者，不慎而誤噉之，往往成寒中之患。乳婦及金瘡亦忌。恐血得寒而凝也。

【用量】 自五錢至一兩。

【炮製】 去皮及子，用淨肉。

【配合】 同生地汁、鮮藕汁、蜂蜜、冰糖、加生薑汁少許，熬膏，治陰虛肺熱，欬嗽痰多。

柿 柿霜 柿蒂

【品狀】 落葉喬木，葉卵圓而光澤，端尖，夏開花，微黃色，單性雄花較小，實圓徑二寸許，八九月成熟，色紅，我國各地均產之。

【性味】 柿味甘微澁，性寒，無毒。稟地中陰氣以生，降也。陰也。柿霜味甘微澁，性寒，無毒。柿蒂味苦澁，性溫，無毒。

【歸經】 柿入肺、胃、大腸三經，為清肺滋腸涼血之品。柿霜入心肺二經，為清熱化痰之品。柿蒂入胃經，為降納除寒之品。

【功效】 解肺熱以生津，甘寒可口，滋腸燥而涼血，紅潤歸營，清肅輕揚，須柿霜以化痰寧嗽，苦溫降納，宜柿蒂平呃除寒。

【研究】 柿甘寒微瀉。須置灰器中。待其紅熟。瀉味盡去。方可食之。入肺胃大腸血分。清胸中煩熱。止渴生津。潤心肺。治欬血吐血。極能涼大腸。凡痔漏便血等症。由於血分有熱者。皆宜。柿霜乃柿餅上所結之霜。甘寒輕清之物。上入心肺。清熱化痰。治咽喉口舌諸證。柿餅治痔漏下血腸風。柿蒂苦溫性降。入胃腑。治呃逆之因於寒者。有收束之意也。一物之性。寒熱不同如此。丹溪曰。乾柿屬金而有土屬陰。而有收意。故止血治欬。亦可爲助。時珍曰。柿乃脾肺血分之果也。其味甘而氣平。性瀉而能收。故有健脾瀉腸治欬止血之功。蓋大腸者。肺之合而胃之子也。真正柿霜。乃其津液。入肺病上焦藥尤宜。又曰。古方單用柿蒂煮汁飲之。取其苦溫能降逆氣也。濟生柿蒂散。加以丁香生薑之辛熱。以開痰散鬱。蓋從治之法也。張璐曰。乾柿白霜。專清肺胃之熱。在元氣未瀉。可勝寒潤者。用之固宜。但虛勞煩喘。得此鬱閉虛陽。病根日固。與埋薪灰燼何異。又曰。柿之生青熟赤。生瀉熟甘。渾是陰內陽外之象。獨蒂之瀉。始終不改。故取以治陰內陽外之病。濟生方。治呃逆。專取柿蒂之瀉。以斂內蘊之熱。丁香生薑之辛。以散外鬱之寒。深得寒熱兼濟之妙用。

【禁忌】 肺經無火。及風寒作嗽。冷痢滑洩。腸胃虛脫。與脾家素有寒積。或感寒腹痛。感寒嘔

吐者均忌。又生柿同酒食易醉。或致心痛。同蟹食令人腹痛作瀉。以二物皆寒也。惟磨木香汁飲可解。

【用量】 柿餅自五錢至一兩。柿霜自二錢至四錢。柿蒂自一錢至二錢。

【炮製】 柿霜生用。柿蒂生與炒均可。柿餅治痔血便血。炒炭用。

【配合】 柿霜同礪砂、麥冬、天冬、玄參、烏梅肉。研末蜜丸。治陰虛喉痛。

甘蔗冰糖 紫沙糖

【品狀】 蔗類。蔗皆畦種叢生。最困地力。莖似竹而內實。大者圓數寸。長六七尺。根下節密。以漸而疎。抽葉如蘆葉而大。長三四尺。扶疎四垂。八九月收莖。可留過春。有青紫二種。汁味甘。可製糖。輕白者爲白沙糖。堅如冰者爲冰糖。煎煉至紫黑色者爲紫沙糖。產我國浙江廣東福建等省。

【性味】 蔗漿味甘性微寒。冰糖白沙糖味甘性平。紫沙糖味甘性溫。

【歸經】 蔗漿、冰糖、白沙糖入肺、胃、肝、脾、四經。爲除熱潤燥、消痰止渴治嗽、補脾緩肝之品。紫沙糖入肝、脾、腸、胃、四經。爲祛垢活血、調和肝脾之品。

【功效】 蔗漿甘微寒。和中助脾。除熱潤燥。消痰止渴。治嗽。解酒毒。利二便。冰糖白沙糖。甘平。補脾緩肝。潤肺和中。消痰治嗽。紫沙糖。功用與白者相倣。而稍遜。和血則紫者爲優。

【研究】 蔗脾之果也。其漿甘寒。能瀉火熱。煎煉成糖。則甘溫而助濕熱。蔗漿消渴解酒。自古稱之。而孟詵乃謂共酒食發痰者。豈不知其有解酒除熱之功耶。日華子又謂沙糖能解酒毒。則不知既經煎煉。便能助酒爲熱。與蔗之性異矣。卽如甘草遇火則熱。麻油遇火則冷。此物性之異。醫者當知。近世用以搗汁治病。服之有效。以其甘寒養胃而清濕熱也。丹溪曰。冰糖甘喜入脾。食多則害。必生於脾。西北地高多燥。得之有益。東南地卑多濕。得之未有不病者。亦兼氣之厚薄不同耳。又曰。糖生胃火。乃濕土生熱。故能損齒生蟲。與食棗病齲同意。非土制水也。

【禁忌】 蔗漿。胃寒嘔吐。中滿滑瀉。勿食。白沙糖。冰糖。中滿勿服。多食助熱。損齒生蟲。紫沙糖。多食生胃火。助濕熱。損齒生蟲。

【用量】 蔗漿白一兩至三兩。冰糖白三錢至五錢。熬膏用不等。紫沙糖白三錢至五錢。熬膏用不等。

【炮製】 紫沙糖生用。或炒枯用。

【配合】 冰糖同豬肺煮食。治肺燥欬嗽。紫沙糖同益母草煮服。治產後惡露。同甘草銀花煮服。能祛除吸鴉片煙者腸胃中之積垢煙毒。

阿膠

【品狀】 獸類耳長如兔。鬣短直立。性忍耐。可使力役及乘騎。或耕田。乳汁與人乳同。歐人多爲育兒之用。黑驢之皮。可製阿膠。我國山東之東阿縣有井。常汲其水煮膠。故名。以黃透如琥珀色。或光黑如漆者爲真。不作皮臭。夏月不軟濕者爲佳。其水膠入木煤質造。有傷脾氣。慎不可用。

【性味】 味甘鹹性平。無毒。得濟水之清氣。兼得驢皮之潤氣而成。可升可降。陽中陰也。可藥爲使。畏大黃。得火良。

【歸經】 入肺、肝、腎三經。爲益陰清熱之品。清肺養肝。滋腎益氣。和血補陰。化痰定喘。除風潤燥。俱爲聖藥。

【功效】 用濟水以煎成。滌垢行瘀。功專治嗽。藉驢皮之功用。補陰益血。力主祛風。且能潤燥化痰。味甘鹹而平性。並可入肝及肺。治痿弱與虛勞。

【研究】阿膠用黑驢皮以阿井水煎成。阿井在山東爲濟水所伏流之處。其水清而且重。無論塵滓皆可澄下。卽以少許用攪濁水亦能立清。黑驢皮可入肺。黑能入腎。血肉有情之品。使之金水相生。補養血液。肝爲藏血之地。血足則肝木受榮。風邪自息。和合煎膠爲治虛勞欬嗽。一切血證之要藥。味甘鹹性平。以清脆明亮。不腥穢不柔韌者爲佳。藏器曰。諸膠皆主風。止洩補虛。而驢皮主風爲最。宗奭曰。驢皮煎膠。取其發散皮膚之外也。用烏者。取烏色屬水。以制熱則生風之義。時珍曰。阿膠大要。只是補血與液。故能清肺益陰。而治諸證。初菴曰。甘平。清肺養肝。滋腎補陰。止血去瘀。治風化痰。潤燥定喘。利大小腸。治虛勞欬嗽。肺痿吐膿。吐血衄血。血淋血痔。腸風下痢。腰痠骨痛。血痛血枯。經水不調。崩帶胎動。及一切風病。徐靈胎曰。阿井之水。較其旁諸水重十之一二不等。人之血脈。宜伏而不宜見。宜沉而不宜浮。以之成膠。真止血調經之上藥也。其必以驢皮煎者。驢肉能動風。肝爲風藏而藏血。乃借風藥以引入肝經也。又凡皮皆能補脾。脾爲後天生血之本。而統血。故又爲補血藥中聖品。黃宮繡曰。味甘氣平質潤。專入肝經養血。又能除風化痰。蓋以血因熱燥。則風自生。阿膠得阿井并純陰之濟水。又得純黑補陰之驢皮。氣味俱陰。旣入肝經養血。復入腎經滋水。水補而熱自制。故風自

爾不生。又膠潤而不燥。膠性既能潤肺。復能趨下降濁。使痰不致上逆耳。至於痔漏腸風。衄血。血淋下痢。暨經枯崩帶胎動癰腫。治均有效。亦是因血枯燥。伏熱而成。故能得滋而解。此爲血分養血潤燥。養肺除熱要劑。不似首烏功專入肝。補血祛風。烏鬚黑髮。而於肺經潤燥定喘則未及。鹿角膠性專溫督與衝。以益其血。而於肺經清熱止嗽。則未有龜版膠力補至陰。通達於任。退熱除蒸。而於陰中之陽。未克有補。古人云。阿膠養陰。人參益氣。正謂此也。按阿膠用黑驢皮。取北方玄武之義。又用山東東阿井水。煎成爲膠。其水係濟水所經。性急下趨。清而且重。專入肺部。以清炎上之火。逆上之痰。治虛勞欬嗽。痰中帶血。因其性氣和平。力補血液。能令絡脈調和。血氣無阻。善治崩漏帶下。爲安胎聖藥。及痢疾久虛。骨蒸內熱。入腎以潤水。入肝以清火。女人血枯。男子精少。無不奏效。

【實驗】此藥對於子宮。不但有鎮靜之作用。而安胎。亦能減低子宮粘膜之過份充血。而治療血崩。以及月經過多之病症。

【禁忌】氣味雖平和。然性粘膩。胃弱作嘔吐。脾虛食不消者。均忌。又因受寒而腰腹痛者。腹痛是因胃腸內有刺激物者。有外感之寒熱症者。舌苔厚膩而消化不良者。均禁用。

【用量】 自三錢至五錢。

【炮製】 凡用去痰蛤粉炒。止血蒲黃炒。或麵炒。或酒化。或水化。或童便和用。各從本方。

【配合】 同天冬、麥冬、花粉、桑白皮、五味子、剪草、生地、枸杞子、百部、蘇子、白芍。治肺腎俱虛。嗽吐血。同杜仲、枸杞子、白芍、山藥、麥冬、地黃、黃芪、人參、青蒿、續斷、黃蘗。治婦人崩中漏血。

同白芍、炙甘草、麥冬、地黃、鹿角膠、當歸、杞子、杜仲、續斷。治婦人胎痛。或胎漏下血。單用二錢炒。加葱白三根。水煎化。入蜜二匙。溫服。治老人虛秘。同黃連、當歸、乾薑。名駐車丸。治冷熱不調。下痢赤白。裏急後重。

牛乳 牛肉 牛骨髓 牛角腮 牛膽 霞天膠 酥油 人乳

【品狀】 獸類。時珍曰。牛有犍牛（卽黃牛）水牛二種。犍牛小而水牛大。犍牛有背黑赤白駁雜數色。水牛色青蒼。大腹銳頭。其狀類豬。角若擔矛。能與虎鬪。亦有白色者。牛齒有下無上。察其齒而知其年。三歲二齒。四歲四齒。五歲六齒。六歲以後。每年接脊骨一節也。在畜屬土。在卦屬坤。土緩而和。其性順也。乳肉均可供食。

【性味】 牛乳味甘性微寒。無毒。可升可降。陰也。

【歸經】 牛乳入心、肺、胃、大腸四經。爲潤燥生津之品。

【功效】 牛乳味甘微寒。潤腸胃。解熱毒。補虛勞。治反胃噎膈。

【研究】 牛乳微寒。故能解熱毒。體潤又能滋腸胃。爲精血所成。所以補虛勞不足。丹溪曰。反胃噎食。大便秘結。宜牛羊乳時時咽之。並服四物湯爲上策。切不可用人乳。人乳有飲食之毒。七情之火也。時珍曰。乳煎華芡。治痢有效。蓋一寒一熱。能和陰陽耳。初菴曰。噎膈不通。服香燥藥。取快一時。破氣而耗血。是速其死也。不如少服藥。飲牛乳。加韭汁。或薑汁。或陳酒爲佳。黃牛肉味甘性溫。安中補脾。益氣止渴。功同黃芪。水牛肉味甘性平。白水牛肉。可治反胃吐食。腸結不通。牛骨髓味甘性溫。補中填骨髓。久服增年。能潤澤肌膚。黃牛腦和藥。治頭風腦漏。牛角腮。角中嫩骨。乃筋之粹。骨之餘。角之精也。味苦性溫。苦能洩熱。溫能通行。爲肝腎血分之藥。下閉血。瘀血疼痛。女人帶下血。燒之則性溫。故止血痢崩中之病。牛膽釀入南星末。陰乾。治驚風有奇功。取苦寒製南星之燥。善於豁痰除熱耳。霞天膠有健脾養胃之功。推陳致新之能。專治停痰積聚。五味傷中。酥油。卽牛羊乳所結之面油也。甘平潤澤。乃血液之屬。凡臟腑經絡。皆能滲灌潤澤。故能宣風痺。除熱邪。故鼈甲龜板虎骨之類。用酥塗炙者。取其

易脆而滲入骨髓耳。人乳甘鹹潤五臟補血液止消渴澤皮膚清煩熱理噎膈悅顏利腸。

【禁忌】牛膽中焦虛寒者忌之。目病非風熱者勿用。牛乳患冷氣人忌之。與酸物相反。令人腹中癥結。脾胃作泄者亦不宜服。人乳虛寒滑泄胃弱者禁服。與食同進。卽成積滯發瀉。

【用量】人乳、牛乳、牛肉、牛骨髓、臨時酌用。牛角腮、牛膽星、自一錢五分至三錢。

【炮製】牛乳煮熟用。牛肉煮汁用。牛角腮炙用。牛骨髓熬煉去渣用。人乳取首生男兒無病婦人之乳白而稠者爲佳。黃赤清色氣腥穢者不用。或曝晒用茯苓粉收。或水燉取粉尤良。燉乳取粉法。小鍋燒水滾。用銀瓢如碗大。傾乳少許入瓢。浮滾水上。燉再浮冷水上。立乾。刮取粉。再燉再刮。如攤粉皮法。

【配合】牛乳同人乳、羊乳、梨汁、蘆根汁、蔗漿熬膏。治反胃噎膈。大便燥結。時時飲之。兼止消渴。以黃牛肉取四蹄各五斤。熬膏去渣。收乾如鹿膠法。名霞天膏。主中風偏廢。口眼歪斜。痰涎壅塞。五臟六腑留痰留飲。癱塊手足皮膚中痰核。及大病後極虛羸瘦。每斤入茯苓四兩。燉溶。空腹酒服三四錢。肥盛多痰者。每斤入半夏麴四兩。廣皮二兩。丸服大效。霞天膠同竹瀝。貝母、橘紅、蘇子、花粉、功勞葉。治陰虛內熱。水涸火熾。煎熬津液凝結爲痰。膠固難散者。同橘

皮、茯苓、蘇子、白朮、半夏、蒼朮爲黏。治脾胃積痰。同橘皮、貝母、蘇子、花粉、薤仁、蓬砂爲黏。治積熱痰結。牛骨髓、同地黃汁、白蜜等分煎服。治瘦病。同胡桃肉、杏仁、泥各四兩、山藥末半斤、煉蜜一斤、同搗成膏、以瓶盛之、湯煮一日、每服一匙、空心服之、補精潤肺、壯陽助胃。牛角腮、同豬懸蹄甲、猬皮、蜈蚣、蛙竹屑、明礬、白蠟爲丸服。去漏管。獨用燬末、煮豉汁服二錢、日三服。治大便秘下血神效。人乳同黃連浸汁、點目治赤澀多淚。

蜂蜜（附）蠟

【品狀】 蟲類好合羣、中分三種、后蜂一頭、爲全羣之母而統一之、雖有刺而不妄螫、雄蜂色黑、尾無刺、除與后蜂交尾外、徒貪食好遊、秋初常被工蜂放逐、或咬斃、工蜂非雌非雄、腹面有蠟腺、以分泌蠟質、營採花粉、構蜂房各職、每三四月晴天、舊后蜂率隊出窠而分封、採蜜法、取蜂房三分之二入篩、置日下、蜜液滴下、曰白蜜、不論何部、入鍋加水溫之、入袋搾之、謂之黃蜜、搾後之渣、可製黃蠟。

【成分】 糖、含淡物、花粉、水氣等。

【性味】 蜜味甘性平、無毒、得草木羣英之精華、合露氣以釀成、降也陰也。

【歸經】入心、脾、肺、胃、大腸、五經。爲甘和滑潤之品。能治心腹血刺痛。和營衛。潤臟腑。通三焦。調脾胃。除心煩。皆蜜之功用也。蜜性緩質柔。蠟味淡澆。性溫質堅。

【功效】甘平潤肺。滋大腸之結燥。難通。香滑和中。悅胃氣。而肌膚自澤。生則解毒。而止痛。熟則緩脾。以補虛。

【研究】蜂蜜。蜂所釀成。白者良。甘平無毒。潤五臟。利二腸。和中緩急。毒可解。痛可止。無非皆甘潤之力。生則性涼。熟則性溫。故煉熟白蜜。又能補益脾胃。隨宜用之可也。時珍曰。蜂採無毒之花。醞釀而成蜜。其入藥之功有五。清熱也。補中也。解毒也。潤燥也。止痛也。生則性涼。故能清熱。熟則性溫。故能補中。甘而和平。故能解毒。柔而濡澤。故能潤燥。緩可以去急。故能止心腹肌肉瘡瘍之痛。和可以致中。故能調和百藥。而與甘草同功。初菴曰。甘緩可和中。故能調營衛。通三焦。除百病。徐靈胎曰。蜜者採百花之精華而成者也。天地春和之氣。皆發於草木。草木之和氣。皆發於花。花之精英。釀而爲蜜。和合衆性。則不偏。委去糟粕。則不滯。甘以養中。香以理氣。真養生之上品也。但其性極和平。於治疾。則無速效耳。石頑曰。蜜雖補脾肺。然性涼潤。脾胃不實。腎氣虛滑。及濕熱痰滯。胸痞不寬者。咸須忌之。故瓊玉膏用糖霜。枳朮丸用荷葉裹。

飯。佐金丸用米飲。牛黃丸用蒸餅。黑錫丹用酒麴。磁硃丸用神麴。虎潛丸用酒。香蓮丸用醋。茸珠丹用紅棗。滾痰丸用水泛。各有所宜。今人修製丸劑。概用蜂蜜。殊失先哲用方之義。吳普曰。蜜成於蠟。而萬物之至味。莫甘於蜜。莫淡於蠟。蜜之氣味俱厚。屬乎陰也。故養脾。蠟之氣味俱薄。屬乎陽也。故養胃。厚者味甘而性緩質柔。故潤臟腑。薄者味淡而性瀋質堅。故止洩痢。按蠟有蟲蠟。蜜蠟兩種。蜜蠟係蜂蜜之底。蟲蠟乃有一種小蟲。在樹而生。凝結樹上者。如五倍血竭。產於樹枝者。同類。兩種蠟。味皆甘淡而瀋。性皆溫。入肺胃。療肺虛。養胃氣。凡欬嗽瀉痢。遺精帶濁之屬於虛脫者。皆可用此固之。瀋之。外科用以護內膜。敷金瘡。亦此意耳。黃宮繡曰。蠟有二種。其一由蜂蜜之滓而成。卽蜜凝結之粗者也。其蠟有黃有白。一出於樹。其蠟由木之蟲而生。故名蟲白蠟。二者氣味略異。性亦微別。如蜜蠟味甘淡。性微溫。其蠟本由蜜成。蜜本潤物。故蠟質潤。主潤臟腑經絡。而有絕續補傷生肌之妙。性最瀋。故又能止瀉絕痢。情不相投。曰味同嚼蠟。卽味淡之意也。又凡瀉除下焦之藥。以此裏丸。亦其免傷上部之意。蜜蠟之用如此。至於蟲蠟。產於蠟樹。蠟樹屬金。性最堅強。蟲食其葉而成。味甘氣溫。甘能益血。補中。溫能通經活絡。其止痛生肌。補虛續絕之功。與桑螵蛸同。研末或熬膏。可爲外科生肌長肉之用。蜜蠟因

有滯性。可以止瀉。治痢。蟲蠟滯性較差。而痢則鮮用也。蜜蠟得蜂蜜甘潤餘氣所成。所主在胃。蟲蠟得樹木堅強之氣而成。所治在筋骨血肉也。按蜂蜜採百花之精。味甘主補。滋養五臟。體滑主利。潤澤三焦。如怯弱咳嗽不止。精血枯槁。肺焦葉舉。致成肺燥之症。寒熱均非。諸藥鮮效。用老蜜日服兩許。約月餘。未有不應者。是燥者潤之之義也。生用通利直腸。老年便結。更宜服之。

【實驗】 蠟有直接凝固血液之功。且有制腐滅菌之效。

【禁忌】 大腸虛滑者。雖熟蜜在禁例。酸者食之。令人心煩。與生葱獨蒜萵苣同食害人。食蜜飽後。不可食鮓。犯之令人暴亡。又腹瀉者。有外感者。忌用。

【用量】 自三錢至一兩。修合丸散用不等。

【炮製】 用銀石器。每蜜一斤。入水四兩。桑火慢熬。掠去浮沫。至滴水成珠。用石頑曰。煉成後。每斤入陳酒四兩。再煮沸。和藥爲丸。則藥力易化。

【配合】 蜜同麻油煎服。治難產橫生。煎厚捻錠。納入穀道中。治大便不通。黃蠟同茯苓。豬苓爲丸。治元陽虛憊。精滑白濁。淋滯夢遺。同琥珀。乳石。雄黃。辰砂。明礬爲丸。治疔毒癰疽發。

背一切惡瘡。初起者宜預服之。不致毒氣內攻。此丸能護膜護心。兼能活血解毒。皇漢醫方。
黃蠟合煉豬油。治創傷。佐阿膠、當歸、黃連、黃柏、陳廩米。治腸出血。和黃丹、輕粉。治微毒。

本草用法研究

第十一編 瀉火之劑

火者氣之不得其平者也。五臟六腑各得其平，則榮衛沖和，經脈調暢。何火之有一失其常度，則衝射搏擊而爲火矣。故丹溪曰：氣有餘便是火也。有本經自病者，如忿怒生肝火，勞倦生脾火之類也。有五行相尅者，如心火太盛，必尅肺金，肝火太盛，必尅脾土之類是也。有臟腑相移者，如肝熱移於膽，則口苦；心熱移於小腸，則淋祕之類是也。又有他經相移者，有數經合病者，相火起於肝腎，虛火由於勞損，實火生於亢害，燥火本乎血虛，濕火因於濕熱，鬱火出乎遏抑。又有無名之火，無經絡可尋，無脈證可辨，致有暴病暴死者，諸病之中，火病爲多，不可以不加察也。瀉之之法，有以瀉爲瀉者，大黃、芒硝、芩連、梔、柏之類是也。有以散爲瀉者，羌防、柴葛、升陽散火之類是也。有以滋爲瀉者，地黃、天冬、玄參、知母之類，壯水之主，以制陽光是也。有以補爲瀉者，參、耆、甘草之類是也。本編爲專述寒性瀉火之品，餘散見各編。

黃連

瀉火之劑 黃連

【品狀】山野多年生草。莖長尺許。葉爲複葉。微類芹菜。葉早春開白色小花。結實色黃。根若連珠而色黃。故名黃連。七月採取。產蜀滇等省。

【成分】主要素爲 Berberine $C_{20}H_{17}NO_4$, Hydrastine $C_{21}H_{21}NO_6$ 。

【性味】味苦性寒。無毒。稟天地清寒之氣。以生氣味俱厚。可升可降。陰中陽也。黃芩、龍骨、理石爲之使。惡菊花、玄參、白蘚皮、芫花、白殭蠶。畏款冬、牛膝、勝烏頭、解巴豆毒。忌豬肉。

【歸經】入心經。兼入肝、膽、脾、胃、大腸五經。爲清火除濕之品。

【功效】味苦性寒。體陰質燥。能化心脾濕熱。蘊留之痞滿全消。可除痢疫蟲瘡。粘膩之熱邪。悉去。伏梁成積。可破可宣。目赤攀睛。能清能降。瘀鬱火邪均解退。口疳鼻齧盡蠲除。

【研究】黃連味極苦。性極寒。質極燥。專入心脾。清有餘之實火。而化濕邪。治上焦則酒炒。治中焦用薑汁炒。治下焦以鹽水炒。欲其治何臟腑之濕火。則加各經引導之藥。然苦降之性爲多。卽其治病治目治痞等法。非有濕熱實火者。不可輕用。出川中雅州者更勝。氣味俱厚。惟心脾有濕熱瘀積者爲宜。不特陽虛當禁。卽陰虛有火邪者亦不宜用。恐苦燥之氣。反助火化耳。元素曰。黃連之用有六。瀉心臟火一也。去中焦濕熱二也。諸疔必用三也。去風濕四也。赤眼

暴發五也。止中部見血六也。張仲景治九種心下痞。五等瀉心湯皆用之。好古曰。黃連苦燥。苦入心。火就燥。瀉心者。其實瀉脾。實則瀉其子也。丹溪曰。黃連去中焦濕熱。而瀉心火。若脾胃氣虛。不能轉運者。則以黃芩、茯苓代之。以豬膽汁拌炒。佐以龍膽草。大瀉肝膽之火。下痢胃熱。噤口者。入參黃連湯時呷。如吐。再強飲。但得一呷。下咽便好。河間曰。治痢惟宜辛苦寒藥。辛能開散鬱結。苦能燥濕。寒能勝熱。使氣宣平而已。諸苦寒藥多洩。惟黃連黃柏性冷而燥。能降火去濕。而止瀉痢。故治痢以之爲君。宗奭曰。今人但見腸虛洩痢。微似有血。便用之不顧寒熱多少。惟欲盡劑。遂至危困。若初病。氣實熱多血痢。服之卽止。不必盡劑。虛而冷者。慎勿輕用。東垣曰。諸痛癢瘡瘍。皆屬心火。大凡諸瘡。宜以黃連。當歸爲君。甘草、黃芩爲佐。凡眼暴發赤腫痛不可忍者。宜黃連當歸。以酒浸煎之。宿食不消。心下痞滿者。須用黃連枳實。韓飛霞曰。火分之病。以黃連爲主。不但瀉心火。而與芩蘘諸苦藥同用者也。患目疾人。以人乳浸蒸。或點。或服之效。生用爲君。佐以肉桂少許。煎百沸。入蜜。空心服之。能使心腎交於頃刻。入五苓滑石。大治夢遺。時珍曰。去心竅惡血。解服藥過劑煩悶。及巴豆、輕粉、烏頭毒。又曰。古方同木香治痢。同乾薑治邪結胸痞。同吳萸治肝經鬱火。吞酸。同胡蒜治下血。同細辛治口瘡。酒蒸治消。

渴。酒煮治伏暑。皆是一冷一熱。一陰一陽。寒因熱用。熱因寒用。君臣相佐。陰陽相濟。最得制方之妙。所以有成功而無偏勝之害也。又曰。黃連大苦大寒之藥。用之降火燥濕。中病即當止。豈可久服。使肅殺之令常行。而伐其生發沖和之氣乎。又曰。醫經有久服黃連苦參反熱之說。此雖性寒。其味至苦。入胃先歸於心。久而不已。心火偏勝則熱。乃至理也。徐靈胎曰。苦味屬火。其性皆熱。黃連至苦。而反至寒。則得火之味與水之性者也。故能除水火相亂之病。水火相亂者。濕熱是也。凡藥能去濕者。必能增熱。能除熱者。必不能去濕。惟黃連能以苦燥濕。以寒除熱。一舉兩得。莫神於此。石頑曰。近代庸流。喜用黃連爲清劑。殊不知黃連瀉實火。若虛火而妄投。反傷中氣。陰火愈逆。上無制矣。至於虛冷白痢。及先瀉後痢之虛寒證。誤用致死者。殊多。蓋苦入心。寒勝熱。苦寒導心下之實熱。故惟實熱證宜之。按黃連味苦。苦能燥濕而去垢。性寒。寒能勝熱而不滯。善理心脾之火。凡口瘡牙疼。耳鳴目痛。煩躁惡心。中焦鬱熱。嘔吐痞悶。腸澀下痢。小兒疳積。傷寒吐衄。諸痛瘡瘍。皆不可缺。入香連丸。祛腸中積滯。有厚腸之功。入吳茱丸。除吞吐酸水。有清胃之力。此皆一寒一熱。陰陽相濟。最得制方之妙。若薑製以和其寒。少變其性。引至熱所。不致抵牾。則能止嘔。酒炒引上焦清頭目。豬膽拌炒。瀉肝膽火。單炒黑用。治濕熱。

瀉，獨爲妙劑。生用，雖腫解毒，尤其所宜。但胃中停食，及胃虛作嘔，傷寒下早致瀉，皆宜禁用。

【實驗】此藥，醫治胃酸缺乏之消化不良症，初期赤痢，慢性腸炎，瀉膿，入胃能加增胃液之不足，使消化機能亢進，又能刺激腸管運動之中樞神經，而使腸壁之脈管收縮，如與痢病菌相遇，有制其繁殖力，并能限制其本身之活動力。又此藥有鎮靜神經之作用，故能止痛，又能安眠。若作爲止嘔藥，其效頗佳。有退腫消炎殺菌之作用。若用酒炒者，其藥效能行於人體之上部。

【禁忌】陰虛煩熱，脾虛泄瀉，五更腎泄，婦人產後血虛煩熱，小兒痘疹氣虛作瀉，及行漿後泄瀉，並皆禁忌。胃酸過多之消化不良症，忌用。又消化作用虛弱而大便泄瀉者，大便過份閉結者，脈搏不涼者，舌尖不發紅者，有外感而怕冷者，外感發熱初起者，均不宜用。

【用量】自四分至一錢。

【炮製】吳儀洛曰：黃連種數甚多，惟四川雅州產者，細長彎曲，微黃無毛，有硬刺者爲上。去毛切片用。時珍曰：黃連入心經，爲治火之主藥。治本臟火則生用，治肝膽實火，豬膽汁浸炒，治肝膽虛火，醋浸炒，治上焦火，酒炒，治中焦火，薑汁炒，治下焦火，鹽水或朴硝炒，治氣分濕熱火。

吳萸湯浸炒。治血分塊中伏火。乾漆水炒。食積火。黃土炒。諸法不獨爲之引導。蓋辛熱制其苦寒。鹹寒制其燥性。在用者詳酌之。

【配合】 同木香、大黃、蜜丸。治五痢。黃土、薑汁、酒、蜜、四炒。同使君子、白芍、廣木香。治小兒五

疳。同豬肚蒸。搗爛爲丸。治小兒疳氣。安虻殺蟲。同豬大腸蒸。搗爛爲丸。治大腸濕熱。大便

下血。同赤檉木葉、石膏、黃芩、黃柏、梔子、麻黃、淡豉。治痧疹已透。煩躁不止。有神。同當歸、黃

芪、黃柏、地黃、棗仁、龍眼肉。治盜汗。同地黃、菊花、荆芥穗、甘草梢、川芎、柴胡、蟬蛻、木通。治風熱

上攻。目赤痛。同當歸、菊花、人乳浸蒸。入明礬、銅綠少許。洗目極效。同芍藥、蓮子、菡豆、升麻、

甘草、滑石、紅麴。治一切滯下膿血。同槐花、枳殼、乳香、沒藥。治滯下純血腹痛。神效。同五穀

蟲、蘆薈、蕪荑、青黛、白樺花、白芙蓉花。治小兒一切疳熱如神。同赤小豆爲細末。傅痔瘡妙。

同葛根、甘草、升麻、芍藥。治痧疹後泄瀉。同五味子、麥冬、葛根。治酒病酒傷。同五味、甘草。煮

濃汁漱口。治口糜口瘡。同麥冬、五味。治卒消渴。小便多。同人參、蓮子。治虛人患滯下。不思

食。及老人產婦。滯下不止。阜漢醫方。同黃芩、黃柏、知母、甘草。治急性胃炎。佐槐花、枳殼、乳香、

沒藥。治初期赤痢。合黃芩、茯苓、白朮、澤瀉、大黃、枳實。治胃酸缺乏之消化不良症。同菊花、桑葉、

治漏膿眼。

胡黃連

【品狀】 山草類。綱目云。胡黃連出波斯國。今南海及秦隴間亦有之。初生似蘆。乾則似楊柳枯枝。心黑外黃。不拘時月收採。折之塵出如烟者。乃爲真也。

【性味】 味苦性寒。無毒。得天地清肅陰寒之氣以生。降也。陰也。惡菊花、玄參、白蘚皮、忌豬肉、解巴豆毒。

【歸經】 入肺、胃、肝、膽四經。兼入心、脾二經。爲清熱除濕、解毒殺蟲之品。

【功效】 沈寒入肝膽有功。治濕熱瘡。小兒疳積。苦燥與川連相似。理傷寒勞復。男子黃瘰。

【研究】 胡黃連從胡地來。其性與川連相似。而苦寒無川連之盛。古人雖稱其入肝膽二經。然苦寒之品。斷無不及於心脾者。觀其治小兒疳熱。大人勞復黃瘰等病。非脾之濕熱。而何。故用藥不可執泥也。大抵川連之與胡黃連。亦如柴胡之與銀柴胡。故銀柴胡胡黃連二物。每每並用。胡黃連其根外黃中黑。與黃連之純黃者不同。故此入肝膽之功。較川連爲重勝也。錢仲陽曰。凡小兒疳熱肚脹。潮熱髮枯者。此熱勢已極。但不可用大黃黃芩傷胃之藥。致生他證。

只以胡黃連五錢。五靈脂一錢爲末。雄豬膽汁丸。綠豆大米飲下一二十九。張璐曰。胡黃連苦寒而降。大伐臟腑骨髓邪熱。除婦人胎蒸。小兒疳熱積氣之峻藥。同烏梅止小兒血痢。同雞肝治小兒疳眼。同豬胰療楊梅瘡毒。同乾薑治果子積。皆取伐肝腎熱邪也。小兒腎氣本實。故可當此。若脾胃腎臟不足者服之。奪人天元。爲害不淺。惟微瘡用胡黃連。當歸、甘草、豬胰、水酒煎服。二劑輒效。以其直達下焦。善搜淫火之毒也。按胡黃連色紫味苦。獨入血分而清熱。主治血虛骨蒸。五心煩熱。口喎肌熱。臟毒痔瘡。小兒驚癩疳積。丹溪云。蒸蒸發熱。皆積做成。此能涼血益陰。其功獨勝。若夜則發熱。晝則明了。是熱在血分。以此佐芎歸四物湯。除熱神效。又善解巴豆之毒。

【禁忌】 凡陰血太虛。真精耗竭。胃氣脾陰俱弱者。雖見發熱證。亦忌。卽用。亦須佐以健脾安胃藥。

【用量】 自四分至一錢。

【炮製】 洗淨切片用。炮製法同黃連。

【配合】 同生地黃等分爲末。豬膽汁丸。梧子大。治吐血衄血。臥時茅花湯送下五十丸。高

穿山甲燒存性，等分爲末，用鷄子清調塗，治癰疽瘡腫，已潰未潰，皆可用之。

黃芩

【品狀】 生於山原之多年生草，春自宿根抽出方莖，高三尺，葉對生，類柳葉，有茸毛，無葉柄。夏於莖下枝梢，開紫白唇形花，後結乾果，中有球形黑種子，根長五六寸，表面暗灰色，內部淡黃色，表皮易剝落，八月採根，曝乾用。中虛者名枯芩，卽片芩，內實者，卽條芩，又名子芩，產四川省者良。

【成分】 有黃色鉍狀或板狀結晶體之一種植物鹽基，名司克胎拉林，Scutellarin C_{10} 。

H_2O_3

【性味】 味苦性寒，無毒，得天地清寒之氣，而兼金之性，以生，味厚氣薄，可升可降，陽中陰也。山茱萸、龍骨爲之使，惡葱實，畏丹砂、牡丹、藜蘆。

【歸經】 入心、肺、大小腸四經，兼入肝、膽經，爲除濕清火之品，清中焦實火，除脾家濕熱。

【功效】 苦入心肺，堅腸胃而性燥，寒行肝肺，除濕熱之功多，質虛而空者爲枯芩，上達可治心肺肌表之鬱火，色青而堅者爲條芩，下行能除肝膽腸內之陽邪，同白朮可以安胎，火退則

胎安之義。合白芍又堪止痢。熱除有痢愈之機。

【研究】黃芩其根中心皆腐去。故外雖黃而內帶黑色。均謂之枯芩。片芩惟條芩子芩。係新發之根。中實有心而兼青色。雖有治上治下之不同。畢竟苦寒性燥之品。傷脾敗胃。非上中有濕熱邪火者。不可浪用。況又有久而增氣之說乎。黃芩之苦寒性燥。固與黃連相似。而黃連味厚。黃芩味較薄。黃芩能入肝肺行肌表。黃連則不能。因所稟形色氣質不同。故主治亦異耳。東垣曰。黃芩之中枯而飄者。瀉肺利氣消痰。除風熱。清肌表之熱。細實而堅者。瀉大腸火。養陰退陽。補勝臟寒水。滋其化源。高下之分。與枳殼枳實同例。河間曰。得酒炒上行。主膈上諸熱。上部積血。非此不能除。下痢膿血。腹痛後重。身熱久不能止者。與芍藥甘草同用之。凡諸痛瘡。不可忍者。宜芩連苦寒之藥。詳上下分身稍。及引經藥用之。丹溪曰。黃芩降痰。假其降火也。凡去上焦濕熱。須以酒洗過用。片芩瀉肺火。須用桑白皮佐之。若肺虛者。多用則傷肺。必以天冬保定肺氣。而後用之。黃芩白朮。乃安胎聖藥。每以黃芩爲寒而不敢用。蓋不知胎孕宜清熱涼血。血不妄行。乃能養胎。黃芩乃上中二焦藥。能降火下行。白朮能補脾也。羅天益曰。肺主氣。熱傷氣。故身體麻木。黃芩去肺熱。故補氣。柴胡退熱。乃苦以發之。散火之標也。黃芩退熱。

乃寒以勝之。折火之本也。時珍曰：黃芩入手少陰陽明，手足太陰少陽六經。蓋黃芩氣寒味苦，色黃帶綠，苦入心，寒勝熱，瀉心火，治脾之濕熱。一則金不受刑，一則胃火不流入肺，卽所以救肺也。肺虛不宜者，苦寒傷脾胃損其母也。徐靈胎曰：此以形色爲治。黃芩中空而色黃，爲大腸之藥，故能除腸胃諸熱病。黃色屬土，屬脾，大腸屬陽明燥金，而黃芩之黃，屬大腸何也？蓋胃與大腸爲出納水穀之道，皆統於脾，又金多借土之色以爲色也。石頑曰：黃芩治黃疸腸澼瀉痢，取其苦寒以去濕熱也。透水下血閉者，火鬱血熱之所致，火降則血行，水下而閉自通矣。昔人以柴胡去熱不及黃芩，蓋柴胡專主少陽往來寒熱，少陽爲樞，非柴胡不能宣通中外。黃芩專主陽明蒸熱，陽明居中，非黃芩不能開泄蘊鬱。一主風木客邪，一主濕土蘊著，詎可混論。芩雖苦寒，畢竟治標之藥，惟軀殼熱者宜之。若陰虛伏熱，虛陽發露，可輕試乎。血虛發熱，腎虛挾寒，及妊娠胎寒下墜，脈道小弱，皆不可用。以其苦寒而伐生生之氣也。按黃芩中枯者，名枯芩，條細者，名條芩，一品宜分兩用。蓋枯芩體輕，主浮，專瀉肺胃上焦之火，主治胸中逆氣，膈上熱痰，咳嗽喘急，目赤齒痛，吐衄失血，發癩發黃，痘疹瘡毒，以其大能涼膈也。其條芩體重，主降，專瀉大腸下焦之火，主治大便閉結，小便淋瀝，小腹急脹，腸紅痢疾，血熱崩中，胎漏下血。

挾熱腹痛，譫語狂言，以其大能清腸也。同枳實、紫朴，能消穀食，因邪熱不殺穀，以此清胃則穀易消。同柴胡退熱，爲柴胡散火之標。以此折火之本，同白朮安胎，蓋白朮健脾，但胎坐中宮，氣不運行，易生鬱熱，以此清氣，胎動自安。用豬膽汁拌製，入厥陰肝經，以清抑鬱之火，止胎前瘧寒戰振動，不使墮胎。

【實驗】 此藥醫治流行性感官，破傷風，在胃內，能增胃酸之不足，以助長消化之功能。至腸中，略有激腸蠕動之效，入血內，能減退組織細胞之氯化機能，以阻止體溫之增高。凡胃腸有發炎之病，而口苦心煩者，以之爲要藥，並能退膽管之炎，而治黃疸。對於大腸有消炎殺菌之作用，故又能治腸澼痢。

【禁忌】 過服損胃，血虛寒中者，忌用。功能除熱，而非補益之品，如脾肺虛熱，血枯經閉，肺寒咳嗽，均忌。胃液溢，忌用。又腸胃虛弱而消化不良者，脈沉細者，無口苦煩渴者，禁用。

【用量】 自一錢五分至三錢。

【炮製】 取根洗淨，切片用，上行酒炒，瀉肝膽火，豬膽汁炒。

【配合】 得柴胡退寒熱，得芍藥治痢，得厚朴、黃連止腹痛，得桑皮瀉肺火，得白朮、砂仁、安胎。

同芍藥、黃連、甘草、車前子、防風、升麻。治濕熱作泄腹痛。同芍藥、黃連、滑石、甘草、升麻。治滯下腹痛。同麥冬、芍藥、白朮。能安胎清熱。單用爲末。酒服。治灸瘡血出不止。又單用爲末。水泛丸。治女人血熱。經水暴下不止。又單用一兩煎服。治肺熱。身如火燎。煩燥引飲。而晝盛者。用以瀉肺經氣分之火。一切火丹。爲細末。鷄子清調敷。又治騾馬負重傷破。洗淨敷之。主生肌肉。皇漢醫方。合柴胡、葛根、荊芥、芍藥、升麻。治流行性感胃。佐川芎、大黃、羌活、白朮。治破傷風。

龍膽草

【品狀】 山草類之多年生草。高二尺。葉略似龍葵。成披針形。有三縱肋。無柄。對生。夏日開白色管狀花冠。帶蕾之時。有褶襞。開時先端五裂。生於莖頂。或上部葉腋。冬結實。根似牛膝。味苦如膽。秋冬採取。產吳興者勝。

【成分】 含一精。卽珍提昆蟲。又有苦味甙。幾斯、黃色素、脂肪油等。

【性味】 味苦。性大寒。無毒。稟天地純陰之氣。以生。降也。陰也。貫仲、赤小豆爲使。惡地黃。

【歸經】 入肝、膽、胃三經。爲滌火邪。除濕熱之品。肝膽氣分藥。瀉肝膽火。下焦濕熱。

【功效】 苦瀉氣寒。沈陰味劣。治淋治目。皆清肝膽之陽邪。消蠱消瘴。總退下焦之濕火。

【研究】龍膽草其味苦如膽汁其性大寒專清肝膽一切有餘之邪火。蟲因濕熱而生。瘰屬濕熱所致。如因虛而致病者不可用之。此藥直泄下焦。如下虛之人誤服。每致遺滑不禁。胃虛者服之。卽生嘔噁。傷陽敗胃。慎之。元素曰。龍膽味苦性寒。氣味俱厚。沉而降。陰也。足厥陰少陽經氣分藥也。其用有四。除下部風濕一也。及濕熱二也。膝下至足腫痛三也。寒熱脚氣四也。下行之功。與防己同。酒浸則能上行外行。以柴胡爲主。龍膽爲使。治目疾必用之藥。又曰。去目中黃。及暗赤腫痛。瘀肉高起。痛不可忍。東垣曰。退肝經邪熱。除下焦濕熱之腫。瀉膀胱火。好古曰。益肝膽之氣而泄火。時珍曰。相火寄在肝膽。有瀉無補。故龍膽之益肝膽氣。正以其能瀉肝膽熱邪也。但大苦大寒。過服恐傷胃中生發之氣。反助火邪。亦猶久服黃連。反從火化之義。又曰。喉咽喉痛。風熱盜汗。徐靈胎曰。龍膽之功。皆在於瀉。此以味爲主也。濡者酸辛之變。味兼金木之性者也。故能清斂肝家之邪火。人身惟肝火最橫。能下挾腎中之遊火。上引包絡之相火。相恃爲害。肝火清。則諸火漸息。而百體清寧矣。按龍膽草味苦如膽汁。故專瀉肝膽之火。主治目痛頸癰。兩脇疼痛。驚癩邪氣。小兒疳積。凡屬肝經邪熱爲患。用之神妙。其氣味厚重而沉下。善清下焦濕熱。若瘰癧便毒下疳。及小便澀滯。男子陽挺腫脹。或光亮出膿。或莖

中痿痛。女人陰癢作痛。或發癢生瘡。以此入龍膽瀉肝湯治之。皆苦寒勝熱之力也。亦能除胃熱。止蛔蟲。蓋蛔得苦即安耳。但脾胃虛者少用。

【實驗】 此藥醫慢性胃粘膜炎。入胃助胃液分泌之不足。以促進消化之功能。并能激腸壁神經。使腸之微血管收縮。且含有糖質。能助長酵素之作用。

【禁忌】 凡胃氣虛人服之必嘔。脾虛人服之必瀉。雖有濕熱。慎勿輕用。空腹服之。令人瀉不禁。凡胃虛血少。脾胃兩虛作瀉。病虛有熱。均忌。胃液溢。便秘。忌用。又無高熱者。熱多冷少者。可用。腹瀉者。脈不速者。禁用。

【用量】 自四分至一錢。

【炮製】 去蘆用根。切細。酒炒。或甘草湯浸一宿。漉出曝乾用。

【配合】 同白芍、甘草、茯神、麥冬、木通。主小兒驚癇入心。壯熱骨蒸。時疾熱黃口瘡。同苦參、牛膽。治殺疔。同黃芩、梔子、澤瀉、木通、車前子、當歸、柴胡、甘草。治肝膽經實火濕熱。脇痛耳聾。膽溢口苦。同苦參、蛆蟲、灰青黛。治小兒一切疔熱狂語及瘡疥。同生地等分。治濕熱傷血。分。侵大腸。以致卒下血。單用水煎。治虻蟲攻心如刺。吐清水。皇漢醫方。合犀角、洋蘆薈、川

連、連翹、銀花、寸麥冬、知母、甘草。治慢性胃粘膜炎。

大青（附）小青

【品狀】 隰草類。時珍曰：處處有之。高二三尺。莖圓。葉長三四寸。面青背淡。對節而生。八月開小花紅色。成簇結青實。大如椒顆。九月色赤。三四月採莖葉。陰乾用。

【性味】 味苦微鹹。性大寒。無毒。稟至陰之氣而生。降也。陰也。

【歸經】 入心胃二經。爲解散熱毒之品。二經瀉熱主藥。

【功效】 治傷寒陽毒癰疹。入心胃與肝。兼行肌表。療瘟疫時行熱病。味鹹寒微苦。直入營中。

【研究】 大青鹹苦大寒。色青。專入心肝胃三經血分。治時行溫熱。癰疹丹毒等病。皆因大熱

入胃。擾亂營血所致。散血分邪熱。是其所長。方藥中亦不常用耳。時珍曰：大青氣寒。味微苦

鹹。能解心胃熱毒。不特治傷寒也。朱肱活人書。治傷寒發赤癰煩痛。有犀角大青湯。大青四物

湯。故李象先指掌賦云：陽毒則狂癰煩亂。以大青升麻可回困篤。又云：治熱毒痢。喉痺。丹毒。

青生福州。葉光如景天。三月開花。生搗。敷癰腫疔癤甚效。治血痢腹痛。研汁服。解蛇毒。

【禁忌】 此乃陰寒之物。止用以除心胃熱毒。天行熱病。不可施之虛寒脾弱之人。

【用量】 自三錢至五錢。

【炮製】 取莖葉洗淨，切碎用。

【配合】 大青、阿膠、甘草、豆豉，名大青四物湯。大青、犀角、梔子、豆豉，名大青犀角湯。治熱毒發癍，赤色煩痛。同甘草、赤石脂、阿膠、豆豉，治熱病下痢，困篤者。同黃連，治小兒口瘡。

青黛（附）板藍根

【品狀】 隲草類。藍草形如水蓼。我國各省均產。以藍浸地坑一宿，入石灰攪澄去水為澱。青黛乃藍澱浮沫，攪澄掠取收乾。板藍根即藍之根也。

【成分】 主要成分為藍素，尚含有蛋白質、膠質、無機物等。

【性味】 青黛味鹹，苦性寒，無毒。板藍根味苦性寒，無毒。

【歸經】 青黛入肝肺二經，為涼血除熱解毒之品。板藍根入肝胃二經，為清熱、解毒、辟疫、殺蟲之品。

【功效】 青黛清肝火之結邪，丹毒蟲瘡，青碧鹹寒，歸血分，治兒疳之鬱熱，癍疹瘟疫，輕浮涼苦到金家板藍根，辟瘟解毒，能涼血逐疫祛邪並殺蟲，肝胃收功，苦寒降熱。

【研究】青黛爲藍澱之英華。稟水土陰寒之氣。色青入肝。而輕浮鹹寒之性。功用概可想見。故清火解毒殺蟲治瘡。卽可爲青黛贊之。青黛本專入肝。治血分鬱火。以其輕浮上達。故又能入肺胃降痰熱。治瘟疫癰疹。咽喉口舌等症。如陰虛之火。及大便不實。脾胃不足者。勿用。板藍根其功用性味與葉相同。能入肝胃血分。不過清熱解毒辟疫殺蟲四者而已。但葉主散根主降。此又同中之異耳。藍葉汁主殺百藥毒。解狼毒。射罔毒。藍質稟天地至陰之精。味苦性寒。入肝。治天行熱狂。疔腫風疹。小兒熱疖丹熱。最爲要藥。藍澱止血殺蟲。治噎膈。青布解諸物毒。天行熱毒。小兒丹毒。並漬汁飲。燒灰敷惡瘡。丹溪曰。藍屬水。能使敗血分歸經絡。

【禁忌】凡血證非血分實熱。而由陰虛內熱。陽無所附。火氣因空上炎。發爲唾咯吐衄諸證。切不可用青黛等。蓋血得寒則凝。凝則寒熱交作。胸膈或痛。愈增其病矣。

【用量】青黛四分至一錢。板藍根一錢五分至三錢。

【炮製】青黛內多石灰。故須淘淨曬乾。研細用。板藍根洗淨切片用。

【配合】青黛得燕莢。使君子。胡黃連。蘆薈。殺蟲除濕。及小兒一切疔積病。同杏仁。牡蠣粉。黃蠟化和作餅子。每服一餅。以乾柿半箇夾定。濕紙裏。煨香嚼食。名青餅子。治肺熱咯血。板

藍根同銀花、赤芍、牛蒡子、生草治溫熱病發斑疹。

連翹（附）青連翹

【品狀】 落葉灌木。庭院多栽之。枝梢蔓生。葉爲複葉。早春先葉開黃花甚美。花冠下部連合。實爲蒴果。可入藥。產我國中部各省。

【性味】 味苦微辛性寒。無毒。感清涼之氣。得金水之性。以生氣味俱薄。輕清而浮。升也。陽也。

【歸經】 入膽、肺、大腸、三焦、四經。兼入心、心胞二經。爲散結清火之品。

【功效】 苦先入心。寒能及肺。諸瘡各毒。皆緣邪火遊行。氣聚血凝。用此宣通表裏。

【研究】 連翹其仁初生象心。若未開蓮花。熟則四解象肺。去心用殼。輕浮解散之品。味苦性寒。入心肺之分。以肺主一身之氣。心主一身之血。故能解散十二經血凝氣聚。而爲癰疽瘡瘍之聖藥。但外證之屬寒者禁之。元素曰。連翹之用有三。瀉心經客熱一也。去上焦諸熱二也。爲瘡家聖藥三也。東垣曰。十二經瘡藥中。不可無此。乃結者散之之義也。好古曰。手足少陽之藥。治瘡瘍癰瘰結核有神。與柴胡同功。但分氣血之異耳。與大力子同用。治瘡瘍別有神功。時珍曰。連翹狀似人心。兩片合成。其中有仁甚香。乃少陰心經。厥陰包絡。氣分主藥也。諸

痛癢瘡瘍皆屬心火故爲十二經瘡家聖藥而兼治手足少陽手陽明三經氣分之藥也。徐靈胎曰凡藥之寒熱溫涼有歸氣分者有歸血分者大抵氣勝者治氣味勝者治血連翹之氣芬烈而性清涼故凡在氣分之鬱熱皆能已之又味兼苦辛應秋金之令故又能除肝家留滯之邪毒也。張璐曰木經專主寒熱鼠瘦、癩癧、瘦瘤、結熱等病皆由足少陽膽經氣鬱而成此藥正清膽經鬱熱癰疽惡瘡無非營衛壅遏得清涼以散之蠱毒所結得辛香以解之然苦寒之性僅可以治熱腫故癰疽潰後膿清色淡及胃弱食少者禁用。黃宮繡曰味苦微寒輕清氣浮的是瀉心要藥心爲火主心清則諸臟與之俱清矣故治癰毒惡瘡諸疾也。青連翹性味功用相同兼能清肝膽火。按連翹氣味輕清體浮性涼浮可去實涼可勝熱總治三焦諸經之火心肺居上脾居中州肝膽居下一切血結氣聚無不調達而通暢也但連翹治血分功多柴胡治氣分功多同牛蒡子善療瘡瘍解毒尤不可缺。

【實驗】此藥有殺菌解毒與消炎之作用亦有止痛止癢之作用爲瘡家聖藥對於淋巴腺變大之疾患有清散清熱之作用特別對於因身體上部份之病症而所發之熱更效。

【禁忌】此情面無補之藥也癰疽已潰及火熱由於虛與脾胃薄弱作泄者均忌熱病汗多

者。瘡毒色不紅者。體溫低者。均忌用。

【用量】 自一錢五分至三錢。

【炮製】 去心用殼。亦有單用心者。其殼有辰砂拌用。或青黛拌用。

【配合】 得貝母、白芷、甘草、銀花、元參、薄荷、夏枯草、白芨。能消癰癩。加雄鼠糞、人爪甲、山豆根、蒲公英。消乳癰乳巖。

山豆根

【品狀】 常綠草木。經冬不凋。狀如灌木。莖柔弱。高二尺。葉爲複葉。由三小葉成。夏開白色蝶形花。爲總狀花蕊。結實爲紫黑莢。中藏種子一粒。根似烏藥。如拇指大。長尺許。外暗褐。內白。八月採根曝乾。產廣西等省。

【性味】 味苦性寒。無毒。得土之沖氣。兼感冬寒之氣以生。

【歸經】 入心、肺、大腸三經。爲清熱解毒之品。瀉心火以保金氣。降大腸風熱。

【功效】 解肺家結熱之邪。化瘰癧味最苦。殺蠱毒諸蟲之積。通腸消脹氣純寒。

【研究】 山豆根苦寒入心。瀉熱解毒。心火降。則肺金清。故一切喉證之屬於火者。得苦降之

性自然熱除病退清肅之令下行矣脾胃虛而大便不實者禁之。黃宮繡曰山豆根大苦大寒功專瀉心保肺及降陰經火逆解咽喉腫痛第一要藥緣少陰之脈上循咽喉咽喉雖處肺上而肺逼近於心故凡咽喉腫痛多因心火挾其相火交熾以致逼迫不寧耳治當用此以降上逆之邪俾火自上達下心清肺寧咽喉之病可除矣且能祛大腸風熱及解藥毒殺小蟲并腹脹喘滿熱厥心痛並療人馬急黃磨汁飲治五痔諸瘡總賴苦以降火寒以泄熱耳。

【禁忌】 病人虛寒者勿服。

【用量】 白一錢五分至三錢。

【炮製】 洗淨切片用。

【配合】 醋磨噲之治喉癰追涎卽愈或以鷄翎掃入喉中。同白藥子等水煎噲嚙專治喉風急證牙關緊閉水漿不入。

射干

【品狀】 毒草類。葉似菖蒲。宛如廣闊之劍。互生甚密。夏抽莖於葉間。開黃色之花。花蓋有濃紫之斑點。八月採根晒乾用。今在處有之。人家種之。

【性味】 味苦辛平。性微寒微毒。稟金氣而兼火氣以生。降也。陽中陰也。

【歸經】 入心、心胞、三焦三經。兼入肺、肝、脾三經。爲清火解毒、散血消痰之品。

【功效】 瀉肺胃之結邪。苦降辛開。性平有毒。利咽喉之腫痛。消痰破血。力猛無餘。

【研究】 射干苦辛平。微寒微毒。卽扁竹根。專入肺。兼達於肝。降火降痰。行瘀散結。能通利大腸。故凡肺癰喉痺之屬實火者。皆可用之。丹溪曰。射干屬金。有木與火。行足厥陰。手足太陰之積痰。使結核自消。甚捷。又治便毒。此足厥陰濕氣。因疲勞而發。取射干三寸。與生薑同煎。食前服。時珍曰。降實火。利大腸。消積痰。治瘰癧。黃宮繡曰。射干瀉火解毒。散血消痰。然究毒之所胎。血之所聚。痰之所積。又皆因火結聚而成。射干苦能降火。寒能勝熱。兼之味辛上散。俾火降熱除。則血也痰也毒也。無不因之而平矣。是以喉痺咽痛。欬吐言語氣臭。結核疔瘰。便毒瘡母等症。因於老血結於心脾。痰涎積於太陰厥陰者。又無不可調治者矣。

【禁忌】 性不益陰。凡脾胃弱。藏寒。氣血虛。病無實熱。均忌。

【用量】 自一錢五分至三錢。

【炮製】 取根。以米泔水浸洗切片。晒乾用。

【配合】 同薄荷、銀花、桔梗、生甘草。治風熱鬱結、咽喉紅腫疼痛。

蒲公英 紫花地丁 竹葉地丁

【品狀】 蒲公英，菜類。卽黃花地丁。俗名奶汁草。生平澤田園中。莖葉似苦苣，斷之有白汁。花如單瓣菊，色黃。苗高尺餘者良。四五月採之。紫花地丁，處處有之。其葉似柳而微細。夏開紫花。結角。平地生者起莖。溝壑邊生者蔓。

【成分】 蒲公英含有苦味質、名泰拉基沙丁、膠質、糖質、加里鈣、鹽等。

【性味】 蒲公英味甘苦性寒。無毒。得水之沖氣以生。降多於升。陽中陰也。紫花地丁、稟地之陰氣以生。味苦辛性寒。無毒。

【歸經】 蒲公英入腎經。兼入脾胃二經。爲解毒散結之品。足少陰君藥。紫花地丁入肝脾胞絡三經。爲除熱解毒之品。外科要藥。

【功效】 蒲公英走陽明散熱疏邪。兼能解毒。味甘苦性寒。滑竅並可消癰。紫花地丁瀉疔瘡之毒癰。味苦性寒。入胞絡與肝經。通營破血。

【研究】 蒲公英莖葉如苦苣。中心抽一莖。莖端抽出一花。色黃如金錢。若單瓣菊之狀。味苦。

甘性寒滑。專入陽明。散熱結。消癰毒。因此草色黃味甘屬土。性又滑利。故能入陽明解毒滑竅。而治婦人一切乳證也。時珍曰。古方有擦牙烏鬚髮還少丹。甚言此草之功。蓋取其能通腎也。故東垣以爲腎經必用之藥。黃宮繡曰。乳頭屬肝。乳房屬胃。乳癰乳巖。多因熱盛血滯。用此直入肝胃二經。清熱破血。輒建奇功。又淋證多屬熱結。故又可治淋。紫花地丁。卽地丁草之莖。色紫而開紫花者。其性味主治。與蒲公英相同。惟此能入手足厥陰血分行。瘀活血爲略異耳。故紫花地丁。治療瘡毒。壅爲勝也。沈金鰲曰。紫花地丁。綱目止療外科證。但考古人每用治黃疸喉痺。取其瀉濕除熱之功也。竹葉地丁。色灰黃。梗細。葉小薄。如竹葉。味苦性寒。能清解熱毒。治療瘡腫痛。內熱煩渴。便秘。

【實驗】 蒲公英醫治消化不良。習慣性便秘。入胃加增胃液之不足。促進消化之功能。并能激腸之蠕動。使大便秘易排出。

【禁忌】 凡外證。漫腫無頭。不赤不腫者。二藥均禁用。以其性寒。不利陰疽也。又外證已潰者。亦當忌之。痢疾忌用。

【用量】 自三錢至五錢。二藥相同。

【炮製】 二藥均取苗葉洗淨切細用。

【配合】 蒲公英、同夏枯草、貝母、連翹、白芷、天花粉、橘葉、甘草、頭垢、牡鼠糞、山豆根、山茨菇、治一切乳癰、毒腫、痛及療乳巖爲上藥。同忍冬藤煎湯入酒少許服。治乳癰服罷欲睡是其功也。睡覺微汗卽安矣。用鮮者搗汁服。戒鴉片癮毒。紫花地丁、同連翹、甘菊、貝母、銀花、甘草、夏枯草、治毒腫瘰癧。同蒼耳葉等分搗爛酒一鍾攪汁服。治癰疽惡瘡。單用爲末白麵和鹽醋浸一夜貼發背癰腫。單用嚼嚥下。治稻芒粘咽不得出。臯漢醫方。同陳皮、半夏、茯苓、菝葜、山稜、砂仁、乾薑。治消化不良。和大黃、桃仁、木香、枳殼、柴胡、訶子。治習慣性便秘。

山慈菇

【品狀】 生山野中。多年生草本。高五寸。春自地下莖。生細長平行脈之葉。花莖從地下莖之中央發生。頂端有一花。下部有二葉。花莖之側。有少數之枝。各枝頂亦生一花。常直立。六瓣白色。外面有暗紫之纖維紋。各片不向外。地下莖似慈菇及小蒜。有毛殼包裹。四月初掘取。遲則苗腐難尋。

【性味】 味甘辛。性寒。有小毒。得土中之陰氣而生。

【歸經】 入肺、胃、肝、脾四經。爲清熱行瘀散結之品。

【功效】 殺蟲消癰。有毒而能解毒。行瘀散結。辛寒又帶甘寒。

【研究】 山慈菇。辛寒有毒。散瀉之品。止可用以外敷癰腫。然疔瘡之證。各有成病之由。當詳審用藥。雖卒中因證。亦不可浪投毒藥。以攻擊取禍也。卽金燈花根。惟外科發散藥用之爲多。服食方內。止玉樞丹用之。其餘不多見也。黃宮繡曰。山慈菇。功專瀉熱消結解毒。凡癰疽無名疔腫。癰疹惡疹。蛇虺齒傷。瘰癧結核等症。用此外敷。固可解散。內服亦可調治。總爲解毒散結之品。

【禁忌】 性寒不可過服。

【用量】 自五分至一錢。

【炮製】 取根去毛殼。切片用。或磨汁用。

【配合】 同文蛤、大戟、千金霜、雄黃、硃砂、麝香、丁香、冰片、糯米糊打成錠。治四時疫癘。山嵐瘴氣。霍亂吐瀉。用醋磨汁外敷。治癰腫疔毒。

芭蕉根 (附) 香蕉 蕉油 蕉葉

瀉火之劑 山慈菇 芭蕉根(附)香蕉 蕉油 蕉葉

【品狀】 隰草類。芭蕉卷心中抽幹作花。初生大夢似倒垂菌萑。有十數層。層皆作瓣。漸大則花出瓣中。紅者如火。白者如蠟。其實亦有青黃之別。品類亦多。採根搗汁用。產閩廣等省。

【性味】 味甘性寒。無毒。

【歸經】 入肺胃二經。爲散熱解毒之品。

【功效】 外敷消腫。散熱毒而性屬陰寒。內服清煩。止消渴以蠲除煩悶。功能走肺胃。甘可保陰津。

【研究】 芭蕉味甘大寒。卽人家所種之甘蔗也。主治消渴熱狂。一切金石丹毒。皆可搗汁飲之。外敷癰腫結毒。以及疔毒走黃。喉痺實火等證。其瀉熱解毒之功可想。香蕉生食。止渴潤肺。蒸熟食。通血脈。填骨髓。性平氣香。質滑潤腸。利咽喉。蕉油以竹筒插入芭蕉皮中。取出之汁名蕉油。主頭部風熱。煩渴。暗風癩病。暈悶欲倒者飲之。取吐有效。蕉葉。凡熱症痘疹。不耐被擗。可以代席。鮮者良。腫毒初發。研末和生薑汁塗之。

【禁忌】 大寒之品。陽虛脾弱無實熱者忌用。

【用量】 自五錢至一兩。

【炮製】 取根洗淨搗汁用。

【配合】 芭蕉根、旱蓮草各等分。水煎服。治血淋澀痛。

苧麻根

【品狀】 隕草類。苗高七八尺。葉如楮葉而無叉。而青背白。有短毛。夏秋間着細穗青花。剝其皮可以績布。其根黃白而虛。二月八月採取。產江浙等省。

【性味】 味甘性寒。無毒。得土之沖氣。兼陰寒之性而生。

【歸經】 入心、小腸二經。爲清熱涼血之品。

【功效】 益陰涼血。安胎則賴其退熱之功。滑竅通淋。治病總不離下行之性。味甘寒而無毒。入心主與小腸。

【研究】 苧麻根甘寒養陰。長於滑竅涼血。血分有濕熱者。亦屬相宜。大抵胎動因於血熱者。多或因傷血瘀者。亦有之。安胎之義。其卽此乎。丹溪曰。苧根大能補陰而行滯血。方藥或惡其賤。似未曾用也。藏器曰。苧性破血。產婦枕之止血暈。產後腹痛。以苧置腹上卽止。

【禁忌】 性寒。無熱者勿用。胃弱泄瀉。諸病不由血熱者。勿服。

【用量】 自一錢五分至三錢。

【炮製】 取根洗淨晒乾用。

【配合】 同生地汁能涼血安胎。同紋銀治胎動腹痛。單用煎湯治小便血淋。

白茅根 茅花

【品狀】 係宿根草原野多生之葉長一尺餘花當春先葉而生有二寸餘密生白色毛之穗。至秋而枯其根至潔白長軟如筋而有節六月採之。

【成分】 含澱粉類及少量之揮發油。

【性味】 味甘性寒無毒稟土之沖氣兼感春陽生生之氣而生可升可降陽也。

【歸經】 治心肺脾胃四經爲清火治血之品除伏熱清瘀血。

【功效】 甘能益血寒可涼瘀導上熱以下行消癰利水去內心而外達散熱除風止渴通淋清胃兼能清肺潰癰治衄茅針却異茅花。

【研究】 茅根此物自本經以下諸家本草皆未云可以發表今人皆用之發表未知何意考其性味氣寒味甘質潤其所謂發表者安在哉不過清養肺胃涼瘀滌熱是其所長除風之說。

亦血行風自滅之意耳。觀古人用茅針煎服可以潰膿。茅花煎服可以止血。皆所以入血分也。每見昔人治吐衄不止。用茅根搗汁服之即止。則茅根之用。概可知矣。時珍曰。白茅根。甘能除伏熱。利小便。故能止諸血。噦逆。喘急。消渴。治黃疸。水腫。乃良物也。世人因微而忽之。惟事苦寒之劑。致傷沖和之氣。烏足知此哉。黃宮繡曰。茅根味甘性寒。清熱瀉火。消瘀利水。凡苦寒之藥。未有不傷氣敗胃。此藥味甘性純。專理血病。不傷中氣。凡一切吐血。衄血。血瘀。血淋。血崩。血閉。並噦逆。喘急。煩渴。黃疸。水腫等症。因熱因火而成者。服之熱除而血即理。火退而氣與水即消矣。甘不泥膈。寒不傷中。的是治虛人熱患中州之良劑。石頑曰。茅花甘溫。色白輕虛。力能上升入肺。散熱止衄。

【禁忌】 因寒發噦。中寒嘔吐。濕痰停飲。發熱吐血。因於虛寒者。不宜服。又慢性氣管炎。及腹瀉者。經閉而腹痛者。脈沉細者。均禁用。

【用量】 白三錢至一兩。

【炮製】 取新鮮根。打碎。抽去硬心。用肉。或晒乾用。或炒炭用。隨證而施。

【配合】 同麥冬、生地、枸杞子。治勞傷內熱。同生地、麥冬、蘇子、枇杷葉、白芍、甘草、蒲黃、童便。

治諸血。同牛膝、生地、童便。治血熱經枯而閉。同竹茹、麥冬、石膏、人參。治傷寒胃熱噦逆。同芍藥、赤小豆、赤白茯苓、車前子、薏苡仁、木瓜、石斛、木通。治水腫。同枇杷葉、竹茹、麥冬。治火炎內熱、反胃上氣。同生地、天冬、麥冬、車前子、牛膝、茯苓、黃蘗、五味子、枸杞子、童便。治瀉血。

貫衆

【品狀】 山草類。自生山中溪畔。葉常白根莖叢生。長一二尺。爲一回羽狀複葉。小葉呈楔形。略與鑷相似。互生於中軸之上。葉之裏面排列不規則之圓形子囊羣。地下莖彎曲。稍類烏頭。呈黑褐色。有毛茸覆之。八月採根曬乾。產陝西等省。

【成分】 含有單寧、揮發油、澱粉、樹膠、糖質等。

【性味】 味苦性微寒。有小毒。稟土中之陰氣以生。赤小豆爲之使。伏石鍾乳。

【歸經】 入肝胃二經。爲清熱、散瘀、解毒之品。

【功效】 辟時行之疫癘。入血除邪。化痘毒與癰疹。散瘀解熱。殺蟲化哽。方多效。入胃行肝苦且寒。

【研究】 貫衆多生山陰近水處。味苦性寒。有小毒。故本經主治腹中邪熱諸毒。殺三蟲等語。

皆取寒能勝熱。以毒攻毒之意。其所以治諸血病者。亦血因熱結。用此寒散之力也。察其形性。肝胃血分之藥。一根能貫衆枝。故名皮黑肉赤。血分藥也。其根叢生。雖苦寒而能解散。有小毒而能解毒。凡遇時疫盛行。痘疹竊發。皆以此浸水缸中辟之。徐靈胎曰。貫衆生於山澗之中。得天地清陰之氣。故能除蘊熱濕穢之疾。其體中虛而清芳。故能解中焦之毒。人身之蟲。皆濕熱所生。濕熱除。則諸蟲自消也。

【實驗】 近今此藥常用之以治充血性便血症。亦可在瘟疫流行時。用之以解水中之瘟疫。有醫家用之以殺腸寄生蟲。

【禁忌】 病人虛寒無實熱者。禁用。

【用量】 自一錢五分至三錢。

【炮製】 取根洗淨。切細用。

【配合】 同鳳尾草根煎服。治血痢。同赤芍、升麻、甘草、淡竹葉。治痘瘡不快。同黃連煎汁。入冰片少許。解輕粉毒。齒縫出血。臭腫。時時漱之。同甘草等分爲粗末。綿包少許。含之。噓汁。治鷄魚骨哽。久之隨痰自出。同白芷爲末。治頭瘡白禿。油調塗之。

白頭翁

【品狀】 山草類。春自宿根叢生數葉。莖高五寸至尺。莖爲羽狀複葉。與莖俱生白毛。梢頂簇生小葉。倒垂紫赤之六瓣花。後結瘠果。中有白毛。如老人白髮。故名。八月採根晒乾。苗長葉白者力優。生柴胡中短小者力薄。產河南等省。

【性味】 味苦辛。性微寒。氣厚味薄。稟地中微陽之氣以生。可升可降。陰中陽也。得酒良。

【歸經】 入胃大腸二經。爲泄熱、涼血之品。二經血分藥。苦能堅腎。寒能涼骨。

【功效】 苦泄辛疏。能治傳裏傷寒。蘊成協熱痢。涼瘀解表。毋使外來瘟疫。擾亂少陽陽明。

【研究】 白頭翁性味相近柴胡。形質相近白薇。故本經有主治溫瘧寒熱等證。然苦寒之中。有寓升發之意。故仲景治協熱下痢之證。有白頭翁湯。以其解表清裏。兩擅其長也。白頭翁散。瘀逐熱。是其專功。至解表。不過餘力而已。東垣曰。苦熱伏於胃大腸二經血分而成痢。此苦能下洩。辛能解散。寒能除熱涼血。張仲景治熱痢下重。用白頭翁湯主之。蓋腎欲堅。急食苦以堅之。痢則下焦虛。故以純苦之劑堅之。男子陰疝偏墜。小兒頭禿羸腥。鼻衄。無此不效。毒痢有此獲功。吳綬曰。熱毒下痢。紫血鮮血者宜之。

【實驗】 此藥醫治月經不調、月經困難、入胃後與胃液起作用。所含各質均行分出。微能麻醉胃粘膜。入腸即激腸壁神經。使蠕動增速。由腸壁吸入至血中。即能引起末梢神經之反激。使大腦興奮。一時血運增加。由中樞神經而傳達卵巢。卵巢亦因此充血。同時又有麻醉作用。故不特可用以通經。尤可用以治月經困難也。

【禁忌】 苦寒之品。滯下而胃虛不思食。及下痢完穀不化。泄瀉由於虛寒寒濕。而不由於濕毒者。皆忌之。痿黃病忌用。又虛弱性胃腸炎。白痢而不見血者。體溫較低者。脈緩者。均禁用。

【用量】 自一錢五分至三錢。

【炮製】 取根洗淨。切細用。

【配合】 同秦皮、黃連、黃蘗。治傷寒熱痢下重。欲飲水者。同黃連、木香。治下痢咽痛。皇漢醫方佐麻子仁、桃仁、枳殼、白朮、歸身、訶子肉、生地黃。調治月經。合黨參、白朮、香附、茯苓、歸身、炙草。治月經困難。

白薇

【品狀】 山草類。莖葉俱青。頗類柳葉。六七月開紅花。八月結實。其根黃白色。類牛膝。而短小。

八月採根陰乾。產陝西等處。

【性味】 味苦鹹。性寒。無毒。稟天地之陰氣以生。降也。陰也。惡黃芪、大黃、大戟、反乾薑、大棗、乾漆、山茱萸。

【歸經】 入胃經。爲清虛火。除血熱之品。陽明衝任要藥。

【功效】 鹹苦入陽明。寒能勝熱。芳香走血分。涼可除蒸。利水益陰。兼治癰淋成閉。產虛煩嘔。並醫血熱生風。

【研究】 白薇其根色白。微細如絲。故名。味苦而鹹。性寒而香。故能清解血分熱邪。凡一切時邪溫病。熱傳營分。下午爲盛者最宜。其所以益陰利水者。亦熱退則陰生。陰生則水利也。能入陽明者。因金匱竹皮大丸一方。用白薇以治產虛煩嘔之胃病耳。白薇花於夏。實於秋。採根於秋末。有由陽轉陰之意。故治表熱。解風溫。均由裏陰不守而來。皆可用此治愈者。亦陽歸陰之義。其所以能利水者。因其相似牛膝。有引熱下行之意。亦由陽歸陰也。海藏曰。古方多用白薇治婦人病。仲醇曰。別錄言白薇治傷中淋露者。女子榮氣不足。則血熱。血熱故有傷中淋露之證。白薇除熱益陰。則血自涼。榮氣調和而證自療也。又云。古方調經種子。往往用之。蓋不

孕緣於血熱。而其源於真陰不足。陽勝而內熱。故營血日枯也。益陰清熱。則血自生旺。而有子矣。須佐以歸地芍藥杜仲菴蓉等藥。時珍曰。治風溫灼熱多眠。及熱淋遺尿。金瘡出血。訶菴曰。陰虛火旺。則內熱生風。火氣焚灼。故身熱支滿。痰隨火湧。故不知人。又曰。汗出過多。血少。陽氣獨上。氣塞不行而厥。婦人尤多此證。宜白薇同當歸人參甘草治之。石頑曰。治婦人造尿。不拘胎前產後。有白薇芍藥湯。取其有補陰之功。而兼行手太陰。以清膀胱之上源。殊非虛寒不禁之比也。

【禁忌】 此藥鹹苦而寒。凡汗多亡陽。或內虛不思食。食亦不消。或下後內虛。腹中覺冷。或因下過甚。泄瀉不止。及血虛血寒。皆不可服。

【用量】 自一錢五分至三錢。

【炮製】 取根去鬚。酒洗。切細用。

【配合】 同貝母、款冬、百部。治肺實鼻塞不通。同地黃、白芍、當歸、菴蓉、黃蘗、鹿角膠、杜仲、山茱萸、天冬、麥冬、丹參、蜜丸。久服可使易孕。仲景方同桂枝、竹皮、石膏、甘草、棗肉爲丸。治婦人產中虛煩嘔逆。安中益氣。

白欬

【品狀】 爲蔓性小灌木狀之草本。莖五尺。帶紫色。每一葉柄有一卷鬚。葉互生。爲掌狀複葉。夏由葉柄旁出花梗。開五瓣淡黃小花。攢簇如繖。實爲碧紫色漿果。熟則變白。根爲大如鷄子之塊。根兩端帶尖。外黑內白。八月採根曝乾。產衡山江淮等處。

【性味】 味苦辛。性寒。得金氣以生。代赭爲之使。反烏頭。

【歸經】 入心、脾、肝、胃四經。爲散熱解毒之品。

【功效】 苦能瀉熱。辛可疏邪。散結行瘀。止爲性寒能解利。消癰斂口。皆因毒火未潛消。

【研究】 白欬苦辛而寒。散熱結。疏邪滯。並無酸斂之性。卽本經亦無斂瘡口之句。但云主治癰腫瘡疽。散熱止痛等語。則後人用之斂瘡者。皆因火毒滯留營分。而肌肉不斂耳。石頑曰。白欬性寒解毒。敷腫瘍瘡有解散之功。以其味辛也。但陰疽色淡不起。胃氣弱者。非其所宜。黃宮繡曰。味辛主散。味苦主降。味甘主緩。故可以散結解熱消毒。

【實驗】 此藥除治療外科病外。近今醫家罕有用之。以內服者。然金匱中。有用以治咳嗽。乃有化痰止咳之效。

【禁忌】 癰疽已潰者不宜用。又初起之外感寒熱及胃腸之有消化不良者忌用。

【用量】 自一錢五分至三錢。

【炮製】 取根洗淨切片用。

【配合】 同地膚子治淋濁失精。同白芨治金瘡失血。得白芨、黃藥子、硃砂、雄黃、乳香、沒藥、冰片、麝香爲末敷癰疽止痛散毒之上藥。單用爲末水調敷發背疔瘡初起。同白石脂、杏仁爲末鷄子清調敷面鼻酒皸日一洗敷。

白芍藥（附）赤芍藥

【品狀】 芳草類。春生苗高三四尺。複葉其小葉三裂甚深。夏開美花如牡丹。有單瓣複瓣。自外圍花被之內而分泌蜜汁。招蟻附寄其上。防禦害蟲。卽蟻植物之一種也。雄蕊甚多。雌蕊數枚。果爲膏葵。根有赤白二種。隨花之色也。單瓣花之根氣味全厚。八月採根曝乾。產浙省之東陽縣者佳。

【成分】 含有安息香酸、樹脂少許、葡萄糖等。

【性味】 味微苦微甘微酸。性微寒。無毒。稟天地之陰氣。兼得甲木之氣以生。氣薄味厚。升而

微降陽中陰也。惡石斛、芒硝、畏硝石、鼈甲、小蘗、反藜蘆。

【歸經】 入脾、肺、肝三經。爲收斂之品。脾肺引經藥。肝肺血分藥。

【功效】 平肝斂營。氣逆汗多均可治。安脾禦木。疝疼腹痛總堪投。退營熱以除煩。具酸苦甘寒之性。補脾陰而清肺。賴芳香潤澤之功。通補奇經。產後胎前需賴。和調諸痢。裏虛後重堪憑。若夫赤芍功能。專司行散。倘欲諸般製炒。隨病相宜。

【研究】 白芍藥。味苦。微甘。微酸。微寒。雖白而略帶紅色。其氣芳香。故入肝脾血分。上至於肺。能平肝益脾。斂虛熱。護營陰。古人所用甚多。各隨佐使取效。赤芍性味。但苦不酸。從乎火化。色赤形槁。不若白芍之潤澤堅結。其功專司行散。無補益之功。凡癰疽瘡瘍。一切血熱血滯者。皆可用之。赤白兩種。各隨其花而異。並非別有一種。今所傳者。不知何物之根。成無己曰。白補而赤瀉。白收而赤散。酸以收之。甘以緩之。故酸甘相合。用補陰血。通氣而除肺燥。又云。芍藥之酸。斂津液而益營血。收陰氣而泄邪熱。元素曰。白芍入脾經。補中焦。乃下痢必用之藥。蓋瀉痢皆太陰病。故不可缺。此得炙甘草爲佐。治腹中痛。夏月少加黃芩。惡寒加桂。此仲景神方也。其用凡六。安脾經一也。治腹痛二也。收胃氣三也。止瀉痢四也。和血脈五也。固腠理六也。

李杲曰。或言古人以酸瀉爲收。本經何以言利小便。白芍藥能益陰滋濕。而停津液。故小便自行。非因通利也。又言緩中何也。損其肝者緩其中。卽調血也。故四物湯用芍藥。大抵酸瀉者爲收斂停濕之劑。故主手足太陰經。收斂之體。又能治血海。而入於九地之下。後入厥陰經。白者色在西方故補。赤者色在南方故瀉。丹溪曰。芍藥瀉脾火。性味酸寒。冬月必以酒炒。凡腹痛都是血脈凝澀。亦必酒炒。然止能治血虛腹痛。餘並不治。爲其酸寒收斂。無溫散之功。下痢腹痛必炒用。後重者不炒。產後不可用者。以其發寒伐生發之氣。如不得已。亦須酒炒。時珍曰。白芍益脾。能於土中瀉木。赤芍散邪。能行血中之滯。產後肝血已虛。不可更瀉。故禁之。仲醇曰。白芍止痛下氣。能於土中瀉木。入脾經血分。瀉肝家火邪。故其所主收而兼補。制肝補脾。健脾經。赤者破血通利。能行血中之滯。入肝家血分。主邪氣腹痛。破堅積凝滯之血。通而涼肝。肝火自平。徐靈胎曰。芍藥花大而榮。得春氣爲盛。而居百花之殿。故能收拾肝氣。使歸根反本。不至以有餘肆暴。犯肺傷脾。乃養肝之聖藥也。石頑曰。瀉肝之邪熱。所以補脾之陰。故仲景以白芍爲補營首藥。桂枝湯中用以護營血。使邪不得內犯。建中湯中用以培土藏。而治陽邪內陷腹痛。此皆仲景用藥之微妙。又曰。凡人陽氣虛衰。陰氣散漫。患腹脹滿急。於補中益氣

藥中加白芍一味以收陰則陽虛不受陰制之脹得陽藥便消矣。黃宮繡曰：川芍號爲補肝之氣。白芍號爲斂肝之液。氣之盛者必賴酸爲之收。而令氣不妄行。二藥同用。肝得以平。馮兆張曰：產後芍藥佐以薑桂。製以酒炒。合宜而用。有何方之可執哉。倘腹痛非因血虛者。不可誤用。蓋諸般腹痛。宜辛散而芍藥酸收故耳。又曰：今人用芍藥。則株守前人一定之言。每於產後冬月。兢兢畏懼。及其苓連梔子視爲平常要藥。凡遇發熱。不論虛實。輒投。致令虛陽浮越。惜哉。按白芍藥微苦以能補陰。略酸亦能收斂。因酸走肝。暫用之生肝。肝性欲散惡斂。又取酸以抑肝。故謂白芍能補復能瀉。專行血海。女人調經胎產。男子一切肝病。悉宜用之。調和血氣。其味苦酸性寒。本非脾經藥。炒用製去其性。脾氣散能收之。胃氣熱能斂之。主平熱嘔。止泄瀉。除脾虛腹痛。腸胃濕熱。以此瀉肝之邪。而緩中焦脾氣。難經所謂損其肝者。緩其中。同炙甘草爲酸甘相合。成甲己化土之義。調補脾陰神妙良法。取其色白。屬在西方。若久嗽者。藉此以收肺。又治痢疾腹痛。爲肺金之氣鬱在大腸。酸以收緩。苦以去垢。故丹溪治痢。每劑用至三四錢。大有功效。若純下血痢。又非其所宜也。其方不能通行。滲泄。然主利水道者。取其酸斂能收。諸濕而益津液。使血脈順而小便自行。利水必用以益陰也。若痘瘡血不歸附者。用以斂血歸根。

惟疹子忌之。凡諸失血後及初產二十日內，肝臟空虛，不可以酸寒瀉肝。伐新生之氣，故禁用。
【實驗】 此藥清血解毒。於患癰瘡者，有消散作用。又特效於肌肉癢癢之疼痛，與神經痛。
【禁忌】 白芍藥酸寒，凡中寒腹痛，中寒作洩，腹中冷痛，腸胃中覺冷等證，均忌。赤芍破血，凡一切血虛病及泄瀉，產後惡露已行，少腹痛已止，癰疽已潰，均忌。又腹瀉者，外感寒熱而無汗者，外感寒熱有汗而胸膈者，均忌用。

【用量】 自一錢五分至三錢。

【炮製】 時珍曰：今人多生用，惟避中寒者以酒炒，入女人血藥醋炒耳。

【配合】 同白朮補脾。同川芎瀉肝。同參芪補氣。同當歸補血。以酒炒補陰。同甘草止腹痛。同黃連止瀉痢。同防風發痘疹。同薑棗溫經散濕。同黃連、滑石、甘草、升麻、人參、蓮肉、藕豆、紅麴、煨乾葛，治滯下之神藥。同人參、白朮、茯苓、炙甘草、肉豆蔻、橘皮、車前子，治脾虛洩瀉。同炙甘草、蓮肉，治痘瘡有熱，作泄熱甚，加酒炒黃連。同荊芥、防風、生地、炙甘草、黃芪，治腸風下血。同當歸、地黃、牛膝、炒黑乾薑、續斷、麥冬、五味，治產後血虛發熱。同白芷、炙甘草，治痘瘡血虛發癢。同桂枝斂風汗。同黃芪、人參，斂虛汗。同黃芪、防風，治表虛傷。

風自汗。赤芍藥、同藿香、橘皮、木瓜、甘草、治中惡腹痛。同川芎、紅花、生地、當歸、白芷、荊芥、治破傷、發熱疼痛。同牛膝、當歸、地黃、延胡、山查、澤蘭、紅花、五靈脂、治初產惡露不下、腹痛、冬月加肉桂。同金銀花、白芷、鯨鯉甲、紫花地丁、夏枯草、茜草、甘菊、消一切癰腫。同香附、當歸、地黃、延胡、青皮、治經阻腹痛、加五靈脂、蒲黃、散惡血、逐敗血。

丹皮

【品狀】落葉灌木、莖高二尺餘、葉爲複葉、分裂甚深、夏初開花、徑四寸、有重瓣單瓣之別、色

有紅白紫黑等種、在花中爲最美、故有花王之名、五月結黑子、根黃白色、長五寸、大如筆管、我國中部各省產之、八月採根陰乾、時珍曰、牡丹惟取紅白單瓣者入藥、其千葉異品、皆人巧所致、氣味不純、不可用、凡枝花者、根下着白蕊、末辟蟲、穴中點硫黃殺蠹、以烏賊骨針其樹必枯。

【成分】含魄魯挪爾、Piconal 作針狀結晶、 $(C_{21}H_{16}O_3)$ 安息酸、及伊蘇郁列斯珥林 Isocholesterin 之脂肪酸、伊打。

【性味】味苦辛、性微寒、無毒、稟季春之氣、兼得木之性、以生、可升、可降、陰中微陽也、畏貝母、大黃、菟絲子、伏砒、忘蘇、胡荽。

【歸經】 人心、肝、腎、心胞、四經。兼入膽、三焦、二經。爲清伏火、涼血熱之品。清血分，又補血。

【功效】 清少陽血分之火邪。寒而更苦，散營分瘀留之熱結。香以兼辛，色丹並入乎心肝。可治有邪於經隧，性竄直通夫腎臟，能除無汗之骨蒸。

【研究】 丹皮辛能散，苦能泄，寒能清，色赤能走血分。有香竄之性，入肝膽心腎三焦血分。能涼血散血。凡血分風熱瘀滯等證，悉可用之。因其寒而走散也。元素曰：丹者赤色火也，故能

瀉陰胞中之火。又曰：牡丹皮入手厥陰足少陰，故治無汗之骨蒸。地骨皮入足少陰手少陽，故治有汗之骨蒸。東垣曰：心虛、腸胃積熱、心火熾甚、心氣不足者，以牡丹皮爲君。時珍曰：丹

皮能和血、生血、涼血。治血中伏火，除煩熱。又曰：丹皮治手足少陰厥陰四經血分伏火。蓋伏火即陰火也。陰火即相火也。古方惟以此治相火，故仲景腎氣丸用之。後人乃專以黃蘗治相火，不知丹皮之功更勝也。此乃千載祕奧，人所不知。今爲拈出，赤花者利血，白花者補氣，宜分別之。仲醇曰：神不足者手少陰，志不足者足少陰，故腎氣丸用之。治神志之不足，此元素語也。究竟丹皮乃心經正藥，心主血，血涼則心不熱，而陰氣得寧。用之腎經藥中者，陰陽之精互藏其宅，神志水火藏於心腎，即身中坎離也。交則陰陽和而百病不生，不交則陰陽否而精神離

矣。故天。徐靈胎曰：牡丹爲花中之王，乃木氣之最榮澤者，故能諫養肝氣，和通經脈，與芍藥功頗近。但芍微主斂，而牡丹微主散，則以芍藥味勝，牡丹氣勝，味屬陰而氣屬陽也。石頑曰：丹皮入手足少陰厥陰，治血中伏火，故相火勝腎，無汗骨蒸爲專藥。其味辛氣竄，能開發陷伏之邪外散。惟自汗多者勿用，爲能走泄津液也。瘡疹初起勿用，爲其性專散血，不無根脚散闊之慮。又癥瘕^老瘵血，留舍腸胃五臟，及陰虛吐血，衄血必用之藥，以能行瘀血，而又能安好血，有破積生新，引血歸經之功。故犀角地黄湯用之。黃宮繡曰：相火熾則血必枯，必燥必滯，上浮而爲吐爲衄，爲虛損，與風痰相搏，而見五勞七傷癰瘕，瘵結而見瘡瘍癰毒，用此不特味辛而散血中之實熱，且性寒有涼相火之神功。按丹皮入肝經，瀉陰中之火，味苦則補陰，辛則散結，以此疏暢肝氣，使血清氣和，所妙在微苦略辛，味厚可降，故能降火而不推蕩，益血而不膩滯。若肝家有餘，則火盛血逆，血熱妄行，以其微苦下行降火，微辛散陽，用治吐血衄血，通經逐瘀。若肝家不足，則榮衰血少，氣熱鬱結，辛以散結止痛，苦以益陰養血，用治牙疼腰痛，赤淋白帶，而推陳致新，爲調經產後要藥，外瘍良劑。

【實驗】

此藥醫治月經閉止，在胃不起作用，至腸始與膠液化合而被腸吸收，在血中能助

血液之氯化，使全身血液旺盛，并能激發生殖神經，而令卵巢充血。又凡紅腫發熱之癰瘡，患胃癰腸炎，以及盲腸炎，此藥有殺菌消炎之作用。

【禁忌】 胃氣虛寒，女子血崩，經行過期不淨者，勿服。胎前亦宜酌用。又腸胃虛弱而瀉者，忌用。若腸胃虛弱者，服之易於腹瀉，及虛弱性腹痛，忌用。又體溫低者，汗過多者，忌用。

【用量】 自一錢五分至三錢。

【炮製】 取根洗淨，酒拌蒸，切片用，或炒炭用。

【配合】 同生地、黃連、當歸、升麻、石膏，治陽明經血熱齒痛。同白芍、川芎、當歸、生地、瀉陰枹、中火，治婦人骨蒸。同生地、犀角、白芍，治熱入營分，能解毒化癍。同青蒿子、天冬、麥冬、沙參、地黃、五味、牛膝、枸杞子，治無汗骨蒸。皇漢醫方，合當歸、白芍、黃芪、甘草，治月經閉止。

齊危

【品狀】 山野中多年生草本，高四尺，葉長卵形，端尖有鋸齒，葉柄長，夏秋莖梢綴數花，淡紫色，喇叭形，爲穗狀花蕊，但不開足而下垂，傷其莖葉，有白汁滲出，果爲圓形之蒴果，根似紡錘，類沙參之根，八月採根曝乾，產川、蜀、江浙等省。

【性味】 味甘性寒無毒。

【歸經】 入肺腎二經爲清火解毒之品。

【功效】 甘能解毒清金除消渴之邪寒可退陽入腎治強中之火。

【研究】 薺萋卽甜桔梗又名空沙參甘寒入肺專解金石草木藥毒蠱毒以及瘡毒疔腫沙蝨禽獸諸毒皆可服之。大清肺火是其所長。至所治強中消渴等疾亦清其源而流自潔耳。又其所以成消渴強中者或恣意服餌金石燥毒等物助陽肆慾以致內火自焚爲害不淺。薺萋能解之。

【禁忌】 陽虛體寒者勿服。

【用量】 自一錢五分至三錢。

【炮製】 取根洗淨切片用。

【配合】 同豬腎、石膏、人參、茯苓、磁石、知母、葛根、黃芩、花粉、甘草、黑豆、治強中之病。莖長與盛不交精液自出消渴之後卽發癰疽皆由恣意色慾或餌金石所致宜此以制腎中熱也。

白藥子（附）黃藥子

【品狀】 蔓草類。蘇恭曰：白藥子出原州。三月生苗，葉似苦苣。四月抽赤莖，長似薔盧蔓。六月開白花。八月結子。九月葉落枝折，採根洗切曝乾。蘇頌曰：江西出者，葉似烏柏子，如菘豆。至六月變成赤色。治馬熱方用之。李時珍曰：黃藥子，今處處有之，其莖高二三尺，柔而有節，似藤實非藤也。葉大如拳，長三寸許，亦不似桑。其根長者尺許，大者圍二三寸，外褐內黃，亦有黃赤色者。肉色頗似羊蹄根。十月中採之。

【性味】 白藥子味苦辛，性寒，無毒。稟天地清寒之氣，兼金水之性以生。黃藥子味苦，性涼，無毒。得土中至陰之氣，氣薄味厚，降多升少，陰也。

【歸經】 白藥子入肺胃二經，爲消腫毒，解熱散結之品。黃藥子入心肝二經，爲涼血降火，解毒之品。

【功效】 白藥子消痰止咳，治吐血、咽痛腫脹。黃藥子治諸惡腫瘡，蛇犬咬毒。

【研究】 白藥子辛涼解毒，故能治金瘡出血太多發熱，用以涼血清熱，則痛自止。肌自生。又主喉中熱塞不通，時常痛腫，醋煎細呷，治諸骨鯁。在上卽吐出，在下卽便出。解野葛、生金、巴豆藥毒。又治馬脾肺熱病。黃藥子治諸惡腫瘡癩，喉痺，及蛇犬咬毒，研水服之，并用外塗。千金

治瘵疾。以黃藥子半斤。無灰酒一升。浸藥固濟瓶口。糠火煨候香。瓶頭有津卽止。時飲一杯。不令絕。三五日卽消。勿飲。不爾令人項細也。又專治馬牛心脾熱病。

【禁忌】 白藥子苦寒辛散之物。凡病雖血熱吐衄。若脾胃素弱。易於作泄者。勿服。黃藥子癰疽已潰不宜用。癰疽發時不嫩腫。不渴。色淡。脾胃作泄者。此爲陰證。當以內補爲急。解毒次之。藥子之類。止可外敷。

【用量】 白一錢五分至三錢。二種同。

【炮製】 取根洗淨。切片用。二種同。

【配合】 白藥子燒存性。糯米飲送服。治吐血不止。同冰片爲末。蜜丸。治咽喉腫痛。同朴硝等分爲末。吹喉中。治喉中熱寒。黃藥子同蒲黃爲末。治咯血吐血。同忍冬藤。夏枯草。白芨。白蘇。紫花地丁。甘菊。茜草。蓮翹。牛蒡子。白芷。貝母。治一切疔腫癰疽。

蚤休

【品狀】 毒草類。蚤休一名草河車。又名重樓金綫。處處有之。生於深山陰濕之地。一莖獨上。莖當葉心。葉綠色似芍藥。凡二三層。每一層七葉。莖頭夏月開花。一花七瓣。有金綫蕊。長三四

寸根如菖蒲根，外紫中白，有粘糯二種。五月採根曝乾用。

【性味】 味苦性寒，有毒。伏雄黃、丹砂、蓬砂及鹽。

【歸經】 入肝經，爲涼血散瘀之品。

【功效】 癰毒能消，味苦寒而散結，熱瘀可化，殺蟲積以通肝。

【研究】 蚤休苦寒有毒，入肝經涼血散瘀，故能消癰殺蟲毒。至其能治驚痰等證，大抵亦因鬱熱而然耳。時珍曰：草河車是厥陰經藥也。凡本經驚癩瘡疾、癩癰、癰腫者宜之。蘇恭曰：醋磨敷癰腫蛇毒，甚有效。

【禁忌】 外科皮色不紅者，腹瀉者均忌用。

【用量】 自一錢五分至三錢。

【炮製】 取根洗淨，切片用。

【配合】 同紫地丁、半枝蓮，治疔毒。

漏蘆

【品狀】 漏蘆草類，屋之西北謂之漏。凡物黑色謂之蘆。此草秋後則枯而變黑，異於衆草，故名。

莖高三尺。葉似艾。背白。夏秋間。葉間出花莖。開藍紫色小花四五瓣。後生莢。長似細麻莢。子較罌粟子爲小。根苗並用。八月採取。產於我國北部各省。

【性味】 味苦鹹。性寒。無毒。得地苦鹹之味。稟天大寒之氣以生。降也。陰也。連翹爲使。

【歸經】 入肺、胃、膽、大腸、膀胱、五經。爲洩熱解毒之品。胃本經藥。寒而通利。

【功效】 苦下泄。鹹軟堅。寒勝熱。入胃大腸。通肺小腸。散熱解毒。通經下乳。排膿止血。生肌殺蟲。治遺精。尿血。癰疽發背。

【研究】 漏蘆味苦鹹。性寒。凡苦則下泄。鹹則軟堅。寒則勝熱。漏蘆氣味俱備。其性專入陽明胃經。故凡癰疽發背。乳汁不通。及預解時行痘毒者。咸須仗此以解毒邪。俾邪盡從便出而解矣。又遺精尿血能止。亦因毒解熱除自止之意。非因漏蘆寓有收濇之意也。

【禁忌】 妊娠禁用。瘡瘍陰證下塌不起發者。真氣虛也。法當補托。此性苦寒。非所宜也。

【用量】 自一錢至二錢。

【炮製】 取根苗。甘排蒸。晒乾。切細用。

【配合】 同貝母、連翹、甘草、金銀花、橘葉、鼠薹、白芷、山豆根、山茨菰、艾荷草、治乳癰乳巖。同

連翹、生甘菊、紫花地丁、貝母、金銀花、甘草、夏枯草、治發背癰瘡、排膿止痛。同黃芪、人參、排膿長肉、加狗躑、豬鬃汁、能下乳。

蘆薈

【品狀】 百合科之蘆薈屬，爲 *Aloe Vera* 葉中之液汁所製成。葉大而尖，多肉類龍舌蘭。內含粘液，夏由葉間抽花軸，開總狀之花，蘆、黑也。薈、聚也。脂液凝集，色黑如胎，味苦如象膽，故異名爲象膽。產我國之南海及爪哇。

【成分】 主要素爲蘆薈精 (C₁₁H₁₈O)_{700%}，餘爲揮發油、樹脂、灰。

【性味】 味苦性大寒，無毒。

【歸經】 入肝、心、胞、脾、胃、大腸、五經。爲滌熱潤腸殺蟲之品。手足厥陰主藥。

【功效】 除邪退熱，能潤下，性味苦寒，明目涼肝，可殺蟲消除疳積。

【究】 蘆薈苦寒潤下之品，除熱殺蟲之外，別無所長。更衣丸用之，取其潤也。明目治疳者，取其寒也。考其氣質性味，能入脾胃大腸肝腎諸經，故主治亦不離此諸經耳。甄權曰：主吹鼻殺腦疳，除鼻癢。張璐曰：蘆薈入厥陰肝經，及衝脈，其功專於殺蟲清熱，衝脈爲病，逆氣裏

急及經事不調。腹中結塊上衝。與小兒疳熱積滯。非此不除。同甘草爲末。治頭項頑癰甚效。但大苦大寒。且氣甚穢惡。僅可施之藜藿。若胃虛少食。人得之。入口便大吐逆。每致奪食泄瀉。而成羸瘦怯弱者多矣。有人背疔愈後。餘熱不除。或令服蘆薈藥三服。不數日而斃。傷胃之性。於此可徵。

【實驗】 此藥醫治習慣性便秘。經閉。入胃後。能促進胃液分泌增加。使消化強大。至腸能激腸之蠕動加數。粘膜之分泌驟加。令積糞泄出。由腸壁而達血中。則血亦受激而循環迅速。而使子宮之充血。尤爲有效。故可治一切經閉及衰弱之症。

【禁忌】 脾胃虛弱者。忌用。孕婦忌用。

【用量】 自一分至三分。

【炮製】 研細用。此藥配合丸散爲宜。若入煎劑。則味苦氣穢。頗難下咽。

【配合】 同硃砂等分研末。燒酒作丸。治肝熱血燥。傷寒後。邪結腸胃。大便不通。同當歸、膽草、黃連、大黃、川柏、山梔、黃芩、青黛、木香、麝香。共研末。蜜丸。治腸胃燥澀。大小便閉。皇漢醫方。合山梔子、薄荷、玄參、桑葉、牛蒡子、甘草。治習慣性便秘。佐熟地、當歸、白芍、川棟子、大茴、益母、厚

朴治經閉。

馬勃

【品狀】 苔類。產於山林陰地。初生爲白色球狀。如馬糞。長大外暗褐。質輕如棉。中含無數孢子。熟者觸之發塵煙。我國各地均產之。

【性味】 味辛性平。無毒。感土金之氣而生。

【歸經】 入肺經。爲解熱之品。

【功效】 辛平利肺部之邪。治咽痛喉瘡。功能散血。輕淡解上焦之熱。除口疳面腫。力可療瘡。
【研究】 馬勃由地上濕熱之氣薰蒸蘊結而成。雖有輕清解散上焦邪熱之功。然濕熱薰蒸之毒。蟲虺之氣。亦所難免耳。石頑曰。馬勃輕虛上浮。力能散肺中邪熱。故治咳嗽、喉痺、衄血、失音諸病。外用敷諸瘡。

【禁忌】 肺無熱邪者禁用。

【用量】 自八分至一錢五分。

【炮製】 凡用以生布張開。將馬勃於上摩擦。下以盤承取末用之。

【配合】 同殭蠶、升麻、柴胡、玄參、甘草、連翹、陳皮、黃芩、黃連、板藍根、牛蒡子、薄荷。治大頭瘟、咽喉不利。同蜜丸。治久嗽不止。同馬牙硝、砂糖和丸。治聲失不出。同燄硝等分爲末。治走馬喉痹。每吹一次。吐涎血即愈。

黃柏

【品狀】 喬木類。樹高數丈。葉似吳茱萸。亦如紫椿。經冬不凋。皮外白。裏深黃色。皮緊厚二三分。鮮黃者上。二月五月採皮晒乾。處處有之。以蜀中出者肉厚色深爲佳。

【成分】 含祕魯培林與黃連同。

【性味】 味苦性寒。無毒。稟至陰之氣。而得清寒之性。以生。氣味俱厚。沉而降。陰也。惡乾漆、伏硫黃。

【歸經】 入腎、膀胱二經。爲除熱益陰之品。腎家要藥。膀胱引經藥。專治陰虛生內熱諸證。

【功效】 苦寒堅腎。瀉相火以制陽光。辛燥入陰。除濕熱而安下部。

【研究】 黃柏其質雖皮。其氣味皆苦寒沉降。故獨入腎與膀胱。清泄下焦濕火。而安腎水。至所以治口瘡。清肺部上焦之熱者。卽用皮意。究非專治之藥。雖清上而仍賴其降下耳。元素

曰瀉膀胱相火補腎水不足。堅腎壯骨髓。療下焦虛。諸痿癱瘓。利下竅。除熱。東垣曰。治衝脈氣逆不渴。而小便不通。諸瘡痛不可忍。丹溪曰。黃柏走至陰。有瀉火補陰之功。非陰中之火不可用也。火有二。君火者。人火也。心火也。可以濕伏。可以水滅。可以直折。黃連之屬。可以制之。相火者。天火也。龍雷之火也。陰火也。不可以水濕折之。當從其性而伏之。惟黃柏可以降之。時珍曰。黃柏能制膀胱命門陰中之火。知母能清肺金。滋腎水之化源。故潔古東垣丹溪。皆以爲滋陰降火要藥。上古所未言也。然必少壯氣盛。能食爲宜。若中氣虛而邪火熾者。久服則有寒中之變。近時虛損。及縱慾求嗣之人。用補陰藥。往往以此爲君。降令太過。脾胃受傷。真陽暗損。精氣不煖。致生他病。徐靈胎曰。黃柏極黃。得金之色。故能清熱。其味極苦。苦屬火。則又能燥濕。凡燥者。未有不熱。而寒者。未有不濕。惟黃柏於清熱之中。而兼燥濕之效。蓋黃色屬金。陽明爲燥金。故其治皆除陽明濕熱之疾。氣類相感也。石頑曰。黃柏苦燥。爲治三陰濕熱之專藥。詳本經主治。皆濕熱傷陰之候。卽漏下赤白。亦必因熱邪傷陰。火氣有餘之患。非崩中久漏之比。其根治心腹百病。魂魄不安。皆火氣內亢之候。仲景梔子柏皮湯。治身黃發熱。得其旨矣。

按黃柏味厚而降。入腎經血分。凡腎水膀胱不足。諸痿厥無力。於黃芪湯中加用。使兩足膝

中氣力湧出。痿弱卽愈。黃柏蒼朮。乃治痿要藥。凡下焦濕熱腫痛。并膀胱火邪。小便不利。及黃澇者。並宜黃柏。知母爲君。茯苓澤瀉爲佐。凡小便不通而渴者。邪熱在氣分。主治在肺。不能生水。不渴者。邪熱在血分。主治在膀胱。不能化氣。亦宜黃柏。知母。昔人病小便不通。腹堅如石。脚腿裂水。雙睛凸出。遍服治滿利小便藥不效。此高粱積熱。損傷腎水。致膀胱不化。火氣上逆。而爲嘔噦。方用黃柏。知母。入桂爲引導。服少時。前陰如火燒。溺卽涌出。願盼腫消。金匱治誤食死六畜肉中毒。用黃柏屑搗服方寸匕。解之。不特治高粱積熱。蓋苦以解毒。寒以泄熱也。黃宮繡曰。黃柏性稟至陰。味苦性寒。行隆冬肅殺之令。故獨入少陰瀉火。入膀胱瀉熱。凡人病因火亢。而見骨蒸勞熱。目赤耳鳴。消渴便閉。及濕熱爲病。而見諸痿癱瘓。水瀉熱痢。黃疸水腫。痔血腸風。漏下赤白。與夫諸痛癢癢。虻蟲內攻。診其尺脈。果洪大。按之有力。可炒黑暫用。使其濕熱順流而下。陰火因而潛伏。則陰不受煎熬。而陰乃得長矣。非謂真陰虛損。服此卽有滋潤之力也。故於實熱實火則宜。而於虛熱虛火則徒有損而無益。奈今人不問虛實。竟爲去熱治勞之妙藥。而不知陰寒之性。能損真火真氣。遏絕生機。莫此爲甚。按黃柏。樹高數丈。其皮從上直下。味苦入骨。是以降火能自頂至踵。滲膚徹骨。無不週到。專瀉腎與膀胱之火。蓋腎屬寒水。水

少則漸消。涸竭則變熱。若氣從臍下起者。除火也。內經曰。腎欲堅。以苦堅之。堅卽爲補。丹溪以此一味名大補丸。用鹽水製。使鹽以入腎。主降陰火。以救腎水。用蜜湯拌炒。取其戀膈而不驟下。治五心煩熱。目痛。口瘡。諸症。單炒褐色。治腸紅痔漏。遺精白濁。濕熱黃疸。及膀胱熱。臍腹內痛。凡屬相火。用此抑之。腎自堅固。而無狂蕩之患。因味苦能走骨。能沉下。用酒拌炒。四物湯調服。領入血分。治四肢骨節走痛。足膝痠軟無力。遍身惡瘡。及腳氣攻冲。嘔逆惡心。陰虛血熱。火起於足者。用此一味名潛行散。能瀉陰中之火。亦能安蛔蟲。以苦降之之義也。

【實驗】 此藥醫糖尿病。腎臟炎。入胃有增加胃液促進消化之能。至腸有刺激腸壁神經。使腸吸收增加。入血後。能使血液循環有標準之次數。而神經亦同時振興。又近今醫家。多用之以作利尿劑。對於尿赤色者爲最相宜。其次卽用之以治皮膚瘡。乃有殺菌消炎之作用。

【禁忌】 凡脾虛少食。或嘔或瀉。或好熱惡寒。或腎虛五更泄瀉。小便不禁。少腹冷痛。陽虛發熱。瘀血停止。產後血虛發熱。癰疽腫後發熱。陰虛小便不利。痘後脾虛小便不利。血虛煩躁。不眠等證。皆忌之。貧血病。忌用。又腸胃虛弱而腹瀉者。尿多者。禁用。

【用量】 自一錢五分至三錢。

【炮製】 削去粗皮切片用。生用降實火。酒製治陰火上炎。鹽製治下焦之火。薑製治中焦痰火。薑汁炒黑治濕熱。鹽酒炒黑治虛火。陰虛火盛面赤戴陽。附子汁製。蜜炙則不傷胃。炒黑能止崩帶。

【配合】 得知母、滋陰降火。得細辛、瀉膀胱火。治口舌生瘡。得蒼朮、除濕清熱。爲治痿要藥。以柴胡引之則入膽。以黃連、葛根、升麻引之。則入腸胃。及太陰脾經。治濕熱滯下。佐牛膝、枸杞子、地黃、五味子、鼈甲、青蒿。則益陰除熱。佐甘菊花、枸杞子、地黃、沙蒺藜、女貞子。則益精明目。得木瓜、茯苓、白朮、蒼朮、石斛、地黃。則除濕健步。佐白芍、甘草。則主火熱腹痛。佐人參、茯苓、白蜜、石斛、白朮。治糖尿病。合大黃、麩粉、車前子、甘草。治腎臟炎。得豬膽汁、水銀粉。外傳主諸熱瘡有蟲。久不合口。得鉛丹生肌止痛。皇漢醫方。佐人參、茯苓、白蜜、石斛、白朮。治糖尿病。合大黃、麩粉、車前子、甘草。治腎臟炎。

山梔子

【品狀】 灌木類。高七八尺。葉有光澤。形橢圓。全邊對生。夏月枝梢開六裂片黃白花。果實黃褐色。橢圓形。兩端尖。有五六縱稜。可供黃色染料。亦爲下熱清血之藥。產閩蜀等省。

【成分】 爲魯比格魯兒酸 *Rwbechlor Saure* $C_{14}H_8O_6$

【性味】 味苦性寒。無毒。稟天之清氣，得地之苦味，以生氣薄味厚，氣浮味沉，降也。陽中陰也。

【歸經】 入心、肺、胃三經。爲洩火之品，能使心肺熱邪屈曲下行，從小便出，而三焦鬱火以解。

【功效】 味苦通心，導熱歸腸，寒勝火，氣輕達肺，炒焦入血，黑平紅，仁則解鬱熱於胃中，殼乃

退陽邪於皮部。

【研究】 山梔子，其形尖圓，色赤象心，其質輕浮入肺，苦寒性降，能清心肺上焦之邪熱，屈曲

下行，從小腸膀胱而出，炒黑則能清血分鬱熱，若邪熱在胸膈纏結不下，則生用梔子，亦能取

吐，非山梔子爲吐藥，不過引之作吐，以順病勢，所謂其高者因而越之也。元素曰：梔子輕飄

而象肺，色赤而象火，故能瀉肺中之火，方用有四：心經客熱一也，除煩躁二也，去上焦虛熱三

也，治風四也。丹溪曰：梔子瀉三焦之火，及痞塊中火邪，最清胃脘之血，其性屈曲下行，能降

火，從小便中泄去，凡心痛積久，不宜溫散，反助火邪，故古方多用梔子以導熱藥，則邪易伏而

病易退。好古曰：梔子用爲利小便藥，實非利小便，乃清肺也，肺清則化行，而膀胱津液之腑

得此氣化而出也。徐靈胎曰：梔子正黃，亦得金色，故爲陽明之藥，但其氣體輕虛，走上而不

走下故不入大腸而入胃。胃在上焦故也。胃家之蘊熱，惟此爲能除之。又胃主肌肉，肌肉有近筋骨者，有近皮毛者。梔子形開似肺，肺主皮毛，故專治肌肉熱毒之見於皮毛者也。石頑曰：世人每用梔子治血，不知血寒則凝，反爲敗證。治實火之吐血，順氣爲先，氣行則血自歸經。治虛火之吐血，養正爲主，氣壯則自能攝血也。按山梔子色赤類火，味苦降下，取其體質輕浮，從至高之分，使三焦火屈曲下行，主治肺熱欬嗽，吐衄妄行，胃火作痛，面赤鼻齇，目赤耳瘡，嘔噦腹滿，鬱熱淋閉，腸紅疝氣，一切鬱遏之火，小便泄去，又治虛熱發渴，病後津血已亡，胃腑無潤，同知母治煩躁，蓋煩屬肺氣，山梔子主之，躁屬腎血，知母主之。

【實驗】 此藥有解血毒、消炎、退熱之作用，能治體內各種發炎之病症。消炎之作用，特別行於胃中，又此藥能治小便不通、血淋、澀痛、下痢、鮮血、酒毒、下血，然近今醫家多用之以治有汗之熱症，而有退熱之效，其主要之用，爲利尿、消炎、解毒、退熱。

【禁忌】 脾胃虛弱、血虛發熱、心肺無邪熱、小便閉、山勝脫氣虛均忌。又胃腸虛弱而腹瀉者，素來大便溏薄者，尿多者，有嘔吐者，均忌用。

【用量】 自一錢五分至三錢。

【炮製】 丹溪曰：治上中二焦連殼用。治下焦去殼洗去黃漿炒用。治血病炒黑用。好古曰：去心胸中熱用仁。去肌表間熱用皮。

【配合】 同香豉。治傷寒汗吐下後虛煩不得眠。心中懊憹。同茵陳、大黃。治傷寒濕熱發黃腹脹。小便當利。尿如皂角汁狀。一宿腹減。黃從小便出也。同甘草、黃蘗。爲梔子藥皮湯。治發黃身熱。同厚朴、枳實。爲梔子厚朴湯。治傷寒下後心煩腹滿。臥起不安。同鼠矢作湯。治大病後勞復。小便不利者。小便利卽愈。同連翹、麥冬、竹葉、燈心、甘草、黃連。能瀉心經有餘之火。加赤茯苓、木通、滑石、澤瀉、瀉小腸火。同桑白皮、黃芩、甘草、桔梗、五味子、乾葛。治酒熱傷肺。發出鼻皴。同茵陳、滑石、車前子、秦艽、黃連。治酒熱發黃。

苦楝子根皮

【品狀】 喬木類。葉爲二回或三回之羽狀複葉。小葉成卵形。或小披針形。有鋸齒。春開淡紫小花。排列成複繖花蕊。果橢圓形。熟呈黃色。乃核果也。十二月採之。處處有之。產蜀中者良。蘇恭曰：此有二種。雄者無子。根亦有毒。服之使人吐不能止。時有至死者。雌者有子。根白微毒。入藥當用雌者。一云其子烏不食者不可用。

【成分】 含ウフツジンの苦味素。凡苦味藥能使胃腸壁內白血球增殖。且興奮蠕動。以催食物之吸收。

【性味】 味苦性寒。有小毒。稟天之陰氣。得地之苦味。以生氣薄味厚。降也。陰也。時珍曰。得酒煮乃寒。因熱用也。茴香爲之使。

【歸經】 入肝、心、胞、小腸、膀胱四經。兼入肺、脾、胃三經。爲洩熱之品。

【功效】 清肝火。利小腸。濕熱疝瘕。專療熱厥痛。味苦寒。性有毒。溫邪蟲積。並治小兒疳。根皮達下殺諸蟲。性味相同無別用。

【研究】 棟子一名金鈴子。苦寒之性。入心、肝、小腸、膀胱。能導熱下行。治熱厥心痛。凡一切疝氣。蟲疳等證。由於濕熱所致者。皆可用之。根皮專殺蟲積。洗服皆效。如煎服。當去粗皮。以近泥有毒也。元素曰。熱厥暴痛。非此不能除。安常曰。能入肝舒筋。導小腸膀胱之熱。因引心胞相火下行。故心腹痛及疝氣爲要藥。石頑曰。棟子苦寒性降。能導濕熱下走滲道。人但知其有治疝之功。而不知其瀉熱止痛之用。本經主溫病煩狂。取以引火毒下泄。而煩亂自除。其溫病之下。又續出傷寒二字。以溫病原從冬時伏邪。至春隨陽氣而發。故宜苦寒以降泄之。其殺

三蟲利水道。總取以苦化熱之義。古方金鈴子散。治心胞火鬱作痛。即婦人產後血結心疼。亦宜用之。以金鈴子能降火逆。延胡索能散結血。功勝失笑散。而無腥穢傷中之患。昔人以楝子爲疝氣腹痛。殺蟲利水專藥。然多有川之不效者。不知楝子所主。乃囊腫莖強木痛濕熱之疝。非痛引入腹厥逆嘔涎之寒疝所宜。此言雖適出前輩。然猶未達至治之奧。夫疝瘕皆由寒束熱邪。每多掣引作痛。必需楝子之苦寒兼尚香之辛熱。以解錯綜之邪。更須察其痛之從下而上引者。隨手輒應。設痛之從上而下注者。法當辛溫散結。苦寒良非所宜。諸痛皆爾。不獨疝瘕爲然。近有一人牙宣出血不止。諸治罔效。或令以楝子研細。綿裹寒齒齦即止。詳血從內出。外治何能即應。因以少許置舌上。其苦直透諸齦。況有罅漏。安得不滲入於經也。苦楝根治蠱毒。煎湯服之。即時吐出。又能殺蟲治瘡。其花舖席下殺蝨。燒烟辟蚊蟲。

【禁忌】脾胃虛寒者忌用。

【用量】自一錢五分至三錢。

【炮製】雷公曰。凡使酒拌令透。蒸待皮軟。去皮去核。取肉用。凡用肉不用核。用核不用肉。如用核。搥碎。漿水煮一伏時。晒乾。

【配合】 同延胡索等分爲末。每服三錢。溫酒調下。治熱厥心痛。同牛膝、木瓜、橘核、荔枝核、杜仲、巴戟天、茴香、烏穠樹子。治腎虛疝氣。根同白蕪荑、檳榔、鶴虱、黃連、牽牛、雷丸。使君子、錫灰、烏梅、蘆薈。殺腸胃一切蟲。

桑根白皮 桑枝 桑子 桑葉

【品狀】 落葉喬木類。葉爲卵圓形肥大。開淡綠色花。雌雄皆爲穗狀。結實初青紅。熟則呈紫黑色。味甘可食。其根皮採之入藥。但根見土面者有毒。不用。產我國江浙等省。

【性味】 味甘微苦微辛。性寒。無毒。得土金之氣而生。降多於升。陽中陰也。續斷、桂心、麻子爲使。忌鐵。

【歸經】 入肺經。爲清金之品。辛瀉肺邪有餘而止嗽。甘固元氣不足而補虛。

【功效】 桑白皮瀉肺火之有餘。降逆消痰嗽可愈。性甘寒而無毒。疏邪利水脹能鬆。子能養血生津。質甘且潤。枝可祛風活絡。味苦而平。桑得箕星之精氣。葉能搜肝絡風邪。稟青帝之權衡。善泄少陽氣火。膨淚羞明等證。使此甘寒。頭風目眩。諸般。藉其疏利。

【研究】 桑白皮。甘寒微苦微辛。色白性寒。入肺善降。利大小腸。故能瀉肺中之火。降氣行水。

如是則水腫痰嗽。風氣諸病。皆可愈耳。子名桑椹子。乃桑之精華所結。味甘。色紅。熟則紫黑。能入肝經血分。養血補肝。血活則風散也。桑枝能達四肢。行經絡。利關節。助藥力。苦平之性。爲祛風良藥也。桑葉。經霜者佳。凡藥皆散。其紋如絡。故能入絡。疎風。通肝達肺。桑乃箕星之精。箕好風。故尤爲入肝搜風之要藥。肝膽相連。又能疏泄少陽氣分之火。一切目疾頭風等證。由於風熱者。皆可用之。羅謙甫曰。桑皮瀉肺。是瀉肺中火邪。非瀉肺氣也。火與元氣不兩立。火去則氣得安。故又益氣。東垣曰。桑皮長於利水。肺中有水。則生痰作嗽。除水氣。正所以瀉火邪。實則瀉其子也。故肺中有水氣。及肺火有餘者。宜之。石頑曰。桑白皮瀉肺氣之有餘。肺虛無火。因風寒而咳者。服之。風邪反閉。固不散。而成久咳者。有之。又治唾血熱渴。水腫腹滿。去寸白蟲。作線。可以縫金瘡。縫後以熱鷄血塗之。桑皮之功用盡矣。按桑白皮。主疏散。味甘淡。淡主於滲。體輕色白。專入肺經。疏氣滲熱。主治喘滿咳嗽。熱痰唾血。皆由實邪鬱遏肺竅。不得通暢。藉此滲之散之。以利肺氣。諸證自愈。故云瀉肺之有餘。非桑皮不可。又因皮主走皮。以此治皮裏膜外。水氣浮腫。及肌膚邪熱。浮風燥癢。悉能去之。蓋治溫以清。此爲清中清品。同甘菊。篇豆。通鼻塞熱壅。合沙參黃芪。止腸紅下血。皆有神效。

【實驗】 桑白皮有平補性。平補者。即無興奮性而能恢復人體之健康。又能清肺熱。所謂清肺熱者。即能治肺結核病之咳嗽氣促。口渴苔黃。而有內熱者。桑椹味甘酸。其成分爲葡萄糖 $C_6H_{12}O_6$ 。蘋果酸 $C_4H_4O_6$ 。在胃中能補胃液之缺乏。以助消化之不足。入腸能激腸黏膜。使腸之分泌增多。并能稍促腸之蠕動。

【禁忌】 桑皮桑葉。凡肺虛無火。及因風寒而嗽者。勿用。脈搏遲緩者。血壓低者。腹瀉者。消化不良者。忌用。

【用量】 自一錢五分至三錢。

【炮製】 取根皮刮去薄皮。取白。或生用。或蜜酒相和。拌令濕透。炙熟用。石頑曰。生者傷肺泄氣。大不利人。

【配合】 桑白皮。得天冬、麥冬、款冬花、百部、薄荷、甘草、沙參、貝母、枇杷葉、五味子。爲治嗽要藥。得芍藥、米仁、木瓜、茯苓、橘皮、赤小豆。爲治水腫之神劑。取鮮者。以米泔浸三宿。刮去黃皮。剉細。入糯米。焙乾爲末。米飲下一錢。治咳嗽吐血甚者。桑枝十斤。同益母草三斤。水五斗。慢煮至五升。去渣再煎成膏。每臥時。溫酒調服半合。治紫白癜風。以愈爲度。桑葉。四月採得。酒

拌九蒸九曬爲末。用胡麻。或黑芝麻。去殼九蒸九曬。另磨如泥。各等分。煉蜜爲丸。每五六錢。空心飢時白湯下。能益血祛風。

木芙蓉（附）花

【品狀】葉心臟形。掌狀淺裂。有葉柄互生。夏秋間。梢頭開大花。有長柄。生於葉腋。朝白暮紅。果爲蒴果。種子有纖毛。易飛散。葉及根。均含有粘液。霜時採花。霜後採葉。陰乾用。我國各地均有產之。

【性味】味微辛微苦性寒。無毒。稟夏末秋初之氣而生。

【歸經】入肺經。爲涼血散熱之品。

【功效】敷圍一切癰疽。消腫排膿。能止痛。涼散諸般瘰癧。味辛質滑性平。

【研究】木芙蓉。味辛性寒。入肺經。涼血散熱。其質黏滑。凡一切癰疽疔毒。無論已潰未潰。皆可敷之。極能消腫止痛。涼血解毒耳。石頑曰。加生大黃。赤小豆末。麝香。外敷癰毒。其功更捷。花色淡黃。味苦性涼。清血熱。消腫毒。治瘡瘍。排膿止痛。功同葉稍遜。

【禁忌】陰疽平塌不起者。忌用。

【用量】 此惟用於外科。少有內服者。配合外敷藥。宜臨時酌量。

【炮製】 取花葉研細末用。

【配合】 芙蓉花同蓮蓬殼研末。米飲下。治經水不止。芙蓉葉同大黃、白芷、南星、五倍子、白芨、白蘞、赤芍爲末。蜜調。圍癰毒。中間留頭。乾則換之。

秦皮

【品狀】 喬木類。其木大都似檀。枝幹皆青綠色。葉如匙頭。虛大而不光。並無花實。皮有白點。而小粗錯。取皮漬水便碧色。書紙看之。皆青色。者是真。八月採皮陰乾。產陝西等處。

【成分】 含有一種越幾斯。謂之本膠。又有一種白蠟質。

【性味】 味苦澆。性寒。無毒。稟西北高寒之氣而生。降也。陰也。大戟爲使。惡吳茱萸。

【歸經】 入肝膽二經。兼入腎經。爲專清肝膽濕火之品。眼科要藥。

【功效】 味苦氣寒。色青性澆。主少陽協熱之痢疾。逐水行皮。洗厥陰濕火之陽邪。祛風明目。

【研究】 秦皮浸水色青。書紙不落。且不沾水。故入肝膽二經。以其性寒也。故專清肝膽之濕火。其主治一切之病。皆由肝膽濕火所致。至能益精者。亦邪熱去。則精自益耳。好古曰。主熱

下重下焦虛。藏器曰：蛇咬煮湯浸洗，研末敷。張璐曰：秦皮浸水色青，氣寒性瀉，肝膽藥也。本經治風寒濕痺，取其苦燥也。又主青白翳障，取其苦降也。小兒驚癇，取其平木也。崩中帶下，熱痢下重，取其收瀉也。老子云：天道貴嗇，卽此意耳。仲景白頭翁湯治熱痢下重，以黃柏黃連秦皮同用，皆苦以堅之也。秦皮黃連等分治赤眼腫痛，又一味煎湯洗赤目甚效。

【實驗】近來醫家多用之以治赤痢，與極癢之皮膚瘡，罕有用之以治他症者。

【禁忌】其味最苦，胃虛少食者禁用。

【用量】自一錢五分至三錢。

【炮製】取皮洗淨，切細用。

【配合】同鼠尾草、薔薇根治血痢連年。同大黃共研末，沙糖煎湯調服，一錢微利，治肝脾積熱，眼弦挑鍼。

槐花（附）槐角

【品狀】喬木類，葉作羽狀複葉，小葉長尖，卵形，夏於葉腋開黃白色蝶花形，後結莢果，長二三寸，內有扁平種子。七月採花，八月採實，但近今醫家多用花，罕用實，各處均產之。

【成分】 其子之成分含有黃色素。

【性味】 味苦酸。性寒。無毒。感天地陰寒之氣。而兼水木之化。以生。降也。陰也。陳者良。景天爲之使。

【歸經】 入肝大腸二經。爲涼血清熱之品。二經血分藥。涼血要藥。

【功效】 稟天地陰凝之氣。涼血清肝。除下焦濕熱之邪。祛風癩痔。虛寒當戒。角則降且通腸。酸苦宜知。花可散而達長。

【研究】 槐花。花與實。性味雖同。主治略異。花色黃質輕。能入手足陽明血分。涼而帶散。故治腸風痔漏而外。又能治癰疽毒瘡。皮膚風濕等證。槐角則所結之子也。色紫質重。但入肝與

大腸。下降之力爲多。故治腸風痔漏之外。兼治前帶下血。由於下焦血分有熱者。皆可用之。

東垣曰。涼大腸。潤肝燥。丹溪曰。槐花涼血。蓋血涼則陰自足也。蘇頌曰。嫩房角作湯代茗。

主頭風。明目。補腦。仲醇曰。槐角子苦寒純陰。涼血妙品。故能治一切熱。散一切結。清一切火。

徐靈胎曰。槐當秋而實。得金之令。色黃得金之色。故其性體清肅。乃手太陰手陽明之要藥也。金衰則爲火所侮。凡有餘之火。不能歸藏其宅。必犯肺與大腸。得此清肅之氣以助之。則火

不能傷而自歸其宅。不治火而火自退。此從本治醫之良法也。石頑曰：槐花苦涼。陽明厥陰血分藥也。故大小便血。及目赤腫痛。皆用之。目得血而能視。赤腫乃血熱之病也。按槐花苦能直下。味厚能沉。故瀉火涼血之功。獨在大腸。主清腸紅下血。痔瘡腫痛。臟毒淋瀝。大腸與肺爲表裏。能疏皮膚風熱。是泄肺金之氣也。根皮炒。煎水日洗。治陰下濕癢。

【實驗】 槐花之效用。常行於胃腸。能減低靜脈之充血。凡胃因充血發炎而痛者。此藥有效。又皮膚發無定形之紅疹。多半是因胃腸消化不良。特種毒質。由胃腸吸入血後。由皮膚排洩時而發紅疹。此藥對於消化器官。有消毒作用。故亦能治之。又對於各種之痔瘡。均有止血之效。又此藥在尋常之主要作用。爲利尿與清血熱。所謂清血熱者。指減低充血。而有止血之效也。

【禁忌】 病人虛寒作泄。及陰虛血熱。而非實熱者。均忌。腹瀉者。腸胃虛弱。而消化不良者。脈搏沉細者。均忌。

【用量】 槐花白二錢至五錢。實同。

【炮製】 雷公曰：凡使槐花。須未開時採取。亦名槐米。陳久炒用。凡使槐實。去單子及五子者。

打碎牛乳浸一宿蒸過用止血炒炭用。

【配合】 槐花同柏葉微炒爲末烏梅湯服治腸血痔血。淘淨炒香爲末腸風荊芥湯服。鹽毒蘸豬臟日日服之。微炒同核桃肉無灰酒熱服療疔瘡腫毒一切癰疽喉痛。槐實入冬月牛膽中陰乾百日每日吞一粒明目通神有痔及下血者尤宜。同黃連等分爲末蜜丸梧子大治目熱昏暗。

犀角

【品狀】 獸類體大亞於象形如牛頭長頸短目小耳略大皮膚殆無毛處處有皺襞以便運動自由質厚而韌彈丸不易射入色微黑稍帶紫淡每股有三蹄鼻上出一角若生二角一前一後係角質纖維所成與頭骨全無關係棲於湖沼陰濕之地其出也必數頭爲羣終日好睡夜則活潑好水浴或滾盪其體於泥水中以除去皮面所寄生之蟲有時步行以角觸地撥泥四散以爲戲每孕約十八月只產一子其角之色不一入藥以黑色角尖爲勝其精氣盡在是也鎊成以熱手掌摸之香者爲真臭者卽假產我國之廣東及四川等處。

【成分】 含有碳酸石灰磷酸石灰膠質等。

【性味】 味鹹苦性寒無毒味厚於氣可升可降陽中陰也升麻松脂爲使惡烏頭忌鹽

【歸經】 入心肝二經兼入胃經爲徹上徹下散邪清熱涼血解毒之品

【功效】 鹹苦大寒專入心家治血熱輕靈解毒善清胃腑退癩疹治火鬱之吐紅救痘瘡之黑陷

【研究】 犀角犀爲水獸角者精靈之所聚專解一切水毒亦能鎮邪辟魅味鹹性寒入心胃血分凡心胃血分有火邪焚灼以致吐血衄血陽毒發癩狂亂熱極等證皆可用之且此藥寒而不遏有輕清透發之意故凡一切痘疹痧癩等疾因內熱不透發者最爲相宜 時珍曰犀角足陽明藥也胃爲水穀之海飲食藥物必先受之故犀角能解一切之毒五臟六腑皆稟氣於胃風邪熱毒必先干之故犀角能療諸血及驚狂癩痘之證也抱朴子云凡蠱毒之人遇有飲食以犀筋搗之有毒則生白沫無毒則否 徐靈胎曰牛屬土而犀則居水水無獸惟犀能伏其中則其得水土之精可知凡物之毒者投水土則毒自化犀得水土之精故化毒之功爲多而其角中虛有通靈之象故又能養心除邪也 石頑曰其治吐血衄血大小便血犀角地黃湯爲之專藥若久患氣虛又爲切禁以其能耗散血氣也痘瘡之血熱毒盛者尤爲必需然

在六七日瀉漿之時。又爲切禁。以其能化膿爲水也。而結痂後。餘毒癰腫。則又不忘。惟氣虛毒盛之痘。切不可犯。其性大寒。無大熱邪者。慎不可用。凡感山嵐瘴氣。射工溪毒。用生犀磨汁服之卽解。汪昂曰。涼心瀉肝。清胃中大熱。祛風利痰。治傷寒時疫。發黃發癰。吐血下血。蓄血譫語。痘瘡黑陷。消癰化膿。定驚明目。能消胎氣。沈金鰲曰。犀性走散。比諸角尤甚。故能清心鎮肝。入胃而化血。解熱消毒也。按犀角氣香屬陽。主走散。性涼屬陰。主湧泄。妙在陰陽並用。善清虛火上炎。致吐衄妄行。肺胃中蓄血凝滯。又取其味苦酸鹹。恰合心神之性。蓋心惡熱。以苦涼之心苦緩。以酸收之心欲軟。以鹹軟之。且清香透心。以此益心神。卽能鎮肝氣。一切心經肝膽之熱。必不可缺。若小兒驚癇疳熱。痘瘡血熱。尤爲要藥。

【實驗】 此藥醫治痘疹。在胃不起作用。至腸略有激腸蠕動之效。入血中。能使中樞神經興奮。心跳強盛。血壓增高。同時又能減少白血球。使體溫下降。

【禁忌】 能消胎氣。孕婦忌食。痘瘡氣虛。無大熱。寒陰證發躁。脈沉細足冷。渴而飲不多。且復吐出者。均忌。慢性消化不良。忌用。又熱病初起而惡寒者。神經衰弱者。血壓與體溫低者。胃腸虛弱者。均忌用。

【用量】 自三分至三錢。

【炮製】 取角烏黑光潤者良。或鎊片，或磨汁，均可。或以紙包納懷中，令熱，搗之立成粉。故謂翡翠屑金，人氣粉犀也。

【配合】 同鬼臼、麝香、龍齒、茯神、蘇合香、沉香、丹砂、雄黃，能辟鬼疰邪氣。同丹砂、琥珀、金箔、天竺黃、牛黃、鈎藤鈎、羚羊角、真珠、麝香，治大人小兒風熱驚癇。磨汁，同生地、紅花、麥冬、紫草、白芍、牛蒡子，治痘瘡血熱。初見點紅艷，壯熱口渴，煩躁狂語，多服可保無虞。同鬱金、童便、生地、麥冬、炙甘草、白芍、蘇子、剪草、丹參、白藥子，治吐血衄血。同生地、白芍、丹皮，治傷寒蓄血發黃，或熱盛吐血。同地榆、金銀花、升麻、丹砂、滑石，以金銀藤熬汁煎藥，治熱毒伏於心經，下痢鮮血者。皇漢醫方，合生地、紅花、麥冬、紫草、白芍、牛蒡，治痘疹。

牛黃（附）黃明膠 牛血 牛鬐 牛尿 牛糞

【品狀】 獸類上顎無門齒及犬齒，上下顎之臼齒皆強壯，胃分四房，一瘤胃，二蜂巢胃，三重瓣胃，四皺胃。食物入口，初經瘤胃，後上回於口而細嚼，謂反芻。更咽下入重瓣胃，經皺胃而達腸，受胎約二百八十日而分娩。耳聾，聽以鼻，瞳水豎而不橫。夫馬病則臥，牛病則立，馬起先

前足臥先發足。牛起後足臥。先前足。牛黃生病牛膽中。如鷄子黃。重疊可揭折。投水中則硬。凡牛有黃者。身上夜有光。眼如血色。時鳴吼恐懼人。又好照水。人以水盆承之。伺吐出墮入水中。取得陰乾百日。毋見日月光。石頑曰。試真假法。揩摩透甲。其體輕氣香。置舌上先苦後甘。清涼透心者爲真。喝迫而得者名生神黃。圓滑外有血絲。嫩黃層多者爲上。殺後取者。其形雖圓。下面必扁者次之。在角中者名角黃。心中剝得者名心黃。膽中得之名膽黃。則又次之。

【性味】 味苦甘。性微涼。無毒。人參爲之使。得牡丹、菖蒲利耳目。惡龍骨、龍膽草、地黃、常山、蜚蠊、畏牛膝、乾漆。

【歸經】 入心肝二經。爲化痰解毒清熱定驚之品。

【功效】 甘苦微涼。芳香無毒。清心肝之煩熱。達竅搜邪。假靈氣以生成。疏風解毒。驚癩痰迷。須取用。喉痺痘後最相宜。

【研究】 牛黃有廣黃西黃兩種。以所出處之地而命名。然考此物。大抵皆因牛病而成。黃每結於肝膽之間。因殺病牛而得之。膽中者亦多。無論諸獸。病黃者內皆有黃。人亦如是。故所治之病。一切風癩寒熱。安魂定驚。諸治皆屬肝膽之病。所謂卽以其人之道。還治其人之身。正

如人之淋石，復能治淋之意也。若必謂牛食仙草所生，恐亦未必。用者再審之。石頑曰牛黃，長於清心化熱，利痰涼驚，安神辟惡，故牛黃清心丸以之爲君。其風中心臟者，亦必用之。若中經中腑者，誤用引邪深入，如油入麵，莫之能出矣。黃明膠乃牛皮所煎成，味甘性平，無毒。主治諸吐血，下血，血淋，妊婦胎動下血，風濕走注疼痛，打撲傷損，湯火灼傷，一切癰疽腫毒，活血止痛，性味平補，亦宜於血虛有熱者。牛血性溫，能補脾胃諸虛，治便血血痢，一切病後羸瘦，咸宜食之。其燃乃肺系肉團，瓦上焙乾爲末，酒服治喉痹氣癢。古方多用之，或以製藥益佳。取引入肺經，以通氣結耳。牛齒燒灰治小兒癩。牛尿治水腫，但胃虛少食人勿用。牛糞燒灰敷小兒痘瘡潰爛。牛鬚草絞汁治反胃噎膈，取其沾涎之多也。

【實驗】牛黃有鎮靜神經之作用。凡大腦精神部有異常之病狀者，此藥不但有安神之效，亦能改正各種精神錯亂之狀。

【禁忌】牛黃凡中風之中腑中經者誤用之，反引風入骨，禁用。又小兒傷乳作瀉，脾胃虛寒者，忌之。脈搏不速者，舌不發仁者，虛弱性下痢者，體溫低者，均忌。黃明膠性粘膩，胃弱作嘔吐者，勿服。脾胃虛，食不消者，亦忌之。

【用量】 牛黃自五釐至三分，黃明膠自三錢至五錢。

【炮製】 牛黃研細用。

【配合】 牛黃同雄黃、犀角、鬱金、辰砂、川連、黃芩、山梔、珍珠、麝香、冰片研末蜜丸。名牛黃清心丸。治神氣不清、煩熱癲狂。同犀角、琥珀、天竺黃、鈎藤、鈎、茯神、真珠、金箔、麝香、丹砂。治小兒驚癇百病。入外科藥。內服藥。能解疔腫癰疽毒。并可入敷藥。止痛散毒如神。同犀角、生地、丹皮、麥冬、竹葉。治小兒五色丹毒。同鐘乳石、真珠、豬牙皂角、象牙末、白殭蠶、冰片、明礬、乳香、沒藥、蚌竹屑爲丸。土茯苓湯下。治結毒神效。同硃砂爲末。蜜浸臙脂取汁。調搽痘瘡黑陷。并可內服。黃明膠同乾冬瓜皮剉細。拌炒存性研末。治跌撲損傷。每服五錢。熱酒調服。仍飲酒二三盞。煖臥微汗痛止。

熊膽（附）諸膽汁功用

【品狀】 獸類棲息於深山窮谷。晝伏洞穴。夜出覓食。體肥滿。全身有毛。多黑色。惟喉下有白鈎如新月形。喙略尖。耳目較小。尾短。四肢各五趾。其銳利鈎爪。以攀樹掘土。行時全蹠踐地無聲。倘櫻之使怒。作人立。以鈎爪撲擊。取其膽囊。乾而入藥。以一粟許滴水中。一道若線。直掛水

底不散者真。錢乙曰：熊膽佳者通明，每以米粒許點水中，運轉如飛者良。餘膽亦轉，但緩耳。

【性味】 味苦性寒，無毒，惡防己、生地黃。

【歸經】 入心、胃、心胞三經，兼入膽、脾、大腸三經，爲除熱去邪殺蟲之品。

【功效】 性本苦寒，功歸肝膽，退熱邪而明目，耳疳鼻蝕並相宜，搽痔漏與諸蟲驚癩牙痛悉

主治。

【研究】 熊膽苦寒無毒，清心肝膽之熱，善治目，能殺蟲治痔，與夫耳疳鼻蝕等證，皆外用爲功，無非取苦寒涼潤之力耳。時珍曰：熊膽苦入心，寒勝熱，手少陰足厥陰陽明經藥，故能清心平肝，殺蟲退熱，明目去翳。士材曰：熊膽入膽，從其類也，清火定驚之功，較勝諸膽。石頑曰：熊膽性潔不染塵，故能清心平肝，爲時氣熱盛變爲黃疸之要藥。黃宮繡曰：熊膽涼心，所以能治疰忤熱邪，平肝所以能治目赤翳障、惡瘡、痔漏，且能入脾而治黃疸濕邪，入大腸而治久痢疳蟲濕熱，并治小兒風痰壅塞，發作驚癩，要皆除熱涼血而病自愈耳。熊肉補虛羸，熊掌禦風寒，又益氣力。

【實驗】 日本有醫學博士井上善次郎論膽汁之爲醫療用者言之：1. 服下膽汁，則促進脂肪

肪消化。2. 空腹時有多量水與膽汁一同服下，並不害胃。3. 膽汁能促糞便排洩，故不用瀉藥。只用膽汁，自能通便。4. 諸般黃疸症，對於由膽汁不流入腸內而發之症狀，服之有效。此可謂爲一種原因的臟器療法。（附）諸膽汁功用。豬膽治大便不通，以葦管灌入，糞汁立下。虎膽治小兒驚癇疳痢。狐膽取雄者之膽，臘月收入，治人卒死，溫水研灌入喉，卽活。移時者無及矣。獾膽苦寒，治眼翳黑花，飛蠅上下，視物不明，入眼藥中也。鼠膽點目，治青盲雀目，不見物，瀉耳治耳聾。卒聾者，不過三度。久年者，側臥入耳，盡一個，須臾汁從下耳出。初時益聾，十日則愈矣。青魚膽，苦寒瀉熱，治目疾，點眼消赤腫，障翳，含嚙吐喉痺痰涎。蝮蛇膽，味苦帶甘，氣寒，有小毒，涼血明目，療疳殺蟲，主治肝脾病。

【禁忌】 凡膽皆苦寒，能走肝膽二經，瀉有餘之熱，以類相從也。小兒疳積，多致目生翳障，以肝脾二臟邪熱壅滯，則二臟氣血日虛，閉塞日甚故也。用此瀉肝膽脾家之熱，則內邪清而外障去矣。如不因疳證，而目生翳障，及痘後蒙閉者，多因肝腎兩虛，宜滋陰養血清熱爲急。諸膽皆不得用。

【用量】 內服自二分至五分，外用不等。

【炮製】 陰乾研細用。

【配合】 同竹瀝化服。去心中涎。同使君子研末爲丸。治諸疔羸瘦。同冰片研末。點赤目翳障。並可塗痔瘡。

象牙（附）象皮 象膽

【品狀】 獸類陸生動物最大者。體長至丈餘。高稱之。鼻長八尺許。爲圓筒狀。屈伸自在。食物賴以送之於口。鼻端有突起如人指。能拾纖芥之物。感覺銳敏。傷之則死。眼細耳大。上顎有二門齒。伸出口外。卽象牙。爲用頗廣。下顎無門齒。四肢皆大。有五指。趾端有蹄。每羣約三十頭。一牝配多牡。三十年始生子。越九十年。平均育六子。壽約百歲至二百歲。產暹羅等處。

【性味】 象牙味甘性寒無毒。

【歸經】 入脾、胃、肝三經。爲清熱除濕。磨翳去管之品。

【功效】 象牙退管除星翳。性味甘寒辟魅邪。象皮鹹溫無毒。外治有功。長肌肉之神丹。合金瘡之要藥。

【研究】 象牙甘寒無毒。磨屑用之。皆取脫退之意。故內服治痔漏之管。外用點新久之翳。塗

諸刺之入肉，解諸獸毒，辟諸邪傷，以象爲諸獸中巨擘耳。象皮味甘鹹性溫，此物臃腫頗盛，人以刀斧刺之，其合甚速，故用之，炙研細末，合金瘡，長肌肉極效。外治有功，但真者絕少耳。象膽苦寒，微毒，去塵翳目膜，治疔，與熊膽同功。張璐曰：象牙甘寒，能解癰腫諸毒，磨水服之，造筋磨礪之末，生蜜調塗，治諸鐵雜物入肉，舊梳刮薄片，屑溫湯頻服，治竹木刺及諸魚骨鯁，卽時吐出，不吐再服，以吐出爲度，非刮下薄片，不能應手也。

【禁忌】 象膽苦寒之極，不利脾胃，凡疔證脾弱，目病血虛者，不宜多服。

【用量】 象牙內服，自一錢五分至三錢，象膽內服，自三分至五分，外用不等。

【炮製】 象牙研細用，象皮炙研細用，象膽陰乾研細用。

【配合】 象牙同明礬、黃蠟、牛角腮、鉛華、蜈蚣、蟬皮、豬懸蹄甲，治通腸漏，能去漏管。象皮燒灰，麻油調和，治下疳，又治金瘡不合。象膽同獾肝、蘆薈、乾漆、胡黃連、青黛、鬼臼、丹砂，入滋腎藥內，治傳屍癩瘰。同黃牛膽各半兩，熊膽、麝香各一分，鯉魚膽七枚，石決明一兩，爲末糊丸。菘豆大，每茶下十九，日二服，治內障目翳。

牡鼠糞

【品狀】 獸類。此係雄鼠之糞。驗其直而兩頭尖者爲是。蛇糞形式相同。切勿混入。否則害人。

【性味】 味甘苦鹹。性寒。無毒。

【歸經】 入肝腎二經。爲導濁行滯去熱。分理陰陽之品。

【功效】 甘寒導濁。陰陽易假以分消。鹹苦行瘀。鼠矢湯可療瘰疬。消乳癰而退翳。入少陰與厥陰。

【研究】 雄鼠矢。甘苦鹹寒。無毒。入肝腎二經。功專導濁行滯。凡以上所主之病。皆由肝腎瘀滯而成。消之導之。其病自已。故煮服治傷寒勞復。陰陽易腹痛。研末服。治乳癰。燒灰存性。敷折傷疔毒。犬咬。先洗去牙垢惡血。用鼠糞炒研。黑糖調塗。卽愈。

【禁忌】 肝腎無濁滯者勿用。

【用量】 白三錢至五錢。

【炮製】 揀淨。或生用。或炒用。或研用。

【配合】 同梔子。枳殼。葱白。治勞復發熱。同韭根。治男子陰易。煨存性。同輕粉研末。用麻油調敷。治小兒白禿。

田螺（附）蝸牛

【品狀】 蛤蚌類。生水田中。及湖濱岸側。形圓大。狀類蝸牛而尖長。青黃色。春夏採之。蝸牛外殼扁圓。無厖。平時全體縮入甲內。行則伸出負殼。頭有觸角四。其二較長。尖端有眼。頭側有小孔。內爲肺囊。以通呼吸。腹部之兩端。伸展而成足。分泌一種粘液。以便移動己體。乾則成薄膜。光澤如銀。雄雌同體。常集樹陰濕處。蝕害綠葉。爲物所驚。則首尾俱藏殼內。

【性味】 田螺。味甘性寒。蝸牛。味鹹性寒。

【歸經】 田螺。入肺、肝、胃、膀胱四經。爲清熱利水之品。蝸牛。入肺、胃、肝、腎四經。爲清火解毒之品。

【功效】 田螺。甘寒降熱能明目。利水通淋解酒醒。治腳氣之上攻。點痔瘡而止痛。蝸牛。鹹寒解熱能搽痔。涼潤清咽可治喉。敷瘰癧與疔瘡。點脫肛而通溺。

【研究】 田螺。甘寒無毒。生於水中。故功專清熱利水。性能引熱下行。治腳氣上沖。療目熱赤痛。解酒治痔。外敷內服。均有神效。皆取內用耳。石頑曰。田螺屬介類。外剛內柔。稟離火之象。雖居泥水而性寒。治火熱之毒最捷。生田中者。得土氣多而形大。生水者。得水氣多而形小。

其治水腫黃疸。目赤腫痛。痔腫脫肛。消渴解酒之功則一。但性冷利。人過食。令人腹痛泄瀉。急磨木香酒解之。蝸牛。鹹寒有小毒。入肺腎。有清熱潤下之功。故能治一切喉證。與夫實熱消渴。以及火邪小便不通者。皆可服之。至於搽痔瘡。點脫肛。取其鹹寒清潤。而性又善縮入也。敷瘰癧瘡癬等證。皆取寒清蟲動之意耳。陰晦之物。止可外治。不宜內服。石頑曰。蝸牛治諸腫毒痔漏。制蜈蚣蠍蟻諸毒。研爛塗之。取其解熱消毒之功耳。

【禁忌】 田螺蝸牛性寒。脾胃虛弱者。忌之。

【用量】 田螺普通充作食品。若充內服藥。取肉三四枚已足。外用不等。蝸牛內服數量與田螺同。外用不等。

【炮製】 二種均去殼。取肉用。

【配合】 田螺。用珍珠黃連。嵌入良久。取汁注目中。止熱壅目痛。生搗絞汁。和無灰酒飲。治黃疸小便不利。去鱗。入冰片少許。埋土中一伏時。化水療痔瘡。又搗爛和麝香貼臍上。引濕熱下行。治噤口痢。又治小便不通。蝸牛。去殼取肉。搗爛。和入冰片麝香少許。敷痔漏。消腫止痛。又取肉曬乾。燒存性研末。和入輕粉少許。用豬脊髓調和。敷治瘰癧。已潰未潰均效。

蚯蚓（附）蚯蚓泥 井底泥

【品狀】 蟲類。爲棲息濕地之橡皮狀及圓筒狀蟲類。頭尖。無耳目鼻。有多數環節。腹面有細小短刺。以助前進。而防後退。在地中行時。肛門向地面。食土壤。吸收滋養料。排洩細土於體外。白頸者良。

【性味】 味鹹性寒。有小毒。得土中陰水之氣而生。降也。陰中陽也。畏葱、鹽。

【歸經】 入脾、胃、腎三經。爲清熱利水之品。

【功效】 性下行。利水通經。皆取鹹寒退火熱。治囊腫。毒因火附。須求蚯蚓淨泥沙。井底泥。療陽狂熱病。塗湯火瘡瘍。外治所需。甘寒無毒。

【研究】 蚯蚓一名地龍。此物蟄於土。且所食者亦土。善竄穴下行。鹹寒有小毒。入脾腎之經。凡一切大熱狂亂。大腹水腫。小便不通等證。皆可用此下導。又治濕熱脚氣。上攻內用。外用各方皆有神效。蚯蚓泥。卽蚯蚓之矢。因其所食者泥土。故其矢亦泥。能解毒除熱。性味功用。與蚯蚓相同。但止作外治敷搽之藥耳。弘景曰。乾蚓熬作屑。去虻蟲甚有效。宗奭曰。腎臟風下注病。不可缺也。蘇頌曰。脚氣藥。必須用之。爲使。然亦有毒。不可過劑。大抵攻病用毒藥。中

病卽當止也。時珍曰：蚯蚓大寒，故能大解諸熱疾，下行，故能行濕病而利小便，治足疾而通經絡。石頑曰：蚯蚓在物應土德，在星爲軫水，體雖卑伏，而性喜穴竄，專殺蛇蠱三蟲，伏尸諸毒，解濕熱，療黃疸，利小便，通經絡，故活絡丸以之爲君。地龍湯治痘瘡，脾腎虛熱，嬌紅五六日，漸變乾紫，伏陷者，同葶藶搗和酒釀服之卽起。若乾紫色黯皮堅，爲肝脾血熱，卽宜犀角、紫草、黃連清解，非地龍所宜。溫病大熱狂妄，天行大熱，和人尿搗絞汁服之，熱毒從小便而去也。小便暴秘不通，亦宜用之。入葱化爲水，療暴聾。黃宮繡曰：蚯蚓伏處窪濕，鑽土飲泉，是其本性，故能除鬼疰，解伏熱，且味鹹主下，處濕而以入濕爲功。凡濕熱之病，濕熱之物，遇之卽化，停癥蓄水，觸着卽消，而使盡從小便出。仲醇曰：蚯蚓泥治久熱痢者，以久痢乃濕熱甚於腸胃，得甘寒之氣，則濕熱自除也。張璐曰：蚯蚓泥稟陰濕之性，有除熱解毒之功，治小兒陰囊熱腫，取寒能解毒也。熱病譫語狂亂，無燥結可攻者，蚯蚓泥涼水調服。井底泥稟至陰之性，以治諸陽熱之病，止有外治之法，而無內服之方。

【實驗】

蚯蚓一、鎮靜運動神經。二、能消神經炎，有解毒殺毒之作用。三、能治羅麻質斯。

【禁忌】

蚯蚓性大寒，能除有餘邪熱，故傷寒非陽明實熱狂躁者忌。溫病無壯熱及脾胃素

弱者忌。黃疸緣大勞。腹脹屬脾腎虛。尸疰因陰虛成勞瘵者。均忌。復有小毒。中其毒者。以鹽水解之。腹瀉者。遺精者。均忌。

【用量】 自一錢五分至三錢。

【炮製】 吳瑞曰。入藥。有炙爲末。有陰乾研末。有化水。有生搗。各隨方法。

【配合】 同川芎、草烏、腥星、乳香、沒藥爲丸。名活絡丹。治經絡中有濕痰死血。用蚯蚓洗淨者半磅。橄欖油三磅。入玻璃瓶中。置煖處。浸二十一日。絞取之。用以外敷。能緩弛軀節拘強。神經急。癩風痛。打撲傷。神經創。火傷。甚效。蚯蚓泥。以甘草汁輕粉末。調塗小兒陰囊虛熱腫痛。以柏葉汁。調塗時行腮腫。取非地上蚯蚓屎。米汁水和。煨過。入百草霜等分。研末。香油調塗。燕窩生瘡。

石蟹（附）石燕

【品狀】 石類。石蟹生南海之濱。由蟹類經水沫相着化成。堅如石。又廣東崖州榆林港內半里許。土極細膩。而性極寒。蟹入其中。卽不能動。久之成石。石燕產湖南湘江之濱。圓大者爲雄。長小者爲雌。堅重如石。

【性味】 石蟹味鹹性寒。石燕味甘性涼。

【歸經】 石蟹入肝、胃、腎三經。爲解熱磨翳之品。石燕入肝、腎、小腸三經。爲清利濕熱。磨翳催生之品。

【功效】 石蟹味鹹性寒善解熱。點磨翳障並催生。石燕味甘涼無毒。力可催生。治濕熱諸淋。功堪磨翳。

【研究】 石蟹鹹寒質重之性。故主治青盲目翳。天行熱疾。解一切金石藥毒。石燕不過甘涼清利之功。故主利竅。行濕熱。治諸般淋漓。月水澁濁。赤白帶下。腸風痔漏。色白質重屬金。金能平木。故亦能退翳耳。石頑曰。石蟹能磨翳積。故青盲目淫。膚翳丁翳漆瘡。皆水磨點塗。催生下胎。療熱極血暈。熱水磨服。石燕能療眼目障翳。磨水不時點之。熱淋煮汁飲之。婦人難產。兩手各執一枚卽下。然不若磨汁飲之。似爲近理。

【禁忌】 體虛無熱者。皆禁用。

【用量】 煎服。自三錢至五錢。外用不等。兩種同。

【炮製】 或磨汁。或研末水飛。兩種同。

【配合】石蟹同醋磨敷癰腫毒。石燕煅赤研末水飛同石韋滑石瞿麥研末爲丸治石淋砂淋。

食鹽（附）青鹽

【品狀】鹵石類天然凝結者曰岩鹽屬等軸晶系爲六面體純粹者無色透明易溶於水投之火中散裂使火焰黃色此礦在地中成大層溶於水中流出常從海水井水製成食鹽綱目云青鹽一名戎鹽凝結而成不經煎煉而生於涯淡坂墳之陰。

【成分】爲氯化鈉 NaCl 此外尙含加里、苦土、石灰等之鹽化物及夾雜硫酸鹽類。

【性味】食鹽味鹹性寒無毒稟水氣以生降也陰也漏蘆爲之使青鹽味鹹微甘性寒無毒稟水中至陰之氣凝結而成。

【歸經】食鹽入腎經兼入心肺胃三經爲除熱潤下之品青鹽入腎經兼入心經爲除血熱益水臟之品。

【功效】食鹽走血具鹹寒之性熱可退而結可通入腎有潤下之功食可吐而蠱可化除風堅齒明目強陰青鹽與食鹽性同而不經煎煉利水強陰味帶甘而並可輕堅退陽明目功歸

血分治達腎家

【研究】食鹽爲食用之需。不過藥中用爲製炒引導。如胸中一時痰食閉結。用此作吐。亦止可暫照。至若殺蟲治療之功。均資外治。以鹹走血。多食之。則敗血傷肺。助水損人。青鹽性味同食鹽。略帶甘味。能益腎而不助水邪。一切主治之功。較食鹽爲勝。時珍曰。補腎藥用鹽湯者。鹹歸腎。引藥氣入本臟也。補心藥用炒鹽者。心苦虛。以鹽補之也。補脾藥用炒鹽者。虛則補其母。脾乃心之子也。治積滯結核用之者。鹽能軟堅也。諸癰疽眼目及血病用之者。鹹走血也。諸風熱病用之者。寒勝熱也。大小便病用之者。鹹能潤下也。骨病齒痛用之者。腎主骨。鹽入腎也。吐藥用之者。鹹引水聚也。能收豆腐。與此義同。諸蟲及蟲傷用之者。取其解毒也。故鹽爲百病之主。但喘嗽水腫消渴者。鹽爲大忌。或引痰吐。或結血脈。或助水邪故也。寇氏曰。戎鹽之功。專在平血熱入腎。治口中瘞赤昏澀。溺血者。小腸熱也。心小腸表裏。心火降則小腸之熱亦除。

【實驗】此品醫治胃酸缺乏之消化不良。習慣性便秘。創傷。內服少量。能催進胃液之分泌。而助消化之不足。入腸後。能激腸之蠕動。又能令其粘膜之分泌增加。以迫大便之排出。且同時又能促進蛋白質之吸收。由腸胃游離而入腎臟。能激腎臟之粘膜。使利尿之功用增加。外

用微有凝固血液之能。

【禁忌】 鹹走血。血病無多食鹹。多食則脈凝滯而變色。凡血病及喘嗽水腫消渴。法所大忌。以其或傷肺引痰。或澀血脈。或助水邪。或走精液故也。石頑曰。好食鹹者。人多黑色。耗血之驗也。腎臟炎。胃液溢。均忌。

【用量】 內服自四分至一錢。外用不等。兩種同。

【炮製】 或生用。或炒用。或研用。各隨方法。

【配合】 食鹽獨用一大匙。熬令黃。入童子小便一升。合和溫服。治霍亂上不得吐。下不得瀉。氣絕欲死者。少頃吐下即愈。青鹽白礬各四兩。爲末。豬尿脬一箇盛之。陰乾。每服五錢。空心溫水下。治痔瘡漏瘡。臯漢醫方。合蘇木。米仁。麥角。陳皮。治胃酸缺乏之消化不良。同玄明粉。澤瀉。甘草。治習慣性便秘。佐滑石。治創傷。

人中黃（附）金汁

【品狀】 糞汁中所製之甘草。用大竹截斷。兩頭留節。削去外皮。傍鑽一孔。以甘草細末入滿於中。芭蕉扁柄削圓塞孔。於冬至浸大糞壙中。立春後取出。懸風處陰乾。用金汁。用人糞瀝清。

汁裝入罇內封好埋於人行處地下。年久取出。清若泉水。全無穢氣。愈久愈佳。賣花者用以接樹。甚妙。

【性味】 人中黃味甘鹹。性寒。無毒。金汁味苦。性寒。無毒。

【歸經】 人中黃入胃經。爲大解熱毒之品。通行五臟。金汁入心經。爲瀉火解毒之品。

【功效】 人中黃甘寒入胃。解火毒之陽狂。金汁苦寒。專清熱毒。

【研究】 人中黃甘寒。清熱解毒。治天行熱狂。中毒惡瘡等疾。無論一切內外諸證。及誤食諸物。凡有熱毒者。皆可用之。金汁鹹苦甘寒。無毒。除一切熱。降一切火。解一切毒。無論誤食各種毒物。皆可用此解之。張璐曰。人中黃取糞土之精。以解天行狂熱。溫毒發癩。最捷。然汁則性速而能下泄。甘草製者。則性緩而能解毒。兼治河豚菌毒。一切惡瘡。災病。用人中黃酒大黃末等分。無灰酒服。須臾瀉利。毒卽隨出。雖大渴不可飲水。飲水則毒邪不散而難救也。金汁得土氣最久。大解熱毒。故溫熱時行。昏熱勢劇者。用以灌之。下咽其勢立減。初生小兒。遇時內毒邪不散。服一二合。勝化毒丹。胎毒盡解。無痘疹患。此屢驗者。但胎稟虛寒。體瘦色白者。不可誤用。誤用反奪天真。多致天枉。不可不審。

【禁忌】 人中黃傷寒瘟疫非陽明實熱痘瘡非大熱鬱滯因而紫黑乾陷倒靨者均忌。金汁同。

【用量】 人中黃自一錢五分至三錢。金汁自一兩至三兩。

【炮製】 人中黃生用。金汁冷用。或燉熱用。

【配合】 人中黃研末。同茜根汁、竹瀝、薑汁和服。治嘔血吐痰。

人中白（附）人溺 秋石 秋霜 秋露 雪

【品狀】 人中白。經用數年之尿壺。取其中自然沉墜固着之灰白色薄片也。以蒙館童子便桶。及山中老僧溺器。刮下者尤佳。人溺。乃飲入於胃。游溢精氣。上輸於脾。脾氣散精。上歸於肺。通調水道。下輸膀胱。從尿道而出也。秋石。人尿合石膏所製成。每童便一缸。入石膏末七錢。桑條攪澄。傾去清液。如此三次。乃入秋露水攪澄。又如此數次。滌淨渣穢。減除鹹味。以重紙鋪灰上曬乾。刮去在下重濁。取其輕清在上者。便爲秋石。男用女童便。女用男童便。若不取秋時。雜收人溺。以皂莢水澄晒。爲陰煉。火煨爲陽煉。盡失於道。安能應病。

【性味】 人中白。味鹹性寒。無毒。乃人溺之積氣結成。降也。陰也。人溺。味鹹性寒。無毒。秋石。味

鹹性平。無毒。亦精氣之餘。降也。陰也。

【歸經】 人中白入肝、腎、三焦、膀胱四經。爲除熱降火之品。人溺入肺、胃、肝、腎、膀胱五經。爲降火祛瘀之品。秋石入肺、腎二經。爲滋陰降火之品。

【功效】 人中白行瘀。味鹹涼而降熱。童便類屬鹹寒。導瘀熱以下行。吐紅可愈。退骨蒸而治嗽。勞瘵堪醫。秋石之功。即可滋陰除伏熱。鹹寒之質。亦能治欬理虛勞。

【研究】 人中白。味鹹性寒。消瘀降火。仍從故道而泄。功同童便。凡喉齒口舌諸方。皆以此煨研吹入有效。亦取其降火消瘀之功耳。童便。鹹寒無毒。先入肺部引熱邪下行。從膀胱故道而出。凡一切肺熱欬嗽。骨蒸癆瘵等證。皆可用之。以此物得人之氣化。故清降之中。而又有助元之力也。因其味鹹。故能走血。凡一切吐血衄血。及撲損跌打。瘀血在內。或產後血悶等證。皆有奇效。總之。童便之治諸證。皆陰虛有火者爲宜。卽血證而屬陽虛者。亦當禁用耳。秋石味皆鹹。其性或寒或熱。隨其製法而異。所云能滋陰退熱。治虛勞欬等證。此物究係溺濁煉成。與人中黃相仿。止可用以潤下導濁。統治一切淋病。頗有效驗。而必欲仗此補陰益元。殊未可信也。褚澄曰。人喉有竅。則欬血殺人。喉不停物。毫髮必欬。血既滲入。愈滲則愈欬。愈欬則愈滲。

人溺降火甚速。降血甚神。欲溲溺百無一死。服寒涼藥百無一生。言其功力之優也。其爲肺腎有火者必須之物。石頑曰。人溺療寒熱頭痛。取其鹹寒降泄也。有客邪。沖熱。葱頭湯服之。汗出卽止。而童子小便性純。一切熱勞吐血。陰虛火動。骨蒸勞瘵。用以降火最速。產後血暈。溫飲一杯。壓下敗血惡血卽蘇。蓋溲溺滋陰降火。消瘀血。止吐衄諸血。每用盞許。入薑汁一二匙。徐徐服之。久自有效。然須乘熱服之。以接生陽之氣。冷則生氣散矣。若多服久服。亦能損胃滑腸。故食少便溏者禁用。秋石以秋命名。專取秋氣下降之意。他時製者。功力則殊。其陰煉淡者。性最下滲。苟非陰分熱極。難以輕投。陰虛多火。小便頻數。精氣不固者。誤服。令人小便不禁。甚則令人夢泄。其鹹者可代鹽。醃物食之。腫脹忌鹽。用以拌飲食。頗佳。喘欬煩渴。不得寐者。半錢匙。沖開水服之。卽得安寐。覺時滿口生津。亦不作渴。補陰之功可知。陰煉秋石。治夏暑熱淋。小便不通。及濁淋。沙石淋。肉淋。老人絕慾太早。小便淋瀝。瀉痛。一服卽效。秋霜得秋金肅殺之氣。故能入肺。以行其清肅之令。凡皮毛瘡癩。肌熱而赤等證。屬肺火者。皆可用之。秋露質清。止瘡除煩。雪得天地陰凝之氣。較霜爲盛。其色白。其質輕。故亦能入肺。其大寒之性。可清臟腑一切毒火。丹石諸瘡。然須臘雪爲佳。按童便與陰同類。善通血脈。能降火委曲下行。滋

陰抑陽。清潤三焦。傷寒湯中用人尿。引薑附入少陰。而無格拒之患。經曰。必同其氣。可使平也。
【禁忌】 凡虛寒及溇洩。或陽虛無火。食不消者。中白童便均忌。秋石若煎煉失道。多服誤服。反生燥渴之疾。

【用量】 中白內服五分至一錢五分。外用不等。童便一杯至一碗。秋石五分至一錢。

【炮製】 中白內服生用。外科煨用。童便取十二歲以前無病童子。不食葷腥。去頭尾。取中間一段。清洩如水者用。當熱飲。熱則真氣尙存。其行自速。冷則惟有鹹寒之性。秋石用塊煎服。或研細沖服。

【配合】 中白煨。同冰片。硼砂研末。吹喉痛。同冰片。青黛。黃柏研末。吹舌瘡。人溺同豬膽汁。加入薑附藥中。治厥逆脈絕。人溺同枇杷葉。天冬。麥冬。蘇子。桑皮。沙參。五味子。生地。款冬。百部。治陰虛欬嗽聲啞。喉間血腥氣。同蘇木。降香。續斷。牛膝。丹皮。蒲黃。治內傷吐血。或瘀血停留作痛。同澤蘭。荊芥。白芷。續斷。延胡。牛膝。蘇木。黑豆。治產後血暈。虛者加人參。秋石丸三方。先用韭汁炒黑。大黃末。與秋石等分。煮紅棗肉爲丸。空心服三錢。清熱散瘀。次用貝母。秋石末各等分。生甘草末減半。仍用紅棗爲丸服之。以止嗽消痰。後用人參。秋石等分。炙甘草末。

減半。亦棗肉丸以補氣安神。製劑之多少。隨瘵熱元氣而施。不可限以分量。凡勞瘵陰火亢極。而不受參者補益者宜之。

本草用法研究

第十二編 調氣之劑

經曰：諸氣臆鬱，皆屬於肺。又曰：怒則氣上，喜則氣緩，悲則氣消，恐則氣下，寒則氣收，熱則氣泄。驚則氣亂，勞則氣耗，思則氣結，九氣不同，百病多生於氣也。夫人身之所恃以生者，此氣耳。源出中焦，總統於肺，外護於表，內行於裏，周流一身，頃刻無間，出入升降，晝夜有常，曷嘗病於人哉。及至七情交攻，五志並發，乖戾失常，清者化而爲濁，行者阻而不通，表失衛護而不和，裏失營運而弗順，氣本屬陽，及勝則爲火矣。河間所謂五志過極，皆爲火。丹溪所謂氣有餘，便是火也。人身有宗氣、營氣、衛氣、中氣、元氣、胃氣、沖和之氣、上升之氣、而宗氣尤爲主。及其爲病，則爲冷氣、滯氣、上氣、逆氣、虛氣，諸變證矣。無病之時，宜保之養之，和之順之；病作之時，當審其何經，何證，寒熱虛實，而補瀉之。

木香（附）川木香

【品狀】蔓生植物，莖甚長，常攀附他木，葉爲羽狀複葉，小葉之數凡五，有細鋸齒，春暮開花。

小而色白，甘香可愛。花大而黃者，則香微遜。根有分岐，其形如角，長五六寸，外面色灰黃，有極細之縱皺。內部色灰白，有一種香氣，味苦，咀嚼之，則粘附齒牙者佳。產廣東者勝，四川者劣。

【成分】 主要素爲 Inulin $C_6H_{10}O_5 \cdot nH_2O$ 、Helenin 辛膠、揮發油、蠟質。

【性味】 味苦辛，性溫，無毒。稟夏秋之陽氣，兼得土之陽精，以生氣味俱厚，降也。陰中陽也。

【歸經】 入三焦、肝、脾三經，爲行氣之品。三焦氣分藥，升降諸氣，洩肺氣，和脾胃氣，疎肝氣。

【功效】 燥脾土，以疏肝，香利三焦，破氣滯，味苦辛而散逆，溫宣諸痛，解寒凝，理氣則生用，摩沖，止瀉則麵煨取用。

【研究】 木香苦辛而溫，芳香而燥，入肝脾氣分，宣散上下一切寒凝氣滯，溫中止痛，辟鬼降邪，然純陽之性，陰虛液涸者，切勿沾唇，煨熟可止瀉痢，因木香氣味俱厚，且熟則無走散之性，惟覺香燥而守，故能實大腸，凡治泄瀉恆用之，肝喜調達，脾喜溫燥，木香固爲兩臟之所喜，而燥散太過，宜與補藥同用乃佳。寇氏曰：此專泄決胸腹間滯塞冷氣，他則次之，得橘皮、薤仁、生薑相佐，效尤速。元素曰：木香除肺中滯氣，若治中下二焦氣結滯，及不轉運，須檳榔爲使。丹溪曰：調氣用木香，其味辛，氣能上升，氣鬱不達者宜之，若陰火沖上者，此則味辛而氣上。

升反助火邪。宜用知柏。少以木香佐之。時珍曰。木香乃三焦氣分之藥。能升降諸氣。臍鬱皆屬於肺。故上焦氣滯用之者。乃金鬱則泄之也。中氣不運。皆屬於脾。故中焦氣滯者宜之。脾胃喜芳香也。大腸氣滯則後重。膀胱氣不化則癃淋。肝氣鬱則爲痛。故下焦氣滯者宜之。乃寒者通之也。徐靈胎曰。木香以氣勝。故其功皆在乎氣。內經云。心主臭。凡氣烈之藥。皆入心。木香香而不散。則氣能下達。故又能通其氣於小腸也。按木香。治痞悶噯氣。水腫腹脹。痢疾脚氣。皆散滯調氣之功。但辛香屬陽。陽則升浮。如中焦下焦結滯。須佐檳榔墜之。下行。因性香燥。同黃芩黃連治痢疾。同黃柏防己治脚氣。皆藉寒藥而制其燥。則用斯神矣。若怒氣拂下攻衝。遍身作痛。以此使肺氣調。則肝氣自伏。若肝氣鬱。致脇肋小腹間痛。同青皮疏之。令肝氣行。則血順痛止。川木香形式與廣產者相似。但氣不香。味不厚。入藥無力耳。

【實驗】 此藥醫治腸胃氣。胃空痛。腸絞痛。能增加胃酸之不足。促進消化之功能。并對於胃神經。微有麻醉作用。又此藥尋常用以止腹痛。利腸胃積氣。並能止腹瀉。可作爲霍亂之副藥。**【禁忌】** 肺虛有熱。元氣虛脫。及陰虛內熱。諸病有熱。心痛屬火。均忌。又黃疸。貧血症。腦膜炎。禁用。有高熱者。有內熱者。舌紅者。均忌。

【用量】 自五分至一錢五分。

【炮製】 取根切片，凡入理氣藥，只生用不見火。若實大腸，宜麵裹煨熟用。

【配合】 同延胡索，治一切血氣刺痛。同牽牛、雷丸、檳榔，殺一切蟲。佐黃連、芍藥，治一切滯下。惟身熱作嘔，逆口渴者，勿用。同橘皮、砂仁、白豆蔻、紫蘇，調一切氣不通順。及冷氣攻痛作泄，大怒後，氣逆胸膈脹滿，兩脇作痛。皇漢醫方，同延胡、茯神、甘草，治胃空痛。合陳皮、砂仁、白蔻、蘇子，治腸胃氣和蒼朮、川朴、青皮、益智仁、半夏，治腸絞痛。

芎藭（附）撫芎

【品狀】 芳草類，多生於山地，莖高二尺，葉似芹，而分裂更細。秋日莖上開複繖形花蕊，花五瓣，白色，雄蕊有黃色，全體有香氣。根堅瘦，黃黑色。十月採之。蜀中產者名川芎，大塊，裏色白，不油，嚼之微辛甘者佳。產江西撫州者，名撫芎，中心有孔者是。

【成分】 含有揮發油及蔗糖等。

【性味】 味辛甘微苦，性溫。稟天之溫氣，地之辛味，以生氣厚，味薄，浮而升，陽也。白芷爲之使。畏黃連，伏雌黃，反藜蘆。

【歸經】 入肝經。兼入心包膽二經。爲補血潤燥行氣搜風之品。少陽引經藥。功專和血通肝。
【功效】 辛甘微苦。力能解鬱調經。潤澤且香。功可和營理氣。愈頭風之偏正。性喜上升。補肝燥之虛衰。善通奇脈。溫宣之性。能疏血分風寒。走竅無方。防劫陰中元氣。

【研究】 川芎。辛苦甘溫。芳香潤澤。血中氣藥也。然走散上升之性。惟血分有鬱滯者最宜。至若陰虛血少。宜靜不宜動者。不可用之。宗奭曰。頭面風不可缺。然須以他藥佐之。元素曰。川芎上行頭目。下行血海。能散肝經之風。治少陽厥陰經頭痛。及血虛頭痛之聖藥也。其用有四。爲少陽引經一也。諸經頭痛二也。助清陽之氣三也。去濕氣在頭四也。丹溪曰。鬱在中焦。須撫芎開提其氣以升之。氣升則鬱自降。故撫芎總解諸鬱。直達三焦。爲通陰陽氣血之使。時珍曰。芎藭血中氣藥也。肝苦急。以辛補之。故血虛者宜。辛以散之。故氣鬱者宜。予治濕瀉。每加麥麩芎藭二味。其應如響。血痢已通而痛不止。乃陰虧氣鬱也。加川芎爲佐。氣行血調。其痛立止。此皆醫法妙旨。張璐曰。撫芎升散。專於開鬱寬胸。通行經絡。鬱在中焦。則胸膈痞滿。作痛。須撫芎開提其氣以升之。氣升則鬱自降。按芎藭氣香上升。能升清陽之氣。居上部功多。味辛性溫。能橫行利竅。使血氣流行。氣升主風寒頭痛。三焦風熱。頭面游風。暴赤眼痛。用之升

散。又辛能疏散。故治胸膈鬱滯。脇肋疼痛。腰脊拘急。腿足痠疼。寒痺筋攣。癥結癭瘰。溫能通能養。故流行血海。通周身血脈。宿血停滯。調婦人經水。治胎前產後之病。

【實驗】 此藥有發散性與興奮性。因外感而發生之頭痛。或第五對腦神經痛之頭痛。均用之。對於金瘡有解毒之作用。並能促進局部之血液循環。或能增加皮膚之免疫性。有通經之作用。凡虛弱性。以及體溫低者。可用之。若用八分川芎。與五分艾葉同煎。內服。可作驗胎之用。【禁忌】 凡氣升痰喘。虛火上炎。嘔吐欬逆。不宜用之。性辛散。耗真氣。若單服久服。走散膽中真元。令人暴亡。故凡心虛血少。驚悸怔忡。肺經氣弱。此辛溫香散之品。亦爲禁劑。血壓高者。汗多者。均忌。

【用量】 自一錢至三錢。

【炮製】 取根洗淨切片用。或生或炒。各隨方法。

【配合】 得細辛療瘡止痛。得牡蠣療頭風吐逆。同當歸、地黃、乾漆、延胡索、五靈脂、芍藥、牡蠣粉、京三稜。治血瘕。同白芷、茜根、黃耆、金銀花、生地。能排膿。消瘀血。同菊花、當歸、地黃、天冬、白芍、炙甘草。專主血虛頭痛。火盛者加童便。同當歸尾、桂心、牛膝。治子死腹中。同續斷、

熟地、杜仲、鹿角膠、山茱萸、人參、黃芪、五味、棗仁、治血崩久不止。

香附

【品狀】 芳草類。多年生草。產田野及海濱沙地。莖高尺許。葉細長而硬。夏開濃褐色花。其根有鬚。鬚下結子一二枚。轉相延生。子上有細黑毛。大者如羊棗而兩頭尖。二月八月中採取。燎去毛。曝乾應用。產金華光細者良。

【成分】 含有揮發油。

【性味】 味辛微甘苦。性溫。無毒。稟天地溫燥之氣。兼得土金之味。以生氣厚於味。降也。陽中之陰也。

【歸經】 入肝經。兼入肺三焦二經。爲調氣開鬱之品。肝家氣分藥。血中氣藥。通行十二經八脈。氣分。肝三焦氣分主藥。婦女仙藥。陰中快氣藥。引血藥。至氣分而生血。總治諸鬱。

【功效】 入肝脾而開鬱。爲血因氣滯之方。理胎產以調經。有氣順血行之理。其味辛甘帶苦。故生者有解表之功。其質香燥而溫。經製服得純和之妙。乃女科之聖藥。爲氣病之專司。

【研究】 香附一名莎草根。其草可爲蓑衣。香附卽其根下子也。芳香辛苦氣溫。入肝脾兩經。

兼入手太陰足太陽散一切氣解一切鬱芳香可以入血分故又能理血中之氣爲婦人之聖藥一切小腹膀胱冷痛疝瘕以及胸脇悶氣刺痛等病皆可用之同參朮則補氣同歸地則補血得薑艾能溫氣血之寒得梔連能清氣血之熱或隨其佐使而用酒醋鹽水童便以製之然畢竟香燥之品陰虛氣不滯者忌之東垣曰治一切氣霍亂吐嘔腹痛腎氣膀胱冷氣時珍曰散時氣寒疫利三焦解六鬱消飲食積聚痰飲痞滿跗腫腹脹腳氣吐血下血尿血女人崩帶月候不調胎前產後百病癰疽瘡瘍李中梓曰此乃治標之劑惟氣實血未大虛者宜之若氣虛甚者用之愈損其氣燥其血矣故血虛崩漏者不可用世俗泥於女科仙藥一語惜未有發明及此者萬全曰凡人病則氣滯而餒故香附於氣分爲君藥臣以參芩佐以甘草治虛怯甚速也世人所罕知石頑曰香附之氣平而不寒香而能竄其味多辛能散微苦能降微甘能和乃足厥陰肝手少陽三焦氣分主藥兼入衝脈開鬱氣消痰食散風寒行血氣止諸痛月候不調胎產崩漏多怒多憂者之要藥治兩脇氣妨心忪少氣是血中之氣藥也蓋血不自行隨氣而行氣逆而鬱則血亦凝滯氣順則血亦隨之而和暢矣乃氣病之總司女科之主帥也

【禁忌】 雖能止嘔治吐逆。若胃熱作嘔。中焦火盛。及溫病熱病。陽明胃家邪實。作嘔作脹。法並禁用。

【用量】 白一錢五分至三錢。

【炮製】 本藥生用。上行胸膈。外達皮膚。熟用。下走肝腎。外徹腰足。炒黑止血。童便浸炒。入血分而補虛。鹽水浸炒。入血分而潤燥。青鹽炒補腎氣。酒浸炒行經絡。醋浸炒消積聚。並能佐入肝經。以理兩脇。及小腹痛。薑汁炒化痰飲。

【配合】 得歸地補血。得參朮補氣。得木香疏滯和中。得檀香理氣醒脾。得沉香升降諸氣。得川芎、蒼朮、總解諸鬱。得黃連、梔子、降火熱。得茯神交心腎。得茴香、故紙、引氣歸元。得厚朴、半夏、決壅消脹。得葱白、紫蘇、解散邪氣。得三稜、蓬朮、消磨積塊。得艾葉治血氣煖子宮。同砂仁、甘草。能臨產順胎。九月十月服此。永無驚恐。獨用爲末。童便調下二錢。治氣鬱吐血。同川芎。治氣鬱頭痛。同赤芍爲末。加鹽一捻煎服。治赤白帶下。

鬱金

【品狀】 芳草類。薑黃之變種。產於中國及東印度之煖地。性畏寒。多年生草。高三尺。春生苗。

葉長橢圓形，二尺餘，有長葉柄。夏秋自葉叢中抽出花穗，簇花叢似薑黃，惟頂上苞尖紅暈較微，其棍大小如指頭，長者寸許，體圓尾銳，有橫紋如蟬腹狀。外黃內赤，折開嗅之，氣微香不烈者佳。廣產者色黃，川產者色紫。冬月採取。

【成分】 爲黃色素，Curcumin $C_{21}H_{33}O_6$ 。除爲揮發油、固體油、辣樹脂、澱粉、黏液質。

【性味】 味辛苦，性微寒，無毒。稟天地清涼之氣，兼得土中金火之味，以生氣味俱薄，降也陰也。入酒亦能升。

【歸經】 入心肝二經，兼入肺胃二經，爲行氣解鬱涼血破瘀之品。

【功效】 解鬱寬胸，心肺可通，肝可及，辛開苦降，血瘀能逐，氣能宣，因其質屬芳香，豁痰涎於心竅，卻謂性偏寒燥，癩癩痲於肝家。廣產者色黃，善行氣而有功肺部，川省者色紫，能破血而兼達營中。

【研究】 鬱金辛苦而寒，善宣善達，入上焦心肺二經，功專破血行氣，氣行血開，則鬱自解，痰自降，其所以祛心竅痰涎惡血者，皆無非辛散苦降之功。川產者色紫質堅，稍有區別耳。鬱金之功，皆取其苦辛香燥，逐瘀行氣力量，若病因虛而致者，不可用也。仲醇曰：鬱金本入血分。

之氣藥。其治諸血證者。正謂血之上行。皆屬內熱火炎。此藥能降氣。氣降卽火降。而其性又入血分。故能降下火氣。使血不妄行也。石頑曰。鬱金辛香不烈。先升後降。入心及心胞絡。治吐血。衄血。唾血。血腥。破惡血。血淋。尿血。婦人經脈逆行。產後敗血衝心。及宿血心痛。並宜鬱金末。加薑汁童便同服。其血自清。痰中帶血者。加竹瀝。又鼻血上行者。加入四物湯。一婦患失心風癩十年。用鬱金四兩。佐明礬一兩爲丸。硃砂爲衣。纔服五十丸。心間如有物脫去。再服而蘇。以鬱金入心去惡血。明礬化頑痰。硃砂安神故也。又能化癥瘕爲水。嶺南蠱毒爲害。初覺胸腹痛。卽用升麻或膽礬吐之。若腦下急痛。以米湯調鬱金末三錢服之。卽瀉出惡物。或合升麻鬱金服之。不吐則下。以上諸治。皆在破宿生新之功耳。汪昂曰。其性輕揚。上行入心及胞絡。兼入肺金。涼心熱。散肝鬱。破血下氣。治血氣諸痛。黃宮繡曰。此藥入心散瘀。因瘀去而金鬱得泄。故名鬱金。吳世鑑曰。此爲開鬱滯。調逆氣。破積血之要藥。

【實驗】 此藥醫治月經不調。在胃時僅分解。至腸始被吸收。然半數仍由大便排出。由腸壁吸入血中。卽能增進血液氮化之功。同時又能令子宮粘膜之充血。

【禁忌】 凡病屬真陰虛極。陰分火炎。迫血妄行。溢出上竅。而非氣分拂逆。肝氣不平。以致傷

肝吐血者均忌。

【用量】 白一錢五分至三錢。

【炮製】 洗淨切片用。或搗碎用。或磨汁用。

【配合】 同韭菜汁、番降香、當歸、生地、童便。治怒氣傷肝吐血。又治鼻衄唾血。喉中血腥氣。及經脈逆行。有痰者加竹瀝。同白礬減半爲末。米粥糊丸。白湯下。治驚憂失心癲狂。名白金丸。皇漢醫方同歸身、知母、白芍、甘草。治月經不調。

紫菀

【品狀】 山野多年生草本。或栽庭園爲觀賞。莖直立。高七尺。葉大長橢圓形。有鋸齒。互生。葉面甚粗糙。秋末開頭狀花於莖枝上部。周圍舌狀。淡紫。中央筒狀黃色。根有細長鬚。色紫潤軟。三月採根陰乾用。產漢中等處。

【性味】 味苦辛。性微溫。無毒。感春夏氣化。兼得地中金性以生。可升可降。陽中陰也。款冬爲使。惡天雄、瞿麥、藁本、雷丸、遠志、畏茵陳。

【歸經】 入肺經。兼入胃經。爲清金泄火之品。紫入血分。辛不燥。潤不寒。補不滯。

【功效】性溫利肺。治風寒欲逆之邪。色赤和營。療痿躄吐紅之疾。皆爲苦能降氣。金肅則小便增長。因其辛可行瘀。結散則上焦無阻。

【研究】紫菀其根色紫而柔宛。故名爲肺家血分藥。但辛苦之性。疏邪降逆。是其所長。故一切風寒風熱咳嗽痰血等證。凡屬肺金之邪。鬱而不宣者。皆可用之。惟潤養之力爲不足耳。因紫菀根雖柔軟。然亦非潤藥。皆以辛散苦泄爲功。若內無鬱結。外無表邪。肺陰不足。虛火上刑者。仍不可用。張璐曰。紫菀肺經血分之藥。本經止咳逆上氣。胸中寒熱結氣。取性疏利肺經血氣也。去蠱毒痿躄者。以其辛苦微溫。能散結降氣。蠱毒自不能留。痿躄由肺熱葉焦。紫菀專通肺氣。使熱從溲便去耳。別錄療咳唾膿血。大明消痰止咳。皆滋肺經血氣之效。金匱澤漆湯用以治咳而脈沉者。咳屬肺。脈沉則血分之病也。亦治下痢腹痛。與紫參同功。其性辛而不燥。潤而不寒。補而不滯。善調五勞體虛。止嗽定喘。能開喉痺。取惡涎。療驚悸吐衄諸血。又能通調水道。故溺澇便血。單服一兩卽效。然大泄肺氣。陰虛肺熱乾咳。禁用。以其性專溫散。而無培養之力也。按紫菀味苦辛而帶甘。性平而體潤。恰合肺部血分。主治肺焦葉舉。久嗽痰中帶血。及肺痿。痰喘。消渴。使肺竅有通暢潤澤之功。因其色紫類肝。用入肝經。凡勞熱不足。肝之表病。

也。蓄熱結氣，肝之裏病也。吐血衄血，肝之逆上也。便血溺血，肝之妄下也。無不奏效。因其體潤，善能滋腎。蓋腎主二便。以此潤大便燥結，利小便短赤，開發陰陽，宣通壅滯，大有神功。同生地、麥冬、入心、寧神、養血。同丹皮、赤芍、入胃、清熱、涼血。其桑皮色白，爲肺中氣藥。紫菀色紫，爲肺中血藥。宜分別用之。

【實驗】 此藥有發散性與消毒性。能化痰平氣。急性氣管支炎而有寒熱者可用之。爲咳嗽要藥。與款冬花同用。對於胸口氣悶之咳嗽，其功效頗佳。

【禁忌】 肺病咳逆喘嗽，皆陰虛肺熱也。忌獨用。多用，卽用亦須與二冬、百部、桑皮等苦寒藥用方無害。以其性溫也。

【用量】 自五分至三錢。

【炮製】 取根，酒洗，或蜜水炒用。

【配合】 同款冬花、百部，治久嗽。同澤漆、白前、半夏、桂枝、人參、甘草、黃芩、生薑，治咳而脈沉。上氣咽喉不利。同薇蘅、白朮、澤瀉、丹皮、麥冬、犀角、甘草、藕汁，治傷酒溼肺，發咳痰中見血。同人參、麥冬、桔梗、茯苓、阿膠、貝母、五味、甘草，治咳嗽有血，虛勞肺痿。同款冬、杏仁、枇杷葉、木

通桑皮大黃熬膏蜜收治肺熱咳嗽肌膚灼熱面赤如醉。

款冬花

【品狀】 陽草類之多年生草。高二尺。葉圓大。基部缺刻甚深。柄長二寸許。花莖別有小葉。長卵形。互生。初春莖端開黃花。爲頭狀花蕊。其花蕾大如指頭。百草中此最先春。不畏冰雪。故名。花微開未舒者。採之入藥。莖紫色。有白絲者真。產河北及關中者良。世多以枇杷蕊僞之。

【性味】 味辛甘。略苦。性微溫。無毒。得天地陰寒之氣。兼稟金水之性。以生。降也。陰中陽也。杏仁爲使。得紫菀良。惡皂莢、硝石、元參、畏貝母、辛夷、麻黃、黃芪、黃芩、連翹、青箱子。

【歸經】 入肺經。爲潤肺瀉熱止咳之品。治嗽要藥。寒熱虛實。皆可施用。

【功效】 治嗽化痰。性煖平和。不燥。潤金疏肺。味辛略帶微甘。

【研究】 款冬花。此花發於冬令。雖雪積冰堅。其花獨豔。陰中含陽。故性溫。凡花皆輕揚上達。故入肺。有邪可散。無邪可潤。故一切咳嗽。皆可取用。然性雖溫潤。畢竟疏散之品。無補養之功。耳。用者審之。以其性溫而不燥。潤而不寒。散而不泄。故無論虛實寒熱。一切咳嗽之屬肺病者。皆可用也。石頑曰。款冬味辛入氣分。色紫歸血分。雖其性溫。却不燥血。故能輕揚上達。本經

主咳逆。上氣善喘。喉痺。喉癢。諸驚。痛寒熱邪氣。皆氣升火炎之病。古方用爲溫肺治嗽之要藥。潤肺消痰。止嗽定喘。喉痺。喉癢。肺痿。肺癰。咳吐膿血。咸宜用之。有人病咳多日。或令燃款冬花三兩。放無風處。以管吸其烟。嚙之數日。果愈。發寒失合。陰虛勞嗽。禁用。以其性溫也。黃宮繡曰。款

冬花辛溫純陽。何以能瀉熱消痰。降煩治嗽。逆上氣喘渴。喉痺。肺痿。肺癰。咳吐膿血等症。考其花當雪而秀。其氣純陽。故其氣味上達。入陽而不入陰。能治嗽。愈者。因其嗽由寒成。得此溫煖。以爲疎散。則嗽逆自愈。能除熱痰者。蓋亦痰因熱成。嗽由寒致。除寒而嗽止。化痰而熱清耳。治肺痿。肺癰。咳吐膿血者。亦屬肺虛之病。得此溫潤之品。肺自愈耳。若實火之病。款冬斷難亂投。吳世鑑曰。款冬花入肺經。辛能散而潤。甘能緩而和。溫則通行不滯。善降。款逆上氣之藥。

按款冬花用蕊。蕊乃發生之品。含蓄未放。生於冬而耐寒。得一陽初動之氣。開發生機。且喜其味略苦。主降。辛主散。一物而兩用兼備。故用入肺部。順肺中之氣。又理肺中之血。專治咳逆上氣。煩熱喘促。痰涎稠粘。涕唾腥臭。爲諸證之要劑。

【實驗】此藥有發散性。而能化痰。有平氣化痰之作用。爲止咳常用之藥品。氣管支炎可用之。無論外感。嗽。虛勞。嗽。均可用之。因嗽而有癰。癰現狀者可用之。是指氣管癰。癰。如患

哮喘或驚鷺咳者服之能解除氣管之癱攣而有化痰平氣之作用。

【禁忌】 肺有實火者勿用。

【用量】 自一錢五分至三錢。

【炮製】 凡使去蕊殼但取淨花甘草水浸一宿曬乾入丸微焙用或蜜水拌微炒用。

【配合】 性畏貝母然得貝母桑白皮紫菀枇杷葉花粉百部天冬麥冬杏仁治喘逆及咳嗽反良物有相制故也。得麻黃杏仁桑白皮甘草治風寒鬱實熱於上焦肺分其效甚速。同百合蒸焙等分爲末蜜丸龍眼大臥時嚼一丸薄荷湯下治痰嗽帶血。同鐘乳石雄黃佛耳草等分研末置香爐上焚之以筒吸烟入喉中日二次治一切勞嗽胸膈痞滿名焚香透膈散。

白前

【品狀】 隰草類綱目云生洲渚沙磧之上苗高尺許其葉似柳根似牛膝粗長堅而直易斷二月八月採根陰乾。

【性味】 味苦辛性微寒無毒感秋之氣而得土之沖味以生降也陽中陰也。

【歸經】 入肺經爲瀉肺下氣降痰之品肺家要藥。

【功效】 藉苦辛以降氣行痰，仗微寒而清金除熱。

【研究】 白前其根形似北沙參，色白性寒，故功用亦相似，專入肺家，長於降氣下痰，非肺有壅實者不相宜，不如北沙參之養陰清熱，略有補性耳。宗奭曰：白前能保定肺氣，治嗽多用，以溫藥相佐使尤佳。時珍曰：白前色白而味微辛甘，手太陰藥也，長於降氣，肺氣壅實而有痰者宜之，若虛嗽而常哽氣者不可用也。石頑曰：白前專搜肺竅中風水，非若白薇之鹹寒，專泄肺胃之燥熱，亦不似細辛之辛竇能治肝腎之沉寒也。

【實驗】 此藥能化痰而有消散性，能平氣促，而有和緩欬嗽氣促之效。

【禁忌】 此係走散下氣之藥，性無補益，欬逆上氣，欬嗽氣逆，由於氣虛，氣不歸元，而非邪實壅肺者，禁用。

【用量】 自一錢五分至三錢。

【炮製】 洗淨切細用。

【配合】 同苦桔梗、桑白皮、炙甘草，治久嗽吐血。

【品狀】 蔓草類。生於山野中。多年生纏繞草本。葉鈍頭。長心臟形。略似薯蕷葉。夏由葉腋出長梗。着一花。萼筒狀。不整齊。似角上彎。又似喇叭。上部紫黑色。下部綠色。或有白花者。寇宗奭曰。葉脫時。其實尚垂。狀如馬項之鈴。故名。七八月採之。根名青木香。產關中河北等處。

【性味】 味苦微辛。性寒。無毒。感冬氣兼金氣而生。味厚氣薄。降也。陰中微陽也。

【歸經】 入肺經。爲清熱下氣之品。辛苦降肺氣。性寒清肺熱。

【功效】 輕浮象肺。降痰嗽。有解散之功。清肅歸金。平喘促。得苦寒之力。

【研究】 馬兜鈴。苦寒輕舉。而又有下降之性。故能清肺熱。降肺氣。凡一切欬嗽痰喘。屬於肺熱者。均可用之。兜鈴雖主清熱降氣。又能散肺中結氣。以其苦而兼辛也。根名土青木香。苦冷有毒。可作吐藥。不常用之。甄權曰。治肺氣上急。坐息不得。欬逆連連不止。元素曰。清肺氣。去肺中濕熱。時珍曰。體輕而虛。熱則四開爲肺之象。故能入肺。氣寒味苦微辛。寒能清熱。苦辛能降肺氣。錢乙補肺阿膠散用之。非取其補肺。乃取其清熱降氣。邪去則肺安矣。其中所用阿膠糯米。則正補肺之藥也。崔氏方用以吐蟲。不能補肺可知。根名青木香。治鬼疰積聚。諸毒熱腫。及疔瘡復發。石頑曰。諸藥之性輕浮者。皆能入肺散氣。燈芯馬勃之屬皆然。諸家言

其性寒，專於劫痰定喘，不知其苦中帶辛，寒中帶散，是以肺熱痰喘，聲音不清者，宜之。性善湧泄，故纂要治蛇蠱毒，一味濃煎服之，探吐其毒，即解。嬰兒癩疹內陷，喘滿聲瘖者，宜加用之。黃宮繡曰：可治腸風痔瘻，以肺與大腸爲表裏，腸胃之熱，本於肺臟所移，肺清而腸之熱與之俱清耳。按馬兜鈴，體質輕，氣味俱清，凡輕清者上浮，單入肺部，主治肺熱久嗽，痰結喘促，肺氣上急，坐臥不安，蓋嗽久則肺虛，肺虛則氣熱，以此苦味者，涼之降之，使肺熱去而嗽自止也。故肺熱久嗽，喘促連聲不絕者，非此不除，因其體輕升上，直入腦囊，故又主治腦漏。天將殼色青黃，形如薄柚皮，內層有膜皮，扯之有網絡，味鹹性平，軟堅化痰，清肺，治肺風痰喘，定驚癇，乃肺肝二經之藥也。

【實驗】 此藥有鎮咳去痰，並治失音之效，治氣管支加答兒，慢性之症，及喘息，外用於痔起出血，肛門之周圍腫脹疼痛，將本品薰於火，使其煙觸局所。

【禁忌】 肺虛寒效嗽，或寒痰作喘者，均忌。

【用量】 白一錢至三錢。

【炮製】 去殼，取子微焙用，或蜜炙用。

【配合】得桑白皮、百部、天冬、桔梗、蘇子、枇杷葉、貝母、紫菀。能治一切咳嗽。同阿膠、甘草、牛蒡子、杏仁、糯米。治肺虛有火、嗽無津液、而氣哽者。同人參、百合、訶子、罌粟殼、天冬、生地、紫菀、知母、青木香、陳皮、甘草、生薑、烏梅。治喘促咳嗽。

旋覆花（附）梗葉

【品狀】 陽草類。多年生於原野。濕地尤多。程高三尺。葉披針形。無柄。有鋸齒及微毛。夏末。莖頂分枝開頭狀黃花。大如錢。外圍舌狀。中央筒狀。產蘇浙等處。

【性味】 味鹹。苦辛。性溫。無毒。稟冬令之氣而生。降也。陽中陰也。

【歸經】 入肺大腸二經。爲下氣消痰之品。定喘止嗽。肺家要藥。

【功效】 鹹以軟堅。蠲飲化痰都有效。苦能下達。通腸導水。悉皆能。具宣行肺胃之功。噫氣不除。賴其辛散。有斡旋胸中之力。肝邪痺着。藉以溫通。

【研究】 旋覆花一名金沸草。六月開細黃花。其香如菊。中有白毛。宜絹包用。鹹溫辛苦之性。能利大腸。軟堅痰。散結氣。搜肝瀉肺。由胃及腸。旋覆之功。皆在鹹潤而已。旋覆本爲肺藥。以其散結氣。軟堅痰。金令下行。而能及肝與腸也。葶梗功用相同。竦氣更爲有力。好古曰。消堅軟。

痞治噫氣。丹溪曰：宗奭言其行痰水，去頭目風，亦走散之藥。時珍曰：旋覆花乃手太陰肺手陽明大腸藥也。所治諸病，其功則在行水下氣通血脈耳。徐靈胎曰：此以味爲治。凡草木之味鹹者絕少，鹹皆治下，鹹而能治上焦者尤少。惟此味鹹而治上，爲中上二焦之藥。鹹能軟堅，故凡上中二焦凝滯堅結之疾，皆能除之。石頑曰：旋覆花升而能降，肺與大腸藥也。其功在於開結下氣，行水消痰，治驚悸，祛痞堅，除寒熱，散風濕，開胃氣，止嘔逆，除噫氣。故肺中伏飲，寒嗽宜之。仲景治傷寒汗下後，心下痞堅，噫氣不除，有旋覆代赭石湯。金匱半產漏下，有旋覆花湯。胡洽治痰飲在兩脇脹滿，有旋覆花湯，皆取其能下氣也。但性專溫散，故陰虛勞嗽，風熱燥欬，不可誤用。用之嗽必愈甚。本經言補中下氣者，辛能疎中，鹹能潤下，痰氣下而中氣安，脇下滿結，寒熱驚悸，水氣皆除矣。汪昂曰：苦辛能下氣，行水，鹹能軟堅，微溫能通血脈，入肺大腸經，消痰結，堅痞，睡如膠漆，噫氣不除。梗黃葉青，味鹹，苦辛，性溫，治風寒咳嗽，消痰結，堅痞，下噫氣，泄腸水。

【實驗】此藥常用以治欬，肋痛，氣促，乃有化痰平氣之作用。罕有用之以治其他疾病者。感冒風寒，以及寒熱亦用之。近人不作補中用。

【禁忌】 走散之藥，病人洩瀉者不宜多服，滑利大腸，虛寒人禁用，虛弱性氣促，外感性熱高汗多者忌用。

【川量】 自一錢五分至三錢，梗葉同。

【炮製】 五月五日採花，曬乾，去皮蒂蕊殼，用入煎劑，須絹包，有細毛，恐射肺，令人咳。

【配合】 同代赭石、人參、半夏、甘草、生薑、大棗，名旋覆代赭湯，仲景治傷寒汗下後，心下痞，噎氣不除。同青蔥新絳，名旋覆花湯，金匱治肝着，其人常欲搯其胸上，先未苦時，但欲飲熱，又治半產漏下，虛寒相搏，其脈弦，乳。同麻黃、前胡、荆芥、半夏、甘草、芍藥、生薑、大棗，治肺感風寒，欬嗽，鼻塞聲重。

玫瑰花（附）紅月季花

【品狀】 自生之小灌木，莖高三尺，枝間多刺，各小葉爲橢圓形，全葉爲奇數羽狀複葉，夏開花，有紫白二種，氣香烈，花托似壺，表面有刺，花後結實，宛似茄子，立夏前採，含苞未放者，陰乾用，忌見火，產蘇浙等省。

【成分】 主要素爲單寧酸、沒食子酸、葡萄糖、灰纖維。

【性味】 味甘微苦。性溫。無毒。

【歸經】 入肝脾二經。爲理氣行瘀和血之品。

【功效】 疎氣滯。解肝鬱。行瘀和血。調中開胃。

【研究】 玫瑰花香氣頗烈。故能疎氣解鬱。味甘微苦。又能調中開胃。色紫入血。有行瘀和血之力也。紅月季花。瓣紫紅。萼綠。味微苦。氣微香。性平。形同玫瑰花。惟香氣不及玫瑰濃郁耳。入肝脾血分。調經養血。

【實驗】 此藥醫治月經過多。入胃後。令胃內之 Pepsin 及蛋白質皆凝固。而消化力被阻。且能將胃粘膜收縮。使分泌減退。至腸。能收縮腸壁之微血管。減輕下痢。且微有殺菌之功。由腸壁吸入血中。能使血液流動之血管收縮。阻止血液及白血球之滲出。故有間接止血之功。又能使腸收縮而減下痢。

【禁忌】 陰虛有火者。勿用。

【用量】 自一錢至三錢。

【炮製】 去心蒂。純用花瓣。紫色者入藥。

【配合】 同母丁香酒煎服。治乳癰。同補骨脂、白朮、黃芪、茯苓、菟絲子、川芎、當歸、白芍、生地、胡桃仁、杜仲、韭子爲末蜜丸服。通經絡和百脈。壯腰腎。健脾胃。加飲食。健步履。除一切痼疾。皇漢醫方。佐川芎、白芍、生地、柴胡、黨參、茯苓、條芩、生草、黃連。治月經過多。

刀豆子

【品狀】 豆類。栽於場圃。一年生蔓草。葉大。自二小葉成。花爲蝶形。青紫色。實爲莢。種子有紅白二色。

【性味】 味甘性溫。無毒。

【歸經】 入胃腎二經。爲溫中下氣之品。

【功效】 溫中下氣。治呃逆有功。益腎歸元。味甘溫無毒。

【研究】 刀豆子味甘性溫。下降入腎。能溫暖下焦。治腎虛氣不歸元。虛寒呃逆者。取刀豆子燒存性。白湯調服二錢即止。即其利腸胃和中焦亦固所宜也。

【禁忌】 胃火盛者。忌用。

【用量】 自三錢至五錢。

【炮製】 入煎劑生用。或燒存性研末。開水送服。

【配合】 蒸熟。洋糖釀食。治久痢。焙燥爲末。好酒送服。治經閉。腹脇脹痛。血瘡。加麝香尤佳。

牙根臭爛。燒灰加冰片擦之。涎出卽效。楊梅瘡。煎濃汁當茶頻服。忌魚腥生冷。爲蚊所

傷。揉葉貼之。殼治腰痛。燒灰好酒調服。外以皂莢燒煙薰之。根治頭風。每用五錢。酒煎服。

鼻淵。焙末酒服。

枇杷葉（附）枇杷

【品狀】 果樹類。葉互生。長橢圓形。有鋸齒。下面生毛。冬初開花。花五瓣白色。雄蕊多於花瓣。往往數花集生。有佳香。翌年夏。果實成熟。爲淡黃正圓之漿果。外面有毛茸。含大種子約二三粒。味甘酸。供食用頗佳。產蘇浙等省。

【成分】 含亞米大林。

【性味】 味苦甘性平。無毒。得金氣以生。降也。陽中陰也。

【歸經】 入肺胃二經。爲下氣消痰之品。和胃降肺氣。清熱解暑毒。

【功效】 苦降和陰。清肺消痰定喘嗽。甘平散逆。除煩下氣退陽邪。

【研究】 枇杷葉苦平入肺。其性善降。氣降則痰下。痰下則逆者不逆。嘔者不嘔。渴者不渴。欬者不欬矣。至於除煩潤燥。以其有清肅下行之令。氣降則火亦降耳。時珍曰。枇杷葉氣薄味厚。陽中之陰。治肺胃之病。大都取其下氣之功耳。氣下則火降痰順矣。黃宮繡曰。枇杷葉味苦性平。清肅肺金。爲治肺熱火嗽之要劑。石頑曰。近世治勞嗽。無不用之。蓋取其和胃下氣。氣下則火降痰消。胃和則嘔定噦止。枇杷味甘酸性平。止渴下氣。利肺氣。止吐逆。除上焦熱。潤五臟。多食發痰熱。傷脾。同炙肉及熱麵食。令人患熱黃痰。

【禁忌】 胃寒嘔吐及風寒咳嗽忌之。

【用量】 自一錢五分至三錢。

【炮製】 採葉肥大者。方氣足。或用鮮葉。或用乾葉。以粗布拭去毛。去毛不淨。射人肺。令咳不已。或蜜炙。或薑汁炙。各依方用。入煎劑須絹包。

【配合】 同款冬花、紫菀、杏仁、桑白皮、木通等分。大黃減半。蜜丸。櫻桃大。食後夜臥。含化一九。治肺熱久嗽。身熱肌瘦。同丁香、人參、生薑。水煎服。治反胃嘔吐。

烏藥

調氣之劑 枇杷葉(附) 枇杷 烏藥

【品狀】 香木類。釣樟屬。常綠木本。高九尺。葉有下垂之性。呈橢圓形。全邊而端尖。質厚而光澤。有三縱道。與肉桂葉同。面青而白。夏由梢及葉腋。破苞出小花。淡綠色。根如車轂紋。形如連珠者佳。產嶺南者。黑褐色而堅硬。產天台者。白而虛軟。並皆入藥。八月採之。

【性味】 味辛性溫。無毒。稟地二之氣以生。故味帶苦。氣微香。氣厚於味。降也。陽也。

【歸經】 入胃腎二經。兼入肺經。爲順氣止痛之品。疏利胸腹邪逆之氣。一切氣病。

【功效】 上入肺脾。下通腎臟。性偏香竄。能疏氣閉之邪。味屬辛溫。可治血瘀之婦。冷氣腹疼宿疾去。疝瘕便數。舊邪除。

【研究】 烏藥辛溫香竄。上行肺胃。下達腎。與膀胱通理。上下一切諸氣。氣理則寒散。瘵行。腹痛止。癩疝愈耳。至其治小便頻數一證。亦止謂寒證之一端耳。宗奭曰。烏藥性和。來氣少。走泄多。但不甚剛猛。同沉香同磨服。治胸腹冷氣甚穩當。時珍曰。烏藥辛溫香竄。治中風中氣諸症。用烏藥順氣散者。先疎其氣。氣順則風散也。治七情鬱結。上氣喘急。用四磨湯者。降中兼升。瀉中帶補也。治虛寒小便頻數。用縮泉丸者。取其通陽明少陰經也。石頑曰。烏藥能治氣血凝滯。霍亂吐瀉。痰食稽留。但專泄之品。施之藜藿相宜。若膏粱之輩。血虛內熱者服之。鮮不

蒙其害也。黃宮繡曰功用與木香附相類但木香苦溫入脾疎滯宜於食積香附辛苦入肝膽二經宜開鬱散結此則橫走胸腹故用以爲治胸腹邪逆之氣之要藥耳若氣虛內熱而見胸膈不快者非其所宜。指南云外解表而理肌肉寬中而順氣以此散寒氣則客寒冷痛自除驅邪氣則天行疫瘴卽却開鬱氣中惡腹痛胸膈脹滿頓然可減疏經氣中風四肢不遂初產血氣凝滯漸次能通。

【禁忌】 辛溫散氣病屬氣虛者忌。世人多同香附治婦人一切氣病不知氣有虛實有寒熱冷氣暴氣固宜熱氣虛氣必有害故婦人月事先期小便短數及欬嗽內熱口渴舌苦不臥一切陰虛內熱之病均忌。

【用量】 自一錢五分至三錢。

【炮製】 酒浸一宿晒乾用。

【配合】 同沉香、不香、白蔻仁、香附、橘皮、檳榔治婦人氣實暴氣壅脹。同人參、沉香、檳榔各磨濃汁七分煎細細嚙之名四磨湯治七情鬱結上氣喘急乃降兼升瀉中帶補之法也。同橘紅、麻黃、川芎、白芷、桔梗、枳殼、殭蠶、炮薑、甘草名烏藥順氣散治中風中氣。同沉香、人參、甘

草、生薑、食鹽、名烏沉湯。治一切冷氣及婦人血氣攻擊、心腹撮痛。同沉香、甘草、砂仁、香附、食鹽。治一切氣滯、胸膈不舒、婦人經癸不調、少腹刺痛。同木香、茴香、良薑、青皮、檳榔、苦楝子、巴豆、名天台烏藥散。治小腸疝氣、牽引臍腹疼痛。同益智仁等分爲末、酒煮山藥爲丸、名縮泉丸。治脬氣不足、小便頻數。同香附、當歸、木香、甘草。治婦人經行不調。

沉香（附）伽楠香

【品狀】 香木類。產東印度。高丈餘。常綠樹。葉披針形。互生。花繖形。花蕊白色。交趾曰蜜香樹。取其老根。外皮幹俱朽。木心與枝節不壞。堅黑。沉水者曰沉香。半沉浮者爲鷄骨香。根爲黃熟香。根節輕而大者爲馬蹄香。浮水者曰速香。

【成分】 水三、二三五。灰質一、一四一。石腦油伊打溶解質少許。伊打溶解質二四、七四。強酒精溶解質（樹脂狀物）二四、一二九。沸湯溶解質少許。不溶解質（纖維素）四六、六四六。

【性味】 味辛甘苦。性微溫。無毒。稟陽氣以生。兼得雨露之精氣而結。其氣芬芳。氣厚味薄。可升可降。陽也。時珍曰。咀嚼香甜者性平。辛辣者性熱。

【歸經】 入脾、肺、胃、腎四經。兼入心、肝二經。爲下氣補陽之品。

【功效】 暢達和中。脾胃喜芳香之味。辛溫入腎。下達建補火之勳。腎虛氣逆痰升。賴其降納。脾困寒凝濕滯。用以宣行。

【研究】 沉香以色黑質堅。沉水者佳。辛溫香烈。入肺脾腎三臟。上至天而下至泉。三經氣分藥也。主脾肺氣逆。中惡腹痛。以及一切塞滯胸膈而爲嘔吐等證。宣導氣分。則痰行水消。其沉降之性。故能壯腎陽。助命火。凡下焦虛寒。以致氣不歸元。上逆而爲喘急者。皆宜用耳。東垣曰。補脾胃及痰涎血出於脾。時珍曰。治上熱下寒。氣逆喘急。大腸虛秘。小便氣淋。男子精冷。

仲醇曰。諸本皆浮。沉香獨沉。故能下氣而墜痰涎。能降亦能升。香氣入脾。故能理諸氣而調甲。色黑體陽。故入右腎命門。煖精壯陽。行氣不傷氣。溫中不助火。石頑曰。沉香性溫。秉南方純陽之性。專於化氣。諸氣鬱結。不伸者。宜之。溫而不燥。行而不泄。扶脾達腎。攝火歸原。凡心腹卒痛。霍亂中惡。氣逆喘急者。並宜酒磨服之。補命門三焦。男子精冷。宜入丸劑。四磨飲。沉香化氣丸。滾痰丸。用之。取其降泄也。沉香降氣散。用之。取其散結導氣也。黑錫丹。用之。取其納氣歸元也。但多降少升。氣虛下陷人。不可多服。久服每致失氣無度。而黃少食。虛證百出矣。按沉

香純陽而升，體重而沉，味辛走散，氣雄橫行，故有通天徹地之功。治胸背四肢諸痛，及皮膚作癢，若寒濕滯於下部，以此佐舒經藥，善驅逐邪氣。若跌撲損傷，能散瘀定痛。若怪異諸病，以此佐攻痰藥，獨用降氣。伽楠香色紫褐，如沉香片，辛潤微苦香，能下氣辟惡，散寒止痛，開痰閉通竅，治噎膈閉精，縮便。

【禁忌】 治冷氣逆氣，氣鬱結，殊爲要藥，然中氣虛，氣不歸元者，忌之。伽楠香同。

【用量】 自四分至一錢。伽楠香同。

【炮製】 入湯劑，磨汁沖服。入丸散，紙裏置懷中，待燥，碾之，忌火。

【配合】 同廣藿香、香附。治諸虛寒熱。同丁香、肉桂。治胃虛呃逆。同紫蘇、白豆蔻。治胃冷

嘔吐。同茯苓、人參。治心神不足。同川椒、肉桂。治命門火衰。同廣木香、香附。治婦人強忍

入房，或過忍尿，以致轉胞不通。同肉蓯蓉、麻仁。治大腸虛秘。同人參、菖蒲、遠志、茯神、棗仁、

生地、麥冬。治思慮傷心，心氣鬱結不舒。得木香、藿香、砂仁。治中惡腹痛疔痛，辟一切惡氣。

同蘇子、橘紅、枇杷葉、白豆蔻、人參、麥冬。治胸中氣結，或氣逆不快。同大黃、黃芩、礞石、薄荷湯

和丸。名滾痰丸。治實熱老痰。同木香、香附、神麩、麥芽、蓬茂、藿香、陳皮、砂仁、炙甘草。水法丸。名

沉香化氣丸。治脾胃留飲。胸膈痞結。心腹疼痛。同山楂、大黃、川朴、枳實、檳榔、黃芩、陳皮、半夏、白朮、木香、藿香、砂仁、薑汁、竹瀝法丸。名沉香化滯丸。治過食生冷油膩。停滯不化。胸膈飽悶。腹脇疼痛。同甘草、砂仁、香附、食鹽。名沉香降氣散。治一切氣滯。胸膈不舒。同黑鉛、硫磺、玉果、肉桂、附子、木香、小茴、盧巴、補骨脂、金鈴子、陽起石、青皮、烏藥。名局方黑錫丹。治陽氣不固。陰氣衝逆。痰壅氣喘。

白檀香

【品狀】 香木類。產於東印度。及馬來半島。常綠木本。葉長卵形。對生。花爲兩性。無花瓣。萼四五裂。材有香氣。

【成分】 爲揮發油、樹脂等。

【性味】 味辛性溫。無毒。稟清芬之氣而生。降也。陽中微陰也。

【歸經】 入肺腎二經。兼入胃經。爲開發之品。理氣要藥。

【功效】 氣香無毒。辛溫入肺胃之經。質燥有功。宣發理上中之氣。或除邪而辟惡。或暢膈以寬胸。

【研究】 白檀香味辛而溫。氣香色白。入肺胃上焦。氣分。專理上焦一切滯氣逆氣。至其和中華進食。辟鬼除邪等治。皆辛溫芳香之力耳。元素曰。散冷氣。引胃氣上升。進飲食。東垣曰。白檀調氣。引芳香之物。上至極高之分。最宜樞橋之屬。佐以薑棗。輔以葛根砂仁益智豆蔻。通行陽明之經。在胸膈之上。處咽喉之間。故爲理氣必用之劑。時珍曰。治噎膈吐食。黃宮繡曰。功專入脾與肺。散冷開結。疎鬱進食。不似沉香力專主降。而能引氣下行也。

【實驗】 德奧醫士。以治急性淋病。並淋病性膀胱炎。效皆顯著。

【禁忌】 陰虛有火者。忌用。癰疽潰後膿多。忌用。

【用量】 自五分至一錢五分。

【炮製】 入煎劑。鎊片用。或磨汁用。入丸散研末用。忌火。

【配合】 同沉香、木香、丁香、香附、茴香、烏藥、陳皮、荔枝核、澤瀉、皂角。治氣滯寒滯。一切肝胃氣阻諸痛。

厚朴（附）花

【品狀】 喬木類。高三四丈。徑一二尺。春生葉如櫛葉。六月開細花。實如冬青子。生青熟赤。有

核其木質朴皮極鱗皺而厚紫色多潤者佳薄白者不堪入藥。九十月採皮陰乾。產四川等省。

【成分】 主要素爲 Magnolin

【性味】 味苦辛性溫無毒。稟地二之氣以生。兼得春陽而成。氣味俱厚。體重濁而微降。陰中陽也。乾薑爲使。惡澤瀉。磁石。寒水石。忌豆食之動氣。

【歸經】 入脾胃二經。兼入大腸經。爲下實散滿之品。苦降瀉實滿。辛溫散濕滿。

【功效】 辛能達表。解風寒外客之邪。苦可宣中。破脘腹內留之滯。陰凝濕聚。燥可蠲除。平胃寬胸。溫能疏暢。

【研究】 厚朴苦辛而溫。性燥善散。入脾胃氣分。逐濕宣中。散胸腹一切陰凝滯氣。疏肌表一切風寒濕邪。溫燥破氣之品。虛人禁之。宗奭曰。入平胃散中。既能溫脾胃。又能走冷氣。元素曰。厚朴之用有三。平胃一也。去腹脹二也。孕婦忌之三也。雖除腹脹。若虛弱人宜斟酌用之。誤服脫人元氣。惟寒脹大熱藥中兼用。乃結者散之之神藥也。丹溪曰。厚朴屬土。有火其氣溫。能瀉胃之實也。平胃散用之。佐蒼朮。正爲瀉胃中之濕。平胃土之太過。以致於中和而已。非謂溫補脾胃也。習以成俗。皆謂之補。哀哉。其治腹脹者。因其味辛。以提其滯氣。滯行則宜去之。

若氣實八誤服參芪藥多補氣脹悶或作喘宜此瀉之。好古曰主肺氣脹滿膨而喘欬。又曰本草言厚朴治中風傷寒頭痛溫中益氣消痰下氣厚腸胃去腹滿果泄氣乎果益氣乎蓋與枳實大黃同用則能泄實滿所謂消痰下氣是也若與橘皮蒼朮同用則能除濕滿所謂溫中益氣是也與解利藥同用則治傷寒頭痛與瀉利藥同用則厚腸胃大抵其性味苦溫用苦則泄用溫則補也故成無己云厚朴之苦以泄腹滿。李杲曰苦能下氣故泄實滿溫能益氣故散濕滿。石頑曰厚朴苦溫先升後降爲陰中之陽藥故能破血中氣滯然行氣峻虛者勿服。氣溫卽止不可久服。按厚朴辛溫能散去寒濕之邪帶苦能降泄腸胃之實因脾胃惡濕以此除之專平胃氣主瀉中焦壅滯若胸腹脹滿鬱而不散食積於胃羈而不行非此不能條達舒暢故用治痞悶噎氣吞酸嘈雜嘔吐同解散肌表之藥却衛氣有餘助分理陰陽之劑清大腸多阻但泄瀉而腹痛有積滯者用之爲宜若暴瀉如水滑瀉無度者腸胃已虛忘此辛散花氣香味微苦性溫能寬中理氣治胸悶化脾胃濕濁忘同厚朴。

【實驗】此藥味苦有殺菌之作用性溫對於腸胃之消化腺有興奮之作用而能助消化消除腹內氣脹又此藥治水腫嘔逆在胃腸中均不顯何等作用入血後專激腎臟使促進其利

尿機能且略能促進血液之循環以強心臟之功。

【禁忌】 氣味辛溫性復大熱其功長於泄結散滿溫煖脾胃一切飲食停積氣壅暴脹與冷氣逆氣積年冷氣入腹腹鳴虛吼痰飲吐沫胃冷嘔逆腹痛泄瀉及脾胃壯實之人偶感風寒氣實人誤服參芪致成喘脹誠爲要藥然而性專消導散而不收略無補益之功故凡嘔吐不因寒痰冷積而由於胃虛火氣炎上腹痛因於血虛脾陰不足而非停滯所致洩瀉因於火熱暴注而非積寒傷冷腹痛因於中氣不足氣不歸元而非氣實壅滯中風由於陰虛火炎猝致殞仆而非西北真中寒邪傷寒發熱頭痛而無痞塞脹滿之候小兒吐瀉乳食將成慢驚大人氣虛血槁延爲腦證老人脾虛不能運化偶有停積孕婦惡阻水穀不入孕婦胎升眩暈娠婦傷食停冷娠婦腹痛瀉痢娠婦傷寒傷風產後血虛腹痛產後中滿作喘產後洩瀉反胃以上諸證法所咸忌若誤投之輕病變重重病必危不究其原一概濫用雖或一時未見其害而清純沖和之氣默爲之耗可不慎哉肺結核忌用外感而無腸胃病者舌紅絳色者因貧血而驚悸者均忌。

【用量】 自五分至二錢。

【炮製】 取紫厚者，去粗皮，薑汁炙，或浸炒用。

【配合】 同橘皮、黃連、甘草、蒼朮、白朮、葛根，治濕熱作瀉。同橘皮、枳殼、麥芽、草果、山查、砂仁、檳榔，治傷食腹脹。同檳榔、木香、黃連、滑石、橘皮、甘草、白芍，治滯下初起。同白朮、人參、白芍、茯苓，消腹脹。佐生薑、橘皮、藿香、砂仁、半夏，止胃寒嘔吐。同京三椏、蓬茂、檳榔、人參、青皮，治積年冷癰堅塊。同蒼朮、橘皮、甘草，為平胃散，治胸中敦厚之氣，使飲食倍增。皇漢醫方，佐木香、草豆蔻、茯苓、甘草、車前子，治水腫。

橘皮(附)橘白 核 葉 絡 瓢 化州橘紅 青鹽陳皮 參貝陳皮

【品狀】 果樹類，常綠灌木，幹高一二丈，莖有刺，葉作長卵形，端尖，綠色，光面，長一二寸，葉柄有翼狀小片，初夏開花，白色，五瓣，初冬結實，扁圓，生青，熟則黃而帶紅，取皮晒乾用，陳者良，產閩廣等省。

【成分】 主要素為歐司祕里仁， $\text{Hesperidin } \text{C}_{28}\text{H}_{36}\text{O}_{15}$ ， Isohesperidin ， Aurantia-1-marin ，餘為揮發油、樹脂。

【性味】 味苦辛，性溫，無毒，氣薄味厚，可升可降，陽中之陰也。

【歸經】 入脾、肺、胃三經。爲燥濕、理氣、散逆、和中、消痰之品。

【功效】 橘皮入脾胃以和中。燥可消痰。理氣滯。味苦辛而散逆。溫能快膈。逐寒凝。留白則宣補中州。去白則流行肺部。核乃入肝療疝。理寒滯以頗靈。葉則治乳消癰。味苦平而無毒。絡能通絡。瓢能潤肺。甘寒者佳。酸冷者生痰。

【研究】 橘皮種類甚多。惟廣產者最勝。陳者良。味苦辛。性溫。氣香質燥。入脾胃氣分。燥濕理氣。散逆和中。同補藥則補。同表藥則表。同瀉藥則瀉。用鹽水炒極能治痰。以其能燥濕理氣。亦治痰之本也。橘白去外一層紅皮。其味帶甘。其功固不如橘皮。而補脾胃藥中用之。自無燥散之咎。橘紅則去盡內白。有輕浮之意。故能入肺。主治亦相似。橘核苦溫。色青入肝。形類腎丸。故能治一切疝疾之因於寒者。用此宣散之。亦氣分藥也。橘葉苦平。氣香。輕揚上達。入脾胃。宣胸膈逆氣。消腫散毒。凡婦人一切乳證。皆可用之。橘絡甘苦而寒。功能化痰通絡。清絡中之餘熱。橘瓢性寒。甘者可以潤肺。酸者卽能生痰。一物之性各異。主治不同。豈可不省察哉。東垣曰。橘皮爲脾肺二經氣分藥。留白則補脾胃。去白則理肺氣。同白朮則補脾胃。同甘草則補肺。獨用則瀉肺損脾。其體輕浮。一能導胸中寒邪。二破滯氣。三益脾胃。加青皮減半用之。推陳致新。

但多用久服。能損元氣也。宿原曰。橘皮能散能瀉。能溫能補。能和。化痰治嗽。順氣理中。調脾胃。快膈。通五淋。療酒病。其功常在諸藥之上。時珍曰。療嘔噦反胃。嘈雜。時吐清水。痰痞。痲瘡。大腸閉塞。婦人乳癰。入食料。解魚腥毒。又曰。橘皮苦能泄。能燥。辛能散。溫能和。其治百病。總是取其理氣燥濕之功。同補藥則補。同瀉藥則瀉。同升藥則升。同降藥則降。脾乃元氣之母。肺乃攝氣之籥。故橘皮爲二經氣分之藥。但隨所配。而補瀉升降也。汪昂曰。調中快膈。導滯消痰。定嘔止嗽。利水破癥。宣通五臟。入和中藥。留白人。疏通藥。去白。化州橘紅。皮色青綠。肉厚。有毛孔。味苦辛。性溫燥。氣香。能祛風寒。化痰濕。止咳嗽。產化州賴氏園者。名賴橘紅。色綠如蟾皮。理細。功力更勝。然難得真者。市僧多以柚皮僞充。青鹽陳皮。色黑。能順氣生津。解煩止渴。醒酒。開胃化痰。進飲食。參貝陳皮。粉末製成顆粒。色淡黃。能化痰。止虛咳。開胃。補而不滯。消而不伐。按橘紅。味辛帶苦。辛能橫行散結。苦能直行降下。爲利氣要藥。蓋治痰須理氣。氣利痰自愈。故用入肺脾。主一切痰病。功居諸痰藥之上。佐竹茹以療熱呃。助青皮以導滯氣。同蒼朮厚朴。平胃中之實。合葱白麻黃。表寒濕之邪。消穀氣。解酒毒。止嘔吐。開胸膈。痞塞。能推陳致新。皆辛散苦降之力也。按陳皮留白。取其色白入肺。氣香入脾。因性味較緩。緩則降遲。故入肺脾。

而和中。味辛則散。散則分解。故泄逆氣而快膈。用治膈痰嘔逆。穀食酒毒。功在蘇梗枳殼之上。
【實驗】 此藥味苦。對於腸胃。有消毒作用而去臭。味帶辛。因有發散性。能化痰出汗。驅腸內積氣。性溫。因能興奮消化腺。而開胃助消化。又此藥醫治胃弛緩症。急性胃加答兒。急性腹加答兒。入胃刺激胃黏膜。使分泌增多。運動加速。而一部分之 Hesperidin 由微血管而達中樞神經。使大腦被激而興奮。全身血液流動。因是而增速。

【禁忌】 氣雖中和。亦損真元。無滯勿用。辛香泄氣。目痛脇脹。盛怒動氣。俱忌用之。胃液溢。用。有內熱口渴者。因多服能使其發渴。虛弱性汗多者。忌用。

【用量】 自五分至一錢五分。

【炮製】 產粵省新會者勝。皮厚不脆。閩產者力薄。浙之衢州產者。不堪入藥。化州陳皮。消痰甚靈。然消伐太峻。不宜輕用。況此物真者絕少。無非柚皮而已。橘皮陳久者良。故又名陳皮。治痰效。童便浸晒。治痰積。薑汁炒。入下焦。鹽水炒。陰虛乾欬。蜜水製用。婦人乳房壅癰。醋拌炒用。
【配合】 陳皮同生薑止嘔。同半夏豁痰。同杏仁治大腸氣祕。同桃仁治大腸血祕。同青皮去滯。同竹茹治呃。同半夏、茯苓、甘草爲末。薑棗湯泛丸。名二陳丸。治一切痰飲咳嗽。同黨參、

熟地、天冬、白朮、茯苓、甘草、陳皮、半夏爲末，水泛丸。名金水六君丸。治肺腎虛寒。水泛爲痰。橘核同海帶、木通、川棟子、昆布、海藻、川朴、桃仁、延胡索、木香、枳殼、肉桂爲末，酒糊丸。治寒濕疝氣。翠丸腫痛。

青皮

【品狀】 青皮乃橘之小而色青未熟者。

【性味】 味苦辛，性溫，無毒，降也。陰中微陽也。

【歸經】 入肝膽二經。爲行氣破積，猛銳之品。二經氣分藥。通肝瀉肺，散積消痞，除痰削堅，開滯。

【功效】 入肝經，破滯削堅，辛能發汗，治疝疾，辟寒理氣，苦可宣邪，下焦之肝氣可疏，胸脇之鬱痰能解，性味與橘皮相仿，炒煎用醋水爲良。

【研究】 青皮色青，氣烈，味苦辛，性溫燥，入肝膽氣分，能發汗散寒，行氣破積，如壯盛年少之人，其氣慍慍，故一切疝氣、痰滯、積聚等證，屬於肝膽者，皆可用之。用醋炒者，緩之斂之，制其慍悍之性，引以入肝也。元素曰：青皮氣味俱厚，沉而降，陰也。入厥陰少陽經，治肝膽之病。東

垣曰。青皮乃足厥陰引經之藥。能引食入太陰之倉。破滯削堅。皆治在下之病。有滯氣則破滯。無滯氣則損真氣。好古曰。陳皮治高。青皮治低。與枳殼治胸膈。枳實治心下同意。丹溪曰。青皮乃肝膽二經氣分藥。故人多怒有滯氣。膈下有鬱積。或小腹痛。痛用之以疏通二經。行其氣也。若二經不實者。當先補而後用之。又云。疏肝氣加青皮。炒黑則入血分也。時珍曰。青皮色青。氣烈。味苦而辛。治之以醋。所謂肝欲散。急食辛以散之。以酸泄之。以苦降之也。陳皮浮而升。入脾肺氣分。青皮沉而降。入肝膽氣分。一體二用。物理自然也。小兒消積多用青皮。最能發汗。有汗者不可用。嘉謨曰。久瘧熱甚。必結癰塊。宜多服清脾飲。內有青皮。疏利肝邪。則癰自不結也。又乳房屬陽明。乳頭屬厥陰。肝氣壅。故竅不得通。胃血沸。故熱甚化膿。治乳病初起。青皮亦爲要藥。汪昂曰。柴胡疏上焦肝氣。青皮平下焦肝氣。蓋青皮疏肝瀉肺。引諸藥至厥陰之分。黃宮繡曰。青皮氣壯。燥性未消。其色青。青屬木。木主肝。故獨入肝經。其味苦。能下氣。然辛氣內存。於下中仍兼宣泄。是以能發汗也。按青皮色青。味苦而辛。專疏肝氣。性銳烈而直下。善導鬱滯。有推陳致新之力。故主下部以治水分。用之削堅。療小腹痛。積痛。治瘡疾。散疝氣。理脇下痛。解鬱平怒。莫勝於此也。青黛拌用三四分。入膽腑。能伏驚氣。

【禁忌】 仲醇曰。削堅破滯。性最酷烈。誤服立損真氣。必與參朮芍藥等補脾藥同行。不可單行。肝脾氣虛者均忌。石頑曰。中氣虛人禁用。以其伐肝太甚。而傷生發之氣也。

【用量】 自五分至一錢五分。

【炮製】 切片醋炒用。或炒黑用。

【配合】 同製南星、蘇子、杏仁、半夏、香附、葛根、神麴、山楂、麥芽、萊菔子、薑汁蒸餅糊爲丸。治酒食生痰、胸膈痞悶、臍腹膨脹。同柴胡、半夏、黃芩、生草、草果、茯苓、白朮、厚朴。名清脾飲。治瘧疾。

同香附、橘葉。治乳癰乳巖。

枳殼（附）枳實

【品狀】 常綠灌木。幹高三丈。枝多刺。葉爲長卵形。春開白花。秋結實。早採者爲枳實。皮厚而中堅。晚採者爲枳殼。皮薄而中虛。產商州者良。

【性味】 枳殼味苦辛。微酸。性微寒。無毒。感天地苦寒之氣而生。氣味俱厚。降也。陰也。枳實同。

【歸經】 枳殼入肺胃二經。爲散結逐滯之品。洩肺氣。除胸痞。息痛刺。枳實入脾胃二經。爲破

氣行痰之品。滑竅降實。

【功效】 枳殼利膈寬胸。辛苦性寒。破氣滯。行痰逐水。和中化食。入陽明。枳實性味與枳殼相同。功力較老者更猛。瀉痰破積。承氣賴之以先聲。導水行瘀。金匱取之而下達。治痞堅之峻劑。攻氣分之神丹。

【研究】 枳殼亦橘類。逾淮而北爲枳。南爲橘。此亦地道使然。因之性味主治各異。枳殼卽枳實之大者。味苦辛性寒。專主破氣。氣順則胸膈利。痰行水消。三焦通泰。邪熱蠲除耳。如欲制其燥性。助其消導。可炒黑用之。枳實卽枳殼之初生而未熟者。如青皮陳皮之類。性味主治皆同。而功力頗猛。故破積行血。消食消痰。皆賴之以承其氣。或與補藥同用。或與瀉藥並投。在人之運用耳。元素曰。枳殼破氣勝濕化痰。泄肺走大腸。多用損胸中至高之氣。止可二三服而已。稟受素壯而氣刺痛者。看何部經分。以別經藥導之。東垣曰。氣血弱者不可服。以損其氣也。好古曰。枳殼主高。枳實主下。高者主氣。下者主血。故殼主胸膈皮毛之病。實主心腹脾胃之病。大同小異。時珍曰。枳實枳殼氣味功用俱同。上世亦無分別。魏晉以來。始分殼實之用。潔古東垣又分治高治下之說。大抵其功皆能利氣。氣下則痰喘止。氣行則痞脹消。氣通則痛刺止。氣利則後重除。故以枳實利胸膈。枳殼利腸胃。然張仲景治胸痹痞滿。以枳實爲要藥。諸

方治下血痔痢。大腸祕塞。裏急後重。又以枳殼爲通用。則枳實不獨治下。而殼不獨治高也。蓋自飛門至魄門。皆肺主之。三焦相通。一氣而已。則二物分之可也。不分亦無傷。石頑曰。枳殼性浮。兼通肺胃氣分。而治喘欬霍亂水腫。有乘風破浪之勢。與桔梗同爲舟楫之劑。故柴胡枳殼除寒熱痞滿之專藥。凡夾食傷寒感冒。與表藥同用。皆無妨礙。妊娠胞肥。有瘦胎飲。乃因氣壅阻滯而設。設素稟怯弱者。誤服。令母氣耗難產。子亦氣弱難育。是取虛虛之禍也。黃宮繡曰。枳殼功專下氣開胸。利肺開胃。凡風寒食滯。熱積濕停。氣鬱而見咳嗽胸悶。便閉痰癆癥瘕。嘔逆水腫。脇痛瀉痢。痔腫腸風濕痺等症。皆能除之。吳世鎔曰。枳實形小氣全性烈。故善下達。如少年猛悍之將。勇往直前。一無回顧者也。枳殼形大氣散性緩。故其行遲。是以能入胸膈肺胃之分。及大腸也。有苦泄辛散之功。能引諸風藥入於肺胃。按枳殼寬大腸。以除結痢。祛痔痛。理腸風。佐白朮安胎。最爲神妙。抑其氣以行血。使胎前無滯。丹溪曰。枳實瀉痰。能衝牆倒壁。滑竅破氣之藥也。元素曰。心下痞。及宿食不消。並宜枳實黃連。東垣曰。以蜜炙用。則破水積以泄氣。除內熱。潔古用去脾經積血。脾無積血。則心下不痞也。好古曰。益氣則佐之。以人參白朮乾薑。破氣則佐之。以大黃牽牛芒硝。此本經所以言益氣。而復言消痞也。非白朮

不能去濕。非枳實不能除痞。故潔古枳實方九方。以調脾胃。張仲景治心下堅大如盤。水飲所作。用枳實白朮湯。腹即軟消。石頑曰。凡氣虛脾弱。致停食痞滿。治當補中益氣。則食自化。痞自散。若用枳殼枳實。是抱薪救火矣。按皮膚作癢。因積血滯於中。不能營養肌表。飲食不思。因脾氣鬱結。不能運化。枳實能治之。皆取其辛散苦瀉之力也。

【實驗】 味苦。因有殺菌作用。而能治痢及皮膚病。性寒。因有消炎及清理腸胃之作用。但枳殼能治胸口氣悶。通利胸膈一部份。其功效不能達於大小腸。故無通利大便之作用也。

【禁忌】 枳殼泄肺而能損至高之氣。肺虛氣弱者忌之。咳嗽不因於風寒入肺氣壅者。服之反能作劇。咳嗽由陰虛火炎者。服之立致危殆。枳實脹滿非實邪結於中下焦。挾熱下痢亦非燥糞留結者。不可用。傷食停積。多因脾胃虛。不能運化所致。慎勿輕餌。元氣壯實。有積滯者。始可用之。又胃腸虛弱性腹瀉。心臟虛弱性氣促。均忌。

【用量】 自八分至三錢。

【炮製】 陳者良。切片用。生熟各隨方法。

【配合】 枳殼。同蘇子、橘皮、桔梗、木香、白蔻、香附。治上焦壅氣脹滿。因於寒。同黃連、槐花、乾

葛、防風、荆芥、芍藥、黃芩、當歸、生地、地榆、側柏葉、治腸風下血。初起者神效。同荆芥、苦參、防風、蒼耳草、敗蒲、煎湯沐浴。治風疹作癢。同檳榔、芍藥、黃連、升麻、葛根、甘草、紅麴、滑石。治滯下裏急後重。得人參、麥冬。治氣虛大便不快。同肉桂。治右脇痛。枳實。同京三稜、蓬朮、青皮、檳榔。爲消磨堅積之劑。然須能食。脾胃健者宜之。同白朮、橘皮、厚朴、甘草、砂仁。爲枳實丸。治心下痞滿。因於食。同大黃、芒硝、厚朴。名大承氣湯。治胃腑大實滿。去芒硝。名小承氣湯。治胃腑實滿。

佛手（附）花

【品狀】果類。時珍曰。木似朱欒。葉尖長。枝間有刺。植之近水乃生。其實狀如人手。有指。俗呼爲佛手柑。皮如橙柚而厚。皺而光澤。其色如瓜。生綠熟黃。其核細。清香襲人。置之几案。可供玩賞。亦可作蜜煎果食。產閩、廣、浙各處。

【性味】味苦、辛酸。性溫。無毒。

【歸經】入肝、脾二經。爲理氣快膈、化痰消食之品。

【功效】理氣消痰。溫燥並兼。酸苦。腸中散逆。辛香直達肝脾。

【研究】佛手味苦辛酸，性溫燥，氣香，入肝脾，功專理氣快膈，惟肝脾氣滯者宜之。陰血不足者，亦嫌其燥耳。藏器曰：下氣，除心頭痰水。時珍曰：煮酒飲，治痰欬嗽，煎湯，治心下氣痛。汪昂曰：理上焦之氣而止嘔，進中焦之食而健脾，性雖中和，單用多用，亦損正氣，須與參朮並行，乃有相成之益爾。石頑曰：專破滯氣，今人治痢下後重，取陳年者用之，但痢久氣虛，非其所宜。花味苦酸，性平，氣香，能平肝理氣，開鬱和胃。

【禁忌】陰虛有火，及無氣滯者，勿用。

【用量】自八分至一錢五分，花同。

【炮製】佛手切片用，或用新鮮，或用陳久，各隨方法。

【配合】佛手實同淡附片、吳萸、胡索、五靈脂、蒲公英、當歸、香附、木香、川連、砂仁各一兩五錢。甘草五錢、沉香、公丁香各一兩，麝香五分，研末，用煨石決、煨瓦楞、路路通、旋覆花、新絳、烏藥各二兩，青葱管一把，煎濃汁法丸，每粒重一錢五分，辰砂爲衣，治肝逆犯胃，脘脇作痛，嘔吐酸水，食不得入，兼治酒膈濕鬱，有奇效。

香圓皮（附）橙

調氣之劑 佛手（附）花 香圓皮（附）橙

【品狀】果類。此橙之屬也。夏初開白花。六月成實。至冬黃熟。生者色青。可亂枳實。枳殼。橙樹似橘而葉大。其形圓。大於橘。而香皮厚而皺。八月熟。上兩種產江浙等省。

【性味】香圓皮。味苦辛。性平。氣香。無毒。

【歸經】入肺脾二經。爲寬中下氣。消痰導滯之品。

【功效】辛平。快氣寬中。能宣脾胃。香苦。消痰導滯。恐耗陰津。

【研究】香圓皮。苦辛平。入脾肺下氣消痰。寬中快膈。雖無橘皮之溫。而究屬香燥之品。陰虛血燥之人。仍當禁用耳。汪昂曰。解酒毒。治飲酒人口氣。去腸胃中惡氣。散憤懣之氣。療妊婦不思食。口淡。愈痰氣。欬嗽。石頑曰。破痰水。近世治欬嗽。氣壅用之。取陳者。除去穰核。庶無酸澀之患。橙。味酸性寒。鮮者殺魚蟹毒。和鹽貯食。止惡心。解酒毒。疔瘡寒熱。橙皮。味苦辛。性溫。消食下氣。化痰解酒。頗效。

【禁忌】香圓皮。橙皮。能去濁惡之氣。無滯而虛者。禁之。孕婦氣虛者。勿與。鮮橙酸寒。能滯邪氣。有病勿食。

【用量】香圓皮。自八分至一錢五分。橙皮。作食品。方藥少用。入藥用量。同香圓皮。

【炮製】 香圓去穰核，取皮用陳久者良，橙同。

【配合】 陳香圓一枚連穰，大核桃肉二枚連皮，砂仁二錢去膜，各煨存性爲散，治鼓脹，砂糖拌調，空腹頓服，服後水從臍出效。橙皮二斤切片，生薑五兩切焙，搗爛入炙甘草末一兩，檀香末一兩，和作小餅，每嚼一餅，沸湯入鹽送下，寬中快氣消酒甚妙。橙核炒研，酒服三錢，治閃挫腰痛。

金橘皮（附）枸橘 代代花 代代橘

【品狀】 果類。時珍曰：金橘，其樹似橘，不甚高大，五月開白花結實，秋冬黃熟，大者徑寸，小者如指頭，形長而皮堅，肌理細瑩，生則深綠，熟乃黃如金，石頑曰：金橘形如彈丸，金柑形如牛奶，性味相同，而圓者尤佳，枸橘樹葉與橘相似，但幹多刺，三月開白花，青蕊不香，結實大如彈丸，形如枳實而殼薄不香，代代亦屬橘類，開花色淡黃而香，結實形圓，生青熟黃，三種均產江浙等省。

【性味】 金橘味甘辛而酸，性平，氣香，無毒。

【歸經】 入肺、胃、肝、脾四經，爲快膈和中，解醒止渴之品。

【功效】 解醒止渴。辛甘可以醒脾。快膈和中。暢達頗能理氣。

【研究】 金橘皮甘酸而平。辛香不燥。可供果饌之需。用以解醒止渴頗佳。即食之亦能下氣快膈也。枸橘味苦辛。性溫。破氣散熱。用治胃脘結痛。小腸氣痛。翠丸脹痛。頗效。葉治下痢膿血後重。代代花味苦性平。氣香。理氣寬胸。開胃止嘔。代代橘功用與花相同。如肝胃鬱結。氣滯而痛者。用之疎氣止痛甚佳。

【禁忌】 陰虛有火及無氣滯者。三種皆勿用。

【用量】 金橘皮自八分至一錢五分。枸橘實同葉。自一錢至三錢。代代花自三分至一錢。亦有用六七朵作引者。代代橘自一錢至二錢。

【炮製】 金橘去穰核。取皮用。或用蜜煎。枸橘去穰核。切片用。代代花晒乾用。代代橘去穰核。切片用。

【配合】 金橘同白薤仁、生薑。治胃寒胸悶、泛酸嘔吐。枸橘煨末存性。酒服方寸匕。治胃脘結痛。又以醋浸熬膏。攤貼內傷諸痛。葉同草薺等分。炒存性研末。茶調服二錢。治下痢膿血後重。代代花同木香、香附。治肝脾寒濕阻遏。腹脹而痛。代代橘同佛手、砂仁、當歸、白芍、川芎。

治肝脾氣鬱血滯胸悶腹脹疼痛。

胡桃

【品狀】 生於山野之喬木。葉爲奇數羽狀複葉。由九個至十五個之小葉而成。其小葉有毛。邊緣有鋸齒。雌雄同株。核果徑大七八分。成卵形而硬。殼內胚子含油。可供食用。

【成分】 含有水分、蛋白質、脂肪、無窒素有機物、纖維等。

【性味】 味甘性溫。無毒。

【歸經】 入肺腎二經。兼入命門。爲溫補下焦。攝納元氣之品。

【功效】 補命門。潤腎燥。甘溫有攝納之權。斂肺部。保金家。喘欬起虛寒之疾。

【研究】 胡桃味甘性溫。入肺腎與命門。能溫補下焦。攝納元氣。其質潤。其皮澆。故能潤肺腎。澤肌黑髮。治虛寒喘嗽久不愈者。與補藥相並服之。性能制銅。胡桃與銅錢同食。卽成碎粉。凡誤吞銅物者。多食自化。又食酸齒齩者。細嚼胡桃卽解。此又物理之不可測者也。飛霞曰。破故紙屬火。能使心胞與命門之火相通。胡桃屬水。主潤血養血。血屬陰。陰惡燥。故油以潤之。佐破故紙。有水火相生之妙。故古有云。黃蘗無知母。破故紙無胡桃。猶水母之無蝦也。時珍曰。

補氣養血。潤燥化痰。益命門。利三焦。溫肺潤腸。治虛寒喘嗽。腰脚重痛。心腹痛。血痢腸風。散腫毒。發痘瘡。制銅毒。石頑曰。胡桃肉類三焦。而外皮水汁皆青黑。故能通命門。助相火。同錢細嚼。卽與銅俱化。與甘蔗同嚼。則蔗渣消融。其消肺燦肝可知。

【禁忌】 動風痰。助腎火。多食脫人眉毛。肺有熱痰。命門火熾。陰虛。吐衄等證。均忌用。

【用量】 自三錢至一兩。

【炮製】 入藥。去殼連皮用。

【配合】 同破故紙、杜仲、青鹽。名青娥丸。治腎虛腰痛。以其能補腎也。同人參。名應夢散。治肺寒喘嗽。以其能斂肺也。同生薑咀嚼。亦治寒痰喘嗽。用其甑燒冷黑。和松脂。敷癩癰有效。

又以連皮胡桃肉。同貝母、全蠍。枚數相等。蜜丸。治鼠瘻痰核。總取以通鬱結也。用胡桃肉二錢。大麥六分。茯苓、甘草、燈芯各三分。煎服。治淋病屢驗。其殼燒灰存性。治乳癰。取灰末二錢。酒調服之。未潰卽消。已潰卽斂。

蛤蚧

【品狀】 出廣南。首如蟾蜍。背綠色。斑點如錦紋。雄爲蛤。皮粗口大。身小尾粗。雌爲蚧。皮細口

尖身大尾小。雌雄相呼。屢日乃交。兩相抱負。捕者擊之。雖死不開。房術用之甚效。不論牝牡者。只可入雜藥。口含少許。奔走不喘者。其藥力在尾。

【性味】 味鹹性溫。有小毒。

【歸經】 入肺腎二經。爲補虛助陽。攝納元氣之品。

【功效】 補肺腎以納氣。歸元喘促頓平。仗尾力。性鹹溫而益精固下。虛勞並起。奏全功。

【研究】 蛤蚧味鹹性溫。有小毒。入肺腎二經。補虛勞。助陽道。能攝納元氣。下歸腎部。故肺虛咳嗽。腎虛喘逆者。皆可用之。其力在尾。然畢竟有毒之品。蟲虺之屬。雖有功效。亦無所取也。

時珍曰。昔人言補去弱。人參羊肉之屬。蛤蚧補肺氣。定喘止渴。功同人參。益陰血。助精扶羸。功同羊肉。石頑曰。蛤蚧味鹹歸腎經。性溫助命門。色白補肺氣。專取交合腎肺之氣。無以逾之。

【禁忌】 陰虛有火。陽事易舉者。忌用。

【用量】 用尾一對。約三分至五分。用身部自一錢至二錢。

【炮製】 凡使去頭足。洗去鱗目砂土。及肉毛酥炙。或蜜炙。或酒浸焙。其毒在眼。須去眼入藥。其力在尾。尾不全者不效。

【配合】 同阿膠、鹿角膠、生犀角、羚羊角各二錢半。用河水三升。銀石器內。文火熬至半升。濾汁。治久嗽不愈。肺積虛熱成癰。欬出膿血。曉夕不止。喉中氣塞。胸膈噎痛。時時仰臥細呷。日一服。蛤蚧一雄一雌。頭尾全者。用酒和蜜塗之。炙熟。同人參五錢。研爲末。化蠟四兩。和作六餅。治喘嗽面浮。并四肢浮者。每煮糯米薄粥一盞。投入一餅。攪化。細細熱呷之。

九香蟲

【品狀】 蟲類。大如小指頭。狀如水蠅。身青黑色。產於貴州永寧衛赤水河中。至冬伏於石下。土人取之。以供人用。至驚蟄後。卽飛出。不可用矣。

【性味】 味鹹性溫。無毒。

【歸經】 入脾胃二經。爲理氣滯。宣胸膈。溫腎壯陽之品。

【功效】 壯脾胃之元陽。鹹溫無毒。理胸膈之凝滯。氣血雙宣。

【研究】 九香蟲。鹹溫無毒。觀其以香命名。其蟲之香氣可知。故能理滯。宣胸膈。鹹能入腎。溫可壯陽。氣香歸脾。故爲脾胃之藥。蠕動氣香。鹹味之物。似又能流通血脈耳。石頑曰。九香蟲。治膈脘滯氣。脾胃虧損。壯元陽。

【禁忌】 陰虛有火，陽事易舉，及無氣滯者，勿用。

【用量】 自八分至一錢五分。

【炮製】 去足翅用。

【配合】 九香蟲一兩，同於朮五錢，杜仲八錢，陳皮四錢，車前子四錢，爲末，蜜丸，名烏龍丸，治肝胃脘脇，痰凝氣滯，痞悶脹疼。

鉛（附）鉛丹 鉛粉

【品狀】 金類，青黑色之鑛質，鉛丹爲黃赤色鮮澤之粉末，鉛粉爲白色無氣味之粉末，或易碎之凝塊。

【性味】 味甘鹹，性寒，有小毒，稟先天壬癸之氣，以生，降也，陰也。

【歸經】 入腎經，兼入肝經，爲墜痰下氣之品，大能平肝。

【功效】 味屬甘鹹，功歸肝腎，墜痰下氣，都因重鎮之功，明目烏鬚，卻稟寒涼之性。

【研究】 鉛爲五金之祖，其色黑，其味鹹，故有入腎重鎮之功，至降肺金，平肝木，大抵與金相仿。好古曰：鎮墜之劑，有反正之功，但性帶陰毒，不可多服，恐傷人心胃，鉛性又能入肉，故女

子以鉛珠紅耳。卽自穿孔。實女無竅者。以鉛作鋌。逐日紅之。久久自開。此皆昔人所未知者。石頑曰。鉛稟北方癸水之性。陰極之精。內通於腎。故黑錫丹。養正丹。皆用之。得汞交感。卽能治一切陰陽混淆。上盛下虛。氣升不降。噎膈反胃。嘔吐眩暈等疾。又槌成薄片。置燒酒中。半月許。結成白霜。取其酒徐徐飲之。降陰火最捷。但多服傷心腎。不可過度耳。黃宮繡曰。專主下降。力能入腎補水。凡一切水虧火熾。而見噎膈反胃。嘔吐眩暈。痰氣上逆等症。服此立能見效。但必煨製得宜。不令滲入膀胱。變生癰祕也。鉛丹卽黃丹。味辛鹹。性寒。體重。性沉。而走血分。能墜痰止瘡。治驚癇癩疾。除熱下氣。取其性重以鎮逆滿也。外敷消腫。拔毒生肌。殺蟲。外科膏藥。用之收膏甚良。鉛粉。色白。走氣分。內服能殺蟲。但陰毒之性。究非服食所宜。外治火傷皮膚。剝脫。能收斂。用以收熬膏貼瘡。頗佳。

【實驗】 鉛粉。醫治潰瘍。能收縮粘膜之分泌。減少化膿。且亦有直接滅菌之能。

【禁忌】 金石之藥。與人氣血無情。用須審慎。合病則用。否則禍不旋踵。

【用量】 生鉛自三錢至五錢。鉛灰減半。鉛丹。鉛粉。三錢至五錢。外用不等。

【炮製】 鉛灰。卽黑錫。凡用。取新鉛。鎔淨去渣。再鎔成液。同硫磺煨。如焰起。以醋洒之。候成黑

灰。研之不黏滯爲度。如煨不透。服之令人頭痛。以陰降太速。陽火無依故也。按鉛得硫氣則化。故用之與鉛同煨。鉛丹鉛粉。並宜研細水飛用。

【配合】 黑錫丹。見沉香條中。養正丹。黑錫、水銀、硫黃、朱砂等分同製。糯米糊爲小丸。治上盛下虛。氣不升降。淡鹽湯送下三十丸。鉛丹蜜調。貼太陽穴。治目暴痛。有效。

代赭石

【品狀】 石類。產於山西代縣。爲塊狀。或纖維狀。礦石。質硬。碎之則成赤褐色粉末。有一種表面作疣瘤狀者。謂之丁頭代赭。供藥用。

【成分】 由養化鐵及粘土而成。

【性味】 味苦性寒。無毒。稟地中之陰氣以生。降也。陰也。乾薑爲使。畏天雄附子。

【歸經】 入肝、心、胞二經。爲鎮虛逆。養陰血之品。肝經血分引經藥。二經血分藥。

【功效】 噫痞能除。用治虛邪重以鎮。心肝並入。堪清血分苦而寒。

【研究】 代赭石。出代郡山谷間。一云山上有赭。山下有鐵。故此石似有鐵形。其主治不過重以鎮虛。寒能除熱。色赤入營。爲手足厥陰之藥耳。石頑曰。本經治賊風蠱毒。女子赤沃漏下。

取其能收斂血氣也。仲景治傷寒吐下後，心下痞硬噎氣不除，旋覆代赭石湯，取重以降逆氣，滌痰涎也。觀本經所治，皆屬實邪，卽赤沃漏下，亦是肝心二經瘀滯之患，其治難產胞衣不下，及大人小兒驚氣入腹，取重以鎮之也。沈全齋曰：心肝二經怯，則氣浮，重所以鎮之；代赭之重以鎮虛逆，今人用旋覆花湯治噎膈頗效，取其能鎮逆養陰也。

【實驗】 近今醫家，多用之以作鎮靜劑與收斂劑。（甲）鎮靜劑能平氣逆，如心臟病氣逆症，可用之；慢性氣管炎之氣逆症，亦可用之。（乙）能平呃逆與噎氣。（丙）能鎮靜大腦精神，故本經主治鬼疰與殺精物惡鬼，收斂劑可治胃潰瘍、胃出血、慢性子宮膜粘炎，而有赤白帶下者，可用之。

【禁忌】 小兒慢驚，及陽虛陰痿，下部虛寒者，忌之，以其沉降而乏生發之功也。又有外感寒熱者，急性氣管炎，及熱病初起時，禁用。

【用量】 自三錢至一兩。

【炮製】 擊碎有乳形者，真火煨醋淬三次，研細水飛用。

【配合】 煨赭石、同牡丹皮、炮薑、髮灰、酒炒白芍、醋炒地榆、酒炒生地水煎服，治產後閃跌。

同硃砂、砒霜、麝香研末，香油調，治小兒瘡疾，取少許塗鼻尖及眉心四肢等處。

石鐘乳

【品狀】 生巖穴山洞中，石液凝結而成，中空相通，長者六七寸，如鵝翎管狀，色白滑潤，新綱目云，含有碳酸之水，透過石灰質之地層，溶解為碳酸石灰，此水自洞穴之上，滴瀝下垂，接觸空氣，放散溶存之碳酸瓦斯，而析出結晶性之中性碳酸石灰，凝結而為冰柱狀，中空如鵝翎，是名為鐘乳，又瀝下，再由下盤凝堆而上，則為石筍，亦稱石狀。

【成分】 為碳酸鈣， CaCO_3 。

【性味】 味甘性溫，稟石之氣而生，其性慄悍，得火則有大毒，蛇床為使，惡牡丹、畏紫石英、忌參朮、羊血、葱、蒜、胡荽，相感志云：服乳石，忌參朮，犯者多死。

【歸經】 入肺、胃、腎三經，為開胃進食、納氣鎮逆、溫肺壯陽之品，陽明氣分藥。

【功效】 上溫肺冷，下壯腎陽，質重性偏，補火強陰，通乳汁，味甘氣熱，陰寒治嗽，理虛勞。

【研究】 鐘乳石，稟陽剛之性，凡藥性之偏者，皆可用於暫而不可久，況石藥之氣悍哉，味者服之，頓覺陽氣倍充，飲食倍進，形體壯盛為慶，而不知暗損陰精，致成消渴癰疽之禍矣，凡肺

虛寒嗽久不愈者，用數分研細沖服，神效。又果樹上作穴，納鐘乳末少許封好，則子多而味美。其功概可想見矣。徐靈胎曰：此以形爲治，石爲土中之金，鐘乳石液所凝，乃金之液也，故其功專於補肺。以其下垂，故能下氣。以其中空，故能通竅。又肺朝百脈，肺氣利則無所不利矣。

石頑曰：鐘乳乃山靈陽氣所鍾，純陽通達，專走陽明氣分。本經主欬逆下氣，取其性溫而鎮墜之，則氣歸元而病自愈。五藏安則精自益，目自明。其通百節，利九竅，下乳汁者，皆取甘溫助陽色白利竅之力也。凡治肺氣虛寒，欬逆上氣，哮喘清痰，下虛脚弱，陰痿不起，大腸冷滯，精泄不禁等疾，功效無出其右。孔公孽，孔竅中通，附垂於石，如木之孽，卽鐘乳之床。本經利九竅，下乳汁之功，與鐘乳無異。而殷孽卽孔公孽之根，又爲瘡疽癩痔癥瘕，溫散結氣之用。惜乎世鮮知者。按今藥肆中鐘乳石，色灰白結塊，滴乳石，色潤白管長，鵝管石，色黃白，形如鵝管，中有孔紋，三種功效相同。然滴乳石價甚昂，外科生肌藥中多用之。鵝管石納氣之力甚強，故氣逆者輒用之。鐘乳石則供溫腎壯陽之用。

【實驗】此藥甘溫，能奮興交感神經，與滋養之作用。對於心臟虛弱之氣促，可用之。急性氣管炎之氣促，不甚相宜。至於肺炎症，絕對禁用。肺壞疽有時見效。

【禁忌】 石藥之氣悍，服之令陽氣暴充，形體壯盛，味者得此自慶，益肆淫泆，精氣暗損，石氣獨存，孤陽愈熾，久之榮衛不從，發爲淋濁，及爲癰疽，是果乳石之過歟。抑人自取耶。又有高熱者，患肺炎者，忌服。

【用量】 白一錢至五錢。

【炮製】 如鵝翎管子，鮮明光潤，瑩白中空，碎之如爪，甲光明者良。若質實色晦，不無蛇虺之毒，誤傷人。炮製法，以甘草紫背天葵同煮一伏時，杵粉，入鉢細研，水飛澄過，再研萬遍，磁器收貯，若不經炮製，服之令人淋。

【配合】 鐘乳末五錢，蠟三兩，化和，飯飯內蒸熟，搓丸，梧子大，治肺虛喘急，連綿不息，溫水下。一丸。用糯米煎湯，送服二錢，治吐血損肺。同甘草、漏蘆、通草、瓜蒌根，水煎服，治婦人肺胃虛寒，乳汁不通。銅綠三錢，鐘乳五分，研末，葱汁法丸，如綠豆大，每服十九，白湯送下，吐痰如湧泉。滴乳石，同牛黃、白蠟、象牙、珍珠、乳香、沒藥、樺皮炭、龜版炭、枯白礬、蚌、竹屑細研，治廣瘡結毒，爛壞鼻樑，及陰蝕陽物，敷之有神。

本草用法研究

第十三編 理血之劑

人身之中氣爲衛。血爲營。經曰。營者水穀之精也。調和五臟。流陳六腑。乃能入於脈也。生化於脾。總統於心。藏受於肝。宣佈於肺。施泄於腎。溉灌一身。目得之而能視。耳得之而能聽。手得之而能攝。掌得之而能握。足得之而能步。臟得之而能液。腑得之而能氣。出入升降。濡潤宣通。靡不由此也。飲食日滋。故能陽生陰長。取汁變化而赤爲血也。注之於脈。充則實。少則濇。生旺則諸經恃此長養。衰竭則百脈由此空虛。血盛則形盛。血弱則形衰。血者難成而易虧。可不謹養乎。陰氣一傷。諸變立至。妄行於上則吐衄。妄行於下則腸風。衰澗於內則虛勞。枯槁於外則消瘦。移熱於膀胱則溺血。陰虛陽搏則崩中。濕熱蒸瘰則血痢。火極似水則色黑。熱勝於陰發爲瘡瘍。濕滯於血則爲癰疹。凝滯於皮膚則爲冷痺。蓄血在上則善忘。蓄血在下則如狂。跌仆損傷則惡瘀內聚。此皆失於攝養。變爲諸病也。夫血以滋爲養。以行爲用。守爲順。溢爲逆。善理血者。枯者滋之。瘀者行之。逆者順之。熱者清之。寒者溫之。此其大法也。

當歸（附）油當歸

【品狀】 芳草類。山地多年生草。莖高二三尺。有強烈之香氣。葉爲羽狀複葉。質厚。色深綠。有光澤。互生。小葉爲卵狀披針形。有鋸齒。夏秋間開小白花五瓣。爲複繖形花序。根皮黃黑。肉白。二月八月採根陰乾。時珍曰。以秦歸頭圓尾多。色紫氣香肥潤者。名馬尾歸。最勝。他處頭大尾粗。色白堅枯者。爲鐮頭歸。止宜入發散藥。又云。川產者力剛而善攻。秦產者力弱而善補。

【成分】 主要素爲 Fumeno F₁，含有多量蔗糖。卽係當歸精。

【性味】 味甘辛微苦。性溫。無毒。得金土之氣。而上感天之陽氣。以生氣厚。味薄。可升可降。陽中微陰也。惡菌茹。濕麩。畏菖蒲。海藻。牡蒙。生薑。制雄黃。

【歸經】 入心肝脾三經。爲養血潤燥之品。血中氣藥。心經本藥。治諸病夜甚。

【功效】 引諸血各歸其經。甘苦辛溫香且潤。雖理血仍能調氣。心肝脾臟暢而和。能解表以溫中。可養營而止痛。下行破血。尾力爲強。補血守中。歸身獨得。調營血自然風滅。諸痺仗此以宣通。行臟腑旁及奇經。胎產須知能受益。

【研究】 當歸性味與川芎相近。而甘味爲多。不如川芎之走竄耗散。功專養血活血。能理血。

中之氣同補藥則補。同瀉藥則瀉。雖爲血病中之要藥。然總屬辛香走散。陰虛者仍宜禁之。腸滑者不宜用。雖能調經。婦人亦不可多服。易成淋帶等病。以其性滑耳。承曰。古方治產後惡血上沖。取效無急於此。凡氣血昏亂者。服之卽定。可以補虛。爲產後要藥。成無己曰。脈者血之府。諸血皆屬心。凡通脈者。必先補心益血。故仲景治手足厥寒。脈細欲絕者。用當歸之苦溫。以助心血。元素曰。其用有三。一。心經本藥。二。和血。三。治諸病夜甚。凡血受病。必須用之。血壅而不流。則痛。當歸之甘溫能和血。辛溫能散內寒。苦溫能助心散寒。使氣血各有所歸。好古曰。入手少陰。以其心生血也。入足太陰。以其脾裹血也。入足厥陰。以其肝藏血也。頭能破血。身能養血。尾能行血。全用。同人參黃芪。則補氣而生血。同牽牛大黃。則行氣而破血。從桂附茱萸。則熱從大黃芒硝則寒。俟使分定。用者須當知之。以酒蒸治頭痛及諸痛。以皆屬火。故以血藥主之。樸曰。治頭痛以酒漬。取其浮而上也。治心痛酒調服。取其濁而半沉半浮也。治小便出血用酒煎服。取其沉入下極也。又云。當歸血藥。本經如何治胸中欬逆上氣。按當歸辛散。乃血中氣藥也。蓋欬逆上氣。有陰虛陽無所附者。故用血藥補陰。則血和而氣降矣。韓悉曰。當歸主血分之病。凡血病宜酒制。有痰以薑制。導血歸源之理。血虛以人參石脂爲佐。血熱以生地

黃芩爲佐。不絕生化之源。血積配以大黃。要之血藥。不容合當歸。故四物湯以之爲君。芍藥爲臣。地黃爲佐。川芎爲使也。時珍曰。治頭痛。心腹諸痛。潤腸胃。筋骨皮膚。治癰疽。排膿止痛。和血補血。徐靈胎曰。當歸辛香而潤。香則走脾。潤則補血。故能透入中焦。榮氣之分。而爲補榮之聖藥。石頑曰。治衝脈爲病。逆氣裏急。帶脈爲病。腹痛。腰溶溶。若坐水中。凡衝任督帶病。皆不可少。惟泄瀉家禁用。汪昂曰。去瘀生新。溫中養營。活血舒筋。使氣各有所歸。故名。黃宮繡曰。脈爲血府。諸脈皆屬於心。心無血養。則脈不通。血無氣附。則血滯而不行。當歸氣味辛甘。既不虛其過散。復不虛其過緩。得其溫中之潤。陽中之陰。故能通心而生血。若血虛而氣不同。佐以參朮。血熱佐以芩連。血積佐以大黃。桃仁。營虛表不解。佐以柴葛。血虛熱不斂。佐以黃芪。使血虛能補。血滯能行。血枯能潤。血亂能撫。俾血與氣附。氣與血固。不致散亂無所歸耳。沈全齋曰。韓悉謂治痰以薑製。訥菴又謂當歸非治痰藥。薑製亦臆說。夫當歸固非治痰之品。然亦有陰虛痰盛。於治痰藥中。不得不用。當歸者。製之以薑。使陰既得所補。而補陰之中。又得藉之開竅。以治痰。韓說亦未盡非也。按當歸。性溫能散。味甘能緩。經曰。肝欲散。以辛散之。肝苦急。以甘緩之。緩之散之。肝性所喜。卽所爲補。故專入肝。以助血海。使血流行。各歸經絡。故名當

歸取其氣香體潤。同參朮用滋脾陰。如脾虛者。米拌炒用。使無便滑之虞。凡痰涎者。恐其粘膩。泄瀉者。恐其滑腸。嘔吐者。恐其泥膈。氣喘聲啞者。恐其辛溫。又心氣喜歛。肺氣欲收。皆屬不宜。按今藥肆中有一種油當歸。色黃油潤。中有圈心。味甘辛苦。性溫潤。氣香。能補血。散寒。止痛。滑腸。通大便。

【實驗】 此藥醫治月經困難。在胃中僅能促進胃液之分泌增多。至腸始漸被吸入血中。同時又能激腸之粘膜。使腸壁吸收力強大。本品入血中。其作用專在刺激血液中之氮化酵素。令血液之氮化迅速。細胞之新陳作用。亦隨之而增進。血壓亦較爲增高。同時卵巢亦能誘起充血之作用。又此藥味苦。有殺菌解毒之作用。甘有補虛之功效。而能治虛弱性之溫瘧。久瘧與慢性氣管炎。性溫。因有興奮性。能興奮卵巢之作用。而爲調經之特效藥。有解毒與興奮局部血液循環作用。並止痛作用。故能治瘡瘍。

【禁忌】 氣味辛溫。雖能活血補血。終是行走之性。故能滑腸。又其氣與胃氣不相宜。故腸胃薄弱。洩瀉溼薄。及一切脾胃病。惡食。不思食。不消食者。並禁用。即在產後胎前。亦當審慎用之。凡體溫高者。血壓高者。脈搏速者。禁用。急性瘧疾。急性氣管炎。急性胃加答兒。忌服。

【用量】 自一錢五分至五錢。

【炮製】 取裏白不油者良。切片用東垣曰：頭止血而上行，身養血而中守，梢破血而下流。發散酒炒。治吐血醋炒。

【配合】 同川芎、芍藥、地黃。名四物湯。主婦人血分百病。加炒黑乾薑、炒黑豆、澤蘭、牛膝、益母草、蒲黃。治婦人產後百病。同桂枝、蒼朮、菊花、牛膝。主痺。同牛膝、鼈甲、橘皮、生薑。治瘧在陰分。久不止。同棗仁、遠志、人參、茯神。治心血虛。不得眠。同黃芪、生地、熟地、黃芩、黃連、黃蘗。治盜汗。同荆芥、白芷、川芎、地黃。治破傷風。同續斷、牛膝、杜仲、地黃、鹿角、層桂。治一切折傷腕跌、挫閃作疼。同川芎、人參。治難產及倒生。同益母草、紅藍花、蒲黃、牛膝。治產後血上迫心。同鹿角膠、地黃、芍藥、續斷、杜仲。治婦人血閉無子。同地榆、金銀花、滑石、紅麴。治滯下純血。裏急後重。皇漢醫方。合檳榔、莪朮、青皮、白朮、香附、半夏、木香、甘草。治月經困難。

丹參（附）紫參

【品狀】 丹參。山野自生之草本。莖方。高二尺。葉爲奇數羽狀複葉。對生。秋開淡紫色。小唇形花。作總狀花蕊。根長及尺。皮丹肉紫。五月採根陰乾。產陝西等處。紫參生於深山陰地。葉卵形。

生於地下莖之頭端，具長柄，叢生，中間抽出托葉之花莖，頂開紅白六瓣之小花，連綴而為穗狀，根紫黑，橫生作連珠形，似地黃。六月採根晒乾，淮蜀等處皆產之。

【成分】丹參主要素爲司克特林，Scutellarin

【性味】丹參味苦微甘，性微寒，無毒，降也。陰中陽也。畏鹹水，忌醋。反藜蘆。紫參味微苦微辛，性寒，無毒，畏辛夷。

【歸經】丹參入心、肝、腎三經，爲去瘀生新之品。心與心胞血分藥。紫參入肝經，爲行血清血之品。

【功效】丹參功同四物，能祛瘀以生新，色合南離，善療風而散結，性平和而走血，須知兩達乎心肝，味甘苦以調經，不過專通於營分。紫參色紫入肝，氣寒散血，行瘀破積，皆因微苦微辛，治痢通經，卻又能通能降。

【研究】丹參雖有參名，但補血之力不足，活血之功有餘，爲理血之首藥，其所以療風痺，去結積者，亦血行風自滅，則積自行耳。紫參一名牡蒙，色紫形似丹參，用亦相近，但丹參性平有甘味，此則寒兼苦辛無甘味耳，故全無補益，止能入肝行血清血，凡血崩血痢以及癰腫諸

瘡胸腹積聚而有瘀熱者皆可用之。時珍曰：丹參破宿血生新血安生胎落死胎止崩中帶下調經脈其功大類四物湯。徐靈胎曰：此以色爲治也。赤走心心主血故丹參能走心以治血分之病。又辛散而潤澤故能通利而滌邪。石頑曰：本經丹參治心腹邪氣腸鳴幽幽如走水等疾皆瘀血內滯而化爲水之候。止煩滿益氣者瘀積去而煩滿愈正氣復也。時珍曰：紫參色紫黑氣味俱厚陰也沈也入足厥陰之經肝臟血分藥也故治諸血病及寒熱瘧痢癰腫積塊之屬。石頑曰：紫參市人罕識其真詳痢下腹痛皆胸中氣結之故每以紫菀代之雖氣味之寒溫不同疎利之性則一。黃宮繡曰：紫參味苦而辛氣寒無毒功專入肝逐瘀破血兼入胃腑膀胱使血自爲通利故凡寒熱血痢癰腫積塊心腹積聚因於血瘀阻滯而成者無不可以調治以其味苦則泄味辛入肝寒則勝熱也。按丹參色赤味苦與心相合專入心經蓋心惡熱如有邪熱則脈濁而不寧以此清潤之使心神常清心清則氣順氣順則沖和而血氣皆旺也取其微苦故能益陰氣味輕清故能走竅以此通利關節調養血脈主治心腹邪氣寒熱痲疾骨節腫痛四肢不遂經水不調胎氣不安血崩胎漏丹毒凝聚暴赤眼痛此皆血熱爲患用之清養其正而邪自去也古人以此一味代四物湯主調經胎產諸失血症大有奇功。

【實驗】丹參醫治萎黃病、臟燥症。入胃時，微有與胃酸起作用而助消化，至腸後始次第分解而被腸收吸。入血後，能促進血液之循環，使赤血球產生極盛，細胞之新陳代謝力亦同時增加。

【禁忌】丹參凡妊娠無故，大便不實者，忌用。長於行血，無瘀者勿用。外感性寒熱勿用。胃加答兒，胃出血，勿用。紫參忌同。

【用量】自一錢五分至三錢。紫參同。

【炮製】切片，酒炒用。紫參同。

【配合】丹參同人參、玄參、天冬、麥冬、柏子仁、當歸、生地、棗仁、遠志、茯神、桔梗爲末，蜜丸。辰砂爲衣。名補心丹。治思慮過度，心血虛耗，善驚少寐，忡怔健忘。同牛膝、地黃、黃耆、黃柏，則健步。同當歸、牛膝、細辛，則下死胎。同鼈甲、牡蠣、丹皮、青蒿、延胡索、牛膝、乾漆水，主寒熱積聚，破癥除瘕，心腹痼疾，結氣。同麥冬、沙參、五味子、甘草、青蒿、花粉，止煩滿。同人參、麥冬、棗仁、地黃，能益氣養血。同牛膝、草薢、木瓜、豬苓、杜仲、續斷、金腰脊、強脚痺，除風邪留熱。阜漢醫方。同麥冬、沙參、五味、青蒿、花粉、甘草，治臟燥症。合冬朮、生地、當歸、白芍、熟地、山藥、陳皮、茯苓，治痿

黃病。紫參同人參、阿膠等分爲末，烏梅湯服一錢，治吐血不止。同丹參、人參、苦參、沙參等分爲末，胡桃仁杵爲丸，茶送下，治面上酒刺。

紫草（附）紫草茸

【品狀】 生於山野中，亦有栽培於園圃，多年生草本，根皮深紫色，莖直立，高二尺，葉爲長卵形，面粗糙，互生，莖葉皆有小毛，花小，帶白，生於莖之上部，後結小圓微尖之果，冬採根乾貯之，爲紫色染料，野生者佳，產湖北等省。

【成分】 爲紫草紅。 $\text{Licospermum-rolin C}_{20}\text{H}_{30}\text{O}_{15}$ 希哥寧 $\text{Shikonin C}_{16}\text{H}_{16}\text{O}_8$

【性味】 紫草味甘鹹，性寒，無毒，稟天地陰寒清和之氣而生，可升可降，陰也。

【歸經】 入肝腎二經，兼入心胞絡經，爲活血涼血解毒之品，肝心胞血分藥。

【功效】 透肌涼血，甘寒鹹滑相兼，宣竅通腸，包絡肝經並入，若或痘瘡熱結，清心下導於二腸，即使毒滯瘀凝，解裏外鬆夫肌表。

【研究】 紫草味甘鹹而寒，入手足厥陰血分，涼血活血，通水道，利大腸，性極寒滑，故痘疹不出，由於血熱便閉者宜之，陽虛便溏者不可浪投，每年三月下子，九月子熟，有藤色紫，取苗用。

卽紫草茸也。故又能鬆肌解表。仲陽曰：此性寒，小兒脾氣實者可用。虛者反能作瀉。古方惟

用茸，取其初得陽氣，以類觸類，用發痘瘡故效。今人不達此理，概用之非也。士瀛曰：紫草治

痘，能導大便，使發出亦輕。得木香、白朮佐之，尤爲有益。時珍曰：其功長於涼血活血，利大小

腸，故痘瘡欲出未出，血熱毒盛，大便閉滿者宜用。已出而紫黑便閉者亦宜。若已出而紅活，及

白陷大便利者，切宜忌之。徐靈胎曰：紫草色紫而走心，心主血，又其性寒，故能治血家之熱。

石頑曰：紫草涼血，血涼則毒出。世俗誤以爲宣發之藥，非也。本經言治心腹邪氣，五癰者，乃

活血利竅之義。發痘卽活血利竅之大端也。黃宮繡曰：紫草甘鹹氣寒，色紫質滑，專入厥陰

血分而涼血。蓋血涼則九竅通，二便利，故凡血熱毒閉，而見心腹急痛、水腫不消，及五癰痘瘡

二便閉澀者，治當用此。俾血得寒而涼，得鹹而降，得滑而通，得紫而入，則熱毒解而血自清矣。

按紫草茸味苦性平，活血瀉熱，透癰疹，尤爲有力。

【實驗】 此藥有解毒之作用。天花之毒質在血中極濃厚時，而現紫黑者，可用之。

【禁忌】 痘瘡家氣虛、脾胃弱、洩瀉、不思食、小便清利者均忌。體溫低者、天花灰白色者禁用。

【用量】 白一錢至三錢。

【炮製】 色深紫而脆者良。淡紫質堅者曰紫梗。不入藥。雷公曰：凡使每一斤，用蠟二兩，溶水拌蒸之，待水乾，取去頭，并兩畔髭，細剉用，備要曰：凡使去頭鬚，必以酒洗用。

【配合】 同紅花、生地、甘草、貝母、丹皮濃煎，加生犀角汁，量兒大小，以四十九匙，至半盞爲度。治痘瘡深紅色，或紫，或黑，陷乾枯便秘，神效。若在一二朝內，稍有元氣，雖危可生。痘疔痘毒咸治之。惟痘毒須加黃芩、金銀花、牛蒡子。痘瘡夾癢疹者，加硬石膏、麥冬、知母、竹葉。一二劑卽去之。同瓜蒌仁，治癰疽便閉。同雄黃爲末，以胭脂汁調，治痘毒痘疔，以銀簪挑破，點之效。紫草根爲末，麻油調敷，治小兒頭瘡，濕瘡內攻，生紫草根水煎服。

茜草根（附）剪草

【品狀】 生於田野，十二月生，莖引數尺，莖方中空，有節，葉長卵形，每節五葉輪生，而青背綠，葉柄與莖皆有刺，下向。夏開小白花於梢頭節間，果實如球，黑色，賴山椒子，根紫赤色。八月採取，江浙等省均產之。

【成分】 爲阿里乍林 Alizarin $C_{14}H_8O_4$ ，與勃兒富林 Purpurin $C_{14}H_8O_5$ 。

【性味】 茜草，味辛苦鹹，性溫，無毒。稟土水之氣，兼得天令少陽之氣以生，可升可降，陽中陰。

也。畏鼠姑汁。制雄黃。忌鐵鉛。

【歸經】 入心、肝、腎、心包四經。爲去瘀行血之品。肝、心、胞、血分藥。

【功效】 質稟鹹溫。入肝破血。味兼苦辛。行滯通經。

【研究】 茜草。辛苦鹹溫。色赤。性燥。入心、肝、血分。長於破血行血。本經稱其治黃瘡。別錄言其治蠱毒。無不皆因瘀血而成。故又一名血見愁。卽此義也。時珍曰。茜根赤色而氣溫。味微酸而帶鹹。色赤入營。氣溫行滯。味酸入肝。而鹹走血。手足厥陰血分之藥也。專於行血活血。俗方治女子經水不通。以一兩酒煎服之。一日卽通。甚效。仲醇曰。本經言治疔。夫疔有五。此其爲治。蓋指著血發黃。而不專於濕熱者也。瘰者血病。行血軟堅。瘰自愈。剪草味苦性涼。無毒。得天地清寒至陰之氣以生。苦能殺蟲。寒能除熱。入心、肝二經。爲降火涼血清熱止血之品。主一切失血。元素曰。上部血。須用剪草、丹皮、天冬、麥冬。許叔微曰。此治勞瘵吐血損肺。及血妄行。沈全齋曰。茜草、剪草均爲治血藥。但茜草止血。又能行血。故既止吐衄崩尿。又消瘀通經。是惟能行故能止也。剪草但止血而不行血。故吐咯損肺。及妄行者皆治。二藥之用不同如此。【實驗】 服此藥後。則小便及婦人乳汁俱變紅色。終則骨亦變紅。以此用於諸骨病。有奇效。

【禁忌】 茜草病人雖見血證。若加泄瀉。飲食不進者。勿服。血虛發熱者忌用。無瘀滯者忌投。剪草禁忌同。

【用量】 茜草自一錢至三錢。剪草同。

【炮製】 茜草剪草均取根用。凡使洗淨。用銅刀切細。

【配合】 茜草。同地黃、麥冬、當歸、阿膠、茅根、童便。主吐血衄血。諸血熱妄行。溢出上竅。同牛膝、地黃、黃耆、地榆、芍藥、荆芥穗。治腸風下血。佐地榆。治橫痃魚口有神。同蠶蟲、乳香、沒藥、桂心、牛膝、地黃。治踈跌。剪草。用生蜜和爲膏。不犯鐵器。九蒸九晒。名神傳膏。治癩瘡。肺損吐血。及血妄行。同細辛、藁本等分煎水。熱嗽。治風蟲牙痛。

紅花（附）紅花子 西藏紅花 胭脂

【品狀】 隰草類。越年生草本。高五尺。葉互生。廣披針形。有銳鋸齒。略類薊葉。夏由梢頭。開頭狀花。蕊紅黃色。總苞如葉狀。由銳鋸齒之片成。採花曝乾用。產江浙等省。

【成分】 紅花含紅黃素之加蜜克酸 $C_{14}H_{16}O_4$ ，及黃色素等。

【性味】 紅花。味辛甘而苦。性溫。無毒。稟火土之氣而生。可升可降。陰中陽也。得酒良。

【歸經】 入心肝二經。爲破瘀活血之品。肝經血分藥。入心養血生新。多用破留血。少用養血。

【功效】 色赤而溫。心肝皆及。味甘且苦。辛散俱優。調血脈可去瘀生新。治折傷理胎前產後。

【研究】 紅花行散之品。專入心肝血分。破瘀活血。是其所長。至於消腫治風。理傷療產等法。亦在人之善用耳。其花開於盛夏。其味雖有辛甘。然畢竟苦溫。色赤爲心之正藥。少用和血。多用行血。治風者。亦凡花皆散。又血行風自滅也。汪穎曰。凡瘀行則血活。有熱結於中。暴吐紫黑血者。吐出爲好。吐未盡。加桃仁紅花行之。大抵鮮血宜止。瘀血宜行。時珍曰。血生於心胞。藏於肝。屬於衝任。紅花汁與之相類。故能行男子血脈。通女子經水。多則行。少則養也。石頑曰。活血解毒。散赤腫。產後血暈。及胎死腹中。並宜和童便服之。若過用使人血行不止。且性兼上行。不可不知。亦主蠱毒下血。按紅花善通利經脈。能瀉而又能補。若多用三四錢。則過於辛溫。使血走散。同蘇木逐瘀血。合肉桂通經閉。佐歸芎治遍身或胸腹血氣刺痛。此其行導而活血也。若少用七八分。取其味辛以疎肝氣。色赤以助血海。大補血虛。此其調暢而和血也。若止用二三分。取其色赤入心。以配心血。又借辛味解散心經邪火。全血調和。此其滋養而生血也。子功用與花同。輯要云。吞數顆。主瘡瘡不出。西藏紅花色絲紅紫潤澤。置水中有紅

絲下垂者爲真。味辛苦，性涼潤，養血功多，去瘀力少。綱目云：主心憂鬱積，氣悶不散，活血久服，令人心喜，又治驚悸。沈金鰲曰：能令人心喜，及治驚悸，皆由能養心血也。胭脂，卽紅花汁，或紫草汁，染帛而成，故功用與紅花紫草相仿。至於活血行血，血活則肌鬆，肌鬆則毒解，故也。耳疳瘡毒，無論內治外治，均可用之。能入心肝血分，甘平之性，無偏勝之弊。耳疳蝕爛，炙黑研末吹之，痘瘡肌肉結硬，用綿胭脂同紫草煎湯，乘熱頻將胭脂擦之，漸軟，卽能發出。又一種取落葵子汁和粉而成，可作面脂，不入藥用。

【實驗】 此藥醫治經閉，功效較鬱金爲強。在胃時，僅分解，至腸始被吸收，然半數仍由大便排出。由腸壁吸入血中，卽能增進血液氯化之功。同時又能令子宮粘膜之充血。

【禁忌】 血熱而溢者忌用。此爲行血之藥，中病卽止，不宜過用。

【用量】 自八分至一錢五分。

【炮製】 酒噴微焙用。

【配合】 一味以新汲水煎濃汁，和童便熱服，治熱病胎死腹中，及胞衣不下，產後血暈，無不立效。同延胡索、當歸、生地、牛膝、赤芍、益母草、川芎，或丸或煎，治經阻，少腹作痛，及結塊良。

子同生犀角、紫草、生地。治天行痘瘡，血熱有功。胭脂、紅花汁所造也。痘瘡初發時，以之抹眼。眶眼角，可免痘瘡入眼。同薄荷、金絲荷葉汁，入礬末少許，滴耳中，治聾耳。同冰片、珍珠、細末，治痘毒及痘疔，剔破，令人吮出惡血，入瘡眼中，良。皇漢醫方，同生地、牛膝、白芍、沙參、當歸、益母、川芎，治經閉。

大薊（附）小薊

【品狀】 大薊地下莖，白色紡錘狀，有鬚根，葉多刺而互生，縮皺而生毛。花爲淡紫筒狀，綱目云，大小薊皆相似，花如髮，但大薊生山谷，高三四尺，葉皺，小薊生平澤，高一尺許，葉不皺，以此爲異。九月採根，陰乾用。

【性味】 大薊根，味苦辛，性涼，無毒。稟土之沖氣，兼得天之陽氣以生，降也。陰也。葉同。小薊根，味苦，性涼，無毒，得土中沖陽之氣，兼得春氣以生，苗同。

【歸經】 兩薊入心肝二經，兼入小腸膀胱二經，爲破血消癰治淋之品。

【功效】 小薊破血行瘀，入心肝苦涼無毒，通淋治濁，走太陽分利有功。大薊則散力較優，消癰則功能爲勝。

【研究】小薊功專破血治淋。心與小腸膀胱之藥。大薊則略帶辛味。雖能消癰。僅因其散血之用。苦澀之性皆同。所用之根亦一。惟莖葉之大小有異耳。大小薊兩種。花葉皆相似。葉皆有刺。大薊生山谷高阜處。小薊生平澤低窪處。以此推想。則小薊之破血利水。勝於大薊矣。蘇恭曰。大小薊皆破血藥。但大薊兼療癰腫。而小薊專主血。不能消腫。丹溪曰。小薊治下焦之結熱血淋。石頑曰。大薊小薊皆能破血。大薊根主女子赤白沃下。止吐血鼻衄。涼而能行。行而帶補。兼療癰腫。小薊根專於破血。不能消腫。有破宿生新之功。吐血血崩之用。但其力微。只可退熱。不似大薊能破瘀散毒也。丹方治吐血不止。用小薊山查生地。一服即止。止中窩瀉。劫劑中之良法。近世醫師。咸用其花。總取散血之義。然其性下行。故脾胃虛弱。泄瀉少食者。忌用。【禁忌】其性下氣。故主崩衄。惟不利於胃弱泄瀉。及血虛極。脾胃弱。不思食之症。

【用量】自八分至一錢五分。

【炮製】洗淨切碎生用。或炒炭用。

【配合】大薊、小薊、絲綿、血餘、櫻柁、側柏、蓮房、茜草、蒲黃、丹皮等分炒黑存性。藕汁湯法丸治一切血症。大薊葉、得地榆、茜草、牛膝、金銀花。治腸癰腹癰少腹癰。得炒蒲黃、櫻皮灰。治崩

中下血。生取汁入酒童便。治療血作暈。跌撲損傷作痛。同鹽搗。醫惡瘡疥癬。

澤蘭（附）馬蘭

【品狀】綱目云。生水旁下濕處。二月宿根生苗成叢。紫莖素枝。赤節綠葉。葉對節生。有細齒。莖微方。節短而葉有毛。六月採陰乾。

【成分】揮發油。單寧酸。

【性味】味辛甘苦。性微溫。無毒。感土澤之氣。兼得春氣以生。降也。陰中陽也。防己爲使。

【歸經】入肝脾二經。爲消瘀行水之品。苦泄熱。甘和血。辛散鬱。香舒脾。散陰中之陽。

【功效】辛香無毒。甘苦微溫。行水消瘀。入肝脾而解散。除風逐濕。行經絡以分消。

【研究】澤蘭生澤旁。其葉如蘭而香。苦辛而溫。入肝脾二經。消瘀行水。以其溫而帶甘。故不傷正氣。婦人多用之。治血化爲水之證。尤爲入穀。治風者。亦血行風自滅耳。況兼味辛而爲藥者乎。時珍曰。佩蘭澤蘭。氣香而溫。味辛而散。陰中之陽。足太陰厥陰經藥也。脾喜芳香。肝宜辛散。脾氣舒。則三焦通利。而正氣和。肝鬱散。則營衛流行。而病邪解。佩蘭走氣道。澤蘭走血分。正如赤白茯苓芍藥補瀉皆不同也。徐靈胎曰。澤蘭生於水中。而芳香透達。節實莖虛。能於

人經絡受濕之處，分疎通利，無所隔礙，蓋其質陰而氣陽，故能行乎人身之陰，而發之於陽也。石頑曰：澤蘭入足太陰厥陰血分，專治產後血敗，流於腰股，拘攣疼痛，破宿血，消癥瘕，除水腫，身面四肢浮腫，本經主金瘡癰腫瘡膿，皆取散血之功，爲產科之要藥，更以芎歸童便佐之，功效勝於益母。馬蘭味辛性涼，無毒，赤莖者良，入陽明血分，與澤蘭功用相近，故能破宿生新，丹方治婦人淋濁痔漏有效，喉痺腫痛，以馬蘭根葉搗汁，入米醋滴鼻孔，或灌喉中，取痰自開，絞腸痧腹痛，以馬蘭細嚼嚙汁立安，水腫溺瀉，馬蘭一握，黑豆小麥各一撮，酒水煎服效，蛇傷，搗汁和醋擦之，皆取散血解毒也。

【實驗】 澤蘭醫治月經過多，在胃中微能阻止 Pepsin 之功用，入腸能激腸粘膜，使吸收力增加，并能減少粘膜之分泌，由腸壁而至血中，微能凝固血液，使進行緩慢，更能激子宮神經，使子宮四周之粘膜收縮，又此藥產後因惡露不清而發熱者常用之，能助惡露之排泄，蓋因有殺菌作用，與增加子宮肌之收縮力故也。

【禁忌】 澤蘭無瘀滯者勿用，又患貧血者，及習慣性便秘，均勿服。

【用量】 自一錢五分至三錢。

【炮製】 澤蘭取梗葉酒洗用。

【配合】 澤蘭得炒黑豆、炮乾薑、當歸、川芎、地黃、牛膝、益母草、赤芍、蒲黃、五靈脂。治產後惡露不盡、少腹作痛、寒月加桂、多火及內熱虛勞人。去桂并五靈脂。加人參、鼈甲、香附、麥冬、童便。治產後諸虛百病。肺熱者去人參。

地榆

【品狀】 山野宿根草。莖高四尺。羽狀複葉。似榆而長。初生佈地。故名。莖頂簇開紫白花。如土筆之穗。結子如棋。紫黑色。根外褐內黃。稍苦。二月八月採根曝乾。產桐柏、蕪州等處。

【性味】 味酸苦。性微寒。無毒。稟地中陰氣。兼得天之微陽。以生氣薄味厚。其體沉而降。陰中陽也。惡麥冬、伏丹砂、雄黃、硫黃。

【歸經】 入肝、腎、大腸三經。兼入胃經。爲專理下焦血證濕熱之品。

【功效】 酸苦入營陰。肝與大腸皆可及。沈寒涼血分。火同濕熱總堪除。且能散腫疏風。瘡疹常用。並可療崩治痢。痔漏多宜。

【研究】 地榆入肝涼血。是其本功。痔痢等證。雖由於大腸。然皆出於血分中之濕熱。地榆能

除血中之熱，熱除則濕自去耳。地榆非疏風藥，不過血熱則生風，血涼則風自息矣。至其治崩者，亦由血爲熱過而妄行所致，當炙黑用之。如因脾虛肝鬱，不因血熱者，不可用也。蘇頌曰：古者斷下多用之。蕭炳曰：同樗皮治赤白痢。寇氏曰：其性沉寒入下焦，熱血痢可用。若虛寒人水瀉白痢，未可輕使。士瀛曰：諸瘡痛者加地榆，癢者加黃芩，以其能散血熱也。時珍曰：地榆除下焦熱，治大小便血證，止血取上截切片炒用，其梢則能行血，不可不知。石頑曰：燒灰香油調敷火燙，乃借火氣引散血中之火毒耳。

【實驗】此藥味苦有殺菌作用，性寒有消炎與止血作用，有特效於子宮粘膜炎與出血，而腸出血、膀胱出血亦均可用之。

【禁忌】若氣虛下陷而崩帶，及久痢膿血，瘵晦不鮮者，禁用。性能傷胃，誤服多致口噤不食。性寒下行，凡脾胃虛寒作泄，白痢久而胃弱，胎產虛寒，泄瀉血崩，脾虛作泄，法並禁用。又體溫低者，脈搏遲緩者，舌苔淡白者，皆忌用。

【用量】自二錢至五錢。

【炮製】去梢，酒拌炒黑用。

【配合】 得金銀花等分炒黑佐芍藥甘草枳殼黃連烏梅治血痢如熱在心經下痢純鮮血加磨犀角汁神效。

益母草（附）茺蔚子

【品狀】 多生於原野。夏抽莖高二三尺。方莖有縱溝。每節對生長柄。葉深裂三。各葉片有深缺刻。似烏頭葉。莖頂葉似艾。夏中葉間輪生淡紫唇形花。一花結四子。名茺蔚子。此草夏枯死。故亦有夏枯草之名。四月採之。產江浙等省。

【性味】 味辛苦。性微寒。無毒。稟地中陽氣。兼感上天春夏之氣而生。可升可降。陽也。制硫黃、砒石、雌黃。

【歸經】 入肝心胞二經。爲去瘀生新之品。二經血分藥。胎前調經要藥。兼能解毒行水消腫。茺蔚子補而能行。辛散而兼潤。

【功效】 入肝行血。辛苦微寒。消水逐風。敷圍散腫。花能外散。兼行表。子則行中帶補陰。

【研究】 益母草。消瘀化水。是其所長。以產母必有瘀濁停留。此物能消之化之。邪去則母受益。故有益母之名。凡花皆散。故可兼表。凡子皆潤。而帶甘味。故可兼補。然一本之物。總不越消。

水行血進退而已。無瘀滯者，不宜用之。其子名茺蔚子。本經首言能明目。雖云行中有補，止可用於肝血瘀滯及血漲腫神之證。若無瘀滯而欲其補益，則未必耳。祛風者，亦血行風自滅之意也。東垣曰：益母草之根莖花葉子皆用。若治肝心胞血分風熱，明目益精，調女人經血，則單用茺蔚子爲良。若治腫瘡毒瘍者，消水行血，婦人胎產諸病，則並用爲良。蓋根莖花葉專於行，而子則行中有補也。丹溪曰：茺蔚子活血行氣，有補陰之功，故名益母。凡胎前產後，所恃者氣血也。胎前無滯，產後無虛，以其行中有補也。石頑曰：益母草之所謂補者，是散其瘀而營血受蔭，非補養血氣之謂。丹方以益母之嫩葉陰乾，拌童便陳酒，九蒸九曬，入四物湯料爲丸，治產後諸證，但功專行血，故崩漏下血，若脾胃不實，大腸不固者，勿用。爲其性下行也。近世治番痧腹痛嘔逆，用以濃煎，少加生蜜，放溫恣飲，有效。取其能散惡血也。其子能明目，功專益精利水，水虧而瞳收小者，宜之。若火盛瞳子散大者，切忌。爲其辛散，能助火邪也。白花者，主產後腹痛。今人治白帶，用一味爲末，服之大效。按益母草味微苦，略辛，入肝清熱，疏散，專治胎前產後諸證，故名益母。凡胎前氣易滯，故惡阻而胎不安，產後血易凝，故血暈而腹痛。以此活血行氣，而不推蕩，使氣血流通，以除凝滯，大有益於陰分，故云有補陰之功。此非濡潤之物。

僅可通散不可滋補用之疏滯氣卽所以養真氣用之行瘀血卽所以生新血耳。

【禁忌】 性善行走能行血通經血崩者禁用。種子散大禁用。惟熱血欲貫瞳神者與涼血同

用則不忘。又患內障者水腫不由於靜脈鬱血而由於虛弱性者腹瀉者均忌用。子葉禁忌同。

【用量】 白一錢五分至三錢。子葉同。

【炮製】 子微炒香蒸熟烈日曝燥。柞去殼用。葉莖生用。

【配合】 午月五日採紫花益母草搗汁分貯磁器各少許晒乾別取和密封固。加入參、琥珀、乳香、沒藥、血竭、沉香、丹砂、五靈脂能催生及胞衣不下神效。兼產後血量瘀血薄心惡露不行腹痛少腹兒枕骨痛調經治血閉經阻經行作痛。單用和童便服能下死胎及治熱入血室發熱煩躁類傷寒。君四物湯杜仲、阿膠、續斷爲丸安胎止痛。得生地、白芍、麥冬、枇杷葉、青蒿子、五味子、阿膠治血熱經行先期及胎漏下血。同生甘草、蒼耳草、金銀花、紫花地丁各一握。貝母、牛蒡子、白芷、殭蠶、白芨、白蘞、生甘草、連翹、生地各三錢。熬夏枯草汁和藥同煎濃頓飲之。消一切疔腫發背及無名腫毒。

蒲黃

理血之劑 蒲黃

五八九

【品狀】 生於池沼之宿根草。長四五尺。闊九分許。厚而柔軟。有平行脈。秋取之爲蒲席。夏抽圓莖於頂上。開花成長穗。如蠟燭。謂之蒲穗。花粉黃褐。卽蒲黃。處處有之。產秦州者良。

【性味】 味甘性涼。無毒。得地之陰氣。兼得金之辛味。以生。可升。可降。陽中陰也。

【歸經】 入心、肝、脾三經。爲涼血活血。散結除熱之品。

【功效】 破瘀涼血。生用可行。熟可止。味甘性冷。損傷能散。腫能消。入心肝以達脾。通經脈而治痛。

【研究】 蒲黃卽香蒲花之心也。色黃氣香。入心肝脾三經血分。其性甘涼。故能涼血散血。取凡花皆散之意。凡一切血分瘀滯之病。皆可用之。但輕香走散之品。似乎上焦病爲尤宜。炒黑則能止血。以紅見黑則止。水勝火也。時珍曰。蒲黃手足厥陰血分藥也。故能治血治痛。生則能行。熟則能止。與五靈脂同用。能治一切心腹諸痛。石頑曰。與五靈脂同用。名失笑散。能破瘀積。消癰腫。去產婦兒枕痛。然胃氣虛者。入口必吐。下咽則利。以五靈脂性味濁惡也。宋度宗一夜忽舌脹滿口。用蒲黃乾薑末乾摻而愈。以蒲黃之涼血活血。乾薑之引火外散。深得逆從兼濟之妙用。然舌根脹痛。亦有屬陰虛火旺者。誤用之。轉傷津液。每致燥滿愈甚。不可不審。

黃宮繡曰。生用治瘀血停滯。腫毒積塊。跌仆損傷。炒黑用。治吐血。下血。血尿。血痢。然惟實症。可建奇功。若內傷不足之血症。非所宜矣。按蒲黃色。黃氣香。專入脾經。若諸失血久者。炒用之。以助補脾之藥。攝血歸源。使不妄行。又取體輕行滯。味甘和血。上治吐衄咯血。下治腸紅崩漏。

【禁忌】 一切勞傷發熱。陰虛內熱。無瘀血者。勿用。

【用量】 自一錢五分至三錢。

【炮製】 生用性滑。破血消腫。炒黑性濇。止血。入煎劑絹包。

【配合】 得炒黑乾薑、炒黑豆、澤蘭、當歸、川芎、牛膝、生地。治產後諸血病。同車前子、牛膝、生地、麥冬。治溺血。同阿膠、鹿角膠、人參、麥冬、赤茯苓、車前子、杜仲、續斷。治血崩血淋。生納舌下。數數易之。消重舌。生煮濃汁。和童便飲。治一切跌撲傷損。瘀血停滯腹中。和涼血行血等藥。治癥結。五勞七傷。停積瘀血。胸前痛。即發吐衄者。

白芨

【品狀】 多年生草本。庭園多栽之。葉爲廣披針。平行脈。互生。夏抽花梗二尺。梢頭開不整齊之花。根黃白如扁螺。中含粘液頗多。九月採取。

【性味】 味苦辛甘澇。性微寒。無毒。得季秋之氣。兼稟金水之性。以生。降也。陽中陰也。紫石英爲使。畏李核杏仁。反烏頭。

【歸經】 入肺經。爲補肺逐瘀生新之品。

【功效】 清金治嗽。苦辛甘澇。性平寒。止血生肌。散結斂瘡。質膩滑。

【研究】 白芨。色白。味甘苦兼辛。氣平微寒。性滑。有汁極粘膩。得秋金之令。而主收斂。專入肺家血分。故止血止嗽。生肌治瘡。皆取用之。然必虛而有熱者。乃爲相宜耳。白芨雖稟秋金收斂之性。而仍具苦泄辛散之意。與白薇相近。故每相需而用。但非治病緊要之品耳。思邈曰。肺損者復能生之。丹溪曰。凡吐血不止。宜加白芨以止之。時珍曰。試血法。吐在水碗內。浮者肺血也。沉者肝血也。半沉半浮者心血也。各隨所見。以羊肺肝心煮熟。蘸白芨末。日日食之。徐靈胎曰。此以質爲治。白芨氣味沖淡和平。而體質滑潤。又極黏膩。入於筋骨之中。能和柔滋養。與正氣相調。則微邪自退也。

【禁忌】 癰疽已潰。不宜同苦寒藥用。

【用量】 自五分至一錢五分。

【炮製】 取根洗淨切片生用或炒炭用。

【配合】 得白薇、黃藥子、加冰片、麝香、乳香、沒藥、治一切癰疽腫毒、止痛散結排膿、有神。獨用爲細末、米飲調服三錢、治肺損吐血奇效、或用酒調服二錢、治打跌骨折、其功不減於自然。銅或用油調敷湯火傷灼、同煨石膏等分爲細末、摻治刀傷及收口、研細末、唾津調和、治鼻衄不止、塗兩眼之間、山根之上、並水服一錢立止。

敗醬

【品狀】 生於山野多年生草本、高五尺、羽狀複葉、對生、夏秋間、莖頂開花、複聚繖花蕊、小黃花、花瓣五、若揉而嗅之、有敗醬氣、故名、八月採根曝乾、產江東等處。

【性味】 味辛苦鹹、性微寒、無毒。

【歸經】 入大腸、胃、心胞、肝、四經、爲行瘀散熱之品。

【功效】 排膿消腫、腸癰藉辛苦之功、達胃行肝、瘀熱仗鹹寒之力。

【研究】 敗醬辛苦鹹、微寒、一名苦菜、葉如芥、其色青紫、能入血分、散血中瘀留結熱、入手足陽明厥陰、金匱用之治腸癰、亦取其排膿破血之意、石頑曰、金匱薏苡附子敗醬散、治腸癰。

固結未潰。故取薏苡下達。敗醬苦降。附子開結。而爲熱因熱用之嚮導。若膿成熱毒勢脹。不可用也。婦人下部疽蝕方中。亦恆用之。

【實驗】此藥。近今醫家罕用之。其功效特別行於身體之下部。有解毒敗膿之作用。故可用於紅腫之瘡毒初起時。

【禁忌】外感惡寒發熱。及腹瀉者。忌用。

【用量】自一錢五分至三錢。

【炮製】取根用甘草水洗。切碎用。

【配合】同當歸、續斷、芍藥、川芎、竹茹、地黃。治產後惡露。同當歸、川芎、芍藥、桂心。治產後腹痛。

馬鞭草（附）馬蘭花 子 馬齒莧

【品狀】原野自生。莖方。高二三尺。羽狀複葉。有鋸齒。對生。夏秋間。開紫色小唇形花。排爲穗狀。似鞭鞘。故名。根白色。類貝母。江淮州郡皆產之。

【性味】味苦性寒。伏丹砂、硫黃。

【歸經】 入肝胃二經。爲破血殺蟲之品。

【功效】 肝胃兩相宜。破血通淋消腫脹。苦寒偏稟劣。殺蟲散熱愈癰疽。

【研究】 馬鞭草苦寒能入肝胃。長於破血殺蟲。至利濕通淋一語。亦旁及之耳。不過觀其主治各證。皆在下部。故有此言也。石頑曰。馬鞭草色赤入肝經血分。故治婦人血氣腹脹。月經不勻。通經散瘀。治金瘡。行血活血。生搗汁飲。治喉痺癰腫。又搗治下部隱瘡。及蠅螻尿。男子陰腫。惟陰血虛而胃弱者勿服。馬蘭花色黃。花瓣長細。味鹹酸苦。性微涼。能消癰疽。治喉痺。通利二便。馬蘭子色灰黑。角形。味甘淡。性涼平。能療傷。消癰疽。除煩滿。利大小便。醋拌炒療疔。

馬齒莧色赤。乾者形如細茶葉。新本草曰。自生於庭園田地之雜草也。莖葉皆爲多肉質。臥地而分多數之枝。葉成楔狀長橢形。夏開黃花於枝梢。無梗。常朝開而晝閉。味酸微辛微苦。性寒質滑。入肝與大腸。專能行血滑竅利大腸。雖有內服諸法。然長於外治。故以之敷癰散腫。爲尤貴耳。石頑曰。馬齒莧功專散血消腫。故能治血瘤。及多年惡瘡。搗敷不過二三遍即愈。解馬汗射工毒。塗之瘰癧。燒灰和梳垢封疔瘡。先灸後封之。其根即出。不可同鼈食。令成鼈瘻。

【禁忌】 馬鞭草血虛者忌用。馬蘭花與子便溏者忌用。馬齒莧寒濕泄瀉者忌用。

【用量】馬鞭草馬蘭花自八分至一錢五分。馬蘭子自一錢五分至三錢。馬齒莧自一錢至二錢。

【炮製】馬鞭草馬齒莧均生用。馬蘭子與花生用或炒用。

【配合】馬鞭草同白芷治酒積下血。同生薑治乳癰腫痛。馬蘭花同茴香葶藶子酒煎服。治小便不通。馬蘭子同乾薑黃連治水痢。馬齒莧水煎一碗和鹽醋空腹食之。下腹中白蟲。同青黛搗塗婦人臍下生瘡連及二陰。打汁調石灰末祛濕癬白禿。同板藍根搗塗丹毒。

劉寄奴（附）落得打

【品狀】隰草類。多年生草。莖直上高三四尺。葉羽狀深裂。成五六片。尖銳有鋸齒。秋日莖上分生數枝。開頭狀花。色黃。類紫菀花。花罷有白絮。子細長。六月七月採苗及花子通用。產漢中滁州等處。

【性味】劉寄奴味苦辛。性微溫。無毒。

【歸經】入肝脾二經。爲破血行瘀下氣之品。通行走散。專入血分。

【功效】破血行瘀兼逐水。辛苦微溫。和傷消腫並調經。肝脾兩達。

【仲究】劉寄奴苦辛微溫入肝脾兩經專主破血下氣以及血化爲水而成腫脹者皆可服之。金瘡折跌敷服皆可。仲醇曰昔人謂爲金瘡要藥。又治產後餘疾下血止痛者。正以其下血迅速故也。落得打葉小色青梗細色黃味酸苦性平療跌打損傷金瘡出血去瘀活血其功效與劉寄奴相似。

【禁忌】劉寄奴通行走散血分之性。凡病人氣血虛脾胃弱易作泄者勿服。又多服令人吐痢。落得打禁忌同。

【用量】自一錢五分至三錢兩種同。

【炮製】消腫均生用。行血酒炒。止血醋炒。兩種同。

【配合】劉寄奴同骨碎補延胡索水煎加童便治折傷瘀血。研末空心茶清調服。治大小便血。紅酒煎服治血氣脹滿。同臘茶烏梅水煎服治大便血。同地龍甘草治小兒夜啼。

王不留行

【品狀】隰草類。越年生草。莖高二尺許。葉形如箭簇對生。脚抱莖無柄。春夏開淡紅五瓣花。成聚繖花蕊。萼形爲圓卵。瓣端有凹形結實如燈籠草。子殼有五稜。內含一子大如豆。熟則黑。

酷似鳳仙花種子。花形似鐸。或呼金鐘草。性走而不住。雖有王命。不能留其行。故名。三月收苗。五月收子。根苗花子並通用。產江浙等省。

【性味】 味苦甘辛。性平。無毒。稟土金火之氣而生。降也。陰中陽也。

【歸經】 入肝胃二經。爲行血之品。陽明衝任之藥。走血分。通血脈。

【功效】 入陽明而達血。苦且辛平。通乳汁以行肝。走而不守。痺風淋痛。內服均除。癰疽金瘡。外敷並效。

【研究】 王不留行。多生麥田中。卽俗名翹搖子。苦甘辛平。專入陽明血分。行血活血。是其所長。故能治風痺乳癰。金瘡等證。用之外治。亦取其散血之功耳。且能兼入肝經。以肝爲藏血之地。故治經閉赤濁等證。總之。此藥皆以滑利見長也。元素曰。王不留行。下乳引導用之。取其利血脈也。仲醇曰。苦能洩。辛能散。甘入血。溫能行。故爲入血活血之要藥。若夫心煩鼻衄。是血分熱病。非同涼血藥用。未見其可也。石頑曰。利小便。出竹木刺。與瞿麥同功。

【禁忌】 其性走而不守。凡失血後。崩漏家。孕婦。並忌服。

【用量】 自一錢五分至三錢。

【炮製】 近世但用其子生研包煎。

【配合】 同漏蘆、貝母、穿山甲、青皮、沒藥、山茨菇、山豆根、天花粉、治乳癰乳巖。同穿山甲、白芷、通草、豬蹄汁煮服。下乳。爲末和蟾酥治疔瘡。酒服取汗。

紫葳花

【品狀】 卽凌霄花。野生。蔓繞數尺。得木而上。卽高數丈。年久者藤大如杯。春初生枝。一枝數葉。尖長有齒。深青色。自夏至秋開花。一枝十餘朵。大如牽牛花。而頭開五瓣。赭黃色。有細點。秋深更赤。綱目云。處處皆有。生山中。人家園圃亦或栽之。

【性味】 味甘酸而鹹。性寒。無毒。畏鹵鹹。

【歸經】 入心胞肝二經。爲涼血去瘀之品。

【功效】 入心肝涼散行瘀。能去血中伏火。走營分酸鹹無毒。並療血熱生風。

【研究】 紫葳花。甘酸而鹹。性寒色紫。手足厥陰血分藥也。功專涼血。故能去血中之伏火。凡婦人產乳餘疾。癥瘕血閉。寒熱等證。由於血熱者。皆治之。又凡花皆散。故治血中之風。與夫血熱生風等症。

【禁忌】 其功長於破血消瘀。凡婦人血氣虛者。一概勿施。胎前產後。斷不宜用。又不可近鼻。聞之傷腦。

【用量】 自一錢五分至三錢。

【炮製】 生用。或酒炒用。

【配合】 同當歸、紅花、川芎、牛膝、地黃、延胡索、桃仁、蘇子、五靈脂。治壯實婦人經閉。

參三七 毫三七

【品狀】 山草類。又名山漆。莖高三尺。有赤稜。葉大分裂若羽。似薊葉無茸毛。柔軟平滑。面綠背紫。秋間梢頭開黃花。排列頭狀。類薊花。乾則吐絮。根有黃色團塊。似白芨。長者似乾地黃。有節。味似人參。試以末摻豬血。血化爲水者。乃真也。用之合金瘡。如漆粘物。故名。產滇桂等省。

【性味】 味苦微甘。性溫。無毒。

【歸經】 入肝胃二經。爲散瘀定痛之品。二經血分藥。金瘡杖術聖藥。

【功效】 散血可和傷。入胃行肝。廣產野生。種類不一。行瘀並止痛。外敷內服。苦多甘少。性偏

溫。

【研究】 參三七，苦甘而溫，功專散血。一切內服外敷之用，皆取其散血之功。陽明厥陰，爲多血之經，故入之。近時人家所種者，其類甚多，皆不及廣產者良。廣產者苦多甘少，其形如參，故謂之參三七。有節者，謂之竹節三七。力遜，無瘀者勿用。時珍曰：此藥近時始出，南人軍中用爲金刀箭瘡要藥，止血散血定痛，爲末摻之，吐血衄血，崩中下血，血痢，產後惡血不下，並宜服之。凡杖撲傷損，瘀血淋漓者，隨卽嚼爛卷之，青腫者卽消。若受杖時，先服一二錢，則血不衝心。杖後尤宜服之。此陽明厥陰之藥，故能治一切血病。獨用研服尤良。取其專力也。一種庭砌棧植者，以苗搗敷腫毒卽消，亦取散血之意。毫三七，色黃白，如骨節，苦香，能療傷活血，強筋骨。

【禁忌】 能損新血，血脫無瘀者勿用。

【用量】 五分至一錢五分。

【炮製】 切片煎服，或研末沖服。

【配合】 同紅花、當歸、白芍、陳皮、桃仁、陳酒清水各半煎服。治跌打損傷，瘀血凝滯，胸腹筋骨脹痛。一味醋磨，塗癰腫卽散。

荆三稜

【品狀】 香草類。多年生草。沼澤多產之。莖呈三稜。葉細尖。質堅。爲三縱列而互生。莖頂之葉間。簇生多數小穗。深褐色。約三朵至八朵。集爲一叢。莖中有白稜。剖之。纖維柔軟如藤。其苗下卽魁。初生成塊。如附子大。二月八月採之。產荊襄等處。故名荊三稜。

【性味】 味苦性平。無毒。得火土之氣以生。降多於升。陰中陽也。

【歸經】 入肝經。兼入脾經。爲散血行氣消積之品。肝經血分藥。破血中之氣。

【功效】 味苦平。用以入肝。能磨積攻堅。善破血中之氣。性尅削。偏於傷正。雖消癥化癖。還防病裏之虛。

【研究】 三稜。肝經血分藥也。專於破血。而能行血中之氣。故每與莪朮相輔而行。其根形如鯽。有稜。出荊楚地。故名。性苦平。無毒。破血積癥。瘕等證。功與莪朮相似。而微有別耳。元素曰。三稜色白。屬金。破血中之氣。肝經血分藥也。三稜莪朮。治積塊瘕硬者。乃堅者削之也。時珍曰。三稜能破氣散血結。故能治諸病。其功可近於香附。而力峻。故難久服。石頑曰。通肝經積血。治瘡腫堅硬。下乳汁。主寒癖結塊。破產後惡血。血結腹痛。通月水墮胎。以其力峻。古人有難久服之說。按潔古云。三稜能瀉真氣。虛者勿服。東垣破積諸方。皆與人參贊助。如專用尅削。

脾胃愈虛不能運行其積亢逆益甚矣。吳世鑑曰：從血藥則治血，從氣藥則治氣，所以能治一切凝結停滯，有形堅積之證也。

【禁忌】 潔古曰：三稜能瀉真氣，真氣虛者忌用。蓋化積必藉氣運，專用剋伐，脾胃虛，氣愈不運，安得去？須輔以健脾補氣之藥。東垣五積方皆有人參，意可知已。若一味剋削，真氣瀉傷，故積不去，新積接至矣。

【用量】 自八分至三錢。

【炮製】 取根，色黃體重，若鯽魚而小，切片，色黃白，映之有小紅點者良。醋浸炒用。

【配合】 同莪朮、青皮、香附、延胡索、肉桂、牡蠣、龍甲、人參、消一切堅癥、老癥、積聚。同青皮、紅花、當歸、川芎、生地、芍藥、桂心、牛膝、延胡索、五靈脂，治產後一切惡血停滯、留結及月水凝結不通，少腹作痛不可按。同橘皮、青皮、砂仁、紅麴、山查、麥芽、人參、肉豆蔻、黃連，消一切食積，并氣壅塞不通。

莪朮

【品狀】 芳草類，產於山野，春生苗，自宿根抽莖，高二三尺，與葉俱類薑黃，夏初開黃花成穗。

與鬱金花相似。根有圓形，連綴如鷄子。中含澱粉，味同樟腦而微苦。九月採取，削去粗皮，蒸熟曝乾，用。產我國之南部各省。

【成分】 含有淡黃色濃稠揮發油、樹脂、澱粉等。

【性味】 味辛苦，性溫，無毒。感夏末秋初之氣，而得土金之味，以生、降也。陽中陰也。得酒醋良。

【歸經】 入肝經。爲行氣破血消積之品。肝經血分藥。通肝經聚血。破氣中血。

【功效】 辛苦入肝脾。破氣行瘀磨積聚。溫香疏臟腑。除痰散滯。逐寒凝。

【研究】 莪莖，肝經氣分藥也。能破氣中之血。辛苦而溫，性剛猛，善剋削。攻一切瘀癥積聚。血凝氣滯等證。每每與三稜並用。或嫌其峻厲，當以醋炒用之。好古曰：莪莖色黑，破氣中之血。入氣藥。發諸香。又爲肝經血分藥。時珍曰：鬱金入心，專治血分之病。薑黃入脾，兼治血中之氣。莪莖入肝，治氣中之血。稍爲不同。石頑曰：入肝破血，治婦人血氣結積痛。痰癥冷氣。跌撲損痛下血。及內損惡血。通肝經聚血。蓋此藥專破氣中之血也。

【禁忌】 此藥行氣破血散結。是其所長。若氣血兩虛，脾胃素弱，而無積滯者，用之，反損真氣。使食愈不消，而脾胃益弱。卽有血氣凝結，飲食積滯，當與健脾胃補益元氣藥同用，乃無損。

耳。石頑曰：菘菹誠爲磨積之藥。但虛人得之，積不去而真已竭，更可虞也。須得參朮健運，補中寓瀉，乃得力耳。

【用量】 自一錢至三錢。

【炮製】 取根切片用。入肝經藥醋炒。入心脾藥麩裏煨熟。入四物湯調經。羊血或鷄血拌炒。又酒磨行氣醋磨破血。

【配合】 得人參、橋皮、縮砂、三稜、肉豆蔻、青皮、麥芽、穀芽、木香。消一切飲食停滯積聚。及小兒癥癖頗良。

延胡索

【品狀】 多年生草本。自生於山野陰濕之地。立春後生苗。葉如竹葉。三月長三寸高。後莖高六寸。花爲不齊整紫花。有距數朵相綴。爲總狀花序。根叢生如芋子。又如半夏而色黃。立夏掘起。產安東等處。

【成分】 爲普羅托品。Psotopin 及勃爾薄浦寧。Bulbocaprin

【性味】 味辛苦。性溫。無毒。稟初夏之氣。而兼得金之辛味。以生。可升。可降。陰中陽也。

【歸經】入肝經。兼入肺、脾、腎、心、胞四經。爲利氣活血以止痛之品。總治氣血凝結之病。

【功效】行血中之氣滯。質屬溫香。使氣順而血調。味兼辛苦。入胃。搜除瘀冷痛。達肝。通治婦人經。

【研究】延胡索。辛苦而溫。色黃氣香。其形堅實。肝家血分藥也。能行血活血。而又能理氣。中氣滯。故一切氣血阻滯作痛者。皆可用之。若病不因氣血阻滯。而涉虛者。不宜用。此藥本屬肝經血分之藥。而能治胃痛者。以肝邪瘀滯。乘胃而作痛也。好古曰。治心氣小腹痛。有神奇。李珣曰。散氣。治腎氣通經絡。時珍曰。味苦微辛。氣溫。入手足太陰厥陰四經。能行血中氣滯。氣中血滯。故專治一身上下諸痛。用之。中的妙不可言。凡胃脘當心痛。下痢腹痛。氣凝血滯。遍身作痛。肢節拘攣。服之。皆奇效。石頑曰。延胡索。色黃入脾胃。能活血止痛。治小便溺血。得五靈脂。同入肝臟。散血破滯。炮炙論曰。心痛欲死。急覓延胡。以其能散胃脘氣血滯痛也。蓋當歸芍藥。調腹中血虛痛。延胡五靈。治胸腹血滯痛。與當歸桂心。治一身上下諸痛。及經癸不調。產後血病。往往獨行多功。雜他藥中便緩。按延胡索。味苦能降。辛利竅。色黃入脾。蓋脾主統血。管理一身上下血中氣滯。氣中血滯。用醋炒。治胸膈胃氣痛。小腹肝氣痛。酒拌炒。治經水不

調崩中淋瀝。產後惡露。生用。凡血凝滯者。悉可療治。

【禁忌】 延胡走而不守。惟有瘀滯者宜之。若經事先期。虛而崩漏。產後血虛而暈。咸非所宜。故一切血熱爲病忌之。若崩中淋瀝。皆應補氣血。涼血清熱則愈。辛走之藥。法所禁用。

【用量】 自一錢五分至三錢。

【炮製】 取根搗碎。用酒拌行血。醋炒止血。生用破血。炒用調血。又上部酒炒。中部醋炒。下部鹽水炒。

【配合】 同當歸、生地、牛膝、益母草、童便。主產後血量有神。得四物湯、鹿角膠、牛膝、香附。主婦人經阻少腹作痛。或結塊。單用爲末。豬胰一具。切作塊子。炙熟。蘸末頻食。治膜外氣疹。及氣塊。同金鈴子肉等分爲末。溫酒或滾湯下二錢。治熱厥心痛。或發或止。久不愈。身熱足寒者。

紫荊皮

【品狀】 栽培於庭園間。落葉灌木。高至丈餘。皮滑。用指搔其皮。則全樹動搖。故名畏癢花。葉圓心臟形而尖。有光澤。互生。春月先生葉。節節攢簇。生花。花爲蝶形。花冠紅紫色。果爲莢。扁平。

長二十闊四分。

【性味】 皮味苦性寒。內稟天地清寒之性。外感南方初陽之氣而生。

【歸經】 入心胞肝二經。爲泄熱散結破瘀之品。

【功效】 活血行氣。消腫解毒。通小腸。治五淋。

【研究】 紫荊味苦氣寒。色赤。性降火。手足厥陰血分藥。寒勝熱。苦走骨。紫入營。故能活血消腫。利小便而解毒也。張璐曰。能破宿血。下五淋。通小腸。解諸毒。治傷寒赤膈黃耳。爲杖瘡必

用之藥。

【禁忌】 內無瘀滯。外無腫毒。勿用。

【用量】 自一錢至三錢。

【炮製】 取皮洗淨。入煎劑。切碎生用。外敷研末用。

【配合】 紫荊皮獨活各三兩。赤芍藥一兩。白蠟一兩。皆炒。生白朮一兩。爲末。用葱湯調。敷一切癰疽。發背流疽。諸腫毒瘡。不甚熱者。酒調之。痛甚者。加乳香。單用爲末。酒調。敷發背。初生。

一切癰疽。內服柞木飲子。方爲柞木皮（卽鑿子柄木）乾荷蒂。乾葦草根。甘草節。地榆各

一錢。水煎。早晚各一服。未成即消。已成即乾。

山茶花

【品狀】 灌木類。時珍曰。山茶產南方。樹生高者丈許。枝幹交加。葉頗似茶葉。而厚硬有稜。中間頭尖。而綠背淡。深冬開花。紅瓣黃蕊。

【性味】 味甘微苦。性寒。無毒。得一陽之氣而生。

【歸經】 入心肝二經。爲破瘀涼血之品。

【功效】 色赤入營。涼血分。味甘微苦散瘀邪。

【研究】 山茶花。其花開於冬月。故性寒。其色赤。故入血。凡花皆散。故能涼血散血。可知。觀其能治吐血衄血腸風下血等證。概可想見也。石頑曰。山茶色紅味苦。開於青陽初動之時。得肝木之氣而生心火。肝藏血。心主血。故吐血衄血下血爲要藥。生用則能破宿生新。入童便炒黑。則能止血。其功不減鬱金。眞血家之良藥也。

【禁忌】 中寒而無瘀者。忌用。

【用量】 自一錢五分至三錢。

【炮製】 生用破瘀，炒用止血。

【配合】 同地骨皮、生地黃、淮牛膝、川貝母，治肝肺蘊熱，絡損溢血。研末，麻油調塗湯火灼傷。

側柏葉（附）卷柏

【品狀】 一名扁柏，爲常綠樹，葉作小鱗狀，酷似檜葉，花爲單性，雌雄兩蕊，生於同一株，果實作倒卵圓形，大四五分，內有黃白之仁，如麥粒大，產密州者佳。四時各依方面採葉陰乾，卷柏多年生羊齒植物，葉小如鱗，四時青翠，遇日則內卷，受濕則向外開張，故名。綱目云：今關陝及沂兗諸州產之，叢生石上，細葉似柏，卷攣如鷄足，俗名萬年松。五月七月採取陰乾。

【成分】 側柏葉含有揮發油、樹脂、單寧酸等。

【性味】 側柏葉味甘苦澁，性寒，無毒。感秋令得金氣之全而生，可升可降，陰也。瓜子、肉桂、牡蠣爲之使，畏菊花、羊蹄、諸石、伏砒硝，宜酒。

【歸經】 側柏葉入肺、肝、大腸三經，爲涼血消瘀勝濕之品，養陰滋肺而燥土，最清血分。

【功效】 涼血消瘀，能入肺通肝，芳香且燥，宣風勝濕，可除崩止痢，甘苦而寒，治臟毒之難痊。

醫腸風而易愈。

【研究】側柏葉萬木皆向陽而柏獨西指蓋稟西方之氣而有貞德者也。入藥惟取葉扁而側生者良。甘苦而寒。芳香而燥。入肝肺大腸血分。涼血燥濕。是其本功。故凡一切吐血衄血。痢血崩腸風。臟毒等證。血中有濕熱瘀結者。皆可用之。金能制木。治風辟邪。又其餘事耳。丹溪曰。柏屬陰與金善守。故採其葉。隨月建方。取其多得月令之氣。此補陰之要藥。其性多燥。久得之大益脾土。以滋其肺。張璐曰。柏葉性寒而燥。大能伐胃。雖有止衄之功。而無陽生之力。故亡血虛家。不宜擅服。然配合之力。功過懸殊。如金匱柏葉湯。同薑艾治吐血不止。當無止慮矣。若濟急方。同黃連治小便血。聖濟總錄。同芍藥治月水不斷。縱藉酒之辛溫。以行苦寒之勞。但酒力易過。苦寒長留。每致減食作瀉。瘀積不散。是豈柏葉之過歟。汪昂曰。丹溪以爲補陰要藥。然終屬苦寒燥濕之品。惟血分有濕熱者。以此清之爲宜。若真陰虛者。非所宜也。黃宮繡曰。氣味與血分無情。不過仗金氣以制木。借炒黑以止血耳。但塗湯火傷損。生肌殺蟲。炙罨凍瘡。甚佳。按側柏葉。氣清香。味苦澀。主養肝膽。大能斂心。其體潤性涼。亦能滋肺。又得陰氣最厚。不特治上下諸失血妄行。如遺精白濁。尿管澀痛。屬陰脫者。同牛膝治之甚效。卷柏生

用辛平。破血通經。治癥瘕淋結。炙用辛溫。止血。治腸風脫肛。

【實驗】側柏葉入胃中略能促進胃分泌。同時又能防止其過量之發酵。入腸能增加腸之斂性。至血中稍有收縮血管凝固血球之功。

【禁忌】無血症者勿用。兩種同。

【用量】自一錢五分至三錢。兩種同。

【炮製】破血生用。止血炒黑用。兩種同。

【配合】柏葉爲末。米飲調服。治憂恚吐血。頰滿少氣。脇中疼痛。同榴花研末。吹鼻衄不止。單用燒研。米飲服二錢。治大腸下血。取嫩者。九蒸九曬。二兩。陳槐花炒焦。一兩爲末。蜜丸。梧子大。空心溫酒下。四十九丸。治酒毒下血。卷柏同黃芪等分爲末。治臟毒下血。皇漢醫方。同連翹。忍冬。桔梗。生地。丹皮。梔子炭。甘草。治鼻衄。

乾漆

【品狀】喬木類。產於湘鄂皖浙等省。葉爲羽狀複葉。花小色黃。爲圓錐花蕊。實小。扁圓平滑。皮內有黏汁。乾之名乾漆。

【成分】 爲水漆酸 $C_{14}H_{18}O_2$ 膠質、蛋白質等。

【性味】 味辛苦鹹。性溫。有毒。稟火金之氣而生。氣味俱厚。陽中陰也。半夏爲使。畏川椒、紫蘇、鷄子、蟹、忘油脂。

【歸經】 入肝脾二經。爲破血散瘀。消積殺蟲之品。

【功效】 破血消瘀。能續絕和傷。通行肝絡。辛溫有毒。除痺風寒濕。善殺蟲瘡。

【研究】 漆乃樹之津液。乾漆者。卽漆店中桶內所結之漆也。辛苦鹹溫。有大毒。觀其能爛人肌膚。或生漆瘡。可知本經稱其能續絕傷。安五臟。久服輕身延年等語。蓋蕩滌邪滯。則臟腑安。猶除暴卽所以安良。總之。乾漆乃破血化積之品。殺蟲尤其餘事耳。元素曰。削年深堅結之積滯。破日久凝結之瘀血。丹溪曰。漆屬金。有水與火。性急而兼補。用爲去積滯之藥。中節則積滯去後。補性內行。人不知也。時珍曰。漆性毒而殺蟲。降而行血。所主諸證雖繁。其功只在二者而已。徐靈胎曰。此以質爲治。漆樹脂也。凡草木之脂最韌而不朽者。莫如漆。人身中非氣非血。而能充養筋骨者。皆脂膏也。氣血皆有補法。而脂膏獨無補法。則以樹之脂膏力最厚者。補之。而脂膏之中。凡風寒濕熱之邪。留而不去者。得其氣以相助。亦并能驅而除之也。張

璵曰。乾漆灰。辛溫。性善下降而破血。故消腫殺蟲。通月閉。皆取去惡血之用。而本經治絕傷補中。是取其破宿生新之力也。蓋胃中有瘀積留滯。則陽氣竭絕。不能敷佈中外。故臟腑筋骨髓腦。皆失營養。乃致健運失常。肢體緩縱。用以鏟除瘀積。中氣得復。絕傷皆續。而緩急和矣。產後血暈。以舊漆器燒烟薰之。卽醒。蓋亦取下血之義。而破經絡中血滯。用真漆塗鮫鯉甲煨入藥。破血最捷。凡畏漆者。嚼椒塗口鼻。免生漆瘡。誤中其毒。以生蟹搗汁。或紫蘇解之。黃宮繡曰。人感風寒暑濕。鬱而爲病。則中外不舒。胃中有物。留滯不消。久而生蟲。血積不化。結而爲瘀。由是陽氣耗竭。津液枯槁。癱瘓風痺。因之不免。非用此辛溫毒烈之品。推蕩消散。則病不能除也。

【禁忌】 訥菴曰。血見乾漆化爲水。其能損新血。可知。虛人及慣生大瘡者。戒之。勿爲丹溪兼補之說所誤。無血積者。切忌。以大傷營血。損胃氣。故胃虛人服之。往往作嘔。凡經閉由於血虛。而非有瘀血結塊阻塞者。切勿輕餌。

【用量】 自八分至一錢五分。

【炮製】 炒令烟盡。否則損人腸胃。今人多用漆渣爲丸。必凝結如磚者佳。時珍曰。入藥當用

黑漆。

【配合】 同壁蟲、桃仁、當歸、紅花、蘇木、丹皮、五靈脂、延胡索、牛膝、治瘀血腹中作痛、或產後感寒、惡露未盡、結成痞塊、作痛者、加乾薑、澤蘭、同棟根、鶴虱、檳榔、錫灰、薏苡根、烏梅、龍膽草、能殺腸胃一切諸蟲、同牛膝、丹皮、續斷、赤芍、桃仁、乳香、沒藥、紅花、延胡索、鼈甲、治女子月閉、因於瘀血、臍腹作痛、畏寒、如不發熱、不口渴者、可加桂、同麥芽等分爲末、新瓦罐相間鋪滿、鹽泥固劑、煨赤、放冷研散、每服一二錢、熱酒下、治產後青腫疼痛、及血氣水疾、同豨薟葉、生地、天冬、半枝蓮、何首烏、胡麻、荊芥、苦參、可療紫雲瘋、入仲景大黃蟄蟲丸、治五勞極虛、羸瘦腹滿、不能飲食、內有乾血、肌膚甲錯、

桃仁（附）桃花 桃葉 癭桃乾

【品狀】 果樹類、樹高四五尺、葉互生、作披針形、春開五瓣花、藥用概取白花蕾、結實生碧熟、紅核中仁扁平、形如杏仁、產江浙等省、

【成分】 桃仁含糖原質（アミクタリン）青酸（ベンツアルデヒット）

【性味】 桃仁味苦甘、性平、無毒、稟火土之氣、以生氣薄味厚、沉而降、陰中陽也、香附爲使、

【歸經】 入肝經、兼入肺大腸二經、爲破血潤燥之品、肝經血分藥、苦能洩血滯、甘能緩肝氣、

而生新血。

【功效】 破瘀留於肝絡。味苦兼甘。通燥結於肺腸。性平且潤。可辟八方之鬼魅。乃緣五木之精英。

【研究】 桃仁味苦兼甘。性平而潤。專入肝經。兼入肺與大腸。破血潤燥。殺蟲者。蟲因血裏而生也。祛風者。血行風自滅也。至其能治肝癆。鬼疰。疼痛等證。均爲肝病。血結顯然。辟鬼除邪之說。自古相傳。故桃符、桃枝、桃梟、桃核之類。皆有所取也。欲散連皮尖。欲降去皮尖。均研用。東垣曰。桃仁苦重於甘。氣薄味厚。沉而降。陰中之陽。手足厥陰經血分藥也。苦以泄滯血。甘以生新血。故破凝血者用之。其功有四。治熱入血室一也。泄腹中滯血二也。除皮膚血熱燥癢三也。行皮膚凝滯之血四也。成無己曰。肝者血之源。血聚則肝氣燥。肝苦急。急食甘以緩之。桃仁之甘。以緩肝散血。故張仲景抵當湯用之。以治傷寒八九日。內有蓄血。發熱如狂。小腹滿痛。小便自利者。又有當汗失汗。熱毒深入。吐血及血結胸。煩躁譫語者。亦以此湯主之。與水蛭、蟅蟲、大黃同功。時珍曰。主血滯風痺。產後血病。徐靈胎曰。凡血鬱血結之疾。不能調和暢達者。桃仁能入於其中而和之散之。然其生血之功少而去瘀之功多者何也。蓋桃仁本非血類。故

不能有所補益。若瘀癥已敗之血，非生氣不能流通。桃之生氣皆在於仁，而味苦又能開洩，故能逐舊而不傷新也。石頑曰：桃仁入心胞肝二經，破血之功多，爲治血瘀血閉之專藥。其治瘀積、癥瘕、經閉、痞母、心腹痛、大腸祕結，亦取散肝經之血結耳。黃宮繡曰：跌打損傷積血，心下宿血堅痛，皆爲厥陰受病。桃仁爲手足厥陰血分藥，故並能治之。又婦人陰痿、杵爛、綿裏塞之陰腫，搗敷。按桃仁味苦能瀉血熱，體潤能滋腸燥。若連皮研碎多用，藉其赤色以走肝經，主破蓄血。逐月水及遍身疼痛，四肢木痺，左半身不遂，左足痛甚者，以其舒經活血行血，有去瘀生新之功。若去皮搗爛少用，取其純白，以入大腸，治血枯便祕，血燥便難，以其濡潤和血涼血，有開結通滯之力。桃花味苦性平，下宿水，除痰飲，消積聚，利二便，療風狂。實驗曰：治積滯破石淋，下瀉與大黃同功。療禿瘡，研末敷。桃葉成分含阿密格答林，味苦性平，能發汗，去瘡中小蟲，搗爛塗之，採嫩者尤佳。治傳屍，有水灸法。方用桃葉一斗，艾葉、厚朴各二兩，分二囊盛置，以火酒數斤煮沸，更迭煮藥，熨患人背脊，酒盡爲度，不過三次，瘡蟲永絕。藕桃乾、甘酸平，卽桃梟，又名桃奴，生津止汗，治勞欬，養胃除煩。治小兒虛汗，婦人妊娠下血，破伏梁結氣，止邪瘧，燒烟薰痔瘡，燒黑油調，治小兒頭上肥瘡、軟癬。

【實驗】 桃仁味苦，有殺菌作用，味甘有滋養性，性平，對於呼吸器官有鎮靜作用，而能平氣止咳，可治上氣喘息、咳嗽等症，並有利大便作用，及偏風不遂可用之。蓋因能去栓塞，而治腦血管栓塞性之半身不遂也。又此為破血藥，其主要作用為通經，故近今醫家常川之以通經。

【禁忌】 桃仁散而不收，瀉而無補，過用或不當，能使血下不止，損傷真陰，故凡經閉由於血枯，產後腹痛由於血虛，大便閉滯，由於津液不足者，均忌。

【用量】 桃仁自一錢五分至三錢，桃花、桃葉、桃乾同。

【炮製】 桃仁和血去皮尖生用，破血連皮尖炒用，同乾漆拌炒，大破宿血，雙仁者有毒，勿用。

桃葉三月三日採花，揀淨，以絹袋盛，懸簷下陰乾，千葉勿用，桃梟乃桃子在樹經冬不落者，正月採之。

【配合】 桃仁同大黃、芒硝、甘草、桂枝，治傷寒外證不解，熱結膀胱，小腹脹滿，畜血急痛，同水蛭、蠱蟲、大黃，治傷寒畜血下焦發狂，同當歸、白芍、熟地、天冬、麥冬、花粉、紅花，治內燥，津液枯少，同葶藶、米仁、生草、冬瓜子，治肺癰，桃花同半夏、陳皮、白朮、甘草、生薑，治痰飲，桃葉同鼠糞，治小兒傷寒，桃梟同霜梅、糯稻根，治小兒虛汗不止，同黑丑為末，治白禿頭瘡，臘

豬脂調敷

乳香（附）楓香脂

【品狀】 香木類。產於紅海沿岸木本。高二丈。葉羽狀複葉。小葉有鋸齒。花小白。色或淡赤。由莖浸出之樹脂。已凝者稱乳香。

【成分】 由揮發油七%。樹脂五至五五%。膠質三〇至三五%。

【性味】 乳香味苦辛。性溫。無毒。得木氣而兼火化以生。氣厚味薄。可升可降。陽也。

【歸經】 入心脾二經。兼入肝經。爲活血伸筋之品。香竄歸心。苦溫歸肺。辛溫能通十二經。

【功效】 和營定痛。活絡舒筋。香竄入心。辛溫兼苦。

【研究】 乳香苦辛性溫。其香潤之質。能入心脾營分。和營舒筋。活血定痛。內用外用。其理一也。石頑曰。乳香香竄。能入心經。活血定痛。故爲癰疽瘡瘍要藥。諸痛癢瘡。皆屬心火也。產科諸方多用之。亦取其活血調血之功耳。凡人筋不伸者。薰洗敷藥。宜加乳香。其性能伸筋也。初菴曰。其治癲狂者。以能去風散瘀故也。又曰。託裏護心者。乳香微瘡孔內。能使毒氣外出。不致內攻也。生肌止痛者。活血調氣之功耳。蓋血活則肌生。氣調則痛止也。沈金鰲曰。赤白痢

腹痛不止者，加入乳香無不效。黃宮繡曰：乳香活血調氣，有推陳致新之妙，故治癰腫折傷及心腹諸痛之要藥。楓香脂一名白膠香，色白微黃，能亂乳香，功亦相近，含有馬斯知克酸九十分，瑪斯知涅十分，味苦辛，性平無毒，活血解毒，止痛生肌，爲外科透毒要藥。金瘡筋斷一味爲末敷之，千金治咳唾膿血，取其開發肺氣也。血熱生風，齒頰腫痛，爲末擦之，燒過揩牙，永無牙疾。

【實驗】乳香醫治創口痛，偏墜，入胃後與胃液起作用，而被分解，至十二指腸，開始吸收，次第入血中，使血液流動增速，腦部神經被激而奮興，全身精神十分振興，思想亦感快樂。

【禁忌】乳香癰疽已潰勿服，膿多勿敷，胃弱勿用，楓香同。

【用量】自八分至一錢五分，兩種同。

【炮製】乳香如乳頭明透者良，以酒研如泥，水飛曬乾，或箬上焙去油，同燈心研碎，楓香以齋水煮二十沸，入冷水中，揉扯數十次，曬乾用。

【配合】乳香同紫花地丁、白芨、白蘞、金銀花、夏枯草、白芷、連翹、貝母、甘菊、穿山甲、沒藥，治一切癰疽疔腫。同續斷、牛膝、當歸、紅麴、丹皮、沒藥、地黃、川芎，治內傷胸脇作痛。同沒藥、五靈

脂、牛膝、澤蘭、黑豆、蒲黃、延胡索、丹皮、山查。治產後兒枕作痛。入一切膏藥。能消毒止痛。同葱白搗敷。玉莖作腫。皇漢醫方。同當歸、白朮、沒藥、白芷、肉桂、甘草。治創口痛。打撲痛不可忍者。爲末溫酒調下。佐金銀花、地黃、蒼朮、桃仁、防風、牛膝、羌活、威靈仙、茯苓、甘草。治偏墜。楓香同瀝青各一兩。麻油黃蠟各二錢。溶化入冷水中。扯千遍。名水沉金絲膏。攤貼一切惡瘡。同輕粉等分。豬脂和塗諸瘡不合。同香爐內灰和勻。每日揩擦。年久牙疼。

沒藥

【品狀】 香木類。產於亞拉伯南部。亞比亞北部。枝條交互開展。有尖刺。其葉凡三。並側葉二。俱甚小。倒卵形。末端反純全緣。叢生枝上。花小。萼與花冠各四片。結核果。莖中所滲出之乳液。乾之爲沒藥。色黃或褐或帶紅。內部現白色。破成小片。透映。香烈味苦。奇辣。嚼之則粘齒。

【成分】 含樹脂三〇至四〇%。護膜四〇至六〇%。揮發油二至四%。

【性味】 味苦辛。性平。無毒。稟金水之氣。以生氣薄。味厚。降也。陰也。

【歸經】 入肝經。爲散血消腫定痛生肌之品。通行十二經。散結氣。消滯血。

【功效】 活血與乳香相仿。性利能宣。行瘀則沒藥爲長。味平而苦。

【研究】沒藥亦樹脂也。味苦辛。性平。其治雖與乳香相仿。而行瘀散血。則沒藥獨擅其長。故能治金瘡杖瘡癥瘕癰腫等證。所以能止痛者。血瘀則痛。氣壅亦痛也。外科藥用之。其理概可想見。時珍曰。乳香活血。沒藥散血。皆能止痛消腫生肌。故二藥每每相兼而用。凡刀傷打損。墜馬。並宜熱酒調服。若妊婦胎氣不安。勿。黃宮繡曰。好古謂沒藥補心膽虛。肝血不足。蓋謂瘀不除。新血不生。沒藥能行氣活血。推陳致新。自有補益之妙。

【禁忌】孕婦不宜服。凡骨節痛。及胸腹脇肋痛。非瘀血停留。而因於血虛者。不宜用。產後惡露過多。腹中虛痛者。不宜用。癰疽已潰。不宜用。目赤膚翳。非血熱甚者。亦不宜用。其功善通壅滯之血。血行則氣亦流通。腫痛自止。故爲諸瘡癰。及金瘡杖瘡跌撲傷損。腹中血結作痛之要藥。而不主諸虛也。

【用量】自八分至一錢五分。

【炮製】色赤類琥珀者良。炮製同乳香。

【配合】同延胡索、乳香、乾漆、鼈甲、琥珀爲末。治產後血暈神效。用人參、澤蘭、生地、益母草、蘇木作湯。送前藥。治兒枕痛。及惡露未盡。腹痛寒熱等證。立效。同乳香、白芨、白薇、紫花地丁、牛

枝蓮、夏枯草、忍冬藤、連翹、甘菊、貝母。治一切癰疽疔腫。同乳香、當歸、丹皮、牛膝、續斷、川芎、降香、穿山甲。治內傷胸脇骨痛。同乳香一錢爲末。童便酒各半盞。溫化服。治金刃傷。未透膜者。同乳香各五錢。炒米粉四兩。酒調成膏。攤貼筋骨損傷。入一切膏藥內。能消毒止痛長肉。

血竭

【品狀】 樹名麒麟血樹。產於亞非美三洲之熱帶地。樹上所結之果實。自滴出樹脂。謂血竭。或鑽刻樹幹。樹脂滲出。凝乾用之。

【成分】 大率含有多量樹脂酸。

【性味】 味甘鹹。性平。無毒。稟土氣而兼水化。氣薄味厚。降也。陰也。得密陀僧良。

【歸經】 入肝心胞二經。爲行瘀活血之品。專除血痛。散瘀生新。

【功效】 色赤入營。功可行瘀止痛。性收斂。口力能和血生肌。性平潤而甘鹹。入心肝之血分。

【研究】 血竭色純赤。味甘鹹。性平。無毒。入心肝血分。行瘀活血。是其所長。至若止痛生肌者。以血活則痛止。瘀去則新生也。故外科藥每用之。但性急却能引膿。好古曰。補心胞絡肝血不足。時珍曰。血竭木之脂液。如人之膏血。味甘鹹而走血。肝心胞皆主血。故入之。河間云。

血竭止血痛。爲和血聖藥。是矣。乳香沒藥。雖主血病。而兼入氣分。此則專於血分者。張璐曰。治傷折打損。一切疼痛。血氣攪刺。內傷血聚。並宜酒服。但性最急。卻能引膿。不宜多服。其助陽藥中。同乳香沒藥用之者。取以調和血氣。而無留滯藥毒之患。黃宮繡曰。五味惟甘主鹹。主消。血竭味甘。雖能和血收口。止痛生肌。然味鹹則消。却能引膿。

【禁忌】 性急不可多用。無瘀積者忌之。

【用量】 三分至六分。

【炮製】 磨之透甲。燒之有赤汁涌出。久而灰不變本色者真。嚼之不爛如蠟爲上。先研粉篩過。入丸散中。若同衆藥搗。則作塵飛。

【配合】 同乳香、沒藥、自然銅、麻皮灰、狗頭骨、煨存性、蟻蟲、黃荊子骨碎補。治一切打撲損傷。同髮灰、乳香、沒藥、冰片、輕粉、象牙末、紅粉霜爲細末。摻一切金瘡及腫痛。生肌止痛。同沒藥各一錢。研童便和酒服。治產後血衝心胸喘滿。命在須臾。同沒藥等分爲末。滑石、丹皮等分同煎過爲末。四味和勻。醋和丸梧子大。空心服。治胸中血塊。

降真香（附）紫檀

【品狀】 香木類。色紫而潤。狀似蘇方木。燒之能降諸真。故名。產廣東暹羅等處。

【性味】 降香味苦辛。性溫。無毒。

【歸經】 入心胞肝二經。爲行瘀活血。通絡搜邪之品。

【功效】 入肝破血。堪除瘀滯之稽留。辟惡。邪。可解時行之疫癘。

【研究】 降香色紫。味苦辛。性溫。能入心肝血分。行瘀滯。療折傷。外敷內服。均有專效。至於辟邪解毒。皆辛溫芳香之力耳。仲醇曰。入藥以色紅香氣甜而不辣者佳。深紫者不良。上部傷瘀血停積。胸膈骨按之痛。或併脇肋痛。此吐血候也。急以此刮末入煎服之良。亦治內傷。或怒氣傷肝吐血。用此代鬱金神效。張璐曰。降真香色赤。入血分而下降。故內服能行血破滯。外塗可止血定痛。刃傷用紫金散。卽降真香用磁瓦刮下。和血竭研末是也。又虛損吐紅色。瘀味不鮮者。宜加用之。其功與花蕊石散不殊。紫檀味鹹。性平。血分之藥。和營氣。消腫毒。敷金瘡。止血定痛。

【禁忌】 降香。血熱妄行。色紫濃厚。脈實便秘者。禁用。紫檀同。按諸香動火耗氣。夏月囊香辟臭。尙謂其散真陰而開毛孔。況服之乎。癰疽潰後。諸瘡膿多。及陰虛火盛者。俱不宜用。

【用量】 自八分至一錢五分。兩種同。

【炮製】 剉屑用。禁用火焙。兩種同。

【配合】 降香同五倍子、桐花等分研末。敷金瘡出血。同乳香、楓香等分。薰癰疽惡毒。去惡氣甚妙。紫檀浸酒。飲之能活血通絡。治一切傷損。

蘇方木

【品狀】 喬木類。色鮮黃。產海外諸國。

【成分】 含有多量之赤色素、樹脂、纖維、糖素等。

【性味】 味甘鹹。性平。無毒。稟水土之氣而生。降多於升。陽中陰也。忌鐵。

【歸經】 入心、肝、脾三經。爲消瘀行血之品。三陰經血分藥。

【功效】 味甘鹹而性平。入心肝以達脾。活血行瘀。消風散腫。

【研究】 蘇木。此物專走血分。活血行血。而無別用。雖味甘鹹性平。無毒之品。然血中無滯者。仍屬不宜。能治風。亦血行風自滅耳。東垣曰。破瘡瘍死血。產後敗血。元素曰。蘇木性涼微辛。發散表裏風氣。宜與防風同用。又能破死血。產後血腫脹滿欲死者。宜之。時珍曰。蘇木乃

三陰經血分藥。少用則和血，多用則破血。張璐曰：凡本虛不可攻者，用二味參蘇飲，補中寓瀉之法，凜然可宗，但能開泄大便，臨證宜審。若因惱怒氣阻經閉者，宜加用之。黃宮繡曰：功用有類紅花，凡跌撲損傷，血滯不行，產後血暈，脹滿欲死，用之神效。按蘇木色紅，與血相合，汁濃能直降下，味鹹而能軟堅，以此活血逐瘀，善通下部積熱，女人經閉，產後血脹發暈，跌仆凝血，同紅花、桃仁、延胡索，皆血滯所宜。

【禁忌】 無瘀者勿用，凡產後惡露已盡，由血虛而腹痛，及大便不實者，不宜用。

【用量】 自八分至一錢五分。

【炮製】 剉細用，忌鐵。

【配合】 同澤蘭、川芎、麥冬、生地、蒲黃、人參、童便、益母草、牛膝、黑豆、荊芥穗，治產後血暈有神。同山查、延胡索、丹皮、澤蘭、當歸、五靈脂、赤芍、紅花，治產後兒枕作痛，加乳香、沒藥，治產後血癰不消，因寒而得者，加炮黑乾薑，桂各少許。同延胡索、丹皮、牛膝、當歸、地黃、芍藥、續斷，治婦人月候不調，煎濃汁，加乳香、沒藥、血竭、自然銅、麝蟲、麻皮灰、黃荊子等末，量病輕重，調服四五錢，治跌撲損傷神效。

紅麴

【品狀】紅麴卽紅米。其法以粳米蒸罨而成。色紅透徹。亦如人之飲食入胃。蒸變而爲血也。閩製者良。

【性味】味甘性溫。無毒。

【歸經】入脾胃大腸三經。爲破血消食之品。

【功效】甘溫奪造化之功。行血和營兼治痢。蒸罨導中州之食。和脾助胃並調中。

【研究】紅麴味甘性溫。入脾胃血分。導滯化食。行血和營。卽其蒸罨變化之性。亦可想見其功用矣。丹溪曰。主入榮而破血。燥胃消食。活血和傷。治赤白痢。下水穀。吳瑞曰。殺山嵐瘴氣。跌撲損傷。以之釀酒。則辛熱有毒。能發腸風痔瘻脚氣。哮喘痰逆咳嗽諸疾。時珍曰。凡婦人血氣痛。及產後惡血不盡。搗酒飲之良。又曰。人之水穀入於胃。受中焦濕熱薰蒸。游溢精氣。而化爲紅。散佈臟腑經絡。是爲營血。此造化自然之微妙也。造紅麴者。以白米飯。受濕熱鬱蒸。變而爲紅。卽成真色。久亦不渝。此乃人窺造化之巧者也。故紅麴有治脾胃營血之功。得同氣相求之理。石頑曰。紅麴活血消食。女人經血阻滯。赤痢下重。宜加用之。

【禁忌】 脾陰虛胃火盛者勿能損胎。

【用量】 自一錢五分至三錢。

【炮製】 紅入米心陳久者良。生用或炒炭用。

【配合】 同六一散治濕熱泄痢。

酒

【品狀】 酒用糯米或梁麥和酒麴釀成。種類頗多。味亦不一。大概分醇酒與燒酒二種。

【性味】 味苦甘辛。性熱。畏葛花、赤小豆、菘豆粉、鹽、枳椇子。

【歸經】 入十二經。爲開發宣通之品。

【功效】 行經絡。禦風寒。味苦甘辛多蓄熱。通血脈。壯心神。氣雄剛猛善消愁。

【研究】 酒種類頗多。味亦不一。具毒烈之性。有升散之能。少飲之固可行經絡。禦風寒。壯神活血。過飲則耗散氣血。助濕生痰。其酒性雖退。而渣滓日積。留聚胃中。粘膩不化。飲食漸少。脾胃日虛。而成噎膈反胃者多矣。至若燒酒之性。大辛大熱。用以散寒開鬱。頗有捷效。雖無助濕生痰之害。而毒烈之性較前爲尤盛耳。藏器曰。通血脈。厚腸胃。潤皮膚。消憂發怒。宜言暢意。

好古曰：酒能引諸經不止，與附子相同。味之辛者能散，苦者能下，甘者能居中而緩，用爲導引，可以通行一身之表，至極高之分。丹溪曰：人但云酒熱而有毒，而不言其濕中發熱，近於相火，醉後振寒戰慄可見矣。又性喜升，氣必隨之，痰鬱於上，溺澀於下，恣飲寒涼，其熱內鬱，大傷肺氣。士良曰：熱飲傷肺，涼飲傷胃，溫飲和中，多飲助火傷神，少飲和血行氣。石頑曰：色紅者能通血脈，養脾胃，色白者則升清氣，益肺胃。至於扶肝氣，悅顏色，行藥勢，辟寒氣，其助火邪，資痰濕之性，則一醉當風臥，成惡風，醉浴冷水，成癩痛，醉飽飲水，成癰積，皆宜切慎。

【禁忌】扁鵲曰：過飲，腐腸爛胃，潰髓蒸筋，傷神損壽。時珍曰：過飲，耗血亡精，生痰動火，又夜飲更屬不宜。蓋夜氣主收斂，氣密則固，若用酒宣發，醉飲就枕，熱壅三焦，傷心損目，亂其清明，勞其脾胃，停濕動火，致病甚多。景岳曰：陰虛者飲之則傷陰，陽虛者飲之則敗陽，故或致血不養筋，則爲中風，或致傷脾，則爲痰飲，瀉痢，或濕熱上浮，則爲喘汗鼻淵，或流於筋骨，則爲痠癢疼痛，或致動血傷精，則爲勞損吐衄，或致傷肌膚肉，則爲爛瘡痔漏，其有積漸日久，而或水鼓者，則尤多也。

【用量】臨時酌量，多至數斤，少或一鍾。

【炮製】酒類多種。醞釀各異。甘苦懸殊。甘者性醇。苦者性烈。以醇而無灰。陳久者良。臘月釀造。藏之得法。數十年不壞。

【配合】乾桑椹、赤糖、白糖、砂仁各三兩。雄黃一兩五錢。共研細。用大葶藶三斤。滴花燒酒三斤。浸透。砂鍋內煮熟。每服一枚。治赤白痢疾。用五茄皮四兩。熟地二兩。當歸一兩五錢。製首烏、杜仲、川斷、川芎、紅花、油松節、威靈仙各一兩。海風藤、秦艽各六錢。羌活獨活、虎脰骨各五錢。官桂、甘草各二錢。紅棗三斤四兩。高粱酒三十斤。浸透。溫服。能活血養筋。祛風勝濕。

山羊血

【品狀】山羊產滇蜀諸山中。性善走逐。好鬪。苗人獲得之。以鋒利竹片。活刺心血。收乾者良。宰取者不堪用。

【性味】味鹹性溫。無毒。

【歸經】入心肝二經。爲消瘀活血之品。

【功效】活血祛傷。酒服可行可散。續筋接骨。鹹溫能走能和。

【研究】山羊血、甘鹹溫。入心肝心分。凡折傷瘀留爲患者。用此行之散之。無所不到。血液之

屬較草木之功爲勝耳。石頑曰：山羊血爲和傷散血之神藥。其治跌撲損傷，單用酒服取醉，酒醒其骨自續。每用不過分許，不可多服。雖不傷耗元氣，而力能走散陰血。然必初患便服，得效最速。若過三五日，血凝氣滯，無濟於治矣。心血絕不易得，間有收取而市者，價頗昂。

【禁忌】無瘀滯者勿用。

【用量】半分至一分。

【炮製】研細生用。

【配合】天竺黃八分、牛黃四分、冰片四錢、三七四錢、血竭四錢、兒茶四錢、麝香四分、沒藥四錢、阿魏二錢、雄黃二錢、藤黃四錢、孩兒骨一兩、山羊血製浸藤黃入藥，共爲細末，煉蜜爲丸，如龍眼大，陰乾，外用蠟封固，治跌打損傷及一切癰腫。三白酒送服一丸。

刺猬皮

【品狀】獸類，穴土而居。晝伏夜出，體長及尺，甚肥，頭足皆小，全身有尖銳棘毛，由背筋作用，能攢起如矢，體能自由伸縮，遇猛獸立捲縮如栗球，喜食鼠蚯蚓及田間害蟲，於農家有益。剝皮刺用。

【性味】 味苦性平。畏桔梗、麥冬。

【歸經】 入胃大腸二經。爲逐瘀滯疏逆氣之品。

【功效】 味苦氣平。疏胃逆。寬腸療痔。散瘀邪。

【研究】 刺猬皮處處有之。卽俗所謂偷瓜猴。其皮如毫豬有刺。人近之。則藏頭足於內。能刺人。苦平無毒。入胃與大腸血分。能疏胃中逆氣瘀滯。治腸中痔漏下血。考其功。不過逐瘀滯。除漏管爲最。平胃逆次之。如是而已。石頑曰。猬者胃之獸也。故肉治反胃。腕痛最捷。其皮除目中翳障。本經主五痔陰蝕。取其銳利破血也。酒煮治陰腫痛引腰背。取筋脈能收縱也。南方金蠶蠱。用猬皮爲末。酒服探吐之。猬腦搗肝。治癩癧狼漏。千金方用之。但不可食其骨。令人瘦劣。汪昂曰。脂滴耳。治聾。膽點痘後風眼。

【禁忌】 無濕瘀者。勿用。

【用量】 刺猬皮自二錢至三錢。

【炮製】 刺猬皮。細剉炒黑。或酥炙用。

【配合】 刺猬皮。同煨磁石。桂心爲末。米飲下。治大腸脫肛。同象牙屑。人指甲。黃連。豬腳爪。

乳香、琥珀、黃蠟研末，法丸治痔漏。

五靈脂

【品狀】 蝙蝠中之最大者，尾小，頭及胸部赤色，餘皆黑，體長尺餘，展翅達二尺，尿如凝脂，受五行靈氣，故名。綱目云：五靈脂出北地，寒號蟲糞也，其糞恆集一處，氣甚臊惡，粒大如豆，採之有如糊者，有粘塊如餅者，凡用以饒心潤澤者爲良。

【性味】 味甘苦鹹，性溫，無毒，降也，陰中陰也，惡人參，損人。

【歸經】 入肝經，爲破血消積之品，肝經血分藥，入肝最速，引經有功，止能行血，不能生血。

【功效】 通肝破血，鹹酸溫痛滯均瘳，消積除風，脾穢濁虛人當禁，崩淋漏帶，皆屬寒瘀，摩翳殺蟲，盡用肝病。

【研究】 五靈脂，甘苦鹹溫，腥臭濁惡，能入肝破血消積，治一切疝瘕血滯諸證，然須病因於寒者爲宜，翳與蟲，皆由風木鬱滯而起，故均治之，極易敗胃，虛人禁用。丹溪曰：凡血崩過多者，半炒半生，酒服，能行血止血，治血氣刺痛甚效。時珍曰：五靈脂，足厥陰肝經藥也，氣味俱厚，陰中之陰，故入血分，肝主血，諸痛皆屬於木，諸蟲皆生於風，故此藥能治血病，散血和血而

止諸痛。治驚癇。除瘡痂。消積化痰。療疔殺蟲。治血痺。血眼諸證。皆屬肝經也。 初菴曰。五靈脂治血崩。非正治之藥。乃去風之劑。衝任經虛。被風襲傷。榮血以致崩中。暴下。與荊芥防風治崩義同。方悟古人識見深遠如此。此李仲南之說也。時珍因論之曰。此亦一說。但未及肝虛血滯。亦自生風之意。按衝爲血海。任主胞胎。任脈通。衛脈盛。則月事以時下。無崩漏之患。且易有子。張璐曰。雖有治目翳中脘疼痛之功。惟藜蘆庶可應用。終非腎梁所宜。其性入肝。散血最速。但性極剽惡。脾胃虛者。不能勝其氣也。同蒲黃名失。笑散。治一切心胸腹脇少腹諸痛。及產後結血血崩。目中生翳。往來不定。 黃宮繡曰。能入心與肝而泄其滯。是以心中血氣刺痛。婦人產後少腹兒枕塊痛。及痰挾血成窠囊。血凝作痛。皆爲必需之藥。 按五靈脂。生用行血而不推蕩。非若大黃之力迅而不守。以此通利血脈。使濁陰有歸下之功。治頭風。噎膈。痰癩癩疾。諸毒熱癰。女人經閉。小腹刺痛。產後惡露。大有神效。其色黑如鐵。凡血遇黑則止。炒用以理諸血症。令血自歸經。而不妄行。能治崩中胎漏。及腸紅血痢。奏績獨勝。

【禁忌】 血虛腹痛。血虛經閉。產婦去血過多。發暈。心虛有火作痛。血虛無瘀滯者。均忌。

【用量】 自一錢至三錢。

【炮製】 揀去沙石，生用去瘀，炒炭止崩血。

【配合】 同蒲黃等分，醋和爲丸，名失笑散。入煎劑絹包。治心腹痛，產後惡露不快，腰痛，小腹如刺。同檳榔等分爲末，治心脾蟲痛。石菖蒲煎湯調服三錢，卽食豬肉一二片，水飛一兩。

同胡黃連五錢爲末，雄豬膽汁法丸如米大，治五疳潮熱，米飲下一二十丸。同半夏等分爲末，生薑汁法丸梧子大，治痰血凝結，每服一二十丸。同海螵蛸等爲末，治目生浮翳，以熟豬肝日蘸食。五靈脂二兩，沒藥一兩，乳香五錢，川烏頭一兩半，炮去皮爲末，水法丸如彈丸大，治風冷氣血閉，手足身體疼痛冷麻，每用一丸，生薑溫酒磨服。同威靈仙等分爲末，治婦人乳部腫痛，以溫酒調敷。同雄黃研末，治毒蛇咬傷，用酒調敷。

夜明砂

【品狀】 爲飛行空中小獸，全體黑色似鼠，有臭氣，後肢短小有鈎爪，前後肢連尾皆張膜，日中以後，肢倒挂而睡，黃昏則飛翔捕食蛾蚊，其矢兩端尖，色褐黑，如鼠矢，中混未消化之蚊螿，入水攪動，去其砂分，焙乾入藥用。

【性味】 味辛苦鹹，性寒，無毒，惡白蘞、白薇。

【歸經】 入肝經。爲散血明目之品。本經血分藥。

【功效】 感陰氣之精。其目夜明。善治瞽。稟鹹寒之性。其砂辛苦。可行瘀。能理兒疳。堪磨腹積。

【研究】 夜明砂卽蝙蝠矢。俗所謂偷油老鼠也。其鼠善食蚊而睛不化。故矢皆蚊眼也。蚊爲食血之物。故能入肝破血。此鼠晝伏夜出。其目夜明。故能治雀目。退翳膜。辛苦鹹寒之性。無非入肝以破血消滯爲用耳。時珍曰。夜明砂爲厥陰肝經血分藥也。能活血消積。故所治目翳、盲障、瘡虺、疔驚、淋帶、瘰癧、癰腫。皆厥陰之病也。徐靈胎曰。凡有翼能飛之物。夜則目盲。而蝙蝠反是。日出則目瞑。而藏。日入則目明。而出。乃得陰氣之精者也。肝屬厥陰。而開竅於目。故資其氣以養肝血。而濟目力。感應之理也。黃宮繡曰。凡人目生障翳。多緣肝有血積。以致上攻於目。得此辛以散邪。寒以勝熱。則血自活。而病無不愈。按此爲蝙蝠屎中未化蚊蚋眼。但蝙蝠有毒。切不可入藥。

【禁忌】 近今醫家多用之以治眼病。凡病無瘀滯者勿用。又腹瀉者。及胃弱而消化不良者。禁用。

【用量】 八分至一錢五分。

【炮製】 凡使淘去灰土惡臭。取細砂曬乾焙用。水煎絹包。

【配合】 同當歸、蟬衣、木賊草爲末。黑羊肝煮爛爲丸。治內障。研末。豬膽汁和丸。治小兒雀

目。研末。加麝香少許。治聾耳。出汗。拭淨。搽之。研末。豆豉汁調敷。治腋下狐臭。同鼈甲燒

烟辟蚊。

穿山甲

【品狀】 卽鱗鯉。齒不完全。耳甚小。體之上部被甲質鱗甲。櫛比爲覆瓦狀。此鱗由毛變化。各鱗間偶出軟毛少許。肢各五趾。趾有爪。適於掘土。性怯。遇敵則捲縮如蝟。聳起鱗片以禦害。舌細長。便於伸入蟻穴而食蟻。

【性味】 味鹹。性微寒。有小毒。

【歸經】 入肝經。兼入胃大腸二經。爲散血通絡搜風之品。

【功效】 達病所以成功。入胃行肝。消癰發痘。性鹹寒而善竄。治痺散血。通絡搜風。善化蟻瘻。專通乳汁。

【研究】 穿山甲亦鱗族之類。能水能陸。甲片卽其鱗也。味鹹性寒。有小毒。入肝胃二經血分。

治風痺。行經絡。能直達病所。故治一切癰疽。未潰者皆可解散。有膿者能使速潰。其所以治乳證者。以其能入胃經。乳房屬陽明也。李仲南曰。性專行散。中病即止。不可過服。石頑曰。穿山甲入厥陰陽明。及陰陽二蹻。通經下乳。瘡疾癰腫發痘爲要藥。蓋其穴山而居。寓水而食。出陰入陽。能竄經絡。達於病所。凡風濕冷痺之證。因水濕所致。渾身上下。強直不能屈伸。痛不可忍者。於五積散內加穿山甲七片。全蠍炒十個。葱薑水煎。熱服取汗。避風甚良。

【禁忌】 癰疽已消。禁服。痘瘡元氣不足。不能起發。亦忌。

【用量】 自一錢五分至三錢。

【炮製】 尾甲爲勝。凡使或炮、或燒、或酥炙、或童便炙、或油煎、或土炒、或蛤粉炒。各隨本方。但生用者甚少。

【配合】 同乾棗燒存性爲末。治熱瘧不寒。發日五更。用井花水服二錢。同摺皮燒存性。加肉豆蔻等末。治腸痔氣痔。出膿血。米飲下二錢。同王不留行。水煎服。治婦人乳汁不通。燒灰。用豬脂調敷。蟻瘻不愈。同花粉、金銀花、連翹、陳皮、青皮。水酒煎服。治便癰。同川芎、黃芪、當歸、皂角刺。治癰疽內膿已成。不穿破者。水煎服之。立破。

蟹

【品狀】時珍曰：蟹橫行甲蟲也。外剛內柔。於卦象離。骨眼、蝟腹、蜷腦、蟹足、二螯、八脆、利鉗、尖爪、殼脆而堅。有十二星點。雄者臍長。雌者臍圓。腹中之黃。應月虧盈。其性多躁。引聲嚙沫。至死乃已。生於流水者色黃而腥。生於止水者色紺而馨。散子後即自枯死。霜前食物。故有毒。霜後將蟄。故味美。慎微曰：蟹非蛇蟠之穴無所寄。故食鱻中毒者。食蟹即解。性相畏也。

【性味】味鹹。性寒。氣腥。有小毒。多食腹痛泄瀉。中其毒者。生薑、紫蘇、蘆根汁。並可解之。

【歸經】入肝經。爲散瘀通絡之品。

【功效】通經絡。散瘀血。續筋骨。解漆瘡。有橫走之功。具鹹寒之性。動風發毒。解熱行胎。

【研究】蟹鹹寒。有小毒。能橫行經絡。解散瘀血。治折傷。續筋骨。內服外敷。皆有神效。善解漆瘡。其黃能化漆爲水。亦物之相制也。極能動風發毒。風家瘡家。不可食。又不可與柿同食。有暴亡之慮。蟹爪又能墮胎。孕婦忌服。石頑曰：蟹之外殼內肉。生青熟赤。陰包陽象無疑。性專破血。故能續斷絕筋骨。本經主胸中邪氣熱結痛。噎僻面腫。皆是瘀血爲患。性能敗漆。今人生搗。治漆瘡。塗火燙。皆取散血之意。日華治筋骨折傷。生搗罨之。藏器云。能續斷筋。去殼用黃。搗爛。

微炒，納入瘡中，筋即連也。可知其功不獨散而能和血矣。其爪爲催生下死胎胞衣專藥。

【禁忌】 其性喜入蛇穴，得其毒則驟長，故重一斤以上者，誤食殺人。又兩目相向，足斑目赤者，大毒不可食。性寒傷中，敗胃動風，大傷陰血，孕婦食之，令兒橫生。

【用量】 臨時酌用。

【炮製】 或生搗，或用殼，用爪，用黃，各隨方法。

【配合】 蟹殼煨存性，黑糖調，治蓄血發黃，胸脇結痛，而不浮腫者，無灰酒下三錢，數服效。蟹塗銀硃，燒烟辟臭蟲，薰之即斃。千金神造湯，治子死腹中，方用蟹爪一升，甘草一尺，東流水一斗，以葦蕒煮至二升，入真阿膠二兩，令烱，頓服，或分二服。若人困不能服，灌入即活。取蟹之散血，而爪觸之即脫也，然必生脫者，連足用之。

蟻蟲（附）洋蟲 叩頭蟲

【品狀】 卽地鼈蟲，體長及寸，前狹後闊，頭小，六足，背有橫紋，錯起，黑色而亮，體綠黃色，多生於米店有糠之處，或確臼下，倉底，窰脚，或油榨坊，並陰濕之地，伏土而善攻穴隙，傷之不易死。雄者雖以刀截爲兩段，放地上，以碗蓋住，過宿其蟲自接而活。

【性味】 蟻蟲味鹹性寒。有小毒。得土濕之氣而生。降也。陰也。畏皂莢、菖蒲。

【歸經】 入肝經。爲行血通絡逐積之品。傷家最要藥。

【功效】 補接折傷通乳脈。性味鹹寒。搜尋癰積達肝家。通行經絡。

【研究】 蟻蟲鹹寒有小毒。入肝經。功專搜逐一切血積。治折傷。續筋骨。功雖同於蠱蛭。而性

頗緩。通乳者。亦行經活血之意耳。東垣曰。仲景治雜病。及久病積結。有大黃蟻蟲丸。及婦人

藥並用之。以其有破堅下血之功也。董炳曰。其蟲以刀斷之。中有白汁如漿。湊接卽連。復能

行走。故用之。接續筋骨有奇效。然須先整定筋骨。乃可服。否則接挫也。甄權曰。治月水不通。

破留血積聚。時珍曰。行產後血積。折傷瘀血。石頑曰。蟻蟲伏土而善攻隙穴。傷之不死。與

鰕鯉不殊。故能和傷損。散陽明積血。本經治心腹寒熱洒洒。亦是積血所致。金匱大黃蟻蟲丸。

用桃仁蠶蟲。取其破堅癥。下積血耳。無質結者勿用。跌撲重傷。焙乾爲末。酒服二錢。接骨神效。

初菴曰。去血積。搜剔極周。主折傷補接。至妙。煎含而木舌冰消。水服而乳漿立至。黃宮繡

曰。凡人陰血貫於周身。雖賴陽和。亦忌燥烈。若熱氣內鬱。則陰陽阻隔。經絡不通。因而寒熱發

生。得此鹹寒入血軟堅。則血聚積塊。癥瘕靡不因是而化。血脈調和。榮衛暢達。安有血枯血閉。

而見寒熱者乎。洋蟲一名九龍蟲。形如米蟬子。飼以茯苓屑、紅花、交桂末者。則色黑光澤可愛。入藥尤良。性溫行血分。暖脾胃。和五臟。健筋骨。去濕搜風。壯陽道。治怯弱。叩頭蟲。形如黑大豆。取蟲置桌。翻其背令仰。少頃便跳起。出南方者小而力微。北土者大而力厚。北人謂之跳百丈。治腰脚無力。外用可絕瘡。以蟲一個。安眉心。蟲頭向上。膏藥蓋住。過時即愈。

【實驗】 瘰癧能消散硬塊。或因瘰癧脾變大。亦可用之作爲消散劑。本經主治心腹寒熱酒洒者。指自覺之寒熱。或神經不安之狀。並非指外感性之惡寒發熱。

【禁忌】 無瘀血停留者。勿用。虛人有瘰。斟酌用之。又貧血者。腹瀉者。有外感寒熱者。均忌用。

【用量】 鹽蟲自八分至一錢五分。洋蟲叩頭蟲同。

【炮製】 鹽蟲或去足炒用。或酒醉死。去足搗汁用。洋蟲叩頭蟲同。

【配合】 鹽蟲同桃仁、大黃、煉蜜丸。治產婦腹痛有乾血。同鹽煎水。熱含。治木舌腫強。吐出涎即止。同生薄荷研汁。治重舌塞痛。帛包。捻舌下腫處。同乳香、沒藥、龍骨、自然銅、麝香研末。溫酒送服。治打傷接骨。洋蟲十四個。同川貝二錢、牛蒡子、當歸、陳皮、淮牛膝各八分。水煎服。治氣急咳嗽。叩頭蟲十個。土鼈一個。白蒺藜、白芍、菴蓉、杜仲、菟絲子、續斷、當歸、覆盆子、威

靈仙、破故紙、薏苡仁各一兩五錢。牛膝、無名異、自然銅、乳香、沒藥、硃砂、血竭、青鹽各五錢。天雄二兩、虎骨二兩俱爲細末。煉蜜丸。重二錢五分。名大力丸。早晚鹽湯或黃酒送下。少時用力行功。散於四肢。

蠱蟲

【品狀】 蟲類。綱目云。大如蜜蜂。腹四扁。微黃綠色。專噉牛馬之血。五六月伺其腹滿。掩取之。晒乾用。

【性味】 味苦。性微寒。有毒。降也。陰也。惡麻黃。

【歸經】 入肝經。兼入三焦經。爲破血洩結之品。肝經血分藥。

【功效】 破積墮胎。味苦寒而有毒。入肝行血。瀉大便。以推陳。

【研究】 蠱蟲苦寒有毒。入肝經。破血行血。與水蛭同性。但蠱蟲之性剛而猛。故服下即暴瀉。藥過即止。水蛭之性陰而險。服後雖不即瀉。而蔓延之毒。未必即除。蠱蟲居陸而飛走。水蛭居水而潛伏。故於臟腑經絡之間。緩急行守之治。又有不同也。亦能墮胎。河間曰。蠱食血而治血。因其性而爲用也。無己曰。苦走血。血結不行者。以苦攻之。故治蓄血用蠱蟲。乃肝經血分

藥也。古方多用。今人稀使。以有毒也。石頑曰。本經治癥瘕寒熱。是因癥瘕而發寒熱。與蛻螂治腹脹寒熱不殊。治經閉。用四物湯加蠱蟲作丸服甚良。以破瘀而不傷血也。黃宮繡曰。苦洩結。鹹走血。色青入肝。服之入肝臟血分。而散一切血結諸病。如蓄血而見身黃脈結。腹痛如狂。小便利。並堅癥積塊瘵母。九竅閉塞者。服之自效。

【實驗】 此藥常用以排除積血。如外傷而有積血之狀者。可用之以去積血。又經閉症。可用以作通經藥。

【禁忌】 非氣足之人。實有蓄血者。勿輕與。又貧血者。腹瀉者。勿服。

【用量】 自八分至一錢五分。

【炮製】 去翅足炒用。

【配合】 同丹皮等分爲末。酒服。治撲墜瘀血。血化爲水。若久宿血。在骨節中者。亦效。同水蛭、桃仁、大黃。治下焦蓄血發狂。

水蛭

【品狀】 蟲類。俗稱馬蟻。綱目云。處處河池中有之。蛭有數種。惟採水中小者用之。五月六月

採得篋竹筒盛待乾。用米泔浸一夜。曝乾。以冬豬脂煎令焦黃。然後用之。別有石蛭生石上。泥蛭生泥中。二蛭頭尖。腰粗。色赤。誤食之。令人眼中如生烟。漸致枯損。

【性味】 味苦鹹。性寒。有毒。畏石灰、食鹽。

【歸經】 入肝膀胱二經。爲破血洩結之品。

【功效】 入肝家破血行瘀。其味苦鹹消腫脹。尋經絡搜邪磨積。其功寒毒墮胎元。

【研究】 水蛭一名馬蟻。種類甚多。以水中短小。腹有血者佳。味鹹苦。性寒。入肝破血行血。凡一切癥瘕積聚。折傷月閉。由於血瘀者。皆可用之。極易墮胎。不可輕用。況此物雖火炙爲末。得水卽活。其性之陰險可知。無己曰。鹹走血。苦勝血。用水蛭以除蓄血。乃肝經血分藥。故能去肝經聚血。徐靈胎曰。凡人身瘀血方阻。尙有生氣者。易治。阻之久。則無生氣而難治。蓋血既離經。與正氣全不相屬。投之輕藥。則拒而不納。藥過峻。又反能傷未敗之血。故治之極難。水蛭最喜食人之血。而性又遲緩。善入。遲緩則生血不傷。善入則堅積易破。借其力以攻積久之滯。自有利而無害也。初菴曰。染鬚極效。能引藥力倒上至根。用水蛭爲細末。以龜尿調擦鬚梢。自倒入根也。赤白丹腫。腫毒初生。竹筒合唾有功。若誤食水蛭入腹。生子爲患。噉嘔臑血。腸痛。

黃瘦者。惟以田泥或搗黃土水。飲數升。則必盡下出也。蓋蛭在人腹。忽得土氣而下耳。或以牛羊熱血一二升。同豬脂飲之。亦下也。

【實驗】此藥爲劇烈之通經藥。蓋因其能增加不隨意肌之收縮。故能通經。亦能通利大小便。在傷科中。對於跌撲損傷。杖瘡腫痛。均可用之。可表示此藥有消散作用。能退炎止痛。

【禁忌】無瘵熱者。禁用。

【用量】自一錢至三錢。

【炮製】凡採得水蛭。常展其身令長。腹中有子者去之。曝乾。豬油熬黑。令研極細。倘不透。雖爲末。經年得水猶活。入腹尙能復生。嚙人臟腑。凡用須預先熬黑。以少許置水中。七日內不活者。方可用之。

【配合】同蝨蟲、沒藥、麝香研末。治產後血量。血結聚於胸中。或偏於小腹。或連於脇肋。以四物湯調下。血下痛止。仍服四物湯。同大黃、黑丑研末。治跌撲損傷。熱酒調下。當下惡血。以盡爲度。

自然銅（附）古文錢

理血之劑 自然銅（附）古文錢

【品狀】 金類屬等軸晶係。常爲苔蘚狀、樹枝狀、薄葉狀及亂線狀之潛晶質。本爲銅紅色。然久曝空氣中。則氧化而爲黑。或與碳酸化合。而作綠色。吹火易熔。遇硝酸則溶爲藍色之液。綱目云。生出銅處。其色青黃如銅。不從礬煉。故號自然。產信州等處。

【性味】 自然銅。味辛性平。有小毒。稟土金之氣而生。

【歸經】 入肝經。爲散瘀破積之品。續筋接骨神藥。入血行血。傷科要藥。

【功效】 續筋接骨。爲傷損良方。破滯消瘀。味辛平小毒。

【研究】 自然銅。出銅壙中。壙氣凝結而成。內有銅脈。雖經火煉。難爲器皿者。故入藥一經火煅。醋淬。即可研細。便能續筋接骨。消瘀和傷。不特自然銅有功。卽一切銅屑皆可。或醋煅內服。或研細外敷。每見銅匠。偶遇前證。用之卽愈。丹溪曰。自然銅。世以爲接骨之藥。然此等方儘多。大抵宜補氣補血補胃。俗工迎合病人。惟在速效。而銅非煅不可。若新出火者。其火毒金毒相扇。挾香藥熱毒。雖有接骨之功。而燥敗之禍。甚於刀劍。戒之。士瀛曰。折傷必有死血瘀滯。經絡。然須定虛實。佐以養血補氣溫經之藥。時珍曰。自然銅接骨之功。與銅屑同。不可誣也。但接骨之後。不可常服。卽使理氣活血可耳。石頑曰。自然銅。性稟堅剛。散火止痛。功專接骨。

骨接之後，即宜理氣活血，庶無悍烈傷中，走散真氣之患。古文錢，大抵以五銖半兩等錢，其銅焦赤而舊，錢上起綠花者良。其主治，不過鎮逆平肝，辟邪點翳而已。石頑曰：古錢以生薑汁塗，刮青黠目，去障消瘀，散赤腫，一點即愈。但初點熱淚，蔑面，然終無損。惟作瘡者，與肝腎虛而內障生花者，不可用也。婦人逆產，五淋，煮汁用之，便毒初起，與胡桃肉同嚼食二三枚，即消。便毒屬肝，金伐木也。

【禁忌】 自然銅無傷瘀者，勿用。凡使中病即止，不可過服。以其有火金之毒，走散太甚。古文錢同。

【用量】 自然銅水煎服，自三錢至五錢。配合丸散不等。古文錢同。

【炮製】 自然銅水煎服生用。配合丸散用，須火煨醋淬七次，細研。甘草水飛。古文錢同。古文錢同胡桃嚼即碎，相制也。

【配合】 自然銅同當歸、沒藥各五分研末，以酒調服。治打撲損傷，仍以手摩痛處，即時見效。同乳香、沒藥、麝蟲、五銖錢、麻皮灰、血竭、胎骨作丸。煎當歸、地黃、續斷、牛膝、丹皮、紅花、濃湯送下。治跌撲損傷，或金刃傷骨斷筋，皆效。古文錢同自然銅、胎骨、麝蟲、血竭、無名異、黃荊子、沒

藥、乳香、狗骨、治跌撲損傷及金刃傷神效。

花蕊石（附）石灰

【品狀】 產天台寶華山硫黃礦中，如瑤瑁，有黃花點，瑩潤堅潔，可供刻印之用。

【性味】 味酸，性溫。

【歸經】 入肝經，爲消瘀化血之品。

【功效】 酸可入肝，消瘀化水，溫能治外，斂口生肌。

【研究】 花蕊石，此石性能斂血，而又能使血化爲水，一如兵家攻寇之法，欲劫之而先聚之之意。金創出血，刮末摻之，卽合者，亦此意也。時珍曰：其功專於止血，能使血化爲水，酸以收之也。石頑曰：其性大溫，厥陰血分藥也。葛可久治虛勞吐血，有花蕊石散，以其性溫善散瘀結也。和劑局方：治金刃箭傷，打撲垂死，外有損處，以煨過細末摻傷處，血化黃水，再摻卽活。如內有損血入臟腑，煎童子小便，入酒少許，調灌一錢，立效。婦人產後，惡血衝心，昏暈不省，或胎死腹中，胞衣不下致死，但心胸溫暖者，急以童便調灌一錢，取下惡血卽安。若膈上有血，化爲黃水，卽時吐出，或隨小便出甚效，但陰虛火炎中無瘀積者，誤用必殆。黃宮繡曰：號爲性

溫然究味酸而澆。其氣亦平。原爲劫藥。凡血下後止後。須以獨參湯救補。庶爲得之。若使過服。則於肌血有損。不可不慎。石灰以石塊封密中。焚燒製成者。含有酸化。加爾叟謨。味辛性溫。有毒。爲止血要藥。功能蝕惡肉。止吐血。療金瘡。又能解酸類中毒。凡埋在石橋脚下者良。因浸水中。年久脫去火毒也。

【禁忌】 花蕊石大損陰血。凡虛勞吐血。多由火炎迫血上行。當用滋陰降火者。不宜服。無瘀血停積。胸膈不板痛者。亦忌之。

【用量】 煎服自二錢至三錢。外用不等。

【炮製】 凡入丸散。以罐固濟。頂火煨過。出火毒。細研水飛。晒乾用。

【配合】 花蕊石四兩。硫黃二兩。共研細末。入瓦罐內。鹽泥固濟。晒乾。安四方磚上。以炭火。從巳午煨至經宿。候冷取出。研細。治打撲損傷。瘀積壅聚。胸膈作痛。產後血暈。子死腹中。胎衣不下。童便入酒煎熱。調下二錢。同防風、川芎、菊花、白附子、牛蒡子、甘草爲末。臘茶調服。治多年障翳。同黃丹研末。治脚縫出水。摻之良。

伏龍肝（附）東壁土 黃土 地漿

理血之劑 花蕊石（附）石灰 伏龍肝（附）東壁土 黃土 地漿

【品狀】 伏龍肝乃竈中對釜臍下黃土也。伏龍爲竈神。肝者火氣積久土變赤色如肝故名。東壁土乃屋之東壁上土也。常先見日。取其向陽久乾也。張司空曰。三尺以上曰糞。三尺以下曰土。凡用當去上惡物。勿令入客水。乃爲真土。服之有益。地漿乃掘地成潭。灌以清水。同土屑攪和。待土澄水清。取用。

【成分】 伏龍肝含有種種之無機鹽類。爲硫酸鎂、硫酸鈣、硅酸鎂、及鉀鹽等。

【性味】 伏龍肝。味辛苦。性溫。質燥。

【歸經】 入脾胃二經。爲扶陽退陰散結攝血之品。

【功效】 味辛散逆以和中。治帶癱崩。嘔家聖藥。質燥溫脾而煖胃。救癱解壓。遠血良方。

【研究】 伏龍肝。具土之質。得火之性。化柔爲剛。味兼辛苦。其功專入脾胃。有扶陽退陰散結除邪之意。凡諸血病。由脾胃陽虛。而不能統攝者。皆可用之。金匱黃土湯。卽此意。石頑曰。止欬逆吐血。消癰腫毒氣。蓋以失血過多。中氣必損。故取微溫。調和血脈也。消癰腫毒氣者。辛散軟堅也。日華子主催生者。取溫中而鎮重下墜也。其胎漏不止。產後下痢。並宜煮水澄清去滓。代水煎藥。取溫土臟和營血也。黃宮繡曰。萬物非土不生。人身五臟六腑。非脾胃不養。是以

土能補人脾胃。伏龍肝久經火熬，則土味之甘已轉爲辛，土氣之和已轉爲溫矣。凡人中氣不運，是氣是血靡不積聚爲殃。是瘵是水，靡不蔓延作祟。凡欬逆反胃，腫脹臍瘡，可治者，以其能補土燥濕也。吐衄崩帶尿血遺精腸風，可治者，以其能溫中攝血也。癰腫可消者，以其能和血解毒也。東壁土甘溫，治霍亂煩悶，洩痢溫瘧，療下部癢，脫肛，小兒風臍，摩乾濕二癬。寇氏曰：東壁土先得太陽真火烘炙，故治瘟疫。初出少火之氣壯，及當午則少火之氣衰，故不用南壁而用東壁。時珍曰：凡脾胃濕多吐瀉者，以東壁土新汲水攪化澄清，服之即止。蓋脾主土惡濕而喜燥，故取太陽真火所照之土，引真火生發之氣，補土而勝濕，則吐瀉自止也。黃土甘平，乃中央正色，不沾穢漬，故色不黑，治洩痢，冷熱赤白，腹內熱毒絞結痛，下血，又解諸藥毒，中肉毒，合口椒毒，野菌毒。地漿，性味功用與黃土同，而解熱毒之功尤勝。

【禁忌】 伏龍肝、東壁土功專去濕，無濕勿用。陰虛吐血者不宜用，以其中有火氣故也。黃土氣味和平，性無偏至。綱目云：土氣久觸，令人面黃，掘土犯地脈，令人上氣身腫，掘土犯神煞，令

人身腫毒。

【用量】 煎服伏龍肝自五錢至一兩，東壁土黃土同，外用不等。

【炮製】 伏龍肝、東壁土、黃土，入湯劑包煎，外用研細。

【配合】 同硃砂、麝香、蜜丸，治小兒夜啼。同阿膠、蠶砂爲末，治婦人血漏，又久痢不止，橫生逆產，胞衣不下，皆醋調塗臍腹效。小兒重舌，和苦酒塗之。發背酒調厚敷，乾即易，平乃止。杖瘡腫痛，香油調塗。灸瘡腫痛，煮水熱淋，一切癰腫，和蒜泥貼，乾即易之。東壁土同枯礬、蜜丸，治急心痛，用艾湯下。

墨

【品狀】 烟煤合膠水所成，以松煙者爲佳，產徽州。

【性味】 味辛性溫，無毒。

【歸經】 入心肝二經，爲散血止血之品。

【功效】 止血有功，色黑入營內可服，行瘀無阻，辛溫消腫，外能敷。

【研究】 墨用陳者爲良，取其膠性漸脫，火氣漸退，然內服總宜煨用，方無膠滯之患。止血者，不過紅見黑則止之意，畢竟辛溫散血之品，如血熱妄行之證，亦宜慎用。丹溪曰：墨屬金而有火，入藥甚健，性又能止血。石頑曰：清烟墨灰，止吐衄血逆上行，或生藕汁，或萊菔汁，或鮮

地黃自然汁磨服卽止。然須燒灰出火毒用之。但勿用乾地黃和水搗磨。柏葉汁、甘蔗汁、威非所宜。往往止截後有瘀積之患。飛絲入口。及一切塵芒等物入口。磨濃墨點之。自出。或燈芯蘸墨汁頻捲之。訥菴曰。水磨濃汁。點鼻止衄。豬膽汁磨塗諸癰腫。酒磨服。治胞衣不下。黃宮繡曰。辛能散血。血散則血歸經而不外溢。溫能行血。血行則周流經絡而不聚於所傷之處。是止血之義也。

【禁忌】 無血症勿用。瘟疫、熱病初起。遮用此以止血。則非所宜。

【用量】 自一錢至三錢。

【炮製】 取松烟墨。陳久煙細者入藥。煨灰出火毒。研細用。或磨汁用。

【配合】 同苦酒韭汁止血。同豬膽汁醋調塗消腫。同鷄血磨。點眼有絲纏。同地漿汁吞。治客忤中腹。同小便磨汁。治產後血暈。

百草霜 (附) 釜臍墨 梁上塵 煙膠

【品狀】 百草霜乃竈額烟囪內所薰之烟煤也。因燒雜草其質輕細似霜故名。釜臍墨卽鍋底墨灰。梁上塵卽梁上倒挂塵。

【性味】 百草霜、釜臍墨均味辛性溫。梁上塵味辛苦。性微寒。有小毒。

【歸經】 三種均入肝、脾、胃三經。爲止血消積救標之品。

【功效】 百草霜、療傷寒陽毒之邪。化積行瘀。癰狂從治。醫疔瘡毒癰等症。溫通辛散。崩帶宜求。釜臍墨溫可行瘀。破積消癰。塗舌腫。辛能散血。驅邪辟蠱。治金瘡。梁上塵辛苦微寒。有小毒。辟惡行瘀。輕浮止血。搽諸瘡。安胎治胎。

【研究】 百草霜辛溫火化之物。其色黑。其體輕。能治上焦血分之疾。與釜臍墨等散血之功。主治相同。但有輕重之異耳。黑奴丸之治陽毒癰狂等證。亦謂疫邪深入血分。用此從治也。釜臍墨其辛溫散血之性。與百草霜同。而輕重之質。略有差別。百草霜有輕揚解散之功。釜臍墨具辟惡消瘀之力。在用者之得其宜耳。梁上塵。古方雖有用之者。然亦無甚深意。不免有蟲虺之毒。且對證之藥良多。不必拘拘乎偏僻之物也。時珍曰。百草霜、釜臍墨、梁上塵。皆是烟氣結成。但其體質有輕虛結實之異。重者歸中下二焦。輕者入心肺之分。古方治陽毒發狂。有麥奴丸。三者並用。而內有麻黃大黃。亦是攻解三焦結熱。兼取火化從治之義。其消積滯。亦是取其從化。故疔、癰、瘰、癧諸病。多用之。其治失血胎產諸病。雖是血見黑則止。亦不離從化之

理。煙膠辛溫有毒。係煎消牛皮時。竈上所薰之煙煤。粘結如膠者也。止耳外治。能潤肌膚之燥。治浸淫之瘡。殺蟲化濕。頗有效驗。

【禁忌】三種雖能止血。無益腸胃。救標則可。治本則非。

【用量】自一錢至三錢。

【炮製】百草霜、釜臍墨均研細用。梁上塵燒令煙盡。篩取末用。入湯劑均絹包。

【配合】百草霜同狗膽汁拌勻。當歸酒下。治婦人崩中。同黃連爲末。治挾熱下痢膿血。服。釜底墨用熱酒調下。治產血不下。梁上塵同枯礬、豬牙皂莢、鹽炒爲末。吹點喉痺乳蛾皆妙。朱肱麥奴丸方。麥奴乃小麥將熟時。穗上有黑微者便是。方用小麥奴、釜臍墨、百草霜、梁上塵、黃芩、麻黃、硝黃等分爲末。蜜丸彈子大。治陽毒溫毒。熱渴癩狂。水化服一丸。汗出或微利即愈。取從火化之象也。

人髮（附）人牙

【品狀】頭上曰髮。髮者血之餘。腦之華。腦減則髮素。時珍曰。髮屬足少陰陽明。其經氣血盛。則美而長。氣多血少。則美而短。氣少血多。則少而惡。氣血俱少。則其處不生。氣血俱熱。則黃而

赤氣血俱衰，則白而落入髮，剪取無疾病童男之頂髮良。又曰：兩旁曰牙，當中曰齒，腎主骨，齒者骨之餘也。

【性味】 人髮味苦，性微溫，無毒。

【歸經】 入心、肝、腎三經，爲消瘀利水之品，外科要藥。

【功效】 得血之餘氣，消瘀利水，補真陰，味苦而微溫，達腎通肝，入心臟。

【研究】 人髮得血之餘氣，故名血餘，味苦微溫，無毒，入心、腎及肝與小腸，煨灰用，消瘀血，利水道，治血淋頗佳，且行瘀之中，仍有益陰之妙，以髮乃血所化，燒之仍能還血，故本經有自還神化之說，而又能止血，凡吐血、衄血、便血，以及一切血出不止者，皆可內服外搽，所謂紅見黑則止也。蘇恭曰：燒灰療轉胞，小便不通，赤白痢，癰腫，疔腫，骨疽。丹溪曰：消瘀血，止舌血，補陰甚捷。藏器曰：生人髮掛果樹上，烏鳥不敢來食，其實，又人逃走，取其髮於緯車上，却轉之，則迷亂不知所適，此皆神化。時珍曰：髮者血之餘，埋之土中，千年不朽，煎之至枯，復有液出，誤食入腹，變爲癩蟲，煨治服餌，令髮不白，此正神化之應驗也。又云：髮乃血餘，故能治血病，補陰，療驚癩，去心竅之瘀血。徐靈胎曰：髮爲血之餘，而本經所治之疾，皆主通經利便之功，何

也。蓋心與小腸爲表裏。心主血。髮爲血之餘。則不能入心而能入小腸。以小腸爲心之出路也。且髮亦毛類。肺主皮毛而爲水源。故能利水。非一定之理乎。其治癩瘡。則瀉心家之痰飲。及滋潤血脈之功也。石頑曰。人髮雖曰補真陰。療驚癩。理欬嗽。固崩帶。止血暈。而實消瘀生新。能去心竅惡血也。並煨過服。若煨之不透。反能動血。合鷄子黃香油煎之。消化爲水。則治小兒胎驚。及塗癩瘡有效。用入膏藥中。則長肉消瘀。本經治五癰。關格不通。利小便水道。皆取其利竅散瘀之功。其療小兒驚。大人瘰。以能達肝心二經。開通痰血之滯也。仍自還神化者。言服自己之髮。則勝用他人之髮也。但胃虛人勿用。以其能作嘔瀉也。亂髮功用。與此不殊。而剃下者尤勝。取長之速也。小兒胎髮煨灰。大解胎毒。而補先天血氣。以純陽未離也。人牙齒者。骨之餘。故能入腎。味鹹性熱。有毒。力能攻發。故治痘瘡倒陷。變黑歸腎之證。用此攻發腎臟之邪。其他內外諸方亦不多見。用此亦罕耳。時珍曰。近世用人牙治痘瘡倒伏。稱爲神品。然一概用之。貽害不淺。夫齒者。腎之標。骨之餘也。痘瘡則毒自腎出。方長之際。外爲風寒穢氣所冒。腠理閉塞。血澀不行。毒不能出。或變黑倒靨。宜用此物以酒磨進之。竄入腎經。發出毒氣。使熱令復行。而瘡自紅活。蓋劫劑也。若伏毒在心。昏冒不省人事。及氣虛色白。痿塌不能作膿。熱毒紫泡之。

證。止宜解毒補虛。苟誤用此。則鬱悶聲啞。反成不救。可不慎哉。

【禁忌】 髮灰走血分而帶散。其主諸血證者。是血見灰則止。乃治標之義。若仗其補益。未必

能也。經熬煨成末後。氣味不佳。胃弱者勿服。入外科藥。殊有神效。人牙。痘毒鬱伏心經。勿用。

【用量】 髮灰煎服。自一錢五分至三錢。研末調服。自八分至一錢五分。人牙同。外科用不等。

【炮製】 人髮。皂莢水洗淨。入罐固煨存性。人牙。煨退火毒。研細水飛用。

【配合】 人髮同敗椶、陳蓮蓬、並燒灰等分。每服三錢。童便溫酒調服。治諸竅出血。同豬膏

和煎。髮消藥成。治女勞黃疸。人牙獨用。煨存性。研末。名人牙散。治痘瘡方出。爲風寒外襲。或

變黑。或青紫。此倒靨也。宜溫肌發散。使熱氣復行。而斑自出。若出不快。而黑陷者。獷猪血調下

一錢。因誤服涼藥。血滯倒陷者。入麝香溫酒服之。其效如神。單用燒研。酥調敷。乳癰未潰。

同穿山甲燒炙過。各一分爲末。分作二服。用當歸麻黃湯下。治陰疽不發。頭面沉黯。不疼無熱。

內服補散不起。外以薑汁和麵傅之。

本草用法研究

第十四編 化痰之劑

痰之源不一。有因熱而生痰者。有因痰而生熱者。有因氣而生者。有因風而生者。有因寒而生者。有因濕而生者。有因著而生者。有因驚而生者。有多食而成者。有傷冷物而成者。有嗜酒而成者。有脾虛而成者。俗云。百病皆由痰起。蓋痰涎之爲物。隨氣升降。無處不到。入於心。則迷竅而成癲癩。妄言妄見。入於肺。則寒竅而成欬唾稠粘。喘急背冷。入於肝。則留伏蓄聚。而成脇痛。乾嘔。寒熱往來。入於經絡。則麻痺疼痛。入於筋骨。則頸項胸背腰脇手足牽引隱痛。然內經有飲字而無痰字。至仲景始立五飲之名。而痰飲居其一。龐安常曰。善治痰者。不治痰而治氣。氣順則一身之津液亦隨氣而順矣。華繩云。痰之生。由於脾氣不足。不能致精於肺。而淤以成者也。治痰宜先補脾。脾復健運之常。而痰自化矣。繩墨云。行則爲津。聚則爲痰。故化痰之藥。不外令津液流行也。夫脾胃無濕不生痰。故脾胃爲生痰之源。肺爲貯痰之器。肺中痰多。或爲喘促。或爲咳嗽。惟化痰藥。能令肺之分泌物。放鬆而逐出之。出其痰而病自愈。所以肺中之痰乾則

宜稀薄之溢則宜排泄之此化痰藥之妙用也。

半夏

【品狀】 毒草類。生平地。多年生草本。高七寸。地下有塊莖。球形大如指頭。由此抽一莖。至數莖。莖頂着複葉。自三小葉成。有網狀脈。葉柄生肉芽。夏月於莖頂另生佛焰苞。外緣內紫黑。縱裂如深匕。內有雌雄兩蕊。花軸細長如鼠尾。禮記月令。五月半夏生。蓋經夏之半也。故名。八月採根曝乾。根爲球形。表面色白。內部亦然。但有數種。表面呈褐白色。內部微黃。產我國之青州等處。

【成分】 澱粉、糖、樹脂、揮發油。

【性味】 味辛微苦。性溫。氣燥質滑。得土金之氣。兼感天之燥氣。以生氣味俱薄。沉而降。陽中陰也。柴胡、射干爲之使。惡皂莢。畏雄黃、生薑、乾薑、秦皮、鼈甲、反烏頭。忌羊血、海藻、飴糖。

【歸經】 入脾、胃、膽三經。兼入心、肺、大腸三經。爲除濕化痰開鬱發表之品。和胃氣。健脾氣。補肝風。潤腎燥。通陰陽。理順逆。

【功效】 性濕體滑。入陽明並走心脾。質燥味辛。治嘔吐。專消痰飲。通陰陽而和胃。不寐堪醫。

散逆氣以調中。鬱邪可解。痰厥頭疼當取服。中風暴卒急宜求。辛潤通腸。半夏主津凝虛閉。溫宣消痞。製法係薑汁青鹽。

【研究】 半夏味辛質滑性溫。有小毒。善劫痰水。導大便。痰水去。土燥。脾喜燥而惡濕。故宜之。味辛善散逆結之氣。故能解鬱調中。爲治嘔吐。蠲飲邪之聖藥。總之脾有濕邪者宜用。若陰虛血燥之人當爲禁服。元素曰。治寒痰及形寒飲冷傷肺而欬。消胸中痞。膈上痰。除胸寒和胃氣。燥脾濕。治痰厥頭痛。消腫散結。丹溪曰。治眉稜骨痛。成無己曰。辛者散也。潤也。半夏之辛以散逆氣結氣。除煩嘔。發音聲。行水氣而潤腎燥。好古曰。腎主五液。化爲五濕。自入爲唾。入肝爲泣。入心爲汗。入脾爲痰。入肺爲涕。有痰曰嗽。無痰曰咳。痰者因咳而動脾之濕也。半夏能泄痰之標。不能泄痰之本。泄本者泄腎也。咳無形。痰有形。無形則潤。有形爲燥。所以爲流濕潤燥也。俗以半夏爲肺藥非也。止嘔吐爲足陽明。除痰爲足太陰。柴胡爲之使。故今柴胡湯中用之。雖爲止嘔亦助柴胡黃芩主往來寒熱。是又爲足少陽陽明也。宗奭曰。今人惟知半夏去痰。不言益脾。蓋半夏能分水。脾惡濕。濕則濡困。困則不能治水。經云。濕勝則瀉也。凡脾濕而瀉者。半夏能治之。趙繼宗曰。半夏性燥烈。若風痰寒痰濕痰。食痰則相宜。至於勞痰失血。

諸痰用之。反能燥血液而加病。不可不知。吳機曰。俗以半夏性燥有毒。以貝母代之。貝母乃太陰肺經之藥。半夏乃太陰脾經陽明胃經之藥。何可代也。夫欬嗽吐痰。虛勞吐血。或痰中見血。諸鬱咽痛喉痺。肺癰肺痿肺疽。婦人乳難。此皆貝母爲向導。半夏乃禁用之藥也。若涎者脾之液。美味膏粱炙燔。皆能生脾胃濕熱。故涎化爲痰。久則痰火上攻。令人昏瞶口噤。偏廢僂仆。塞澀不語。生死旦夕。自非半夏南星。曷可治乎。若以貝母代之。則翹首待斃矣。時珍曰。脾無留濕不生痰。故脾爲生痰之源。肺爲貯痰之器。半夏能主痰飲及腹脹者。爲其體滑而味辛性溫也。體滑能潤。辛溫能散。亦能潤。故行濕而通大便。利竅而泄小便。所謂辛走氣能化涎。辛以潤之是矣。徐靈胎曰。半夏色白而味辛。故能爲肺經燥濕之藥。肺屬金。喜斂而不喜散。蓋斂則肺葉垂而氣順。散則肺葉張而氣逆。半夏之辛。與薑桂之辛迥別。入喉則閉不能言。塗金創則血不復出。辛中帶澀。故能疎而又能斂也。又辛之斂與酸之斂不同。酸則一主於斂。辛則斂之中有發散之意。尤與肺投合也。石頑曰。半夏爲足少陽本藥。並入足陽明太陰。虛而有痰。氣宜加用之。胃冷嘔噦方藥之最要。半夏性燥。能去濕豁痰健脾。同蒼朮茯苓治濕痰。同花粉黃芩治熱痰。同南星前胡治風痰。同芥子薑汁治寒痰。惟燥痰宜花粉貝母。非半夏所能治也。

按半夏非專治痰藥也。味辛能散結，性燥能去濕，脾家所喜。蓋痰者濕土不運而成。東垣云大和脾胃氣治其本也。主療痰厥咳逆，頭痛頭眩，腸鳴痰瀉痰瘕，誠快劑也。若嘔家必用半夏，以其性燥善能去水，水去則嘔止，又能溫膽，蓋心驚膽怯，由於痰聚經絡，膽氣不得上升，以此豁痰，膽氣自平。孕婦頭暈嘔吐，名惡阻，由胃氣怯弱，中脘停痰所致，以此化痰滯而健脾，須用黃芩等藥監之。傷寒時氣，大小柴胡湯中，皆用半夏，善却半表半裏之邪，如邪氣傳裏，裏熱已深者，勿宜用，恐其性燥，損血耗津，慎之。

【實驗】此藥醫治急性支氣管炎，在胃無何等作用，至腸略能促進腸液之分泌，并和膝液化合而被腸壁吸入血中，能激末梢神經，使精神振發，血液之循環增快，同時促進肺之呼吸作用，使痰沫容易驅出，又此藥對於腳氣、慢性腎炎、肝臟膿瘍、慢性胃加答兒等所起之頑固嘔吐、胃潰瘍之嘔吐等，無不奏效。荷蘭藥鏡，肺瘍勞嗽，用牛乳煮服，能促進吐膿，刷淨肺部，開通內臟壅塞，通月經，治粘液病，痿黃病，水腫，間歇熱，有效。

【禁忌】其性燥而辛溫有毒，雖能祛濕分水實脾，及開寒濕氣鬱結痰，而其所大忌者，惟陰虛血少，津液不足諸症，故古人立三禁，謂血家渴家汗家也，故凡一切吐血、衄血、咯血、齒衄、舌

上出血、金瘡、產後失血過多、尿血、便血、腎水真陰不足發渴、中著發渴、陽虛自汗、陰虛盜汗、內熱煩躁出汗諸證，皆所當禁者也。然三禁之外，應忌者尚多，茲更詳列於後。凡咳嗽由於陰虛，而不由於寒濕，嘔吐由於火衝胃熱，而不由於寒濕痰壅，飲食不化，由於脾陰不足，不由於脾濕少運，嘔噦眩悸，由於胃弱，不由於寒濕痰飲，霍亂腹脹，由於邪熱客中焦，不由於寒濕食滯，咽痛由於陰虛火炎，不由於傷寒少陰病邪熱不解，氣喘由於氣虛，不由於風寒所鬱，頭痛由於血虛，不由於痰厥，不寐由於心經血少，不由於病後膽虛，如上諸證，法所同禁，其所最易誤而難明者，醫以其能去痰，凡見咳嗽，莫不先投，殊不知咳嗽吐痰，寒熱皆蒸，皆陰虛肺熱，津液不足之候，誤服則損其津液，而肺家愈燥，陰氣愈虛，濃痰愈結，必致聲啞而死。若合參朮，禍不旋踵，蓋其本脾胃藥，而非肺腎藥也。寒濕痰飲作嗽，屬胃者固宜，然亦百之一二，其陰虛火熾，煎熬真陰，津液化為結痰，以致喉癢發咳者，往往而是。故痰中帶血，口渴咽乾，陰虛咳嗽者，大忌服之。又有似中風痰壅失音，偏枯拘攣，及二便閉澀，血虛腹痛，於法並忌，犯之過多，則非藥可救，醫之罪也。豈藥之咎哉。

【用量】 自一錢五分至三錢。

【炮製】 選陳者浸七日，逐日換水，瀝去涎，切片，薑汁拌炒，或皂莢、白礬、薑汁、竹瀝四製尤妙。咽醋醋炒用。小兒驚痰發搐，及膽虛不得眠，豬膽汁炒。入脾胃丸劑，爲細末，薑汁拌，盒作麪，候陳炒用。

【配合】 入仲景小陷胸湯，同黃連、薤仁，治小結胸病，正在心下，按之則痛，脈浮滑者。同鷄子苦酒，名苦酒湯，治少陰病，咽中傷生瘡，不能言語，聲不出者。同人參、白蜜，名大半夏湯，治嘔吐反胃，亦治膈間支飲。同南星、白朮等分爲末，薄糊丸，梧子大，每服五十丸，薑湯下，治濕痰咳嗽，而黃體重嗜臥，兼食不消，脈緩者。同炙甘草，炒皂莢各寸許，薑三片，水煎服，名千縉湯，治風痰喘急。同南星減半爲末，薑汁和餅焙乾，入神麪半分，白朮四分，枳實二分，同爲末，薑汁麵糊丸，梧子大，名青壺丸，每服五十丸，薑湯下，治風痰濕痰。同生薑水煎服，名小半夏湯，治支飲作嘔，嘔家本渴，反不渴者，或似喘不喘，似嘔不嘔，似噦不噦，心中憤憤者。生用爲末，水調塗打撲瘀痕，一宿卽沒。生爲末，吹鼻，治卒死不寤卽活。又治五絕急症，乃自縊、牆壓、溺水、癘魅、產乳，並以生末吹鼻中心溫者，一日可活。皇漢醫方同桔梗、枳殼、陳皮、前胡、葛根、茯苓、杏仁、桑葉、甘草，治急性支氣管炎。

天南星

【品狀】 生於山野。多年生毒草。高三尺。複葉有長葉柄。自數小葉成。小葉廣披針形。葉中出花單性。肉穗花蕊。如指頭大。有紫黑佛燄苞包之。花後密佈小圓質。熟呈紅色。地下莖如球。似半夏而大。九月採根陰乾。產漢中等處。

【成分】 含澱粉及極少數之安息香酸。

【性味】 味苦辛。性溫燥。有毒。稟火金之氣而生。可升可降。陰中之陽也。蜀漆爲之使。惡莽草。畏附子、生薑、乾薑。生能伏雄黃、丹砂、焰硝。

【歸經】 入肺、胃、肝、脾四經。爲治風痰散堅結之品。

【功效】 溫燥能行。逐風痰於肝臟。苦辛有毒。散堅結於脾家。性剛善走。夫陽明。妊娠忌用。製法須臧乎牛膽。驚癇宜求。

【研究】 南星一名虎掌。其根大如掌。四圍有子。形皆扁。故名。苦辛溫有毒。入太陰陽明厥陰。治風痰散堅結。但性燥而緊。猛於半夏。能散血墮胎。用牛膽套之。制其燥烈之性。善治肝膽經風痰。爲小兒癩癩等證要藥。藏器曰。金瘡折傷。瘀血搗敷之。元素曰。去上焦痰。及眩暈。

東垣曰。主破傷風。口噤身強。好古曰。補肝風虛。治痰功同半夏。丹溪曰。欲其下行。以黃蘗引之。時珍曰。得防風則不麻。得牛膽則不燥。得火炮則不毒。治驚風癇。口眼喎斜。喉痺。口舌瘡糜。結核。解頤。又曰。南星乃手足太陰脾肺之藥。味辛而麻。故能治風散血。氣溫而燥。故能勝濕除涎。性緊而毒。故能攻積拔腫。而治口喎舌糜。直指方云。諸風口噤。宜用南星。更以人參石菖蒲佐之。石頑曰。南星爲開滌風痰之專藥。南星半夏皆治痰藥也。然南星專走經絡。故中風麻痺。以之爲嚮導。半夏專走腸胃。故嘔逆泄瀉。以之爲嚮導。按南星味辛烈。能散復能燥。氣雄猛。能通復能開。故力豁風痰濕痰。主治暴中風不省。古來論中風者不一。曰濕。曰火。曰痰。總之濕鬱生火。火盛生痰。痰火相搏。而成風之象。有痰涎壅盛。口眼喎斜。手足癱瘓。半身不遂諸症。以此開痰破結。則風搖火焰之勢。自然而息。若濕痰橫行經絡。壅滯而不通。致語言費力。呵欠噴嚏。頭目眩暈。頸項痰核。肩背痠疼。雙臂作痛。兩手軟痺。爲患多端。以此導其痰。則諸症悉愈。但辛燥之藥。不宜多用。又膽星意不重南星。而重膽汁。借星以收取膽汁。非如他藥監制也。故必須九製。則純是汁。色染爲黃。味變爲苦。性化爲涼。專入肝膽。經云。肝爲將軍之官。十一臟取決於膽。是以膽之氣一發。週身無處不到。假膽以清膽氣。星以豁結氣。大能益肝鎮驚。

主治一切中風、風癱、驚風、頭風、眩暈、老年神呆、小兒發搐、產後怔忡、爲肝膽掀動之風、調和之神劑也。本草言其功如牛黃者，卽膽汁之精華耳。

【禁忌】 味既辛苦，氣復大溫而燥烈，與半夏之性同，而毒則過之。半夏治濕痰，南星治風痰，功用雖類，而實殊也。非西北人真中風者，勿服。陰虛燥痰大忌。

【用量】 自八分至一錢五分。

【炮製】 去皮臍，治風痰生用，須以礬湯浸，若熟用以濕紙包，於糖火中炮製用。造膽星法，以南星磨末，篩去皮，臘月入黃牛膽中，懸當風處乾之，年久多拌者良。或兼蜂蜜以潤其燥，但色易黑，不能久藏。

【配合】 得牛膽則燥氣減，得火炮則毒性緩，得薑桂附，主破傷風，口噤身強，得牛膽、皂角、川烏、茯神、牛黃、天竹黃、丹砂，治驚癇，加天麻，治一切風痰壅盛，同半夏搗細末，入降香末，敷金瘡，折傷瘀血，同桂枝、乾薑、甘草，細辛，治西北邊人真中風，風痰卒壅，殭仆。

貝母（附）象貝母

【品狀】 爲宿根草，春季抽莖高二尺，葉作長披針形，對生或互生，莖頂有狹小而尖端卷曲。

之三葉。夏季每葉腋倒垂碧綠色六瓣花。狀如蔕豆。根球形。其鱗片爲肉質。視之如集合多數之貝殼。故名。八月採根。產蜀省者。形小圓正底平開瓣。產浙省象山者。形大。獨顆無瓣。頂圓心斜。

【成分】 主要素爲 Imperialin $C_{36}H_{60}O_4N$ 。含有多量之澱粉。少量之苦味質。

【性味】 川貝母。味甘。微苦。微辛。性寒。在地則得土金之氣。在天則稟清肅之令而生。可升可降。陰中微陽也。厚朴。白薇爲使。惡桃花。畏秦艽。莽草。礬石。反烏頭。

【歸經】 入心肺二經。爲散結洩熱。潤肺清火之品。肺家氣分藥。苦瀉心火。辛散肺鬱。

【功效】 甘寒潤肺。可消痰。當求川種。解鬱寬胸。且散結。言采其商。象貝之功。治欬還能解表。浙中所種。疏痰並可消癰。爲肺燥之神丹。清心滌熱。乃脾濕之禁劑。微苦微辛。

【研究】 貝母。川產野生者良。性味甘寒。微苦。色白而潤。專入心肺。善解胸中鬱結之氣。蓋鬱則生熱。熱則生痰。故貝母治火痰燥痰有功。亦鬱解則熱退。熱退則痰除。而肺效自寧耳。今浙中象山所種者。形亦相象而較大。味兼苦劣。用亦稍異耳。又貝母以其有解鬱散結化痰除熱之功。故一切外證瘡瘍用之而效者。亦此意也。所謂毒者。卽火結氣鬱所致。火解氣舒。又何毒。

之有哉。承曰：貝母能散心胸鬱結之氣。故詩云：言采其蔞是也。（貝母一名蔞）作詩者本以不得志而言。今川治心中氣不快，多愁鬱者，殊有功信矣。成無己曰：辛散而苦泄，桔梗貝母之苦辛，用以下氣。石頑曰：肺受心胞火乘，因而生痰，或爲邪熱所干，喘嗽煩悶，非貝母莫治。本經主傷寒煩熱者，甘寒能解煩熱也。淋瀝者，熱結二腸也。清心肺鬱熱，而淋瀝通矣。疝瘕者，足厥陰之邪，于手厥陰也。經曰：診得心脈搏滑急，爲心痛，少腹當有形也。喉痺者，熱鬱結於上也。經云：一陰一陽結，謂之喉痺。心主三焦之脈，皆絡於喉也。乳難者，鬱熱結於手足厥陰。風瘕者，金瘡鬱熱生風而成瘕。總取解散鬱結之邪也。浙省象山產者，治疝瘕、喉痺、乳難、金瘡、風瘕，一切癰瘍，又同苦參當歸，治妊娠小便難。同青黛治人面惡瘡。同連翹治以上結核，皆取其開鬱散結、化痰解毒之功也。黃宮繡曰：肺因火刑，水飲不化，鬱而爲痰。此痰因於燥者，也。脾胃虛寒，水飲停積，窒而不通，此痰因於濕者也。因於燥者，非用苦以瀉火，辛以散鬱，寒以折熱，莫治。因於濕者，非用辛以散寒，溫以燥濕，莫治。貝母味苦而辛，其性微寒。凡心肺燥鬱、虛勞煩熱、肺痿肺癰、喉痺、咯血吐血、目眩、淋瀝、癭瘤、乳閉、難產、惡瘡、不斂等病，服之皆能有效。若脾虛生濕生痰，而見咳嗽不寧，混以貝母妄伐，其失遠矣。蓋一宜貝母，一宜半夏，貝母獨清肺金，半

夏兼治肺脾。貝母用其苦，半夏用其辛，貝母用其涼，半夏用其溫。貝母性緩，半夏性速。貝母清熱，半夏散寒。氣味陰陽大有不同，彼此誤投，爲害不淺。按貝母味苦能下氣，微辛能散鬱，氣味俱清，故用入心肺。主治鬱痰虛痰熱痰，及痰中帶血，虛勞咳嗽，胸脇逆氣，煩渴熱甚。此導熱下行，痰氣自利也。取其下氣則毒去，散鬱則毒解。用療肺痿肺癰，咽痛喉痺，癭瘤痰核，癰疽瘡毒。此開鬱散結，血脈流通也。又取其色白體瓣象肺，性涼能降，善調肺氣，治胃火上炎，衝逼肺金，致痰嗽不止。此清氣滋陰，肺部自寧也。

【實驗】 此藥醫治急性枝氣管炎，在胃不呈作用，至腸卽漸次被腹壁吸入血中，使白血球進行迅速，且由末梢神經受激而達腦神經，則中樞神經奮興，呼吸深速，積極易驅出。同時又使肺臟分泌減少，可免多量痰沫之釀成。

【禁忌】 凡寒濕痰及食積痰火作嗽，濕痰在胃，惡心欲吐，痰飲作寒熱，脾胃濕痰作眩暈，及痰厥頭痛，中惡嘔吐，胃寒作泄，法以辛溫燥熱之藥，如南星、半夏、天麻、蒼朮、白朮、茯苓之類，治之者，並禁用。

【用量】 川貝母自一錢至三錢，象貝母自三錢至一兩。

【炮製】 兩種俱去心用。象貝母形大，入湯劑宜切片用。

【配合】 同知母、前胡、葛根、麥冬、甘草。治陽明癰疹、初發壯熱、欬嗽有痰、不得眠。同橘皮、前胡、石膏、知母、麥冬、竹瀝。治痰瘡。同知母、天冬、麥冬、桑白皮、枇杷葉、百部、桔梗、甘草。治肺熱、欬嗽、及胸中煩熱。同生甘菊、紫花地丁、金銀花、白芨、白蘞、牛蒡子、甘草、夏枯草。治一切熱毒、消一切癰疽。同牛蒡子、元參、花粉、僵蠶、甘草、桔梗。治風癩。同鬱金、橘葉、連翹、花粉、牛蒡子、夏枯草、山慈菇、山豆根、元參。消一切結核、乳巖、癰癤。同百部、百合、薏苡仁、麥冬、蘇子、鬱金、童便、竹瀝。治肺熱吐膿血。同鬱金、降香、橘紅、遠志、蘇梗、蘇子、香附、白豆蔻。開鬱痰、加撫芎神麴、并解一切氣鬱。皇漢醫方同陳皮、前胡、知母、竹瀝、杏仁。治急性支氣管炎。

菖蒲

【品狀】 水草類。為多年生草。葉大如劍。其中肋脈。大者長至三四尺。皆簇生。初夏葉間開淡黃色之小花。相綴而成穗狀。常有千葉成佛燄苞以包之。根莖俱有一種香氣。根盤曲有節。如馬鞭。一根旁引三四根。旁根節尤多。亦有一寸十二節者。乾則堅實。折之中心色微赤。嚼之辛香。各處均產。宜產石上一寸九節者良。出泥中。大者不堪用。五月十二月採根陰乾用。

【成分】含有揮發油、澱粉、苛烈芳香性之樹脂、極微之鞣酸、礦物性之亞苛寧及一種加拉明。 Calamin

【性味】味辛苦、性溫、氣香、無毒。秦皮、秦芫爲之使。惡地膽、麻黃、忌飴糖、羊肉、勿犯鐵器、令人吐逆、解巴豆、大戟毒。

【歸經】入心經、爲豁痰宣竅之品。

【功效】爲水草之精英、氣稟芳香、質屬燥、治風痰之痺閉、味含辛苦、性偏溫、開心竅以祛邪、資其宣導、利清陽之蒙閉、賴以聰明。

【研究】菖蒲辛苦而溫、芳香而燥、入心家通神明、辟鬼魅、豁痰宣竅、以其生水石間、故又能散水邪、凡一切心積伏梁癩癰等證、皆可用之。楊士瀛曰：下痢噤口、雖是脾虛、亦熱氣閉膈、心胸所致、俗用木香失之溫、用山藥失之閉、惟參苓白朮散、加菖蒲粳米飲調下、或用參苓石蓮肉、少入菖蒲服、胸次一開、自然思食。石頑曰：菖蒲乃手少陰厥陰之藥、心氣不足者宜之。本經言補五臟者、心爲君主、五臟係焉、首言治風寒濕痺、是取其辛溫、開發脾氣之力、治欬逆上氣者、痰濕壅滯之喘欬、固宜搜滌、若肺胃虛燥之喘欬、非菖蒲可治也、其開心孔、通九竅、明

耳目出音聲。總取辛溫利竅之力。心孔開。九竅利。則癰瘡之毒可解。腸胃喜溫惡寒。腸胃既溫。則膀胱之虛寒。小便不禁自止。久服輕身者。除濕之驗也。又主肝虛心腹痛。霍亂轉筋。消伏梁癩癩。善通心脾痰濕可知。按菖蒲味辛利竅。氣香能透心氣。主治氣閉胸膈。痰迷心竅。昏暗健忘。耳聾口噤。暫用此開發孔竅。使神氣昌。但心性喜斂而惡散。菖蒲遠志皆屬辛散。心臟所忌。不可久用及多服。

【實驗】 此藥醫治神經衰弱之消化不良症。入胃即能刺激胃神經。使其分泌增多。消化力加大。且一部由腸壁吸入血中。微有興奮精神之能。

【禁忌】 香燥而散。陰血不足者禁之。精滑汗多者尤忌。凡陽亢陰虛。痿寡失合者。禁用。以其性溫善鼓心胞之火。與遠志之助相火不殊也。

【用量】 自五分至一錢五分。

【炮製】 去毛微炒。切片用。

【配合】 同熟地、黃蘗作丸。治腎虛耳聾。若中年預服。可使老而聽聰。同二朮、木通、薏苡石斛、草薢、黃蘗。爲除濕強步之要藥。兼治下部膿窠濕瘡如神。佐人參、麥冬、棗仁、茯神、遠志、熟

地、生地爲補心之劑。如心氣鬱結者，加沉香，能益火以開心。皇漢醫方，同白朮、人參、麥冬、棗仁、茯神、陳皮、甘草，治神經衰弱之消化不良症。

昆布（附）海藻 海帶 海粉 海蛇

【品狀】昆布藻類植物，生於海中，體如帶，長三丈，全體褐色，柔韌，下部有小柄，黏着岩礁上，緣邊分裂，面甚滑，有縱行皺紋。

【成分】昆布含碘1.23%，灰21.21%，水23.08%，粗蛋白7.11%，粗脂肪0.87%，無氮物47.7%，纖維10.69%。昆布與海藻海帶等，所以能散癥治癰，癰者因含沃度（即海碘）爲變質要藥。近醫所製海碘，多由海藻灰所製成。

【性味】昆布味鹹，性寒，無毒，得水氣以生，降也，陰也。

【歸經】入肝、胃、腎三經，爲軟堅潤下除熱散結之品。

【功效】鹹以軟堅，消癭利水，寒能入腎，退熱除痰。

【研究】昆布鹹寒潤下之品，軟堅行水，是其本功，故一切癰癥癭瘤頑痰膠結之證，皆可用之。然鹹走血，多食鹹則血脈凝滯，生氣日削，致成廢疾不起者多矣。東垣曰：鹹能軟堅，故癭

堅如石者非此不除。石頑曰能破陽邪水腫。然此物下氣久服瘦人。海島人常食之。水土不同故耳。凡海中菜皆損人不獨昆布爲然。海藻生海中其葉如髮。水藻之屬也。苦能洩結。鹹能軟堅。寒能滌熱。消癭癰。結核。癥瘕。陰癢之堅聚。及痰飲脚氣。水腫癰腫之濕熱。去宿食。消五膈。性反甘草。海帶似海藻而粗柔韌而長。下水消癭。功同海藻。海粉。甘寒而鹹。清堅頑熱。痰消癭瘤積塊。治熱煩。養陰氣。海蛇。卽海蜃。鹹平。化熱痰。敷貼丹毒。湯火傷。

【實驗】昆布醫治淋巴腺炎。肋膜炎。初期微毒。在胃中。僅能將含有之碘質分出幾許。而合成碘化物。至腸始次第吸收。至血中能撲滅血中之病原菌及腐敗質。又能促進細胞之新陳代謝作用。且可將一切粘膜之滲透質重吸入之。故有退炎之功。

【禁忌】脾寒有濕者勿用。三種同。

【用量】昆布海藻海帶海粉海蛤殼自一錢五分至三錢。海蛇自一兩至二兩。

【炮製】昆布海藻海帶洗淨鹹味焙乾用。海蛤殼生用。或煅赤杵粉用。海蛇濡淡用。

【配合】皇漢醫方。昆布。同木通。海藻。松蘿。杏仁。半夏。治肋膜炎。佐海帶。黃連。治淋巴腺炎。同川芎。沉香。防風。金銀花。白蘚皮。治初期微毒。

白芥子 (附) 鹹芥油

【品狀】 菜類。一年生。或越年生。葉互生。似蕪菁而小。鋸齒甚細。有缺刻。面常皺縮粗糙。秋末下種。冬可食。春深開十字形小黃花。爲總狀花蕊。花後結長角。實中有黃白色圓形種子。如粟米。各處均有。北產者良。

【成分】 除脂肪油外。含有密倫酸加里、Myronats of Potash 密洛辛、Myrosin 此密倫酸加里。受密洛辛之醱酵作用。化生芥子油。 $C_4H_9SN(C_{10}H_{15}KNO_{10}S_2 = C_4H_9SN + C_6H_{13}O_6 + KHSO_4)$ 爲無色或淡黃色之液體。日久則變黃褐色。氣味俱辛辣劇烈。

【性味】 味辛性熱。無毒。

【歸經】 入肺胃二經。兼入肝經。爲利氣豁痰。發汗散寒。除腫止痛之品。通行經絡。能搜剔內外痰結。及胸膈寒痰。冷涎壅塞。

【功效】 辛能發汗。熱可溫中。入肺胃以搜痰。並走皮間與膜外。寬胸膜而利氣。卻能散冷耗營陰。

【研究】 白芥子。此芥種類少異。莖葉青白色。其子黃白色。非如食芥之葉青綠色。而子紫黑。

也。味大辛。性大熱。入肺胃二經。散寒下氣。寬胸膈。利風痰。其辛散之性。食之淚出。又能達肝。故治痰在脇下。及皮裏膜外者。非此不除。但耗陰散氣。昏目損神。虛人禁用。丹溪曰。痰在脇下。及皮裏膜外。非白芥子莫能達。古方控涎丹。用白芥子。正此義也。時珍曰。白芥子辛能入肺。溫能發散。故有利氣豁痰。溫中開胃。散痛消腫。辟惡之功。能治喘嗽。反胃。痺木。腳氣。筋骨腰節諸痛。芥菜子。主治略同。芥菜辛熱而散。能通肺開胃。利氣豁痰。久食。則積溫成熱。辛散太甚。耗人真元。昏目發瘡。陳年鹹芥滿。治肺癰。吐盡臭痰穢毒。即愈。然惟初起未潰宜之。

【實驗】撲損癰腫。搗末醋和塗。窒息。胃病。急性氣管枝。加答兒等之咳嗽喘息等。爲芥子泥。即新鮮芥子末。和適宜微溫湯。塗於布片貼之。芥末之功。能作吐劑。行氣。如外敷皮膚。能發紅熱而起水泡。功能引炎。用芥末粥渣各半。和勻敷之。但此法久敷。則作水泡。兼變爛肉。婦孺皮膚較薄。宜慎用。又法用芥末鷄蛋白。調爲濃漿敷之。小兒亦可用。因芥末與鷄蛋白相調。便不患其酸烈。如牙痛敷頰。腦根痛。骨鉸發腫。及患走風脚症。宜敷患處。若臟腑內發。須按定部位敷之。肚疼心痛。及風濕骨疼。外敷亦甚效。頭上作痛。或發炎。及癩狂症。宜敷腳心。又如傷風頭痛。及患風濕症。用芥末調水浸足亦效。按白芥子。味辣。橫行甚捷。體細通利甚銳。專開結痰。

屬熱者能解。屬寒者能散。痰在皮裏膜外。非此不達。在四肢兩脇。非此不通。若結胸證。痰涎邪熱。固結胸中。及咳嗽失音。以此同蘇子。枳實。瓜蒌。杏仁。芥。連。爲解熱下痰湯。誠利氣寬胸神劑。

【禁忌】 白芥子。肺經有熱。及陰虛火炎生痰者均忌。

【用量】 自八分至一錢五分。

【炮製】 生研。絹包煎服。或水調外敷。

【配合】 同蘇子。萊菔子。治痰氣喘嗽。胸滿懶食。同甘遂。大戟等分研末。薑汁法丸。治痰涎停留胸膈上下爲病。同半夏。乾薑。陳皮。豬苓。炙草爲丸。淡薑湯下。治一切停痰積飲。脘脇脹痛。嘔吐酸涎等症。

葶藶（附）粉 苗梗

【品狀】 葶藶。生淺水田中。其苗三四月出土。一莖直上。無枝葉。狀如龍鬚。高二三尺。秋後根下結顆。大如山查。粟子。而臍有聚毛。累累下生入泥底。野生者黑而小。種出者紫而大。吳人以沃田種之。三月下種。霜後苗枯。冬月掘收爲果。生食熟食皆良。

【性味】 味甘性寒。無毒。

【歸經】 入肺胃大腸三經。爲化痰清熱解渴之品。

【功效】 甘寒退熱消痰食。冷利除風毀頑銅。肺胃之丹毒堪除。胸膈之鬱邪可解。能行血分。善達腸中。

【研究】 葶藶甘寒滑利。入肺胃大腸血分。除胸中熱痰。消風消食。治黃癰。止消渴。解丹石毒。能治血痢等症。合銅錢食之。則錢化。其剋化寒滑之性。概可見矣。葶藶粉味甘性涼。化熱痰。消銅屬瘀積。和藥用。點眼去翳。葶藶苗梗一名通天草。味苦性平。利濕熱。消水腫。

【禁忌】 性極涼瀉。有冷氣人不可食。致腹脹氣滿。多食令人患脚氣。虛勞咳嗽切禁。以其峻削肺氣。兼耗營血。故孕婦血竭忌之。小兒食多。臍下結痛。

【用量】 生葶藶。自一兩至三兩。葶藶粉。自一錢至三錢。葶藶梗。自一錢五分至三錢。

【炮製】 葶藶生用。或煮熟用。或製粉用。葶藶梗。洗淨切斷用。

【配合】 生葶藶。同海蛇煎湯。名雪羹湯。能清肺化痰。同地龍搗爛。入白酒釀絞服。治痘瘡乾紫。不能起發。用大葶藶三斤。桑椹三兩。雄黃一兩五錢。赤糖。白糖。砂仁各三兩。滴花燒酒三斤。浸透。砂鍋內煮熟。治赤白痢疾。每服一枚。葶藶粉。同硃砂。冰片。爐甘石研細。點目去翳。

葶薺梗。同木通。赤苓。利尿去濕。

杏仁(附)甜杏仁

【品狀】 蒙古原產。各省栽培甚廣。落葉喬木。莖高丈餘。葉闊橢圓形。有細鋸齒。末端尖。似梅葉。花亦似梅。色粉紅。五出稍大。果爲圓形。核果生綠熟黃。極易分離。可啖。或乾製爲杏脯。或作蜜餞。核中仁。如心臟狀形而扁。雙仁者殺人。可以毒狗。時珍曰。凡杏桃諸花皆五出。若六出必雙仁。爲其反常。故有毒也。

【成分】 主要素爲 Amygdolin $C_{20}H_{27}NO_{2}$ 5.6%，餘爲 Fixed oil 45.0%，糖與樹脂 5.0%，粗蛋白和 Emulsin 24.0%，無機鹽 5.0%。

【性味】 味苦辛。性溫。有小毒。稟春溫之氣。兼得火土之化。以生氣薄。味厚濁而沉墜。降也。陰也。得火良。惡黃芩、黃芪、葛根、畏藜草。

【歸經】 入肺大腸二經。爲消痰降氣潤燥之品。專散肺家風寒痰滯。

【功效】 苦辛宜壅。能疏肺部風寒。溫潤下行。善降大腸燥結。能寬胸而降氣。可治欬以搜痰。甜者因味屬甘平。用之則功多潤降。

【研究】杏仁味苦性溫。入肺經氣分。凡仁皆降。故功專降氣。氣降則痰消嗽止。能潤大腸。故大腸氣閉者可用之。考杏仁之性。似無辛味。似乎止有潤降之功。而無解散之力。但風寒外束。肺氣壅逆。不得不用此苦降之品。使氣順而表方得解。故麻黃湯用之。亦此意耳。桃仁杏仁。其性相似。一入肝經血分。一入肺經氣分。至於解毒殺蟲。彼此均可。在乎用者之神明耳。甜杏仁別有一種。味甘性平。可供果食。主治亦皆相仿。用於虛勞咳嗽方中。無苦劣之性耳。元素曰。杏仁入手太陰經。其用有三。潤肺也。消食也。消滯氣也。能除肺熱。治上焦風燥。利胸膈氣逆。潤大腸氣祕。東垣曰。杏仁散結潤燥。除肺中風熱欬嗽。杏仁下喘。治氣也。桃仁療狂。治血也。俱治大便秘。當分氣血。甚則便難行。陽氣也。夜則便難行。陰血也。故虛人便秘。不可過泄。脈浮者屬氣。用杏仁。陳皮。脈沉者屬血。用桃仁。陳皮。手陽明與手太陰爲表裏。賁門主往來。魄門主收閉。爲氣之通道。故並用陳皮主之。好古曰。張仲景麻黃湯。及王朝奉治傷寒氣上喘逆。並用杏仁者。爲其利氣瀉肺解肌也。時珍曰。杏仁能散能降。故解肌散風。降氣潤燥。消積。治傷損藥中用之。治瘡殺蟲。用其毒也。石頑曰。辛能橫行而散。苦能直行而降。遂爲散邪降氣。定喘泄滯。散結潤燥。除肺中風熱咳嗽。千金以童便浸七日。研如泥。治欬嗽寒熱。至於陷胸麻仁。

等圓。皆熬黑研膩如油。則知此物之性。愈熬黑愈潤下矣。扁鵲云。不宜多食。動宿疾。令人目盲。鬚髮落。耗氣之驗也。今人以之混治陰虛喘嗽。轉耗胸中大氣。爲患不淺。亡血家尤爲切禁。以其味辛性溫。大能破血也。黃宮繡曰。杏仁既有發散風寒之能。復有下氣除喘之力。緣辛則散邪。苦則下氣。潤則通祕。溫則宣滯。行痰。杏仁氣味俱備。故凡肺經感受風寒。而見喘嗽。欬逆。胸滿。便祕。煩熱。頭痛。與夫蠱毒。疥瘍。狗毒。蠅毒。錫毒。金瘡。無不可以調治。東垣論杏仁與紫菀。均屬宣肺除鬱開滯。而杏仁主肺經之氣。紫菀主肺經之血。杏仁與桃仁俱治便祕。而杏仁治氣喘。便祕。脈浮。見於晝。桃仁治發狂。便祕。脈沉。見於夜。馮楚瞻論杏仁瓜蒌。均屬除痰。而杏仁從腠理中發散以祛之。故表虛者最忌。瓜蒌從腸胃中清利以除之。故裏虛者切忌。按杏仁味苦略辛。辛能散結破氣。苦能降下潤燥。色白入肺。主治暴感風寒發熱。咳嗽氣逆喘促。小兒風熱疹子。蓋由客邪犯肺。以此佐風藥發散。則氣清肺寧矣。因其味濁主降。以能墜痰。治喉痺不通。以能下氣。潤大腸結燥。蓋肺與大腸爲表裏。如老年便祕。以此同桑皮紫菀。宣通澀滯。妙甚。其桃仁療狂。用治破血。除血分之燥。杏仁下喘。用治破氣。除氣分之燥。所用不同如此。

【實驗】 此藥醫治細枝氣管炎。慢性枝氣管炎。入胃後。與胃酸分解。而成青酸。C₂H₄，至腸

被腸壁吸入血中。能抑制組織中之氯化機。使不攝取酸素。同時大腦神經被激麻醉。全身知覺亦感不甚敏銳。而肺臟神經亦被麻木。故能制止咳嗽。

【禁忌】 凡陰虛欬嗽。肺家有虛熱熱痰者均忌。雙仁者不用。

【用量】 自一錢至三錢。兩種同。

【炮製】 湯泡去皮尖。研如泥用。時珍曰。治風寒肺病藥中。亦有連皮尖用者。取其發散也。兩種同。

【配合】 同桃仁、桑白皮、人參各等分。加生薑、大棗。治喘嗽不臥。煎服。杏仁二錢。大黃一錢。治跌打損傷。水煎臨臥服。後飲醇酒醉臥。至曉而死血盡下。杏仁一錢。防風、升麻、葛根、甘草各三分。治瘋犬豺狼咬傷。煎服。皇漢醫方。同麻黃、羌活、蒼朮。防風、薄荷、蘇梗。治細枝氣管炎。佐白芍、瓜蒌、半夏、生薑、貝母、橘皮、茯苓。治慢性枝氣管炎。

銀杏

【品狀】 俗呼白果。樹高二三丈。葉似鴨掌形。常二裂。面綠背淡。秋變黃而落。夏開淡青花。二更開花。隨即卸落。人罕見之。一枝結實百十。狀如棗子。經霜乃熟。爛去肉。取核爲果。其核兩頭

尖。三稜爲雄。二稜爲雌。其仁嫩時綠色。久則黃。須雌雄同種。其樹相望乃結實。或雌樹臨水亦可。或鑿一孔。納雄木一塊。泥之亦結。陰陽相感之妙如此。其樹耐久。肌理白膩。術家取刻符印。云能召使也。產宣城者爲勝。

【性味】 味苦甘澆。性平。有小毒。

【歸經】 入肺經。爲斂肺降濁滌痰之品。

【功效】 潤降氣平。上斂肺金。除欬逆。苦甘性澆。下行濕濁。化痰涎。

【研究】 銀杏苦甘澆平。性降。專入肺部。斂肺降濁。故能定喘嗽。降濁痰。其花夜開。人多不見。蓋稟陰毒之性。故又能殺蟲。蟲因濕濁而化也。但多食則氣壅。以其收令太過歟。時珍曰。氣薄味厚。性澆而收。色白屬金。故能入肺金。益肺氣。定喘嗽。縮小便。生搗能浣油膩。則去痰濁之功。可類推矣。石頑曰。銀杏定喘方用之。生嚼。止白濁。降痰消毒。殺蟲。塗鼻而手足。去皴皸。野鷄。同水搗漿衣。殺蟲蝨。熟則壅遏閉氣。多食令人臃脹昏悶。

【禁忌】 多食壅氣動風。小兒多食昏悶。發驚引疳。同鰻鱺魚食。患軟風。

【用量】 入煎劑自五枚至十枚。外用不等。

【炮製】 去殼剝衣，生用熟用，各隨方法。

【配合】 同麻黃、蘇子、款冬花、半夏、桑白皮、杏仁、黃芩、甘草，治哮喘痰嗽。生鵝、豆腐漿沖服，治白濁白帶。

橄欖（附）核 西藏青果 金果欖 呂宋果

【品狀】 中國原產喬木，閩廣最多，植於寒帶則易枯，奇數羽狀複葉，小葉自五對至六對，長橢圓披針形，總狀花蕊，核果卵圓，核堅，紡錘形，銳頂，略有六稜，中有三室，各具細瘦之仁。

【成分】 橄欖含有一種揮發油，即橄欖油、糖酸、水分、纖維等。

【性味】 味酸苦澁甘，性溫，無毒。

【歸經】 入肺胃二經，為解毒除痰之品。

【功效】 味酸澁，久乃香甜，專化魚豚哽毒，入肺胃，頓歸清肅，並療酒食煩蒸，炙核治痘毒，以無憂、摩沖化骨哽而立效，性則寒熱不偏，氣却平和為貴。

【研究】 橄欖一名諫果，又名青果，味甘澁，其香甜之味，久嚼自回，性溫，故多食能壅氣，因其香甜清郁之氣，故最能開胃氣，解酒毒，胃氣開，則清肅之令行，故亦能解熱除痰，此物善解一

切魚毒及魚骨哽咽者皆可食此化之如無肉用核可也。石頑曰橄欖先澆後甘生津止渴開胃消痰醉飽後及寒痰結嗽宜之熱嗽不可誤食病人多食令氣上壅以其性溫而澆聚火氣於胃也。又能消酒解鱈鮫河豚諸魚蠶毒觀朱魚食橄欖渣即斃能解魚毒可知故嚼汁嚥之能治魚骨鯁有效患痘瘡者宜多食以其解毒而助胃中溫和之氣令痘起發也。又核燒灰蜜丸服之能稀痘。但性專搜滌胎毒過服令人嘔瀉嬰兒初生胡桃肉連皮三枚橄欖核燒灰一枚硃砂雄黃各一分研細和甘草汁生白蜜絞去滓開乳前頓熱服之可代化毒丹。但化毒丹治胎熱面赤此治胎寒面白不可混也。又灰末敷金瘡無癢生核磨水搽癩漸滅。西藏青果色黑質堅形如乾棗味酸苦澆性微寒治陰虛白喉殺蟲生津。金果橙色黃白切片圓大有圈紋味苦甘性微涼善解熱毒治咽喉口耳腫痛解疔癰蛇咬毒。呂宋果色灰黑形長圓質堅味苦性涼治中風疫毒瘡癩潮熱疔積止血止痛殺蝨蟲解蛇蝎毒磨汁塗痔瘡下疳。

【禁忌】 橄欖性溫多食能致上壅。西藏青果風火喉痛及中寒者忌用。金果橙中寒泄瀉者忌用。呂宋果中寒胃弱者忌用。

【用量】 青橄欖自二錢至三錢核同。西藏青果自五分至一錢。金果橙自八分至一錢五分。

呂宋果自一分至三分。

【炮製】時珍曰：橄欖鹽過，則不苦澇。同栗子食甚香。凡食橄欖，必去兩頭，其性熱也。過白露摘食，庶不病痞。

【配合】青橄欖十斤，敲碎，明礬八錢熬膏，治痰迷心竅、癩厥流涎。橄欖核燒灰，油調，治脚上凍瘡。燒灰加冰片少許研細，摻治下疳。燒灰同米湯服，治腸風下血。

天竺黃（附）蛙竹屑

【品狀】竹類受病，節孔中先分泌水液於其間，繼漸收乾，遂凝結而為石狀之塊，片片如竹節者，真。今驗藥肆中所備者，一種片色白脆，多澱粉，疑以骨質合葛粉製成，不堪用。又一種為竹蛀屑，係古竹生蠹，將內肌食盡，腐爛而生白粉，此與天竺黃一物而異名，功用亦殊。

【成分】天竺黃百分中含有硅酸七十分、鉀鈣有機物水分等，凡三十分。

【性味】天竺黃味甘性寒，無毒。

【歸經】入心、肝、肺三經，為除熱豁痰、鎮肝定驚之品。幼科要藥，涼心經，利心竅。

【效】甘寒能清熱豁痰，鎮心有效。驚癇因風淫邪擾，肅肺多功。

【研究】天竺黃甘涼。上入心肺。清熱豁痰。其性味功用。雖與竹瀝相仿。而此則不能搜經絡。皮膜之痰。亦無滑潤之性。惟鎮心定驚爲獨得。故小兒驚癇方中多用之。治風者。痰除熱去。而風自滅耳。時珍曰。天竺黃出於大竹之津氣結成。其氣味功用。與竹瀝同。而無寒滑之害。石頑曰。涼心經。去風熱。爲小兒驚癇。風熱痰湧失音。治痰清熱之要藥。仲醇曰。小兒驚癇。天竺風熱者。亦猶大人熱極生風之候也。此能除熱養心。豁痰利竅。心家熱清。而驚自平矣。訥菴曰。甘而微寒。涼心經。去風熱。利竅豁痰。鎮肝明目。功同竹瀝。而性和緩。無寒滑之患。治大人中風不語。小兒客忤驚癇爲尤宜。蛙竹屑味甘性平。能解毒長肉。患瘡癰膿爛者。敷之佳。爲外科良藥。

【禁忌】天竺黃除驚癇痰熱外無別用。久用亦能中寒。蛙竹屑外敷用。不入煎。

【用量】天竺黃白一錢五分至三錢。

【炮製】天竺黃生用。入丸散研細用。蛙竹屑生研細用。

【配合】天竺黃同牛黃、犀角、丹砂、茯神、琥珀、棗仁、遠志、鉤藤、鉤。治小兒驚癇癩疾。有痰者。加膽南星、貝母、竹瀝。屬虛者。去膽星。加入參。蛙竹屑同象牙末、真珠、白礬等。能消漏管。同黃

藥末等分。搽濕毒腫瘡。同臙脂胚等分。麝香少許。吹耳出臭膿。

竹瀝（附）荆瀝

【品狀】 汁色黃白。狀如油。取竹瀝法。以青竹斷二尺許。劈開。以磚二塊對立。架竹於上。中間火炙。兩頭出瀝。以器盛取之。取荆瀝法。截取黃荆樹尺餘。照取竹瀝法取之。

【性味】 竹瀝味甘性寒。質滑無毒。薑汁爲之使。

【歸經】 入心、胃、大腸三經。爲豁痰滌熱通絡之品。中風要藥。

【功效】 能豁痰而清熱。皮間膜外盡搜除。治類中與偏枯。經絡四肢都走徧。以其甘寒滑利。須同薑汁和沖。

【研究】 竹瀝甘寒滑利。入胃腑。達大腸。功主清熱豁痰。以其爲竹中之津液也。故凡經絡四肢。及皮裏膜外痰熱壅滯者。非此不達不行。一切卒暴中風等證。經絡中皆有痰涎。均宜配入薑汁用之。不特熱以製寒。且薑汁亦有開痰宣散之功。一開一降。相輔而行也。丹溪曰。竹瀝味甘性緩。能除陰虛之有大熱者。寒而能補。胎前不損子。產後不礙虛。時珍曰。竹瀝性寒而滑。大抵因風火燥熱而有痰者宜之。若寒濕胃虛腸滑之人。服之則反傷腸胃。丹溪謂大寒言

其功不言其害。殊悖於理。石頑曰：竹瀝善達經絡，能治筋脈拘攣，入於桂附劑中，亦可開發濕痰寒飲，惟胃虛腸滑，及氣阻便秘者，誤投每致呃逆不食，脫瀉不止而斃。陰柔之性，不發則已，發則必暴卒，難挽回也。黃宮繡曰：竹瀝消風降火，潤燥行痰，養血益陰。凡小兒天弔驚癇，陰虛發熱，口噤，胎產血暈，服之立能見效。蓋瀝之出於竹，猶血之出於人也，極能補陰，長於清火，性滑流利，走竅逐痰，故爲中風要藥。以中風由於陰虛火旺，煎熬津液成痰，壅塞氣道，不得升降，服此流利經絡，使痰熱去，氣道通，而病愈矣。筋尖發瘡，劑瀝甘平，除風熱，化痰涎，開經絡，行氣血，治中風失音，驚癇痰迷，眩暈煩悶，消渴熱痢，爲去風化痰妙藥。若熱多用竹瀝，寒多用荆瀝。丹溪云：虛痰用竹瀝，實痰用荆瀝，並宜薑汁助送，則不凝滯。按竹瀝假火而成，謂之火泉，體滑，滑以利竅，滲灌經絡中，爲搜解熱痰聖藥，令胸中膈上，四肢百脈，皮裏膜外，靡不週到。主治中風癱瘓，語言蹇澀，手足麻木，及癲癇驚狂，經年痰火，非此不能成功，必藉辛以佐之，須加薑汁爲功，其力更勝。又因其性涼，長於清火，極能補陰，用療血虛自汗，消渴尿多，及金瘡口噤，胎前產後，凡陰虛之病，由於火燄，以此滋之潤之，則血得其養矣。

【實驗】味甘，因有滋養性，能助生唾液而止渴，性寒，因有消炎平血壓之作用，凡腦出血而

昏迷者及患羅麻質斯關節痛甚發高熱而昏迷者皆可用之。

【禁忌】 寒痰濕痰及飲食生痰忌用竹瀝。

【用量】 自一兩至三兩兩種同。

【炮製】 加入生薑汁少許用兩種同。

【配合】 竹瀝同貝母、括蕪仁、霞天膏、白芥子、蘇子、橘紅、鬱金、童便、麥冬、治似中風、口眼喎斜。

語言蹇澀或半身不遂等證。

安息香

【品狀】 產暹羅爪哇熱帶等處。落葉亞喬木。高三丈。皮黃黑。葉互生。卵圓形。端尖。脊生白毛。春開小黃花。花心微碧。排爲圓錐花蕊。伐其樹皮。有膠質流出如飴。至夏堅凝。色赭黃。名安息香。

【成分】 樹脂八十分。安息香酸十二至十八分。餘爲灰水。

【性味】 味辛苦性溫。無毒。

【歸經】 入心脾二經。爲芳香開竅之品。入肺胃二經。爲祛痰平哮喘之品。

【功效】 芳香開竅，有溫宣氣血之功。辛苦辟邪，擅暢達心脾之力。或安神而息魅，或煎服而焚香。

【研究】 此香焚之能安息諸邪，故名。辛苦微溫，芳香無毒，入心脾二經，開竅辟惡，其芳香溫散之性，能使氣血宣行，週身通泰，則鬼疰蠱毒，卒中暴厥，心腹諸痛等證，皆可愈耳。石頑曰：安息香，香而不燥，竄而不烈，燒之去鬼來神，令人神清，服之辟邪除惡，令人條暢，能通心腹諸邪氣，辟惡蠱毒，理霍亂，止卒然心痛嘔逆，治婦人爲邪祟所憑，夜與鬼交，燒烟薰丹田穴，永絕。【實驗】 此藥治老年哮喘，至胃後，則安息香酸分出，略惹胃之粘膜，然其鹽禁之惹性較弱，及腸，由腸壁吸入至血中，半化爲 Hippuric acid，半仍爲安息香酸，由末梢神經之受激，而致中樞神經之興奮，半由尿中排出，并能令鹼性尿而成酸性，半由肺臟而分離，故有祛痰之功。

【禁忌】 病非關惡濁邪氣侵犯者勿用。凡氣虛少食，陰虛多火者禁用，爲其能耗氣也。

【用量】 一分至三分。

【炮製】 燒之集鼠者真，生研用，修製最忌經火。

【配合】 同鬼臼、烏犀角、牛黃、丹砂、乳香、蘇合香、龍齒、雄黃、麝香。治鬼疰尸疰、殺勞蟲、寐魘暴亡及大人小兒、卒中邪惡氣。同沉香、木香、丁香、藿香、八角茴香、香附、砂仁、甘草爲末、蜜丸。治小兒肚痛。和龍腦、白朮、陳皮、烏藥。治老年哮喘。

瓦楞子

【品狀】 出海中。形似蛤。其殼如瓦屋之楞。故名。

【性味】 味鹹。性寒。無毒。

【歸經】 入肺、胃二經。兼入肝、脾二經。爲軟堅、痰、消瘀血、散鬱結之品。

【功效】 鹹可軟堅。消老痰。至效。寒行瘀結。治胃痛多靈。

【研究】 瓦楞子。味鹹。性寒。入肺、胃。軟堅、痰。消瘀血。凡胸胃痛。有老痰死血在內者。皆可用之。丹溪曰。化痰積。消血塊。吳瑞曰。瓦楞消痰。其功最大。凡痰膈病用之。如神。時珍曰。鹹走

血而軟堅。故能消血塊。散痰積。石頑曰。治積年胃脘瘀血疼痛。與鼈甲、蠶蟲同爲消瘿母之味。獨用醋丸。則消胃脘痰積。觀製蚶餅者。以蚶殼灰泡湯。蚶殼（卽瓦楞子）搜糯粉。則發鬆異常。軟堅之力可知。黃宮繡曰。爲治婦人血塊癥瘕。男子痰癖積聚要藥。

【禁忌】 無瘀血痰積者勿用。

【用量】 自三錢至五錢。

【炮製】 取陳久者，火煨赤，米醋淬三次，出火毒用。

【配合】 同廣木香、綠萼梅、路路通，治胃脘痰積、氣滯脹痛。

蛤蜊殼 (附) 文蛤殼 海蛤殼 蚌殼

【品狀】 蛤蜊生東南海中，白殼紫唇，大二三寸。文蛤即蛤蜊之殼，厚口光，有紫斑。文者，海蛤殼，乃諸海蛤之爛殼混合者。蚌與蛤同類而異形，長者通曰蚌，圓者通曰蛤。曰海者，別於江湖池澤所生也。

【性味】 蛤蜊殼味鹹性寒，無毒。稟水中之陰氣而生，降也。陰也。蜀漆爲之使，畏狗膽、甘遂、芫花。

【歸經】 入肺腎二經，爲化痰軟堅、清熱利水之品。

【功效】 蛤蜊殼軟堅具介類之功，且潤燥化痰，兼能利水，入腎備鹹寒之性，並清金開胃，尙可行痰。

【研究】 蛤蜊殼性味鹹寒。入腎經血分。軟堅痰。消宿血。清熱利水。皆取鹹寒潤下之意。至於養金開胃之功。亦以熱清痰降。肺胃受益耳。大抵與瓦楞子同功。煨粉又能燥濕。與煨牡蠣之用亦相似。好古曰。蛤粉乃腎經血分之藥。故主濕嗽腎滑之疾。丹溪曰。蛤粉能降能消。能軟能燥。時珍曰。寒制火而鹹潤下。故能降焉。寒散熱而鹹走血。故能消焉。堅者軟之以鹹。取其屬水而性潤也。濕者燥之以滲。取其經火化而利小便也。故能定喘嗽。止嘔逆。消浮腫。利小便。止遺精白濁。化積塊。解結氣。消癭核。散腫毒。治婦人血病。油調塗湯火瘡。仲醇曰。諸痰皆火氣上炎。煎熬津液而成。得此能軟堅潤下。故痰消。石頑曰。大都鹹寒之物。皆能清熱開胃。止渴。蛤殼能清肺熱。滋腎燥。降痰清火。止欬定喘。消堅癖。散癭瘤。無不宜之。妙阿膠鱘膠用之。以其味鹹。能發滯性也。文蛤鹹寒。走足少陰經。爲潤下之味。故能止渴利小便。別錄治欬逆胸痺。腰痛脇急。鼠瘻崩中。卽本經主惡瘡。蝕五痔之義。取鹹能軟堅。入血分也。仲景傷寒太陽病。用水劫益煩。意欲飲水。反不渴者。及金匱渴欲飲水不止。並用文蛤散。其治反胃吐後。渴欲飲水而貪飲者。則有文蛤湯。總取鹹寒滌飲之義。海蛤殼鹹寒清熱利濕。化痰飲。消積聚。除血痢。婦人血結胸。傷寒反汗。搐搦。中風癱瘓。蚌粉鹹寒。解熱燥濕。化痰消積。明目療疔。治反

胃、心胸痰飲、除濕腫水嗽、止痢並嘔逆、塗癰腫、搽陰瘡、濕瘡、癬癢。

【禁忌】 以上四種，雖善消痰積血塊，然脾胃虛寒，宜少用。

【用量】 自三錢至五錢，四種同。

【炮製】 用酸漿水，或醋煮半日許，搗粉用，或火煨赤，杵粉用，四種同。

【配合】 蛤蜊粉同青黛，治肺熱生痰咳嗽。同皂角刺末，溫酒服，治乳癰。用童便煨，以甘桔湯日進三服，治肺癰屢驗。同黃柏，治陰虛陽盛，白濁遺精。海蛤殼同木通、豬苓、澤瀉、滑石、黃葵子、桑白皮、燈芯，治水腫發熱，小便不通。

馬寶（附）白馬溺

【品狀】 係馬腸內之結石，外觀灰色，剖之內有渦紋，研如粉質，由生病或食物等關係而生，不僅生於馬腸，諸獸腸內亦常有之，如鐵丸入腸內，漸次重疊，生成石質塊，或肝膽間有內囊，裹之，大小不一。

【成分】 爲碳酸鎂、磷酸鎂、碳酸鈣等。

【性味】 馬寶味甘鹹，微苦，性涼。

【婦經】 入心肝二經。爲化痰清心之品。

【功效】 清肝腦。化熱痰。治驚癇。止吐衄。解毒瘡。

【研究】 馬寶生於肝膽之間。故所治皆屬肝膽之病。同氣相應相感也。白馬溺。前人皆云能消癰殺蟲。治反胃噎膈腹痛等證。凡有蟲者。皆可用。又能治熱證消渴者。皆因鹹寒下降。能導熱下行之意。其殺蟲一端。想因其辛而有毒耳。

【禁忌】 馬寶。凡肝膽無熱邪熱痰者勿用。馬溺。無癰膈蟲積者勿用。

【用量】 馬寶白一分至二分。馬溺白一兩至三兩。

【炮製】 馬寶。生研細末用。馬溺。燉溫服。

【配合】 馬寶同羚羊角。治肝熱動風。手足抽搐。加珠粉、牛黃、麝香、冰片。治邪熱陷入心胞。神昏不醒。

海浮石

【品狀】 火山噴出之花崗岩。消失中存之硅酸鐵等可溶性物質。但留石灰質及雲母質之物。在海濱者。更爲水溶解。失其成分。而似海棉。入藥以海濱者爲良。投水中而不沉。以其多氣。

孔也。故又有輕石之名。

【成分】 含硅酸、礬石、石灰、苦土、氧化鐵、氧化錳、鉀、鈉等。

【性味】 味鹹性寒。無毒。

【歸經】 入肺經。爲消痰軟堅之品。除上焦痰熱。

【功效】 體質輕浮。化痰火瘰癧。清金利欬。鹹寒潤下。治濁淋積塊。磨翳開光。

【研究】 海浮石其質輕。其體空。其色白。其味鹹。化痰清肺。是其所長。治淋者。以其鹹寒潤下。

又金爲水之上源。源清而流潔耳。宗奭曰。浮石能去目翳。丹溪曰。浮石治老痰積塊。鹹能

軟堅也。故能清金降火。消積塊。化老痰。時珍曰。浮石色白而體輕。其質玲瓏。肺之象也。氣味

鹹寒。潤下之用也。故入肺。除上焦痰熱。止欬嗽。而軟堅。清其上源。故又止渴通淋。又能消瘰癧。

結核。疝氣。瘡腫。石頑曰。治上焦痰熱。止嗽。點目翳。敷痘瘡。散積塊。功效最捷。然惟實證宜之。

虛者誤投。患亦最速。以其性專剋削。肺胃之氣也。南海有浮水之石。沉水之香。專取物類之相

反。以治病。氣之阻逆也。黃宮繡曰。浮石有上升之能。復有下達之力。故上治痰熱。目翳。瘰癧。

下治積塊。諸淋也。

【禁忌】 欬逆由於虛氣上冲者勿用。痰飲由於脾腎元虛者忌之。風寒咳嗽者忌用。多服損人氣血。

【用量】 自三錢至五錢。

【炮製】 入外科藥內，煨過水飛用。入煎劑生用。

【配合】 煨浮石爲末，每服二錢。木通、赤苓、麥冬煎湯調下。治小腸疝氣、莖縮囊腫者，極效。同桃仁、大黃各等分，研末蜜丸，白湯下。治經水不調，欲成癆者。同阿膠、甘草、木通水煎服。治砂淋、石淋。同金銀花煎服。治疔瘡不愈。同沒藥研末醋丸。治疔瘡發背。煨研末，加輕粉少許，麻油調敷。治頭枕後生痰核。同麥粉、甘草研末，治跌打身痛。用鷄子清調敷。

礞石

【品狀】 綱目云：礞石江南諸山往往有之，以盱山出者爲佳。有青白二種，以青者爲佳。堅細而青黑，打開中有白星點，煨後則星黃如玦，其無星點者不入藥用。

【性味】 味鹹性寒，無毒。稟石中剛猛之性而生，降也。陰中陽也。

【歸經】 入肝經，爲治驚消痰之品。

【功效】 其色青碧入肝其味鹹寒潤下同焰硝而煅煉化痰積之膠粘。

【研究】 青礞石此石善化老痰癖積沈降下行吐痰在水上以末摻之痰卽隨水而下同火硝煅煉者取其疏利之性則礞石之性更爲慄悍耳獨入肝家治驚癩痰涎膠粘不化不外鹹能軟堅重以鎮邪之意 時珍曰青礞石氣味鹹寒其性下行陰也沉也乃厥陰之藥肝經風木太過來制脾土氣不運化積滯生痰壅塞上中二焦變生風熱諸病故宜此藥重墜制以硝石其性疏快使木平氣下而痰積通利諸證自除故治積痰驚癩咳嗽喘急甚效。

【禁忌】 其功消積滯墜痰涎誠爲要藥然攻擊太過性復沉墜凡積滯癥結脾胃壯實者可用如虛弱者忌之小兒驚痰食積實熱初發者可用虛寒久病者忌之如王隱君製滾痰丸謂百病皆生於痰不論虛實寒熱概用殊爲未妥不知痰有二因因於脾胃不能運化積滯生痰或多食酒麵濕熱之物以致膠固稠黏咯唾難出者用之豁痰利竅除熱洩結應如桴鼓因於陰虛火炎煎熬津液凝結爲痰或發熱聲啞痰血雜出者誤投之則陰氣愈虛陽火反熾痰熱未退而脾胃先爲敗矣況乎脾胃虛寒食少便溏者得之泄利不止禍不旋踵若小兒多變慢脾風證每致不救可不慎歟。

【用量】 自三錢至五錢。

【炮製】 礞石四兩打碎。入硝石四兩拌勻。放大坩鍋內。炭火十五斤。簇定煨至硝盡。其石色如金爲度。取出研末。水飛去硝毒。曬乾用。入煎劑絹包。

【配合】 煨礞石二兩、製大黃八兩、黃芩八兩、沉香五錢。研末水法丸。通治痰病。

密陀僧

【品狀】 嶺南閩中銀銅冶處有之。是銀鉛脚也。爲性重之粉末。或狀如小葉之結晶塊。色帶黃。或似紅黃。熱則熔融現暗色。水及酒精俱不溶解。稀硝酸能溶解之。又浸於稀硝酸中則夾雜其間之銅鐵均可除去。

【成分】 化學上謂之酸化鉛。PbO

【性味】 味辛鹹。性平。有小毒。

【歸經】 入肝經。爲鎮怯墜痰之品。

【功效】 鎮心主墜痰涎。內服皆憑質沉重。滅癥痕。退鼓鼻。外敷咸仗味辛鹹。

【研究】 密陀僧不脫鉛性。故功用與鉛粉黃丹一類。凡外科熬煉膏藥。皆可用以收膏。生肌。

涼血均見其長。時珍曰：密陀僧感鉛銀之氣，其性重墜下沉，直走下焦，故能墜痰、止吐、消積、定驚癇、治瘡痢、止消渴、療瘡腫。石頑曰：治驚氣入心胞絡，瘖不能言語者，用密陀僧末一匕，茶清調服即愈。驚則氣亂，取重以去怯而平肝也。但入口則漾漾欲吐，以陰毒之性能傷胃氣也。

【禁忌】 經疏曰：密陀僧大都可外敷，不可內服。

【用量】 入煎劑絹包，自三錢至五錢，外科用不等。

【炮製】 搗細，同柳枝入鍋中，水煮一伏時，去柳枝，曬乾用。

【配合】 研末，用人乳調，治鼻齕赤皸，夜則塗之。醋煨七次，研末治背瘡初起，用桐油調圍患處即愈。同枯礬治汗癩體氣，合五倍子染髭鬚。同鷹屎白滅癩痕，水磨服，解砒霜硫黃毒。用饅頭蒸熟，乘熱劈開，摻入密陀僧末，挾腋下，除狐臭甚效。治紫白癩風及汗癩，密陀僧、石黃各一錢，雄黃、硫黃、蛇床子各二錢，輕粉五分，共研爲末，醋調塗之，或用黃瓜蒂蘸擦，治脚丫癢，密陀僧一兩，石膏、枯白礬各二錢，輕粉一錢，共研細末，桐油調搽，濕則乾搽。

本草用法研究

第十五編 消導之劑

飲食自倍，腸胃乃傷。故傷食者，氣口脈緊盛，胸膈痞塞，噎氣如敗卵臭，頭疼發熱，絕類傷寒。但身不疼，爲異耳。所傷之物，有辛辣、香燥、炙博、酒麵、熱物者，有傷生冷、魚腥、水果、寒冷等物者，有壯實人縱飲大嚼者，有虛弱人多食不消化之不同。更審其所傷多少，酌其元氣虛實，而消之導之，攻之補之，則萬舉萬全，而無誅伐太過之失也。

麥芽（附）穀芽 大麥 陳倉米 杵頭糠 蕎麥 戊腹糧

【品狀】 麥芽，卽大麥浸水中，發出芽而曬乾者。穀芽，取香梗穀發芽，如麥芽法。

【成分】 麥芽含有氮化物7.6%，水14.9%，脂肪1.0%，水炭素75.1%，纖維0.6%，灰0.8%。

【性味】 麥芽，味甘，鹹性溫，無毒。豆蔻、砂仁、烏梅、木瓜、白芍、五味爲之使。穀芽，味甘性溫，無毒。

【歸經】 麥芽，入脾胃二經，爲健土化積之品。穀芽，入脾胃二經，爲健脾開胃，和中消食之品。

【功效】 麥芽其味甘鹹能溫胃助脾消磨穀食其功尅化去麵停乳積濁阻瘀留穀芽且甘且溫啓脾進食或生或炒消導和中。

【研究】 麥芽味甘鹹性溫入脾胃能消能磨化一切米麵諸穀食積凡瘀留濁垢等物皆可化之觀造飴糖家用之即可想見矣若無積者用之恐削人元氣耳孕婦忌之 丹溪曰麥芽能行上焦滯血除腹內寒鳴多服久服能令人消腎 石頑曰大麥作蘗溫中消食既經發明大能耗伐腎氣凡人小便多者禁之 王好古云麥蘗神麴二藥胃氣虛人宜服之 趙養葵曰此不稽之言也今人造飴必用麥蘗始化傷中消導可知產婦乳腫不欲乳哺用麥蘗半兩入四物湯服之即斷傷耗精血可知 士材曰麥芽能消導全在多炒使其性粘不然麥性本泥滯也 穀芽味甘性溫其功雖主消導而消導之中卻能啓脾開胃進食和中非若麥芽之專於剋削而尙能破瘀導濁也 仲醇曰穀芽具生化之性故能調理脾胃脾胃和則中自溫氣自下熱自除也 石頑曰穀芽啓脾進食寬中消穀而能補中不似麥芽之剋尅也 大麥甘鹹微寒補虛勞壯血脈益顏色實五臟益氣調中除熱止血療消渴化穀食 陳倉米含有脂肪、蛋白、澱粉等較新米減少味甘淡性平可以養胃煮汁煎藥亦取其調腸胃利小便去濕

熱除煩渴之功。暑月吐瀉大渴宜飲之。石頑曰：陳倉米開胃進飲食，年久者治痢甚良。病後虛人食之最宜。春杵頭糠能治噎膈，取其運動之性以消磨胃之陳積也。然惟暴噎爲宜，又糖炒黃研細，泔水調服，治腳氣初起甚效。蕎麥甘平，降氣寬腸，治腸胃沉積，泄痢帶濁，敷痘瘡潰爛，湯火灼傷，氣盛而濕熱者宜之，不可與豬羊肉食，令人鬚眉脫落，又不可合黃魚食。成腹糧，狗屎中粟也，法用黃犬乾餓數日，取生粟或米乾飼之，俟其下糞，淘洗米粟令淨用之，治噎膈風病，痘瘡倒陷，能解毒，用此催漿爲最宜，取其性溫熱也。若乾紫黑焦爲血熱毒盛，慎勿誤用。按大麥爲五穀之長，甘溫入脾，以此發芽，取其體輕性銳，輕可去實，銳能消散，炒香開胃，以除煩悶，生用力猛，主消麥麵食積，癥瘕氣結，胸膈脹滿，鬱結痰涎，小兒傷乳，又能行上焦滯血，若女人氣血壯盛，或產後無兒吮乳，乳房脹痛，丹溪用此二兩炒香搗去皮爲末，分作四服，立消其性氣之銳，散血行氣迅速如此，勿輕視之。凡痰火哮喘及孕婦勿用。

【實驗】米糠，卽稻殼之內層，米粒之外層之細糠，其成分含有維他命，入釜中稍炒，加砂糖煎食，爲腳氣預防藥，初起者亦可治之。又由米糠中採取之油，可外治皮膚病之癬疥，塗二三次卽愈。

【禁忌】 麥芽能消米麵諸果食積。無積滯脾胃者。忌用。穀芽同。

【用量】 自三錢至五錢。五種同。

【炮製】 麥芽、杵頭糠、炒用。穀芽、大麥、陳倉米、生用炒用。各隨方法。

【配合】 麥芽同枳實、川樸、黃連、人參、白朮、茯苓、半夏、乾薑、甘草、清熱破結、消積利濕。戊腹糧、同薤白頭、沉香、治噎膈不食。同麝香、治瘰癧倒陷。

六神麴

(附) 范製麴

半夏麴

沉香麴

建神麴

霞天麴

寒食麴

【品狀】 五月五日、或六月六日、以白麵百觔、青蒿、蒼耳、野蓼、各取自然汁三升、杏仁泥、赤小豆各三升、以配白虎、青龍、朱雀、玄武、勾陳、騰蛇六神、通和作餅、麻葉或楮葉包罽、如造醬黃法、待生黃衣、晒乾收之、陳久者良。

【性味】 六神麴味甘辛、性溫、無毒。

【歸經】 入脾胃二經、爲消磨水穀、升發鬱氣之品。

【功效】 配六藥以糊成、性味辛甘、溫中和胃、合五色而俱備、消磨水穀、發表強脾。

【研究】 六神麴、五味兼有、甘辛獨多、性溫、入脾胃、消磨水穀、是其本功、發表者、以其有鬱蒸

之氣性能升發也。殺食去，則脾胃和，自可健運如常。大明曰：化水殺宿食，癥氣，健脾煖胃。元素曰：養胃氣，治赤白痢。時珍曰：消食下氣，除痰逆，霍亂，泄痢，脹滿。石頑曰：六神麴，入陽明胃經，其功專於消化，殺麥酒積，但有積者能消化，無積而久服，則消人元氣。黃宮繡曰：其性六味爲一，故能散氣調中，溫胃化痰，逐水消滯，小兒脾虛食滯，反胃回乳，醫多用此以爲調治，取其辛不甚散，甘不甚壅，溫不見燥也。然必合以補脾等藥並施，則佳。范製麴，散風寒，化濕熱，治寒熱瀉痢。半夏麴，化痰止咳，消食積，治泄瀉。沉香麴，入脾胃理氣，止痛瀉，消脹滿。建神麴，消食滯，止瀉，健脾胃。霞天麴，健胃化痰，消宿飲，癥塊痰核。寒食麴，主治咳嗽，下氣調中，健脾化滯。按六神麴，味甘炒香，香能醒脾，甘能治胃，以此平胃氣，理中焦，用治脾虛難運，霍亂吐逆，寒濕泄瀉，孕婦胎動搶心，下血不止，若生用力勝，主消米穀食積，痰滯癥結，胸滿瘧痞，小兒腹堅，皆能奏績。

【禁忌】六神麴、脾陰虛、胃火盛者均忌。能落胎，孕婦少服。諸麴同。

【用量】六神麴、建神麴、范製麴、寒食麴，自三錢至五錢。半夏麴、霞天麴，自一錢至三錢。沉香麴，自八分至一錢五分。

【炮製】 范製麴、建神麴、沉香麴、霞天麴、半夏麴、寒食麴。生用包煎。六神麴消導炒用。發表生用。

【配合】 六神麴同枳實、大黃、黃芩、白朮、茯苓、澤瀉、乾薑研末爲丸。治濕熱之物。停宿鬱滯。脾胃受傷。不得施化。痞悶不安。腹內鞭痛。一切積滯泄瀉等症。

萊菔子(附)根 苗葉 地骷髏

【品狀】 栽培之草本也。葉作羽狀分裂。剛硬而有毛茸。梢上開淡紫或白色四瓣十字花。總狀花蕊排列。後結莢形閉果。根長大多肉。子如麻子。而呈黃赤色。

【成分】 萊菔子含有多量之揮發油。

【性味】 味辛甘性溫。無毒。可升可降。陽也。

【歸經】 入肺、胃、脾、大腸四經。爲化痰消積之品。

【功效】 下氣消痰。生服性升能湧吐。寬中化食。炒香氣降味辛溫。可消脹以利腸。能定喘而止嗽。

【研究】 萊菔子。辛甘溫。入肺胃。長於化痰消積。生用則能升能散。善吐胸膈風痰。炒熟則性

降氣降則痰消。一切喘嗽因痰者，皆可用之。能消麵積。觀其在上在下。用生用炒。或吐或消。無不靈驗。亦物性之使然耳。丹溪曰：萊菔子治痰。有推牆倒壁之功。時珍曰：萊菔子之功。長於利氣。生能升。熟能降。生則吐風痰。散風寒。發瘡疹。降則定痰喘。嗽。調下痢。後重。止內痛。皆是利氣之效。予用之下氣定喘。治痰消食除脹。利大小便。止氣痛。下痢後重。發瘡疹。果有殊績。萊菔根。含多量之水分。澱粉。脂肪。及少量消化穀食之物質。生者味辛甘。熟者味甘。性皆平。無毒。稟土金之氣。以生。能升能降。陽也。生食升氣。熟食降氣。寬中消食。化痰散瘵。治吐衄。欬嗽。吞酸。利二便。解酒毒。附子毒。制蠶毒。豆腐積。生搗塗跌打湯火傷。飲汁治下痢及失音。并烟薰欲死。煎湯洗腳氣。石頑曰：煨熟。揩摩凍瘡。二三日即和。偏頭風痛。取近蒂青色者半寸許。搗汁滴鼻孔。左痛滴右。右痛滴左。左右俱痛。兩鼻皆滴。滴後臥少頃。日滴一次。不過六七日。永不復發。欲令鬚髮白者。以生地黃汁一升。合生菜菔汁一升。飲之即白。傷血之驗可徵也。小兒丹瘤遊風。搗塗立消。性最耗氣傷血。故虛人忌之。若多食。菜菔動氣。惟生薑能制其毒。初菴曰：萊菔苗葉。辛苦溫。夏日食之。秋不患痢。冬月以其葉攤屋上。任霜雪打。至春收之。煎湯治痢。石頑曰：苗葉治痢。隨色之紅白用。赤者砂糖調服。白者糖霜調服。然惟初痢爲宜。若久痢胃虛。

畏食者不可用也。地骷髏乃萊菔根之老於地內者，瘦而無肉，老而多筋，如骷髏然，故名。主治瘧塊，治黃疸變為膨脹，氣喘，翻胃，胸膈悶，中脘疼痛，小兒疳疾結熱，噤口痢疾，結胸傷寒，傷力黃腫，能大通肺氣，解煤毒薰人，治肺癰有效。

【實驗】萊菔根醫治惡臭性枝氣管炎，慢性消化不良症，入胃能助胃液消化澱粉，使造成多量之糖素，至腸始漸次吸入腸壁而達血中，令血液氮化增進，全身熱量增高，肺臟之呼吸作用亦同進行，痰質遂被迫而出。

【禁忌】萊菔下氣耗血，服地黃首烏者不可食，其子虛弱人大忌，服之氣喘難布息。

【用量】萊菔子同苗，自二錢至四錢，萊菔根汁自一兩至三兩，地骷髏自三錢至一兩。

【炮製】萊菔子吐痰生用，消食炒用，萊菔苗生用，萊菔根生搗絞汁用，或切片用。

【配合】萊菔子同蘇子、白芥子，為三子散，治痰喘胸滿。同山查、茯苓、神麴、陳皮、半夏、連翹，治食積飲停，噎氣腹痛。萊菔根同羊肉、銀魚煮食，治勞瘦欬嗽。皇漢醫方，萊菔根同竹葉、甘草、薄荷、陳皮、茯苓，治惡臭性枝氣管炎。佐山查、神麴、茯苓，治慢性消化不良症。

山查（附）核

【品狀】 爲落葉灌木。高五六尺。枝極繁茂。處處生似針之枝葉。長寸餘。邊緣有鋸齒。花開於春日。與新葉並發。白色五瓣。簇生似單瓣梅花。又若林檎花。結果實作球圓形。色紅兼微黃。產北地。他處亦多有之。

【性味】 味酸甘微苦。性溫。無毒。稟木氣而生。降也。陰也。

【歸經】 入肝、脾、胃三經。爲破氣消積散瘀化痰之品。專去脾羶油膩之積。與麥芽消殺積不同。

【功效】 入方藥走脾達胃。有消磨尅化之功。走厥陰治疝行瘀。具酸苦甘溫之性。

【研究】 山查。味酸甘。氣溫。色赤。性緊。入肝脾血分。善能尅化飲食。行瘀破血。因其性溫入肝。故能治疝氣等疾。痘疹方中用之者。以血活則肌鬆。易於透表耳。總之山查乃肝脾血分一種消導藥耳。故又能化肉積也。丹溪曰。山查大能尅化飲食。若胃中無食積。脾虛不能運化。不思食者。多服之。則反尅伐脾胃生發之氣也。時珍曰。凡脾弱食物不尅化。胸腹酸刺脹悶者。於每食後嚼二三枚絕佳。但不多用。恐反尅伐也。物類相感志云。煮老鷄硬肉。入山查數顆即易爛。則其消肉積之功。蓋可推矣。甯原曰。多食令人嘈煩易饑。反伐脾胃生發之氣。蓋以破

洩太過。中氣受傷也。石頑曰。山查。入足陽明。太陰厥陰。三經血分。大能尅化飲食。本經言其酸冷。然其功長於消肉積。行滯血。性溫可知。炒黑治產後兒枕作痛。亦以其能消血也。痢疾初起。多積垢者。用薑汁炒。治偏墜疝氣。爲末酒服。不過半月效。用核尤捷。產東魯者。酒後嚼數顆。良。與糖作膏。尤爲精品。若外感風寒。兼傷飲食。舉世以發表消導並進。中氣實者。幸而獲痊。虛者。表邪乘虛。陷入於府。而生內變者多矣。實驗曰。凡服人參。不相宜者。服山查則解。一補氣。一破氣也。又痘黑乾危症者。山查末紫草等分。同煎。酒調服。一錢佳。食狗肉中毒。山查子加杏仁煎服。漆瘡。山查子煎汁洗。按山查除腥膩肉積之功勝。麥芽除米麵粉積之功勝。穀芽以補爲消。大黃蕩滌宿滯。檳榔除痰食。積。破堅力強。萊菔子除痰食之積。破堅力緩。厚朴除積。因於冷滯者爲勝。枳實除積。因於熱結者爲勝。山查核。核主化食磨積。治疝催生。故亦有專用核者。按山查。味酸屬甲。帶甘屬己。酸甘相合。甲己化土。以此入脾。助其運化。主消牲肉食積。油膩腥膻。果實停滯。痞滿膨脹。飽悶吞酸。小兒乳滯。又因酸走肝。肝藏血。能化血塊。用治崩漏。腸紅。產後惡露不盡。兒枕作痛。更善行痘瘡血滯。使血活起發。止痛解毒。始末俱用。同蓬朮。三稜。攻一切積塊。自能化散。抑且色類於血。諸失血後。氣血兩虛。以此佐人參。疏理肝脾。最爲

良品。

【禁忌】 脾虛不運。及胃家無食積。均忌。如脾胃虛兼有積滯。當與補藥同施。亦不宜過用。

【用量】 自一錢至三錢。

【炮製】 有大小二種。小者入藥。九月霜後取帶熟者。去皮核炒焦。用石頑曰。去核則不發熱。童便浸。薑汁拌。炒黑。去積血甚捷。

【配合】 山查肉。同炒茴香。各一兩爲末。糊丸。梧子大。空心白湯下。一百丸。治偏墜疝氣。同鹿茸等分爲末。蜜丸。梧子大。每服百丸。治老人腰痛腿痛。山查核七粒。百草霜爲衣。酒吞下。治難產。

糞蛆(附)人蛆 虻蟲

【品狀】 蠅頭部爲半球形。軀體色黑。爲橢圓形。腹有條線。胸被赤黃色之毛。翅淡褐。質透明。外緣有茶褐色之斑點。該蠅嗅覺最敏。常棲食品上。爲傳染病之媒介。故衛生上有除蠅之必要。其幼蟲夏月生糞坑中。體爲圓柱狀。色白。有環圈數十個。長尾。匍行。十月入土化爲蛹。藥用者。採此糞蛆。浸長流水中三日。漂洗潔淨。舂成粉末。備用。

【性味】 味鹹性寒無毒。

【歸經】 入脾胃二經。爲去熱療疳積之品。

【功效】 性寒可治熱邪之毒痢。煨黑能醫疳積之孩兒。

【研究】 糞蛆又名五穀蟲。鹹寒無毒。功專清熱解毒。能導之下行。故可治熱邪之毒痢。蠕動之物。能消能磨。能行脾胃大腸。故炙研服之。可治小兒疳積也。凡唇疔用五穀蟲研末。香油調敷。鮮者更妙。取鹹寒解毒。蠕動攻散也。甯原曰。糞蛆專能消積。以其健脾扶胃也。積消則飲食停滯之熱毒亦清矣。石頑曰。蛆出糞中。故能消積。治小兒諸疳積滯。取消積而不傷正氣也。一法用大蝦蟆十數隻。打死置罈內。取糞蛆不拘多少。河水漬養三五日。以食盡蝦蟆爲度。用麻布紮住罈口。倒懸活水中。令污穢淨。取新瓦燒紅。置蛆於上。焙乾。治小兒疳積。腹大脚弱。翳膜遮睛。每服一二錢。量兒大小服之。無不驗者。勿以其鄙而忽諸。按五穀蟲主熱病譫妄。毒痢吐食。小兒熱疳。疳積。燒灰和入食物中。令食之。食物不化。及小便如米泔色。爲丸服之。鵝口疳瘡。用乾燥細末。摻之。口中糜爛。爲末絹包。浸水。頻頻含漱。人蛆卽死屍中所生之蛆。治大麻風癩疾。驅勞蟲。虻蟲。俗稱蛔蟲。人腹中長蟲也。性寒。治一切眼疾。及生膚翳。赤白膜。小

兒胎赤風赤眼。燒末敷之。生搗塗。疔瘡腫毒效。或以小兒吐出者。陰乾爲末。入汞粉少許。唾津調塗。治一切冷瘕。

【禁忌】 糞蛆。脾胃虛寒無積滯者。勿用。

【用量】 糞蛆。自一錢至三錢。

【炮製】 漂洗極淨。曬乾。或炒或燬。爲末用。三種同。

【配合】 五穀蟲、白朮、茯苓、山藥、蓮翹、神物、枳實、查肉、蓬子、藟豆、麥芽、穀芽各一兩。香附、陳皮、地骨皮各八錢。青皮、米仁各六錢。黨參、銀柴胡、川樸、澤瀉、砂仁各五錢。木香二錢。爲末蜜丸。治小兒脾虛疳積。面黃體瘦。大腹膨脹。一切積滯。每服三錢。米飲送下。五穀蟲八兩。白茯苓、懷山藥、生米仁、白藟豆、建蓮肉、芡實肉各一斤。使君子肉五兩。砂仁四兩。糯米粳米各一斗五升。磨粉蒸糕。健脾開胃。和中利濕。消積。治小兒肝膨食滯。面黃體瘦等症。 蚘蟲淨曬乾。同輕粉、石膽研細末。點遠年風眼赤暗。爲治大麻瘋秘方。 人蛆一升。細布袋盛之。放在急水內流之。乾淨取起。以麻黃煎湯盛器中。將蛆連布袋浸之。良久取起。曬乾。再用甘草煎湯浸晒。又用苦參煎湯浸晒。又用童便浸晒。又用葱薑煎湯。殺蛆在內。不必取起。就放鍋內煮乾。焙爲末。每一兩

加麝香二錢，蟾酥三錢，共爲一處，入磁器內，每服一錢。石鮮花煎湯下，花卽山中石上生白鮮如錢樣，用蒼耳草煎湯洗浴，然後服藥。七日見效。體壯者一日一服，體弱者二日一服，卽效。虛勞論云：勞有蟲，爲濕鬱所化，在外爲蝨，在臟腑爲蟲。用死人身蛆蟲，製令潔淨，焙乾爲末，和藥服之，則蟲化爲水而下。祕方離骨散，用白馬腦上肉一二斤，待生蛆，與烏骨白鷄一只食之，取糞陰乾，每一錢入礪砂一錢，研末勻，用少許擦牙根疼處，片時取牙卽落。

蜚螂

【品狀】形似金龜子，長四五分，全體黑如漆，有光澤，晝伏土中，夜見燈則飛出，猝然受驚，則縮脚伏頭佯死，徐乃飛去，每以土包糞，轉而成丸，雄曳雌推，置於坎中，覆之而去，數日有小蜚螂出，蓋卽蟬卵中也。綱目云：其蟲深目高鼻，狀如羌胡，背負黑甲，狀如武士，故有羌螻將軍之稱。

【性味】味鹹性寒，有小毒。

【歸經】入肝、胃、大小腸四經，爲除熱定驚，化積通糞之品。

【功效】鹹寒有毒，肝胃雙行，便閉蟲疳，腸積能攻癰疾，愈驚風痔漏，瘡瘍並治骨疽消，拔箭

簇之災傷。貼疔毒而病愈。

【研究】 蜚螂一名推車蟲。即攻屎蟲也。味鹹性寒。有小毒。入肝胃大小腸。治驚癇者。皆由風熱客於經絡。蜚螂蠕動之物。以風勝則動。故能治風。以其寒也。故能除熱。小兒疳積一證。皆因濕熱閉結所致。蜚螂鹹能軟堅潤下。以其善於攻屎。故能攻腸中堅結之屎。從便而出。則濕熱除而疳積愈耳。至於拔箭簇。貼疔瘡。敷多骨疽瘍。治痔漏蟲蝕。皆外治方法。卻有效驗。亦不過取蟲之蠕動善攻。有清熱解毒之意耳。時珍曰。蜚螂乃手足陽明足厥陰之藥。故所主皆三經之病。總微論言。古方治小兒驚癇。蜚螂爲第一。而後醫未見用之。蓋不知此義耳。

【實驗】 主要作用(1)鎮靜運動神經。故能解抽。(2)能通利大小便。可治大便不通之發熱。(3)外用。可治疔毒惡瘡。有消炎殺菌之作用。

【禁忌】 脾胃虛寒。無積滯者。勿用。

【用量】 自三分至八分。

【炮製】 五月五日捕取。蒸藏之。臨用。去足火炙。勿置水中。令人吐。

【配合】 治暴嘔吐食。用蜚螂二枚。入生薑內煨。以陳橘皮二錢。同巴豆炒過。去巴豆。將蜚螂

陳皮爲末，每用二分，吹入喉中，吐痰二三次即愈。又治箭簇入骨，用巴豆微炒，同蜣螂搗塗，痛定必癢，忍之，待極癢不可忍，乃撼動拔之。又燒灰入冰片少許，治大腸脫肛，搽上托入，搗丸塞下部，引痔蟲出盡永瘥。蜣螂心（在腹下度取之，其肉稍白是也）貼疔瘡，拔疔，貼半口許，血盡根出則愈。然蜣螂最畏羊肉，食之即發。

針砂

【品狀】 針砂乃作針家磨剉之細末也。

【性味】 味辛酸而鹹，性寒無毒。

【歸經】 入肝、脾、大腸三經，爲除濕消積之品。

【功效】 消水腫，以除瘰，散癭瘤，而化積，辛鹹無毒，鎮墜多功。

【研究】 針砂醋煨用，長於平肝鎮逆，肝平則脾不受尅，積聚水腫黃瘰，皆可治也。醋煨醋調敷癰，漸漸斂小，甚效。叔微曰：化痰，抑肝氣，消積聚腫滿，黃疸，散癭。石頑曰：針砂寒降，善治濕熱，脾勞黃病，於鐵銼內煨通紅，醋沃置陰處，待半月，結塊生黃，化盡鐵性用，爲消脾胃堅積，黃腫之專藥。丹溪溫中丸用之，又以製過針砂一兩，入乾漆灰半錢，香附三錢，合平胃散五錢。

蒸餅爲丸。湯酒任下。治療與溫中丸不殊。

【禁忌】脾胃無積滯者。忌用。

【用量】自三錢至五錢。

【炮製】火煨醋淬用。

【配合】同沒食子。染鬚至黑。針砂醋炒。入豬脂。生地龍各三錢。再加葱汁調和。敷臍中約一寸厚。縛之。能治水腫尿少。加甘遂末更妙。以尿多爲度。若不加甘遂。亦治洩泄無度。諸藥不效者。同蒼朮、白朮、苦參、雲苓、白芍、廣皮、青皮、川朴、山查、甘草爲末。蜜丸。名大溫中丸。治脾虛生濕。黃胖腫滿。麝香附、白朮、茯苓、半夏、陳皮、神麴、川連、苦參、甘草爲末。醋水爲丸。治脾虛肝旺。濕熱蘊蒸。腹脹如臑。食不運化。

礞砂

【品狀】屬等軸晶系。常爲白色結晶粉末。或爲結晶塊。多產於火山旁。及燒過之石灰坑中。埃及乏薪炭。以駱駝糞爲燃料。因之煙突附有礞砂。卽氮氣安母尼亞 NH_3 取而製之。運銷他國。今則從煤炭之煤墨油 *Coal tar* 製之。

【性味】 味鹹苦辛。性熱有毒。畏酸漿水。忌羊血。中其毒者。生萊豆研汁。恣飲解之。

【歸經】 入肝、脾、胃三經。爲消積軟堅化痰之品。

【功效】 軟堅痰。消宿食。鹹熱可行瘀。內服須知性有毒。化肉積。除癥瘕。苦辛能散腫。外施頗覺效非常。

【研究】 硃砂產炎方斥鹵之地。稟陰石之氣。含陽毒之精。以鼻臭之。自覺炎熱之氣。蒸蒸日上。能化五金八石。腐爛腸胃。其鹹熱之性。毒烈可知。功用皆外治爲長。雖有內服諸方。然亦不可浪用也。綱目云。西域有火山。每每有煙出自焚。山爲之崩。甚至遠近人畜皆災。採硃砂者。須乘木履。若皮底卽焦矣。蘇頌曰。熱而有毒。多服腐壞人腸胃。生用又能化人心爲血。固非平居可餌者。藏器曰。主腸鳴。食飲不消。痰癖痰飲。喉中結氣。反胃吐水。甄權曰。除冷病。大益陽事。大明曰。治惡瘡瘰肉。宗奭曰。去目翳笁肉。好古曰。消肉積。元素曰。硃砂破堅癖。不可獨用。須入羣隊藥中用之。時珍曰。硃砂大熱有毒之物。噎膈反胃。積塊肉癥之病。用之則有神功。蓋此疾皆起於七情飲食所致。痰氣鬱結。遂成有形。妨礙道路。吐食痛脹。非此物化消。豈能去之。其性善爛。金銀銅錫。庖人煮硬肉。入硃砂少許。卽爛。可以類推矣。所謂化人心

爲血者亦甚言其不可多服耳。石頑曰：外用治惡肉、除疣贅、去鼻中瘻肉最捷，但不可過用。用過急以甘草湯洗之。黃宮繡曰：穀食不消用麩藥，魚髓不消用橘葉、紫蘇、生薑、菜果不消用了香、桂心、水飲不消用牽牛、芫花。至於肉食不消，又安能舍此而不用乎？第當詳其虛實，審其輕重緩急，以求藥與病當耳。

【實驗】 魚骨哽喉，含少許，緩嚥，立下。

【禁忌】 性毒烈，長於外治，內無實積，勿輕試服之。

【用量】 自三分至一錢。

【炮製】 水飛淨，醋煆乾如霜，刮下用之。

【配合】 硼砂一錢、輕粉、雄黃各三分、冰片五釐，研爲細末，治耳痔、耳聾、耳挺。清水調濃，用穀草細梗以齒咬茸，蘸點患處。同明礬、牛黃、鉛粉、象牙、眞珠爲末，點鼻中瘻肉，卽落。

綠礬

【品狀】 爲淡綠色稜柱狀結晶體，放空氣中則氣化，於表面上生黃褐色銹，入酒精不溶，入水則溷濁，現酸性反應，熱之則分解，生鐵丹。時珍曰：可以染皂色，故又謂皂礬。煨之則赤，名絳

礬。

【成分】 爲粗製硫酸鐵 $FeSO_4 \cdot 7H_2O$ ，其黃褐色銹爲第二硫酸鐵 $Fe_2(SO_4)_3$ ，且時含硫酸銅 $(CuSO_4 \cdot 5H_2O)$ 作青綠色結晶體。

【性味】 味酸性涼，無毒。

【歸經】 入肝脾二經，爲消積平肝，燥濕化痰之品。

【功效】 燥濕化痰消食積，腫脹皆除，殺蟲潤下，治疔疰，酸涼並效。

【研究】 綠礬似出斥鹵之地，以其置陰濕處卽還潮，其色青綠，而燒之則紅，故能入肝家血分，建平肝伐木，化積潤下之功。大明曰：治喉痺、蟲牙、口瘡、惡瘡、疥癬、醜魚燒灰服，療腸風瀉血。潔古曰：綠礬酸涌收瀉，燥濕解毒化涎之功，與白礬同，而力則差緩也。時珍曰：消積滯，燥脾濕，化痰涎，除脹滿，黃腫，瘡痢，風眼，口齒諸病。石頑曰：皂礬專除垢膩，同蒼朮、酒麴、醋丸，治心腹中滿，或黃腫如土色，甚效。蓋礬色綠，味酸，燒之則赤，用以破血分之瘀積，其效最速。金匱治女勞黑瘰，硝石礬石丸，專取皂礬以破瘀積之血，緣其未經註明，嘗有誤用白礬，瀉收殊味此理。又婦人白沃經水不利，子藏瘰癧，中有乾血白物，用紅礬杏仁蜜丸納陰中，日一易。

之。

【實驗】 此藥醫治貧血、痿黃症、出血、入胃即與胃化合而為鹽化鐵，至腸口（幽門）復成為炭酸鐵，至小腸始次第由腸壁吸入血中，助赤血球之繁殖，以加增全身之熱量。

【禁忌】 綠礬絳礬，雖能消肉食堅積，然能令人作瀉，胃弱人不宜多用。服此者，終身忌食蕎麥河豚魚，犯之立斃。

【用量】 自一錢至三錢。

【炮製】 選深青瑩潔者，治風痰生用，消積滯煨赤用。

【配合】 煨赤得紅麴、山查、肉豆蔻、消肉積。加麥芽、橘皮、草果、檳榔、三稜、蓬茂，消一切內積。及米麵食堅積。皇漢醫方，煨赤合橘皮、橙皮、甘草，治貧血。佐蘆薈、歸身、白芍，治痿黃症。生綠礬，和水約 3/4，治創傷出血。

本草用法研究

第十六編 益陰之劑

血也。津液也。精也。皆屬陰類。灌溉百脈。滋養臟腑。人生之寶。不可須臾離也。丹溪曰。陽常有餘。陰常不足。蓋人慾橫流。斲傷過甚。以致腎陰虛。則腰痠肢楚。肝陰虛。則頭暈目眩。脾陰虛。則腹脹發熱。心陰虛。則驚悸失眠。肺陰虛。則氣急欬喘。若久損不復。必致失血類中。摧殘生命。觀燈之膏竭者。火必熄。花之失灌者。枝必枯。可以信矣。故益陰者。不外補血。養津液。及生精而已。

北沙參 南沙參 (附) 珠兒參 粉沙參 西洋參

【品狀】 產北方沙地者。號北沙參。葉橢圓。有鋸齒。根粗大。似參而質鬆。產南方者。曰南沙參。體虛力遜。味亦淡薄。

【性味】 北沙參味甘苦。性微寒。南沙參性味同。均無毒。稟天地清和之氣而生。降多於升。陰也。反藜蘆。惡防己。

【歸經】 入肺經。兼入脾腎二經。爲補陰瀉火之品。

【功效】 補肺陰之不足。甘苦微寒。降金令之有餘。肅清上熱。疏痰利欬。南參力薄。形鬆體潤。質堅北者功優性滑。

【研究】 沙參一名白參。處處山原沙地皆有之。古無南北之分。然觀各家本草云。其色白。其根多汁等語。似指北參而言。若南參則質粗大而鬆。氣薄味淡。大抵甘寒入肺。清養之功。北遜於南。其潤降之性。南不及北耳。南北之分。亦各隨地土之所出。故大小不同。質堅質鬆有異也。元素曰。肺寒者用人參。肺熱者用沙參代之。取其味甘也。好古曰。沙參味甘微苦。太陰本經之藥。又爲肺經氣分藥。微苦補陰。甘則補陽。故元素取沙參代人參。蓋人參性溫。補五臟之陽。沙參性寒。補五臟之陰。雖云補五臟。亦須各用本臟藥相佐使。隨所引而相輔之可也。時珍曰。人參甘苦溫。其體重實。專補脾胃元氣。因而益肺與腎。故內傷元氣者宜之。沙參甘淡而寒。其體輕虛。專補肺氣。因而益脾與腎。故金受火尅者宜之。一補陽而生陰。一補陰而制陽。故沙參清肺火。治久欬肺痿。徐靈胎曰。肺主氣。故肺家之藥。氣勝者爲多。但氣勝之藥。必偏於燥。而能滋肺者。又膩滯而不清虛。惟沙參爲肺家氣分中理血之藥。色白體輕。疎通而不燥。潤澤而不滯。血阻於肺者。非此不能清也。石頑曰。沙參專泄肺氣之熱。故喘嗽氣壅。小便赤澀。

不利。金受火尅。陰虛失血。或喘欬寒熱。及肺痿等疾。宜之。潔古言肺寒用人參。肺熱用沙參。好古言沙參性寒。補五臟之陰。總未達輕虛泄熱之義也。珠兒參。產閩中。色黃。形圓質堅。味苦甘。性寒。補肺。下火降氣。退虛熱。養津止血。粉沙參。味甘淡。微苦。氣香。性微寒。補氣生津。治欬嗽喘逆。痰壅火升。瀉痢由於肺熱。反胃嘔膈由於燥熱。凡有升無降之症。用之效。西洋參。產於法蘭西及美利堅。歐洲各邦亦多有之。色白條狀。味苦微甘。性寒。功能生津液。滋肺胃。主治肺虛欬嗽。胃枯食少。陰虛血熱。津少口渴。除煩倦。虛而有火者相宜。按沙參色白。體輕虛。味微苦。氣味皆清。爲清中清者。專入肺經。經曰。肺苦氣上逆。以此清順其氣。肺性所喜。卽謂之補。主治久嗽痰逆。鼻塞熱壅。皮膚燥癢。失血病久。此皆補陰而制陽也。蓋肺與大腸爲表裏。以此使肺清而大腸受蔭。故腸紅下血久者。皆得而不妄泄矣。又肺金清則不尅肝。而肝氣得養。用治血積驚煩。心腹結熱。能益陰血。邪氣自寧。所以肺寒用人參。肺熱用沙參。迥然不同。

【實驗】沙參味苦。常用以治肺結核病。概因有殺滅結核桿菌之作用。性寒。能治肺結核病之乾咳。而感冒咳嗽絕對禁用。並能治各種神經性躁動不安之狀。與虛弱性之寒熱。夫甘能緩急。苦寒能除熱。故凡肺家有虛熱。嗽痰欬血。潮熱似癆症。用之甚佳。而時行熱症犯肺。氣逆

多痰用鮮者其力更偉。至後禁忌條中所云。乃風寒初客。肺中猶未釀成痰濁。治宜解表爲先。當然不用沙參也。

【禁忌】 臟腑無實熱。肺虛寒客作嗽者。勿服。舌苔厚膩。消化不良者。勿服。五種同。

【用量】 南北沙參、粉沙參、自三錢至五錢。珠兒參、西洋參、自八分至一錢五分。

【炮製】 均切片生用。西洋參、珠兒參、另煎沖服。

【配合】 沙參、同天冬、麥冬、百部、五味、桑白皮。治肺痿肺熱。同貝母、枇杷葉、花粉、甘草、桑白

皮、百部、天冬、款冬花。治久嗽。

玉竹

【品狀】 山草類。葉長卵形。有平行脈。互生。夏自葉腋開下垂花。如風鈴。帶綠白色筒狀。二花或三花。莖方柱形。縱部有稜狀。高二尺。地下有根莖肉質。立春後採根陰乾。時珍曰。處處山中皆有之。

【性味】 味甘微苦。性平。無毒。稟天地清和之氣。而得稼穡之甘以生。可升可降。陽中陰也。畏鹹、鹵、忌鐵。

【歸經】 入脾肺二經。爲養陰生津之品。補益五臟。滋養氣血。平補而潤。兼除風熱。

【功效】 補脾潤肺。可填陰。有金玉威儀之象。散熱搜風。不礙補。具甘平潤澤之功。

【研究】 玉竹。其根多節多鬚。如纓絡下垂之狀。而有威儀。故又一名威蕤。色白微黃。味甘微苦。氣平質潤之品。培養脾肺之陰。是其所長。而搜風散熱。諸治似非質潤味甘之物。可取效也。如風熱風溫之屬虛者。亦可用之。考玉竹之性味功用。與黃精相似。自可推想。以風溫風熱之證。最易傷陰。而養陰之藥。又易礙邪。惟玉竹甘平滋潤。雖補而不礙邪。故古人立方。有取乎此也。東垣曰。玉竹能升能降。陽中陰也。其用有四。主風淫四末。兩目淚爛。男子濕注腰痛。女人面生黑野。時珍曰。玉竹性平味甘。柔潤可食。故治風溫自汗。身重語言難出。萎蕤湯以之爲君。予每治虛勞寒熱痞瘕。及一切不足之證。用代參芪。不寒不燥。大有殊功。不止於去風熱溫毒而已。石頑曰。玉竹甘潤性平。滋肺益腎。補而不壅。善調厥陰久襲之風。故本經治中風暴熱等病。皆取其養正祛邪之力也。羅天益曰。頭痛腰痛。凡挾虛挾風濕者。宜用玉竹。 訥菴曰。此藥性緩。久服方能見效。而所主多風濕虛勞之緩證。若急虛之證。未嘗恃爲重劑也。

【實驗】 此藥味甘。有滋養神經之作用。並能潤澤皮膚。性平。能潤肺燥。即止乾咳。能治風熱。

即鎮靜運動神經。能治跌筋結肉。即能消散慢性炎症。

【禁忌】 感冒不能用。然患肺結核病者。若加受感冒。或可用之。又熱高者。腹瀉者。胸口閉悶者。皆忌用。

【用量】 自三錢至五錢。

【炮製】 竹刀刮去皮節。洗淨。蜜水浸一宿。蒸過。培乾用。

【配合】 同黃精、首烏、桑椹。能駐顏。同白薇、羌活、葛根、麻黃、川芎、木香、杏仁、石膏、甘草。治風溫初起。六脈浮盛。表實壯熱。汗少者。先以此方發表。同犀角、甘草。治乳岩發熱。同芭蕉根、滑石。治小便卒淋。同赤芍、當歸。黃連水煎。薰洗。赤眼澀痛。

天門冬

【品狀】 多年生蔓草。莖卷於他物上。葉細如鱗片。每白葉腋生枝。一枚至二枚。細長而尖曲。山針蘭葉狀。此枝俗稱爲葉。夏開花。三花叢生。花小有柄。淡黃白色。數根叢生於一莖。色白。似麥門冬而粗長。春秋採根。蒸。剝去皮。因破去心。曬乾用。此藥處處有之。近以浙東產者爲多。或生於暖地海濱。或種植各地。

【成分】 塊根中含亞斯排拉根 *Asperosin* 其化學上之構造爲 $\text{C}_{10}\text{H}_{11}(\text{NH}_2)\text{COOH}$ 。
 $\text{OONH}_2 + \text{H}_2\text{O}$ 。

【性味】 味甘苦，性寒，有毒。稟大寒初氣以生，得地之陰精獨厚，味厚於氣，陰也降也。地黃貝母爲之使，搗汁制雄黃、硫砂。服天門冬，忌食鱈魚。誤食中毒者，浮萍汁解之。

【歸經】 入肺腎二經。爲除虛熱、潤燥痰之品。除肺腎虛熱要藥。

【功效】 清金降火，苦寒味帶餘甘，壯水強陰，潤澤性偏在膩，欬血可療癰痿，愈尸蟲，盡化燥痰，除腸滑，勿投，胃虛當禁。

【研究】 天門冬，甘苦而寒，色白潤降，清肺金，壯腎水，是其本功。本經稱其殺三蟲，去伏尸鬼疰者，大抵亦爲瘵熱所化，熱退則病除耳。天冬較麥冬苦多，寒盛，沉降之性過之，故兼能入腎經。治諸病，總宜於陰不足，而有火邪者。若脾胃虛寒，便澹之人，禁勿用。別錄曰：保定肺氣，去寒熱，養肌膚，利小便，冷而能補。甄權曰：治肺氣欬逆，喘息促急，肺痿生癰，吐膿，除熱，通腎氣，止消渴，去熱中風，治濕疥。大明曰：鎮心，潤五臟，補五勞，七傷，吐血，治嗽消痰，去風熱煩悶。宗奭曰：治肺熱之功爲多，其味苦，專瀉而不專收，寒多人禁服之。元素曰：苦以泄滯血，甘以

助元氣及治血妄行。此天門冬之功也。保定肺氣。治血熱侵肺。上氣喘促。宜加人參黃芪爲主。用之神效。嘉謨曰。天門冬並入手太陰。祛煩解渴。止欬消痰。而麥門冬兼行入手少陰。清心降火。使肺不受邪。故止欬立效。天門冬行足少陰。滋腎助元。全其母氣。故清痰殊功。蓋腎主津液。燥則凝而爲痰。得潤劑則痰化。所謂治痰之本也。好古曰。手太陰足太陰經。營衛枯涸。宜以濕劑潤之。天門冬、麥冬、人參、五味子、枸杞子。同爲生脈之劑。此上焦獨取寸口之意。故天門冬主治心病噎乾。心痛渴而欲飲。痿臂嗜臥。足下熱而痛。紀宗曰。五藥雖爲生脈之劑。而生地黃貝母爲天冬之使。地黃車前爲麥冬之使。茯苓爲人參之使。若有君無使。是獨行無功也。時珍曰。天門冬。潤燥滋陰。清金降火。益水之上源。故能下通腎氣。入滋補方。合羣藥用之有效。若脾胃虛寒人。單餌既久。必病腸滑。反成癩疾。此物性寒而潤。能利大腸故也。仲醇曰。痰之標在脾胃肺。其本在腎。若非腎家有火。炎上薄肺。煎熬津液而成粘膩。則痰自何生。天冬味苦氣寒。能清熱保肺。下通於腎。故爲清肺消痰止嗽必用之藥。又肺爲華蓋。喜清肅而惡煩熱。亦畏濕熱。平則和安。發聲清亮。一受火賊。則痰壅欬逆。氣喘吐血。寒熱聲啞之證出焉。熱洩則痰散而肺清。肺清則津液流通。氣得下降。而諸證悉除矣。石頑曰。天門冬。手太陰肺經氣分。

藥其性寒潤能滋肺肺氣熱而燥者宜之肺爲清虛之臟涼則氣寧熱則氣勝天門冬能保肺使肺氣不受火擾合地黃麥冬主心肺虛熱欬吐膿血又能治熱淋同參芪定虛喘蓋肺肅則氣化乃能出若脾虛而泄瀉惡食者雖有前證亦莫輕投以其降泄太過也黃宮繡曰天門冬甘苦大寒瀉肺火而補腎然究屬苦寒安能滋腎而補水所云補水者以肺本清虛涼則氣寧熱則氣擾且肺爲腎母肺金失養則腎水亦燥腎氣上攻則肺益不安而咳嗽吐衄痰結燥渴肺癰肺痿等症靡不因之畢呈得此清肅之品以爲化源之自則腎未必卽補而補腎之基未必不於所清而先具也按天門冬治痰乃治本元不足虛火所生之痰與外感咳嗽痰飲咳嗽風火痰喘等均迥不相同也按天冬體潤性寒最能保肺氣勿令火擾則肺氣清寧矣蓋肺主氣氣有餘便是火反尅肺臟凡肺熱極痰火盛以致肺焦葉舉或咳嗽或喘急或吐血或衄血或風熱或痿痺俱宜用之此皆保肺之功也又取其味厚苦寒俱屬於陰因腎惡燥以潤養之腎欲堅以苦堅之故能入腎助元精強骨髓生津液止消渴潤大便此皆滋腎之功也

【實驗】天冬有清心熱瀉肺火之效清心熱者卽平血壓也凡肺炎者有退炎化痰之效故曰瀉肺火

【禁忌】 凡腹瀉者、胃寒者、脈沉細者、因有感冒發熱而脈洪大者、均忌用。凡病屬陰虛水涸、火起下焦、上炎於肺、煎熬津液、黏膩成痰、而為痰壅欬逆、氣喘吐血、寒熱聲啞之證、誠哉要藥。然大寒而苦、不利脾胃、陰虛精竭之病、全賴脾胃氣強、能納能消、以滋精氣。若脾胃先困、後天源絕、丸餌雖佳、總統於食、湯液雖妙、終屬於飲。又以苦寒損其胃氣、致泄瀉惡食、則危殆矣。必不得已、當與薏苡仁、茯苓、山藥、甘草、白芍同用、或以麥冬代之可也。誤用之必泄。

【用量】 自一錢五分至三錢。

【炮製】 取肥大明亮者、去心皮、酒蒸曬乾、或烘乾用。

【配合】 同麥冬、百部、桑白皮、枇杷葉、元參、貝母、童便、竹瀝、為清肺消痰止咳必用之藥。同

熟地、麥冬、五味、黃蘗、枸杞子、車前子、牛膝為丸、補陰除熱、滋腎臟燥、如脾胃弱、加山藥、茯苓、砂仁佐之。同麥冬、五味、熬膏入煉蜜、益肺甚妙。亦治消渴。同菊花釀酒、除一切風能愈大風

病。水煮則除風熱、兼除煩悶。同生地、麥冬、白芍、鼈甲、牛膝、杜仲、續斷、童便、治吐血。同乾漆、

百部、鼈甲、鱉肝、象膽、青黛、殺三蟲而除勞瘵。同意苡仁、桑白皮、白芨、紫菀、百部、百合、能除肺痿、吐膿血。同青蒿、鼈甲、麥冬、銀柴胡、牛膝、白芍、地骨皮、五味子、治婦人骨蒸。同麻仁、麥冬、

生地、童便、能除大腸熱燥。胃強者略加桃仁。同熟地、胡麻仁、和蜜入服。駐顏不飢。

鮮地黃 卽鮮生地

【品狀】 爲多年生草。多植於園圃。莖高六七寸。葉厚而互生。作長橢圓形。邊緣有鋸齒。而有皺紋毛茸。花冠爲唇形。黃白色。帶紫色。作總狀排列。實類小麥。根長三四寸。粗細不等。皮亦黃色。熟地黃爲蒸熟者。乾地黃係冬季採掘晒乾者。根鬚圓綻而長。狀如牛膝。中含水分甚富。稱鮮地黃。種種新鮮時。內部俱爲黃色。經久則變黑地。綱目云。江浙壤地種者。受南方陽氣。質雖光潤而力微。懷慶山產者。稟北方純陰。皮有疙瘩而力大。以肥大菊花心者良。用沉水者。浮不用。石頑曰。產懷慶者。丁頭鼠尾。皮粗質堅。每株重七八錢者力優。產亳州者。頭尾俱粗。皮細質柔。形雖長大而力薄。產江浙者。細軟無力。僅可清熱。不入補劑。

【性味】 味甘微苦。性大寒。無毒。

【歸經】 入心、肝、腎、脾、胃五經。爲清火涼血之品。

【功效】 養腎胃陰。治溫邪劫津。心煩。舌乾絳。傷寒瘟疫痘疹。諸大熱大渴引飲。吐血衄血。鼻血折損。瘀血。婦女血崩。

【研究】 鮮生地即地黃之未經蒸晒者。色黃。味甘。性寒。專入脾胃。散血清熱。凡熱邪內干營分。胃陰告竭者。頗屬相宜。石頑曰。鮮地黃。性稟至陰。功專散血。入手足少陰厥陰。兼行足太陰。手太陽。錢仲陽導赤散。與木通通同。瀉丙丁之火。別錄治婦人崩中血不止。及產後血上薄心。胎動下血。鼻衄吐血。皆搗汁飲之。以其能散血消瘀解煩也。其治跌撲損傷。面目青腫。以鮮地黃搗爛。卷之即消。此即本經治傷中血痺。折跌筋傷等症之義。蓋肝藏血而主筋。肝無留滯。則營血調而傷中自愈。筋無邪著。則三氣通而血痺自除。至於傷中日久。積聚內形。寒熱外顯。並宜鮮者作湯。統領他藥。共襄破宿生新之功。凡藥之未經炙者。性皆行散。已經炙焙。性皆守中。不獨地黃爲然。黃宮繡曰。浙產者。專於涼血潤燥。病人元氣本虧。因熱邪閉結。而舌乾焦黑。大小便秘。不勝攻下者。用此於清熱藥中。通其秘結。最佳。以其有潤燥之功。而無滋潤之患。

【禁忌】 必燥結。有實火者。方可用。胃弱者。斟酌用之。恐損胃氣。

【用量】 自三錢至一兩。

【炮製】 入湯劑洗淨用。或搗汁沖服。亦有炒炭用者。

【配合】 鮮地黃。同大小蘗各半。俱搗取自然汁。和童便飲。治一切血熱妄行。吐血。齒鼻。衄神。

效。取汁和麵作餅，飪冷淘，治蟲心痛。同苧麻根搗汁，碗許，加炒砂仁末三錢，治胎動下血。同麥冬，治產後煩悶。同當歸、赤芍、乳香、沒藥、肉桂、黃荊子爲末，治一切跌打折傷，瘀血作痛。同金銀花、甘草、荆芥穗、玄參、連翹、黃蘗、地榆、白芷、朮，治血分濕熱，生膿瘡痛甚者，濃煎，恣飲立瘥。同黃連、連翹、薄荷、甘草、菊花、木通，治目暴赤痛。

乾地黃 卽大生地 (附)小生地

【品狀】時珍曰：卽鮮地黃之乾者也。其法取地黃一百斤，擇肥者六十斤，洗淨，晒令微皺，以揀下者洗淨，木臼中搗，絞汁盡，投酒更搗，取汁拌前地黃，日中晒乾，或火焙乾用。

【性味】味甘微苦，性寒，無毒。稟仲冬之氣，兼稟地之和氣，以生氣薄味厚，沉而降，陰也得清，酒麥冬良，惡貝母，畏萊菔、蕪荑。

【歸經】入心、肝、腎、心胞、小腸五經，爲滋陰涼血之品，補腎要藥。

【功效】涼血熱，滋肝腎，養心益肺，通血脈，逐血痺，調經安胎，治吐衄崩中，利大小便。

【研究】地黃出懷慶者佳，今河南河內等處，皆種之，其根長四五寸，外赤內黃，得土之正氣，狀如胡蘿蔔之形，晒之則乾而黑，今之所用乾地黃，已得丙火煨煉，其寒性已退，養陰益血之

功不寒不膩。洵爲上品。細者卽旁生小枝。功雖相似。而無膩滯之性。有流動之機。故一切痘疹。瘡瘍皆用之。元素曰。涼血生血。補腎水真陰。除皮膚燥。去諸濕熱。海藏曰。主心病掌中熱。脾氣痿。嘔臥。足下熱而痛。蓋能益腎水。涼心血。脈洪實者宜之。若脈虛者宜熟地。假火力。蒸九數。故能補腎中元陽之氣。權曰。病人虛而多熱者。宜加用之。原禮曰。陰微陽盛。相火熾強。來乘陰位。日漸煎熬。爲虛火之證者。宜乾地黃之屬。以滋陰退陽。徐靈胎曰。地黃色與質皆類血。故入人身。則專於補血。血補則陰氣得和。而無枯燥拘牽之疾矣。石頑曰。乾地黃。心紫通心。中黃入脾。皮黑歸腎。味厚氣薄。內專涼血滋陰。外潤皮膚肌肉。按乾地黃。味甘涼。血帶苦益陰。色紫入肝。通撤諸經之血熱。若吐血。衄血。便血。溺血。血崩。胎漏。血暈。及瘡瘍諸毒。跌撲折傷。皆屬血熱。用此清熱而涼血。若骨蒸勞怯。目痛頭眩。五心煩熱。大小腸燥。腰腿痠疼。皆屬陰虛。用此滋陰而養血。若勞神操思。則動心火。火動則耗血。以致心虛驚悸。頭暈目眩。舌乾口燥。用此以濡潤清火。同麥冬養神而生血。又肝氣熱者。則膽虛。此能養肝清熱。而使膽受其蔭。故有益膽之功。夫肝木旺則尅脾土。此又使肝平而脾去其讐。更有助脾之效。

【禁忌】 凡陰虛咳嗽。內熱骨蒸。或吐血等候。一見脾胃薄弱。大便不實。或天明腎泄。產後泄。

瀉產後不食俱禁用。凡產後惡食作嘔，惡寒作痛，雖見發熱不可用。誤用則瀉不止。凡見此證，宜多加炮薑、桂心、人參，必自愈。凡胸膈多痰，氣道不利，升降窒塞，藥宜通而不宜滯。湯液中禁入地黃。

【用量】 自三錢至一兩。

【炮製】 虞博曰：生地生血，胃氣弱者恐妨食。熟地補血，痰飲多者恐泥膈。或云：生地酒炒則不妨胃，熟地薑汁炒則不泥膈。此真得用地黃之精微者也。

【配合】 同人參、茯苓、白蜜、熬膏，名瓊玉膏，治虛勞咳嗽唾血。同天冬、麥冬、熟地、人參爲丸，名固本丸，治老人精血枯槁。於固本丸中加枸杞熬膏，名集靈膏，治虛羸喘嗽乏力。

熟地黃

【品狀】 擇取原株地黃重六七錢者，以好酒浸，入砂仁末拌，木甌瓦鍋，九蒸九曬，得太陽真火，入劑方始得力。蓋地黃性膩，得砂仁之香竄，而通調五臟通和之氣，歸宿丹田也。

【性味】 味甘，性微溫，無毒，味厚氣薄，降也。陰中陽也。忌萊菔、葱蒜、諸血及銅鐵器。得牡丹皮、當歸和血，生血涼血，滋陰補髓。

【歸經】 入心、肝、腎三經。爲滋陰養血之品。補血上劑。滋腎水。補真陰。填骨髓。生精血。

【功效】 滋腎水。封填骨髓。利血脈。補益真陰。聰耳明目。黑髮烏鬚。治勞傷風痺。陰虧發熱。乾
效痰嗽。氣短喘促。胃中空虛。覺餒。痘證血虛無膿。病後脛股痠痛。產後臍腹急疼。感證陰虧。無
汗便閉。諸種動血。一切肝腎陰虧虛損百病。爲壯水之主藥。

【研究】 熟地。卽生地蒸晒極熟。色黑如漆。味甘如飴。寒轉爲溫。自能獨入腎家。填精補血。爲

培助下元之首藥。如脾虛有濕者。不宜用。元素曰。生地黄大寒涼血。血熱者須用。熟則微溫。

補腎血衰者須用。臍下痛屬腎經。非熟地不能除。乃通腎之藥也。王碩曰。男子多陰虛。宜熟

地。女子多血熱。宜生地。又生地能生精血。天冬引入所生之處。熟地能補精血。麥冬引入所補

之處。景岳曰。陰虛而神散者。非熟地之守。不足以聚之。陰虛而火升者。非熟地之重。不足以

降之。陰虛而燥動者。非熟地之靜。不足以鎮之。陰虛而剛急者。非熟地之甘。不足以緩之。陰虛

而水邪上沸者。舍熟地何以自制。舍熟地何以歸元。陰虛而精血俱損。脂膏殘薄者。舍熟地何

以厚腸胃。石頑曰。熟地黃假火力蒸曬。轉苦爲甘。爲陰中之陽。故能補腎中元氣。必須蒸曬

多次。得太陽真火。確有坎離交濟之妙用。若但煮熟。不加蒸曬。雖服奚益。按地黃本手少陰經

藥功專清熱散血。非經蒸曬不能入足少陰經。得水火既濟之功。轉苦成甘。變寒爲黑。故直入腎臟。填補真陰。兼培黃庭后土。土厚載物。諸臟皆受其蔭。是以錢氏六味。崔氏八味。爲培養真陰真陽之總司。後人藉此各隨所稟之偏。而爲增減。無往非受其益。如陰氣不固。則加鱉膠。菴蓂。陽氣不充。則加鹿茸。河車。中氣不舒。則加沉香。縮砂。下氣不吸。則加牛膝。車前。上氣不津。則加門冬。五味。肝氣內盛。則減萸。倍澤。精氣下脫。則減澤。倍萸。各得補偏救弊之妙。按熟地味。甘性溫。專入肝臟補血。因肝苦急。用甘緩之。兼主溫膽。又心爲肝之子。能益心血。取色黑走腎。更補腎水。凡內傷不足。苦志勞神。憂患傷血。縱慾傷精。以之爲聖藥。取其氣味濃厚。爲濁中濁品。以補肝腎也。同枸杞子。龜板等。皆爲粘膩濡潤之劑。用滋陰血。所謂陰不足者。補之以味也。

【禁忌】 熟地性滯。痰多氣鬱之人。能窒塞胸膈。用宜斟酌。凡陽虛脈細。及便溏者。忌用。

【用量】 自三錢至一兩。

【炮製】 時珍曰。凡製熟地。必拌砂仁末。與酒蒸曬。單用酒煮者不可用。何況水煮乎。吳儀洛曰。今市中有以一煮而售。害有不可勝言者。蓋稟北方純陰至寒之性。非太陽與烈火。頻頻交煉。則不溫。所以固本膏。雖經日煎熬。必生熟各半而用之。設以生地一煮。便作熟地。投用歸腎。

右歸、七味、八味等劑中，則寒涼之性未除，禍害百出。夫心腎之經各別，以心經寒涼之藥爲君，主腎經溫暖之藥爲臣佐，豈徒無益，反引寒性下損真陽，微虛者，暫堪受抵，大虛挾寒者，氣立孤危矣。按有痰濕者，亦有炒炭用之。

【配合】 同潼蒺藜、肉蓯蓉、鹿茸、山茶萸、五味子，能益男子精。 同人參、枸杞子、五味子、麥冬、鹿茸、車前子、覆盆子、菟絲子，多服令人有子。 得青蒿子、鼈甲、銀柴胡、沙參、天冬、麥冬、黃蘗、甘草、地骨皮、丹皮、白芍、牛膝，治骨蒸勞熱。 同黃耆、黃連、黃蘗、酸棗仁、五味、白芍、麥冬、龍眼肉、牡蠣粉，治盜汗久不止。 同人參、遠志、麥冬、棗仁、柏子仁、茯神、甘草，治心虛驚悸、怔忡健忘。 得麥冬、五味子、牛膝、枸杞、車前子、阿膠、天冬，治溺血。 同人參、麥冬、五味、牛膝，漬酒能益氣力。 遂及奔馬。 同當歸、白芍、川芎、阿膠、鹿角膠，能益母安胎。 同砂仁，治胎動下血腰痛。 同青蒿、地骨皮、麥冬、白芍、山茶萸、枇杷葉，治婦人月事先期。 同生薑，治產後中風。 同當歸、川芎、蒲黃、黑豆、炮薑、澤蘭、益母、牛膝、續斷、杜仲、鹿角膠，治一切產後血虛發熱。 得肉桂、乳香、沒藥、五靈脂，治兒枕痛。 夏月去桂。 同芍藥、當歸、川芎、阿膠、薑艾、香附，治經事不調。 同菊花、女貞子、枸杞子、潼蒺藜，能明目益精。 同鹿茸、五味、人參、人乳粉、白茯苓，能生齒。 同何首烏、桑椹、甘

菊花旱蓮草能烏鬚髮。

玄參

【品狀】 多年生草本。方莖，高六尺。葉長卵形而尖，有鋸齒，對生。夏由梢頭開花，圓錐花蕊，細長唇形，淡綠黃色。根肥大而直，長三寸，如天門冬。生青白色，乾即變黑而濕潤。三月八月採根，曝乾。處處原野有之。產北地者良。

【性味】 味苦鹹，性微寒。氣腥，無毒。稟北方水氣，兼得春陽之和以生，可升可降，陰也。惡黃耆、乾薑、茴香、山茱萸、反麥蘆，勿犯銅鐵。

【歸經】 入腎經，爲壯水制火之品。腎家君藥，瀉無根浮游之火。

【功效】 入腎滋陰，皆取鹹寒歸下部，清咽利膈，都因潤降引浮陽，故又兼達肺經。除上焦之煩熱，且可潛消癰毒。退時氣之溫邪，性滑色玄，滯脾妨胃。

【研究】 玄參一名黑參，其色玄，其質潤，苦鹹而寒，功專入腎，其種種治法，皆不外乎壯水潛陽，肺不受火刑逼之意。至於瘰癧癰疹，皆恐熱傷腎水，故可用之。古人有五參之名，以五色配五臟，此亦其一也。元素曰：玄參乃樞機之劑，管領諸氣，上下清肅而不濁，風藥中多用之，故

活人書治傷寒陽毒汗後下毒不散及心下懊懣煩不得眠心神顛倒欲絕者俱用玄參以此論之治胸中氣氲之氣無根之火當以玄參爲聖劑也。時珍曰腎水受傷真陰失守孤陽無根發爲火病法宜壯水以制火故玄參與地黃同功其消瘰癧亦是散火劉守真言結核亦是火病故能滋陰降火解瘰癧利咽喉通小便血滯。徐靈胎曰玄參色黑屬腎而性寒故能除腎家浮游上升之火但腎火有陽有陰陽火發於氣分火盛則傷氣內經所謂壯火食氣是也陰火發於血分火盛則傷血內經所謂諸寒之而熱者取之陰是也產後血脫則陰衰而火無所制又不可以寒涼折之氣血未寧又不能納峻補之劑惟玄參寧火而帶微補用之最爲的當也。石頑曰玄參爲腎水斷傷孤陽上僭咽喉腫痛之專藥并可清有形熱滯故消瘰癧結核治目赤痛腫總皆散結清火之驗也。黃宮繡曰用此祇可暫治以熄浮游之火真陰虧損必不藉此以壯水蓋非若地黃稟性純陰力能滋腎壯水以制陽光也故病非火起服此寒滑之味未有不轉劇者。按玄參色黑得玄水之象味苦鹹沉下用入腎臟戴人謂腎本寒虛則熱如縱慾耗精真陰虧損致虛火上炎以此滋陰抑火及頭疼熱毒耳鳴咽痛喉風瘰癧傷寒陽毒心下懊懣皆無根浮游之火爲患此有清上徹下之功凡治腎虛大有分別腎之湯虛則

寒而濕。宜溫補之。腎之陰虛。則熱而燥。宜涼補之。獨此性涼體潤。色黑滋腎。功勝知柏也。

【禁忌】 血少目昏。停飲支滿。血虛腹痛。脾虛泄瀉。並不宜服。有惡寒之熱症。脈遲苔白者。均忌。

【用量】 自一錢五分至四錢。

【炮製】 蒸過。曬乾。焙用。雷公曰。勿犯銅器。餌之。噉人喉。喪人目。

【配合】 同升麻、甘草等分。水煎。治發瘧咽痛。同牛蒡子、半生半炒。各兩許。治急喉痛神效。

同地黃、菊花、茯苓、枸杞、柴胡。能明目。同貝母、連翹、甘草、花粉、薄荷、夏枯草。治癰癤。同知

母、麥冬、竹葉。治傷寒陽毒。汗下後。熱毒不散。懊懣不眠。心神顛倒。同黃連、大黃等分。蜜丸。梧

子大。白湯下三四十丸。治三焦積熱。

旱蓮草

【品狀】 處處有之。南方尤多。生下濕地。坑渠間多有。苗似旋覆。時珍曰。旱蓮有二種。一種苗似旋覆。而花白細者。是鱧腸。鱧鳥頭也。其腸亦烏。此草柔莖。斷之有墨汁。細實顏如蓮房狀。故得蓮名。一種花黃紫。而結房如蓮房者。乃是小蓮翹也。按今藥肆中所售。亦有二種。墨旱蓮色

青灰。紅旱蓮。葉色紫紅。梗粗而白。二種性味功用相同。但黑者專主補陰。涼血止血。紅者略兼活血。爲不同耳。夏至日採取陰乾。

【性味】味甘酸。性寒。無毒。稟北方坎水之氣而生。故其汁黑。降也。陰中陰也。

【歸經】入肝腎二經。兼入胃大小腸三經。爲補陰涼血之品。

【功效】甘酸化陰。涼血有功於腎臟。沉寒色黑。烏鬚兼固夫齒牙。

【研究】旱蓮草。甘酸而寒。折之中有汁出。其色黑。故入腎能涼血補陰。斂營止血。然沉寒之性。陽虛便滑者。仍宜禁之。開寶曰。主血痢。生眉髮。元素曰。烏鬚髮。益腎陰。大明曰。止血。排膿。通小腸。石頑曰。旱蓮草。腎經血分藥。灸瘡發洪。血不可止者。敷之立已。汁塗眉髮。生速而繁。齒牙動搖。擦之即固。皆益腎養血之驗。故烏鬚髮方用之。取汁滴鼻中。治偏正頭痛。單用熬膏。治大便下血。腎主二便。但脾胃虛。大便易瀉者。勿服。

【禁忌】性冷陰寒之質。雖善冷血。不益脾胃。病雖血熱。如脾胃虛敗。飲食難消。及易溏薄作泄者。勿輕與服。

【用量】自一錢五分至三錢。

【炮製】 經疏曰：脾胃虛弱者勿服。不用薑汁、椒紅相兼修事，而服之者，必腹痛作洩，宜詳審之。

【配合】 同女貞子等分爲丸。名二至丸。補益肝腎，壯筋強骨。同車前草等分，杵取汁，空心服三杯。治小便溺血。同鹽少許，擦掌心，治風牙疼痛。

石斛（附）鮮鐵皮石斛 霍山石斛 川石斛 木石斛

【品狀】 多年生常綠草。生暖地山中岩石或古樹上。高五六寸。莖有節，且有縱條。稍類木賊。而中實，每節生葉一片，狹而厚，有平行脈，色皆青。乾則黃。夏月開花，淡紅或白。花被六裂，不整齊。其根糾結甚多。乾則白軟。節上自生根鬚。人亦折下，以沙石栽之。或以物盛掛簷下，頻澆以水，可經年不死。

【成分】 主要素爲 $\text{Trithion C}_{12}\text{H}_{16}\text{O}_4$ 。餘爲糖、灰。

【性味】 味甘淡，微苦微鹹，性微寒，無毒。稟土中冲陽之氣，兼感春之和氣以生。氣薄味厚，降也。陰中陽也。陸英爲使，惡凝水石、巴豆。畏雷丸、殭蠶。

【歸經】 入肺、胃、腎三經，爲除熱益陰之品。

益陰之劑 石斛（附）鮮鐵皮石斛 霍山石斛 川石斛 木石斛

【功效】 除陽明之虛熱。味甘鹹以微寒。悅胃厚腸。肺腎並清。陰受益。金釵乾霍。方宜所產力難齊。鮮者治病除邪。每相宜於時證。川者氣輕味薄。究功用之平常。

【研究】 石斛味甘鹹微寒。入肺胃腎三經。清虛熱。以其甘多寒少。故能悅胃厚腸。入陽明之力爲多。然畢竟氣輕味薄之品。非可以治重病也。時珍曰。石斛氣平。味甘淡微鹹。陰中之陽降也。乃足太陰脾。足少陰右腎之藥。深師云。囊濕精少。小便餘瀝者。宜加之一法。每以二錢入薑一片代茶。甚清肺補脾也。徐靈胎曰。石斛味甘而實淡。得土味之全。故其功專補脾胃。而又和平不偏。石頑曰。甘可悅脾。故厚腸胃而治傷中。鹹能益腎。故益精氣而補虛羸。治胃中虛熱之專藥。又能堅筋骨。強腰膝。骨痿痺弱。黃宮繡曰。石斛生於石。體質堅硬。故能補虛弱。強筋助骨也。但形瘦少汁。味淡難出。非經久熬。氣味莫泄。以治虛熱。亦惟在人量病輕重。施用可耳。考石斛有生津增液之功。上能潤肺之用。下有潤腸之資。但清滋略兼利濕。所以古人稱其能除脾胃之濕之功。不比西洋參之專於清滋也。鮮石斛。色青。直梗有節。俗稱鐵皮石斛。味甘微苦。性寒。養肝胃津。清熱復液。解口臭。霍山石斛。色青黃。形彎如小鉤。味甘微苦。性涼。養肝胃陰津。和胃潛陽。益氣力。凡溫邪傷陰。而氣不弱者。以鮮石斛爲宜。川石斛。細

梗多凹棧。外黃內白。味甘淡。微苦。性平。補五臟陰氣。養津液。厚腸胃。從新云。光澤如金。釵股短中實。味甘者良。長虛味苦者。名木石斛。綱目云。木石斛生椽木上。今藥肆中所售鮮金釵石斛。乾金釵石斛。皮色金黃內白。質虛。梗粗大如指。味苦性寒。絕無甘味。但用之固精斂虛汗。治陰傷久痢亦有效。按石斛生於石巖。不涉沙土。色如黃金。象肺之體。氣味輕清。合肺之性。涼而清。得肺之宜。丹家云。肺名嬌臟。獨此最爲相配。主治肺氣久虛。咳嗽不止。邪熱壅子肌表。虛熱。其清理之功。不特於此。蓋肺出氣。腎納氣。子母相生。使肺金清。則真氣旺。順氣下行。以生腎水。強陰益精。更治囊濕精少。小便餘瀝。且上焦之勢。能令熱氣委曲下行。無苦寒沉下之弊。并善長肌肉。厚腸胃。誠仙品也。

【實驗】 此藥醫治結核性便秘。在胃略能促進胃液。助消化之不足。至腸能激腸之蠕動。且能制止其吸收力。故能使積糞排出。同時亦能使體溫下降三度餘。

【禁忌】 長於清胃除熱。惟胃腎有虛熱者宜之。虛而無火者。不得混用。如體溫過低者。舌苔厚膩者。忌用。五種同。

【用量】 金釵石斛。川石斛。三錢至五錢。霍山石斛。八分至一錢五分。鮮鐵皮石斛。三錢至一

兩。

【炮製】石斛種類最多，我國之蜀、鄂、湘、皖、浙、粵、桂等省均產之。古稱金釵者為最，其色黃如金，旁枝如釵，故有是名。本篇所述金釵石斛，近世絕少。此種廣西產品，俗稱原金斛者，差堪代用。古書凡入湯藥，酒浸曬乾，入丸劑薄切，米漿飲曬乾用之。然用乾用鮮，各有專長功效，審其所當而用之。

【配合】同麥冬、茯苓、橘皮、甘草，則益胃強四肢。同麥冬、五味、人參、炙甘草、白芍、枸杞、牛膝、杜仲，則理傷中，補五臟，虛勞羸瘦，強陰益精。同枇杷葉、麥冬、橘皮，則下氣。得木瓜、牛膝、桑白皮、石楠葉、白蘚皮、黃蘗、茯苓、萹蒲，則主諸痺，及逐皮膚邪熱，瘵氣冷痺弱。夏月一味酒蒸，泡湯代茶，頓健足力。

百合

【品狀】山地多年生草本，高三尺，地下有鱗莖，葉披針形，互生。夏日梢頭着六瓣白花，芳香無斑點。雄蕊六枚，丁字樣，雌蕊一枚，柱頭三裂，其鱗莖為衆瓣合成，如未開蓮花，可供食用。時珍曰：開紅花，葉似柳者，乃山丹也。產江浙等省，以野生者為良。八月採根陰乾。

【性味】味甘微苦。性微寒。無毒。得土金之氣。兼得天之清和以生。可升可降。陽中陰也。

【歸經】入心肺二經。爲補虛清熱之品。潤肺寧心。清熱止嗽。治肺病吐血。

【功效】清心保肺。因甘寒微苦之功。治欬寧神。取述類象形之義。降上焦之邪熱。清肅多功。利二便以益陰。化源無阻。

【研究】百合甘平。微苦微寒。入心肺。功專補虛清熱。其根似衆瓣合成。有裹束之義。其質味甚厚。故能寧神定魄。肺熱清則欬止腫消。二便清利矣。金匱百合病用之者。亦因病後餘熱留於肺部所致。故方中皆以百合爲君也。徐靈胎曰。此以形爲治也。百合色白而多瓣。其形似肺。始秋而花。又得金氣之全者。故爲清補肺金之藥。丹溪曰。久嗽之人。肺氣必虛。虛則宜斂。百合之甘斂。勝於五味之酸收也。張璠曰。百合能補土清金。止嗽利小便。仲景百合病。兼地黃用之。取其能消瘀血也。本經主邪氣腹脹心痛。亦是散積蓄之邪。今世所味也。其曰利大小便者。性專降泄耳。其曰補中益氣者。邪熱去而脾胃安矣。然性專降泄。中氣虛寒。二便滑泄者。忌之。紅花者。活血。治婦人崩中。其蕊敷疔腫惡瘡。按中吳紀聞云。百合乃蚯蚓所化。此洵有之。余親見包山土罇中。有變化未全者。大略野生百合。蚓化有之。其清熱解毒。散積消瘀。乃蚓之

本性耳。按百合體瓣象肺。色白性平。專入肺部。主治肺熱咳嗽。痰中帶血。必不可缺。至若肺勞嗽痿。咳久痰火。同意米補肺收功。洵爲神藥。取其味甘而不甜。氣香而不竄。又能補中益氣。和合百脈。蓋肺爲百脈之宗也。服之令心氣歡和。安神益膽。調養五臟。皆在其中矣。

【禁忌】 脾虛便溏者忌用。

【用量】 自一錢五分至三錢。

【炮製】 生用養肺。炒用免礙脾胃。

【配合】 百合蒸焙。同款冬花等分。爲細末。蜜丸龍眼大。名百花丸。治痰中有血。食後臨臥。噉化一丸甚佳。

冬蟲夏草

【品狀】 產於四川雲貴等省。多寄生於土中蠅蛛蜘蛛等體。冬時發生菌絲體。蔓延其內。至夏則菌桿既成。蟲體腐爛。爲其養料。消盡其軟弱之部分。乃抽出有柄之子實體於體外。上粗下細。黑褐色。形如韭菜而細。凌冬苗葉枯萎。根如朽木。長三寸許。色微黃有毛。并有口鼻。足十有二。狀如三眠之蠶。蠕蠕而動。嚴冬積雪中。往往行於地上。每當夏至一陰生。則茁而爲草。冬

至一陽生。則蟄土而爲蟲。輾轉循環。隨時變化。得陰陽之氣至全。宜於冬日採用。有一陽生發之氣。以產於四川舊嘉定府境者爲最佳。與紅藍花同藏。則不生蛀。

【性味】味甘酸。性平。氣香。

【歸經】入肺腎二經。爲補肺益陰。化痰止咳之品。

【功效】保肺益腎。止血化痰。治虛勞久咳。

【研究】括要云。此物一蟲一草。一熱一寒。夏草性寒。單用令婦人絕孕無子。冬蟲性熱。壯命火。益精髓。補肺腎。實腠理。二者同用。則甘平無毒。養肺益陰。化痰益氣。止血。治勞嗽。膈症。諸虛百損。按今藥肆中所傳者。色黃肉白。段如蠶形之草。梗灰黑。係草蟲相連者。

【禁忌】冬蟲夏草忌分用。冬蟲血症。肺家有熱者忌之。夏草陽虛寒濕者禁用。

【用量】自一錢半至三錢。

【炮製】生用。

【配合】與雄鴨同煮爲饌。大宜老人。

女貞子（附）冬青子 功勞子葉

益陰之劑 冬蟲夏草 女貞子（附）冬青子 功勞子葉

【品狀】冬青女貞花繁子盛。纍纍滿樹。冬月鸚鵡喜食。木肌皆白。葉厚而柔長。綠色。面青背淡。形色相似。但女貞則葉長四五寸。子黑色。冬青則葉微圓。子紅色。之爲異耳。枸骨樹形狀與上二種相似。

【性味】味甘苦兼酸。性平。無毒。稟天地至陰之氣而生。凌冬不凋。氣薄味厚。陰中之陰。降也。

【歸經】入腎經。爲益陰除熱之品。

【功效】賦植幹不彫之性。具甘涼純靜之功。入腎臟以益陰。目昏復見。達下焦而退熱。髮白重烏。

【研究】女貞子色紫黑。味甘苦平。此樹凌冬不彫。稟少陰之精。故能入腎。益陰水。足則目明。熱退。如是則五臟可安。精神可養也。初菴曰。女貞子益肝腎。安五臟。強腰膝。明耳目。烏鬚髮。補風虛。純陰至靜之品。惟陰虛有火者宜之。否則腹痛作瀉。黃宮繡曰。冬青子苦甘而涼。補肝強筋。補腎健骨。補中有清。女貞子苦酸而平。滋水益陰。用治陰虛則宜。而於陽虛有礙。功勞子（枸骨樹子）氣味微苦甘平。能補腰膝。及治勞傷失血。功勞葉味苦性涼。治肺勞。止咳化痰。退虛熱。殺蟲。輯要曰。功勞葉治痰火甚驗。蓋痰火未有不因陰虛火炎。上燬乎肺。煎

蒸津液而成。此藥直入腎經，補養陰氣，則痰火自消，如釜底抽薪之意也。

【禁忌】女貞子、冬青子氣味俱陰，老人當入保脾胃藥，及椒紅溫煖之劑，不然恐有腹痛作洩之患，功勞子葉同。

【用量】女貞子、冬青子、功勞子，自一錢五分至三錢，功勞葉，自八分至一錢五分。

【炮製】女貞子、冬青子，冬至日採，酒蒸用。

【配合】女貞子同地黃、何首烏、人參、麥冬、旱蓮草、南燭子、牛膝、枸杞子、山藥、沒食子、桑椹、黃蘗、椒紅、蓮鬚，爲變白要藥。同菊花、生地、蒺藜、枸杞子，能明目。功勞葉同紅棗熬膏蜜收，治勞傷失血痿軟，調養血氣，而無傷中之患。

小麥（附）浮麥 小粉 麩皮

【品狀】小麥，秋種冬長，春秀夏實，共四時中和之氣，故爲五穀之貴。地暖處亦可春種，至夏便收，然比秋種者，四氣不足，故有毒，產北方者良。

【成分】爲澱粉、蛋白質、脂肪等。

【性味】小麥味甘性涼，無毒。

【歸經】 入心經。爲滋養之品。

【功效】 甘涼養胃氣。澤潤益心神。

【研究】 小麥爲心穀。故能入心。南麥性溫。北麥性涼。以淮產者爲佳。故無壅滯生熱之慮。卻有涼心潤燥之功。浮麥卽小麥水淘浮起者。味甘鹹。性涼。入心經。退虛熱。汗乃心之津液。養心退熱。津血不爲火擾。則可無自汗盜汗之慮矣。小粉乃麥麩洗麵筋時澄下之粉也。本屬甘涼之性。服之亦可養心神。益臟氣。功勝浮麥。因久則味變爲酸。以之炒乾爲末。用醋調敷。一切腫瘍。均可解散。亦斂極則散之意耳。麸皮多筋而性寒。能發肝風。傷脾氣。且最難尅化。受其傷者。惟草果能消去之。其治走氣作痛。用醋拌麸皮炒熱。袋盛熨之。

【禁忌】 脾虛作脹者。不甚相宜。小麥皮寒。肉溫。入藥宜完用。皮肉不宜分拆。拆剝性溫。明麵不能消熱止煩也。

【用量】 小麥浮麥自二錢至五錢。

【炮製】 小麥浮麥生用。麸皮炒用。

【配合】 小麥同甘草。大棗。治婦人臟燥證。浮麥同龍骨。治虛汗。

北粳米（附）菰米

【品狀】 產我國北地爲黃色圓形之細粒即今之細米粟又謂之梁米菰米（即茭白子）

【性味】 北粳米味甘性涼無毒。

【歸經】 入肺大腸二經爲益陰退陽之品。

【功效】 治陰虛之不寐性却甘涼利肺壅以通腸質偏粘膩。

【研究】 粳性甘寒故能養肺陰利大腸治陰虛不眠等症皆取益陰退陽有粘緩之意也。

時珍曰粳者肺之穀也肺病宜食之故能去寒熱利大腸大腸者乃肺之合而肺病多作皮寒熱也千金治肺瘡方用之取此義也靈樞經岐伯治陽盛陰虛夜不得眠半夏湯中用之取其

益陰氣而利大腸也大腸利則陽不盛矣菰米味甘性寒無毒止渴解煩熱調腸胃。

【禁忌】 粳米多食能壅五臟氣動風使人迷悶小兒不宜多食以其性黏滯易成黃積病也。

【用量】 自二錢至五錢菰米同。

【炮製】 兩種均生用。

【配合】 粳米同鯽魚葱白治赤痢不止。同常山甘草治肺瘡寒熱。同黃芪治妊娠下水。

黃色如膠或如小豆汁。

燕窩 (附) 燕窩角 燕窩脚

【品狀】 燕窩出閩廣以南近海砂石之處。有燕名金絲燕。首尾似燕而甚小。毛似金絲。臨卵育子。羣飛海邊。有石處。啄食銀魚螺螄等物食之。復連津液嘔出。粘於石上。作成小窩。待小燕飛去。土人依時取之。

【性味】 味甘淡。性平。無毒。

【歸經】 入肺胃二經。爲化痰養陰之品。

【功效】 養肺胃之陰。津平和。甘淡。治虛勞之痰嗽。補潤安寧。

【研究】 燕窩味甘淡。性平和。潤養肺陰。獨除虛熱。爲虛勞欬嗽之聖藥。但胃虛食少。以及脾胃陽虛者。均屬不宜。從新云。甘淡平。大補肺陰。化痰止咳。補而能清。爲調理虛損癆瘵之聖藥。一切病之由於肺虛不能清肅下行者。用此皆可治之。括要云。主虛勞欬嗽。補肺開胃。治膈痰燥痰。咯血。痢血。肺虛痰喘。能添精補髓。黃宮繡曰。燕窩由燕窠海粉作窩所成。海粉鹹寒。得燕窠於風高之處。而變甘平。可入肺生氣。入腎滋水。入胃補中。俾其補不致燥。潤不致滯。

而爲藥中至平至美之味。是以虛勞藥石難進。用此往往獲效。燕窩角係由燕窩剪下之邊角。功用相仿。力稍遜。價亦較賤。燕窩脚色灰白。中多黑毛血影。色紅紫者。名血燕根。功用與燕窩相仿。性重能達下。微鹹能潤下。治噎膈甚效。新參云。養肺腎陰。清虛熱。安神。定驚悸。按燕窩市上有官燕毛燕之別。官燕色白淨而價昂。昔作貢呈之品。故名。毛燕微黃有毛。其味帶鹹。價亦較低。論其性質功效。殊無大別。蓋俗眼重看相。遂此分軒輊也。燕窩通常少用。入煎藥。惟加冰糖燉烱。空腹服之。以爲調理清補之用。或入梨同煎。化痰養陰。倍著功效。

【禁忌】 肺胃虛寒。並有痰濕者。忌用。

【用量】 入藥自一錢至三錢。三種同。

【炮製】 官燕燉烱服之。毛燕燕角燕根包煎取汁飲。或入膏劑。

【配合】 白燕窩二錢。人參四分。水七分。治噤口痢。隔湯燉熟。徐徐食之立效。

鴨 (附) 野鴨 鴨血 鵝血

【品狀】 鴨水禽也。一名鶩。有家野兩種。家者爲鶩。野者爲鳧。均以色白而老者爲良。若毛白烏嘴者。爲虛勞聖藥。因白屬金。黑屬水。有金水相生之義也。

【性味】味甘鹹。性平。無毒。稟金水之氣而生。降也。陰也。

【歸經】入肺腎二經。爲益陰利水之品。

【功效】味合甘鹹。功兼肺腎。養金治嗽。扶久弱之虛勞。退熱滋陰。可流行於水府。生血專能解石毒。金銀砒葛都除。野梟並可益虛羸。性味功用相似。

【研究】鴨入肺腎兩臟。味甘鹹性平。無毒。益陰利水。是其所長。然亦止可烹飪。畢竟非治病之藥。鴨血性味鹹寒。功專解毒。但須熱飲方佳。亦古今相傳之法耳。又治溺水死者。灌之卽活。蚯蚓傷者。塗之卽愈。亦氣之相感也。時珍曰。鴨水禽也。治水利小便。宜用青頭雄鴨。取水木生發之象。治虛勞熱毒。宜用烏骨白鴨。取金水寒肅之象也。石頑曰。鴛之逼火而生。唼水而長。未出卵時。先得火氣。故不憚冰雪。偏喜淫雨。而尾驛羶濁最甚。故羣雌一被其氣。皆得生化之機。不待鷺尾之逼也。培中補肺。益陰利水。是其本性。凡人肺腎之陰不足者。食之最宜。患水腫人用之最妥。黑嘴白毛者。治腸胃久虛。葛可久白鳳膏用之。取金水相生之義。綠頭老鴨。治陽水暴腫。外臺鴨頭丸用之。取通調水道之義。白鴨生血。能補血解毒。勞傷吐血。沖熱酒調服。屢效。中射工溪毒。及野葛砒霜毒。灌之卽解。誤吞金銀入腹。乘熱頓飲數升。其金自下。諸鴨

涎治殺芒入喉。及小兒癩風反張。滴之即消。卵能閉氣。以混沌未分。寒人聰慧。諸病忌食。而滯下尤禁。白鴨通殺石藥毒。凡服藥過劑。昏迷眩暈者。取白鴨通一合。湯漬澄清。服之即解。勿以其穢而棄之。鳧逐羣飛。夏藏冬見。與鴻雁不異。其在九月以後。立春以前。味極甘美。病人食之。全勝家鴨。以其肥而不脂。美而易化。故滯下泄瀉。喘欬上氣。虛勞失血。及產後病後。無不宜之。雖有安中利水之功。而方藥未曾及之。孟詵除十一種蟲等治。未能深信。摘玄方。解諸蠱毒。取生鳧血熱飲探吐。於此可悟。生鵝血。可吐胸腹諸蟲血積。總以血引血。同氣相應之力耳。黃宮繡曰。有言溫中補虛。扶陽利水。是指其性溫也。有言入肺腎血分。滋陰補虛。除勞止嗽化痰。利水消腫。是指其性冷也。然陰虛者食之不見燥。陽虛者食之不見冷。豈非性之平者乎。但雌者微溫。雄者微冷。不可不辨。

【禁忌】 嫩者有毒。老者無毒。黃雌鴨爲補最勝。白鴨肉最良。黑鴨肉有毒。目白者殺人。滑中發冷痢。腳氣不可食。凡腸風下血人不可食。鴨肉。又尾膠不可食。

【用量】 掛用。

【炮製】 去毛及雜腸。

【配合】白鳳膏治久虛發熱吐痰欬血火乘金位者取黑嘴白鴨一只取血入溫酒量飲使直入肺經以酒補之將鴨乾拔去毛脇下開竅去腸拭淨入大棗肉二升參苓平胃散一升縛定用沙鍋一個置鴨在內以炭火慢煨將陳酒一瓶作三次入之酒乾爲度取起食鴨及棗鴨頭丸治陽水暴腫面赤煩燥喘急小便澀其效如神用甜葶藶炒二兩熬膏漢防己末二兩豬苓末一兩以綠頭鴨血同頭全搗三千杵丸梧子大每木通湯下七十九日三服。

龜板(附)玳瑁

【品狀】爲兩棲動物。血溫頗低。較氣中溫度僅高一二度。其背腹兩甲。係變性之皮膚所成。口無齒。而有如鳥之角嘴。一旦遇敵。則頭尾四肢俱縮入甲中。故有六藏之名。生活頗強。雖數月斷食亦不死。且得保五百年之長壽。春日掘穴地中。產卵其間。覆落葉。更覆以砂。受太陽熱。自然孵化。至冬則蟄伏。俗傳以鏡照龜。龜自見醜。則尿出。或擊鑼置龜鑼中。感鑼顫動。則尿下。或以豬鬃松毛刺龜鼻。其尿卽出。以尿磨墨寫木上。則較用醋之入木更深。色黑產水中者爲水龜。色黃出山中者爲秦龜。秦龜不入補腎藥。一種呷蛇龜腹折。見蛇則呷而食之。其性最毒。不可誤用。方書皆用灼過敗龜之板。取其死過無關生命也。世以自死龜殼爲敗。既死精氣已

脫。取用何益。誤服反受其毒。以其爲蛇虺所傷也。

【性味】味甘鹹性寒。無毒。稟金水之氣而生。降也。陰中陽也。惡沙參。

【歸經】入腎經。兼入心、肝、脾三經。爲益陰滋血之品。腎家正藥。專治陰虛血弱。

【功效】補腎水。退骨蒸。鹹寒之力。通任脈。潛虛陽。介類之功。胎產崩淋。能調能順。癥瘕痔漏。可導可宣。

【研究】龜板。龜有數種。大抵以水龜爲良。龜爲北方之神。色黑。味甘鹹性寒。能入腎經。其首常藏。在腹。故又通任脈。能導引胎息。故靈而多壽。以龜板爲柔中之剛。有解脫之義。故能破癥瘕。治難產。至於崩淋痔漏。陰蝕等症。皆任脈爲病。腎陰不足所致也。總之。壯腎水。退骨蒸。通任脈。潛虛陽。其主治不離乎此。煎膠更良。仲醇曰。方家多以龜甲入補心藥。以心藏神。而龜性有神。借其氣以相通。且得水火既濟之義。實非補心之正藥也。又曰。龜甲專補腎家之真陰。石頑曰。龜稟北方之氣而生。乃陰中至陰之物。專行任脈。上通心氣。下通腎經。故能補陰治血。治勞。大凡滋陰降火之藥。多寒涼損胃。惟龜版炙灰。則益大腸。止泄瀉。故漏下赤白。亦能療之。其治小兒顛不合。專取滋水堅骨之功。皆龜之所主。其破癥瘕瘰癧。五痔陰蝕。濕癬重著。皆

秦龜之功用。以能入脾經。治風濕也。時珍云。龜鹿靈而壽。龜首常藏向腹。能通任脈。故取其腹。以補心補腎補血。皆養陰也。鹿鼻常反向尾。能通督脈。故取其角。以補命門補精補氣。皆養陽也。觀龜甲所主之病。皆屬陰虛精弱。腰脚痠痿。可心解矣。燒灰酒服。治瘡瘡。又合鹿角灰等分。入四物湯服。治血崩。炙末酒服。主風痺脚弱。燒灰敷小兒頭瘡。婦人陰瘡。鱒魚血調塗。流火濕瘡。但胃虛少食。大便不實。及妊娠禁用。以其無陽生之力耳。膽汁苦寒。治瘡後目腫。經月不開。取汁點之。良。溺。滴耳治聾。點舌下。治大人中風舌瘡。小兒驚風不語。摩胸背。治龜胸龜背。黃宮繡曰。龜板與鼈甲相類。但鼈甲色青應木。走肝益腎以除熱。龜板應水。通心入腎以滋陰。然皆至陰大寒。多用必傷脾土。又曰。龜膠經板煎就。氣味益陰。補陰分之陰。用板不如用膠。然必審臟陰虧損。臟陽獨旺。得此濃雲密雨。則陽得隨陰化。否則陰虛。仍以熟地爲要。服之陰既得滋。而陽仍得隨陰不絕也。是以古人滋陰。多以地黃爲率。而龜板龜膠。止以勞熱骨蒸爲用。玳瑁亦龜類。其甲片薄質堅。透明。作雲影狀。味甘寒。平肝鎮驚。定心氣。且入心主血。有解毒解熱之功。故蘇頌以之磨汁服。解蠱毒。日華破癥結。消癰毒。止驚癇。士良療心風。解煩熱。行血氣。利大小腸。時珍治傷寒熱結狂言。解毒清熱之功。等於犀角。同犀角解痘毒。痘瘡黑陷。乃心

熱血凝。用生犀玳瑁磨汁。入猪心血少許。紫草湯調服。則熱解血和。而陷痘起矣。但虛寒而陷者勿用。按魚甲。魚性喜靜。常居士中。近水澤。遇陰雨則出行。其頭常縮。眼耳口鼻皆伏於地。得地之陰氣最厚。其底甲純陰。氣味厚濁。爲濁中濁品。專入腎臟。主治咽痛口燥。氣喘欬嗽。或勞熱骨蒸。四肢發熱。產婦陰脫發躁。病由腎水虛。致相火無依。非此氣柔貞靜者。不能息其炎上之火。古云。至靜而能制羣動。誠爲妙理。又取其汁潤滋陰。味鹹養脈。主治朝涼夜熱。盜汗遺精。神疲力怯。腰痛腿痠。癱瘓拘攣。手足虛弱。久瘡血枯。小兒顛顛不合。病由真臟衰。致元陰不生。非此味濁純陰者。不能補其不足之陰。古云。寒養腎精。職此義耳。

【實驗】 龜板對於頸門日久不合。有特效。概因富含維他命丁之故。又因胃腸消化不良而起之不規則蠕動。此則所謂聚散無定之塊也。可用此藥。因對於腸有鎮靜之作用故也。因能治瘰癧。故因瘰而成之脾變大。此藥能消散之。

【禁忌】 妊娠及病人虛而無熱者均忌。合豬肉菰米瓜苧食損人。

【用量】 龜板自三錢至一兩五錢。玳瑁自三錢至五錢。

【炮製】 取腹板。鋸去四邊。或酥炙。醋炙。酒炙。豬脂炙煨灰。各隨方法。凡入丸散。須研極細。不

爾留滯腸胃能變癥瘕。鼈甲亦然。

【配合】 龜板同熟地、知母、川柏、豬脊筋爲丸。能壯水制陽。治陰虛火炎、肺痿、勞熱、骨蒸、盜汗、咳血、耳聾等症。同側柏葉、香附爲丸。治鬱結不散。

鼈甲

【品狀】 體類龜。但頭尾四肢俱不能縮藏甲中。鼻類象鼻。以目聽音。有齒。喜堅嚼他物不脫。邊緣軟作肉裙。俗稱鼈裙。各地皆產。暖地之川澤湖沼尤多。常棲息水中。以岳州沅江所出甲有九肋者爲勝。

【性味】 味鹹性寒。無毒。稟天地至陰之氣而生。降也。陰也。惡礬。反芫菜、鷄子。

【歸經】 肝經。兼入肺脾二經。爲益陰除熱散結之品。肝經血分藥。

【功效】 性本鹹寒。入肝達絡。功行瘀癥。退熱潛陽。

【研究】 鼈甲色青入肝。鹹寒無毒。通經絡。散瘀血。爲厥陰血分之藥。凡水族介類之屬。皆能益陰潛陽。鹹寒之性則同。其所入之處又各不同耳。嚴用和曰。鼈色青入肝。故所主者。皆足厥陰血分之病。色黑入腎。故所主者。皆足少陰血分之病。仲醇曰。癆必苦邪爲病。鼈甲能

益陰除熱而消散。故爲治瘧要藥。亦是退勞熱在骨。及陰虛往來寒熱之上品。血瘕腰痛。小兒腸下堅。皆陰分血病。宜其悉主之矣。石頑曰。靛色青入厥陰肝經。及衝脈。爲陰中之陽。陽奇陰偶。故取隻肋爲肝經之嚮導。其所主者。瘵瘧瘵母。虛勞寒熱。癥瘕痞疾。經水陰瘕。不出本經主治也。凡骨蒸勞熱。自汗。皆用之。爲其能滋肝經之火也。與龜甲同類。並主陰經血分之病。龜用腹。腹屬腎。髓用肋。肋屬肝。然究竟是削肝之劑。非補肝藥也。妊婦忌用。以其能伐肝破血也。肝虛無熱。禁之。煨灰研極細末。療湯火傷。皮綻肉爛者。並效。乾則麻油調敷。濕則乾摻。其痛立止。其解火毒。療骨蒸。殺瘵蟲之功。可默悟矣。龍頭燒灰酒服。療小兒脫肛。婦人陰脫下墜。取其善縮之性也。生血塗尤效。從新曰。瘵必著邪。類多陰虛之人。日久不愈。元氣虛羸。邪陷中焦。則結爲瘵母。龍甲能益陰除熱而散結。故爲治瘵之要藥也。

【實驗】 此藥有變質作用。而能消硬塊。並有鎮靜神經之作用。在中醫尋常作爲養陰藥。所謂陰不足者。卽現不能安眠。與煩躁等狀者是也。故所謂養陰者。卽鎮靜神經是也。

【禁忌】 妊娠。及陰虛胃弱。陰虛洩泄。產後泄瀉。產後飲食不消。不思食。及嘔惡等證。均忌。忌與莧菜同食。犯之則腹內生鼈痕。

【用量】 自三錢至一兩。

【炮製】 取九肋七肋者佳。以其得陽數也。然多有摘去下肋。僞充七肋者。亦有半邊隻肋。半邊雙肋者。此團魚與鼈交合而生。不若純隻肋者爲優。醋煨。酥炙。各隨本方。治瘡母。淋灰湯煮。糜如飴用。龜大者力勝。鼈小者力優。

【配合】 鼈甲一兩二錢。人參、桂枝、乾薑、厚朴、烏藥、黃芩、大黃、半夏、阿膠、石韋、瞿麥、紫葳、鼠婦各三錢。葶麻、桃仁各二錢。柴胡、蜣螂各六錢。白芍、丹皮、蜚蠊各五錢。蜂房四錢。赤硝一兩一錢。共研末。竈心灰酒糊爲丸。治瘡母癢癩。痰癰內結。往來寒熱。久發不止。三陰大瘡。

磁石（附）玄精石

【品狀】 磁石產大冶。及河北磁縣。河南光山。福建安溪。或如粒。或成塊。其晶形常爲等軸八面體。或斜方十二面體。有吸鐵銀鉛之特性。天然者爲磁鐵礦。人造者用天然磁石。或電磁石。在鋼鐵桿上。反覆摩擦。由感應作用。使鋼鐵得磁性。吸拒公例。與電略同。其極一指南。一指北。自中央截爲二。各有二極。惟天然產者。可入藥。玄精石。出產鹽之地。係鹽之津液滲入土中。年久結成石片。如龜背之形。色綠而明。

【成分】磁石爲氧化鐵 Fe_2O_3 中含六十九分之第二酸化鐵 Fe_2O 與三十一分之

第一酸化鐵 Fe_2O_2 。

【性味】磁石味辛鹹性寒無毒得金水之氣以生降也陽中陰也柴胡爲使惡丹皮玄精石味鹹性寒無毒制硫黃丹砂。

【歸經】磁石入腎經兼入肝經能引肺金之氣入腎爲養陰鎮虛納氣之品玄精石入腎經爲鎮虛填陰益下之品。

【功效】磁石引金氣以下行氣納喘平導歸水部鎮腎虛之恐懼耳聰翳退性味鹹寒玄精石稟太陰癸水之精鹹寒沈降治上盛下虛之疾迴護真元。

【研究】磁石生於有鐵處爲鐵之母中有鐵紋善吸鐵有子母相粘之象火煨醋淬善拔疔瘡其功入腎能養腎氣鎮腎虛又能引金氣下行故腎虛濁泛而爲內障耳鳴等證皆可治之。玄精石稟積陰之氣故能入腎鎮虛填陰益下來復丹用此同硫黃消石治上盛下虛有救陰助陽之功使元陰不爲硫黃所耗則玄精石之功可想矣。徐靈胎曰磁石乃石中鐵之精也故與鐵同氣而能相吸鐵屬腎故磁石亦補腎腎主骨故磁石堅筋壯骨腎屬冬令主收藏。

故磁石能收斂正氣以拒邪氣也。石頑曰磁石爲鐵之母。腎與命門藥也。千金磁硃丸治陰虛龍火上炎耳鳴嘈嘈腎虛障神散大蓋磁石入腎鎮養真精使神水不外移硃砂入心鎮養心血使邪火不上侵耳目皆受蔭矣。本經主治周痺風濕肢節中痛洗洗酸消取辛以通痺而祛散之重以去怯而鎮固之則陰邪退聽而肢節安和耳目精明大熱煩滿自除矣。濟生方治腎虛耳聾以磁石豆大一塊同煨穿山甲末綿裹塞耳口中含生鐵一塊覺耳中如風雨聲即通。黃宮繡曰磁石得中和之氣能入腎鎮陰使陰氣龍火不得上升故磁硃丸用之。徐之才云重可去怯磁石鐵粉之屬是也。蓋怯則氣浮宜重劑以鎮之然重鎮傷氣可暫用而不可久。

【禁忌】 磁石溫邪致嘔及濕熱癩痛者忌用。雖無悍猛之藥然體重難於消化酒漬優於丸散。玄精石中寒者忌用。

【用量】 磁石自三錢至一兩。玄精石自三錢至五錢。

【炮製】 磁石取色黑能吸鐵者真火煨醋淬研末水飛或醋煮三日夜用。玄精石生用。

【配合】 磁石硃砂神麴各四兩研末打糊爲丸治肝腎陰虧虛風暗動頭目昏暈麻痺不仁。

同柴胡入六味丸。治腎水不足。頭眩目暈。耳聾耳鳴。玄精石、五靈脂、陳皮、青皮、硫黃、硃砂、各一兩。米醋爲丸。治上盛下虛。裏寒外熱。伏暑霍亂泄瀉。中脘痞結。腹痛疝氣。及小兒驚風等症。

本草用法研究

第十七編 扶陽之劑

經曰陽氣者若天與日失其所則折壽而不彰是以腎陽虛則形寒體倦神疲脾陽虛則食物積滯不化又曰孤陽不長獨陰不生故有陰不可以無陽所謂陰陽和而萬物生和者調和也蓋陰盛陽衰者必服扶陽之品使陰陽兩平而後病可愈也丹溪曰陽常有餘陰常不足是乃人慾橫流斲傷過甚之所致耳然陰過傷者陽亦耗殘所以然者腎爲水火並居互根之臟水涸則火熄猶油盡燈滅之意觀葉氏陰傷及陽之說可以信矣

淫羊藿

【品狀】山野多年生草一根數莖高尺許一柄有三枝九葉爲再出掌狀複葉有長柄中肋左右不相等邊緣有微刺花紫或白狀如船錨產西川北部據云其地有淫羊一日百遍合乃食此葎所致故名

【性味】味辛甘性溫無毒得金土之氣而上感天之陽氣以生可升可降陽也山藥爲使得

酒良。

【歸經】 入命門經兼入肝經。通入胃、大腸、三焦三經。爲助陽益精、祛風勝濕之品。真陽不足者宜之。

【功效】 有助陽補火之功。辛味獨專。甘香並至。治腎弱肝虛等疾。寒淫所勝。痺痿咸宜。

【研究】 淫羊藿葉似豆藿。羊食之則喜淫。辛溫之性。峻補命門之火。故凡下焦一切風寒濕痺之病。皆可治之。惟陰虛陽勝者。不宜服耳。此藥僅助火益陽。雖能補命門。然香燥之品。極易傷陰。較巴戟菴容過之。時珍曰。淫羊藿味甘氣香。性溫不寒。能益精氣。乃手足陽明三焦命門藥也。真陽不足者宜之。石頑曰。辛以潤腎。溫以助陽。故本經治陰痿絕陽等症。堅筋骨。消癭癧。一切冷風勞氣。筋骨蟻急。四肢不仁。補腰膝。強氣力。一味仙靈脾酒。爲偏風不遂之要藥。汪昂曰。辛香甘溫。入肝腎。補命門。益精氣。堅筋骨。利小便。治絕陽不興。絕陰不產。

【禁忌】 虛陽易舉。夢遺不止。便赤口乾。強陽不痿。並忌之。

【用量】 自一錢五分至三錢。

【炮製】 剪去葉四。昨花枝。每一斤。用羊脂四兩拌炒。待脂盡爲度。

【配合】 同沙蒺藜、枸杞子、肉蓯蓉、五味子、牛膝、山茱萸，爲補陽之妙劑。

巴戟天

【品狀】 山草類。綱目云：葉似茗，經冬不枯，根狀如牡丹，而結細過之外赤內黑，去心用。產四川者最佳。二月八月採根陰乾。

【性味】 味甘而苦辛，性溫，無毒。稟土德、眞陽之氣，兼得天之陽和以生，可升可降，陽也。覆盆子爲使。惡雷丸、丹參。

【歸經】 入腎經，爲強陰益精之品。腎經血分藥，補助元陽，祛風除濕。

【功效】 能入腎肝血分，起痿強陽，質屬甘苦辛溫，益陰固下，疝瘕腳氣，藉以溫通，痺濕風寒，資其宣導。

【研究】 巴戟天專治肝腎陽虛，補而不滯，宜而不燥，故凡一切風寒濕痺於下焦、腰膝諸證，皆可治之。其氣味甘溫之中，略兼辛苦，色紫質重，其功可想。觀巴戟天之用爲下焦肝腎血分之藥，能補陰中之陽，若陰中眞水不足，而相火旺者，不宜用。以其味兼辛苦氣溫，非純靜之藥耳。仲醇曰：五臟之勞，腎爲之主，下氣則火降，火降則水升，陰陽互宅，精神內守，故主腎氣滋長。

元陽益盛而諸病自退也。其主諸風者。風陽邪。勢多走上。巴戟助元陽而兼散邪。況真元得補。邪安所留。此所以愈大風邪氣及頭面遊風并一切風也。張璐曰。巴戟腎經血分。及衝脈藥

也。故守真地黃飲子用之。卽本經治大風邪氣之謂。主陰痿不起。強筋骨。安五臟。補中增志益氣者。脾胃二經得所養。而諸虛自瘳矣。又治腳氣。補血海。病人虛寒加用之。有人嗜酒患腳氣甚危。或教以巴戟半兩。糯米同炒去米。大黃一兩炒爲末。熟蜜丸。溫水下。七十九。仍禁酒。遂愈。黃宮繡曰。巴戟氣味辛溫。能祛風除濕。故凡腰膝疼痛。風氣脚氣水腫等症。服之有益。

【禁忌】 凡相火熾。思慾不得。便赤口苦。目昏目痛。煩躁口渴。大便燥閉者。均忌。

【用量】 自一錢五分至三錢。

【炮製】 取根去心。酒浸焙。切片用。

【配合】 得黃柏、橘核、荔枝核、牛膝、萆薢、木瓜、金鈴子、地黃。治疝氣因於腎虛。得五味子、肉

蓯蓉、鹿茸、山茱萸、柏子仁、補骨脂、枸杞子。治陰痿。去鹿茸、肉蓯蓉。加黃柏、牛膝、麥冬、地黃、車前

子。治陰虛白濁。久不愈。得鹿角、柏子仁、天冬、遠志、蓮鬚、覆盆子、黃柏。治夜夢鬼交洩精。同

甘菊花、石菖蒲、何首烏、刺楸、藜、黑豆、山茱萸、天冬。治頭面上風。得熟大黃。治飲酒人脚弱。

仙茅

【品狀】 山草類。葉青如茅而軟。且略闊。面有縱紋。又如初生櫻欄秧。高尺許。四五月中。抽莖四五寸。開小花深黃色。六出。其根獨莖而直。大如小指。下有短細肉根相附。外皮稍粗。褐色。內肉黃白色。二月八月採根。曝乾用。處處大山中有之。人惟取梅嶺者用。

【性味】 味辛苦而甘。性溫。有小毒。

【歸經】 入腎與命門。爲補火壯陽之品。

【功效】 補腎壯陽除痲冷。味辛。蠲痺理風邪。

【研究】 仙茅其葉如茅。羊食之。遍體化筋。人食此羊。大能溫補精血。可見仙茅之功。補命門。助陽道。其力頗雄。然畢竟辛溫有毒之品。用以搜除下焦風痺痲冷。則可。欲服之。補陽添精。則不可也。仙茅之熱毒。能助下焦淫火。傷陰涸液。致發癰疽。消渴強中之患。與桂附之補火益下。其性雖同。但一得其正。一得其偏耳。石頑曰。仙茅性熱。補三焦命門之藥。惟陽衰精冷。下元痿弱。老人失溺無子。男子稟賦素虛者。宜之。若體壯相火熾盛者。服之。反能動火。爲害叵測。黃宮繡曰。精爲火宅。火衰則精與血皆衰。而精自爾厥逆不溫。溺亦自爾失候不禁矣。仙茅功

專補火助陽暖精服之靡不有效。此雖與附、桂、硫黃、胡巴、破故紙、淫羊藿、蛇床子、遠志同爲一例。但附子除火衰寒厥、肉桂通血分寒滯、胡巴除火衰寒疝、淫羊藿除火衰風冷、蛇床子祛火衰寒濕、硫黃除火衰寒結、破故紙理火衰腎泄、遠志除火衰怔忡、補火雖同、主治各別。新參曰：仙茅溫腎陽、補虛勞、堅骨散寒、治風痺久瀉、心腹冷痛。

【禁忌】 雖能補命門、益陽道、助筋骨、除風痺、然而病因不同、寒熱迥別、施之一誤、禍如反掌。凡一概陰虛發熱、欬嗽、吐血、衄血、齒血、溺血、血淋、遺精、白濁、夢與鬼交、腎虛腰痛、腳膝無力、虛火上炎、口乾咽痛、失志陽痿、水涸精竭、不能孕育、老人孤陽無陰、遺溺失精、血虛不能養筋、以致偏枯痿痺、陰虛內熱、外寒、陽厥、火極似水等證、法並禁用。

【用量】 白一錢五分至三錢。

【炮製】 取根以竹刀刮切、糯米泔浸去赤汁、酒拌濕蒸、勿犯鐵器。

【配合】 同枸杞子、車前子、茯苓、茴香、柏子仁、生地、熟地、酒煮糊丸。名仙茅丸。能壯筋骨、益精神、明目、黑鬚髮。

菟絲子

【品狀】 爲田野自生之蔓草。春季於地上伸莖如絲。得他植物而纏繞之。自絕其根。由被纏之植物。吸取其滋養料以生長。莖初白色。後黃白色。不含葉綠素。葉細小作鱗狀。驟視若無葉。晚夏開花大二三寸。帶赤白色。後結實大一分餘。內有種子二三粒。似蘿蔔子。產朝鮮川澤及田野。我國亦有之。

【性味】 味辛甘。性平。無毒。稟春末夏初之氣以生。凝乎地之冲氣以成。感秋之氣而實。山藥爲使。得酒良。

【歸經】 入肝腎二經。兼入脾經。爲補助三陰之品。溫而不燥。不助相火。強陰益精。

【功效】 氣平無毒。味甘且辛。補腎水以上騰。明目生津。風可去。凝正陽而不動。精寒溺瀝病。能痊。可堅骨以強陰。并扶羸而續絕。

【研究】 菟絲子本經辛甘平無毒。主治續絕傷。補不足。益氣力。肥健人。大抵益肝腎。助筋脈。填精髓。是其所長。以肝主筋。其籐象筋。腎藏精。其子有歸宿之意也。凡子皆潤降。故先入腎。菟絲子能溫養腎水。補肝虛。下焦得溫養之力。脾亦受益耳。故爲平補足三陰之藥。東垣曰。煖而能補腎中陽氣。故莖中寒精自出。溺有餘瀝。皆主之。至勞傷。皆脾腎肝三臟所主。肝脾氣旺。

則瘀血自行也。石頑曰：菟絲子去風明目，肝腎氣分藥也。其性味辛平質粘，與杜仲之壯筋暖腰膝無異。五味之中，惟辛通四氣，復兼四味。經曰：腎苦燥，急食辛以潤之。菟絲子五味子之屬是也。與辛香燥熱之辛迥乎不同。此補脾腎肝三經要藥。其功專於益精髓，堅筋骨，止遺泄，去膝脛痠軟。老人肝腎氣虛，腰痛膝冷，合補骨脂杜仲用之。諸經膜皆屬於肝也。氣虛瞳子無神者，以麥門冬佐之，蜜丸服效。黃宮繡曰：菟絲子爲補肝腎脾氣要藥，合補骨脂杜仲用之，最爲得宜。但杜仲補骨脂氣味辛溫，性專趨下，不似菟絲子氣味甘平，而不重降耳。藥性曰：菟絲子溫而不燥，補而不膩，故肝腎衰弱而有虛火，亦可配合用之。治滑精及小便不禁甚效。按菟絲子稟氣中和，性味甘平，取子主於降，用之入腎，善補而不峻，益陰而固陽，凡滑精便濁，尿血餘瀝，虛損勞傷，腰膝積冷，頑麻無力，皆由腎虛所致，以此調養，無不奏效。又因味甘，甘能助脾，療脾虛久瀉，飲食不化，四肢困倦，脾氣漸旺，則衛氣自充，肌肉得養矣。

【實驗】 味辛能主治絕傷，概因有消散之作用，甘能強陰益精，強陰者，即能強壯交感神經。益精者，因有強壯生殖腺之作用。性平，雖能強壯交感神經，亦有鎮靜神經之作用。雖能強壯生殖腺，却不是壯陽劑，乃能固精而治遺精之病，所謂益陰清熱是也。

【禁忌】 腎家多火，強陽不痿者忌之。大便燥結者亦忌之。

【用量】 自一錢五分至三錢。

【炮製】 揀去雜子，酒淘淨，去土曬乾，放磁器內，勿使出氣，入煎劑，再微炒研破。若入丸，須另磨細末。古人因難於磨細，酒浸一宿，煮令吐絲，搗成餅，烘乾再研，則末易細。然酒浸稍久，往往味變酸臭，全失沖和馨香之味，每多無效。

【配合】 同蓮肉、山藥、人參，能實脾止瀉，嗜食，加五味子、肉豆蔻、砂仁，能治腎泄。同五味子、沙蒺藜、覆盆子、蓮鬚、山茱萸、巴戟天、車前子、沒食子、枸杞子，能益脾固精，種子。同甘菊花、沙蒺藜、枸杞子、熟地黃、羚羊角、穀精草、決明子，能明目。同人參、白朮、牛膝、胡麻仁，治丈夫腰膝積冷痛，或頑麻無力。同熟地、五味子、菴蓉爲丸，治命門火衰，小便遺數不禁。

沙苑蒺藜

【品狀】 沙苑蒺藜，出陝西涇陽等處，一名瀆蒺藜，子如羊內腎，大如黍粒，其色青綠。

【性味】 味甘苦，性溫，無毒。

【歸經】 入腎經，兼入肝經，爲平補之品，功專補腎益精，兼清肺氣。

【功效】 補腎固精。味苦多甘。能攝下。益陰明目。性溫滋水。卻生肝。

【研究】 沙苑蒺藜。嚼之微有腥氣。味甘帶苦。其性微溫。故爲補腎之藥。能治腰痛泄精等證。然雖力薄之品。而命門火熾。濕熱淋濁等證。仍不可用。以其性溫固攝也。石頑曰。沙苑蒺藜。產於潼關。得漠北之氣。性降而補益腎。治腰痛。爲泄精虛勞要藥。最能固精。故聚精丸用此佐鱘膠。大有殊功。以之煎湯代茶。亦甚甘美。益人。但腎與膀胱偏熱者。禁用。以其性溫助火也。

新注曰。白蒺藜與潼蒺藜二者。可以合用。一方可以疏通神經。一方可以補益神經也。

【禁忌】 沙苑蒺藜。性能固精。命門火熾。陽道數舉。交媾精不易出者。均忌。可治遺尿症。然遺尿而尿管作痛者。禁用。遺精而內熱者。忌用之。

【用量】 自三錢至五錢。

【炮製】 清水淘淨用。或酒蒸搗用。

【配合】 同蓮鬚、山茱萸、五味子、蓮肉、覆盆子、魚膠、龍骨、鹿角膠。能固精益腎。令人有子。兼主小便遺瀝。得甘菊花、枸杞子、決明子、女貞子、槐角子。能明目。

補骨脂

【品狀】 補骨脂一名破故紙。莖高達三四尺。葉作橢圓形。夏秋間於葉間生穗一寸許。開淡紫色花。後結球圓形。大一分許之實。成熟則外皮變為黑色。中有黑褐色扁圓形。類似麻子之種子。氣香而腥。於舊曆九月間採取。供藥用。產我國四川兩廣及暹羅安南等地俱有之。

【性味】 味辛苦而甘。氣腥。性溫。無毒。稟火土之氣。兼得天令之陽以生。降多於升。陽中微陰也。得胡桃、胡麻、良惡甘草、忌芸薹、羊豬血。

【歸經】 入腎、脾、命門、心胞四經。為壯火益土之品。

【功效】 與陽事。止腎洩。甘溫辛苦之功。固精氣。愈腰疼。益火消陰之力。虛寒咳嗽。補納有權。滑數便遺。攝虛可賴。夢遺濕火。當須禁。便約津枯。切勿投。

【研究】 補骨脂。辛熱入腎。助火益陽。凡命門真火不足。以及五更泄瀉。腎冷精流等證。皆可服之。其所以治喘者。亦惟腎臟虛寒。真氣上逆之證。但辛熱香燥之物。善助濕熱。倘下焦有濕。陰虛有熱者。均須遠之。石頑曰。補骨脂屬火。收斂神明。能使心胞之火。與命門之火相通。使元陽堅固。骨髓充實。濡以固脫也。胡桃屬水。潤燥養血。血屬陰。惡燥。故油以潤之。佐補骨脂。有水火相生之妙。故局方青娥丸用之。孫思邈云。補腎不若補脾。許學士云。補脾不若補腎。腎氣

虛弱。則陽氣衰劣。不能薰蒸脾胃。令人痞滿少食。譬如釜底無火。雖終日不熟。陽衰則飲食亦不能消化。濟生二神丸。治脾腎虛寒泄瀉。用補骨脂補腎。肉豆蔻補脾。加吳茱萸以平其肝。加木香以順其氣。使之斡旋。若精傷溺赤。澹痛者。去木香。易五味子。腰膝痠痛。腎冷精流者。用之屢效。訥菴曰。入心胞命門。補相火。以通君火。煖丹田。壯元陰。縮小便。治虛寒喘嗽。腰膝痠痛。腎冷精流。火虛泄瀉。黃宮繡曰。因於火衰。而見腰膝冷痛。腎冷流精。腎虛泄瀉。及婦人腎虛胎滑。用此最爲得宜。若認症不真。或因氣陷氣短。而見胎墮。水衰火盛。而見精流泄瀉。妄川補骨脂止脫。則殺人慘於利器矣。吳懷祖曰。補骨脂能煖水臟。陰中生陽。腎中真陽得補。脾藉母氣資生。則能熟腐水穀。蒸糟粕而化精微。爲壯火益土之要藥。

【禁忌】 凡病陰虛火動。陽道妄舉。夢遺尿血。小便短澹。目赤口苦舌乾。大便秘結。內熱作渴。火升易饑。嘈雜。濕熱成痿。以致骨乏無力者。均忌。

【用量】 自一錢五分至三錢。

【炮製】 酒浸蒸用。亦有童便乳浸。或鹽水炒者。

【配合】 同青鹽等分。同炒爲末。每服二錢。米飲下。治精氣不固。同韭子等分。治玉莖不接。

精滑無歇。時如針刺。捏之則脆。病名腎漏。同肉豆蔻、木香、治脾腎虛瀉。單用炒爲末。溫酒調服三錢。治腎虛腰痛神效。或加木香一錢。同杜仲、胡桃肉、蒜頭、打爛蜜丸。名青娥丸。治腎虛腰痛。益精助陽。

葫蘆巴

【品狀】 色紅。如鳳仙花子。綱目云。春生苗。夏結子。子作細莢。至秋採。今人多用嶺南者。

【成分】 含粘液質、脂肪油、揮發油、單寧酸、苦味質、黃色素等。

【性味】 味苦辛。性溫。氣香。無毒。稟春夏之陽氣以生。降多於升也。陽中陰也。

【歸經】 入命門、肝、腎三經。爲壯元陽。除寒濕之品。能溫煖丹田。

【功效】 補腎壯元陽。苦辛溫通有效。入肝宜冷滯。疝瘕寒濕宜求。

【研究】 葫蘆巴。壯元陽。除下焦冷氣。味苦而辛。性熱而降。入肝腎二經。故能治疝瘕脚氣等證。下焦陽虛有寒者可用之。陰虧者非所宜也。時珍曰。葫蘆巴。右腎命門藥也。元陽不足。冷氣潛伏。不能歸元者宜之。石頑曰。小腸奔豚偏墜。及小腹有形如卵。上下走痛不可忍者。用葫蘆巴丸。腎氣不歸上熱下寒。厥逆嘔吐者。用黑錫丹。皆與金鈴子一寒一熱同用。其導火歸

元之功可知。黃宮繡曰：功與仙茅、附子、硫黃恍惚相似，然其力終遜，故補火仍須佐以附硫、茴香、吳萸等藥，始能有效。

【禁忌】 相火熾盛、陰虧血少者忌之。

【用量】 自八分至二錢。

【炮製】 取子淘淨，以酒浸一宿，曬乾蒸熟，或炒過用。

【配合】 得附子、硫黃，治腎臟虛冷、腹肋脹滿、面色青黑、無熱證者。同茴香、巴戟天、川烏頭、棟實、吳茱萸，並炒爲末，酒糊丸，名葫蘆巴丸，治大人小兒小腸奔豚偏墜，及小腹有形如卵，上下走痛，不可忍者。同小茴香、蕎麥麵、酒糊丸，治冷氣疝痛。同補骨脂等分，炒爲末，用木瓜切頂去瓢，安藥在內，令滿，以頂合住，簽定，蒸爛，搗丸，梧子大，酒下，治寒濕脚氣、脚膝疼痛、行步無力者，神效。

韭菜（附）汁 韭子 根鬚

【品狀】 多年生草，圓圍栽之，亦有野生者，有似葱之莖，葉細長扁平，長尺許，夏抽莖，頂開六瓣小白花，爲繖形花蕊，後結三稜之果，藏扁平黃種子，菜中惟此最溫，而有益，一年可採十

犬。

【性味】 韭菜熟者味甘酸性溫。生者味辛澇性熱。無毒。忌與蜜牛肉同食。

【歸經】 熟者入肝腎補元陽。生者入肝胃散瘀血。

【功效】 熟食性味甘溫。助肝腎元陽。補中寓散。生汁却專辛熱。治血瘀噎膈。腕內留邪。根鬚通絡行瘀。下行降濁。韭子固精煖腎。治帶療淋。

【研究】 韭菜一名起陽草。其葉味辛而酸性溫。入肝經血分。助陽煖下元。行散之力有餘。固補之力不足。亦爲五葷之一。但行瘀散血。韭汁爲優。煖下固精。韭子爲勝。根鬚之性。與葉相同。而下行之力爲專。故凡病後勞復。與夫陰陽易之病。下部瘀濁阻滯者。皆可用之。時珍曰。韭菜熱根溫。功用相同。生則辛而散血。熟則甘而補中。入足厥陰經。乃肝之菜也。素問言心病宜食韭菜。食鑑本草言歸腎。文雖異。而理則相貫。蓋心乃肝之子。腎乃肝之母。母能令子實。虛則補其母也。道家曰。爲五葷之一。謂其能昏人神而動虛陽也。有一貧叟。病噎膈。食入卽吐。胸中刺痛。或令取韭汁。入鹹梅肉汁少許。細呷得入。漸加。忽吐稠涎數升而愈。此亦張仲景治胸痹用薤白。皆取其辛溫能散胃脘痰飲惡血之義也。丹溪曰。心痛。有食熱物及怒鬱。致死血留。

於胃口作痛者。宜用韭汁桔梗。加入藥中。開提氣血。有腎氣上攻。以致心痛者。宜用韭汁。加入五苓散爲丸。空心茴香湯下。蓋韭性急。能下胃口死血也。又反胃。宜用韭汁二盃。入薑汁牛乳各一盃。細細溫服。蓋韭汁清血。薑汁下氣消痰。和胃牛乳能解熱潤燥補虛也。一人臘月飲刮剝酒三盃。自後食必屈曲下膈。硬澹微痛。右脈甚澹。關脈沉。此汚血在胃脘之口。氣因鬱而成痰。隘塞氣道也。遂以韭汁半盞。細細冷呷。盡半斤而愈。石頑曰。韭入足厥陰經。下散血積。生用治死血留於胃口作痛。及婦人經脈逆行。打撲損傷。搗汁和童便飲。然須善食便實者宜之。若胃虛而噎。勿用。恐致嘔吐也。其心腹有痼冷者。勿食。食之必加劇。韭子辛溫壯火。治夢泄溺血。白帶白淫。男子隨洩而下。女子綿綿而下。惟腎氣過勞。不能收攝者爲宜。若陰虛火旺。及亢陽不交。獨陰失合。誤用是抱薪救焚矣。大抵韭之功用。全在辛溫散結。子則包含少火未散。故能濟精。而壯火熾盛。則爲戈戟。今人以韭子薰齩齒出蟲。然能傷骨壞齒。不可不知。黃宮繡曰。滯氣客於腸胃。則血因氣而益阻。胃氣不通於五臟。則腰膝冷而痿癱生。肝主疎泄。腎主藏閉。肝腎虛則啓閉非時。足厥陰病。則爲遺尿及白淫。韭子能行氣散血。補肝固腎。肝腎病服之。安有不愈乎。從新云。百蟲入耳。韭汁灌之。卽出。聾耳出水。韭汁日滴三次。效。漆瘡作癢。韭菜

杵敷之卽愈。

【禁忌】 韭菜，胃氣虛而有熱者忌之。韭子下部有火，而陰氣不固者勿服。綱目云：韭菜春食則香，夏食則臭，多食則神昏目暗，酒後尤忌。又曰：熱病後十日食之卽發困。五月多食乏氣力。冬月多食動宿飲吐水。韭菜食之動風，風氣人勿食。

【用量】 韭汁自一兩至三兩。韭子自三錢至五錢。

【炮製】 韭菜與根鬚打汁用。韭子揀淨蒸熟，曝乾，簸去黑皮，炒黃用。

【配合】 韭子同龍骨、桑螵蛸治遺尿白淫。

鹿茸（附）鹿角 鹿角膠 鹿角霜 鹿筋 鹿肉 鹿胎 麋角 麋角膠

【品狀】 眼耳皆大，耳殼能轉動。牡者有枝角一對，牝者無角。毛色赤褐，有淡白斑，曰鹿斑。角不空，爲皮下層真皮所變成，初爲瘤狀，紫褐色，附紫褐色密毛，是爲鹿茸。富血管，撫之甚溫。迨鹿茸漸長，乃磨於樹幹，脫去毛皮，啼聲悲慘。此時營養盛，而血管破裂流血，乃見真角。每年早春則脫，初生者無角，二歲生無枝角，三歲生叉狀，後每年增一枝，至四枝而止。

【成分】 鹿茸成分爲硫酸鈣、碳酸鈣、膠質、軟骨素等。

【性味】鹿茸味甘鹹。性溫。無毒。稟純陽之質。含生發之氣而成。升也。陰中陽也。麻勃爲使。畏大黃。

【歸經】入腎經。兼入心、肝、心包三經。爲峻補下元真陽之品。純陽之物。生精補髓。養血益陽。強筋健骨。

【功效】鹿茸甘鹹入腎。補精髓以壯元陽。血肉有情。仗仙靈能通督脈。稟純陽之氣。健骨有功。含生發之機。扶羸可賴。霜乃鹹溫力薄。膠則血液功優。生角酒摩。又能散血。麋茸製服。更可強陰。各種類同於性味。兩盤須辨夫陰陽。

【研究】鹿茸乃鹿初生之嫩角。長不過一二寸。色紫而嫩。取茸時。連腦骨切下。然後斃鹿。取其全生氣而血不散也。鹿爲仙獸。其性純陽而好淫。首常向尾。能通督脈。血肉有情之品。用補虛羸。似較他藥爲勝。至於除邪辟鬼。亦因其純陽之性耳。徐靈胎曰。鹿之精氣全在於角。角本下連督脈。鹿之角於諸獸爲最大。則鹿之督脈最盛可知。故能補人身之督脈。督脈爲周身骨節之主。腎主骨。故又能補腎。角之中皆茸。茸血衝爲血海。故又能補衝脈。衝督盛而腎氣強。則諸效自臻矣。又曰。鹿茸氣體全而未發。故補益血之功多。鹿角則透發已盡。故拓毒消

散之功。鹿茸曰鹿茸功用專主傷中勞絕腰痛羸瘦取其補火助陽生精益髓強筋健骨固精攝便下元虛人頭旋眼黑皆宜用之本經治漏下惡血是陽虛不能統陰卽寒熱驚癩皆肝腎精血不足所致角乃督脈所發督爲腎臟外垣外垣既固腎氣內充命門相火不致妄動氣血精津得以凝聚扶陽固陰非他草木可比八味丸中加鹿茸五味子名十補丸爲峻補命門真元之專藥傳尸癆瘵脊中生蠱習習瘡痛泫泫作聲者同生犀鼈甲入六味丸中其殺蟲之力與天靈蓋同功鹿角（不嫩不老者）味甘鹹性溫無毒杜仲爲使畏大黃主益氣補陽強骨髓續絕傷治腰脊痛心腹痛少腹血急痛脫精尿血夜夢鬼交療女子胞中餘血不盡欲死（燒灰酒服）老角生用則堅剛之性又能破惡血辟鬼邪角尖鋸屑消乳癰腫毒療惡瘡癰疽鹿角膠味甘鹹性微溫杜仲爲使畏大黃氣薄味厚降多升少陽中陰也主補中益氣長肌增髓止痛安胎黑髮強筋骨壯腰膝生精血治傷中虛損癆嗽吐血尿血下血多汗淋露腰痛羸瘦四肢作痛鹿角霜味甘鹹性溫治火不生土脾胃虛寒食少便澀胃反嘔逆之疾取溫中而不粘滯也古方多炮製應用今人每以煎過膠者代充其膠既去服之何益如精血不足而可受膩補者則用膠若僅陽虛而不受滋補者則用霜可也石頑曰鹿角生用

則散熱行血消腫辟邪熬膏則益陽補腎強精活血總不出通督脈補命門之用但膠力稍緩不能如茸之力峻耳然茸有交通陽維之功膠有緣合衝任之用若非助桂以通其陽不能除寒熱驚癇非龜鹿二膠並用不能達任而治羸瘦腰痛非輔當歸地黃不能引入衝脈而治婦人血閉胎漏鹿筋味淡性溫治勞損續絕傷補筋骨益氣力鹿肉甘溫補中強五臟通脈益氣力鹿胎純陽未散宜爲補養天真滋益少火之良劑然須參耆河車輩佐之尤爲得力如平素虛寒下元不足者入六味丸中爲溫補精血之要藥而無桂附辛熱傷陰之患但慎勿誤用麋胎反傷天元陽氣也麋茸乃麋之茸與鹿茸同類性味主治亦彷彿但鹿居山麋居澤鹿屬陽麋屬陰鹿角至夏至逢陰而解麋角至冬至逢陽而解一補陽而一補陰雖皆血液之屬輕靈之品而略有區別耳石頑曰麋肉大寒食之令人陽痿而麋茸大益陽道以其陽精都聚於角也其角煎膠勝於鹿角茸亦勝於鹿茸然鹿之茸角補陽右腎精氣不足者宜之麋之茸角補陰左腎血液不足者宜之此乃千古微旨治虛損有二至丸兩角並用但其藥性過溫偏於補陽非陰虛者所宜其麋膠主治與鹿膠無異而兼補陰血之功過於鹿膠但驗其角大而毛者卽是

【實驗】鹿茸味甘，能強壯神經，性溫，能興奮生殖腺與性腺，對於手發顫、四肢常覺寒冷、痿者，頗效。鹿角入胃後，即能中和胃內之鹽酸，使消化力增大。入腸後，能減少腸之分泌，使大便燥結。一部分由腸壁而入血，增大白血球效用，使血液凝固力強硬，并有小部分之磷酸鈣，能促進全身細胞之新陳代謝，而於腦神經尤有顯明之功效。鹿角膠入胃即與胃酸化合而凝固，至腸復分解而被腸壁吸入血中，頗有增加血液之凝固力。

【禁忌】鹿乃仙獸，純陽之物也。其治勞傷羸瘦，益腎添精，煖腰膝，養血脈，強筋骨，助陽道之聖藥也。然而腎虛有火者不宜用，以其偏於補陽也。上焦有痰熱，及胃家有火者，亦勿服。凡吐血下血，係陰虛火熾者，概不可服。鹿角對於胃酸缺乏症，鹿角膠對於消化不良症，慢性胃加答兒，均忌用。鹿茸有小白蟲，視之不見，不可近鼻嗅之，恐蟲入鼻為害也。

【用量】鹿茸自三分至一錢，鹿角自五分至三錢，鹿角膠、鹿角霜、自一錢至三錢，麋角、麋角膠、自五分至三錢。

【炮製】鹿茸形如茄子，色如瑪瑙者為良，紫潤圓短者為上，毛瘦枯細，尖長生歧者為下。酥炙酒炙，各隨本方，但不可過焦。有傷血氣之性，炙後去頂骨，用茸熬膠法，取角寸截，用長流水

浸三日刮淨，入黃蠟煮三日夜，去角取汁，煎滴，水不化，膠成切片陰乾，不可日晒，晒則融化成水矣。今市者有以黃明膠加楮實僞充，不可不察。取嫩角寸截，置小罈中，酒水相和，盆蓋泥封，糠火煨三伏時，搗細如霜，名鹿角霜。麋茸修治，與鹿茸同。

【配合】 鹿茸同牛膝、杜仲、地黃、山茱萸、補骨脂、巴戟天、山藥、肉蓯蓉、菟絲子，治腎虛腰痛。遺精。同菟絲子各一兩，茴香半兩爲末，以羊腎二對，和酒搗爛，和丸梧子大，陰乾，每服三五十丸，酒下，日三服，治陰虛腰痛，不能反側。鹿角屑炒黃研末，空心溫酒服，方寸匕，治腎虛腰痛，如錐刺，不能動搖。鹿角膠同牛膝、丹皮、麥冬、地黃、蘇子、鬱金、白芍、當歸、童便、續斷，治勞傷吐血。同山茱萸、枸杞子、鹿茸、地黃、麥冬、杜仲、補骨脂、懷山藥、車前子、五味子、巴戟天、蓮鬚，治腎虛陽痿，精寒無子，加入當歸、紫石英，治婦人血閉，子宮冷，服之受孕。麋角同附子、雀卵爲丸，服之增氣力，顏色不衰。麋角霜乳拌，同附子、山藥、棗肉爲丸，補五臟，駐顏色。皇漢醫方，鹿角同秋石、車前、黃芩、茯苓，治腎盂炎。鹿角膠合柏子仁、熟地、川山甲、龍骨、牡蠣、茯神、甘草，治貧血。同柏子仁、杏仁、川山甲、龍骨、牡蠣、枇杷葉，治咯血。

海狗腎（附）海馬 海龍

【品狀】 頭略圓。上有吹水之孔。口吻短唇薄。有鬚。牡鬚更長。眼大耳殼小。向後方。上下顎各十八齒。四肢短。爲鱗狀。各五趾。皆有蹼。尾甚短。體長八尺。牝者僅及半。幼時毛黑色。漸長則變茶褐色。有青黑色斑點。隨氣候變異而移動。夏居北海。冬則南來。春復北往。漸入北海。居海底最深處。或於海濱石上結伴鼾睡。惟其中必有一隻守衛。見有船來。立發聲以驚醒睡者。匿入海中。其鱉丸卽海狗腎。可入藥。

【性味】 味鹹性熱。無毒。得水中之陽氣以生。升也。陽也。

【歸經】 入腎經。爲專助元陽之品。腎氣衰極。精寒痿弱。要藥。

【功效】 補腎壯元陽。味鹹性熱。固精療屍疰。辟魅除邪。

【研究】 海狗腎一名臘納臍。出海中。獸之外腎也。味鹹性熱。無毒。入腎經。能壯元陽。補精髓。陽氣壯。則陰邪除。故療屍疰。辟鬼邪。與夫寒疝癢癢等疾。皆可治耳。時珍曰。和劑局方。治諸虛損。有臘納臍丸。今之滋補藥中多用之。精不足者。補之以味也。大抵與菴蓉瑣陽之功相近。亦可同結米法。麴釀酒服。藥性曰。主暖腰膝。助陽氣。破癥結。治精寒。痿弱。鬼氣。尸疰。男子色傷。新參曰。強腎陽。溫督脈。治腰膝軟弱。陰痿怯寒。海馬。頭略似馬。身似蝦。尾如象鼻。有彈

性。能捲纏於物。吻爲管狀。無齒。體長二三寸。棲於近海多藻之海底。常以尾纏藻而直立。或運動脊胸兩鰭而游泳。雄體腹面之皮囊。爲容納雌體產出之卵而使孵化。今藥肆中所售者。色白。背僵。儂。有竹節紋。腹大嘴長。無足。尾方長。俗傳婦人臨蓐。手持此物。可免難產云。味甘性溫。氣腥。暖水腎。壯陽道。消癭塊。治疔瘡腫毒。婦人難產。及血氣痛。海龍色白。長一寸至尺餘。能助陽催生。功效與海馬彷彿。

【禁忌】 海狗腎。性熱助陽。爲腎氣衰竭。精寒痿弱之要藥。然而陰虛火熾。強陽不倒。或陽事易舉。及骨蒸勞嗽等候。咸在所忌。海馬海龍。陰虛內熱。及外感胃弱者。忌用。

【用量】 海狗腎。自八分至三錢。海馬海龍。自一錢五分至三錢。

【炮製】 海狗腎。兩重薄皮。裏丸核。皮上有肉。黃毛一穴。三莖。收之器中。年年濕潤如新。或置睡犬頭上。驚狂跳躍者。真也。以漢椒樟腦同收。則不壞。凡用。酒浸一日。紙裏炙香。剉搗。或於銀器中。以酒煎熟。合藥。海馬海龍。酥炙。研末。沖服。

【配合】 海狗腎。同陽起石。肉蓯蓉。巴戟天。菟絲子。山茱萸。鹿茸。能壯陽道。益精。

黃狗腎 (附) 狗寶 狗蠅

【品狀】 獸類。口吻突出。門犬白三種齒皆全。而犬牙最銳。白齒亦利。舌長而薄。表面平滑。不似貓舌之糙。聽嗅兩覺甚銳敏。前肢五趾。後肢四趾。皆有鉤爪。性敏銳。戀主人。對同類尚強霸。易爲訓練。使守戶牧羊。曳棧助獵。警探事。常受條蟲之寄生。及癩病而死。癩狗常爲人害。須謹防之。狗寶生癩狗腹中。狀如白石帶青色。其理層叠。爲難得之物。黃狗腎。卽黃毛牡狗陰莖。於六月上伏日取之。陰乾百日。用今藥肆中所售者。色灰白。長約三寸。

【性味】 黃狗腎味鹹性溫。無毒。

【歸經】 入腎經。爲益精壯陽之品。

【功效】 壯陽事。益精氣。治遺泄陰痿。

【研究】 黃狗陰莖。專補右腎命門真火。能令陽道豐隆。精煖盈溢。皆溫煖下焦。補益衝任也。狗寶味甘苦。性溫。有小毒。專治噎膈反胃之病。取其苦能下降。溫能開結也。推廣其用。凡癰疽潰瘍不收。癩狂冷痰積結。無不可用。惟鬱結傷脾。氣血枯槁者。誤投。則有負薪救火之危。狗蠅食狗血。性熱而銳。力能拔毒外出。故治瘡瘡倒靨。色黑。唇口冰冷之證。以數枚搗細。醋酒少許調服效。

【禁忌】黃狗陰莖。凡陽事易舉。內熱多火者忌服。狗寶性熱。善消噎病。由於痰及虛寒而得者。猶可暫用。取效。若因血液衰少致噎食者。忌之。脾胃虛弱。羸瘦不振之病。尤不可用。

【用量】黃狗陰莖自一錢五分至三錢。狗寶自三分至一錢。

【炮製】黃狗陰莖酒拌炙用。狗寶研細沖服。

【配合】黃狗陰莖。同菟絲子、覆盆子、魚膠、車前子、巴戟天、肉蓯蓉、鹿茸、沙蔞藜、山茶莢。能益陽煖精。令人有子。狗寶一分爲末。以威靈仙二兩、鹽二錢。搗如泥。將水攪勻去滓。日二服。治噎食數月不愈者。不過三日。愈後服補劑。同蟾酥、冰片、麝香、雄黃、乳香、沒藥等。治癰疽疔腫。

雀卵（附）白丁香

【品狀】麻雀每年產卵二三次。喜啄穀類。農家多受害。然捕食害蟲。其益尙足。抵害也。雄禽之屎常直立。名白丁香。

【性味】雀卵味甘。酸性溫。無毒。

【歸經】入肝腎二經。爲補血助陽之品。

【功效】雀卵甘溫助腎。能益精以壯陽。酸煖補肝。治血枯之經。少白丁香消癰破積。須求雄

雀糞退翳開光。潰膿治疔有成方。味苦鹹溫無毒品。

【研究】老而斑者爲麻雀。小而黃者爲黃雀。其性最深。其卵係精血凝聚而成。甘酸性溫。故能補肝血助腎陽。治一切痿弱不振等症。雀卵治血枯。素問有四烏鯁骨一臆茹丸。用之最妙。如無雀卵。生雀肝代之。白丁香卽麻雀矣。以形尖長。雄者爲良。味苦鹹性溫。善消化。治腹中疝瘕積聚。肝腎腸胃之疾。外治退翳膜。決癰腫。皆取其能消散之意耳。

【禁忌】雀卵陰虛火盛者禁用。白丁香陰虛內熱及生內翳者忌用。

【用量】雀卵白丁香。臨時斟酌用。

【炮製】雀卵去殼用。白丁香入湯劑絹包。外敷研細用。

【配合】雀卵同天雄、菟絲子末爲丸。空心酒下五丸。治男子陰痿不起。女子帶下。便溺不利。白丁香與乾薑、桂心、艾葉等分爲丸。治腹中積塊。和人乳點目。熱生赤白膜。

鱒魚(附)鰻鱺

【品狀】鱒魚生水岸泥窟中。似鰻鱺而細長。亦似蛇而無鱗。黃質黑章。體多涎沫。大者長二三尺。夏出冬藏。一種蛇變者名蛇鱒。有毒害人。南人鬻鱒肆中。以缸貯水。畜數百頭。夜以燈照。

之。其蛇化者。項下必有白點。通身浮水上。卽棄之。或以蒜瓣投於缸中。則羣鱧跳躑不已。亦物性相制也。

【性味】 鱧魚味甘。性溫。無毒。

【歸經】 鱧魚入肝、腎、脾、胃四經。爲補血生精助陽之品。

【功效】 大補五臟。除風濕。壯陽道。

【研究】 鱧魚稟己土之氣。能補中益血。婦人產後惡露淋瀝。腸鳴濕痺。並宜食之。曝乾煨灰存性。治老人虛痢。大鱧魚重觔餘者。能助勢力。食後遍體疼脹。盡力搥之。其尾血療口眼喎斜。同麝少許。右喎塗左。左喎塗右。正卽洗去。其骨燒灰。香油調塗。流火甚效。 鱧鱧。闊嘴者爲鱧。尖嘴者爲鱧。甘平小毒。性能補虛益陰。久病勞瘵宜之。其功專在滋補真陰。殺勞瘵蟲。與蛇同類。故主治亦近之。其骨燒煙。蚊化爲水。薰竹木。辟蛀蟲。置衣箱。辟諸蟲。

【禁忌】 鱧魚陰虛陽盛者勿食。鱧鱧大便濡泄者勿食。

【用量】 臨時斟酌。二種同。

【炮製】 各隨方法。二種同。

【配合】 熊筋、虎骨、當歸、人參等分爲末，酒蒸大鱔魚，取肉搗爛爲丸，每日空腹，酒下兩許，氣力驟長。石龍子、生犀角、蛤蚧、生附子、草烏頭、乳香、沒藥、血竭、細黑芝麻、五倍子、陽起石等分爲末，生鱔血爲丸，硃砂爲衣，每日空心酒下百丸，能助陽，治壯年陽道不長。大鱧鱺同丹皮、薄荷蒸熟，去骨取肉，同黨參、熟地、山藥、川貝、麥冬、黃芪、地骨皮、銀柴胡，搗爛爲丸，治陰虛勞瘵，潮熱骨蒸，傳屍疰，甚效。

陽起石

【品狀】 卽雲母根，產於角閃岩及角閃剝岩中，結晶成斜柱狀，又常爲纖維狀，凝聚一處，色綠而灰黑，有玻璃光，出齊州、雲頭、雨脚、鸞鷲毛，色白濕潤者良。

【成分】 含無水硅酸及苦土，此外尙含加爾叟謨及鐵等。

【性味】 味鹹性溫，無毒，稟純陽之氣，以生，升也，陽也。桑螵蛸爲使，惡桂、澤瀉、雷丸、蛇蛻、畏菖絲子、忌羊血。

【歸經】 入命門經，爲溫補助陽之品。

【功效】 補右腎命門，治陰痿精滑，子宮虛冷，腰膝冷痺，水腫癥瘕。

【研究】 陽起石補命門相火。凡因火衰寒氣內停。宿血留滯。而見陰痿清滑。子宮虛冷。腰膝冷痺。水腫癥瘕。服之有效。以其性稟純陽。故耳功雖類於硫黃。但硫黃大熱。號爲火精。此則其力稍遜。而於陽之不能起者。能起之。因是得名。然石藥慄悍。久服恐中毒。用者慎之。徐靈胎曰。陽起石得火不燃。得日而飛。硫黃得日無焰。得火而發。皆爲火之精。而各不同。蓋陽起石稟日之陽氣以成。天上陽火之精也。硫黃稟石之陽氣以成。地上陰火之精也。所以硫黃能益人身陰火之陽。陽起石能益人身陽火之陰。

【實驗】 此藥味鹹。或因能增加血中之礦物質。如燐鈣等。性溫。對於生殖腺有興奮性。

【禁忌】 陰虛火旺者忌之。陽痿屬於失志。以致火氣閉密。不得發越而然。及崩中漏下。由於火盛。而非虛寒者。均忌。

【用量】 三錢至五錢。

【炮製】 火煨醋淬七次。研粉水飛。亦有用燒酒燻。升煉取粉者。

【配合】 同破故紙、鹿茸、臘鴛膽、菟絲子、狗陰草、肉蓯蓉、巴戟天。治命門虛寒。陰痿不起。精寒

無嗣。

本草用法研究

第十八編 補養之劑

補者補其不足也。養者栽培之。將護之。使得生遂條達。而不受戕賊之患也。人之氣稟。罕得其平。有偏於陽而陰不足者。有偏於陰而陽不足者。故必假藥以資助之。而又須優游安舒。假之歲月。使氣血歸於和平。乃能形神俱茂。而疾病不生也。經曰。聖人不治已病。治未病。不治已亂。治未亂。夫病已成而後藥之。亂已成而後治之。譬猶渴而穿井。鬪而鑄兵。不亦晚乎。

人參

(附) 孩兒參

參條

參鬚

參蘆

參葉

參子

黨參

明黨參

東洋參

太子參

【品狀】 屬五加科。此其經過數年之根也。初年一莖生三葉。二年生二枝。每枝生五葉。莖高達二尺餘。葉爲掌狀複葉。小葉披針形。或長卵圓形而尖。有鋸齒。花小白。作繖形。花蕊排列。子如腰子式。秋時紅如血。根長八九寸。多肉略似人形。尤爲貴重。產於長白山脈中。附根生者爲蘆。橫生於蘆頭上者爲條。其細者爲鬚。均可入藥。人參有野生者。有人工栽種者。以深山自生而年久者爲良。價亦奇昂。我國吉林遼寧產者最良。山西長子縣。雲南姚安縣。安徽舒城縣。

亦有出產。高麗出頗富。日本美國亦有之。

【成分】 主要成分。大體爲揮發油。與河波寧。及含水炭素等。

【性味】 味甘苦。性平。無毒。得土中清陽之氣。稟少陽之令而生。氣薄味厚。升多於降。陽中微陰也。茯苓、馬藎爲使。反藜蘆、蘿蔔。畏五靈脂、惡皂莢、黑豆、紫石英、人溲。

【歸經】 入肺脾二經。通行十二經。爲補益肺中元氣。大益元陽之品。

【功效】 性稟甘平。功資脾肺。氣純味厚。補真元而益血生津。助衛充營。安五臟而寧神益智。鬚則橫行支絡。補而下行。蘆藎嘔吐虛痰。苦能上達。黨參則出於西潞。甘平賴以培中。別直乃產自高麗。溫熱宜分種野。

【研究】 人參產遼東吉林高麗等處。其草生山之北。背陽向陰。故收藏亦不喜見風日。地爲陰。此物得土之旺氣而生。故能大補中州元氣。以真元之氣起於陰中。上及於肺。人參能從陰中補陽。使脾肺元氣皆旺。則臟腑氣血均受其蔭庇。自然陽生陰長。爲補藥中純厚之品。同乾薑附子。則補而兼溫。同石膏知母。則補而兼清。古人發表攻裏諸方。每每加用。均有深意。至於得陳皮則益氣。得當歸則益血。何臟之虛。則用何臟之藥以引之。即可取效。由是觀之。可見人

參之性亦如土之性。土無定位。德備四隅之象矣。參條乃橫生。蘆頭上者。性味相同。其力甚薄。止可用以調理常病。及生津止渴。其性橫行手臂。凡指臂無力者。服之甚效。參鬚亦橫生。蘆頭而更細者。性味相同。善行絡脈。亦如人參之從陰中補陽。自下而上也。但補力不及耳。要知參條參鬚。不過得參之餘氣。危險之症。斷難倚仗。又根鬚皆有向下之意。參蘆即參之生苗處。性升。味苦性寒。主湧吐風痰。在胸膈間。而又兼虛者。參葉味苦微甘。性平。無毒。補中。生胃津。祛暑。降虛火。利四肢。清頭目。浸汁沐頭。令髮光黑不落。殺蟲。醉後食之解醒。人參子。式如腰子。生青熟紅。大如小黃豆。峻補元氣。返人魂魄。尤能健脾。發痘行漿。黨參。出山西潞安。根有獅子盤頭者爲上。其餘所出者皆次之。甘平之性。補中益氣。和脾胃。除煩渴。中氣微虛。用以培補脾肺元氣。頗佳。若虛甚而危急者。亦非所宜。非人參之大力不能也。按黨參之形。略似防風。故從新有防風黨之稱。明黨參。邊黃。中白。光潔。味苦甘。性平。溫脾化痰濕。平肝風。治頭暈泛噁。中風昏仆。別直爲高麗國所產。所出之參。其功用性味與人參相同。但補力稍不及。皆以野生者爲佳。有一種種出者。土人以子播種。用硫黃等物沃土。則土肥易茂。服之每每腹脹。其性熱。東洋參。出日本。色淡黃。味甘性溫。補脾胃中氣。其補力固不及人參。別直而較黨

參爲優。太子參味甘微苦，細如參條，短緊實，而有蘆紋，補益元氣，似人參而力薄。孩兒參（卽小人參）色淡黃，質軟條細，味甘苦，性平，補脾肺元氣，止汗生津，定虛悸。言聞曰：人參生用氣涼，熟用氣溫，味甘補陽，微苦補陰。徐靈胎曰：凡補氣之藥，皆屬陽，惟人參能補氣而體質屬陰，故無剛燥之弊，而又能入於陰分，最爲可貴。然力大而峻，用之失宜，其害亦甚於他藥也。石頑曰：人參甘溫，氣薄味厚，陽中微陰，能補肺中元氣，肺氣旺，四臟之氣皆旺，精自生而形自盛，肺主諸氣，故也。古人血脫益氣，蓋血不自生，須得補陽氣之藥，乃生，陽生則陰長，血乃旺耳。若單用補血藥，血無由而生也。素問言：無陽則陰無以生，無陰則陽無以化，故補氣必用人參，補血須兼用之。仲景言：病人汗後身熱，亡血脈沉遲，下痢身涼，脈微血虛，並加入參，蓋有形之血，未能卽生，希微之氣，所當急固，無形生有形也。丹溪言：虛火可補，參芪之屬，實火可瀉，芩連之屬，後世不察，概謂人參補火，誤矣。輯要曰：人參能回陽氣於垂絕，却虛邪於俄頃，爲補五臟陽氣之君藥，開胃氣之神品。按人參產於遼左，地之陽在北，受地陽氣，故性溫氣香，脾性所喜，脾主生金，兼能益肺，味甘而純，甘則補陽，用補陽氣以固真元，爲溫脾之勝藥也。主治思慮過度，勞傷心脾，食後昏倦，自汗惡寒，久病胃弱，四肢怕冷，腸鳴作瀉，小便頻短，此係

脾氣虛寒。用此溫補脾陰。又治勞役過度。飲食不思。怠惰嗜臥。四肢不收。精神困倦。惡寒懶性。面黃肌瘦。氣短虛煩。此係元氣下陷。用此升陽益氣。若遺精便濁。久洩脾虛。則元陽去而真氣散。用此固氣。使氣固則精不遺。若瘧疾久。則邪氣衰而元氣耗。用此補氣。使氣實則邪自去。若痢疾久。則積熱將盡。而脾臟困極。用此扶脾。使腸胃俱健。而痢能止。若失血久而脈已虛。則血將止而無所統。用此補脾。使脾氣旺。則能統血。血自歸經。若痘瘡色白。氣虛寒者。用之爲宜。色紅紫。屬實熱者。又須禁用。若病後氣血兩虛。此時幾微之血。不能速生。參以領氣歸元。血從氣附。卽陽生陰長之謂也。如血衰氣盛。火燮真陰。又當戒之。三伏日。火令尅金。人多氣虛。故用生脈散。補養肺氣。雷公云。人參夏月少用。恐發心疝之患。蓋謂火令炎蒸。流金燬石。參性溫。必傷心氣。是知參兼麥冬五味子。則功多。獨用則反增害也。凡脾胃實熱。肺受火邪。喘嗽痰盛。陰虛勞怯。失血初起。胸膈痛悶。噎膈便結。有蟲有積。皆不可用。若二三月及四五月內。鬱溫熱病初起。誤用之。如劍戟下咽。卽斃。熱退後。餘邪未盡。服之必危。務宜慎之。

【實驗】 人參專治心臟衰弱。及神經衰弱之消化不良症。爲唯一補劑。大補元氣。添精神。生津液。久病元虛將脫者。必用。病後欲求恢復元氣者。常服之。入胃後。能助胃之消化力。一部分

與胃酸化合。而含水素與類似葡萄糖之糖質。至小腸始被吸收而入血中。能促進血液之進行。助長血球之產生。使精神振興。體力強健。故人參之主要功能。爲強壯藥。凡肺癆。神經衰弱。陰痿。遺精。衰老。貧血。與腎臟病。子宮病。及一切體力消耗所起之病。皆可用於神經衰弱之頭痛眩暈。尤有特效。但久用人參。則呈頭痛頭重等腦充血。及便秘胃呆之症狀。

【禁忌】 人參本補五臟真陽之氣者也。若夫虛羸。疴怯。勞役。飢飽所傷。以致陽氣短乏。陷入陰分。發熱。倦怠。四肢無力。或胃弱不能食。脾虛不磨運。或真陽衰少。腎氣乏絕。陽道不舉。完穀不化。下痢清水。中風失音。產後氣喘。小兒慢驚。吐瀉不止。痘後氣虛。潰瘍長肉等證。投之靡不立效。惟不利於肺家有熱。咳嗽吐痰吐血。衄血齒衄。內熱骨蒸。勞瘵陰虛火動之候。王好古謂肺熱。傷肺是已。又有痧疹初發。身雖熱而斑點未形。傷寒始作。形證未定。而熱邪方熾。若誤投之。鮮有不禍者。凡人面白面黃。面青。驚悸者。皆脾肺腎氣不足。可用也。而赤面黑者。氣壯神強。不可用也。脈之浮而孔濡。虛大遲緩。無力。沉而遲濇。弱細絀代。無力者。皆虛而不足。可用也。若弦長緊實滑數有力者。皆火鬱內實。不可用也。喘嗽勿用者。痰實氣壅之喘也。若腎虛氣短喘促者。必用也。仲景肺寒而欬勿用者。寒束熱邪。纏鬱在肺之欬也。若自汗惡寒而欬者。必用

也。又久病鬱熱在肺，勿用者。乃火鬱於內，宜發不宜補也。若肺虛火旺，氣短自汗者，必用也。諸痛不可驟用者，乃邪氣方銳，宜散不宜補也。若裏虛吐利，及久病胃弱，虛痛喜按者，必用也。陰虛火旺，勿用者，乃血虛火亢能食，脈弦而數，涼之則傷胃，溫之則傷肺，不受補者也。若自汗氣短，肢寒脈虛者，必用也。如此詳審，則人參之可用不可用，思過半矣。又腦充血，偏頭痛，忌用。

【用量】 人參自八分至三錢，參條、參鬚、參葉、參子、參蘆、太子參、孩兒參、明黨參，自八分至一錢五分，黨參自三錢至一兩，東洋參自二錢至五錢。

【炮製】 人參嚼服者，服生熟均可。熟用宜隔紙焙之，或熱酒濕潤，入藥宜另煎沖服，並忌鐵器。黨參生用或炒用，各隨方法。梵天廬叢錄人參炮製法云：人參在白露節後起土，先用小毛刷洗去泥土，而後炮製。炮製俗名做貨，做時以沸水煮到半熟，刷去浮皮，用白線小弓剔盡參紋中塵土，再以冰糖熬成清汁，將參浸漬一二日，再排列於蒸籠，上鍋蒸熟，蒸籠須用馬尾毛編成絲形，蒸煮時候，火力大小務宜合度，過蒸則爛，不足則有腐敗之虞，蒸至適當火候，取參出籠，排在長方之火盤內，下用文火烤乾，約一晝夜之久，至不黏膩，不過燥為度，後移於別器置於坑上，俟其徐徐收乾至八九分，始畢其事，亦有不煮水，不浸糖，而生刷蒸者。又李春芝云：

製作人參分爲二步。初糖製。將人參取來。用水洗淨。剝去老黑皮。再用絨製之弓。將參之週身拉成細紋。用針遍刺出孔。以糖鍋一只。先以白冰糖同水煎熟。糖亦溶解。移時候冷。將參投於鍋內。以糖汁浸一宿。翌日取出陰乾。爲免壞爛之虞。名曰白參。及蒸煮。亦用前法。將參洗淨。用蒸籠乾蒸之後。取出曬乾。卽成名曰紅參。

【配合】 人參得升麻引用。補上焦元氣。瀉肺中之火。得茯苓引用。補下焦元氣。瀉腎中之火。得麥冬則生脈。得乾薑則補氣。得黃柏。治相火乘脾。身熱而煩。氣高而喘。頭痛而渴。脈洪而大者。同大棗、白芍、炙甘草、棗仁、龍眼肉、補脾陰。同鹿茸、肉蓯蓉、巴戟天、五味子、麥冬、菟絲子、山茱萸、地黃、枸杞子、杜仲、柏子仁。治腎氣衰。陽痿。乃扶衰之要劑。兼令人有子。同藿香、木瓜、橘紅。治胃虛嘔吐反胃。如妊娠嘔吐。加竹茹、枇杷葉。同白朮、吳茱萸。治脾泄久不止。同五味子、吳茱萸、補骨脂、肉豆蔻。治腎泄。同白芍、炙甘草。治血虛腹痛。鼓痛。同附子、乾薑、肉桂。治寒厥。指爪青黯。便清踈臥。同附子、五味子。治陽氣脫。溫腸胃中冷。同麥冬、五味子。名生脈散。治肺虛氣喘。夏月服之。益氣除熱。止消渴。加白朮。又治中暑傷氣倦怠。同沉香、白芍。治真氣虛。氣不歸元。因而胸脇逆滿。同茯苓、遠志、益智仁、棗仁、麥冬。治精神恍惚。驚悸。魂魄不

定。同沉香、茯神、治心虛、邪客作痛。同鹿角膠、杜仲、續斷、當歸、地黃、蘇木、治負重努力、內傷失血、去蘇木、加生地、治胎漏不安。同黃耆、白芍、五味子、治汗多亡陽。同蘇木、麥冬、治產後氣喘。在白虎湯、治勞傷元氣人、患熱病渴甚、并頭痛。在敗毒散、治氣虛人、患四時不正傷寒。在參蘇飲、治肺虛人傷風。同鼈甲、青皮、乾漆、麝蟲、肉桂、牡蠣、射干、消瘿母。同菊花、當歸、地黃、枸杞子、蒺藜、甘草、柴胡、則明目。同黃連、紅耆、白芍、滑石、升麻、治滯下赤色、腹痛。同黃連、烏梅、蓮肉、升麻、滑石、肉豆蔻、治滯下久不止。同白朮、茯苓、木瓜、藿香、炙甘草、止虛煩躁。同牛黃、犀角、天竺黃、鉤藤、丹砂、雄黃、珍珠、茯神、遠志、治驚癇。同地黃、阿膠、麥冬、山茱萸、五味子、續斷、杜仲、治血崩、加牛膝、大蓰、鹿角膠、治血淋。同橘皮、紫蘇、木瓜、白朮、竹茹、治惡阻安胎、熱多者、去白朮、紫蘇、加麥冬。同五加皮、白蘚皮、石斛、秦艽、木瓜、薏苡仁、萆薢、牛膝、沉香、菖蒲、白朮、蒼朮、治痺。同黃柏、黃耆、白朮、五味子、麥冬、木瓜、白芍、薏苡仁、茯苓、治痿。同附子、白朮、白芍、甘草、茯苓、治慢驚、慢脾風。同白朮、黃耆、芍藥、治自汗。同生薑皮、各等分煎、露一宿、五更溫服、治氣虛久瘧不止。同蘇木、當歸、童便、治產後血暈。同石菖蒲、蓮肉等分、水煎、治產後不語。同乳香、丹砂、鷄子白、薑汁三匙調勻、別用當歸兩許、煎濃同吞、治橫生倒養難

產神效。同附子、肉桂、麥冬、五味子治房勞過度、脫陽欲絕、下部虛冷。同黃耆、天冬、五味子、牛膝、枸杞子、菖蒲治中風不語。皇漢醫方同白朮、茯神、麥冬、甘草治神經衰弱之消化不良症。佐歸身、五味、甘草治心臟衰弱。

黃芪(附)黃精

【品狀】黃芪屬豆科。山地多年生草。莖臥地成蔓。葉爲羽狀複葉。似槐葉而微尖小。似蒺藜葉而稍闊大。白色有毛。開黃紫花。大如槐花。花冠爲蝶形。結小尖角。長寸許。如赤小豆。根長二三尺。八月採之。以產山西綿上。緊實如箭筈。斷之紋如菊花心者良。川產者力遜。

【成分】含有祕魯培林之植物鹽基。

【性味】味甘性微溫。無毒。稟天之陽氣。地之沖氣以生。氣薄味厚。可升可降。陰中陽也。茯苓爲之使。惡龜甲、白蘚皮。

【歸經】入肺脾二經。爲實表補氣之品。

【功效】固衛氣而實皮毛。斂汗托瘡。宜生乃效。補中州以資脾肺。陽虛血脫。當炙爲良。味甘性溫。色黃氣醇。

【研究】黃芪一作耆耆者老也。爲補藥之長。故名。生者雖補中而善行衛分。能益氣固表。得防風則補而不滯。行而不泄。其功愈大。同當歸則和營達衛。炙用則大補中氣。有陽生陰長之理。黃芪之補。善達表益衛。溫分肉。肥腠理。使陽氣和利。充滿流行。自然生津生血。故爲外科家聖藥。以營衛氣血太和。自無瘀滯耳。元素曰。黃芪甘溫純陽。其用有五。補諸虛不足一也。益元氣二也。壯脾胃三也。去肌熱四也。排膿止痛。活血生血。內托陰疽。爲瘡家聖藥五也。又曰。補五臟諸虛。治脈弦自汗。瀉陰火。去虛熱。無汗則發之。有汗則止之。好古曰。黃芪治氣虛盜汗。并自汗及膚痛。是皮表之藥。治咯血。壯脾胃。是中州之藥。治傷寒尺脈不至。補腎臟元氣。是裏藥。乃上中下內外三焦之藥也。東垣曰。靈樞云。衛氣者。所以溫分肉而充皮膚。肥腠理而司開闔。黃芪既補三焦。實衛氣。與桂同功。特比桂甘平。不辛熱爲異耳。但桂則通血脈。能破血而實衛氣。芪則益氣也。又黃芪與人參甘草三味。爲除燥熱肌熱之聖藥。脾胃一虛。肺氣先絕。必用黃芪。溫分肉。益皮毛。實腠理。不令汗出。以益元氣而補三焦。丹溪曰。黃芪補元氣。肥白而多汗者爲宜。若面黑形實而瘦者服之。令人胸滿。宜以三物湯瀉之。宗奭曰。補腎虛者。氣爲水母也。止崩帶者。氣盛則無陷下之憂也。嘉謨曰。黃芪能補氣內托。使癰瘡毒氣變化成膿。

若不能成膿。死不治。毒盛而元衰也。痘亦然。徐靈胎曰。黃芪甘淡而溫。得吐之正味。正性。故其功專補脾胃。味又微辛。故能驅脾胃中諸邪。其皮最厚。故亦能補皮肉。爲外科生肌長肉之聖藥也。張璐曰。黃芪入肺而固表。虛自汗。入脾而托已潰癰瘍。皆用生者。以疏衛氣之熱。性雖溫補。而能通調血脈。流行經絡。可無礙於壅滯也。同人參則益氣。同常歸則補血。同白朮防風。則運脾濕。同防己。防風。則祛風濕。同桂枝。附子。則治衛虛亡陽。汗不止。爲腠理開闔之總司。昔人言無汗不得用黃芪。服之令人胸滿。此指表實形瘦色蒼。胸中氣盛者而言。若衛氣虛衰之人。感寒。雖用表藥。多不能作汗。須用黃芪。建中之屬。始得汗解。不可拘於俗見也。黃宮繡曰。黃芪皮黃肉白。黃入脾而補氣。白入肺而實表。爲補氣諸藥之冠。功能生血生肌。排膿內托。又爲瘡瘍聖藥。與人參比較。則參性味甘平。陽中兼陰。芪則性味甘溫。絕少陰氣。蓋參宜於中虛。而泄瀉痞滿可除。芪宜於表虛。而自汗亡陽潰瘍可治。且參宜於水虧。而氣不得宣發。芪宜於火衰。而氣不得上達之爲異耳。汪昂曰。黃芪甘溫。生用固表。無汗能發。有汗能止。補肺氣。瀉陰火。解肌熱。炙用。補中益元氣。溫三焦。壯脾胃。生血生肌。排膿內托。黃芪皮。色淡黃。多織維紋孔。味甘微苦。性微溫。補肺脾。固衛氣。止虛汗。按黃芪皮黃入脾。肉白走肺。性溫能升陽。

味甘能補中。用蜜炒。又能溫中。主健脾。故內傷氣虛。少用以佐人參。使補中益氣。治脾虛泄瀉。瘵痢日久。吐衄腸紅。諸久失血後。及痘瘡慘白。主補肺。故表疎衛虛。多用以君人參。使斂汗固表。治白汗盜汗。諸毒潰後。收口生肌。及痘瘡貫膿。癰疽久不愈者。從骨托毒而出。必須曬炒。痘科虛不發者。在表助氣爲先。又宜生用。若氣有餘。表邪旺。腠理實。三焦火動。斷宜戒之。至於中風手足不遂。痰壅氣閉。始終不可加用。黃精味甘性平。補中益氣。安五臟。益脾胃。潤心肺。填精髓。助筋骨。然品質滋膩。補陰之功居多。若脾虛有濕者。不宜服之。恐其膩膈也。

【實驗】 黃芪味甘微溫。凡因新陳代謝虛弱。而體溫減低者。可用之。除肺結核外。因其他各種之結核病。現潮熱自汗者。均可用之。又慢性之結核性潰瘍。服之。能催促細胞之生活力。而助生肉芽。對於急性潰瘍。均可作爲內服之主藥。

【禁忌】 功能實表。有表邪者勿用。能助氣。氣實者勿用。能內塞補不足。胸膈氣閉悶。腸胃有積滯者勿用。能補陽。陽盛陰虛者忌之。上焦熱甚。下焦虛寒者忌之。病人多怒。肝氣不和者勿服。痘瘡血分熱盛者禁用。

【用量】 黃芪生者自一錢半至三錢。炙者自八分至三錢。大劑一二兩。黃精自三錢至一兩。

【炮製】黃芪入補藥中，槌扁蜜炙。如欲其稍降，鹽水炒。達表生用。或酒炒亦可。黃精酒拌蒸熟用。

【配合】黃芪在補中益氣湯，爲治勞倦發熱之要劑。同生熟地黃、黃柏、黃芩、黃連、當歸、加炒棗仁，爲治陰虛盜汗之正法。去黃柏、黃芩、黃連，加入參、五味子、甘草，治表虛自汗。同桂枝、白芍、防風、炙甘草，能實表治虛。畏風、傷風、自汗，與茅朮生地等分，牛膝、黃柏減半作丸。治積年濕毒臙瘡，百藥不效。同白芷、白芨、甘草、金銀花、皂角刺、排膿止痛。同人參、甘草，治痘瘡、陽虛無熱症。黃精、同桑椹、首烏、茅朮、漆葉作丸，可以變白。殺三蟲，能使足溫而不寒。同白朮久服，輕身不飢。同地黃、天冬、釀酒，可去風，益血氣。

甘草（附）頭 梢 節 苦甘草

【品狀】豆科之多年生草。葉爲奇數羽狀複葉，小葉披針形而尖，互生。初夏開淡紅花冠，如葉形攢簇成穗。根圓，長尺許，闊三四分，表皮深綠色，有直皺裂如槽脊，內部色黃而光滑，斷口參差鑷形。二月八月採根曝乾。大而結者良。出大同。名粉草。彈之有粉出。細者名統草。

【成分】甘草糖。此外尚有一種辛烈性軟脂，阿斯巴拉精，Asparagin 及膠質等。

【性味】味甘性平。無毒。稟土中陽氣而生。氣薄味厚。可升可降。陰中陽也。白朮、苦參、乾漆爲使。反大戟、芫花、甘遂、海藻。惡遠志。忌豬肉。

【歸經】入肝脾二經。通入十二經。爲和中解毒之品。

【功效】味甘性平。和中解毒。生用退虛熱之功。補中寓瀉。炙服助脾元之力。守內有常。推其緩急多能。故諸病均堪相濟。且可協和羣藥。而各方隨處咸宜。節醫腫毒成瘡。癰疽有驗。梢止陰莖作痛。淋濁無憂。

【研究】甘草色黃味甘。屬土。爲脾胃之正藥。能補諸虛。善解百毒。以諸藥遇甘則補。百毒遇土則化之意。凡甘藥皆能緩中。甘草味極甘。故熱藥得之緩其熱。寒藥得之緩其寒。同補藥則補。同瀉藥則瀉。緩一切火。止一切痛。惟中滿因於邪滯者不宜用之。外科方中最宜。但甘草味過於甘。若多服單服。則中氣喘滿。令人嘔吐。東垣曰。甘草氣薄味厚。可升可降。陰中陽也。陽不足者補之以甘。甘溫能除大熱。故生用則氣平。補脾胃不足。而大瀉心火。炙之則氣溫。補三焦元氣。而散表寒。除邪熱。去咽痛。緩正氣。養陰血。凡心火乘脾。腹中急痛。腹皮急縮者。宜倍用之。其性能緩急。而又協和諸藥。使之不爭。故熱藥得之緩其熱。寒藥得之緩其寒。寒熱相雜者。

用之得其平。好古曰：五味之用，苦泄辛散，酸收鹹斂，甘上行而發，而本草言下氣何也？蓋甘味主中，有升降浮沉，可上可下，可外可內，有和有緩，有補有泄，居中之道盡矣。張仲景附子理中湯用甘草，恐其僭上也；調味承氣湯用甘草，恐其速下也；皆緩之之意。小柴胡湯有柴胡黃芩之寒，人參半夏之溫，而用甘草者，則有調和之意。建中湯用甘草以補中，而緩脾急也。鳳髓丹用甘草以緩腎急，而生元氣也。乃甘補之意。又曰：甘者令人中滿，中滿者勿食甘，甘緩而壅氣，非中滿所宜也。凡不滿而用炙甘草爲之補，若中滿而用生甘草爲之瀉，能引諸藥直至滿所，甘味入脾，歸其所喜，此升降浮沉之理也。經云：以甘補之，以甘瀉之，以甘緩之，是矣。時珍曰：甘草外赤中黃，色兼坤離，味濃氣薄，資全土德，協和羣品，有元老之功，普治百毒，得王道之化，藥中之良栢也。然中滿嘔吐，洒客之病，不喜其甘，而大戟、芫花、甘遂、海藻，與之相反，是亦迂緩不可以救昏昧，而君子嘗見嫉於宵人之意歟。張璐曰：脾虛脹滿者，必用甘草，蓋脾溫則健運也，世俗不辨虛實，一見脹滿，便禁甘草，何不思之甚邪？甘草與大戟相反，而胡洽治痰瀝，以十棗湯加甘草大戟，乃痰在膈上，欲令通泄以拔病根也。古方有相惡相反並用，非妙達精微者，不知此理。初菴曰：甘草入和劑則補益，入汗劑則解肌，入涼劑則瀉邪熱，入峻劑則緩。

正氣入潤劑則養陰血。按甘草色黃味甘。屬土。土居中央。兼乎五行。專入脾經。取性氣緩。緩可去急。同熱藥用之。緩其熱。同寒藥用之。緩其寒。使補不至於驟而瀉不至於迅。有調和相協之義。故稱曰國老。生用涼而瀉火。主散表邪。消癰腫。利咽痛。解百藥毒。除胃積熱。去尿管痛。此甘涼除熱之力也。炙用溫而補中。主脾虛滑瀉。胃虛口渴。寒熱咳嗽。氣短困倦。勞役虛損。此甘溫助脾之功也。但味厚而太甜。補藥中不宜多用。恐戀膈不思食也。如心肺火盛。痢疾初起。中滿腫脹。氣鬱嘔吐。併嗜酒者。均宜遠此。甘草頭功同甘草。善行肝胃二經。濁血。治小兒遺尿。療癰腫。解毒。甘草梢功達下焦。爲清熱之品。治玉莖中作痛。加酒煮延胡索。苦楝子。尤佳。胸中積熱。甘草節消癰疽。嫩痛。有節行節處。散結瀉火解毒之妙。苦甘草。色黃。形如甘草。紅竅粗顯。味苦性涼。功能清肺胃。導熱。治咽喉紅腫作痛。溲短赤。

【實驗】此藥入胃後。與胃液起作用。而分出葡萄糖及甘草糖。可使唾液分泌增加。至腸能激腸之蠕動。使大便秘下。半由腸壁吸入至血中。能促進全身細胞新陳代謝作用。同時咽喉部之分泌亦增。易使痰沫附着而咳出。且可免除久嗽咽喉之燥感。

【禁忌】甘能緩中。中滿者忌之。嘔家酒家忌甘。諸濕腫滿。及脹滿病。咸不宜服。

【用量】甘草生者自五分至一錢五分。外科症每次至少用八分。炙者自三分至一錢。大劑一兩左右。苦甘草自六分至一錢。

【炮製】補中炙用。宜大者。瀉火生用。宜細者。均去外赤皮。中心黑者有毒。勿用。炙有蜜炙水炙炙黑三種。外科須用生者。其餘均炙用。因生甘草或有礙消化作用之弊。

【配合】甘草同黃芪、防風。能運毒走表。爲痘疹氣血兩虛者。首尾必資之劑。得白芍則補脾。甲己化土也。同人參、黃芪、白朮、大棗、當歸身、麥冬、升麻、柴胡。爲補中益氣。專理飢飽勞役內傷。陽氣下陷發熱。同人參、乾薑、肉桂。則溫中。同麥冬、蘇子、枇杷葉。則下氣。同黃連、芍藥、升麻、滑石。解熱毒滯下。同桔梗、元參、牛蒡子、天花粉。清利咽喉虛熱。同麥冬、石膏、竹葉。知母。除煩悶躁渴。頭疼。解肌。同紫花地丁、金銀花、甘菊、夏枯草、益母草、貝母、白芨、白芷。消一切疔腫。同黃連。止小兒胎毒。驚癩。同黃連、木通、赤芍、生地。瀉心經有餘之火。單用水炙百遍。煎熬膏餉。治懸癰如神。炙則補傷寒病瘥後血虛。皇漢醫方。同柴胡、前胡、葛根、荆芥、芍藥、黃芩、桑白皮。治流行性感胃。合人參、當歸、白芍、茯苓。治貧血。

白朮（附）冬朮 於朮

【品狀】 多年生草。莖方，高二三尺。葉有毛對生。花有紫碧紅數色。根細如指。大者如拳。皮色微褐。肉白。產河南、浙江、安徽等省。

【成分】 Sesquiterpene $C_{15}H_{24}$, Atractylol ($C_{15}H_{26}O$), Camphor $C_{15}H_{16}O$ Bor-neol ($C_{16}H_{18}O$).

【性味】 味苦甘。性溫。無毒。稟初夏之氣。得土之沖氣以生。氣薄味厚。可升可降。陽中陰也。防風、地榆、爲使。忘桃李、菘菜、雀肉、青魚。

【歸經】 入脾胃二經。爲補土除濕之品。

【功效】 補脾燥濕。法乾健之功能。冬採野生。隨坤土而運用。化水痰於胃脘。腰臍血結並能搜。進飲食於太倉。妊婦胎元均賴固。脾虛久瀉。溫燥多靈。痺着諸邪。苦甘有力。

【研究】 白朮產浙江、安徽等處。以於潛野生者爲佳。土人皆用種法種之。冬採者爲冬朮。以冬令則精華彙聚於根也。爲補脾之正藥。脾喜溫燥。白朮之性氣溫而燥。能補脾而資其健運。脾健則運化有權。諸病皆愈耳。白朮雖燥。中有管汁。雖日晒後即復還軟。剛中有柔。故脾陰不足者。亦可蜜炙用之。白朮之補脾燥濕。當與陳皮、茯苓同用。否則恐有滯性。以其中含津液。是

以能閉氣。故又宜土炒用之。好古曰：近世多用白朮，治皮間風出汗，消痰補胃和中，利腰臍間血，通水道，上而皮毛，中而心胃，下而腰臍，在氣主氣，在血主血，無汗則發，有汗則止，功同黃芪。元素曰：白朮除濕益燥，和中補氣，其用有九：溫中一也，去脾胃中濕二也，除胃中熱三也，強脾胃進飲食四也，和胃生津液五也，止肌熱六也，四肢困倦嗜臥，目不能開，不思飲食七也，止渴八也，安胎九也。凡中焦不受濕，不能下利，必須白朮以逐水益脾，非白朮不能去濕，非枳實不能消痞，故枳朮丸以之爲君。汪機曰：脾惡濕，濕勝則氣不得施化，津何由生，故曰膀胱者，津液之腑，氣化則能用焉，用白朮以除其濕，則氣得周流，而津液生焉。徐靈胎曰：朮者土之精也，色黃氣香，味苦而帶甘，性溫，皆屬於土，故能補益脾土，又其氣甚烈而芳香四達，故又能達於筋脈肌膚，不專於建中宮也。石頑曰：白朮生用則有除濕益燥，消痰利水，治風寒濕痺，死肌瘰癧，散腰臍間血，及衝脈爲病，逆氣裏急之功，製熟則有和中補氣，止渴生津，止汗除熱，進飲食，安胎之效。汪昂曰：甘補脾，溫和中，苦燥濕，本善補氣，同補血藥亦能補血，氣能生血也，補脾則能進飲食，祛勞倦，止肌熱，化癥癖，和中則能已嘔吐，定痛安胎，燥濕則能利小便，止瀉，化胃經痰水，理心下急滿，利腰臍血結，去周身濕痺，腎虛者勿用，有火者宜生用。黃宮

繡曰。寒濕過甚。水滿中宮者。白朮亦忌。因其水氣未決。苟不勝水。甘徒滋壅。必待腎陽培補。水氣漸消。腎氣安位。朮始可投。飲片新參云。炒白朮。色黃粗堅。中有空竅。苦溫香辛。補脾化濕。止瀉進飲食。炒用健脾。生用止濕汗。脾腎陰虛動氣者忌用。冬朮外黃內白。皮色灰。香甘苦潤。滋養肺脾。潤腸胃。通大便。進飲食。脾胃濕滯。悶滿泄瀉者忌用。於朮色黃有細點。苦香溫微甘。補脾開胃。止泄瀉。進飲食。胃液燥者忌用。按白朮。味苦甘。略辛。取其苦燥。辛潤脾。燥之潤之。脾斯健旺。蓋脾屬濕土。土無水澤。則不滋潤。非專宜燥也。經曰。脾惡濕。爲濕則困滯耳。然過燥則乾裂。故苦以燥脾。辛以潤脾也。主治風寒濕痺。胸膈痰痞。噎氣吞酸。惡心嘈雜。霍亂嘔吐。水腫脾虛。寒濕腹痛。瘧疾胎產。能使脾氣健運。正氣勝而邪氣自却也。且潤脾益胃。爲滋生血氣。痘瘡貫膿時。助漿滿壘藥。凡鬱結氣滯。脹悶積聚。吼喘壅塞。胃痛由火。癰疽多膿。黑瘦人氣實作脹。皆宜忌用。

【實驗】 此藥爲利尿藥。在胃腸內。除激腸胃之分泌增加。蠕動迅速外。別無其他作用。入血中。卽能令血液之循環增速。血壓加大。腎臟之血管亦同時膨脹。而利尿之機能遂因此而增進。又白朮中醫謂之健脾藥。所謂脾虛者。指腸胃吸收性不足。而現腹瀉之病也。白朮甘溫。能

增加胃腸之吸收性而止其腹瀉。故以之治脾虛有效。

【禁忌】 凡病屬陰虛血少。精不足。內熱骨蒸。口乾唇燥。咳嗽吐痰吐血。齒衄鼻衄。咽塞便秘。滯下者。法咸忌之。尤性燥而閉氣。肝腎有動氣者勿用。劉涓子癰疽論云。潰癰忌白朮。以其燥腎閉氣。而反生膿作痛也。五臟皆屬陰。世人但知白朮健脾。此指脾爲濕邪所干。朮能燥濕。濕去則脾健。故曰補也。不知脾虛無濕邪者用之。反燥脾家津液。是損脾陰也。何補之有。此最易誤。又失眠症忌服。

【用量】 自一錢五分至三錢。大劑二三兩。三種同。

【炮製】 切片。糯米泔浸。脾病陳壁土炒。或蜜水乳汁潤炒。或生用。各隨方法。三種同。

【配合】 白朮同人參、茯苓、白芍、甘草、橘皮、蓮肉、砂仁。能健脾開胃。消飲食。爲壯脾胃之要藥。調中之正法。同藿香、橘皮、茯苓、人參、木瓜、豬苓、澤瀉、砂仁。治霍亂吐瀉轉筋。同煨葛根、防風、茯苓、甘草、車前子、豬苓、澤瀉。治濕勝作瀉。若雷奔。同枳實。消痞滿氣分。同黃芩。安胎清熱。同苦參、牡蠣。治小兒胃家濕熱。飲食不生肌肉。同人參、芍藥、木瓜、薏苡仁、茯苓、桑白皮、赤小豆、車前子、橘皮、豬苓、澤瀉。治一切水腫。日重者。倍人參。夜重者。加地黃、芍藥。同枳實。半

夏、橘皮、砂仁、人參、除心腹脹痛、消宿食、開胃、去痰涎及泄瀉。同人參、橘紅、茯苓、木瓜、藿香、治反胃吐逆。因於寒者、加生薑。因於熱者、加竹茹、枇杷葉、蘆根。皇漢醫方、同麥冬、黃柏、白芍、木瓜、米仁、五味、甘草、治全身水腫。

山藥（附）零餘子 甘藷

【品狀】 多年生蔓草。莖細長、卷絡於他物。葉成長心臟形而尖、有長柄、皆對生。夏生穗狀花於葉腋。花單性、雌雄異株。果實爲裂果、有三個之翅、三棱形、堅而無仁。地下莖多肉、長數尺、以產於河南懷慶府者爲勝。故俗稱爲懷山藥。

【成分】 含有消化素、其水分八〇・七四、蛋白質二・四〇、脂肪〇・二六、炭水化物一五・〇九、纖維〇・九〇、灰分〇・六四。

【性味】 山藥味甘、性平、無毒。稟土之冲氣以生、可升可降。陽也。紫芝爲使。惡甘遂。

【歸經】 入肺、脾、腎三經。爲養陰益氣、瀉腸固精之品。

【功效】 甘平入脾、潤白歸肺、養陰益氣、功純專養乎中洲、止瀉固精、性瀉又宜於腎部、清肺脾之餘熱、論出前賢、治風氣與虛勞、方由金匱。

【研究】山藥一名薯蕷。雖處處皆有。亦以懷產者爲勝。色白味甘性平。略帶苦澀。入脾肺兩經。能養胃健脾。益肺陰。固腎脫。凡脾虛泄瀉。肺虛欬嗽。腎虛遺滑等證。皆可用之。不寒不燥。爲補虛羸之藥品。但性偏膩澀。如脾虛濕勝之人。則不可用。山藥之能入腎者。因其味澆。澆可固脫。止泄瀉遺滑等證。故類及於腎耳。畢竟非腎之正藥也。石頑曰。山藥治氣不足。而清虛熱。補而不滯。溫而不熱。又能益氣力。長肌肉。強陰固腎。止泄精。小便頻數。肺爲腎之上源。源既有滋。流豈無益。金匱八味丸用以強陰也。薯蕷丸以之爲君。而主虛勞不足。風氣百病。甘溫平補。而不礙久積之邪也。其鮮者和生鯽魚腦搗敷腫。又搗爛和芎藭末白糖霜。塗乳癬結塊。及諸痛日久。堅硬不潰。但塗上奇癢不可忍。忍之良久漸止。不過數次即愈。初菴曰。山藥入肺脾二經。補其不足。清其虛熱。固腸胃。潤皮毛。化痰涎。止瀉痢。肺爲腎母。故又益腎強陰。治虛損勞傷。脾爲心子。故又益心氣。治健忘遺精。按山藥生者性涼。熟則化涼爲溫。所以古方特加一乾字。其色純白。專入肺部。溫補而不燥。微香而不燥。循循有調肺之功。治肺虛久嗽。極爲穩當。因其味甘氣香。用之助脾。治脾虛腹瀉。怠惰嗜臥。四肢困倦。又取其甘則補陽。補中益氣。溫養肌肉。爲肺脾二臟要藥。土旺生金。金盛生水。功效相仍。故六味丸中用之。治腎虛腰痛。滑精夢

遺虛怯陽痿。但性緩力微。劑宜倍用。生搗爛。敷傷寒發頤。及凍瘡甚妙。同生蜜搗。罨便毒立消。子名零餘子。味甘性溫。功用強於山藥。益腎強腰脚。補虛損。又一種甘藷。色較薯蕷稍紫。味較薯蕷稍甜。質較薯蕷稍膩。性較薯蕷稍溫。補脾強腎之功。較薯蕷稍勝。

【實驗】 山藥味甘。爲滋養品。故能補虛羸。補中益氣力。長肌肉。強陰。味又兼澆。能增加腸之吸收性。而止洩痢。性平。能緩腸道之刺激。以治瀉痢。又。阻止神經性虛弱之燥動病狀。

【禁忌】 脾胃濕滯者。腸胃消化不良。舌苔厚膩者。均忌用。不宜與麵同食。同食則動氣。

【用量】 山藥自三錢至一兩。

【炮製】 山藥生用。或炒用。各隨方法。

【配合】 山藥同當歸、桂枝、地黃、神麴、豆卷、甘草、川芎、麥冬、白芍、白朮、杏仁、人參、柴胡、桔梗、茯苓、阿膠、乾薑、白朮、防風、大棗、蜜爲丸。名薯蕷丸。治虛勞不足。風氣百病。同熟地、杜仲、菴蓉、牛膝、澤瀉、茯苓、菟絲子、五味子、山萸肉、巴戟肉、赤石脂。爲末蜜丸。治脾腎虛憊。氣血不和。形體瘦弱。飲食無味。腰膝痠軟。目暗耳聾。

何首烏(附)夜交藤

【品狀】 爲山野自生之蔓草。春月從宿根抽莖，纏繞他物，長及丈餘。葉爲心臟形，前端尖，葉互生，秋於莖梢葉腋綴穗狀細小白花，花後結實，類蓼實，根似括蕒根，數塊相連，小者如番薯，大者如甘瓜，質堅硬，我國各處均有出產。

【成分】 其有效成分爲愛莫琴。

【性味】 味苦甘而澇，性微溫，無毒。稟春深之氣而生，升也，陽也。茯苓爲使，忌諸血，無鱗魚、菜菔、葱蒜、鐵器，並忌與桂附燥藥同用。

【歸經】 入肝腎二經，爲益血祛風之品。

【功效】 稟中和之性，益腎培肝，得坤土之純，悅顏黑髮，固真陰而性澇，崩中遺滑堪醫，續後嗣以添精，堅骨強筋可賴，祛風養血，毒化瘡消，豆製酒蒸，延年卻病，籐可夜交熟寐，味則苦甘微溫。

【研究】 何首烏味苦甘，略兼澇味，有赤白二種，夜則苗蔓相交，年久則其根成形，得土之精氣而生，補肝腎，固精髓，以其赤白交互，故能長養氣血，氣血太和，則悅顏黑髮，風可去而瘡可愈，耳首烏之補肝腎陰血，與地黃相同，却無地黃之凝滯，性雖固澇，而又流利血脈，大抵生用

則流利。製用則固補。赤者名紅內消。專用於外科。概可想見。張璐曰。何首烏足厥陰少陰藥也。性稟陰中之陽。產南方者最勝。北地所生。雖極大者。殊不足珍。以地偏屬陰。而無陽生之力也。白者屬氣分。赤者屬血分。腎主閉藏。肝主疏泄。以此氣溫味苦澀。苦走腎。溫補肝。能收斂精氣。所以養血益肝。固精益腎。健筋骨。烏鬚髮。爲滋補良藥。不寒不燥。功在地黃。天門冬諸藥之上。氣血太和。則風虛斑腫。瘰癧之疾可愈。生則性兼發散。主寒熱瘧疾。及癰疽背疔皆用之。今人治津血枯燥。及大腸風秘。用鮮者數錢。煎服卽通。以其滋水之性最速。不及封藏。卽隨之而下洩也。與礞石之潤燥通大便無異。而無助火之虞。腸風臟毒。用乾者爲末。米飲日服二三錢有效。蓋其內溫肝腎。外祛少陰風熱之驗也。丹方治久瘡。用生乾何首烏一兩。柴胡三錢。黑豆隨年數加減。煎成露一宿。清晨熱服。若夜瘡尤效。乃散中寓收。補中寓散之法。馮兆張曰。首烏苦澀微溫。陰不甚滯。陽不甚燥。得天地中和之氣。熟地首烏。雖俱補陰。然地黃稟仲冬之氣。以生。蒸黑專入腎而滋天一之真水。其補肝者。因滋腎而旁及也。首烏稟春氣以生。爲風木之化。風通於肝。爲陰中之陽藥。故專入肝經。以爲益血祛風之用。其兼補腎者。亦因補肝而旁及也。地黃爲峻補先天真陰之藥。故其功可立救孤陽亢烈之危。首烏爲調補後天營血之需。可

常服以爲補養精神，却病調元之品。先後天之陰不同，奏功之緩急輕重亦異也。況名夜，又名能嗣，則補血之中，尙有化陽之力。豈若地黃功專滋水，氣薄味厚，而爲濁中濁者。堅強骨髓之用乎。汪穎曰：苦堅腎，溫補肝，甘益血，澹收斂精氣，能止諸瘵。大約瘵邪入陰分，久而不解者，必須此。毒痢下純血，諸藥不效者，亦用之。有神。夜交藤，卽首烏之藤莖，皮色紫，肉黃白，多細紋孔，苦澇微甘，性平，主祛風濕，養經絡，治血虛，身體痠楚，益肝腎，止虛汗，安神催眠。

【實驗】 此藥爲強壯劑，治貧血症與神經衰弱。入胃後，卽能助胃之消化，至腸使分解而被吸收。經此分解後之特效糖素，入血內能促進血液中之酵素作用，使細胞之新陳代謝作用增速。

【禁忌】 此爲益血之藥，與蘿蔔相惡，令人髮鬢早白。忌與天雄、烏頭、附子、仙茅、蘆桂等諸燥熱藥同用。修事勿犯鐵器。

【用量】 自一錢五分至三錢。夜交藤同。

【炮製】 何首烏以形圓大嫩潤者良，老硬多筋者不用。製法：取何首烏赤白各一斤，竹刀刮去粗皮，米泔浸一夜，切片，用黑豆三斗，每次用三升，合三勺，以水泡過，沙鍋內鋪豆一層，首

烏一層重鋪蓋蒸之。豆熟取出。去豆。將首烏曬乾。再以豆同蒸。如此九蒸九晒。乃用。

【配合】 何首烏、同甘菊花、枸杞子、地黃、牛膝、天冬、赤茯苓、白茯苓、桑椹、南燭子。則益精血。烏

鬚髮駐顏延年。同牛膝、鼈甲、橘紅、青皮。治瘧邪在陰分。久而不解。如表氣已虛。脾胃已弱。則

加入參。肺熱者去人參。換當歸。同刺痰梨、甘菊花、天門冬、胡麻仁、漆葉、白芷、荊芥穗、苦參、地

黃、百部。治頭面諸風。及大麻風。同金銀花、地榆、犀角、山豆根、黃連、芍藥、乾葛、升麻、甘草、滑石。

治毒痢下純血。諸藥不效。有神。

飴糖（附）糯米 粳米 米泔

【品狀】 飴糖即餈糖。用糯米麥芽作成。色黃稠韌。

【性味】 飴糖味甘性溫無毒。

【歸經】 入脾肺二經。爲緩中潤肺之品。

【功效】 緩中補虛。脾賴甘溫而建立。養金治欬。肺承澤潤以滋培。行瘀止血。必熬焦。化哽除

痰宜噙化。

【研究】 飴糖味甘性溫。緩中補虛。潤肺止渴。是其所長。然多食助濕熱。傷腎氣。生蟲損齒。每

每有之。成無己曰：脾欲緩，急食甘以緩之。膠飴之甘以緩中也。好古曰：飴乃脾經氣分藥也。甘能補脾之不足。張璐曰：飴糖甘溫，入脾經氣分，潤肺氣，止暴嗽，補虛冷，益津氣，除唾血。仲景建中湯用治腹痛，取稼穡之甘以緩之也。治傷寒腎虛，尺脈不至，是實土以隄水，非伐腎也。而中滿吐逆疴病，皆不可食，以其生痰助火也。丹溪云：大發濕中之熱，小兒多食損齒生蟲，熬焦酒服，能消食積，下瘀血，解烏頭附子毒，拌輕粉熬焦爲丸，陰化，療鹹哮喘嗽，大吐稠痰，即愈。黃宮繡曰：米麥本屬脾胃之穀，而飴糖即屬穀麥所造，凡脾虛而肺不潤者，用此甘緩以補脾氣之不足，甘潤以制肺燥之有餘，是以脾虛而痰不化，可以用此除痰，脾虛而嗽不止，可以用此除嗽，即中虛而邪不解，用此以發表，中虛而煩渴時見，用此以除煩止渴，他如草烏之毒，其性橫裂，用此甘緩以解之，芒刺誤吞，痛楚異常，用此甘潤以軟之，飴糖經煉成濕而且熱，其在氣虛痰盛，中虛火發，固可用之，若中滿氣逆，實火實痰，非惟治痰，且更動痰，非惟治火，且更動火矣。糯米甘溫，補脾肺虛寒，堅大便，縮小便，收自汗，發痘瘡，性黏滯難化，病人及小兒最宜忌之。凡素有痰熱瘋病，及脾病不能轉輸，食之最能發病成積。粳米甘平，得天地中和之氣，平和五臟，補益氣血，色白入肺，除煩清熱，利便止渴，有早中晚三收，晚者得金氣多，性

涼尤能清熱。新米乍食動氣。凡人嗜生米久成米瘕。治以鷄屎白。米泔卽淘米之水。第二次者清而可用。清熱止煩渴。利小便。涼血。焦飯滯卽焦鍋巴。甘苦溫。氣香。健脾開胃消食。

【禁忌】 飴糖中滿吐逆疴病。忌用。糯米痰濕脾虛。禁食。

【用量】 飴糖白三錢至一兩。

【炮製】 飴糖生用。或熬焦用。各隨方法。

【配合】 仲景方。桂枝、生薑各三兩、芍藥六兩、炙甘草一兩、大棗十二枚、入飴糖一升、微火解服。治虛勞悸衄。裏急腹痛。

枸杞子（附）天精草

【品狀】 落葉小灌木。高三尺餘。葉爲長橢圓形。互生。夏日葉腋開小花。淡紫色。子卵形而尖。色紅。產河西甘州。紅潤少核者良。

【性味】 味甘性平。無毒。感天令春寒之氣。兼得地之沖氣以生。可升可降。陰中陽也。

【歸經】 入肝腎二經。爲生精養血滋益之品。清肝滋腎。潤肺益氣。生精助陽。

【功效】 枸杞子性平色赤。養肝補腎益真陰。質潤味甘。明目添精退虛熱。

【研究】 枸杞子以甘肅甘州者爲上。味甘子少。潤澤有脂。其餘土產者。子多味苦而劣。不堪用。其性平和。不寒不熱。凡子皆降。有收束下行之意。故能入肝腎。生精養血。精血充。則目可明。渴可止。筋骨堅利。虛勞等證悉除矣。黃宮繡曰。甘平性潤。腎水虧損。服此陽從陰長。水至風息。故能明目強筋。是明指爲滋水之品。故又能治消渴。今人因見色赤。妄謂枸杞補陽。其失遠矣。豈有甘潤氣平之品。可以補陽耶。若以色赤爲補陽。則紅花。紫草。其色更赤。何以不言補陽。而曰活血耶。試以虛寒服此。不惟陽不能補。且有滑脫泄瀉之弊。按枸杞子。體潤滋陰。入腎補血。味甘助陽。入腎補氣。故能明目聰耳。添精髓。健筋骨。養血脈。療虛損。勞怯。骨節痛。風。腰痛。膝腫。大小便少利。凡真陰不足之證。悉宜用之。又因色紫類肝。更能益肝。起男子陰痿。女人血枯。體味濃厚有力。爲峻補之神劑。蓋人參固氣。令精不遺。枸杞滋陰。使火不洩。二品相須而用。葉名天精草。味苦性涼。清上焦。心肺客熱。代茶止消渴。

【禁忌】 枸杞子凡有外邪實熱。脾虛有濕。及腸滑者忌。

【用量】 枸杞子自一錢五分至三錢。

【炮製】 枸杞子生用。或酒拌用。或炒炭用。各隨方法。

【配合】 枸杞子、同地黃、五味、麥冬、地骨皮、青蒿、鼈甲、牛膝。爲除虛勞、口熱、或因虛發寒熱之要藥。加天冬、百部、枇杷葉、兼可治肺熱、欬嗽之因。陰虛者。同五味子研細、滾水泡代茶、療虛病。

大棗(附)紅棗 猴棗

【品狀】 爲落葉喬木。高二丈餘。往往有刺。葉互生。邊緣有鋸齒。有三肋。初夏由葉腋開花。小而黃。實橢圓形。有紅白二色。八月採取曝乾。產我國山東山西河北等省。他處亦多有之。

【成分】 水15.2% 蛋白2.1% 脂肪5.1% 含水炭素76.3% 灰1.3%

【性味】 大棗味甘性溫。無毒。得土之冲氣。兼感天之微陽以生。降也。陽也。殺附子、天雄、烏頭毒。忌與葱魚同食。

【歸經】 入脾胃二經。爲補中益氣調營之品。脾經血分藥。

【功效】 大棗甘可緩中。溫能養血。補脾益胃。潤中州能益氣調營。止渴生津。和百藥而強神助脈。紅棗之功不及黑。入營之力勝於烏。

【研究】 大棗、棗爲脾果。種類甚多。大抵以肉厚多脂。味甘核小者爲佳。味甘性溫。入脾胃。補

陰血生津液和營衛強神益氣實爲中土之良藥。惟有濕熱者不宜服之。以其易助濕熱。易生蟲患耳。紅棗性味相同。功力不及。惟入營和血。僅堪潤養耳。東垣曰。大棗氣味俱厚。陽也。溫以補不足。甘以緩陰血。成無己曰。邪在營衛者。辛甘以解之。故用薑棗以和營衛。生發脾胃升騰之氣。張仲景治奔豚。用大棗滋脾土。以平腎氣也。治水飲脇痛。有十棗湯。益土而勝水也。丹溪曰。棗屬土而有火。味甘性緩。甘先入脾。補脾者不常用甘。故今人食甘多者。脾必受病也。時珍曰。素問言。棗爲脾之果。脾病宜食之。謂調衛和營。棗爲脾經血分藥也。若無故頻食。則生蟲損齒。貽害多矣。王好古云。中滿者勿食甘。甘令人滿。故張仲景建中湯。心下痞者。減湯棗。與甘草同例。此得用棗之方矣。士瀛曰。經云。裏不足者以甘補之。又曰。形不足者溫之以氣。甘能補中。溫能益氣。大棗甘溫。能補脾胃。而津液自生。十二經脈自通也。徐靈胎曰。棗味甘而肉厚。色赤。得火之色。土之味。故能建立中焦。溫養脾胃。爲後天之本。萬物生於土。土氣充盈。諸經自皆受益矣。石頑曰。金匱治婦人臟燥。悲愁欲哭。有甘麥大棗湯。亦取其助肝脾肺三經之津液。以滋其燥耳。生棗多食。令人熱渴氣脹。瘦人多火者。彌不可食。藥性曰。今人於溫脾健胃。則用紅棗。滋陰養胃。則用黑棗。黑棗黏液多而溫性少。按大黑棗味甘甜。體

粘潤。故助陰補血。氣味厚。色紫黑。故入肝走腎。主治虛勞。善滋二便。因性味甘溫。尤能扶脾養胃。經云辛甘發散爲陽。故合生薑之辛。爲發表疏散劑中必用之品。猴棗產南洋新加坡等地。形橢圓似蛋。色青灰。爲層層裹疊之石質所成。據云乃猴含口中之物。甚難得。味苦性寒。無毒。爲消痰要藥。化熱痰甚捷。治上氣痰鳴。小兒急驚。痰厥。癩癰疽。癩癰。痰核。橫痃。

【實驗】大棗爲強壯劑。入胃後。與胃酸起作用。而成有效之糖素。至腸被腸壁吸收而達血中。使血中氫化力增加。細胞繁殖力擴大。

【禁忌】大棗多食。壅氣助濕。凡中滿者。小兒疳病者。齒痛及患痰熱者。均忌。生棗多食。令人熱渴膨脹。動臟腑。損脾元。助濕熱。猴棗。凡脾胃虛寒。飲食生痰。及虛喘痰鳴。皆忌用。

【用量】大棗自五個至十個。猴棗自數釐至二分。

【炮製】大棗煮熟用。猴棗研粉沖服。

【配合】甘遂、芫花、大戟各一兩爲末。大棗十枚煮爛打丸。治懸飲痰逆。兩脇隱痛。同甘草。小麥。治婦人臟燥。悲傷欲哭。若神靈數欠者。新棗肉一枚。同黃柏砒少許。燒焦爲末。治走馬牙疳。和油敷之。大棗同白朮、黃芪、人參、歸身、甘草。治貧血。和熟地、生地、茅朮、五味子。治

陰痿。猴棗醋磨敷癰疽、瘰癧、痰核、橫痃。

龍眼肉(附)殼核

【品狀】龍眼俗名桂圓，爲常綠喬木，幹高數丈，葉爲羽狀複葉，夏初開細白花，至秋實熟，白露後方採摘，每枝數十顆，圓如彈丸，鮮者肉白，乾則變黑，產閩省興化者良。

【成分】葡萄糖24.91%、含氮物5.30%、脂肪2.19%、蔗糖0.22%、垚幾斯篤林1.05%、水0.84%、纖維2.18%、灰3.36%

【性味】味甘性平，無毒，稟稼穡之化而生，升也，陽也。

【歸經】入心脾二經，爲補血益氣之品。

【功效】龍眼肉，甘平無毒，悅胃氣以培脾，思慮傷神，養心營而益智。

【研究】龍眼肉，味純甘，性平微溫，皮黃肉赤，心脾藥也，專能補養心脾營血，心脾足，則思慮勞傷，驚悸健忘等證，皆可愈耳，豈特安神益智而已哉。石頑曰：龍眼補血益肝，同枸杞熬膏，專補心脾之血，歸脾湯用之，治思慮傷心脾，皆取甘味歸脾，能益人智之義，然中滿家嘔家勿食，爲其氣壅也。師尼窠婦勿用，以其能助心胞之火，與三焦之火相煽也。黃宮繡曰：龍眼肉

養心保血益脾長智爲心脾要藥。凡思慮勞傷而致健忘忡怔驚悸及腸風下血俱可用此爲治。蓋血雖心生賴脾以統思慮而致氣耗非甘不補若神傷則非潤者不濟矣。龍眼甘潤既補脾固氣復保血不耗則神氣自長驚悸健忘諸疾自愈矣。且其性甘潤無熟地之粘膩大棗之壅氣妙品也。藥性曰龍眼爲滋養要藥主益脾長肌養心安神治血虛忡怔勞神健忘按龍眼肉味甘而和用入脾經功勝大棗色紫類血體潤味厚大補陰血凡上部失血之後入歸脾湯同蓮肉芡實以補脾陰使脾旺統血歸經如神思勞倦心經血少以此助生地麥冬補養心血又筋骨過勞肝臟空虛以此佐熟地常歸滋培肝血但甘甜助火亦能作脹若心肺火盛中滿嘔吐及氣膈鬱結皆宜忌用。

【實驗】龍眼爲強壯劑入胃後與胃酸化合成爲消化蛋白與澱粉之酵素一部分仍不被化合及至小腸始漸次由腸壁吸入而達血中能增加血液之熱量與酵素之作用。

【禁忌】甘能作脹凡中滿氣膈之證均忌。

【用量】自一錢五分至三錢。

【炮製】龍眼肉生吞或煮熟用。

【配合】 龍眼肉、同人參、白朮、茯苓、棗仁、黃芪、遠志、當歸、木香、甘草、大棗、生薑、蜜丸。名歸脾丸。治思慮過度、傷勞心脾、怔忡健忘、驚悸盜汗、脾虛不能統血、腸紅瘡痢。同生地、天冬、丹參、柏仁、遠志、治神經衰弱。合人參、當歸、蓮肉、五味、治貧血。殼煨存性爲末、桐油調塗、治燙傷。卽止痛。且愈後不存癢痕。核、去外面黑皮研末、敷刀傷出血。同雄黃、硫黃、密陀僧、枯礬、川椒爲末、擦腋下、可去狐臭。用生薑擦、可去癬疾。

鴿 (附) 鴿卵 鴿矢

【品類】 鴿之毛色、於禽中品第最多。惟白鴿入藥。凡鳥雄乘雌。此獨雌乘雄。故其性最淫。處人家畜之。亦有野鴿。然名品雖多。大要毛羽不過青白皂綠。鴿斑數色。眼目有大小黃赤綠色而已。亦與鳩爲匹偶。

【性味】 白鴿肉、味鹹性平、無毒。烹水金之氣以生。

【歸經】 入腎經兼入肺經。爲補精益氣之品。

【功效】 白鴿解藥毒以補虛羸。性稟鹹平。益血脈。稀痘瘡。而用鴿卵。矢兼辛苦。治蟲瘡。

【研究】 鴿肉鹹平。無毒。益精補虛。解諸藥毒。凡瘡瘍瘰癧疥癬等毒。皆可解之。鴿卵專解

痘毒瘡毒。小兒食之。可不出痘。卽出亦稀。鴿矢一名左盤龍。其矢皆左盤。故名。辛苦鹹溫。內服能消積殺蟲。外敷可治瘡治疥。各有攸宜耳。黃宮繡曰。鴿肉味鹹氣平。性稟金水。故能入腎入肺。爲久患虛羸要藥。凡人肺腎受傷。多緣精虧氣弱。精愈損者。則氣愈怯。氣愈怯者。則精益虛。服此鹹溫之品。精有補而氣有益也。鴿肉不涼不燥。故於治虛之外。兼理瘡疥。凡一切皮膚惡瘡。及癩風癩癩腸風等症。煮熟酒服。無不成宜。

【禁忌】 經疏曰。本經雖云調精益氣。其用止長於去風解毒。然而未必益人。故孟詵云。食多減藥力。今世勞怯人多食之。殊未當也。

【用量】 鴿肉鴿卵掛用。鴿矢白一錢五分至三錢。

【炮製】 鴿肉鴿卵煮熟服。鴿矢生用或炒用。

【配合】 然後感寒飲冷。少腹絞痛如割。俗名夾陰傷寒。先用麝香三分填臍中。再取活白鴿一隻。剖腹褫病人臍上。用布帶縛定。俟汗出邪去。卽痛止病愈。白鴿卵一對。入竹筒封置。廂中半月取出。以卵白和辰砂三錢。丸菘豆大。小兒食之。可不出痘。卽出亦稀。每服三十丸。用三豆飲下。毒從大小便出。鴿矢同白雄鷄矢炒研。煎水洗。治鵝掌風。

烏骨雞（附）雞內金 雞肝 哺殼 殼中白皮 雞矢白 雞冠血 雞子

【品狀】 雞之種類甚多，大抵以白毛黑骨、皮肉盡黑者良。時珍曰：烏骨雞，毛色不一，但觀雞舌黑者，則骨肉俱黑，入藥更良。

【成分】 卵殼含碳酸鈣九十%，磷酸鈣五七%，膠質少許，蛋白含蛋白質十二至十四%，水分若干，卵黃含卵黃素十五·七%，無磷之蛋白質及脂肪鹽類各少許。

【性味】 烏骨雞肉味甘性平，無毒。

【歸經】 烏骨雞肉入肝、腎、肺三經，為益陰補虛之品，二經血分藥，功能退熱。

【功效】 烏骨雞補肝家血液之虧，理產治勞，甘平無毒，治肺腎虛羸之疾。白毛黑骨，金水相生，巽木屬風，能動風而發毒，內金化食，可消食以寬中，煨哺殼以調搽，磨翳敷瘡，下疳盡愈，煎矢白而酒服，通腸治臟，性味鹹寒，雞冠氣稟純陽，治中惡且除客忤，雞子性平甘潤，安五臟，尤養心神。

【研究】 烏骨雞，雞為巽木，性味甘平，血肉有情之品，肝虛者宜食之，以其外白內黑，得金水相生之意，故肝肺腎三臟血液不足者最宜，然又能動風發毒，一切外證，一切風病人忌之。

時珍曰。雞屬木。而骨反烏者。巽變坎也。受水木之精氣。故肝腎血分之病。宜用之。男用雌。女用雄。又黃雌雞。黃者土色。雌者坤象。味甘歸脾。氣溫益胃。故所治皆脾胃之病。丹溪謂雞屬土者。指此雞而發。他雞不得而侔此。治產後虛羸。煮汁煎藥最宜。雞內金味甘性平。卽雞硬肝內之黃皮也。凡雞所食之物。皆在此消化。炙黑用之。爲消磨水穀之物。且能治淋濁。止遺尿。以雞無小便也。沈令鰲曰。小兒疳積病。乃肝病二經受傷。以致積熱爲患。雞內金能入肝而除肝熱。入脾而消脾積。故後世以此治疳病如神也。吳球曰。一切口瘡。用雞內金燒灰敷之。立效。亦治穀道瘡久不愈。燒灰研摻如神。雄雞肝味甘苦性溫。無毒。起陰補腎。療風虛目暗。煨哺殼研末。治目翳下疳諸瘡。皆取脫退之意。卵殼中白皮。俗名鳳凰衣。以出過小雞者入藥。治久欬氣急。雞矢白。雄雞矢乃有白。臘月收取。烏雞者尤良。鹹苦性寒。下行善降。入肝脾二腸。能消導一切水穀濕熱積滯。凡鼓脹蠱脹。屬實熱者用之。有殊功。金匱治轉筋入腹川之者。以肝邪乘脾。雞矢能利脾也。牙齒疼痛。燒灰綿裹。咬患處立瘥。雞冠血。以丹雄者爲良。味鹹平。得至高純陽之氣。故能辟陰邪。治中惡五絕等證。至於塗口目歪斜者。以其能入血透絡。雞爲巽畜。可以治風也。雞子生涼熱溫。內黃外白。入心肺。寧神定魄。和合熟食。亦能補益脾胃。

生冲服之。可以養心營。可以退虛熱。在用者之神化耳。時珍曰。卵白象天。其氣清。其性微寒。卵黃象地。其氣渾。其性溫。卵則兼黃白而用之。其性平。精不足者。補之以氣。故卵白能清氣。治伏熱。目赤咽痛諸疾。形不足者。補之以味。故卵黃能補血。治下痢胎產諸疾。卵則兼理氣血。故治上列諸疾也。又曰。雞子黃氣味俱厚。陰中之陰。故能補形。昔人謂其與阿膠同功。正此意也。其治嘔逆諸瘡。則取其除熱引蟲而已。

【禁忌】 雞屬巽而動風。外應乎木。內通乎肝。得陽氣之最早。故先寅而鳴。鳴必鼓翅。火動生風之象。風火易動而易散。人之陽事不力者。不宜食雞。是以昔人有利婦人不利男子之說。而東南之人。肝氣易動。動則生火。生痰。病邪得之爲有助也。北方陽氣潛伏。最宜發越。病邪得之。便能作汗。以其能助肝氣也。諸雞有五色者。黑雞白首者。六指者。死足不伸者。並不可食。

【用量】 烏骨雞肉雞冠血。斟用。雞內金雞矢白。自一錢半至三錢。鳳凰衣。自八分至一錢半。
【炮製】 雞內金炙用。鳳凰衣生用。雞矢白炒用。

【配合】 烏骨雞一隻。川石斛。香青蒿各四兩。煎湯。煮人參。北沙參。麥冬。生地。熟地。丹參。白朮。茯苓。黃芪。當歸。牛膝。秦艽。鼈甲膠。艾葉。地骨皮。川貝。川芎。川連。丹皮。銀柴胡各一兩。米糊爲丸。

治婦人骨蒸內熱面黃肌瘦濁淋帶下子宮寒冷月事參差難於生育。雄雞肝取不落者。研爛和蜂蠟酒釀燉熟治小兒疳積壞眼日服無間翳盡爲度。

豬脊髓(附) 心 肺 胃 腎 膽 蹄 膚 腸 脰 腦 肉

【品狀】 時珍曰豬天下畜之而各有不同。生青竟徐淮者耳大生燕冀者皮厚生梁雍者足短。生遼東者頭白。生豫州者味短。生江南者耳小。生嶺南者白而極肥。豬孕四月而生。在畜屬水。在卦屬坎。豬脊髓色白柔韌。

【性味】 豬脊髓味甘鹹。性寒。無毒。

【歸經】 入督脈經。爲補精髓。除陰虛骨蒸之品。

【功效】 豬脊髓味甘而鹹。質寒且膩。補虛勞之脊痛。除骨髓之煩蒸。心血共硃砂。入心而除驚癩。豬肺同薏苡。治痿以保肺金。胃可益脾。腎仍歸腎。豬膽有導便之功。豬蹄有下乳之用。膚能清上。豬膚湯取治咽喉。腸可潤腸。臟連丸用爲引導。

【研究】 豬脊髓味甘鹹。性寒。通督脈。補精髓。凡陰虛骨蒸。五心夜熱。脊痛脊凸等證。皆可用之。以形補形也。心血。凡治驚癩癲狂藥中。用爲入心之引導。心爲君主而藏神。故能寧神辟

鬼心主血。又能涼血熱。發痘瘡。亦鹹寒之力也。心味甘鹹性平無毒。治血氣不足。驚恐虛悸。肺甘寒入肺。同白芨煮食。則補肺虛。同苡仁蘸食。則治肺痿。亦假其導引之力耳。胃甘溫屬土。能養胃健脾。和中進食。古方多用之。腎鹹寒無毒。雖有入腎治腰痛之說。然亦不過佐他藥以引導耳。豬膽汁。仲景治陰盛格陽之證。恐藥格拒不下。用此加入白通湯中。取其苦寒潤滑。有情血液之屬。降其虛陽。潤其津液。然後熱藥不致傷上。至於導大便。數疔瘡。殺蟲治疔。亦皆取苦寒潤滑之意耳。膽皮晒乾。燒灰出火毒。點目翳神效。豬蹄。甘鹹性寒。入胃經。善下降血液之屬。服入胃中。自能溶洽血液。滲灌經絡。故有下乳之功也。豬膚。卽麝絛時括下黑膚。鹹寒入肺。仲景治少陰病下痢咽痛。皆由腎水不足。虛火刑金所致者。豬腸。甘寒。入腸潤燥。凡腸風臟毒痔漏等證。皆可用爲引導。豬脬。甘鹹寒無毒。治夢中遺溺。疝氣墜痛。陰囊濕癢。玉莖生瘡。腦甘寒。治頭風。風眩腦鳴。豬肉鹹寒。豬屬水獸。性懶善淫。飽食無所用。力。周身脂膏不流。故人食之。助濕生痰。莫此爲甚。而肥盛之人。尤非所宜。一種蹄甲白者。有金水相生之象。稍異尋常。鹽漬風乾。製爲南腿。有補養脾胃之能。病人食之。略無妨礙。良非鮮者之比。蓋肉性入胃。便作濕熱生痰。痰生則氣不降。而諸證作矣。故痰嗽家最忌。然肺燥乾欬。及

火嗽痰結者。食之痰即易出。其嗽便止。但不宜過鹹耳。當知助濕生痰。惟中間膘脂一層。專助脾濕。若皮則走肺益氣。精者補肝益血。但嫌難化耳。入藥均宜。豕豬豬豬。牡者謂之豕。音加。去勢者謂之豕。音文。

【禁忌】 豬肉陰寒。陽事弱者勿食。能生濕痰。易招風熱。傷風寒。及病初起人。尤爲大忌。反烏梅、桔梗、黃連、胡黃連。犯之令人瀉痢。又反蒼耳子。犯之令人動風。合生薑食。生而野發風。合蕎麥食。落毛髮患風病。合葵菜食。少氣。合百花菜、吳茱萸食。發痔疾。合胡荽食。爛人臍。合牛肉食。生蟲。合驢馬肉食。令人霍亂。合羊肝、雞子、鯽魚、黃豆食。滯氣。合龜鼈肉食。傷人。凡煮豬肉。得皂莢子、桑白皮、高良薑、黃蠟。不發風氣。得舊籬篋。易熟也。

【用量】 均斟酌用。

【炮製】 豬脊髓打爛生用。

【配合】 豬脊髓同黃柏爲丸。清濕濁。心血同硃砂末調服。治驚癇癩疾。同乳香末丸。梧子大。硃砂爲衣。名開骨膏。主婦人催生。面東酒吞一丸。未下再服。豬心納甘遂末。麴裏。糠火煨熟。治痰迷心竅。時發癩厥。豬肺一具。納入紫背金牛草三錢。煮熟。先飲湯。後食肺。治吐血。

久嗽成勞，連食三肺，無不愈者。豬肚，同白朮、牡蠣、苦參打丸，治脾胃濕熱。男子便數夢遺，婦女淋帶穢濁。同蓮肉煮爛打丸，名玉芝丸，治胃氣薄弱，常服令人肥健。豬內腎，同杜仲煮服，治腰痛。膽汁和醋少許，灌穀道中，通大便神效。入豬牙皂角細末二分，攪勻更速。入雄黃末三四分，蜈蚣末二分，套指緊縛，治天蛇毒。豬蹄，同土瓜根、通草、漏蘆煮，去滓，納葱豉作羹食，治婦人無乳。豬膚，同白蜜、白粉熬香，分服，名豬膚湯，治少陰病下利、咽痛、胸滿、心煩。豬大腸，納黃連細末，煮令極爛，搗丸，名臟連丸，治臟毒下血。豬尿脬，一具，納入大茴香、小茴香、破故紙、川棟子、青鹽，煮爛打丸，酒下，治疝氣墜痛。尾血，調冰片少許，治痘瘡倒陷。懸蹄甲，同牛角腮、槐角子、搯皮、象牙末、蜈蚣、蚌竹屑、明礬、地榆、青黛、白蠟，治通腸漏，令漏管自出。

羊（附）羊血 肝 膽 內腎 外腎 乳 脛骨 鬚 胎

【品狀】諸羊皆孕四月而生，其目無神，其腸薄而縈曲，在畜屬火，故易繁而性熱也。在卦屬兌，故外柔而內剛也。其性惡濕喜燥，食鈎吻而肥，食仙茅而肪，食仙靈脾而淫，食躑躅而死。物理之宜忌不可測也。生淮南者為吳羊，頭身相等而毛短，生秦晉者為綿羊，頭小身大而毛長，土人二歲剪其毛，以為氈物。廣南英州一種乳羊，食仙茅極肥，無復血肉之分，食之甚補人，弘

景曰入藥以青色殺羊爲勝。次則烏羊。牡羊曰殺。曰羝。去勢曰羯。牝羊曰羴。曰牂。稚羊曰羔。

【性味】 羊肉味甘性溫。無毒。得火土之氣以生。升也。陽也。反半夏。菖蒲。忌銅器及醋。

【歸經】 羊肉入脾、胃、肝三經。爲助元陽。補精血。益虛勞之品。人參補氣在中。羊肉補形在表。

【功效】 羊肉味甘溫。入肝胃。補血功優。壯陽道。治虛勞。發風力猛。羊血生吞石毒解。羊肝丸

服眼科良。

【研究】 羊肉味甘氣羶性溫。無毒。入脾胃肝三經。以形補形。一切虛寒痲疝。腹中急痛等證。皆可服食。然亦宜脾胃未衰。能於運化者。否則羶濁之物。油膩之品。反爲不美。且最能動風發毒。一切有外證。有風毒者。不可用之。東垣曰。羊肉有形之物。能補有形肌肉之氣。故曰補可去弱。人參羊肉之屬。人參補氣。羊肉補形。凡味同羊肉者。皆補血虛。蓋陽生則陰長也。羊血鹹平無毒。用白者熱飲良。解一切石毒。一切草毒。又能活血行血。治產後血悶。血攻。血瘀等證。羊肝。古方雖有用羊肝治目疾等法。然亦不過以肝入肝。假爲引導。畢竟無甚功用。究不若用羊膽之爲美也。羊膽苦寒。治青盲目暗。點赤障白翳。膽開竅於目。膽汁充則目明。膽汁減則目暗。羊內腎甘溫。主補腎氣虛弱。益精氣。外腎主腎虛精滑。羊乳甘溫。潤而且補。反

胃人宜時時飲之。取開胃脘、潤大腸之燥也。青羊者尤良。羊骨稟西方堅勁之氣，最銳。其脛骨甘溫，火煨之，可以消銅鐵。故誤吞銅鐵者，用之。觀磨鏡者，非此不明。其治賊風痺痛，同虎骨煨灰酒服，皆隨痛處取用。羊鬚燒灰，敷小兒頰疖，并療蠅蝮尿毒。羊胎炙乾入藥，亦能補人。與鹿胎、紫河車同入六味地黃丸，名三胎丸，調補腎虛羸瘦，最爲得力。

【禁忌】 羊肉天行熱病後、溫熱熱痢後食之，致發熱難療。妊婦食之，令子多熱。凡癰腫瘡瘍、消渴吐血、嘈雜易飢等證，咸不宜服。以銅器煮食之，令男子損陽，女子暴下，物性之異，不可不知。羊血凡服地黃何首烏諸補藥者，忌之。

【用量】 均斟酌。

【炮製】 肉、肝、內腎、外腎、乳煮熟用。血、膽生用。脛骨、鬚煨灰用。胎炙乾用。

【配合】 羊肉同當歸、黃芪、生薑煮服。治寒勞虛羸及產後心腹疝痛。羊血刺出熱飲一二升，治食積吞蛭、蛭噎臟血、腸痛黃瘦。次早化豬脂一升飲之，蛭卽下。羊肝一具，竹刀切，和黃連四兩爲丸。梧子大，治翳膜羞明有淚。食後清茶下。七十丸，日三服。忌鐵器、豬肉、冷水。臘月取羯羊膽，以蜜盛滿，懸簷下，待霜出取，藏。點眼神效。羊內腎一對，去脂切，淡菴蓉一兩，酒浸。

一夕去皮和作羹。下葱鹽五味食。治五勞七傷。陽虛無力。

淡菜(附)海參 鮑魚 魚鱈膠

【品狀】 生東南海中。形似小蚌。中有短毛少許。

【性味】 淡菜味甘鹹性溫。無毒。

【歸經】 淡菜入肝腎二經。爲補陰益陽之品。

【功效】 淡菜味鹹溫。補陰益陽。治虛勞。填精養血。

【研究】 淡菜味甘鹹性溫。介類陰象之物。故能入腎益陰。治精血衰少。以其性溫也。故又能養陰中之陽。然此物不過充食品。作菜饌。欲伐之爲治病藥石。恐力有不及耳。日華子曰。此雖形狀不典。而甚益人。阮氏曰。淡菜生海藻上。故治瘵與海藻同功。海參味甘鹹性溫。無毒。主益精髓。充血脈。攝小便。壯陽具。治虛火上炎。大便燥結。紅旗參。又名遼參。乃產於遼東海濱者。色黑多刺而較小。力能滋陰益髓。生血養肝。鮑魚辛溫。氣臭腥穢。可淡曝而不可著鹽。乾則形如塊肉。專取腥穢。以滌一切瘵積。同氣相感也。入肝散血。煮汁送四烏鱮一蘆茹丸。治女子血枯經閉。內經用以療傷肝利腸。而不傷伐元氣。惜乎世罕用之。今庖人用以煮肉。則

脂沫盡解。滌除垢膩之驗也。魚鰾膠鹹平無毒。諸魚之鰾皆可爲膠。而石首魚者膠物甚固。故濟精方用之。合沙苑蒺藜名聚精丸爲固精要藥。丹方又以一味炒研。砂糖調。日服一錢匕。治痔最良。經久痔自枯落。燒灰治產後風搐。破傷風瘧。取其滋榮經脈。而虛風自息也。新中藥曰。魚鰾作用與鹿角膠同。而效能尤遠過之。

【禁忌】 淡菜多食久食能發丹石。並脫人髮。海參鰾膠。凡寒濕素重。脾胃久弱。飲食生痰者。忌之。鮑魚妊婦食之。令子多疾。

【用量】 四種普通爲服食品。入藥無定量。臨時斟酌。

【炮製】 淡菜去毛。鮑魚切片。煮熟食。或煮汁飲。海參剖腹去砂石。煮爛食。鰾膠。凡用入丸。切作小塊。蛤粉炒成珠。方可磨末。煉蜜調劑。須待涼用。又不可搗。搗則粘韌。難爲丸矣。

【配合】 淡菜同豬蹄煮食。滋陰益血。海參同羊肉煮食。大補精血。魚鰾同秋石。治咯血。合當歸。蒲黃炭。甘草。茯苓。治腸出血。

人胞（附）臍帶 貓胞

【品狀】 時珍曰。人胞。包人如衣。故曰胞衣。方家諱之。別立諸名焉。丹書云。天地之先。陰陽之

祖。乾坤之橐籥。鉛汞之匡廓。胚胎將兆。九九數足。我則乘而載之。故謂之河車。其色有紅有綠。有紫。以初胎無病。婦人色紫者良。有胎毒者害人。

【性味】 人胞味甘。鹹性溫。無毒。

【歸經】 胞入肝腎二經。爲益血添精助氣之品。

【功效】 人胞假有情血肉之形。甘鹹入腎。療瘵疾虛勞之證。益下填陰。然與小兒感召相關。當爲仁者革除禁用。

【研究】 人胞味甘。鹹性溫。前人皆謂能大補虛勞。以人有形精血之屬。仍能接補人之精血。所謂以形補形也。丹溪曰。人胞治虛勞。當以骨蒸藥佐之。氣虛加補氣藥。血虛加補血藥。石頑曰。人胞稟受精血結孕之餘液。得母之氣血居多。故能峻補營血。用以治骨蒸羸瘦。喘嗽虛勞之疾。是補之以味也。藥性曰。人胞主添精助氣。益血扶虛。治男女虛勞。失志恍惚。臍帶色淡黃。形細長。微鹹微溫。氣腥。治虛勞。納腎氣。定喘。斂汗。止瘧。解胎毒。貓胞味甘。酸性溫。治反胃吐食。勞傷脫力。

【禁忌】 凡精虛陰涸。水不勝火。發爲欬吐。血骨蒸盜汗等證。此屬陽盛陰虛。法當壯水之。

主以鎮陽光。不宜服此並補之劑。以耗將竭之陰。胃火齒痛亦忌。又此等形穢不潔之物。生氣已離。世間良藥頗多。何必舍彼而取此。且每每淫火之毒未泄。服之反致出痘等症者有之。况小兒胞衣宜藏安妥之處。或深埋緊築。令兒長壽。若爲蟲蟻所食。兒卽有病。足見氣相感召。稍具仁心者。有所不忍耳。臍帶同。

【用量】 人胞一具。乾者或五分至一錢。臍帶三條。乾者二分至六分。貓胞一具。

【炮製】 人胞取厚小色鮮者。挑去血絡。漂淨血水。入椒一握。沸湯泡去腥水。以蜂蜜和長流水於舊錫器內。隔水文火煮爛如糜。綿絞去滓。代蜜糊丸藥良。或酒蒸焙乾研末沖服。臍帶漂淨焙乾研末沖服。或另煎沖服。貓胞漂淨焙乾研末沖服。

【配合】 人胞同人參、山藥、茯苓、酒糊爲丸。補氣血。治虛羸。同人參、黃芪、鹿茸、鹿角膠、當歸、補骨脂、五味子、巴戟天。治真陽極虛。畏寒足冷。臍帶煨灰。入硃砂少許。蜜水調服。以解本嬰之胎毒。與內傷之用骨灰無異。貓胞煨灰。入硃砂末少許。壓舌下。治反胃吐食甚效。

雲母石

【品狀】 結晶或半結晶之六角柱狀。或板狀。將一片雲母分剝之。可得數十或數百片。每片

薄而透明。現玻璃光澤。有彈力性。透明者。可代玻璃之用。作救火之眼鏡。性耐火。火爐之門壁常用之。爲構成地殼之主要礦物。不易分解。其碎屑在水底砂中。閃閃如魚鱗。有真珠光色。有白黑黃紅綠五種。產我國之山東周村鎮。陝西大荔。江蘇丹徒。浙江東陽。江西九江。四川仁壽等。

【成分】 白者爲 Muscovite $H_2KAl_3(SiO_4)_3$ 黑者爲 Biotite $(KH)_2(MgFe)_2(AlFe)_2(SiO_4)_3$ 紅者爲 Lepidolite $Li(Al(OH)_2)Al(SiO_3)_3$ 黃者爲 Phlogopite $(HK)_2(MgFe)_3(AlFe)(SiO_4)_3$ 綠者爲 Clinchlore $HgMg_5Al_2Si_3O_{18}$

【性味】 味甘性平無毒。澤瀉爲使。忘羊血。反五倍子黃連。

【歸經】 入肺經。爲補肺下氣之品。

【功效】 甘平無毒。潤白歸金。飛補太陰。續絕堅肌。顏悅澤。剿除疔瘡。除寒鎮却。正安舒。雖有煉服之功能。須知石藥之慄悍。

【研究】 雲母色白屬金。但石藥之性悍。雖有煉服補益諸說。究不可信以爲然。此石入火不焦。埋之不腐。故亦神其說云。時珍曰。雲母壅尸。亡人不朽。繆氏曰。雲母石。藥中溫良之品。

也。甘緩溫和。石性鎮墜。能使火氣下降。火降則水升。既濟之象也。石頑曰雲母。色白者良。本經言雲母甘平。詳其性升。亦有甘溫助陽之力。故能辟一切陰邪不正之氣。主身皮死肌。以其能辟除陰毒也。其治中風寒熱。如在車船上。以其能鎮攝虛陽也。

【實驗】此藥爲強壯劑。入胃後。有中和酸液之能。使胃內過多之鹽酸。化爲有用之消化酵素。一部分至小腸始被吸收而入血。血液中得此硅質。白血球之繁殖。卽行增加。血液之凝固力亦同時加大。能使被結核菌侵腐之周圍包圍。滅殺其蔓延之能力。而於動脈硬化。尤有防止之功效。又味甘。頭暈可用之。概因能有強壯心力之作用。性平。尋常用爲平氣藥。欬嗽氣促者可用之。頭暈氣急者。亦可用之。

【禁忌】性雖甘平。終屬石質。與臟腑氣血。實非同類。祇宜用以治病取效。若夫益精明目延年。恐非確論也。凡陰虛火炎者。慎勿誤用。

【用量】自一錢五分至三錢。

【炮製】凡用選白瑩者。擘薄片。取雨水或流水漬去砂土。更以秋露漬數十日。同露煮七日。夜磨令極細。撚指無復光明者。乃可用之。或同鹽入重布袋按之。沃令鹽味盡。懸當風處。自然

成粉。弘景曰：鍊之用禁，則柔爛。忌羊血者，以其能解諸藥之性也。與胡蒜尤爲切禁。犯之必腹滿作瀉。黑者有毒，傷人。

【配合】 同龍骨、蜀漆。治牝瘡多寒。得鉛丹熬成膏，可貼一切癰疽瘡毒。和以昇丹細末，更著奇效。單研末，敷金刃傷，止血最速。且無腐爛之虞。皇漢醫方，佐牡蠣、蜆殼、石灰。治肺結核。合阿膠、杏仁。治動脈硬化症。合龍骨、滑石。治膿瘍。

本草用法研究

第十九編 安神之劑

心臟神。心有所傷。則神不安。如怔忡驚悸也。失眠不寐也。昏迷譫語也。喜笑失常也。皆神志不安之象也。究其病之所由。或爲痰火侵擾。或爲血虛失養。或爲邪熱薰蒸。或爲心陽散越。故安神者。無非化痰。治火。養血。清熱。鎮攝而已。又心爲五臟之主。心臟神。肝藏魂。神傷者。魂亦不定。主傷則影響及於臣。所以安神之品。亦可安魂。乃一貫之理也。

酸棗仁

【品狀】 爲落葉灌木。生山中。高五尺。或丈餘。處處有銳利短刺。葉花果俱似棗。但果爲球形。而大於棗。生綠熟紅。有酸味。核中仁微扁。八月採實陰乾。產我國陝西河南等省。

【性味】 味甘酸。性平。無毒。得木氣而兼土化。陽中陰也。惡防己。

【歸經】 入心、肝、膽、脾、四經。爲斂液固虛之品。

【功效】 入肝藏安魂鎮攝。用療膽怯無眠。走心家斂液固虛。可治表疏有汗。性頗平滑。味屬

甘酸。

【研究】酸棗仁凡仁皆可入心。酸者皆入肝。酸甘而平。潤澤之品。故能入心肝。斂液固虛。但善滑大腸。至於炒熟治膽虛不眠。生用治膽熱好眠之說。亦習俗相沿。究竟不眠好眠。各有成病之由。非一物棗仁可以統治也。繆氏曰。熟則芳香。香氣入脾。故能醒脾。又能補膽氣。故可溫膽。能使母子之氣相通。亦治虛煩也。石頑曰。酸棗仁味甘而潤。熟則收斂津液。故療膽虛不得眠。煩渴虛汗之證。生則導虛熱。故療膽熱好眠。神昏倦怠之證。足厥陰少陽本藥。兼入足太陰脾經。本經治心腹寒熱。邪氣結聚。痠痛血痺等證。皆生用以疎利肝脾之血脈也。蓋肝虛則陰傷而煩心。不能藏魂。故不得眠也。傷寒虛煩多汗。及虛人盜汗。皆炒熟用之。總取收斂肝脾之津液也。歸脾湯用以滋養榮氣。則脾熱自除。單用煮粥。除煩益膽氣。膽氣寧而魂夢安矣。今人專以爲心家藥。殊昧此理。按棗仁皮赤類心。能益心血。炒則氣香。化爲微溫。香氣入脾。能醒脾陰。用治思慮傷脾。又香以透心氣。溫以助心神。凡志苦傷血。用智損神。致心虛不足。精神失守。驚悸怔忡。恍惚多忘。虛汗煩渴。所當必用。若膽虛血少。心煩不寐。用此香溫之品。使肝膽血足。則五臟安和。睡臥自寧。如膽有虛熱。則多睡。宜生用以平膽氣。

【禁忌】 凡肝膽心脾有實邪熱者勿用。以其 故也。

【用量】 自一錢五分至三錢。

【炮製】 微炒研碎入藥。炒久則油枯不香。失去功效。

【配合】 同茯神、遠志、麥冬、石斛、五味子、龍眼、人參。能止驚悸。并一切膽虛易驚。 同地黃、白芍、麥冬、五味、龍眼、竹葉煎服。治已服固表藥而汗不止者。

柏子仁

【品狀】 側柏樹之實。仁色黃。狀如米。

【成分】 含多量之揮發油。

【性味】 味甘。辛。性平。無毒。畏菊花。

【歸經】 入心經。兼入肝、脾、腎三經。爲滋潤之品。養心氣。潤腎燥。透心腎而悅脾。助脾滋肝。

【功效】 補心脾而暢中快膈。味貴甘辛。定驚悸以益智安神。性平香潤。

【研究】 柏子仁。味甘。辛。性平。芳香而潤。入心脾氣分。以其入心。故能益智安神。療驚悸治健忘。以其入脾。故又能快膈調中。美顏色。澤肌膚。蓋柏稟堅貞之氣。而子乃柏之精英也。 蘇頌

曰。凡補脾藥多燥。此藥潤而其實清香。大能舒脾。燥脾藥中兼用最良。好古曰。此肝經氣分藥。可潤肝。時珍曰。柏子仁性平而不寒不燥。味甘而補。辛而能潤。其氣清香透心。腎益脾胃。功能養心氣。潤腎燥。安魂定魄。益智寧神。宜乎滋養之劑用之。燒漚澤頭髮。治疥癬。徐靈胎曰。柏得天地堅剛之性以生。不與物變遷。經冬彌翠。故能寧心神。斂心氣。而不爲邪風遊火所侵尅也。石頑曰。其質雖潤。而性却燥。未有香藥之性不燥者也。昔人以其多油而滑痰多。瀉忌服。蓋不知其性燥。而無傷中泥痰之患。久服每致大便燥結。以芳香走氣。而無益血之功也。黃宮繡曰。柏子仁止屬心藥耳。香雖能補脾。其實入心而通竅。潤雖可補肝益腎。其實寧神而定志。甘雖和胃固中。其實益血養心。按柏爲百木之長。得陰氣最厚。其子生於樹杪。含著精粹。氣香透心。體潤滋血。同茯神、棗仁、生地、麥冬。主治心神虛怯。顏色憔悴。肌膚燥癢。皆養心血之功也。同熟地、龜板、枸杞、牛膝。爲封填骨髓。主治腎陰虧損。腰背重痛。足膝軟弱。陰虛盜汗。皆滋腎燥之功也。味甘亦能緩肝。補肝膽之不足。頗效。

【實驗】 此藥能強壯心力。與鎮靜神經之作用。故能益氣。治驚悸。有滋養性。多含脂肪。故能使皮膚潤澤而色美。

【禁忌】 柏子仁多油，腸滑作泄者勿服。腦間多痰，及陽道數舉，腎家有熱，暑濕作瀉，均忌用。

【用量】 白一錢五分至三錢。

【炮製】 蒸熟曝裂，春簸取仁，炒研去油入藥。

【配合】 同熟地、棗仁、茯神、當歸、犀角、五味子蜜丸。辰砂爲衣。安神益智，滋陰養血，治怔忡驚悸盜汗。同黨參、冬朮、五味子、黨半、夏、牡蠣、淮麥、麻黃根、棗肉爲丸，治勞慾過度，心腎不交，精神恍惚，驚悸不寐，盜汗夢遺。同松子仁、大麻仁等分，同研蜜丸，梧子大，以黃丹少許泡湯，食前服二三十丸，治老人虛秘。仁取油二兩，熬稠，搽黃水濕瘡如神。

遠志

【品狀】 山野自生之常綠草，高八寸，葉互生甚細，橢圓形，夏於葉腋開不整齊蝶形花，色紫灰黃或絳黃色，細根長三四寸，橫徑 $\frac{1}{2}$ 至 $\frac{1}{3}$ 寸，頭結成團，爲扭轉形，或略有分析之處，有橫裂縫，有直皺紋如槽，有脊隆起，脆而易折，四月採根陰乾，產我國之陝西及河南。

【成分】 主要素爲 Senegin $C_{12}H_{18}O_{10}$ ，Saponin $C_{27}H_{44}O_{16}$ ，Palyg alic acid，餘爲樹脂、糖、揮發油。

【性味】 味苦辛性溫無毒。感天之陽氣，得地之芳烈而生，可升可降。陽也，得茯苓、冬葵子、龍骨、良畏、珍珠、藜蘆。

【歸經】 入心腎二經，爲洩熱搜邪、安神益智之品。

【功效】 開心竅而洩熱搜邪，味屬苦辛，兼能散腫，通腎氣以安神益志，性含溫燥，並可療忘。

【研究】 遠志苦辛而燥，專入心腎二經，所謂遠志者，以腎藏志，遠志能宣洩腎邪，邪着則志不定，邪去而志自遠大也。能通腎氣上達於心，使腎中之水上交於離，成既濟之象，故能益智療忘。然畢竟宣泄之品，無補益之功，故一切癰疽外證，若因七情內鬱，氣血不調者，外敷內服，並皆治之。好古曰：遠志腎經氣分藥也，故治腎積奔豚。時珍曰：遠志入足少陰腎經，非心

經藥也。其功專於強志益精，治善忘，蓋精與志皆腎經之所藏也。腎精不足，則志氣衰，不能上通於心，故迷惑善忘。仲醇曰：心氣衰，心血少，餒怯易驚，夢寐多魘，神不守舍，怔忡健忘，失志陽痿等症，均須遠志。張璐曰：遠志性稟純陽，善通諸竅，竅利則耳目聰明，強志不忘，皆益腎氣之驗。小便赤濁，遠志、甘草、茯神、益智爲丸，棗湯服效。取其爲陰火之嚮導也。昔人治喉痺失音作痛，遠志末吹之，涎出爲度，取其通腎氣而開竅也。又治婦人血噤失音，及一切癰疽，搗鼻

治腦風殺烏附毒。惟水虧相火旺者禁服。以其善鼓龍雷之性也。汪昂曰。遠志交通心腎。並無補性。虛而挾滯者。同養血補氣藥用。資其宣導。臻於太和。不可多用。獨用。純虛無滯者忌。藥性曰。遠志昔時用者。多取其強壯心腎之功。而近時用者。多取其祛痰治欬之效。究之遠志非有今昔之異。蓋兼擅其功者也。徐靈胎曰。遠志味苦辛而芳香清烈。無微不達。故爲心家氣分之藥。心火能生脾土。心氣盛。則脾土亦和。故亦能益中焦之氣也。按遠志苦辛而溫。入心開竅宣散之品。凡痰涎沃心。壅塞心竅。致心氣實熱。爲昏慣神呆。爲語言蹇澀。爲睡臥不寧。爲恍惚驚怖。爲健忘。爲夢壓。爲小兒客忤。曾以此豁痰利竅。使心氣開通。則神魂自寧也。又能醒發脾氣。治脾虛久困。思慮鬱結。故歸脾湯中用之。倘精神短少。虛痰作祟。亦須量用。如心血不足。以致神氣虛怯。無痰涎可祛。忌用。

【實驗】 此藥爲祛痰藥。入胃後。卽與胃液起作用。而將 *Senegin* 析出。此質能刺激胃粘膜。使胃部覺煖感。至腸微能制腸之蠕動。使積糞不易排出。由腸壁吸入血中。能激血液之流動。令心跳強盛。血壓增高。氣管之四周粘膜。亦均被激而增多分泌。且氣管之傳入系被激。從反應而起咳嗽。使痰沫混分泌液而咳出。

【禁忌】 凡心經有實火爲心家實熱。應用黃連生地者。禁與參朮等助陽氣藥同用。

【用量】 自八分至一錢五分。

【炮製】 凡使去心。否則令人煩悶。甘草湯浸一宿。焙用。

【配合】 同茯神、人參、地黃、棗仁、丹砂。爲鎮心定驚要藥。同人參、白芍、棗仁、茯神、炙甘草、天竺黃、鉤藤鉤。治小兒心虛易驚。加白檀香。治一切驚及慢驚。同茯神、天竺黃、鉤藤鉤、丹砂、金箔、真珠、琥珀、膽星、犀角。治小兒急驚。同人參、柏子仁、棗仁、麥冬、茯神、茯苓、當歸、五味子、益智仁、生地、甘草、沉香。治心氣弱。心血少。餒怯易驚。夢寐多魘。神不守舍。怔忡健忘。失志陽痿。

合歡皮(附)花 子

【品狀】 生於山野中。落葉喬木。高十尺餘。葉二回羽狀複葉。小葉形小。夜間閉合。故有夜合合歡之名。夏由梢頭開小花。雄蕊似絨線紅色。故北平呼爲絨樹。果實爲大莢。中有扁平小種子。其樹皮外平滑灰褐色。內黃褐色。破折而呈纖維狀。產我國四川河南等省。

【性味】 皮味苦澆。性平。無毒。得酒良。

【歸經】 入心脾二經。爲養營血。益神智之品。

【功效】安五臟以益心脾。智足神充。功能夜合。味苦甘而蠲忿怒。調營止痛。力主中和。

【研究】合歡用皮用花。各隨所便。皮可行皮。花能養血。入脾胃。長肌肉。續筋骨。補而不滯。益

神智。蠲忿怒。畢竟無甚治功。至於不寐一證。各有成病之由。不可因其有夜合之名。而濫用之。

也。石頑曰。合歡屬土。與水。補陰之功最捷。單用煎湯。治肺癰唾濁。合阿膠煎膏。治肺痿吐血。

皆驗。與白蠟同熬膏。長肌肉。續筋骨。爲外科家之要藥。新參云。合歡皮。色灰。皮有皺紋。味苦。

澆溫。功能平肝開胃。安神止汗。合歡花。色青黃。朵小形如茶子。味苦甘平。功能和心志。開胃。

理氣。解鬱。治不眠。合歡子。色紫紅。形扁長圓。味鹹甘平。功能化痰熱。和心氣。治肺癰吐濁。

【禁忌】皮、花、風熱自汗。外感不眠者。忌用。子、外感咳嗽者。忌用。

【用量】皮、子、自一錢五分至三錢。花自八分至一錢五分。

【炮製】三種均生用。

【配合】子同橋核、木瓜、牛膝。能治疝。濕熱者加黃柏。寒濕者加茴香。

琥珀

【品狀】爲上古松柏科植物之樹脂。埋入地中。深至八九尺。歷久結成石。色黃或褐。透明。或

中含昆蟲木皮之類。磨擦之則生電。能吸芥。入火則燃。有香氣。產我國新疆、廣東、雲南、及南洋諸島。

【成分】 含有樹脂。揮發油。琥珀酸。斯可企涅。及硫黃等。

【性味】 味甘淡性平。無毒。感土木之氣。而兼火化以成。降也。陽中微陰也。

【歸經】 入心肺、小腸、膀胱四經。爲行水散瘀。安神之品。

【功效】 本靈氣以生成。通心竅。安神定魄。性淡平而鍾結。降肺金。導水。消色赤入營。兼可行瘀燥濕。味甘化毒。並能摩翳生肌。

【研究】 琥珀其質堅。其色赤。平和甘淡。入心肺小腸膀胱四經。血分。消瘀利竅。清肺滲濕。鎮心定魄。是其所長。畢竟淡滲下行之品。凡小腸膀胱血分濕熱。致成淋濁癰閉等證。皆可用之。至於生肌。摩翳藥中用之者。亦取其和營化濕耳。以其入土最久。百毒遇土則化。故能解毒耳。

丹溪曰。古方用爲利小便。以燥脾土有功。脾能運化。肺氣下降。故小便可通。若血少不利者。反致其燥急之苦。石頑曰。其消磨滲利之性。非血結膀胱者。不可誤投。和大黃鼈甲作散。酒下方寸匕。治婦人腹內惡血。血盡則止。血結腫脹。腹大如鼓。而小便不通者。須兼沉香輩破氣。

藥用之。又研細傅金瘡。則無癢痕。亦散血消瘀之驗也。藥性曰。琥珀主壯心氣。定魂魄。破結癥。消瘀血。治五淋尿血。產後血痛。從金石藥。則鎮心安神。從辛溫藥。則行血破血。從淡滲藥。則利竅行水。

【禁忌】 消磨滲利之性。不利虛人。凡陰虛內熱。火炎水涸。小便因少而不利者。勿服。強利之。則愈損其陰。反致燥急之苦。

【用量】 自三分至一錢五分。

【炮製】 凡使用柏子仁末。入瓦鍋內。同煮半日。搗末用。入湯藥。宜研末沖服。

【配合】 得沒藥、乳香、延胡索、乾漆、鼈甲爲散。治產後血暈有神。佐以人參、益母草、生地、牛膝、當歸、蘇木作湯。送前藥。治兒枕痛。惡露不盡。腹痛。少腹痛。寒熱等證。極效。同鼈甲、京三稜各一兩。沒藥、延胡索各半兩。大黃六銖。熬搗爲散。空心酒服三錢。治婦人癥瘕氣塊。及產後血暈悶絕。兒枕痛。甚虛極者。減大黃。同丹砂、滑石、竹葉、麥冬、木通。治心家有熱。小腸受之。因而小水不利。立效。同生大黃等分爲末。治濕熱下注。小溲赤濁。莖痛。同人瓜、珍珠、珊瑚。除目翳赤障。得丹砂、犀角、羚羊角、天竺黃、遠志、茯神、鎮驚、主諸癩。同防風等分。丹砂減半。爲末。猪

乳調一字入口中治小兒胎驚最妙。同丹砂各少許全蝎一枚爲末麥冬湯調服。治小兒胎癩。單用爲末入麝香少許白湯或荳草煎湯調服。治小便淋瀝老人虛人。以人參湯服。獨用爲末童便調服一錢。治金瘡悶絕不識人。三服瘥。

龍骨(附)龍齒

【品狀】 爲象類動物 Mastodon 之骨埋沒土中化石。往往從地下層掘出。謂之龍骨。產於四川成都。山東沂州。山西太原。

【性味】 龍骨味甘澁性平。無毒。得陽氣以生。而伏於陰。爲東方之神。升也。陰中陽也。得牛黃、人參良。畏石膏、川椒、忌魚及鐵。

【歸經】 龍骨入肝、膽、腎三經。兼入心、大腸二經。爲固斂浮陽。收澁虛脫。安神定魂之品。

【功效】 性入東方。治肝臟魂無所附。功昭靈異。療驚風癇瘵難痊。斂瘡口以止遺。甘平性澁。固崩淋而辟魅。重鎮能收。

【研究】 龍骨味甘澁。性平質重。舐之粘舌不脫。入肝腎大腸。鎮虛固脫。是其本功。一切外內諸治。皆從四字脫化而來。龍爲靈物。故又能神辟魅耳。龍爲東方之神。故專入肝。肝藏魂。故

魂不歸肝者。治之以龍骨。徐靈胎曰。龍得天地純陽之氣。以生。藏時多。見時少。其性至動而能靜。故其骨最黏澀。能收斂正氣。凡心神耗散。腸胃滑脫之疾。皆能已之。石頑曰。瀉可去脫。龍骨入肝。斂魂。收浮越之氣。其性收陽中之陰。專走足厥陰經。兼入手足少陰。治夜夢鬼交。多夢紛紜。衄血吐血。胎漏腸風。益腎鎮心。爲收斂精氣要藥。有客邪。則兼表藥用之。又主帶脈爲病。故崩帶不止。腹滿。腰溶溶。若坐水中。止瀉藥中加用之。止陰瘡。收濕氣。治休息痢。久痢脫肛。生肌斂瘡。皆用之。黃宮繡曰。龍骨入肝。斂魂。收浮越之氣。故能鎮驚辟邪。止汗定喘。瀉可去脫。故能治脫肛。遺泄崩帶。瘡口不斂等症。功與牡蠣相同。但牡蠣鹹瀉入腎。有軟堅化痰清熱之功。此屬甘瀉入肝。有收斂止脫。鎮驚安魂之妙。龍齒。外灰白。內黑。類礞質石塊。味瀉性平。安心神。定魂魄。治怔忡不眠。許叔微云。肝藏魂。能變化。故魂遊不定者。治之以龍齒。藥性曰。龍齒爲鎮心安魂。除煩清熱要藥。主驚狂諸癎。狂熱鬼魅。主治與龍骨相近。而無止汗瀉精之能。惟取其定驚狂。安魂魄而已。

【實驗】 龍骨常用爲止汗止血止瀉之藥品。凡虛弱性之出汗不止者。不但可以內服。亦可外用作爲摻劑。外用止血極效。外科潰瘍症用之。能促進傷口之愈期。

【禁忌】 龍骨收瀉太過，若非久痢虛脫者，切勿妄投。火盛失精者，誤用多致溺赤瀉痛，又脈速者，高熱汗多者，急性下痢，腹滿痛者，均忌。龍齒同。

【用量】 自三錢至一兩，二種同。

【炮製】 龍骨、龍齒，酒浸一宿，水飛三度，或酒煮酥炙火煨，亦有生用者。入丸散須水飛研極細，否則粘着腸胃，令人寒熱。龍骨白地錦紋，舐之粘舌者良。龍齒微黑，煨之色如翡翠者為蒼龍齒，力勝。

【配合】 龍骨同遠志酒服，治健忘心忡，以二味蜜丸，硃砂為衣，治勞心夢泄。同桑螵蛸為末，鹽湯服二錢，治遺尿淋瀝。同黃柏、牡蠣為末，豬脊髓搗和為丸，治腎虛濕熱淋濁。龍齒同人參、茯苓、茯神、遠志、辰砂為丸，治心腎交虛，神不守舍，夢遺滑精。同人參、山藥、熟地、五味子、麥冬、棗仁、茯神、茯苓、天冬、車前子、遠志蜜丸，治心血不足，怔忡驚悸。

眞珠（附）眞珠母 珊瑚

【品狀】 眞珠，海中蚌內產生，色白，光瑩圓潔，大小無定，其成因有二，由寄生蟲及病之關係，生於膜內，始由此部生水泡，內容物變為膠，漸澱石灰於中，後外面漸被眞珠層，迨長成則破。

膜而出一由砂粒及微生物入於外套膜。蚌肉體受刺激分泌真珠質包被漸大而成珠。我國種珠卽應用此理。生於外套膜內者曰真珠。生於外套膜外者曰殼珠。我國南海等處產之。

【成分】 含有碳酸鈣、動物質、植物質等。

【性味】 味甘淡微鹹。性寒。無毒。

【歸經】 入心肝二經。爲益陰解毒。洩熱定驚。鎮心墜痰。安魂定魄之品。水精所孕。水能制火。故專治火熱症。

【功效】 得太陰精氣以生。清熱益陰。專解毒。具甘淡鹹寒之性。鎮心定悸。可療狂。治驚癇之痰迷。入肝明目。生肌肉而翳退。澤面塗容。

【研究】 真珠出大蚌中。感太陰月魄精華而生。故有中秋無月蚌無胎之說。甘鹹寒。無毒。益陰解毒。是其本功。雖陰精之氣結成。而質稟堅剛。性含靈寶。故能鎮心墜痰。安魂定魄。至於退翳膜。治痘瘡。生肌澤面。皆取其靈寶鹹寒潤澤之力耳。時珍曰。真珠止遺精白濁。主難產。下死胎胞衣。石頭曰。真珠入手少陰足厥陰二經。故能安魂定神。明目退翳。解痘疔瘡。及痘疔入眼。治耳暴聾出水。研細末吹之。待其乾脫自愈。入長肉藥。及湯火傷。敷之最妙。然不可著水。

著水反爛肉。馮楚瞻曰：心虛有熱，則神氣浮遊，肝虛有熱，則目生翳障。真珠能除二經之熱，故能鎮心明目也。真珠母，蚌殼裏耐之殼也，色白，內外光潔，有五綵，多層片結成，味鹹性平，功能平肝潛陽，安神魂，定驚癇，消熱痞，眼翳。珊瑚生海底，色紅，細條如樹枝，味甘性平，無毒，功能消宿血，明目，鎮心，止驚癇，點眼去飛絲，吹鼻止鼻衄。

【禁忌】 真珠、凡病不由火熱者，忌用。真珠母、珊瑚同。

【用量】 真珠自一分至三分，真珠母、珊瑚自三錢至八錢。

【炮製】 真珠，取新潔未經鑽綴者，乳浸三日，研粉極細，如飛麵，沖服。珠體最堅，研不細，傷人臟腑。真珠母、珊瑚生用。

【配合】 真珠同牛黃，治火毒上升，咽喉紅腫潰爛。同爐甘石、冰片、硃砂，點目去翳。同天竺黃、琥珀、辰砂，化痰安神鎮驚。同龍骨、血竭、乳香、煨石膏，外治生肌斂瘡口。珊瑚同真珠、琥珀、石蟹，爲極細末，點入目中，去膚翳。合石灰、陳皮、甘草、麥角，治胃溢血。佐蒲黃炭、烏賊骨，治腸出血。和食鹽，治創傷。

硃砂（附）靈砂卽九轉靈砂丹

【品狀】 生深石崖間。穴地數十丈。始見其苗。乃白石也。謂之硃砂床。砂生於石上。大者如雞子。小者如石榴子。十二枚爲一座。亦有九枚七枚五枚者。每座中大者爲王。四圍小者爲臣。四面雜砂二斗抱之。熱則生亞硫酸瓦斯飛散。一部分爲水銀。硃砂生用無毒。若鍊過則生水銀有毒。故忌火。產辰州。又名辰砂。

【成分】 百分中含水銀八十六分。硫黃十四分。謂之硫化水銀 (HgS)

【性味】 味甘。性微寒。無毒。稟地二之火氣以生。兼得天七之氣以成。降也。陽中陰也。惡磁石。畏鹹水。忌一切血。

【歸經】 入心經。爲安神定魄之品。心經血分主藥。

【功效】 味甘性寒。鎮墜有功。邪熱去。外丹內汞。癩狂無患。癩痰除。能辟鬼以安神。可護心而解毒。

【研究】 硃砂出湖南辰州山谷間。稟離火以生。外陽內陰。中含真汞。得坤土純粹精靈之氣。故無毒而能解毒。凡物之稟乎正者。皆可勝邪。石類亦然。忌火煨。專入心經心分。其主治不離甘寒重鎮四字。硃砂之功足以盡之。東垣曰。硃砂純陰。納浮溜之火而安神。明。凡心熱者。非

此不能除。好古曰：乃心經血分主藥。主命門有餘。時珍曰：硃砂生於炎方，秉離火之氣而成。體陽而性陰，故外顯丹色而內含真汞。其氣不熱而寒，離中有陰也。其味不苦而甘，火中有土也。是以同遠志、龍骨之類則養心氣，同當歸、丹參之類則養心血，同枸杞、地黃之類則養腎。同厚朴、川椒之類則養脾，同南星、川烏之類則祛風。可以明目，可以安胎，可以發汗。隨佐使而見功，無所往而不可。靈砂又名神砂，係水銀一兩、硫黃六銖，二物同水火煅煉而成。蓋硫黃陽精也，水銀陰精也，以之相配，夫婦之道，純陰純陽，二體合璧，水火相交，而成既濟。無亢騰飛越之弊矣。故凡陽邪上浮，下不交陰，以致虛煩狂躁，寤寐不安，精神恍惚者，用此鎮陽交陰，則精神收攝，諸病悉去。扶危拯急，若有神助。是辰砂與神砂有別，不可混用也。時珍曰：此以至陽釣至陰，脫陰反陽，故曰靈砂。爲扶危拯急之靈丹。虛陽上逆，痰涎壅盛，頭眩吐逆，喘不得臥，寤不得寐，霍亂反胃，心腹冷痛，允爲鎮陰虛火之專藥。但不可久服。凡胃虛嘔吐，傷暑霍亂，心肺鬱熱，禁用。

【實驗】硃砂能鎮靜大腦之精神部，而有催眠之作用。

【禁忌】硃砂若經伏火，及一切烹煉，則毒等砒礪，能殺人。中其毒者，急以生羊血童便金汁

等解之。又性質重墜。若多服獨服。能使人神定呆木。

【用量】 普通水飛。用以拌和他藥。單服者。二三分至錢許。

【炮製】 研細水飛用。

【配合】 入六一散。治暑氣伏於心經。神昏口渴。及泄瀉如水。入補心丹。鎮心神。定魂魄。同綠豆粉、乳香、甘草。散癰疽熱毒。及毒氣攻心。發譫語。

本草用法研究

第二十編 收瀉之劑

滑則氣脫。脫則散而不收。必得酸澀之藥。斂其耗散。而後散者可返。脫者可收也。如汗出亡陽。精滑不禁。泄痢不止。大便不固。小便自遺。久嗽亡津。此氣脫也。若亡血不已。崩中暴下。諸大吐血。此血脫也。十劑曰。瀉可去脫。氣脫兼以氣藥。血脫兼以血藥。亦兼氣藥。氣者血之帥也。陽脫者見鬼。陰脫者目盲。此神脫也。當補陽助陰。非瀉劑所能及也。大抵斂藥能令微絲血管收縮。肉筋束力。各腑之蛋白質質化稠。其藥力或發於腦氣筋。或發於脈管。而當其斂時。則有如啖生瀉之果。能令唇舌俱縮而略乾也。斂藥功用有四。一斂內皮之涎（如能止白濁白帶等症）一斂潰疽之膿。一止血流（如能止胞胎大腸流血等症）一收束渙散（如能療脫肛等症）且斂藥分內外之用。若外用者。只在患處發力。內服者。則令其入胃入膀胱入大小腸。而在患症之處發力。而且該藥能入血。又在腦筋而發力也。然能減腸胃之分泌。妨害消化。並減腸胃之蠕動。若內服大量。能起腹脹。大小便秘止。而發生內熱之患。用者慎之。

五味子（附）天竺子 南燭子

【品狀】 爲木質常綠之蔓莖。山野自生。葉互生。爲倒卵圓形。葉端尖。邊緣有鋸齒。花朵頗小。色帶白。後結漿果。葉生時。採之有松葉之臭。八月採實陰乾。產高麗及我國山東陝西一帶。江浙間亦有之。南產者色紅。北產者色黑。肉厚有力。入滋補藥。必用北產者乃良。

【性味】 五味子皮甘。肉酸。核辛苦。都具鹹味。性溫無毒。得地之陰。兼天之陽氣以生。可升可降。陰中微陽也。菴蓉爲使。惡玉竹。

【歸經】 五味子入肺腎二經。爲收斂滋潤之品。肺經血分藥。腎經氣分藥。

【功效】 五味俱備。酸溫獨多。收肺氣耗散之金。喘嗽欬紅上受益。滋腎經不足之水。遺精滑瀉。下承扶。能斂汗液。耗亡。奠安君主。且治腫神之散大。迴護元陰。表有風寒。須知禁用。裏多邪滯。切禁輕嘗。

【研究】 五味子雖有五味。究竟酸味獨專。故主治亦在酸斂之功。其性溫。五臟皆可導引而入。不獨肺腎也。凡一切氣血耗散脫竭之證。表裏無邪者。皆可同補藥用之。欬嗽遺泄。屬肺腎虛寒者。尤爲相宜。成無己曰。肺欲收。急食酸以收之。以酸補之。芍藥五味之酸。以收逆氣而

安肺。東垣曰：收肺氣，補氣不足，升也。酸以收逆氣，肺寒氣逆，則宜此。與乾薑同治之。又五味子收肺氣，乃火熱必用之藥。故治嗽以之爲君，但有外邪者，不可驟用，恐閉其邪氣，必先發散而後用之，乃良。有痰者，以半夏爲佐。喘者，阿膠爲佐，但分量少多不同耳。寇氏曰：本經言其性溫，今食之多致虛熱，小兒益甚。丹溪曰：五味大能收肺氣，宜其有補腎之功。收肺氣非除熱乎？補腎非暖水臟乎？乃火熱嗽必用之藥。寇氏所謂食之多致虛熱者，蓋收補之驟，何惑之有？又黃昏嗽，乃火氣浮入肺中，不宜用涼藥，宜五味子五倍子斂而降之。元素曰：夏月季夏之間，困乏無力，無氣以動，與人參、黃芪、麥冬，少加生黃柏煎湯服之，使人精神頓加，兩足筋力湧出也。蓋五味子之酸，輔人參能瀉丙火，而補庚金，收斂耗散之氣。汪機曰：五味治喘嗽，須分南北。生津止渴，潤肺補腎，勞嗽宜用北者。風寒在肺，宜用南者。徐靈胎曰：此以味爲治也。凡酸味皆斂，而五味酸之極，極則不止於斂，而且能藏矣。藏者冬之令，屬腎，故五味補腎也。石頑曰：五味子，右腎命門本藥。本經主斂逆上氣，強陰，益男子精，心腎不交者宜之。兼入肺腎二經，味酸而斂，耗散之金，性溫而滋不足之水，生津止渴，益氣強陰，壯水鎮陽，收瞳子散大，定喘斂汗，加乾薑治冬月肺寒欬，同人參麥冬治夏月精神困乏而虛熱久嗽，不可誤用表散。

須以此去核之辛溫助火。但用皮肉之酸鹹。以滋化之。不宜多用。恐酸收太過。反致閉遏而成虛熱也。黃宮繡曰。氣發於胃。出於肺。若陰虛火起。則氣散而不收。煩渴欬嗽。遺精虛汗等症。作矣。必用酸甘之味。則氣始有歸宿。而病悉除。至云能除熱者。是氣收而火不外見也。煖水臟者。腎爲水臟。得溫性之品而煖也。藥性曰。五味子滋補及收斂之長。人所習知。而不知其祛痰止咳。治肺氣虛。而似實者。效亦倍著也。按五味子。五味咸備。而酸獨勝。酸能收斂肺氣。主治虛勞久嗽。蓋肺性欲收。若久嗽。則肺焦葉舉。津液不生。虛勞則肺弱氣乏。煩渴不止。以此斂之。潤之。遂其臟性。使咳嗽寧。精神自旺。但嗽未久。不可驟用。恐肺火鬱遏。邪氣閉束。必至邪散火清。用之收功耳。色黑味厚入腎。若元氣不足。腎精不固。久瀉久痢。以此收其散氣。則能強陰益精。腸胃自厚。但性味均優。不可過用。小兒食乳多痰。恐酸能昂痰引嗽。忘之。天竺子。色紫紅。細圓。味苦澆微甘。性平。功能斂肺。治久咳自汗。南燭子。形小圓。色紫褐。酸澆微甘。性平。強精氣。益腎陰。烏鬚髮。治久泄夢遺。赤白帶下。除多睡。

【實驗】五味子味酸。患欬逆上氣者服之。能平氣。患遺精者服之。能止遺。性溫。能促進局部血液之循環。凡患慢性氣管炎之欬逆上氣可用之。而急性氣管炎。以及感冒欬嗽。忌用。

【禁忌】 痧疹初發。及一切停飲。肝家有動氣。肺家有實熱者。皆禁用。天竺子、南燭子同。

【用量】 白八分至一錢五分。三種同。

【炮製】 時珍曰。凡使以北產紫黑者良。入滋補藥蜜浸蒸。入勞嗽藥生用。俱搥碎核。南產色紅而枯。藥力較遜。

【配合】 五味子同人參、麥冬、名生脈散。能復脈通心。入八味丸代附子。能潤腎強陰。同吳茱萸、山茱萸、肉豆蔻、補骨脂、人參。治腎泄。同地黃、枸杞子、車前子、覆盆子、肉蓯蓉、鹿角膠、麥冬、人參、杜仲、潼蘘藟、黃柏。主令人有子。同天冬、麥冬、百部、阿膠、薄荷。主肺虛久嗽。同乾葛、白藕豆。解酒毒。南燭子、同旱蓮草、沒食子、地黃、桑椹、枸杞子、山茱萸、何首烏、沙蘘藟。爲烏鬚髮之聖藥。

覆盆子

【品狀】 爲蔓性莖。多自生於山野向陽之林中。處處有之。子色烏赤。似覆盆之形。故名。五月採實。曝乾用。

【成分】 含有林檎酸、酒石酸、揮發油、糖分等。

【性味】味甘酸而苦，性微溫，無毒。

【歸經】入肝、腎二經，爲補瀉之品。

【功效】入腎兼酸苦之功，治專固攝，益下有封臟之力，味屬甘溫。

【研究】凡籐蔓之子，皆可並入肝、腎，味甘而酸之品，皆能補而兼固。此藥甘酸而溫，其能補攝肝、腎可知。下焦固則遺滑等證皆可愈耳。此物入腎經血分，能溫補命門，益精固下，陰不足而相火旺者不宜。士材曰：強腎無燥熱之偏，固精無凝滯之害，金玉之品也。石頑曰：甘溫補血，與桑椹同功。近世真者絕罕，市儈每以樹莓代充，欲驗真僞，以酒浸之，色紅者是真，否卽是僞。訥菴曰：覆盆子益腎臟而固精，補肝虛而明目，起陽痿，縮小便，同蜜爲膏，治肺氣虛寒。

【禁忌】性固澀，小便不利者，勿服。強陽不倒者，忌之。

【用量】自一錢至三錢。

【炮製】凡使淘去黃葉皮蒂，酒蒸，曬乾用。

【配合】同黃柏、沙苑蒺藜、蓮鬚、五味、砂仁、魚膠、山茱萸，治夢遺洩精。同車前、五味、菟絲、沙苑蒺藜，爲五子衍宗丸，治男子精氣虧乏。中年無子，加巴戟天、臘臍、補骨脂、鹿茸、鹿角膠、山

菜萸肉蓯蓉治陽虛陰痿。臨房不舉。或精寒精薄。

金櫻子

【品狀】 生山林間。蔓性莖。葉爲複葉。花托變針形。夏開五瓣白花。秋結子。有刺。大如指頭。色黃。冬季採之。產湖南江西等省。

【成分】 主要素爲蘋果酸、檸檬酸。餘爲單寧酸、樹膠、糖質。

【性味】 味酸澇。性溫。無毒。得陽氣而兼木化。以生氣薄。味厚。降也。陰中陽也。

【歸經】 入肝脾腎三經。兼入膀胱大腸二經。爲固精祕氣之品。

【功效】 味酸澇以性溫。遠肝脾而入腎。澇精固氣。虛而無火則相宜。閉摯封藏。病若有邪。慎勿用。

【研究】 金櫻子。酸澇性溫。然須帶生採之。太熟則色紅味甘。全失澇味。且服之利人。故採藥當及時也。凡子皆降。可入下焦。其功全在固澇。凡一切久痢遺精。大小便不固。無邪熱者。皆可用之也。丹溪曰。經絡隧道。以通暢爲和平。而味者熬金櫻子煎食之。取澇性爲快。自作不靖。谷將安歸。時珍曰。無故而服之。以取快慾。則不可。若精氣不固者服之。何谷之有。黃宮繡

曰金櫻子生者酸澇熟則甘澇當用其將熟之際得微酸甘澇之妙取其澇可去脫甘可補中酸可收陰故爲治夢遺崩帶遺尿之佳劑。

【實驗】此藥爲收斂劑入胃後微有助胃液之不足以促進消化之功能入腸能使腸壁之粘膜收縮分泌減少至血中略能將微血管收縮白血球之運動亦稍被壓滅故有止瀉退熱之效。

【禁忌】泄瀉由火熱暴注者小便不禁及精氣滑脫由陰虛火熾而得者均忌誤服之每致溺澇莖痛。

【用量】自一錢五分至三錢。

【炮製】剖開去核及毛用或熬膏用。

【配合】同芡實粉等分爲丸名水陸二仙丹治男子遺精白濁婦女諸淋淫帶等症。同芡實、蓮子、菟絲子、茯苓治腸黏膜炎。

訶子

【品狀】卽訶黎勒之實生西域而廣州最盛樹似木櫟而花白子形似梔子橄欖青黃色皮

能治欬嗽喘逆。訶子核亦能止嗽。兼治痢。石頑曰。訶子苦澇降斂。生用清金止嗽。煨熟固脾止瀉。古方取苦以化痰涎。澇以固滑泄也。殊不知降斂之性。雖云澇能固脫。終非甘溫益脾之比。訶菴曰。肺斂則音開。火降則渴止。古方有訶子清音湯。按訶子味苦而帶酸澇。能降能收。兼得其善。蓋金空則鳴。肺氣爲火邪鬱遏。以致吼喘欬嗽。或至聲啞。用此佐降火斂肺之品。則肺竅無壅塞。聲音清亮矣。澀可去脫。若久瀉痢。則實邪留而元氣脫。用此同健脾之藥。固澀大腸。瀉痢自止。但苦能泄氣。真氣太虛者。宜少用之。

【實驗】此藥爲收斂劑。入胃後。令胃內之 Pepsin 及蛋白質皆凝固。而消化力被阻。且能將胃粘膜收縮。使分泌減退。至腸。能收縮腸壁之微血管。減輕下痢。且微有殺菌之功。由腸壁吸入血中。能使血液流動之血管收縮。阻止血液及白血球之滲出。故有間接止血之功。又能使腸收縮而減下痢。

【禁忌】凡咳嗽因於肺有實熱。泄瀉因於濕熱所致。氣喘因於火逆衝上。帶下因於虛熱。而不因於虛寒。及腸澼初發。濕熱正盛。小便不禁。因於腎家虛火。法並忌之。至於滯下本於濕熱。喘嗽實由肺火。或久嗽陰火上炎。久痢虛熱下迫。此爲劫藥。用此愈劫愈滯。慎勿輕投。

【用量】 自一錢五分至三錢。

【炮製】 以六稜黑色肉厚者良。生用清金保肺行氣。熟用固氣實腸溫胃。炮製法。酒浸。蒸去核。取肉用。或用核不用肉。

【配合】 清音湯。訶子、人參、茯苓、當歸、生地、麥冬、天冬、烏梅、阿膠、人乳、牛乳、梨汁、蜂蜜。同桔梗、童便。治肺熱音啞。得砂仁、橘皮。主冷氣入內。心腹脹滿。及因寒食不下。得益智。止氣虛寒。小水不禁。佐楞根、白皮。止腸澀瀉血。佐白朮、蓮肉。止久洩。因於虛寒。同蛇床子、五味子、山茱萸、杜仲、續斷。止虛寒帶下。同人參、肉豆蔻。則實大腸。合白朮、肉桂、木香、肉豆蔻、生薑、甘草。治赤痢。佐厚朴、陳皮、米仁、草果、麥芽、茯苓。治胃粘膜炎。

石榴皮(附)花 根

【品狀】 處處有之。多栽植於庭園。樹有大有小。葉平滑。長橢圓形。對生。花大萼赤。花瓣深紅。實大球形。熟則裂開。現出種子。透明有肉質多漿之外皮。味甘。供食用。根皮為驅蟲藥。

【成分】 果皮中含鞣酸 28% 越幾斯 12%

【性味】 石榴皮。味酸澀而甘。性溫。無毒。忌鐵器。

【歸經】 石榴皮入肺、腎、大腸三經。爲收斂固攝之品。

【功效】 甘澹治久傷之瀉痢。固腎攝腸。酸溫醫宿效之虛寒。保金斂肺。腸紅吐血。燒灰服。帶下崩中煎水。管榴花散。心鬱之吐紅。炙黑吹鼻中之衄血。

【研究】 石榴根皮。味酸澹微甘。性溫。入肺腎大腸血分。須炒黑用之。功專固攝。凡虛寒久咳。下血崩帶等症。無一毫邪熱者。皆可用之。擦齒塗鬚染布。皆能變白爲黑。與五倍子相似。滯人氣血。枯人腸胃。不可多用。石頑曰。榴味甘酸。具木火之象。故多食傷肺損齒。而生痰涎。其皮澹溫。能治下痢滑脫。一種小者。曰酸石榴。治痢尤捷。千金治痢方皆用之。酸兼收斂。故能止下痢漏精。崩中下血。丹方以酸石榴。連皮子搗汁。入薑茶煎。治寒熱痢。又久痢用榴皮燒灰。人參湯下一錢。屢驗。榴花色赤入心。凡花皆散。炙黑用之。取紅見黑則止之意。故能治吐血衄血也。曝乾研細。吹鼻止衄最速。干瓣者更良。功在山茶花之上。酸石榴根皮。殺虻蟲寸白蟲甚效。

【實驗】 石榴根皮在胃中。能制止胃內酵素過重之發酵。入腸能收縮腸粘膜。使腸之分泌減少。緣蟲遇之。卽被殺死。而向大便推出。

【禁忌】 石榴皮痢疾初起宜通積未盡者服之太早反爲害也。

【用量】 自一錢五分至三錢三種同。

【炮製】 根皮生用。果皮花生用或炙用。各隨方法。

【配合】 石榴皮炙黃同棗肉和丸治赤白痢下。同陳壁土、明礬煎湯薰洗治瀉痢脫肛。再用五倍子炒研敷托之。酸石榴根皮合使君子、澤瀉、大黃治綠蟲。同黃連、黃柏、甘遂、芫花、大戟、牽牛治初期紅痢。

烏梅(附)白霜梅 綠萼梅花 紅梅花 楊梅

【品狀】 梅樹處處有之。葉互生。邊緣有鋸齒。先衆樹而開花。有香氣。實球形。於梅雨時成熟。烏梅卽青梅之半黃時。用火薰黑者。

【性味】 烏梅味酸性溫。無毒。得木氣之全。以生可升。可降。陰也。忌豬肉。

【歸經】 入肝經。兼入脾、肺、大腸三經。爲收斂止瀉之品。

【功效】 酸先入肝。肺絡脾經均可及。黑能走血。腸紅嗽疾久堪醫。因其溫瀉之功。虛痢可療。汗可斂。假此酸收之品。風痰能化。噤能開。虻厥難安。得酸則伏。惡瘡翻凸。搗貼能除。白霜梅善。

豁痰涎。梅核膈宜求含嗽。

【研究】

烏梅味酸性溫。專入肝家血分。脾肺大腸皆其旁及者也。其功專主收斂止瀉。故凡

久嗽久痢。虛汗亡血等症。皆可用之。能安蚘者。蟲得酸則伏也。白霜梅。卽青梅。用鹽水浸之。

日晒夜浸。十日後卽有霜起。乃成矣。味酸鹹性平。入肝達胃。善豁頑痰。治中風喉痺。牙關緊閉

等證。以酸鹹之性。鹹能潤下。酸能湧泄也。擦牙開牙。噤者。齒得梅則齧。肝氣以津。津液上泄之

故。然最易傷腎。故多食損齒耳。石頑曰。烏梅酸收。益津開胃。斂肺瀉腸。止嘔斂汗。同建茶乾

薑。治休息痢。血痢不止。以烏梅燒存性。米湯服之。漸止。又能定喘安蚘。仲景治蚘厥。烏梅丸用

之。蟲得酸卽止。用丸不用湯者。欲留有形之物。入於蟲口也。丹方治女人脚上鷄眼。烏梅肉飯

上蒸爛。和米醋研如糊。塗上一夕卽去。黃宮繡曰。烏梅酸瀉而溫。似有類於木瓜。但此入肺

則收。入腸則瀉。入筋與骨則軟。入蟲則伏。外治死肌惡肉惡痣。竹木刺入肉中。敷之卽出。故於

久瀉久痢。氣逆煩滿。反胃骨蒸。無不因其收瀉之性。而使下脫。逆皆治。且於癰毒可敷。口渴

可止。無非酸瀉收斂之驗。不似木瓜功專竦泄脾胃筋骨濕熱。收斂脾肺耗散之元。而於他症

則不及也。按烏梅味酸主斂。肺性所喜。用入肺經。治久嗽熱嘔。夜間煩渴。口無津液。皆收斂

之功也。其大腸爲肺之外腑。以此同補脾藥。止久瀉固結元氣。有壯神之方也。又能安蛔蟲腹痛。蓋蟲遇酸則靜耳。若欬嗽初起。氣實喘促。胸膈痞悶。恐酸以東邪氣戒之。紅梅花。色紫紅。味苦性平。氣香。功能清肝解鬱。治頭目痛。綠萼梅花。花黃白。萼綠。小朵。味苦微甘。性平。氣香。功能平肝和胃。止脘痛頭暈。進飲食。梅葉煮汁。治休息痢。及乾霍亂效。以之漬水。洗葛則不脆。洗夏衣生黴點卽去。楊梅味甘酸性溫。爲心家血分之果。兼入肝脾心胞。能止渴除煩。燒灰則斷痢。鹽藏則止嘔嘔消酒。但血熱火旺人不宜多食。恐動經絡之血而致衄也。其性雖熱。而能從治熱鬱解毒。

【禁忌】 烏梅凡風寒初起。瘡痢未久者均忌。梅子楊梅多食損齒傷筋。

【用量】 烏梅白霜梅自一錢至三錢。紅梅花綠萼梅花自五分至一錢。楊梅三枚至五枚。

【炮製】 梅產吉安者。肉厚多脂。烏梅凡用須去核微炒。紅梅花綠萼梅花生用。楊梅燒灰用。或酒浸用。

【配合】 烏梅同花椒。止虻痛。同熟地黃連。止腸紅。同檳榔殭蠶甜茶。止瘡。綠萼梅花同九香蟲。治肝氣痛。

山茱萸

【品狀】 爲落葉灌木，高丈餘，枝葉繁茂。入春先葉開花，花在四片之苞葉上，黃色四出，形小而簇生，花瓣作披針形，向外反卷，花落後葉始生，作長橢圓形，頭尖底圓，側脈甚顯，並行而集於尖端。兩兩對生，果實生綠熟紅，十月採實陰乾，產我國山東河南等地。

【成分】 含多量糖分，與有機酸。

【性味】 味酸，性溫，無毒。感天地春生之氣，兼得木之酸味以生，降也。陽中陰也。蓼實爲使，惡桔梗，防風，防己。

【歸經】 入肝腎二經，爲固精強陰助陽收瀉之品。二經氣分藥，固精祕氣，強陰助陽，能溫肝。

【功效】 性斂偏溫，固精補腎，味酸而瀉，壯水生肝。

【研究】 山茱萸，酸溫無毒，入肝腎，肝主疎泄，腎主閉藏，疎泄太過，則滑脫不禁，常用酸瀉之劑以收之，况遺精便滑，小便不固，以及虛汗等證，屬虛者哉，使元氣固，則精血充，是以爲之補也。此物如五味之酸味太甚，於人之氣血不甚相宜，雖虛脫者亦宜酌用，有邪火爲患者，尤當禁之。海藏曰：止小便利，祕精氣，取其味酸瀉以祕滑也。士材曰：酸屬東方，而功多在北方。

者乙癸同源也。初菴曰：聖濟云：如何濟劑能利九竅。經疏云：精氣充則九竅利。山萸通九竅。古今疑之。得經疏一言而意旨豁然。吳懷祖曰：人身精氣賴溫煖而後充足。肝腎居至陰之位。非溫煖則陰無以生。山萸萸溫補酸斂。則精氣益而陰強也。新注曰：此藥尋常多用之以止虛汗。按山萸萸色紫味酸。體質濡潤。專入肝腎。益精養血。主治目昏耳鳴。口苦舌乾。而青色脫。汗出振寒。爲補肝助腎良品。夫心乃肝之子。心苦散亂而喜收斂。斂則寧靜。靜則清和。以此收其渙散。治心虛氣弱。驚悸怔忡。卽虛則補母之義也。腎乃肝之母。腎喜潤惡燥。司藏精氣。藉此酸能收斂。斂水生津。治遺精白濁。陽道不興。小水無節。腰膝軟弱。腿足酸疼。卽子令母實之義也。

【禁忌】 凡命門火熾。強陽不痿者忌之。膀胱熱結。小便不利者。法當清利。此則味酸主斂。不宜用。陰虛血熱不宜用。卽用當與黃柏同加。

【用量】 自一錢至三錢。

【炮製】 酒潤去核。取皮肉。煖火焙乾用。核能滑精。不可服。

【配合】 同菟絲子、肉蓯蓉、巴戟天、鹿茸、牛膝、鹿角膠、車前子、枸杞子、生地、沙蔞藥、麥冬能添

精固髓、煖腰膝、益陽道、令人有子。同人參、五味子、牡蠣、益智仁、治老人小便淋瀝、及遺尿。同人乳、沙蒺藜、熟地、人參、麥冬、牛膝、菊花、治腦骨痛、腦爲髓海、髓足腦痛自除。同石菖蒲、菊花、地黃、黃柏、五味子、治腎虛耳聾。同杜仲、牛膝、地黃、鹿角膠、山藥、治腎虛腰痛。入六味地黃丸爲腎虛而有濕熱者。

椿根皮(附)栲根皮

【品狀】椿、喬木、處處有之、生山野中、高三四十尺、葉大爲一回羽狀複葉、嫩時呈紅色、甘香可食、初夏枝梢開花成穗、花小白、花後結角、根皮厚、淡褐色、內面有布紋。

【性味】椿根皮味苦澆、性寒燥、無毒、稟地中之陰氣以生、降也、陰也、忌豬肉、熟麵。

【歸經】椿根皮入胃大腸二經、爲固腸燥濕之品。

【功效】味苦兼澆、性燥且寒、固下有功、治痢療崩、愈帶濁、入腸奏效、涼瘀逐濕、愈風虛。

【研究】此樹有二種、香者名椿、臭者名栲、苦寒性澆、入大腸能斷下、凡腸澀痢疾、因於濕熱留結、久而不愈者、皆可用之、時珍以椿皮色赤而香入血分、其性澆、栲皮色白而臭入氣分、其性利、故主治之功雖同、而澆利之性則異。丹溪曰、椿根皮性涼而能澀血、凡濕熱爲病、瀉痢

濁滯精滑夢遺諸症。無不用之。有燥下濕。及去肺胃陳痰之功。治泄瀉有除濕實腸之力。但痢疾滯氣未盡者。不可選用。

【禁忌】 苦寒之性。脾胃虛寒者禁之。腎家真陰虛者亦忌。以其徒燥耳。痢疾積滯未盡者勿選用。勉強固澇。必變他證。二種同。

【用量】 自一錢五分至三錢。二種同。

【炮製】 根東引者良。去粗皮。醋炙。或蜜炙。二種同。

【配合】 同人參等分爲末。每服二錢。空心米飲調服。治大腸風虛。飲酒過度。挾熱下痢。膿血痛甚。多日不癒。忘油膩。濕麵。青菜。菓子。甜物。鷄。豬。魚。羊。蒜。薤等。同滑石等分爲末。粥丸。梧子大。每空腹白湯下一百丸。治婦人白帶。同訶子各半兩。母丁香三十箇。爲末。醋糊丸。梧子大。每服五十丸。治休息痢疾。日夜無度。腥臭不可近。臍腹撮痛。

棕櫚皮

【品狀】 木高一二丈。其幹正直。無枝條。木端數葉大如扇。上聳四散。岐裂。其莖三稜。四時不凋。近葉有皮裹之。每長一層。卽爲一節。其皮有絲毛。錯綜如織。剝取之。可編織衣帽椅褥之屬。

每歲必二三剝，否則樹死或不長也。六七月生黃白花。八九月結實。產我國四川廣東等地。他省亦多有之。

【性味】 味苦澇，性平，無毒。感微陽之氣而生。

【歸經】 入肝肺二經，爲止血之品。

【功效】 吐血、腸紅、達肝肺二經，入營止截，崩中帶下，味苦平性澇，炒黑功長。

【研究】 棕櫚皮，其皮有絲，縱橫如織，如人之絡，味苦澇性平，入肝達肺，炒黑能入血分，止血。切血，凡鼻衄吐血，腸風崩帶，內無邪熱者，皆可用之。然苦能泄熱，苦可下行，暴病亦有利用之者。在乎運用耳。時珍曰：棕灰性澇，若失血去多，瘀滯已盡者，用之切當，所謂澇可去脫也。與髮灰同用更良，年久敗棕，入藥尤妙。

【禁忌】 如暴得吐血，瘀滯方動，暴得崩中，惡露未竭，濕熱下痢，初發腸風，帶下方熾，悉不宜遽用。

【用量】 自一錢五分至三錢。

【炮製】 燒黑須存性，不可燒過，甞地上出火毒。

【配合】 同絲綿、血餘、側柏、蓮房、茜草、蒲黃、丹皮、大蘗、小蘗等分炒黑，藕汁湯法丸。治陰虛陽升、濁行清道。男婦一切吐血、咯血、便血、溺血、衄血。

五倍子（附）百藥煎 沒石子

【品狀】 屬於漆樹之鹽膚木，葉柄或嫩葉，爲蚜蟲所寄生，該部膨脹而成蟲癭，鹽膚木爲奇數羽狀複葉，秋變紅色，美觀，開白色五瓣小花，成複總狀花蕊，穗長尺餘，果外被白粉，味鹹，村童呼爲山鹽，故名。五倍子形球圓，霜降前採取，蒸殺殼內蟲，否則蟲必穿壞，而殼薄且腐矣。產四川省者佳。

【成分】 五倍子百分中含單寧酸六十至七十七分之多，餘則爲樹脂、脂肪、糖分、護謨、越巽斯質等。

【性味】 五倍子味酸，澆微鹹，性寒，無毒，降也，陰也。

【歸經】 五倍子入肺、腎、大腸三經，爲收斂之品，性澆能斂肺，氣寒能降火。

【功效】 酸澆輕浮，能斂肺化痰，鬚白還烏，有染法，鹹寒苦降，可固腸治痢，汗多能止，出良方，搽痔漏與金瘡，或調或搽，治癩風之疔蝕，收熱收膿，百藥煎，又經造釀，清心肺而味帶餘甘，化

痰嗽亦可生津。入上焦而功兼降火。

【研究】 五倍子味酸澆微鹹性寒。入肺腎大腸。專主收斂。化痰者亦斂極則化之意。退熱者亦是虛熱。其餘內外諸治皆是酸鹹斂澆之功。可以推想。丹溪曰。五倍子屬金與水。嚙之善收頑痰。解熱毒。佐他藥尤良。黃昏欬嗽。乃火氣浮入肺中。不宜用涼藥。宜五倍子五味斂而降之。時珍曰。鹽膚子及木葉皆酸鹹寒涼。能除痰飲咳嗽。生津止渴。解熱毒酒毒。治喉痺。下血痢諸病。五倍子乃蟲食其津液結成者。故所主治與之同功。其味酸鹹。能斂肺止血。化痰止渴。收汗。其氣寒。能散熱毒瘡腫。其性收。能除泄痢濕爛。石頑曰。若風寒外觸暴嗽。及肺火實盛者。禁用。以其專收而不能散也。故痰飲內盛者。誤用則斂聚於中。往往令人脹閉而死。爲末收脫肛。及子腸墜下。百藥煎造釀法。每五倍末一斤。入桔梗甘草真茶各一兩爲末。入醇糟二兩。拌和置糠缸中。窖待起如發麵狀。卽成矣。作餅晒乾用。百藥煎性味與五倍子相仿。但經造釀後。體質輕虛。而味帶甘。故能治上焦心肺欬嗽。痰飲熱渴等證。亦皆取其收肅之意耳。含嚙尤宜。煨過主下血。烏鬚髮。消腫毒。斂金瘡。治喉痺口瘡。搽之便可進食也。沒石子。色青黃。形圓多角。係樹實。產新疆西部等地。味澆微苦。性溫。治日久血痢。產後下痢。外用研末撲陰。

汗塞牙痛染鬚。

【實驗】 作用與訶子同。惟功效較強。

【禁忌】 五倍子、百藥煎。凡效由外感瀉非虛脫及肺火實盛者均忌之。沒食子同。但勿用鐵器。

【用量】 五倍子、沒石子自五分至一錢五分。百藥煎自一錢五分至三錢。

【炮製】 三種生用或煨用。各隨方法。

【配合】 五倍子同龍骨等分研末。用口津調和填臍中。止自汗盜汗。同沒石子、訶子皮、蕎麥、針砂、醋打和染鬚髮。百藥煎同荊芥穗等分糊丸。治大腸便血。沒石子同甘草研末。治小兒口瘡。摻之即愈。同蓮鬚、女貞子、枸杞子、地黃、南燭子、何首烏、黃精、旱蓮草、白朮、人參。爲烏鬚髮之勝藥。同覆盆子、枸杞子、牡蠣、五味子、車前子、地黃、蓮鬚、龍骨、鹿茸、沙蔴、麩膠、砂仁、黃柏。能補益精氣。治一切夢遺洩精。五倍子合阿片、樟腦、黃芪、白朮豆。治腸結核。佐兒茶、沒藥。治鼻衄。同甘遂、大戟、阿膠。治腸出血。

兒茶(附)鐵口兒茶

收膏之劑 兒茶(附)鐵口兒茶

【品狀】 屬豆科。爲 *Uncaria gambier* 之葉所製成。約一吋餘之立方形塊。外表深綠色。內部色略淡。性脆有微隙。窺以顯微鏡。見無數針形之結晶。產新嘉坡印度緬甸等處。

【成分】 主要素爲 Catechu-Tannic acid 40% 餘爲 Catechu 膠質 Lignin

【性味】 兒茶味苦澀。性微寒。無毒。反禹餘糧、磁石、蛋白、綠礬。

【歸經】 兒茶入肺經。爲澇斂之品。

【功效】 苦澀且微寒。能點痔而止血。熱痰仗清化。可定痛以生肌。

【研究】 孩兒茶。生肌口瘡等藥。皆外治爲多。內服雖有方法。亦不過藉其清化之力耳。然畢竟膠滯之物。用者亦罕。初菴白。清上膈熱。化痰生津。止血收濕。定痛生肌。塗金瘡口瘡。陰疔痔腫。鐵口兒茶。色紫紅如泥質粉末。味鹹性涼。功能軟堅。消癰腫止痛。清熱化痰癬。

【實驗】 兒茶入胃後。能助胃液。以增加消化之功能。又能防止 Pepsin 過量之作用。在腸中能收縮腸壁之粘膜。使腸之分泌減退。腸之吸收力增加。

【禁忌】 寒濕症者忌用。二種同。

【用量】 內服三分至一錢五分。外用不等。二種同。

【炮製】 內服生用包煎。外用研末。二種同。

【配合】 兒茶、礪砂等分爲末，搽牙疳口瘡。同真珠、冰片爲末，敷下疳陰瘡。佐麥芽、枳殼、厚朴、木香、檳榔、青皮，治腸粘膜炎。

雞冠花

【品狀】 雞冠處處有之。三月生苗，入夏高者五六尺，矮者纔數寸。其葉青柔，頗似白苧菜，而窄，稍有赤脈。其莖赤色，或圓或扁，有筋起。六七月梢間開花，有紅白二色。其穗圓長而尖者，儼如青茄子。穗扁卷而平者，儼如雄雞之冠。花大有圍一二尺者，層層卷出可愛。子在穗中，黑細光滑，花最耐久，霜後始焦。

【性味】 味甘，性涼，無毒。

【歸經】 入肺、大小腸、膀胱四經，爲收澀止血之品。

【功效】 治痔漏下血，赤白下痢，崩中，赤白帶下。

【研究】 雞冠花治赤白下痢，赤白帶下，極效。但赤者走血分，白者走氣分，故病家宜分赤白用之。

【禁忌】 濕滯未盡者，不宜早用。

【用量】 自一錢五分至三錢。

【炮製】 生用，或炒黑用，各隨方法。

【配合】 同防風等分爲丸，治下血脫肛。同苦壺蘆等分，燒存性，治白帶沙淋。

芡實

【品狀】 生於池沼之水草，莖葉頗大，直徑五六寸至二三尺，上浮水面，葉面深綠，背紫色，有皺襞，葉脈隆起，密生軟刺，莖有孔有刺，夏月莖抽出水上，頂端開四層之四瓣花，深紫色，日中盛開，日沒即萎縮，果實如鳥嘴，中含種子，少則八粒，多則二十粒。

【性味】 味甘澆，性平，無毒，稟水土之氣以生，可升可降，陰也。

【歸經】 入脾胃二經，兼入心腎二經，爲固本益精之品。

【功效】 扶脾止瀉，治水則同氣相求，固腎益精，性味則甘平無毒。

【研究】 芡實生於水，而能治水，諸家本草皆謂甘平性澆，然嘗之似無澀味，僅覺甘淡而已，此亦邪水去而真水固也，味甘入脾，水屬入腎，扶土利水，是其本功，畢竟稱其能澆精固氣，恐

亦未必。豈一物而有通瀉二用哉。或此藥同山藥等味則補。同苡仁等味則利。同金櫻子等則瀉。各隨其用耳。時珍曰。止渴益腎。治小便不禁。遺精白濁。帶下。土材曰。治泄瀉。夢遺滑精。

黃宮繡曰。芡實味甘。補脾利濕。故泄瀉腹痛可治。瀉能固腎閉氣。故遺精白帶小便不禁可愈。功與山藥相似。然山藥兼補肺陰。而芡實則止於脾腎。不及於肺。徐靈胎曰。芡實生於水中。味甘淡。得土之正味。乃脾腎之藥也。脾惡濕而腎惡燥。芡實雖生水中。而淡滲甘香。則不傷於濕。質黏味澀。而又滑澤肥潤。則不傷於燥。凡脾腎之藥。往往相反。而此則相成。故尤足貴也。按芡實從純陰時生長。成實於夏令。受純陽而凝結。本得陽熱之氣多。然生於水澤間。有地水比和之義。故味甘平。而性和緩。爲清中濁品。專健脾陰。主治泄瀉。嘔吐。水腫。小便不禁。遺精白濁。女人帶下。小兒疳積。及久瀉久痢。久瘧久嗽。諸失血後。無不奏功。但力緩。務宜多用。方能見效。

【禁忌】 大小便不利者勿服。生食動冷氣。小兒不宜多食。甚難消化也。故食芡必細嚼。使華液流通。轉相灌輸。其功勝於乳汁。

【用量】 三錢至五錢。

【炮製】 生用或炒用各隨方法。

【配合】 同秋石、白茯苓、蓮肉爲丸。治思慮食慾過度、損傷心氣、小便數、遺精。同白茯苓、黃蠟蜜丸治白濁。

桑螵蛸

【品狀】 螳螂秋月築窠桑樹下。產卵於中。經日堅凝。形如舊紙之塊。性極輕。長寸許。色黑褐。或黃褐。破之則似海螵蛸。各房中俱藏卵子。本草徵要曰：一生出九十九。於三月間收採。灌以沸水。曬乾入藥。

【性味】 味甘鹹。性平。無毒。稟秋金之陰氣。兼得桑木之津液而成。能升能降。陰也。畏旋覆花。

【歸經】 入肝、腎、膀胱三經。爲固腎益精之品。

【功效】 鹹平無毒。和血強陰。固攝療遺。益精壯腎。

【研究】 桑螵蛸卽螳螂子。一名賴尿郎。以桑樹上者爲佳。甘鹹平無毒。入腎經。血分。益腎固精。是其本功。故凡小兒腎氣不足。夜多遺尿者。每每炙研服之。賴尿郎之名卽此之意。性能行血活血。故內服又能治女子血閉淋瀝。外敷可消癰腫痔漏也。本經又稱其利小便。似與固小

便之說相反。或者亦如車前子之固者固其精氣，利者利其邪水耳。然一物總不能兼兩用。學者再當詳考可也。張璐曰：桑螵蛸，肝腎命門藥也。功專收澹，故男子虛損、腎衰陽痿、夢中失精、遺溺白濁，方多川之。本經又言通五淋，利小便水道。蓋取以泄下焦虛滯也。生研爛塗之，出箭鏃。黃宮繡曰：桑螵蛸入足少陰腎，足太陽膀胱。蓋人以腎爲根本，男子腎經虛損，則五臟氣微，或陰痿、夢寐失精、遺溺。桑螵蛸味鹹屬水，內合於腎，腎得之而陰氣生長，故能愈諸疾。及益精生子。腎與膀胱爲表裏，腎得所養，則膀胱自固，氣化能出，故利水道通淋也。女子疝瘕、血閉腰痛，皆肝腎二經爲病，鹹能入血軟堅，是以主之。甘能補中，故主傷中益氣。腎足則水自上升，克與心交，故能養神也。徐靈胎曰：桑螵蛸，桑上螳螂所生之子也。螳螂於諸蟲中最有力，而其子最繁，則其腎之強可知。人之有子，皆本於腎，以子補腎，氣相從也。桑性最能續傷和血，螵蛸在桑者，得桑之性，故有養血逐瘀之功。

【禁忌】凡膀胱有熱，小便短數者，忌之。若陰虛多火，人誤用，反助虛陽，多致洩赤、莖痛、強中失精，不可不知。新注云：慢性淋病可用之。凡腎臟虛弱，而小便利者，可用之。膀胱發炎，不能用之。

【用量】 自一錢五分至三錢。

【炮製】 凡使或炙黃，或醋煮，或酒炒，或湯泡煨用，或蒸透焙用。

【配合】 同遠志、石菖蒲、當歸、龍骨、人參、茯神、茯苓、鼈甲、人參、治心腎不和、小便白濁，或如米泔，或爲夢遺。同附子、五味子、龍骨、糯米爲丸，治下元虛冷、精滑不固、遺瀝不斷。

牡蠣

【品狀】 產於熱帶溫帶諸國之海岸，尤多產於有淡水流注鹹氣不強之海中岩礁，或砂泥上，爲扁圓形，作不正葉狀之貝類，由鱗狀薄片而成，上下二殼，其邊緣作波狀，下殼稍凹陷，上殼作扁平蓋狀，長約二三寸，外面由反射光而呈灰褐綠青諸色，內作乳白色，有光澤。

【成分】 含碳酸石灰。

【性味】 味鹹性微寒，無毒，降也，陰也。貝母爲使，得甘草、牛膝、遠志、蛇床子、良、惡麻黃、細辛、吳萸、伏礪砂。

【歸經】 入肝、膽、腎三經，爲益陰潛陽、化痰軟堅之品。

【功效】 味屬鹹寒，退熱潛陽，生可貴，性多滑潤，療崩斂汗，煨相宜，兼之燥濕軟堅，癭癭結痰。

皆易散。且又益陰補水。骨蒸遺滑。盡能療。

【研究】 牡蠣鹹寒入腎。能益陰潛陽。退虛熱。軟堅痰。煨之則燥而兼潛。又能固下焦。除濕濁。歛虛汗。具鹹寒介類之功。有重鎮攝下之意。外用內用。均可推想耳。海藏曰。牡蠣入足少陰。爲軟堅之劑。以柴胡引之。能去脇下硬。以茶引之。能消頂上結核。以大黃引之。能消股間腫。以地黃爲使。能益精收滲。止小便。腎經血分之藥也。成無己曰。牡蠣之鹹。以消胸膈之滿。以泄水氣。使痞者消。硬者軟也。石頑曰。今人以牡蠣潛精。而治房勞精滑。則慮其鹹降。治亢陽精傷。又恐其斂滯。惟傷寒亡陽汗脫。溫粉之法最妙。

【實驗】 味鹹。有消炎作用。然此藥非有直接消炎作用。乃因能平血壓。故能消炎。性平有鎮靜神經作用。微寒。略有收斂性。與退炎性。慢性與虛弱性。以及無氣味之帶下赤白。可用之。若爲子宮急性炎之帶下赤白。而有惡性氣味者。不可用。

【禁忌】 鹹味獨勝。走腎斂滯居多。久服亦能寒中。凡病虛而有寒者忌。腎虛無火。寒精自出者亦忌。

【用量】 自三錢至一兩。

【炮製】 牡蠣左顧者良。生用。或煨赤用。各隨方法。

【配合】 同貝母、玄參爲丸。治頸項痰核癰癤。同苦參、白朮、豬肚爲丸。治脾胃濕熱。淋帶穢污。同龍骨、麻黃根爲粉。撲身止虛汗。

烏賊骨

【品狀】 頭部有足十中二足獨長。各具吸盤四列。爲捕捉魚類貝類等食物之用。假死浮水。飛鳥見而啄之。則被各足襲捉。沒水而下。故稱爲賊。口生於頭足間。腹部有卵。形之囊。名外套膜。兩旁有肉儲。爲游水器。中有內殼。色白質疏鬆。卽海螵蛸也。又有白色小囊。中貯墨汁。有急則噴以自匿。故又稱墨魚。

【成分】 含有磷酸鈣、 $(F)(PO_4)$ 、碳酸鈣、 $(CaCO_3)$ 、膠質等。

【性味】 味鹹。性溫。惡附子。白芨。白蘞。能淡鹽。

【歸經】 入肝腎二經。爲收澹燥濕之品。

【功效】 入肝經。治血分之疴。帶下崩中。經方有考。去濕濁。味鹹溫兼澹。蟲疴下疴。審證隨施。點眼則去翳磨尾。貼齋可療膿收水。

【研究】 烏賊骨一名海螵蛸。乃烏賊魚之骨也。味鹹性溫。乃肝經血分藥。雖係血藥。而其質又燥。故能治女人崩帶淋濁。一切下部蟲疔淫泆之疾。內經雖云治血枯。然觀其經文全旨。畢竟非肝經之血枯。是肝經之濕濁。故又能黠目翳。燥膿瘡。自可想見其功用耳。時珍曰。烏賊骨。厥陰血分藥也。其味鹹而走血也。故血枯、血癥、經閉、崩帶、下痢、疔疾、厥陰本病也。寒熱、瘧疾、瘰癧、少腹痛、陰痛、厥陰經病也。目翳流淚、厥陰竅病也。厥陰屬肝。肝主血。故諸血病皆治之。按素問云。有病膈膈支滿。妨於食。病至則先聞腥臊臭。出清液。吐血。四肢清。目眩。時時前後血。病名曰血枯。得之年少時。有所大脫血。或醉入房中。氣竭肝傷。月事衰少不來。治之以四烏鯁骨一蘆茹爲末。充以雀卵。大如小豆。每服五丸。飲以鮑魚汁。所以利腸中及傷肝也。觀此入厥陰血分可知。藥性曰。烏賊骨主通經絡。祛寒濕。治寒熱癥瘕。陰蝕腫痛。赤白漏下。血枯經閉。能補肝傷。療血不足。

【實驗】 此藥爲止血劑。在胃中能中和胃內過量之酸素。至腸略能阻止腸粘膜之分泌。故有止瀉之功。入血中能增進白血球之數。使血中凝固加大。并能刺激細胞。使新陳代謝之力增進。

【禁忌】 此藥多用於虛弱性之病症。血病多熱者勿用。外感性寒熱。血崩。因子宮炎。或子宮癌者勿用。

【用量】 三錢至五錢。

【炮製】 取骨魚鹵。浸炙黃用。

【配合】 同麝香爲末。吹治耳底出膿。同冰片少許。點治赤白目翳。同乾胭脂爲末。油調塗治小兒臍疔出血及膿。同蒲黃爲末。塗舌腫出血不止。同槐花末吹鼻。治衄血。同銀硃吹鼻。治喉癢。同白礬末吹鼻。治蠟螫疼痛。合秋石。石決明。龍膽末。治肺結核咯血。佐膽礬。枯礬。治痔出血。同葛粉。麻油。治瘡傷。

赤石脂

【品狀】 石脂之赤色者。產山西山東河南等省。

【成分】 含炭。氧。鐵。

【性味】 味甘酸。性溫。無毒。稟土金之氣而生。色赤又兼火象。降也。陽中陰也。畏芫花。惡大黃。松脂。

【歸經】 入心、腎、大腸三經，爲固斂之品。

【功效】 固大腸，治久痢、腸紅、療崩帶、淋漓、甘酸溫腎，養心氣，可和營斂血，塗癩風蝕爛，敷帖生肌。

【研究】 赤石脂，此石其性最粘而有脂，用以固濟爐鼎甚良，其味甘酸，其質重鎮，凡用藥治病，皆宜察形觀色，度其性味，審其寒溫，自有得心應手之妙，不必拘拘乎本草諸說，總之其能入心、腎、大腸血分，其功不外乎固澇重鎮，足以盡之。東垣曰：赤石脂固腸胃，有收斂之能，下胞衣無推蕩之峻。時珍曰：赤石脂，手足陽明藥也，其味甘，其氣溫，其體重，其性澇，澇而重，故能收濕止血而固下，甘而溫，故能益氣生肌而潤中，中者腸胃肌肉，驚悸黃疸是也，下者腸澼泄痢，崩帶失精是也。仲醇曰：大小腸下後虛脫，非澇劑無以固之，其他澇藥輕浮，不能達下，惟赤石脂體重而澇，直入下焦陰分，故爲久痢洩瀉要藥，又能去惡血，蓋惡血化，則胞胎無阻，東垣云：胞胎不下，澇劑可以下之是也。石頑曰：赤石脂功專止血固下，仲景桃花湯治下痢，便膿血者，取石脂之重澇，入下焦血分而固脫，乾薑之辛溫，煖下焦氣分而補虛，粳米之甘溫，佐石脂而固腸胃也。火熱異注：初痢有積熱者，勿用，本經養心氣，明目益精，是指精血脫泄之

病而言。用以固斂其脫。則日明精益矣。療腹痛腸澼等疾。以其開泄無度。日久不止。故取澹以固之也。治產難胞衣不出。乃指日久去血過多。無力逆下。故取重以鎮之也。設血氣壅滯而胞衣不出。又非石脂所宜也。黃宮繡曰。赤石脂與禹餘糧罌粟殼。皆屬收澹固脫之劑。但粟殼體輕微寒。其功止入氣分斂肺。餘糧體較石脂爲重。功兼固脫鎮攝。此則甘澹色赤。內服入下焦。血分固脫。外用可長肉生肌也。白石脂味甘酸性平。入氣分。斂肺氣。澹大腸。止瀉痢。功與赤石脂大同小異。

【實驗】 此藥在腸部有止血防磨收斂作用。故於腸出血症用之有特效。又子宮出血。以及赤白帶亦可用之。

【禁忌】 火熱暴注者不宜用。非的受寒邪。下痢白積者不宜用。崩中法當補陰清熱。不可全仗收澹。滯下本屬濕熱積滯。法當祛著除積。止澹之藥。定非所宜。慎之。凡初起之痢疾與急性大腸病。孕婦均忌用。

【用量】 自三錢至八錢。絹包入煎。

【炮製】 研細水飛。或煨用。各種方法。

【配合】 赤石脂同乾薑、蜀椒、附子、烏頭爲丸。治心痛徹背。同伏龍肝、白礬爲末敷痢後脫肛。

禹餘糧

【品狀】 爲黃褐色不正形之固塊。大一寸至三寸。外殼一二分。質脆。碎之內部有褐色細末。供藥用。條痕褐色。或黃色。遇吹火則有水分出。能溶解於酸類。產湖北大冶。江蘇丹徒句容。

【成分】 爲氧化鐵 $2\text{O}_2\text{Fe}_2\text{H}_2\text{O}$ 卽褐鐵礦。

【性味】 味甘澆。性微寒。無毒。得土中沖和之氣。丹皮爲使。伏五金。制三黃。

【歸經】 入胃大腸二經。爲固下之品。

【功效】 入陽明血分有功。治痢鎮虛。崩帶並療。能固下。乘太乙土精無毒。色黃質重。甘平氣澆性中和。

【研究】 禹餘糧出山谷池澤間。乃石中黃粉。或土之未成石者。其質重。其色黃。其味甘澆。其性微寒。爲手足陽明血分鎮固之藥也。無己曰。重可去怯。禹餘糧之重。爲鎮固之劑。時珍曰。此手足陽明血分重劑也。李知先詩云。下焦有病入難會。須用餘糧赤石脂。張璐曰。其味

甘。故治欬逆寒熱煩滿之病。其性澀。故主赤白帶下。前後諸病。仲景治傷寒下痢不止。心下痞鞭。利在下焦。赤石脂禹餘糧丸主之。取重以鎮痞逆。澀以固脫泄也。

【實驗】 此藥常用以治日久之痢疾。有收斂性與退炎之作用。對於慢性痢疾有特效。

【禁忌】 泄瀉由於實熱者不宜用。能催生。孕婦慎服。

【用量】 自三錢至一兩。

【炮製】 細研。水淘澄之。勿令有沙土。

【配合】 同赤石脂、乾薑、梗米、名桃花湯。仲景治少陰病下痢不止。便膿血者。同赤石脂。治傷寒下痢不止。與理中湯而痢益甚者。同乾薑等分爲末服。治赤白帶下。同赤石脂等分爲末。人參湯調服。柯韻伯治下焦虛脫最效。

醋

【品狀】 爲米或麥所釀成。或釀酒。加醋母。使發酵而成。處處有之。產鎮江者佳。

【成分】 含有醋酸、及醋酸伊打糖、分、護膜、色素、灰分等。

【性味】 味酸性溫。無毒。得溫熱之氣。從木火而化。

【歸經】 入肝經。爲收斂氣血之品。散瘀解毒消食。

【功效】 收斂有功。酸溫無毒。敷癰化積。得斂極則散之能。止暈固崩。具危而復安之法。

【研究】 醋一名苦酒。米麥皆可爲之。味酸微苦。性溫。入肝收斂。然斂極則散。故內而破癥瘕。化積聚。皆用醋炒。外而癰腫敷藥。皆用醋調。均有深意。或者欲攻欲散。必先斂之。使邪聚而攻。散得力。亦是一法。總之。當斂者用其斂。當散者用其散。神而明之。存乎其人耳。石頑曰。仲景少陰病。咽中傷生瘡。不能語言。聲不出者。苦酒湯主之。內有半夏之辛。以發聲音。鷄子之甘。以緩咽痛。苦酒之酸。以斂咽瘡也。調敷藥則消癰腫。制藥味則斂毒性。諸惡狂妄。及產後血暈。燒炭淬醋。以辟惡寒也。北人感冒風寒。用醋湯胡椒鷄麵熟食。汗之則愈。以北方素鮮生發之氣。但取以助方宜之不足。則邪自不能爲虐耳。東南木氣用事。肝火易動。諸病皆當忌食。酸喜入肝。酸寒則收斂病邪。得之難於發泄耳。沈金鰲曰。醋大能開胃氣。醒脾氣。不但收斂之功見長也。

【禁忌】 傷筋損齒。不宜多食。

【用量】 臨時酌用。

【炮製】 入藥當用米造。二三年陳者。小麥醋不及。

【配合】 同木香磨服。治心腹血氣諸痛。同土槿皮浸。擦癬。和石灰。敷腋下狐臭。和蚯

蚓泥。敷身體卒腫。

本草用法研究

第二十一編 殺蟲之劑

關尹子曰：人之一身，內包螻蚋，外蒸蠶虱，萬物有依人身以爲生者，是吾身一小天地也。螻蚋爲人所常有之蟲，倘寒侵火迫，則不安其位，亦能爲病。若飲食不慎，氣血虛衰，又能變生諸蟲，不可名狀。如髮癢、鼈癩、勞瘵、傳尸之類，至於殺身滅門，蟲之爲患，若斯其酷也。是以先賢以法殺之，苟人不能殺蟲，則蟲必且殺人矣。

百部

【品狀】山野處多年生草本，高二尺，葉卵形，有平行脈，三片或四片輪生，夏由葉腋開淡綠色花，其塊根狀如天門冬，多者百十餘相連，儼如部伍，故名。二八月採根曝乾，產廣東廉州及山東陝西等處。

【成分】根含一種植物鹽基，名曰霍德林 $\text{Hodarin } \text{C}_{19}\text{H}_{34}\text{O}_6\text{N}$

【性味】味甘苦，性微溫，無毒。

【歸經】 入肺經爲潤肺殺蟲之品。

【功效】 治肺寒之欬嗽，甘苦微溫，除蟲積之稽留，功能獨擅。

【研究】 百部之根形如天門冬，百十連屬，若部伍然，但天門冬味甘而潤，百部味苦而枯，天冬寒而百部熱，故雖皆入肺治嗽，一治寒嗽，一治熱嗽爲不同，其殺蟲之功尤爲百部所獨擅也。石頑曰：百部爲殺蟲要藥，故肺熱勞瘵咳嗽，有寸白蟲宜之，蟻蟲病及傳尸骨蒸多用之，又濃煎洗牛馬蝨，樹木蟲蛀，用填孔中，更削杉木塞之，其蟲卽死，或燒煙薰之亦得。

【禁忌】 脾胃虛弱人宜兼保脾安胃藥同用，庶不傷胃氣，因其味苦也。

【用量】 自五分至一錢五分。

【炮製】 取肥實者，竹刀劈去心皮，酒浸，焙用。

【配合】 同桑白皮、天冬、貝母、枇杷葉、五味子、紫菀，治一切虛嗽，但不能治食積嗽。同薏苡、百合、麥冬、桑白皮、茯苓、沙參、黃芪、地骨皮，治久咳不已，漸成肺痿，臥偏左，嗽少止，偏右，咳連發，甚者喘急，病必危殆。

苦參（附）苦參子

【品狀】 山野多年生草，高三四尺，葉爲羽狀複葉，多長橢圓形之小葉，互生，六月開淡黃色花，花冠蝶形，成長穗花蕊，七月結實，爲細長莢，內有二三子，如小豆而堅，根黃色，三八月採根，曝乾，產河南四川等處。

【成分】 苦參含脂肪油，及揮發性植物鹽基，名瑪篤林，*Martin's Base*，*C₁₅H₂₁N*。

【性味】 苦參味苦性寒，無毒，稟天地陰寒之氣而生，降也，陰也。元參爲使，惡貝母，菟絲子，漏蘆，反藜蘆，伏汞，制雄黃，焰硝。

【歸經】 苦參入心、脾、腎三經，爲燥濕勝熱，消積殺蟲之品。

【功效】 大苦大寒，純陰純降，達心脾而及腎，三經濕熱盡蠲除，治疥癩與諸瘡，下部火邪都渙散，夢遺精滑，皆緣濕火爲殃，血痢腸紅，並是陽邪作咎，若治黃瘰積聚，宜洩中州，至其逐水殺蟲，流通火腑。

【研究】 苦參苦寒沉降之品，宜入腎臟血分，多服則腰重不能行立，以其降性太過，傷腎傷骨也，非下焦濕火熾盛者，不宜用之，其所以能治風殺蟲，亦熱生風濕生蟲耳，宜用於洗方，丸方中爲佳，若煎方不可多用。元素曰：苦參味苦氣沉，純陰，足少陰腎經君藥也，治本經須用。

能逐濕。蘇頌曰：古今方用治風熱瘡疹最多。丹溪曰：苦參能峻補陰氣，或得之而效，腰重者，因其氣降而不升也，非傷腎之謂也。其治大風有功，况風濕細疹乎。時珍曰：苦參、黃柏之苦寒，皆能補腎，蓋取其苦燥濕、寒除熱也。熱生風，濕生蟲，故又能治風殺蟲。惟腎水燬而相火勝者，用之相宜。若脾胃虛而飲食少，肝腎虛而火衰精冷，真元不足，及年高之人，不可用也。

黃宮繡曰：苦參止屬除濕導熱之品，於補奚濟。凡味惟甘爲正，惟溫爲補。苦參味等黃柏，寒類大黃，陰似朴硝，極苦極寒，用此殺蟲除風，治水去疽，掃疥治癩，開竅通導，清痢解毒，則云有益。若謂於腎有補，亦不過從濕除熱祛之後而言，豈真有補腎益陰之功哉。徐靈胎曰：苦參以味爲治，苦入心，寒除火，故苦參專治心經之火，與黃連功用相近，但黃連似去心臟之火爲多，苦參似去心腑小腸之火爲多，則以黃連之氣味清，而苦參之氣味濁也。苦參子殼灰、黑肉黃，味苦性寒，化濕熱，殺蟲，止赤痢，通腸去積滯，搗碎塗皮膚，能爛肉去痣，攻瀉之力，較之大黃有過無不及。其治腸風血痢，皆以其苦燥脾胃之濕，兼泄氣血之熱也。

【實驗】苦參爲健胃劑，入胃能刺激胃神經，增加胃分泌，而促進消化力。入腸能激腸之蠕動，使大便秘排出，一部分由腸壁吸收而入血，能增加血液循環之力。苦參子有消炎殺菌之

力。有單用以治赤痢者。其服法每次服七粒。一日二次。須去硬殼。用仁盛於藥殼內服之。

【禁忌】 雖能洩血中之熱。除濕熱。生蟲爲病。然氣味苦寒。能損腎氣。肝腎虛而無大熱者。勿服。火衰精冷。真元不足。及年高之人。皆不宜服。凡惡寒。腹瀉。體溫低。尿多而清白者。皆當禁忌。孕婦亦忌。苦參子同。

【用量】 苦參自一錢五分至三錢。苦參子自三粒至七粒。

【炮製】 凡使糯米泔浸一夜。其腥穢氣並浮在水面上。須重重淘過。卽蒸半日。曬切用。苦參子去殼用。生研煎。或豆腐皮包吞。

【配合】 苦參片同胡麻仁、刺楸、荊芥、菊花、豨薟、白芷、當歸、川芎、地黃、天冬、何首烏、牛膝、漆葉、秦艽、龍膽草。治大麻風。同牡蠣粉、白朮、青黛。治童子胃熱羸瘦、疳虻。同龍膽草爲末。牛膽汁和丸。梧子大。生大麥湯送服五丸。日三服。治穀疽。由失飢大食。胃氣濕熱。衝葷所致。和玄參、黃連、大黃、獨活、枳殼、防風、黃芩、甘草。治神經性消化不良症。合澤瀉、梔子仁、竹葉。治習慣性便秘。苦參子仁。用桂圓肉包。治血痢極效。以桂圓肉補脾益血。苦參子滌腸去滯。二物性雖相反。同用則相得。而功益著。患血痢者。忌食鴨肉。犯之輒復發。不可不知。

狼毒草（附）狼牙根

【品狀】 毒草類。似商陸及大黃。莖葉上有毛。花黃色。開於八九月。根皮黃肉白。以實重者爲良。輕者爲劣。此六陳之一也。產東魯泰山等處。石頑曰。狼毒與防葵相類。置水沉者爲狼毒。浮者卽防葵也。

【性味】 狼毒味辛苦。性平。有毒。大豆爲之使。畏密陀僧。

【歸經】 狼毒入肝脾二經。爲破積殺蟲逐痰行血之品。

【功效】 辛平苦毒。破僻積。治蠱消痰。陰蝕蟲瘡。有狼牙煎薰洗滌。

【研究】 狼毒辛苦平。大毒。雖有破積殺蟲逐痰行血之功。然畢竟非內服之品。止可外治蟲癬等證。或洗或搽可也。狼牙苦寒大毒。其根形如牙。本經雖有除熱殺蟲諸功。然亦如狼毒之外用。不宜內服也。石頑曰。狼毒大毒。非恆用之品。本經治欬逆上氣。惟質實氣壯。暴欬者宜之。又能破積聚飲食。寒熱水氣。以其迅利也。性能殺飛鳥走獸。其治惡瘡疽。蝕蠱毒。所不待言。

【禁忌】 體虛久病。禁內服。二種同。

【用量】 內服自八分至一錢五分。二種同。外用不等。

【炮製】 用根選陳者醋炒用二種同。

【配合】 狼毒、同乳香、吳萸、巴豆霜、乾薑、人參、附子蜜丸治九種心痛及連年積冷流注心胸與落馬墮車瘀血中惡等症。同秦艽等分爲末治惡疾風瘡。

使君子

【品狀】 常綠蔓生植物木質長二丈許葉長卵形對生花軸生於莖頂及葉腋着以數花如穗狀爲觀賞用實爲長卵形如榧子有五稜角兩頭尖果皮茶褐色薄而脆弱內白色藏有油氣之種子產福建廣東四川等處。

【成分】 含油脂、糖酸、纖維等。

【性味】 味甘性溫無毒。

【歸經】 入脾胃二經爲消積殺蟲之品。

【功效】 入脾胃用則治蟲治疳味甘溫服則或生或熟。

【研究】 使君子味甘性溫氣香質潤雖爲殺蟲之藥而益脾胃斂虛熱凡小兒一切蟲疳等證皆可用之。時珍曰凡殺蟲藥多是苦辛惟使君子甘而殺蟲不傷脾胃凡大人小兒有蟲

病。每月上旬。蟲口向上。侵晨空腹。但食使君子仁數枚。或以殼煎湯咽下。或爲末肥湯送服。次日蟲從大便出也。或云。七生七煨。食亦良。忌飲熱茶。犯之卽瀉。凡蟲皆脾胃虛弱。飲食停滯而生。此物甘溫。既能殺蟲。又益脾胃。所以能斂虛熱而止瀉痢。爲小兒蟲積上藥。俗醫乃謂殺蟲至盡。無以消食。鄙俚之言。樹有蠹。屋有蟻。國有盜。福耶禍耶。可以知矣。

【實驗】 此爲殺蟲劑。入胃後。稍能促進胃腑之蠕動。至腸與蛔蟲相遇。能殺斃。而由大便驅出。若服大量。則惹起腸胃精膜炎。入血中。能使血減低。

【禁忌】 陳久者。油黑不可用。忌飲熱茶。犯之卽瀉。急性胃炎。急性腸炎。均忌用。

【用量】 自八分至一錢五分。

【炮製】 去殼用仁。生用或炒用。各隨方法。

【配合】 同蘆薈、蕪荑、滑石、麥芽、厚朴、橘皮。治一切疳疾蛔蟲。同蘆薈等分爲末。米飲服一錢。治小兒脾疳。獨用一兩。以蜜五錢。炙盡爲末。每食後。米湯服一錢。治小兒虛腫。頭面陰囊俱浮。

榧子

【品狀】 產江西河南等省。種子殼色紫褐，其仁黃色，被有黑色之薄皮。

【成分】 爲揮發油及單寧酸。

【性味】 味甘澆，性微溫。

【歸經】 入肺大腸二經，爲殺蟲潤肺之品。

【功效】 功可殺蟲潤肺，性屬味甘氣溫。

【研究】 榧子肺家果也，味甘平微溫，質潤，善殺蟲，能潤肺，多食滑大腸。如因蟲蝕肺臟，欬嗽，或蟲蝕於肝，致成痔漏諸證，皆可用之。凡殺蟲藥皆苦，惟此與使君子皆甘潤，不傷脾胃耳。

石頑曰：榧子性溫散氣，故能去腹中邪氣三蟲諸疾。火炒食之，引火入肺，多食則大腸受傷，小兒黃瘦，有蟲積者宜食。

【禁忌】 榧子反綠豆，能殺人，性溫，同鵝肉食，則生斷節風。

【用量】 自一錢至二錢。

【炮製】 去殼用仁，生用或炒用，各隨方法。

【配合】 同蘇莢、杏仁、蜜丸含嚥，治咽痛癢，語言不出。同胡桃肉、側柏葉搗末，浸雪水，梳頭。

髮永不落且光潤。

大風子

【品狀】大風子狀如椰子而圓，外皮硬固作木質狀，被有鬚毛，果皮中有核數十枚，如雷丸子，中有仁白色，久則黃而油，不堪入藥。

【成分】主要素爲 Gynocardin acid ($C_{14}H_{24}O_2$) 20% 餘爲蛋白、脂油。

【性味】味辛性熱，有毒，稟火金之氣而生。

【歸經】入肝、脾、胃三經，爲祛風殺蟲之品。

【功效】有殺蟲劫毒之功能，味辛性熱，爲搽癬塗瘡之要藥，燥濕除風。

【研究】大風子辛燥有毒，雖有祛風殺蟲之功，然外治卻有奇效，總非內服之品耳。丹溪曰：粗工治大風病，佐以大風油，殊不知此物性熱，有燥痰之功，而傷血特甚，至有病將愈而先失明者。時珍曰：大風油有殺蟲劫病之功，然不可多服，用之外塗，其功不可沒也。

【實驗】此爲殺蟲劑，在胃中與胃液起作用，而將 Gynocardin acid 分出，至腸由腸壁而吸入血中，使癩菌相遇而致死之外，用亦有同樣功用，內服最易刺激胃粘膜炎，使胃液分泌。

驟增若久服之則易起腸胃炎。

【禁忌】 性熱而燥傷血損陰不可多服用之外治爲外科之要藥凡有胃腸炎者禁用。

【用量】 內服自一錢至二錢外用隨意。

【炮製】 去殼用仁製油法用仁白淨者二斤（黃色而油者不用）研極爛瓷器盛之封口入滾湯中蓋鍋密封勿令透氣文武火煎至黑色如膏名大風油可以和藥。

【配合】 大麻風丸大胡麻小胡麻白蒺藜各二十兩牛膝薏米續斷各四兩防風荊芥各八兩當歸蒼朮各六兩苦參十六兩共研細末水泛爲丸毛尖茶下每早午晚各一服每服三錢或二錢另加楓子膏法以大風子去殼銅鍋炒至三分紅色七分黑色太過無力不及傷目炒後研膏入紅糖等分熬四五滾倒紙上放地上出火氣每丸藥一錢春秋用膏八釐夏六釐冬一分同吞服。獨用燒存性和麻油輕粉研塗楊梅惡瘡仍以殼煎湯洗之。同木鼈子仁輕粉硫黃爲末治風刺赤鼻用口唾夜夜調塗之。合川連防風木瓜白芍桂枝胡麻治癩風同輕粉阿仙藥赤豆黃柏治癩病。

雷丸

殺蟲之劑 大風子 雷丸

【品狀】 竹根所生之菌。無苗葉。大如栗。略似豬苓而圓。皮黑肉白。甚堅硬。赤黑者有毒。殺人。本竹餘氣所結。得霹靂而生。故名。二月八月採取。陰乾。產河南陝西湖北等地。

【性味】 味苦性寒。有小毒。稟竹之餘氣。兼得地中陰水之氣。以生氣薄味厚。降也。陰也。枳實、厚朴、芫花爲使。惡葛根。

【歸經】 入肝胃二經。爲殺蟲消積之品。

【功效】 得竹之餘氣。苦寒能清熱殺蟲。感雷而成。苓。陰毒可入肝達胃。

【研究】 雷丸竹之苓也。生於竹下土中。如豬苓茯苓之類。乃竹之餘氣。得天地鬱蒸之氣而成。其形如丸。苦寒有毒。殺蟲辟邪之外。別無所長。其所入。亦不過肝胃而已。別錄曰。作摩膏治小兒百病。逐邪氣惡風汗出。除皮中熱結。積蟲毒。白蟲寸白。自出。不止。久服令人陰痿。石頑曰。本經稱其利丈夫。別錄云。久服陰痿。似乎相反。不知利者。疎利之也。疎利太過。則閉藏失職。故陰痿也。千金治小兒傷寒。不能服藥。治方中恆用之。取其逐毒氣之功也。黃宮繡曰。雷丸性陰味苦。所以惟利男。不利婦人。亦以婦人屬陰。故於陰物不宜耳。吳氏曰。凡小兒好食肥甘。腸胃類多濕熱蟲積。雷丸苦能殺蟲除濕。寒能清熱消積也。

【禁忌】 除殺蟲外，無他用。不利女子。多服令人陰痿。

【用量】 自一錢至三錢。

【炮製】 竹刀刮去黑皮，甘草水浸一宿，酒拌蒸，或炮。

【配合】 同蕪荑、使君子、蘆薈、五穀蟲、胡黃連、青黛，治小兒疳疔神效。同檳榔、鶴虱、棟根、貫衆、牽牛、錫灰、薤苳根，殺腸胃一切蟲。

蕪荑

【品狀】 時珍曰：蕪荑有大小二種，小者卽榆莢也。採取仁，醃爲醬，味尤辛。人多以外物相和，不可不擇去之。入藥皆用大蕪荑，別有種，蘇頌曰：產太原者良。大抵榆類而差小，其實亦早成。比榆乃大，氣臭。張氏曰：蕪荑其樹類榆，結實似榆莢，一名榎樹，蕪荑卽其子也。

【性味】 味辛，性平，無毒。

【歸經】 入肺、大腸二經，爲殺蟲除垢之品。

【功效】 治肺經蟲積，疳勞，辛平無毒。去子臟風邪垢膩，洗服均良。

【研究】 蕪荑辛平，羶臭，入肺與大腸，專殺諸蟲，除一切鬱熱垢膩，以杜其生蟲之源耳。別

錄曰：逐寸白散腸中噤噤喘急。蜀本曰：主積冷氣、心腹癢痛、除肌膚節中風淫淫如蟲行。

大明曰：治腸風痔漏、惡瘡疥癬。李珣曰：殺蟲止痛、治婦人子宮風虛、孩子疳瀉冷利、得訶子

豆蔻良。石頑曰：千金治婦人經帶崩淋之病。每同澤蘭、厚朴、藜蘆、白芷、細辛、防風、柏仁、石斛

輩用之。取其去子藏中風熱垢膩也。和豬脂搗塗瘡。和蜜治濕癬。及治腹中氣血痰酒諸癖。以

蕪荑仁炒香、兼暖胃活血理氣藥、爲散服之。直指方云：嗜酒人血入於酒爲酒髓、多氣人血

入於氣爲氣髓、虛勞人敗血雜痰爲血髓、搖頭掉尾如蟲之行、上侵人咽、下蝕人肛、或附脇背

或隱胸腹、大則如髓、小則如錢、治法惟當用此煎服、兼用煖胃益氣理中之類、乃可殺之。

【禁忌】 除疳證殺蟲外、他用甚稀。

【用量】 一錢至三錢。

【炮製】 炒用。

【配合】 同肉豆蔻、胡黃連、蘆薈、使君子、青黛、五穀蟲、雷丸、檳榔、橘皮、治小兒疳熱瀉痢、及腹

大羸瘦、面黃好喫泥土。同檳榔等分、生爲末、蒸餅丸、梧子大、每服二十九、白湯下、制殺諸蟲。

同黃連各一兩爲末、豬膽汁七枚、和入盃內、飯上蒸、日蒸一次、九蒸入麝香半錢、湯浸蒸餅。

丸菘豆大。每服五七丸。至二十九丸。米飲下。治疔熱有蟲瘦悴。久服充肌。

藤黃

【品類】屬金絲桃科。爲 *Garcinia hanburii* 之液汁煎煉而成。色黃質硬。能溶於水。原產英國。今安南及朝鮮均產之。

【成分】主要素爲 Gambogic acid $C_{10}H_{13}O_{8.75}\%$ 餘爲膠質及水分。

【性味】味酸辣。性溫。有毒。

【歸經】入肝、胃、大腸三經。爲殺蟲攻毒之品。

【功效】散腫搜膿。性毒烈。殺蟲逐濕。味酸溫。

【研究】藤黃酸濇有毒。能殺蟲。以毒攻毒。皆外治之功。以其酸濇之性。有收束之意。斂極則散。故癰疽瘡瘍。發散藥中。每每用之。張璐曰。藤黃性毒。而能攻毒。故治蟲牙。蛀牙。點之即落。

毒能損骨。傷腎可知。

【實驗】此藥爲瀉下劑。在胃時。能戟刺胃壁神經。使胃液分泌增加。至腸中。則腸粘膜被激。而腸分泌增多。膽汁亦因激增加。腸之蠕動亦驟然迅速。可使積糞急下。若服量過多。則起腸

胃炎甚至腸出血嘔吐腹痛頭昏而死。

【禁忌】 性毒力猛，虛人禁用。

【用量】 內服一二分，外用不等。

【炮製】 內服豆腐羊血煮過用，外科生研細用。

【配合】 同犀角、冰片、麝香、雄黃、阿魏、血竭、兒茶、三七、乳香、沒藥、大黃、竺黃爲末，蜜丸。治跌仆損傷，瘀血內停，筋骨痠痛，肌肉腫脹，甚效。同蓖麻仁等分打和敷癰疽，初起腫痛，立能退消。

阿魏

【品狀】 原產波斯及北印度，多年生草本，高三尺，葉柄扁平，包莖，葉有缺刻，似胡蘿蔔，花小黃色，聚成複繖花蕊，苗葉根莖頗類白芷，根肥大，作圓錐狀，外褐內白色，破其根有漿汁，乾燥之，製爲護謨華爾斯。

【成分】 含樹脂70至71% 護謨20至30% 硫性揮發油0至9%

【性味】 味辛，性溫，氣臭，無毒。

【歸經】 入脾胃二經，爲消結殺蟲之品。

【功效】 化積有功於脾胃。殺蟲獨稟夫辛溫。臭烈難聞。外消多效。

【研究】 阿魏辛溫氣臭。入脾胃消積殺蟲。雖極臭。而又能辟臭。凡口氣腋氣等證。皆可用之。然人之血氣。聞香則順。聞臭則逆。即使內外各方有效。而良藥甚多。亦不必喜功生事也。蕭炳云。阿魏下細蟲極效。汪機曰。解自死牛羊馬肉諸毒。時珍曰。阿魏消肉積。殺小蟲。故能解毒辟邪。治瘡痂疔勞。尸注冷痛諸證。世人治瘡。多用常山砒霜毒物。不知阿魏平易無害。且有效。方用阿魏丹砂各一兩。研勻。米糊丸。皂子大。每空心服一丸。即愈。此方治瘡。以人參湯下。治痢以黃連木香湯下。瘡痢多起於積滯。故爾。

【禁忌】 氣味惡劣。胃薄人聞之即吐。故胃弱易嘔者忌之。脾虛者。雖有積滯。不可輕投。

【用量】 內服三四分。外用不等。

【炮製】 研細用。

【配合】 同煨五靈脂等分。用黃狗膽汁和丸。如黍米大。治瘡塊有積。每服三十丸。忌羊肉醋麵。同麝香、硫黃、蘇合香。貼一切塊。有效。

胡桐淚

【品狀】 綱目云。胡桐似桐不似桑。故名胡桐。蟲食其樹。而汁出下流者。俗名胡桐淚。言似眼淚也。入土得斥鹵之氣。結成如小石片。名石淚。入藥尤勝。出肅州以西。平澤及山谷中。形似黃礬而堅實。

【性味】 味苦鹹。性寒。

【歸經】 入肝、胃、腎三經。爲殺蟲除熱之品。

【功效】 苦能殺蟲。鹹能入骨軟堅。大寒能除熱。治咽喉熱痛。齒齲風疳。骨槽結核。癰癤。

【研究】 胡桐淚。苦鹹大寒。專治咽喉熱痛。齒齲風疳。癰癤結核。緣熱盛於內。上攻口齒。發爲諸病。非此苦味。則蟲莫制。非此鹹味。則堅莫除。非此大寒。則熱莫解。經曰。熱淫於內。治以鹹寒是矣。但性能引吐。不宜多服。

【禁忌】 多服作吐。中寒者忌服。近世都吹搽外用。或漱口。罕入湯劑。

【用量】 內服五六分。外用不等。

【炮製】 研細用。

【配合】 同黃丹等分研末。治走馬牙疳。搽患處。胡桐淚一兩。丹砂五錢。麝香半分爲末。治

牙齒盡黑乃腎虛也。搽之可愈。

木槿皮（附）花 子

【品狀】 綱目云：槿，小木也。可種可插。其木如李。其葉末尖而無極齒。其花小而艷，或白或粉紅。有單葉千葉者。結實輕虛，大如指頭。秋深自裂。其中子如馬兜鈴之仁。種之易生。川產者良。

【性味】 味苦甘，性微寒，無毒。

【歸經】 入心、肝、二經。爲活血殺蟲之品。

【功效】 味苦性涼，雖潤燥和營，內方罕服。質黏色赤，可殺蟲治癬。外用多需。

【研究】 川槿皮皮厚色紅，性極黏滑，味甘苦平，微寒。入心、肝、血分。雖能潤燥活血，治腸風血痢等證，然內服之方甚少。總以殺蟲治癬爲外治耳。石頑曰：槿爲癬科要藥。潤燥活血，川中所產質厚色紅稱勝。而世不易得。土槿皮亦可用之，但力薄耳。其治腸風下血，取其清熱滑利也。其治痢後作渴，餘熱在經，津液不足也。其花以千瓣白者爲勝。陰乾爲末，治反胃吐食。陳糯米湯下二錢，日再服。紅者治腸風血痢，白者治白帶白痢，並焙入藥。子治偏正頭風，燒烟薰患處，并用爲末，酒服一錢七效。

【禁忌】 川槿皮、花、腸滑者禁用。

【用量】 內服川槿皮一錢五分至三錢，花一錢至二錢，外用不等。

【炮製】 槿樹皮、花、生用炙用，各隨方法。

【配合】 川槿皮同大風子仁、半夏、河井水浸，露七宿，加輕粉，以秃筆掃塗，治牛皮癬效。同肥皂煎浸水，磨雄黃，擦癬瘡有蟲。

雄黃

【品狀】 產於火山噴火口之附近，美黃色，或橙黃色，小板狀結晶礦石，屬斜方晶系，半透明之固體，生山之陽，亦如鷄冠，明徹不臭，重三五兩者良，生山之陰者，名雌黃，功用彷彿，劣者名薰黃，燒之則臭，只堪薰瘡疥，殺蟲蝨，產武都者良。

【成分】 爲三硫化砷， As_2S_3

【性味】 味辛苦，性溫，微毒，稟火金之性，得正陽之氣，以成，升也，陽也。

【歸經】 入肝胃二經，爲解毒殺蟲之品，肝經氣分藥，能化血爲水。

【功效】 稟陽精之氣，以生，驅陰破血，具辛熱之功，取效，入胃通肝，辟鬼除邪，化留聚，拔涎之

積殺蟲治疥。塗外傷蟲虺之災。

【研究】 雄黃入肝胃。破瘀血。化痰涎。以其稟純陽之氣。故能辟鬼邪。殺蛇虺。解一切毒耳。

【禁忌】 性溫有毒。外用易見其長。內服難免無害。凡在服餌。中病乃已。毋盡劑也。

【用量】 內服三四分。外用無定量。

【炮製】 忌火煨。醋浸。入菜菔汁煮乾。用生則有毒傷人。

【配合】 同紅藥子、白藥子、白芨、白蘞、乳香、沒藥、冰片。傅一切腫毒癰疽。研細末。入豬膽內。

套指頭上。治天蛇疔毒。發於中指。同蜈蚣、牛角鯁、豬懸蹄甲、猬皮、象牙末、黃蠟、白蠟、白礬。治

通腸漏。同漆葉、苦參、刺蒺藜、白芷、荊芥、天麻、鼈虱、胡麻、半枝蓮、豨薟、百部、天冬。治大麻風。眉

毛脫落。研細。神麴糊丸。空心酒下四五分。日服無間。專消瘡母。同巴豆、鬱金、醋糊丸。治胸

膈氣促。咽喉腫痛。手足厥冷。氣閉不通。同礬石、杏仁、麝香研細。婦人陰中生瘡。傅入效。同

紫背天葵、地膽、甘草。治蛇咬傷。佐銀朱。治梅毒。

砒石（附）礬石

【品狀】 近銅山處有之。惟出信州者佳。故名信石。生者色白。有黃暈。煉過者名砒霜。色白色。

紅者最劣。不堪入藥。燒煉時人在上方十餘丈外。下風近處。草木皆死。鼠雀食少許則斃。貓犬食之即死。人食亦死。

【成分】 爲無水亞砒酸 As_2O_3

【性味】 味辛酸苦。性大熱。大毒。畏菘豆芽。冷茶水。

【歸經】 入肝胃二經。爲劫痰殺蟲之品。

【功效】 熱毒且剛。能燥痰而作吐。辛酸兼苦。可截瘥以除哮。枯痔殺蟲。腐瘡蝕肉。

【研究】 砒石大熱大毒。經火煨爲霜。則其性更烈。雖有內外諸方。皆劫痰之功。用取速效。然總不可浪投。致生禍患。石頑曰。砒霜瘥家常用。入口則吐利兼作。吐後大渴。則與菘豆湯飲之。砒性大毒。誤食必死。然狂癡之病。又所必需。勝金丹用之。無不應者。礬石與砒石相近。性亦相類。但砒石略帶黃暈。礬石全白。稍有分別。除膈間積氣。冷濕風痺。癢癢。生用破人心肝。嚴冬以此置水中。則水不冰。其熱毒之性。不減。砒石。鼠食則斃。蠶食則肥。物類之宜忌。有不可解者。

【實驗】 砒石爲變質劑。服小量。能刺激胃粘膜。使胃液分泌增加。以促進消化之機能。使食

慾加增。至腸。始漸次被腸壁吸入至血中。能令赤血球繁殖迅速。血液之循環增高。若服大量。則惹起腸胃炎。而呈中毒現象。外用有直接防腐殺菌之能。但用之過久。反有釀成腐爛之虞。
【禁忌】 砒石外用殺蟲蝕肉有特效。內服有劫痰之能。然猛烈大毒之品。體虛者切勿輕嘗。中其毒者。生羊血解之。

【用量】 內服一釐至五釐。外用無定量。

【炮製】 醋煮用。或與泛濕生蒸豆仁同研。以殺其毒。

【配合】 白砒、同藜豆、山梔仁、雌黃、急性子、珍珠、琥珀、狗寶、牛黃、冰片研末。治狂病。酌量服用。後少頃。卽上吐下瀉。不吐以肥皂肉搗水灌吐。吐後鐵鏽水頻進六七次。以鎮其神。永不復發。但藥內有砒。大忌燒酒。同淡豆豉等分爲末。用飯研爛和丸。如菜菔子大。治冷哮。每服七粒。神效。紅棗去核。納白砒。髮扎入炭火煨。至烟盡取出。研細粉。治走馬牙疳。久潰不斂。撒上數次。收功。煨白砒、天靈蓋等分研末。搽痔上。七日痔枯自落。合橘皮、甘草。治貧血及久瘡。

水銀

【品狀】 爲流質金屬。狀如珠。色如銀。能反光。無臭亦無味。在常溫度爲液體。零下四十度凝

爲固體。屬等軸晶系。受大熱至三百六十度。則沸騰而化氣。我國山東文定、浙江餘姚等處。均產之。

【成分】 Hg

【性味】 味辛。性寒。有毒。畏磁石、砒霜。

【歸經】 入肝脾二經。爲殺蟲治療之品。

【功效】 其質卽硃砂之液。性極陰寒。其治則蟲蝕成瘡。毒偏重墜。還元返本。當知煅煉之得宜。拯逆扶危。須識配合之有法。

【研究】 水銀用硃砂燒煉而出。沉寒大毒。凡火煅煉。則飛騰靈變。得人氣薰蒸。則入骨鑽筋。絕陽蝕腦。莫此爲甚。其得鉛則凝。得硫則結。銅得之則明。屍得之不腐。然古方拯逆救危。每每與鉛硫並用。取其鎮墜痰涎。還元返本。其功不可盡掩也。外治之法。效驗尤甚。石頑曰。水銀乃至陰之精。質重著而性流利。得鹽礬爲輕粉。加硫黃爲銀硃。同硫黃升鍊爲靈砂。同硝皂等升鍊則爲升降靈藥。深得交通陰陽。既濟水火之妙。本經主疥瘍白禿。皮膚中蝨。及墮胎除熱。外臺治蟲癬疥瘡。均有奇效。

【實驗】 此藥有直接殺滅微菌之功，并能令滲出物吸收，以退局部炎症之效。

【禁忌】 水銀入耳，能蝕人腦至盡，入肉令百節攣縮，倒陰絕陽，人患疥瘡，勿以水銀塗之，性滑重，直入肉，宜謹之，頭瘡切不可用，恐入筋絡，必緩筋骨，百藥不治也，婦人誤服，多致絕孕，惟宜外敷，不宜內服。

【用量】 普通多配合丸散方用，內服約數分，外用無定量。

【炮製】 得鉛則凝，得硫則結，併棗肉入唾研則碎，散失在地者，以花椒末收之。

【配合】 得礬石、丹砂、芒硝、雄黃、黑鉛，入陽城罐內，如法舂煉，名紅粉霜，能止痛生肌，少加冰片研勻，擦廣瘡有效。同大風子、蛇床子、樟腦、輕粉、枯礬、雄黃、胡桃油，治疥癬蟲瘡。

獺肝（附）山獺莖

【品狀】 體略似鼬，頭扁短，眼大，耳圓短，上下唇有剛鬚，尾略扁而尖，有力，四肢短，各五指，趾間有蹼，全體被細長柔毛，夏黑，冬稍赤褐，可製裘，體長三尺，尾長一尺三寸，穴居河濱池畔，知水性為穴，鄉人藉以占旱潦，如鵲巢知風也，晝伏夜出，捕家禽稚羊，能游泳水中，以尾為舵，蹼為櫂，能受教練，使入水捕魚，肝入藥。

【性味】 水獺肝味甘鹹。性溫。有小毒。

【歸經】 入肝胃二經。爲殺蟲辟魅之品。

【功效】 辟魅殺蟲。療傳尸之鬼疰。通肝達胃。性有毒而甘溫。

【研究】 獺肝。獺水之獸也。無甚功用。惟其肝可以療屍注。殺瘵蟲。味甘鹹。性溫。有小毒。蘇

頌云。諸獸肝葉。皆有定數。惟獺肝一月一葉。至十二月有十二葉。未知然否。大抵以血肉之品。

入肝殺蟲辟魅耳。又獺善食魚。故燒灰酒服。治魚骨哽亦效。石頑曰。獺性專嗜魚。魚之生氣。

都聚於肝。是以獺肝專主傳尸瘵。瘵殺蟲之性。與獺之捕魚不殊。如無獺肝。獺爪亦可應用。

按水獺肝治傳尸勞極。虛汗客熱。四肢寒瘡。產勞。及治上氣欬嗽。虛勞嗽病。爲專藥。近世以之。

治肝氣痛。亦甚效。山獺莖。專主陽虛陰痿。精寒。山獺性最淫。山中有此。凡牝獸皆避去。獺無。

偶。則抱木而枯。凡婦女春時入山。獺聞婦人氣。躍來抱合。牢不可脫。因扼殺而取之也。

【禁忌】 水獺肝忌與兔肉同食。

【用量】 水獺肝一錢五分至三錢。

【炮製】 水獺肝生用。山獺莖炙用。

【配合】水獺肝得竹節中水治心腹積聚。得百部治傳尸鬼疰。得沉香治肝氣痛。

天靈蓋

【品狀】人之腦蓋骨也。

【性味】味鹹性溫有小毒。

【歸經】入肝肺二經爲殺蟲治癆之品。

【功效】治肺痿乏力羸瘦骨蒸盜汗傳尸尸疰鬼氣伏連久瘡勞瘡寒熱無時。

【研究】腦爲髓海諸陽之會能辟一切陰邪不正之氣故曰天靈凡人身中氣血安和諸邪不能侵犯陰陽乖戾則屍疰之氣得以乘虛襲入是卽瘵蟲之根氣也若其人平昔陽衰則蟲攻脊脈脊中淫淫作癢隱隱作痛轉側不能自安或時凜凜畏寒或時翕翕發熱手足四末常清脈來弦細乏力非天靈蓋散不能療之若其人素稟陰虛則蟲蝕藏府胸中嘈雜如饑默默不知所苦無處不苦動則時欬時嘔靜則善寐善忘面上忽時烘熱脈多弦緊搏指此屬獺肝丸症非天靈之所宜。

【禁忌】病非傳尸勞瘵勿用。

【用量】 自一錢五分至三錢。

【炮製】 用檀香湯洗過酥炙用。或燒存性用。

【配合】 天靈散方用天靈蓋炙淨三指大一片。赤檳榔三枚。白甘遂、麝香、真安息各三分。阿魏二分。辰砂一分。搗羅爲散。桃枝煎湯。五更調進一服。約人行十里頃。蟲不下。再進一服。天明進第三服。取下蟲物。急擒入油鐺煎之。其蟲嘴黃赤者。可卜病人血氣未艾。治之可愈。青黑白者。血氣已竭。治之難已。然亦得斷傳染之患。凡修合勿令病人知。擇僻淨處。忌鷄犬婦人孝服者見。忌肥鮮及鹽半月。白粥調養漸安。如病人不勝甘遂。阿魏等攻逐。只以天靈蓋香水滌淨。仰置銀缶器內。盛以醇酒。隔水煮一炷香。酒耗旋添。候一炷香足。取酒服之。少頃頭旋臃脹。瘰蟲隨嘔吐出。卽以燼火燎之。將養三日後。取前蓋骨製服如前。蟲盡。卽以蓋骨仍埋舊處。其炙淨細末。并治小兒痘瘡灰白。陷伏不長。煩躁不寧。酒服四五分卽起。然皆不得已而用之。

本草用法研究

第二十二編 麻醉之劑

能鎮神經機能。鈍麻全體知覺。內服大量。其先呈酩酊狀態。其後沉沉酣睡。不省人事。若呼吸中樞或心臟起麻痺。即足致死。

莨菪

【品狀】 生於山地多年生草本。莖高二尺。根橫行於地中。早春其葉萌出。初紫黑。後呈淡綠。長橢圓形。有尖端。互生。花生於葉腋。有花梗。合瓣花冠。鐘狀淡紫色。雄蕊五。與花冠之裂片同。花後結綠色圓果如小石榴。中有子如粟大。青白色。根爲球莖。有彎曲。內白外黃。似薯蕷。人若誤食。則狂亂奔走。故呼爲發狂草。狂奔蕒云。我國各處山谷中產之。五月採子。入藥用。

【成分】 主要素爲亞篤魯必涅 Atropine 歐沃斯吉亞敏 Hyoscyamine 及澱粉等。

【性味】 味苦微辣。性寒。有毒。

【歸經】 入心、肝、胃三經。爲鎮痙鎮痛。提神寧睡之品。

【功效】 療癩狂風癩內痺手足拘攣風牙蟲牙燒薰婦女乳癰爲末醋和敷脫肛陰汗煎洗。

【研究】 莨菪子有毒入療癩狂方用作鎮癩鎮痛藥及其他神經諸病及癩癰等又爲提神寧睡解轉筋縮小便利哮喘咳嗽治風濕但不宜過劑過服則喉燥目眩頭昏如醉酒舌澀不能言而易傷命解此毒用膽礬一分七釐半以水和服待吐 莨菪根苦辛有毒主治與子不殊。

狂犬咬人 莨菪根和鹽日三敷之今人用根治噎膈反胃取其性走以祛胃中留滯之邪噎膈得以暫開虛者誤服爲害不測。

【實驗】 此藥爲麻醉劑入胃後因胃之作用各質皆行分解惟以莨菪精之量爲最大故服後刻許胃分泌神經被激而減少分泌口鼻及鼻咽腔之分泌同時減少此品不特能制止胃液之分泌又能制止腓液分泌至少亦能阻止其 *Eserinum* 及他種藥物而來之腓液增多但不能阻礙 *Secretin* 之作用又能廢止膽囊及迷走神經管轄下之部分之分泌至腸能令腸之蠕動弛緩及制止腸之分泌由腸壁入血中即促進血液之循環使心跳之速率增加迷走神經亦受激而麻痺全身血管收縮汗液及尿亦同時減少如服過量則脈搏速弱瞳孔縮小而死。

【禁忌】 虛弱人禁用。此物性最毒而堅。煮一二日後。猶可生芽。服時慎勿損破。破則令人痰迷心竅。蔽塞神明。

【用量】 五分至一錢。

【炮製】 取子醋炒用。

【配合】 同煨大黃。治赤白下痢。同草烏頭、甘草、五靈脂。治風痺麻痛。合防風、獨活、桂皮、芍藥、櫻皮。治胃潰瘍。佐使君子、白朮、當歸、川貝、半夏、茯苓、陳皮。治鴉片中毒。同防風、黃耆、白朮、歸身、甘草。治肺結核盜汗。

風茄花

【品狀】 春生夏長。獨莖直上。高四五尺。生不旁引。綠莖碧葉。葉如茄葉。八月生合瓣大花。色白。呈漏斗形。有五尖起。其裂片排列如摺襞狀。朝開夜合。果實卵圓形。外面有刺甚多。成熟則裂開。種子含麻醉之毒質。花葉亦有毒。八月採花。九月採實。均入藥用。原產歐羅巴。印度。今我國之甘肅、西藏、貴州、均產之。

【成分】 花含菲沃斯却明及打都仁精。葉含亞兒迦路特。

【性味】 味辛。性溫。有毒。

【歸經】 入肺經。爲去癩着。治寒哮之品。

【功效】 服食如麻。可止瘡瘍疼痛。辛溫大毒。能宣癩着寒哮。

【研究】 風茄花。一名曼陀羅花。味辛性溫。入肺有大毒。主治大風頑癩。一切諸痛。研末熱酒沖服五分。令人發麻。昏昏如醉。割瘡火灸。不知痛也。按寒濕脚氣。可煎湯洗之。將花去蕊。取淨瓣切細。作捲烟燃吸之。治寒哮甚效。子功用相同。

【實驗】 入胃後。略能激胃壁神經。稍使麻醉之。至腸。被吸收而至血中。與血液極不起變化。其功效最著者。卽由末梢神經受激而傳達腦神經。使腦部受激。而將全身血管收縮。心跳增速。全身分泌減少。瞳孔亦隨而縮小。同時腸蠕動亦被激而加增。若服大量。則心跳弛緩。血壓減低而死。

【禁忌】 虛弱人禁用。

【用量】 三分至五分。

【炮製】 生用。炙用均可。

【配合】 同天麻、全蝎、南星、丹砂、乳香。治小兒慢驚。同草烏頭、白芷、當歸、川芎。治老年哮喘。

鬧羊花

【品狀】 野生灌木，幹高六尺，葉長卵形，長約二寸半，枝葉多毛。初夏先葉開漏斗狀黃花，有花柄，長約八分，較杜鵑花爲大，爲極短之總狀花蕊，花瓣結合，蕊開孔，果實爲乾果，殼似連翹，仁似芝麻，其根似鐵，羊食其葉，躑躅而死，故名。牛亦不可食，俗名牛顛花。

【成分】 含海嘔夏民精及海瀉鮮精。

【性味】 味辛，性溫，有臭氣，惡諸石及麴。

【歸經】 入肝脾二經，爲祛風寒、祛痺痛之品。

【功效】 痺痛風寒須審用，辛溫毒烈勿輕投。

【研究】 鬧羊花辛溫有大毒，主治功用與風茄花相似，雖古方治風痺癱瘓等疾，浸酒方中偶用之，然每每功未見而禍隨之，豈可妄用乎？石頑曰：鬧羊花治中風癱瘓，性祛風寒濕邪，故可治諸痺惡毒，用其毒以攻毒也，然須量病人虛實而用。

【實驗】 作用與萇蓉同，惟較緩弱，而有效時期亦較短促。

【禁忌】不可近眼。令人昏翳。中其毒者。以菘豆解之。

【用量】內服三四分。外用塗敷無定量。

【炮製】酒浸焙。或醋拌。童便浸。各隨方法。

【配合】同天南星。搗餅蒸爲丸。治風痰注痛。同薄荷、藿香、羌活、牛蒡子、茯神、生地。治神經痛。同辰砂、木香、桔梗、黃芪、遠志、山藥、防風、柏子仁。治失眠症。

木鼈子(附)番木鼈

【品狀】湖廣產。蔓類。歲一枯。但根不死。春生苗作藤。生葉五極。類山藥。又似葡萄。青色而光。四月開黃花。六月結實。似括蕪而大。生青熟紅黃。肉上有嫩刺。每實有核三四十枚。形扁大如棋子。作髓及瓣狀。仁作青綠色。

【成分】主要者爲脂肪油外。含有沙波寧。

【性味】味苦性寒。有毒。

【歸經】入肝脾二經。爲追風毒。散血熱之品。

【功效】苦寒有毒。外治爲多。散血熱以消癰。追風毒而達絡。塞鼻則拳毛頓起。吹耳則痘眼

能移點痛痔而卽平。搽火瘡而立效。

【研究】木髓子有番土二種。皆屬苦寒。而番者爲尤甚。其寒毒之性。服之使人筋脈拘急。身體振動。眩暈之藥。不可妄投。或風毒竄入經絡。或癰疽欲其解散。必須配製得宜。酌量多寡。而用。土木髓雖能治疔積痞塊。黃瘰等症。究竟二髓長於外治。非服食所宜也。石頑曰。有殼者曰土髓。去殼搗爛。帛裏塞鼻。起倒睫拳毛。又爲末。唾調。貼痔瘡。七日卽消。一切癰腫。醋磨塗之。無殼者曰番髓。治熱病喉痺作痛。

【實驗】番木髓爲麻醉劑。入胃時。無甚變化。至腸能刺激腸壁神經。使腸之蠕動增劇。而令大便秘結。一部分仍由大便排出。一部由腸壁吸入而達血中。略能阻止血球氮化。及排出二氮化炭之功。然最顯著之作用。卽由神經而傳達腦部。使腦神經特別興奮。且能延長數日之久。若服大量。則腦神經反被麻醉。全身血液因氮分而停止流動。甚至由呼吸弛緩。四肢癱瘓而死。

【禁忌】凡病人氣血虛弱。脾胃不實者。慎勿用之。

【用量】內服三四分。外用無定量。

【炮製】 生用。磨汁用。炙用。各隨方法。

【配合】 土木髓同當歸、甘草、大黃、穿山甲、殭蠶、黑牽牛、治魚口便毒、騎馬癰橫痃、未成膿者。番木髓、同青木香、山豆根等分爲末、吹喉痺作痛。同薄荷、麝香、冰片、丁香、肉豆蔻、治神經衰弱症。同菸葉、樟腦、砂仁、黨參、甘草、治腦貧血。

鴉片（附）罌粟殼 罌粟子

【品狀】 葉有缺刻、及鋸齒、平滑、抱莖、花芽常下垂、初夏開花、四瓣大而美、果成壺狀、未熟時採乳狀白汁製阿片、其質如罌、其子如粟、故名罌粟。

【成分】 鴉片主要成分爲嗎啡。

【性味】 味苦、性熱、有毒、忌酸醋、血、又忌葱、蒜、漿水。

【歸經】 入肺、腎二經、爲斂氣、瀉精、固脫、止痛之品。

【功效】 澀精、止利、虛邪、氣痛、立時瘳、醒睡、助陽、毒烈、苦酸、頃刻效。

【研究】 鴉片大苦大熱、其毒熱之性、竟與花殼不同、此物止瀉痢、壯元陽、通氣血、卻有神效。罌粟殼、味酸澹、性微寒、入肺、大腸、肝、腎等處、以固澹爲用、劫痰嗽、止下利、固遺精、然酸收大

緊最易令人嘔逆。子甘寒。行風氣。逐邪熱。治反胃。胸中痰滯。并治瀉利潤燥。和竹瀝煮粥食極美。

【實驗】鴉片爲麻醉劑。入胃時。能刺激胃壁神經。令人發嘔。旋即被麻醉。疼餓等知覺。均行消失。胃分泌亦減少。至腸亦能刺激腸壁神經。使腸壁失去知覺。同時分泌減少。蠕動遲緩。由腸壁次第吸入血中。已成爲 Oxymorphine $C_{17}H_{19}NO$ 。由末梢神經而達腦部。腦迴先受其激。旋即被阻。蓋由 Oxymorphine 直接行於腦血中。非自腦中之神經所致。其激腦功程所顯之狀。如令人感情隆重。志願暢達。幻想異常。敏銳過人。同時亦雜有紊亂之思想。性慾亦異常亢進。若服大量。或服時過久。竟能令大腦完全麻醉。全身知覺咸失。心跳緩慢。呼吸促迫而死。

【禁忌】肺腎虛。大腸滑者宜之。若風寒欬嗽。瀉痢初起。有邪火者。勿誤用。三種同。

【用量】鴉片五釐。粟殼粟米一錢至三錢。

【炮製】鴉片生用。或燒灰用。粟殼粟米生用。或炒用。

【配合】鴉片同黃連、木香、白朮。治赤白痢。同安息香、冰片、大茴香。治胃粘膜炎。同肉桂、

丁香、良薑、甘草、治腸結核。粟殼同烏梅、治久咳虛嗽。粟米同人參、山芋、生薑、鹽、治反胃吐食。

煙草

【品狀】一年生草。春時栽植。高三尺許。葉無柄。作水浪式。長尺許。如菸菜而大。如蓼而不相對。排列短穗狀。夏秋間起莖。挺生如葵。高者至六尺。開花淡紅。或黃色。成漏斗狀。五裂之合瓣花。長及寸。莖與葉俱有微毛。毛頭有粘液腺。在頂上數葉曰蓋露。味最美。遞下味遞減。產安徽河南等省。

【成分】為植物鹽基。名尼古丁。Nicotin。為烟草精。名尼可却丁。Nicotiotin。

【性味】味辛。性溫。有毒。

【歸經】入肺胃二經。為通氣消食之品。

【功效】宣陽氣。行經。治山嵐瘴氣。寒濕陰邪。辟穢殺蟲。

【研究】菸草其氣入口。頃刻而周一身。令人通體俱快。用以代酒代茗。終身不厭。然火氣薰灼。耗血損年。衛生者遠之。

【實驗】此物一入胃中，即與胃液起作用，使尼古丁完全分出，次第被腸粘膜吸收而入血中。同時有刺激腸粘膜神經之功，使腸之蠕動加速，分泌增多。尼古丁自被吸收而入血中，即能抑止血球之氯化，又可癱癱組織中之原形質，使不能由氯化血色素中吸取氮素，致使吸入所成之氯化血色素用去者極少。於是大腦神經即被激而興奮，如吸入或服用時間稍久，則反呈衰弱現象，甚由全身失去知覺而死。

【禁忌】陰虛火盛者忌之。

【用量】內服四五分，燃吸及外用，無定量。

【炮製】焙用。

【配合】同木香、大蒜、半夏，治久嗽哮喘。同蘭葉、乳香、燒烟吸入，治老年哮喘。

參考用書

新本草綱目

實驗化學

新本草

新中藥

實驗藥物學

藥性大辭典

本草綱目

本草經疏

本經逢原

本草求真

徐靈胎本草百種

張葉陳三家本草

本草備要

本草從新

本草輯要

本草分經

本草十劑分類

本經新注

飲片新參等

本草用法研究索引

二畫

丁香 一九七

九香蟲 五五六

九轉靈砂丹 八七六

人牙 六五七

人乳 三九三

人胞 八五六

人參 八〇七

人蛆 七七七

人溺 四九六

人髮 六五七

人中白 四九六

人中黃 四九四

刀豆子 五三五

三畫

千金子 六五

土茯苓 三五五

土牛膝根 八六

土青木香 五二八

大青 四二六

大麥 七〇七

大戟 五

大棗 八三九

大黃 五〇

大蒜 三三〇

大薊 五八一

大生地 七四二

大風子 九三三

大腹皮 三五九

女貞子 七五七

小青 四二六

小粉 七五九

山慈菇	山梔子	山茶花	山菜萸	山查核	山豆根	山羊血	山藥	山查	山奈	小生地	小蘗	小麥
四二六	四六〇	六〇九	八九八	七四	四二	六三二	八二九	七四	一八六	七四二	五八一	七五九

四畫

五加根皮	五靈脂	五倍子	五味子	丹參	丹皮	川草薺	川石斛	川木香	川椒	山獼莖
二九四	六三四	九〇三	八八四	五七〇	四四四	三二九	七五一	五〇一	二〇四	九四七

天門冬	天花粉	天竺黃	天竺子	天仙藤	天雄	天麻	升麻	化州橘紅	六神麴	六月霜	六月雪	井底泥
七三四	三六九	六九〇	八八四	一一一	一七五	一六一	七九	五三八	七二〇	二四三	二四三	四八八

天南星	六六八
天將殼	五二八
天精草	八三七
天靈蓋	九九九
太子參	八〇七
巴豆	六六
巴戟天	七七九
文蛤殼	六九七
木瓜	三〇四
木香	五〇一
木通	三三三
木石斛	七五一
木防己	三三四

木芙蓉	四六九
木賊草	一〇七
木槿子	九四一
木槿皮	九四一
木槿花	九四一
木鼈子	九五六
木芙蓉花	四六九
水蛭	六四五
水銀	九四五
火硝	二二七
火麻仁	三七四
牛肉	三九三
牛血	四七七

牛尿	四七七
牛乳	三九三
牛黃	四七七
牛膝	二八三
牛糞	四七七
牛膽	三九三
牛鬚	四七七
牛角腮	三九三
牛骨髓	三九三
牛蒡子	三四
牛蒡根葉	三四
王不留行	五九七

五畫

仙茅	七六一
代代花	五五一
代代橘	五五一
代赭石	五五九
冬朮	八二四
冬瓜	三四九
冬瓜子	三四九
冬瓜皮	三四九
冬青子	七五七
冬葵子	三七三
冬蟲夏草	七五六
功勞子	七五七

功勞葉	七五七
北沙參	七二九
北秫米	七六一
半夏	六六二
半夏麴	七二〇
古文錢	六四七
叩頭蟲	六四一
玄參	七四七
玄明粉	七四
玄精石	七二二
玉竹	七三三
玉簪根	六二
瓜蒌	三六九

四

瓦楞子	六九九
甘草	八二〇
甘遂	五七
甘蔗	三八八
甘藷	八二九
甘松香	一八五
甘草梢	八二〇
甘草節	八二〇
甘草頭	八二〇
甘菊花	一五七
生薑	二二四
生薑汁	二二四
生薑皮	二二四

田螺 四八六

白朮 八二四

白芨 五九一

白芷 一九

白前 五二七

白薇 四三五

白礬 九七

白薇 四三八

白丁香 八〇二

白石英 二三五

白芍藥 四三九

白豆蔻 一八八

白花蛇 一四二

白芥子 六七九

白附子 二二五

白茅根 四三〇

白馬溺 六九九

白殘花 二四二

白蕊花 一八八

白蕊殼 一八八

白頭翁 四三四

白檀香 五三三

白殭蠶 一五一

白霜梅 八九五

白藥子 四四八

白蘚皮 二八〇

石灰 六五〇

石韋 三四四

石斛 七五一

石膏 二七〇

石燕 四九〇

石蟹 四九〇

石決明 一六八

石楠葉 一三〇

石榴皮 八九三

石榴花 八九三

石榴根 八九三

石蓮子 二六七

石鐘乳 五六一

六畫

伏龍肝	六五二
冰片	一三三
冰糖	三八八
合歡子	八七〇
合歡皮	八七〇
合歡花	八七〇
地榆	五八五
地漿	六五一
地骨皮	二五一
地站蟻	七二二
地膚子	三三四

安息香	六九四
戍腹糧	七〇七
朴硝	七四
百合	七五四
百部	九三三
百草霜	六五五
百藥煎	九〇三
竹茹	二五五
竹瀝	六九二
竹葉地丁	四二四
米泔	八三五
羊	八五二
羊血	八五二

羊肝	八五二
羊乳	八五二
羊胎	八五二
羊膽	八五二
羊鬚	八五二
羊內腎	八五二
羊外腎	八五二
羊脛骨	八五二
肉桂	二一〇
肉豆蔻	一九五
肉蓯蓉	三六七
自然銅	六四七
艾葉	一七九

血竭 六三三

西瓜 二六〇

西瓜霜 二六〇

西河柳 四〇

西洋參 七二九

西瓜翠衣 二六〇

西藏青果 六八八

西藏紅花 五七六

七畫

伽楠香 五三〇

何首烏 八三一

佛手 五四八

佛手花 五四八

吳茱萸 二〇二

呂宋果 六八八

延胡索 六〇五

旱蓮草 七四九

杉木 三〇三

杏仁 六八三

杜仲 二九六

決明子 一二二

沉香 五三〇

沉香麴 七二〇

沒藥 六二二

沒石子 九〇三

沙苑蒺藜 七五五

牡蠣 九二二

牡鼠糞 四八四

皂角 九〇

皂刺 九〇

皂角子 九〇

芎藭 五〇四

芒硝 七四

豆卷 二九二

貝母 六七〇

赤小豆 三四八

赤石脂 九二六

赤芍藥 四三九

赤檉柳

四〇

車前子

三三

辛夷花

二七

防己

三四

防風

五

八畫

乳香

六九

佩蘭

二二六

佩蘭梗

二二六

使君子

九二九

兒茶

九〇五

刺猬皮

六三

刺蒺藜

二三

卷柏

六〇

夜交藤

八三

夜明砂

六六

官桂

二〇

於朮

八四

昆布

六七

明黨參

八七

柿

三六

柿蒂

三六

柿霜

三六

東洋參

八〇

東壁土

六五

杵頭糠

七七

松子

三〇〇

松花

三〇〇

松香

三〇〇

松葉

三〇〇

松節

三〇〇

板藍根

四七

枇杷

五二

枇杷葉

五二

油當歸

五六

狗脊

二八一

狗蠟

八〇〇

狗寶

八〇〇

玫瑰花	五三	金	一七〇	青蒿	二三七
知母	二四六	金汁	四九四	青黛	四二七
空青	九六	金果欖	六八八	青鹽	四九二
羌活	一二	金精石	一七〇	青連翹	四一九
茨實	九〇八	金銀子	二四〇	青葱管	四四
芫花	五九	金銀花	二四〇	青箱子	二一〇
芫荽	四二	金銀藤	二四〇	青蒿子	二三七
芫荽子	四二	金橘皮	五五一	青蒿梗	二三七
芭蕉根	四七	金櫻子	八八九	青蒿蠹蟲	二三七
花蕊石	六五〇	阿膠	三九〇	青鹽陳皮	五三六
虎肚	一三九	阿魏	九三六		
虎骨	一三九	附子	一七五		
虎睛	一三九	青皮	五四二		
				前胡	二五

九畫

南沙參

七九

南燭子

八八四

厚朴

五三四

厚朴花

五三四

威靈仙

一〇一

孩兒參

八〇七

建神麴

七二〇

急性子

六〇

枳殼

五四四

枳實

五四四

枳棋子

三八三

枸橘

五五一

枸杞子

八三七

柏子仁

八六五

柴胡

二六

洋蟲

六四一

炮薑

二二六

玳瑁

七六六

珊瑚

八七六

珍珠母

一六八

省頭草、

二二六

砒石

九四三

禹餘糧

九一九

秋石

四九六

秋霜

四九六

秋露

四九六

穿山甲

六三六

紅花

五七八

紅棗

八三九

紅麴

六二八

紅豆蔻

一八一

紅花子

五七八

紅梅花

八九五

紅月季花

五三三

胡桃

五五三

胡椒

二〇六

胡桐淚

九三九

胡麻子

三七六

胡黃連

四〇七

苦參 九四

苦丁茶 二七

苦甘草 八二〇

苦參子 九二四

苦楝子 四六三

苦楝根皮 四六三

苧麻根 四九

范製麴 七〇

茅朮 二七五

茅花 四三〇

郁李仁 三六二

降真香 六三四

韭子 七九〇

韭汁 七九〇

韭菜 七九〇

韭根鬚 七九〇

香附 五〇七

香蕉 四二七

香薷 二三一

香圓皮 五四九

風茄花 九五三

食鹽 四九二

十畫

亳三七 六〇〇

夏枯草 二四四

射干 四三

桂心 二一〇

桂枝 三八

桃仁 六五

桃花 六五

桃葉 六五

桑子 四六六

桑枝 四六六

桑葉 四六六

桑寄生 二九九

桑螺蛸 九二〇

桑蠶蟲 一五三

桑根白皮 四六六

海桐皮	海金砂	海狗腎	海藻	海龍	海蛇	海帶	海參	海馬	海粉	浮萍	浮麥	桔梗							
二九三	三三六	七九八	六七七	七九八	六七七	六七七	八五五	七九八	六七七	一八	七五九	三六							
益母草	珠兒參	狼毒草	狼牙根	烏賊骨	烏梢蛇	烏骨雞	烏藥	烏頭	烏魚	烏梅	海蛤殼	海浮石							
五八七	七九	九二八	九二八	九二四	一四二	八四六	五二七	一七五	三六〇	八九五	六九七	七〇〇							
茜草根	荔枝殼	荔枝核	脂麻花	胭脂	粉萆薢	粉沙參	秦椒	秦芫	秦皮	眞珠母	眞珠	益智仁							
五七六	二〇九	二〇九	三七六	五七八	三九	七九	二〇四	一三	四七〇	八七六	八七六	一九三							

茯苓 三五二

草豆蔻 一九〇

馬蘭子 五九四

茯神 三五二

蚌殼 六九七

馬蘭花 五九四

茴香 一九九

虬蟲 七二七

骨碎補 一二二

茵陳梗 三四二

蚤休 四五〇

高良薑 一八一

茵陳蒿 三四一

酒 六二九

鬼箭羽 二二九

茶葉 二五七

釜臍墨 六五五

茺蔚子 五八七

針砂 七三三

十一畫

荆芥 二九

馬勃 四五五

乾漆 六二二

荆瀝 六九二

馬寶 六九九

乾薑 二二六

荆三稜 六〇一

馬蘭 五八三

乾地黃 七四一

草果 一八七

馬兜鈴 五二八

乾蘆根 二五三

草烏 一一三

馬齒莧 五九四

側柏葉 六二〇

草大戟 五五

馬鞭草 五九四

剪草 五七六

參子	八〇七
參條	八〇七
參葉	八〇七
參蘆	八〇七
參鬚	八〇七
參三七	六〇〇
參貝陳皮	五三六
商陸	五三
密陀僧	七〇四
密蒙花	一六三
常山	八二
敗醬	五九三
旋覆花	五二

旋覆梗葉	五二
晚蠶砂	一五一
梁上塵	六五五
淡菜	八五五
淡竹葉	二五五
淡豆豉	四三
淫羊藿	七七七
清風藤	一〇九
牽牛子	六三
甜瓜	三四九
甜瓜蒂	八八
甜杏仁	六八三
畢澄茄	二〇八

硃砂	八七六
礞砂	七三三
紫草	五七四
紫參	五七〇
紫菀	五二二
紫檀	六四
紫蘇	七
紫石英	二三五
紫沙糖	三八八
紫貝齒	一六八
紫草茸	五七四
紫荊皮	六〇七
紫葳花	五九九

紫花地丁

四四

蛀竹屑

六九〇

鹿肉

七九三

細辛

一五

蛇蛻

一四五

鹿角

七九三

羚羊角

一六六

蛇床子

二九〇

鹿胎

七九三

荷梗

二六七

貫衆

四三二

鹿茸

七九三

荷葉

二六七

通草

三七

鹿筋

七九三

荷蒂

二六七

連翹

四一九

鹿角膠

七九三

荸薺

六八一

野鴨

七六三

鹿角霜

七九三

荸薺粉

六八一

野菊花

一五七

麥芽

七〇七

荸薺苗梗

六八一

野薔薇花

二四二

麥冬心

二四八

萹苈

九五二

陳倉米

七〇七

麥門冬

二四八

莪朮

六〇三

雀卵

八〇二

麻黃

二

蚯蚓

四八八

雪

四九六

蚯蚓泥

四八八

魚鱗膠

八五五

寒水石	二七〇
寒食麴	七二〇
斑貓	七七
梨	三八四
棕櫚皮	九〇一
棗兒檳榔	七一
椒目	二〇四
款冬花	五二五
犀角	四七四
猴棗	八三九
琥珀	八七一
番木鱉	九五六
硫黃	二二三

絡石藤	一〇八
絲瓜子	二六二
絲瓜絡	二六二
絲瓜葉	二六二
絲瓜藤	二六二
絳通草	三二七
菖蒲	六七四
菟絲子	七六二
菰米	七六一
草薺	三三九
萊菔子	七二二
萊菔根	七二二
萊菔苗葉	七二二

蛤蚧	五五四
蛤蜊殼	六九七
補骨脂	七六六
訶子	八九〇
象牙	四八三
象皮	四八三
象膽	四八三
象貝母	六七〇
酥油	三九三
陽起石	八〇五
陽春砂仁	一九一
雄黃	九四二
雄蠶蛾	一五一

雲母石、 八五八

黃土 六五一

黃芩 四〇九

黃芪 八二六

黃柏 四五六

黃連 四〇一

黃精 八一六

黃明膠 四七七

黃狗腎 八〇〇

黃藥子 四四八

黑大豆 一六五

黑脂麻莖 三七六

十三畫

椿根皮 九〇〇

楊梅 八九五

楓香脂 六二九

榆白皮 三八〇

滑石 三六四

煙草 九六〇

煙膠 六五五

當歸 五六六

硼砂 九三

粳米 八三五

菖蓄 三三九

落得打 五九六

葛花 三

葛根 三

葫蘆巴 七八九

葫蘆殼 三四九

葱汁 四

葱白頭 四

葶藶子 六

蜀漆 八

蜂蜜 三九六

蜈蚣 一四七

鉛 五五七

鉛丹 五五七

鉛粉 五五七

鉤藤鉤

一六〇

綠礬

七三五

輕粉

三三三

零餘子

八二九

綠豆衣

二六三

遠志

八六七

雷丸

九三三

綠萼梅花

八九五

酸棗仁

八六三

十四畫

榧子

九三〇

蓖麻子

一二六

銀硃

三三三

槐花

四七一

蒼朮

二七五

銀柴胡

二六

槐角

四七一

蒼耳子

一〇五

銀精石

一七〇

漏蘆

四五一

蒼耳莖葉

一〇五

銅青

九九

漢防己

三三四

蒼耳蠹蟲

一〇五

飴糖

八三五

熊膽

四八〇

蛻螂

七二〇

鳳仙子

六〇

綠豆

二六三

製蒼朮

二七五

綠青

九六

豨薟草

二七八

十五畫

劉寄奴 五九六

墨 六五四

撫芎 五〇四

枵根皮 九〇〇

樟腦 三〇六

熟地黃 七四三

磁石 七七二

穀芽 七〇七

穀精草 二一九

箬葉 二五三

蓮 二六七

蓮子 二六七

蓮房 二六七

蓮花 二六七

蓮鬚 二六七

華撥 一八三

蔓荊子 二二六

蟲蟲 六四四

蝸牛 四八六

醋 九二〇

鬧羊花 九五五

鴉片 九五八

麩皮 七五九

橄欖 六八八

橄欖核 六八八

橘皮 五三八

橘白 五三八

橘核 五三八

橘絡 五三八

橘葉 五三八

橘瓢 五三八

橙 五四九

澤瀉 三二八

澤蘭 五八三

燈芯草 三四〇

獨活 一〇

十六畫

壁虱胡麻 三七六

燕窩

七六二

豬脬

八四九

燕窩角

七六二

豬腎

八四九

燕窩脚

七六二

豬腦

八四九

蕉油

四三七

豬腸

八四九

蕉葉

四三七

豬膚

八四九

蕎麥

七〇七

豬蹄

八四九

蕤仁

一三四

豬膽

八四九

燕蕒

九三五

豬心血

八四九

豬心

八四九

豬脊髓

八四九

豬肉

八四九

貓胞

八五六

豬肺

八四九

霍山石斛

七五一

豬胃

八四九

鮑魚

八五五

豬苓

三三七

鴨

七六三

二〇

鴨血

七六三

龍骨

八七四

龍齒

八七四

龍涎香

一三五

龍眼肉

八四二

龍眼核

八四二

龍眼殼

八四二

龍腦香

一三三

龍膽草

四三三

龜板

七六六

十七畫

營質

二四二

營實根

二四二

糞蛆

七二七

縮砂仁

一九一

縮砂花

一九一

縮砂殼

一九一

膽礬

九五

薄荷

三

薏苡仁

三四五

薏苡根

三四五

薑黃

二八八

薤白

三七九

螻蛄

三六二

蟻蟲

六四一

蟋蟀

三六二

霞天膠

三九三

霞天麴

七二〇

鮮生地

七三九

鮮地黃

七三九

鮮鐵皮石斛

七五一

鴿

八四四

鴿矢

八四四

鴿卵

八四四

麋角

七九三

麋角膠

七九三

檳榔

七一

瞿麥

三三七

臍帶

八五六

薺芎

四四七

藁本

一〇四

菹豆

二六五

菹豆花

二六五

蟬蛻

一五五

覆盆子

八八七

鎖陽

三六七

雞子

八四六

雞肝

八四六

雞蘇

七

十八畫

雞內金

八四六

礞石

七〇二

糯米

八三五

雞矢白

八四六

藕

二六七

罌粟子

九五八

雞冠血

八四六

藕節

二六七

罌粟殼

九五八

雞冠花

九〇七

藜蘆

八五

藿香

二三四

雞哺殼

八四六

藤黃

九三七

藿香梗

二三四

雞蛋殼中白皮

八四六

蟹

六四〇

蘆根

二五三

鯉魚

三六〇

蟾皮

三〇八

蘆莖

二五三

鵝血

七六三

蟾酥

三〇八

蘆筍

二五三

十九畫

獺肝

九四七

二十畫

瘧桃乾

六二五

爐甘石

三二一

礬石

九四三

稽豆皮

一六五

蘇合香

一三五

蘇梗

七

蘇方木

六六六

蘇子

七

蘆苔

四三三

露蜂房

一四九

鯽魚

三六〇

鹹芥油

六七九

黨參

八〇七

二十一畫

續斷

二八六

續隨子

六五

蠟

三九六

鐵粉

一七二

鐵落

一七二

鐵口兒茶

九〇五

鶴虱

八六

麝香

一三六

二十二畫

鰻鱺

八〇三

二十三畫

鯽魚

八〇三

二十四畫

蠶蛹

一五二

蠶繭

一五二

靈砂

八七六

二十五畫

鼈甲

七九〇

二十九畫

鬱金

五〇九

